

სახელმწიფო გამომცემლობა  
„საბჭოთა საქართველო“  
თბილისი — 1980

ილუსტრაციები ჩეხი მხატვრის  
ილზეტა დანასი



## წინასიტყვაობა

დიად ეპოქას დიდი ადამიანები ესაჭიროება. ქვეყნად უცნობი, თავმდაბალი გმირები არსებობენ, რომლებსაც ნაპოლეონის დიდება არ დაუმსახურებიათ. ისტორია მათ შესახებ არაფერს ლაპარაკობს. მაგრამ თუ გულდასმით შევისწავლით მათ საქმეებს, დავრწმუნდებით, რომ მათი დიდება თვით ალექსანდრე მაკედონელის სახელსაც კი დაჩრდილავს. ჩვენს დროში პრადის ქუჩებში შეხვდებით ღარიბულად ჩაცმულ ადამიანს, რომელიც თვითონაც ვერ გრძნობს, თუ რა უზომო ღვაწლი მიუძღვის მას ახალი, დიადი ეპოქის ისტორიაში. იგი მოკრძალებით მიდის თავისი გზით, არავის თავს არ აბეზრებს, მაგრამ არც მას ეხვევიან ბუზებივით ჟურნალისტები ინტერვიუს თხოვნით. ამ ადამიანს რომ მიმართოთ—გვითხარით, გეთყვეა თქვენი გვარიო, იგი უბრალოდ და მორიდებით გაპასუხებთ: — „შვეიცი გახლავარო“.

და მართლაც ეს ჩუმი, მოკრძალებული ადამიანი, გაცვეთილ ტანსაცმელში — ძველი ყოჩალი ჯარისკაცი შვეიცი გახლავთ, მამაცი გმირი, რომლის სახელი ჯერ კიდევ აესტრია-უნგრეთის მონარქიის დროს პირზე ეკერა ჩეხეთის სამეფოს ყველა მოქალაქეს და რომლის დიდების მზე რესპუბლიკაშიც არ ჩაესვენება.

მე გულწრფელად მიყვარს ყოჩალი ჯარისკაცი შვეიცი. მკითხველებს ვთავაზობ მის თავგადასავალს მსოფლიო ომში და დარწმუნებული ვარ, ყველანი სიმპათიის გრძნობით განიმსჭვალებიან ამ უცნობი, თავმდაბალი გმირის მიმართ: შვეიკს ცეცხლით არ გადაუბუგავს ქალღმერთის ტაძარი \* ეთესში, როგორც ეს ბრიყვმა ჰეროსტრატემ \* ჩაიდინა იმ განზრახვით, რომ გაზეთებსა და სასკოლო ქრესტომათიებში მოხვედრილიყო.

და მართო ეს კმარა შვეიკის სასახელოდ.



ნაწილთა პირველი

# ზუგუძი







თ ა ვ ი 1

### კოზორ უმღა უხი ჟოჩალა ჯარისკაცმა უვეიკმა მსოფლიო ომში

— მოგვიყვებს ჩვენი ფერდინანდი, — აცნობა ერთ დილით ახალი ამბავი უვეიკს მისმა მსახურმა დედაკაცმა.

უვეიკი ამ რამდენიმე წლის წინათ სამხედრო სამედიცინო კომისიამ იდიოტად სცნო, ამის გამო სამხედრო სამსახურიდან გავიდა და ძაღლებით ვაჭრობას მოკიდა ხელი — უჯიშო სახიჩარ ორტაბახებს შთამომავლობის ყალბ მოწმობებს უთხზავდა და ჯიშთან ძაღლებად ასაღებდა.

გარდა ამისა, იგი რევმატიზმით იყო დაავადებული, და ახლა იჯდა და ოპოდელდოკით\* მუხლებს იზღლდა.

— რომელი ფერდინანდი, პანი მიულერ? — შეეკითხა უვეიკი, თან მუხლების ზელას განაგრძობდა. — მე ორ ფერდინანდს ვიცნობდი. ერთი მათგანი ფარმაცევტ პრუშთან მსახურობდა და ერთხელ იქ შეცდომით მთელი ბოთლი თმის გასაზრდელი სითხე დალია.

კიდეც არის ფერდინანდ კოკოშკა, აი ის, ძაღლის მჩორეს რომ აგროვებს. მართალი ვითხრათ, არც ერთი მათგანის სიკვდილი არ მანადვლებს.

— არა, ჩემო ბატონო, ერცპერცოგი ფერდინანდი \* მოჰკლეს, აი ის, კონოპიშიჩეში \* რომ ცხოვრობდა, ჩასუქებული, ღვთის მორწმუნე...

— ღმერთო ჩემო, — წამოიძახა შვეიკმა, — ეს რა მესმისა კი მაგრამ სად შეემთხვა ეს უბედურება პან ერცპერცოგს.

— სარაევოში გამოასალმეს წუთისოფელს. რევოლვრით მოჰკლეს. თურმე ავტომობილში მჯდარა თავის ერცპერცოგინიასთან ერთად.

— რას ამბობთ, პანი მიულერ, ავტომობილში? რა თქმა უნდა, ასეთ დიდკაცს ავტომობილით სეირნობა შეჰფერის, მაგრამ, ალბათ, არც კი იფიქრა, რა უბედურება მოჰყვება ხოლმე ამგვარ გასეირნებებს. ისიც სარაევოში! სარაევო ხომ ბოსნიაშია, პანი მიულერ, და ეს მკვლელობა, ჩანს, თურქებმა ჩაიდინეს. რას ვეშარტლებოდით, ბოსნია და ჰერცეგოვინა რომ წავართვით\*... ხედავთ, რა ამბები ხდება, პანი მიულერ, ერცპერცოგმა, მაშასადამე, სული განუტევა, არა!

— პან ერცპერცოგი იმწამსვე გათავდა, თურმე, ბატონო ჩემო. რევოლვერი სახუმარო როდია. ამას წინათ აქ, ჩვენთან, ნუსლეში ერთი კაცი რევოლვერით ერთობოდა და მთელი ოჯახი ამოწყვიტა, ზედ კარისკაციც მიაყოლა, რომელმაც თურმე ამ დროს გარეთ გამოიხედა, ერთი გავიგო ვინ არის, მეოთხე სართულიდან რომ ისვრისო.

— ზოგიერთი რევოლვერიდან, პანი მიულერ, ბევრიც რომ ეცადოთ ერთ ტყვიასაც ვერ გაისვრით. ასეთი სისტემის რევოლვერები რამდენიც გნებავთ — იმდენია. მაგრამ პან ერცპერცოგისთვის უთუოდ განსაკუთრებული სისტემის იარაღს შეიძენდნენ. გარდა ამისა, ნაძლევს დაედებ, რომ ის კაცი, რომელმაც ესროლა, ამ შემთხვევისთვის განსაკუთრებულად მორთულ-მოკაზმული იქნებოდა. ცხადია, ერცპერცოგის საიჭიოს გასტუმრება არც ისე იოლი საქმეა. ეს ისე როდია, ვილაც მაწანწალამ მეტყევე მოჰკლას. მთელი საქმე ისაა, როგორ მიიღწევ ერცპერცოგამდე. ასეთ დიდკაცთან ძონძებში გამოხვეული ვერ მიხვალ. აუცილებლად ცილინდრი უნდა გეხუროს, თორემ პოლიციელი უშალ ხელს წაგავლებს.

— ამბობენ, ბატონო ჩემო, უამრავი ხალხი იყო.

— თავისთავად ცხადია ასე იქნებოდა, პანი მიულერ, — კვერი

დაუკრა შვეიკმა და მუხლების მასაქსაც მორჩა. — მაგალითად, თქვენ რომ ერცპერცოგის ან ხელმწიფე-იმპერატორის მოკვლა მოგესურვებინათ, უთუოდ ვინმეს რჩევას ჰკითხავდით. ერთი ჭკუა კარგია, ორი — უკეთესი. ერთი ერთს გირჩევს, მეორე — მეორეს და „გზა გახსნილია წარმატებისკენ“, როგორც ჩვენს ჰიმნში ვიმღერით ხოლმე. მთავარია — ალლო აულო, როდის ჩამოივლის ასეთი დიდი კაცი. ხომ გახსოვთ, პან ლუკენი, რომელმაც ქლიბი ჩასცა ჩვენს დედოფალ ელისაბედს \* და მოჰკლა. ლუკენი მასთან ერთად დასეირნობდა ხოლმე. პოდა, მოდი ამის შემდეგ და, ვინმეს ენდვე! მას აქეთ არც ერთი დედოფალი აღარ დადის სასეირნოდ! ასეთი რამ კიდევ ბევრს მოუვა. აი, ნახავთ. პანი მიულერ, რუსეთის მეფე-დედოფალსაც მისწვდებიან და, შეიძლება, ღმერთმა დაგვიფაროს, ჩვენს ხელმწიფე-იმპერატორამდეც მიაღწიონ, რაკი მისი ბიძისგან \* უკვე დაიწყეს... იმ მოხუცს ბევრი მტერი ჰყავს, გაცილებით მეტი, ვიდრე ფერდინანდს ჰყავდა. ამას წინათ სამიკიტნოში ერთი პანი გვიამბობდა: „მოვა დრო და, ამ იმპერატორებს ტახტიდან ერთი-მეორეს მიყოლებით კისრისტეხით გადმოყრიანო. მათ თვით სახელმწიფო პროკურატურაც ვეღარ უშველისო“. მერე აღმოჩნდა, რომ ამ კაცს თურმე ლუდის ფულიც არ გააჩნდა და მიკიტანმა პოლიციელს დაუძახა. ამისთვის მიკიტანს იმ კაცმა ერთი მაგარი სილა აჰამა, პოლიციელს კი ორი უთავაზა. მერე ის კაცი გამოსაფხიზლებლად ხელურმით \* წაიყვანეს. დიახ, პანი მიულერ, ჩვენს დროში რა არ ხდება ამ ქვეყანაზე. მაშ, კიდევ ერთი დანაკლისი ავსტრიისთვის, არა? როცა ჯარში ვმსახურობდი, იქ ერთმა ქვეითმა ჯარისკაცმა კაპიტანი მოჰკლა. გატენა თოფი და კანცელარიაში მივიდა. იქ უთხრეს, კანცელარიაში არაფერი გესაქმებო, იგი თავისაზე იდგა: კაპიტანთან მოსალაპარაკებელი საქმე მაქვსო. გამოვიდა კაპიტანი და იმ სალდათს ყაზარმიდან ქალაქში გასვლის ნებართვა ჩამოართვა. სალდათმა თოფი გადმოიღო და შიგ გულში დაახალა. ტყვიამ ზურგში გაატანა და კანცელარიაშიც მთელი ამბავი დატრიალდა: მელნიანი ბოთლი დაამსხვრია და მელანი სამსახურებრივ ქალაქებს გადაესხა.

— იმ სალდათს რაღა დაემართა? — შვეიკითხა ცოტა ხნის შემდეგ პანი მიულერი, როცა შვეიკი უკვე იცვამდა.

— ხვანჯრით თავი ჩამოიხრჩო, — უპასუხა შვეიკმა, რომელიც თავის ქვაბურა ქუდს სწმენდა. — მერე მიიი მაინც ყოფილიყო ის ხვანჯარი, ციხის დარაჯს გამოართვა, შარვალი მუარდებო. აბა ხომ არ დაელოდებოდა, ვიდრე დახვერტდნენ? ისედაც გასაგებია,

პანი მიულერ, ასეთ მდგომარეობაში ადამიანს თავგზა როგორ არ აგებნევს! ციხის დარაჯი თანამდებობიდან მოხსნეს და ექვსი თვე მი-არკვეს. მაგრამ დიდხანს არ მჯდარა, შვეიცარიაში გაიქცა, და ახლა იქ რომელიღაც ეკლესიაში ქადაგებს... ჩვენს დროში პატიოსანი ადამიანი ცოტაა, პანი მიულერ. ვფიქრობ, ერცჰერცოგი ფერდინან-დი სარაევოში სწორედ იმ ადამიანში მოტყუვდა, რომელმაც ტყვია ესროლა. დაინახა თუ არა ის კაცი, ალბათ გაიფიქრა: „უთუოდ წე-სიერი ვინმეა, რადგან მესალმებოა“. იმან კი ტყვია დაახალა. რამ-დენი ტყვია მოურტყამს? ერთი აკმარა?.

— გაზეთები, ჩემო ბატონო, წერენ, რომ ერცჰერცოგი მთლად დაცხრილული იყო. მკვლელს მთელი ვაზნები დაუცლია.


— ეს მეტად სწრაფად ხდება, პანი მიულერ, საოცრად სწრა-ფად. მე ასეთი საქმისთვის ბრაუნინგს ვიყიდდი: ერთი შეხედვით, სათამაშო გეგონებათ, იმით კი შეგიძლიათ ორ წუთში ოც ერც-ჰერცოგს მოუღოთ ბოლო, გინდა გამხდარი იყოს იგი, გინდაც მსუქანი. თუმცა, ისე რომ ვთქვათ, პანი მიულერ, მსუქანს უფრო ადვილად მოარტყამ ტყვიას, ვიდრე გამხდარს. იქნებ გახსოვთ კიდევ, პორტუგალიაში როგორ მოჰკლეს საკუთარი მეფე \*. ზვინი-ვით კაცი იყო! მეფე, კარგად მოგეხსენებათ, არც შეიძლება გამხდა-რი იყოს... ახლა მე, პანი მიულერ, სამიკიტრო „უ კალიხაში“ მივ-დივარ. თუ ვინმემ მომაკითხოს ტერიერის წასაყვანად, რომელშიც ბე მაქვს აღებული, უთხარი, ქალაქგარეთ საძაღლეში ჰყავს მო-თავსებული, რადგან სულ ახლახან ყურები დააჭრა და, სანამ ჰრი-ლობა არ მოუშუშდება, ლეკვის წაყვანა ყოველად დაუშვებელია, ყურები გაუცივდებათქო. გასაღები მეკარეს დაუტოვეთ.

სამიკიტრო „უ კალიხაში“ მარტო ერთი მუშტარი იჯდა. ეს საი-ღუმლო პოლიციის აგენტი ბრეტშნაიდერი იყო. მიკიტანი პალი-ვეცი ჰურტელს რეცხდა და ბრეტშნაიდერი ამოდ ცდილობდა სერიოზული საუბრის გაბმას.

პალივეცი ცნობილი იყო თავისი უწმაწური სიტყვა-პასუხით. მას ყოველი მეორე სიტყვის წარმოთქმისას ენაზე ეკერა „უკანა-ლი“ და „ჩონჩორიკი“. მაგრამ ამასთანავე ნაკითხი კაციც გახლ-დათ, და ყველას ურჩევდა, აბა ერთი წაიკითხეთ ვიქტორ ჰიუგოს ნაწარმოებში, ინგლისელებს რა უპასუხა ნაპოლეონის ძველმა გვარ-დიამ ვატერლოოს ბრძოლაშიო \*.

— კარგი ზაფხული გვაქვს, — ცდილობდა სერიოზული საუბ-რის ჩამოგდებას ბრეტშნაიდერი.





— ნეხვადაც არა ღირს! — უპასუხა პალივეცმა, რომელიც განჯინაში ჭურჭელს ალაგებდა.

— ხედავთ, რა ხათაბალაში ჩაგვაგდეს სარაევოში, — უკვე იმედის დაკარგვით წარმოთქვა ბრეტშნაიდერმა.

— რომელ „სარაევოში“? — ჰკითხა პალივეცმა. — ნუსლეს სამიკიტნოში ხომ არა? იქ ყოველდღე ჩხუბი და დავიდარაბაა. რალა ლაპარაკი უნდა, ნუსლე იქნება!

— ბოსნიის სარაევოში, ბატონო მიკიტანო, იქ ერცპერცოგი ფერდინანდი მოჰკლეს. რას იტყვით ამაზე?

— ასეთ საქმეებში არ ვერევი. ჯანდაბამდეც გზა ჰქონიათ, — ზრდილობიანად უპასუხა პან პალივეცმა და ჩიბუხი გააბოლა. — კაცი რომ ასეთ საქმეებში ჩაერიოს, კისერს მოიტეხს. მე მიკიტანი ვარ. ჩემთან დასაღვევად თუ შემოივლის ვინმე, ლულს მოითხოვს, მე კიდევ ავიღებ და, ჩამოვუსხამ, რამდენსაც მოისურვებს. ის რალაც სარაევო, პოლიტიკა თუ განსვენებული ერცპერცოგი — ჩვენ რაში გვეკითხება, ან რა გვესაქმება ყოველივე ამას პანკრატის \* სუნი უღის.

ბრეტშნაიდერი დაღუბდა და გულგატეხილად შეათვალერა ცარიელი სამიკიტნო.

— წინათ აქ ხელმწიფე-იმპერატორის პორტრეტი ეკიდა, — ერთი

წუთის შემდეგ ისევ ალაპარაკდა ბრეტშნაიდერი, — სწორედ იმ ადგილას, სადაც ახლა სარკეა.

— დიახ, მართალსა ბრძანებთ, — უპასუხა პან პალივეცმა, — ეკი-და. ოლონდ ბუზები ასკინტლავდნენ, ამიტომ ჩამოვიღე და სხვენზე ავიტანე, — ვინმეს თვალში რომ არ სცემოდა ეს ამბავი და შენიშვნა არ მოეცა, ამას კი უსიამოვნება მოჰყვებოდა. რა ეშმაკად მინდა ასეთი რამ!

— სარაევოში უთუოდ ცუდი მდგომარეობაა, ბატონო მიკიტანო.

პირდაპირ დასმულ ამ მზაკერულ კითხვაზე პან პალივეცმა დიდი სიფრთხილით უპასუხა:

— დიახ, ამ დროს ბოსნიასა და ჰერცეგოვინაში მეტისმეტად ცხელა. როცა იქ ჯარში ვიყავი, ჩვენი ობერ-ლეიტენანტი გაპულმებით ყინულს იღებდა შუბლზე.

— რომელ პოლკში მსახურობდით, პანე პალივეც?

— ასეთ წვრილმანებს არ ვიმახსოვრებ ხოლმე, და საერთოდ, არც მაინტერესებდა არასდროს, — უპასუხა მიკიტანმა. — არა ვარ მაინცადამაინც ცნობისმოყვარე. გადამეტებულ ცნობისმოყვარეობას ზიანის მეტი არაფერი მოაქვს.

პოლიციის აგენტი ბრეტშნაიდერი საბოლოოდ დადუმდა. მის მოლუშულ სახეს სინათლე მხოლოდ მაშინ მოეფინა, როცა სამიკიტნოში შეეიკი შემოვიდა, რომელმაც მოსელისთანავე შავი ლუდი მოითხოვა და აქვე შენიშნა:

— დღეს ვენაშიც გლოვაა.

ბრეტშნაიდერს თვალები იმედით გაუბრწყინდა და სწრაფად წარმოთქვა:

— კონოპიშჩეში ათი შავი ბაირალია გამოკიდებული.

— არა, თორმეტი იქნება, — თქვა შეეიკმა და ლუდი მოსვა.

— რატომ გგონიათ, რომ თორმეტია? — ჰკითხა ბრეტშნაიდერმა.

— სრული ანგარიშისთვის — ერთი დუეინი. უფრო ადვილი დასათვლელია, დუეინი უფრო იაფიც ჯდება, — უპასუხა შეეიკმა.

სიჩუმე ჩამოვარდა, რომელიც თვითონ შეეიკმა დაარღვია. მან ამოიხვნეშა და თქვა:

— მაშ, თქვენი ჰირი წაიღო. არა! ღმერთმა სასუფეველი დაუმკვიდროს! ველარ მოესწრო იმპერატორობას. როცა სამხედრო სამსახურში ვიყავი, ერთი გენერალი ცხენიდან გადმოვარდა და დაიმტერა. მიეშველნენ, უნდოდათ ისევ შეესვათ ცხენზე, მაგრამ მისი

საქმე უკვე გათავებული იყო, ფელდმარშლობას კი უმიზნებდა. სამხედრო აღლუმზე დაემართა ეს ამბავი. აღლუმები, საერთოდ, არასდროს კარგად არ თავდება ხოლმე, სარაევოშიც, უთუოდ, აღლუმი იყო გამართული. მახსოვს, ერთხელ ჯარის საზეიმო დათვალეობების დროს მუნდირზე მეოცე დილი ამწყვეტოდა. ამისთვის თოთხმეტი დღით ჩამსვეს. ორი დღე, ლაზარესებრ, შეკოვილ თხასავეთ \* ვეგდე. რას იზამ, სამხედრო სამსახურია — დისციპლინაა საჭირო. დისციპლინა რომ არ იყოს, ყველა თავს აიშვებდა. ჩვენი ობერ-ლეიტენანტი მაკოვეცი ყოველთვის გვეუბნებოდა: „დისციპლინა, თქვე ყეყეჩებო, აუცილებელია. დისციპლინა რომ არ იყოს, მიამუნებვივით ხეებზე აძვრებოდითო. სამხედრო სამსახური, თქვე უტვინოებო, ადამიანებად გაქცევთ“. და მართლაც, განა ეს ასე არ არის? წარმოიდგინეთ ბალი, ვთქვათ, კარლოსის მოედანზე, და ამ ბაღში ყოველ ხეზე, ვთქვათ, თითო ჯარისკაცი შემომჯდარა ყოველგვარი დისციპლინის გარეშე. ყველაზე უფრო ეს ამბავი მაშინებს.

— ყველაფერი, რაც სარაევოში მოხდა, სერბიელების ჩადენილია, — შეეცადა ბრეტშნაიდერი საუბრის შემობრუნებას.

— სცდებით, — უპასუხა შვეიკმა, — ყველაფერი ეს თურქების ბრალია. ბოსნიისა და ჰერცეგოვინის გამო.

შვეიკმა გამოთქვა თავისი აზრი ავსტრიის საგარეო პოლიტიკაზე ბალკანეთის საკითხში; თურქებმა 1912 წელს სერბია — ბულგარეთ-საბერძნეთთან ომი წააგეს; თურქებს უნდოდათ, ავსტრია მიშველებოდა, მაგრამ ეს არ გამოუვიდათ. მაშინ აიღეს და, ფერდინანდი მოუკლეს.

— შენ გიყუარს თურქები, ის ურჯულოები? — მიუბრუნდა შვეიკი მიკიტანს. — ხომ არა?

— მუშტარი მუშტარია, — თქვა პალივეცმა, — თუნდაც თურქი იყოს იგი. ჩვენ, მიკიტნებს, პოლიტიკის არაფერი გვეკითხება. გადაიხადე ლუდის საფასური, იჯექი შენთვის სამიკიტნოში და ილაყბე რამდენიც გინდა — აი ჩემი წესი. ვინ მოკლა ჩვენი ფერდინანდი — სერბიელმა თუ თურქმა, კათოლიკემ თუ მაჰმადიანმა, ანარქისტმა თუ ახალჩეხმა \* — ეს ჩემთვის სულ ერთია.

— კეთილი და პატიოსანი, ბატონო მიკიტანო, — წარმოთქვა ბრეტშნაიდერმა, რომელსაც ისევ უცრუვდებოდა იმედი, რომ ერთ-ერთი ამათგანი გაებმებოდა, — მაგრამ თქვით პირდაპირ, რომ ეს დიდი დანაკლსია ავსტრიისთვის.

მიკიტნის ნაცვლად შვეიკმა უპასუხა:



— რაღა თქმა უნდა, დანაკლისია, ენით გამოუთქმელი დანაკლისი. ფერდინანდს ვერ შეეცლი, მაგალითად, ბოთე ვინმეთი, მაგრამ კარგი იქნებოდა ცოტა უფრო სქელი კაცი რომ ყოფილიყო.

— რა გინდათ ამით თქვით? — გამოცოცხლდა ბრეტშნაიდერი.

— რა მინდა ვთქვა? — მშვიდად გაიმეორა შეიეკმა შეითხვა: — აი რა. უფრო სქელი რომ ყოფილიყო, დამბლა მოუვიდოდა ჯერ კიდევ მაშინ, როცა კონოპიშჩეში დედაბრებს აწიოკეიდა, რომლებიც მის მამულში ფიჩხსა და სოკოს აგროვებდნენ\*. უფრო სქელი რომ ყოფილიყო, ასეთი სამარცხვინო სიკვდილით აღარ პოკვდებოდა. წარმოგიდგენიათ — ხელმწიფე-იმპერატორის ბიძა და ...ტყვიით ჩააძაღლეს. ეს ხომ თავსლათის დასხმდა, ამაზე ხომ მთელი გაზეთები გაჰკივიანს ჩვენთან ბუდეიოვიცეში ამ რამდენიმე წლის წინათ ბაზრობაზე პატარა ჩხუბი მოხდა და ფეხზე მოვაპრეს, ვიღაც ბრშეტისლავ ლუდეიკს დანით ფერდი გამოფატრეს. მას ვაჟი ჰყავდა — ბოჰუსლავი. ჰოდა, სადაც არ უნდა წასულიყო ეს ბოჰუსლავი თავისი გოჭების გასასყიდად, ყველა ზურგს აქცევდა. ასე ამბობდნენ: „ეს ხომ იმის ვაჟია, ბაზარში დანით ფერდი რომ გამოფატრეს. ესეც კაი გაიძვერა იქნებო“. ბოლოს იძულებული გახდა კრუმლოვეში ხიდიდან ვლტავაში გადავარდნილიყო მერე საჭირო შეიქნა მისი იქიდან ამოთრევა, მკვლრებით აღდგენა, წყლიდან დაცლა... და მაინც სული განუტევა ექიმის ხელზე, როცა მან რაღაც შეუშხაპუნა.

— ძალიან უცნაური შედარება გამოგივიდათ, — მრავალმნიშვნელოვნად ჩაილაპარაკა ბრეტშნაიდერმა. — ჯერ იყო და, ფერდინანდზე ლაპარაკობდით, მერე ვიღაც მოვაპრეზე გადაიტანეთ ლაპარაკი.

— სრულებითაც არა, — თავს იმართლებდა შეიეკი. — ღმერთმა დამიფაროს რაიმე შედარებებისგან! პან პალივეცი კარგად მიცნობს. ხომ სიმართლეა, რომ მე ერთ ადამიანს არასოდეს მეორეს არ ვადარებ ხოლმე? ოღონდ ეს კია, არ ვისურვებდი ერცჰერცოგის ქერივის ტყავში ყოფნას. რა წყალს უნდა მისცეს თავი? ბავშვები დაუობდნენ, მამული კონოპიშჩეში უპატრონოდ დარჩა. გათხოვდეს რომელიმე სხვა ერცჰერცოგზე? რა აზრი ექნება? წავა ისევე მასთან ერთად სარაევოში და მეორედ დაქვრივდება... აი, მაგალითად, ზლივაში, ჰლუბოკეს მახლობლად, ამ რამდენიმე წლის წინათ ცხოვრობდა ერთი მეტყვევე უმსგავსი გვარისა — ვინმე პინდიური. ბრაკონერებმა იგი სიცოცხლეს გამოასალმეს; მას დარჩა ქერივი ორი ბავშვით. ერთი წლის შემდეგ ქალი გათხოვდა, ისევე

მეტყევეს გაჰყვა, მიდლოვარელ პეპიკ შალოვიცს. ჰოდა, იმასაც ბოლო მოუღეს. გათხოვდა მესამედ, ისევე მეტყევეზე და თქვა: „ღმერთს სამება უყვარს, თუ ახლაც არ შემარჩინეს ქძარი, აღარ ვიცი, როგორ მოვიქცეო“. რა თქმა უნდა, ესეც მოჰკლეს. ქალს კი ამ მეტყევეებისგან, სრული ანგარიშით რომ ვთქვათ, უკვე ექვსი შვილი ჰყავდა. ადგა ეს დედაკაცი და წავიდა პლუბოკოეში, პირდაპირ თავადის კანცელარიაში და შესჩვილა — ეს რა უბედურებაა ჩემს თავს, ერთთავად გვარს მაცვეს ამ მეტყევეებმაო. მაშინ ურჩიეს, რაეიკის საგუბარის დარაჯს იარეშს გაჰყევი ცოლადო. და წარმოიდგინეთ, ეს იარეში თევზაობის დროს წყალში ჩაახრჩვეს! ამისგანაც ორი ბავშვი დარჩა. მერე ვოდნანელ ექიმბაშზე გათხოვდა; ერთ ღამეს ამ ექიმბაშმა ცუდით გაუპო თავი ცოლს და თავისი ფეხით ქანდარმერიაში წავიდა. როცა მერე პისეკში საოლქო სასამართლოს გადაწყვეტილებით ჩამოსახრჩობად მიჰყავდათ, ხუცესს ცხვირი მოაკვნიტა და განაცხადა — ამქვეყნად დასანანებელი არაფერი მრჩებაო, და თანაც ხელმწიფე-იმპერატორის შესახებ ძალზე საძაგელი რაღაც დაურთო.

— თქვენ არ იცით, რა თქვა მასზე? — ჩაეკითხა იმედმიცემული ბრეტშნაიდერი.

— ვერ გეტყვით, იმ სიტყვების გამეორება ჯერ ვერავის გაუბედნია. ამბობენ, ისეთი საშინელი რაღაც თქვა, რომ სასამართლოს ერთი მოხელე, რომელიც თურმე ამ დროს იქ იყო, ჰკუუაზე შეიშალა და დღემდე იზოლირებული ჰყავთ, რომ არაფერი წამოცდესო. ეს ჩვენი ხელმწიფე-იმპერატორის ჩვეულებრივი შეურაცყოფა როდი იყო, სიმთვრალის დროს რომ წამოცდებოთ ხოლმე.

— ხომ არ იტყოდით, რა შეურაცყოფას აყენებენ ხელმწიფე-იმპერატორს სიმთვრალეში? — ჰკითხა ბრეტშნაიდერმა.

— გთხოვთ, ბატონებო, სხვა რამეზე ილაპარაკოთ, — ჩაერიო საუბარში მიკიტანი პალივეცი. — იცით, ასეთი რამეები არ მიყვარს. წამოაყრანტალებენ რაღაც სისულელეს, მერე წადი და უყარე კაკალი.

— თქვენ მეკითხებით, რა შეურაცყოფას აყენებენ ხელმწიფე-იმპერატორს სიმთვრალეში? — გაიმეორა შეკითხვა შეეიკმა. — ვეღვლნაირს. აბა ერთი გამოთვერით მაგრად, მოითხოვეთ დღუქრან ავსტრიული ჰიმნი და მაშინ ნახავთ, რასაც ილაპარაკებთ. — იმდენ რამეებს შეთხზავთ ხელმწიფე-იმპერატორზე, ნახევარიც რომ მართალი გამოდგეს, მთელი მისი სიცოცხლე ეყოფა. იმ მოხუცს კი, ჩვენთვის რომ ვთქვათ, ასეთი არაფერი დაუმსახურებია. მხედ-

ჯელოხაში მიიღეთ შემდეგი: ვაჟიშვილი რუდოლფი \* სრულიად ახალგაზრდა მოუყვდა, მერე ხელიდან გამოეცალა სისხლსავე ცოლი ელისაბედი, რომელსაც ქლიბით გაუხვრიტეს მკერდი, შემდეგ მიიცივლა მისი ძმა იან ორთი \*, მეორე ძმა კი — მექსიკის იმპერატორი, რომელიდაც ციხე-სიმაგრის კედელთან მიახვრიტეს\*. ახლა კიდევ, მოხუცებულობის ჟამს, ბიძა მოუკლეს. რკინის ნერვები უნდა გქონდეს ადამიანს. ამის შემდეგ გამოვა კიდევ ვინმე ლოთიბაში და ავად მოიხსენიებს ჩვენს მოხუცს. ახლა თუ რამემ იფეთქა, მოხალისედ წავალ და უკანასკნელ სისხლის წვეთამდე ვემსახურები ჩვენს ხელმწიფე-იმპერატორს!

შვეიკმა ხარბად მოსვა ლუდი და განაგრძო:

— თქვენ გგონიათ, ხელმწიფე-იმპერატორი ყოველივე ამას ასე დატოვებს? თქვენ მას კარგად არ იცნობთ. თურქებთან ომი აუცილებლად უნდა მოხდეს: „ბიძაჩემი მოჰკალით, არა? აი ესეც თქვენ, იგემეთ ჩემი მუშტიო“. ომი გარდუვალია. სერბია და რუსეთი ამ ომში დაგვეხმარებიან. დიდი შეტაკება იქნება.

შვეიკი ამ თავისი წინასწარმეტყველების დროს შესანიშნავი იყო. მისი კეთილი სახე ბადრ მთვარესავით ღვიოდა. მისთვის ყველაფერი ნათელი, მარტივი და გასაგები იყო.

— ადვილი შესაძლებელია, — განაგრძობდა იგი ავსტრიის მომავალი ბედის დასურათხატებას, — თუ ომი ატყდა თურქეთთან, ჩვენ თავს დაგვეხსმიან გერმანელები. გერმანელებს ხომ თურქების მხარე უჭირავთ! ისეთი გაიძვერები არიან, დედამიწის ზურგზე ბადალი არა ჰყავთ. მაგრამ ჩვენ შეგვიძლია კავშირი გავაბათ საფრანგეთთან, რომელიც სამოცდათერთმეტი წლიდან კბილებს ილესავს გერმანიაზე, და ყველაფერი კარგად წავა. ომი იქნება, მეტს არაფერს ვიტყვი.

ბრეტშნაიდერი წამოდგა და სიხარულით განაცხადა:

— სავსებით საკმარისია. გამოდით ერთი დერეფანში, ორიოდ სიტყვა უნდა გითხრათ.

შვეიკი გაჰყვა პოლიციის აგენტს დერეფანში, სადაც მას პატარა სიურპრიზი ელოდა: თანამესუფრემ „არწივი“ \* უჩვენა და განუცხადა — დაპატიმრებულნი ხართ, დაუყოვნებლივ პოლიციაში წამობრძანდითო. შვეიკი შეეცადა აეხსნა, ალბათ, სცდებით, ჩემო ბატონო, მე ხომ არავითარი დანაშაული არ მიმიძღვის და არც ისეთი რამ წამომცდენია, რომ ვინმესთვის შეურაცყოფა მიმეყენებინოსო.



ამაზე ბრეტშნაიდერმა განუცხადა — თქვენ რამდენიმე დანაშაული მიგიძღვით, და მათ შორის ერთ-ერთი ბრალდება სახელმწიფო ღალატიაო.

მერე ორივენი სამიკიტნოში დაბრუნდნენ და შვეიცა პალივეცს მიმართა:

— მე ხუთი ტოლჩა ლუდი შევსვი და ორი ცალი ძეხვი როპლიკით გეახელით. მომეცით ერთი ჭიქა ქლიავის ნაყენი. უკვე დროა წავიდე, რადგან დაპატიმრებული ვარ.

ბრეტშნაიდერმა პალივეცს „არწივი“ უჩვენა, ცოტა ხანს უყურა მიკიტანს, მერე უთხრა:

— ცოლი გყავთ?

— დიახ.

— თქვენი არყოფნისას შეუძლია სამიკიტნოს გაუძღვეს?

— შეუძლია.

— მაშინ ყველაფერი რიგზეა, ბატონო მიკიტანო, — მხიარულად წამოიძახა ბრეტშნაიდერმა. — იხმეთ ცოლი და გადააბარეთ სამიკიტნო, საღამოთი მოგაკითხავთ.

— ნუ სწუხხართ, — ანუგეშებდა პალივეცს შვეიკი, — დაპატიმრებული ვარ მხოლოდ და მხოლოდ სახელმწიფო ღალატისთვის.



— კი მაგრამ, მე რაღასთვის? — აწუწუნდა პალივეცი. — მე ზომ ფრთხილად მეჭირა თავი!

ბრეტშნაიდერმა ჩაიცინა და გამარჯვებული ადამიანის კილოთი უთხრა:

— იმისათვის, რომ თქვენ თქვით, თითქოს ხელმწიფე-იმპერატორს ბუზებმა დაასკინტლეს. და მაგ ხელმწიფე-იმპერატორს თავიდან გამოგიბერტყავენ.

სამიკიტნო „უ კალიხადან“ შვეიკი საიდუმლო პოლიციის აგენტის თანხლებით წავიდა. როცა ქუჩაში გავიდნენ, შვეიკმა პოლიციელს შეხედა, და თავისი გულკეთილი ღიმილით ჰკითხა:

— ტროტუარიდან გადავიდე?

— რატომ?

— ჩემის აზრით, რაკი დაპატიმრებული ვარ, ტროტუარზე სიარულის უფლება არა მაქვს.

როცა საპოლიციო სამმართველოს ალყაფის კარებში შედიოდნენ, შვეიკმა შენიშნა:

— საუცხოოდ გავატარეთ დრო! ხშირად ხართ ხოლმე სამიკიტნო „უ კალიხაში“?

იმ დროს, როცა შვეიკი კანცელარიაში შეყავდათ, სამიკიტნო „უ კალიხაში“ პან პალივეცი სამეურნეო საქმეებს თავის ატირებულ ცოლს აბარებდა და თავისებურად ამშვიდებდა:

— ნუ სტირი, ნუ ღრიალები ხელმწიფე-იმპერატორის დასკინტლული პორტრეტისთვის რა უნდა მიქნან?

ასე მომხიბლავად და თავაზიანად შედგა ფეხი მსოფლიო ომში ჩვენმა ყოჩაღმა ჯარისკაცმა შვეიკმა. ისტორიკოსები დაინტერესდებიან, როგორ შეეძლო მას ასეთი სიღრმით განეჭვრიტა მომავალი ამბები. მაგრამ შემდეგში თუ ეს ამბები მთლად იმ გზით არ წარიმართა, რომელიც შვეიკმა „უ კალიხაში“ დაგვისახა, უნდა გავითვალისწინოთ ის გარემოება, რომ შვეიკს შესაფერი დიპლომატიური განათლება არ მიუღია.

---



თ ა ზ ი II

### პოჩალი ჯარისკაცი უშვიკი საპოლიციო სამმართველოში

სარაევოში მომხდარმა თავდასხმამ მსხვერპლით აავსო საპოლიციო სამმართველო. ისინი მოყავდათ და ტუსაღთა მისაღებ კანცელარიაში მოხუცი ინსპექტორი უწყინრად ეგებებოდა მათ შემდეგი სიტყვებით:

— ეს ფერდინანდი თქვენ ძვირად დაგიჯდებათ!

როცა უვეიკი პირველ სართულზე მოთავსებულ ერთ-ერთ საკანში შეაგდეს, მას იქ ექვსი კაცი დახვდა. ხუთი — მაგიდის გარშემო იჯდა, მეექვსე კი — შუახნის მამაკაცი თითქოს სხვებს ერიდებოდა, კუთხეში საწოლზე ჩამოშვდარიყო.

უვეიკმა სათითაოდ გამოიკითხა, დაპატიმრების მიზეზი მაგიდის გარშემო მსხდომთაგან და თითქმის ერთი და იგივე პასუხი მიიღო.

— სარაევოს გამო.

— ფერდინანდის გამო.



- ერცპერცოვის მკვლელობის გამო.
- ფერდინანდის გულისთვის.
- იმისათვის, რომ სარაევოში ერცპერცოვი მოკვლეს.

შეექვსემ განაცხადა, რომ არ მსურს ამ ხუთეულთან რაიმე საერთო მქონდეს, ამის გამო შეიძლება ათასი რამ დამწამონო: მე აქ მხოლოდ იმისთვის ვზივარ, რომ ჰოლიციელი გლეხის მოკვლა მქონდა განზრახული გაძარცვის მიზნითაო.

შვეიცი. შეთქმულთა საზოგადოებას მიუჯდა, რომლებიც აგერ უკვე მეთაუჯერ უამბობდნენ ერთმანეთს, თუ როგორ მოხედნენ აქ.

ყველანი, გარდა ერთისა, დაკავებული იყვნენ ან სამიკიტნოში, ან ღვინის სარდაფში, ან კიდევ კაფეში. გამონაკლისს წარმოადგენდა მხოლოდ ძალზე ჩასუქებული, სათვალისანი მამაკაცი, ნამტირალევი თვალებით, რომელიც თავის ბინაში დაუპატიმრებიათ, რადგან მას სარაევოში მომხდარ ამბავამდე ორი დღით ადრე ორი სერბიელი ტექნიკოს სტუდენტის ნახარჯის ანგარიში დაუფარავს „უ ბრეიშკირში“, გარდა ამისა, აგენტ ბრიქსის იგი მთვრალი ენახა ამ სტუდენტებთან ერთად რეეტეზოვის ქუჩაზე მდებარე „მონმარტში“, აქაც მას სტუდენტების ნახარჯი თავისი ჯიბიდან გადაუხ-

დია, რასაც თვითონ დამნაშავე არ უარყოფდა ამ საქმის ირგვლივ შეყენებულ და მის მიერ ხელმოწერილ ოქმში.

წინასწარ გამოძიებაზე საპოლიციო უბანში ყველა კითხვაზე იგი ერთსა და იმავე სტერეოტიპულ ფრაზას გაჰყვიროდა:

— მე საწერი ქალაქის მალაზიის პატრონი ვარ!

ამაზე ისიც სტერეოტიპულ პასუხს ღებულობდა:

— ეს თქვენ არ გამართლებთ.

მეორე. ტანდაბალი მამაკაცი, რომელსაც იგივე არასასიამოვნო ამბავი შეემთხვა ღვინის სარდაფში, ისტორიის მასწავლებელი იყო და ამ სარდაფის პატრონს სხვადასხვა თავდასხმათა ისტორიებს უამბობდა. იგი შეიპყრეს სწორედ იმ მომენტში, როცა თავდასხმათა საერთო ფსიქოლოგიურ ანალიზს ამთავრებდა შემდეგი სიტყვებით:

— თავდასხმის იდეა მარტივია, ვით კოლუმბის კვერცხი.

— სწორედ ისე, როგორც თქვენ პანკრაცი გელოდებთ, — და ამთავრა მისი დასკვნა პოლიციის კომისარმა დაკითხვის დროს.

მესამე შეთქმული იყო ჰოდკოვიჩის „დობრომილის“ საქველმოქმედო წრის თავმჯდომარე. იმ დღეს, როცა თავდასხმა მოხდა, „დობრომილს“ გამართული ჰქონდა სეირნობა მუსიკით. მოვიდა ეანდარმთა ვანისტრი და ბრძანა — დაიშაღენით, რადგან ავსტრიაში გლოვის ღღებია. ამაზე „დობრომილის“ თავმჯდომარემ უწყინრად უპასუხა:

— ერთ წუთას მადროვეთ, აი დავამთავრებთ სიმღერას — „ჰეი, სლოვიანე“ \*.

ახლა იგი თავჩაქინდრული იჯდა და წუწუნებდა:

— აგვისტოში პრეზიდენტის გადარჩევები შედგება. თუ შინ არ ვიქნები, ადვილი შესაძლებელია, არ ამირჩიონ. აგერ მათე წელიწადია უცვლელად მირჩევენ თავმჯდომარედ. ასეთ შერცხვენას ვერ გადავიტან.

გასაოტარი ოინი მოუწყო მიცვალებულმა ფერდინანდმა მეოთხე პატიმარს, რომლის შესახებ უნდა ითქვას, რომ ეს გულლია, უმწიკვლო, პატიოსანი ადამიანი იყო. მთელი ორი დღე გაურბოდა იგი ფერდინანდზე ლაპარაკს. მაგრამ საღამოთი კაფეში, როცა „მარიჯეთ“ იყო გართული — და ის-იყო ჯერის მეფე კოზირის აგურის შვიდიანით მოჰკლა, დაუფიქრებლად წამოცდა.

— შეიდი პაწია ტყუია, ვითარცა სარაევოში!

— მეხუთე პატიმარს, რომელიც, როგორც თვითონ გამოტყდა,

„სწორედ ერცპერცოვის სარაევოში მკვლელობის გამო“ იჯდა, შიშისგან გულგადაქანებულს დილიდანვე თმა ყალყზე ჰქონდა დამდგარი და წვერიც აბურძგნოდა, ასე რომ მისი თავი ბანჯგვლიან პინჩერს დამსგავსებოდა. იგი რესტორანში დააპატიმრეს, სადაც კინტი არ დაუძრავს, გაზეთიც კი არ წაუკითხავს ფერდინანდის მკვლელობის შესახებ; განმარტოებით უჯდა მაგიდას თავისთვის. ახაზლად მასთან ვიღაც მამაკაცი მივიდა, პირისპირ დაუჯდა და სწრაფად შეეკითხა:

— წაიკითხეთ ამის შესახებ?

— არა, არ წამიკითხავს.

— გაიგონეთ ამის შესახებ?

— არა, არ გამიგონია.

— იცით კი, რაშია საქმე?

— არ ვიცი და არც მინდა ვიცოდე.

— კი მაგრამ, ამან ცოტათი მაინც ხომ უნდა დაგაინტერესოთ?

— არ ვიცი, რა არის მანდ ჩემთვის საინტერესო. მოვწევ სიგარას, შევსვამ რამდენიმე ტოლჩა ლუდს და ვივახშმებ. გაზეთების კითხვით კი თავს არ ავიტკივებ. გაზეთები სცრუობენ. რად მოვიშალო ნერვები.

— მაშასადამე; თქვენ არც სარაევოში მომხდარი მკვლელობა გაინტერესებთ?

— მე საერთოდ არავითარი მკვლელობა არ მაინტერესებს. პრალაში მოხდება ის, ვენაში, სარაევოში თუ ლონდონში, ამისთვის არსებობენ სათანადო დაწესებულებანი, სასამართლოები და პოლიცია. თუ ვინმეს სადმე მოჰკლავენ, ახია მის თავზე. ნუ ვამოჩენ დოკლაპიობას, შტერი ნუ იქნები და თავს ნურავის მოაკვლევინებ.

ეს იყო მისი უკანასკნელი სიტყვები. აქედან მოყოლებულა ყოველ ზუთ წუთში იგი ხმამაღლა იმეორებდა:

— დამნაშავე არა ვარ, დამნაშავე არა ვარ!

ამ სიტყვებს გაჰყვიროდა იგი საპოლიცო სამმართველოს ჰიშკართან. ამავე სიტყვებს გაიმეორებს, როცა პრალის სისხლის სამართლის სასამართლოში წაიყვანენ. ამავე სიტყვებით შეაბიჯებს საპყრობილის საკანში.

შვეიკმა, რომელმაც შეთქმულების ყველა ეს საშინელი ამბები მოისმინა, საჭიროდ დაინახა პატიმრებისთვის გაეგებინებინა, თუ რა უიმედო მდგომარეობაში იყვნენ ისინი.

— ჩვენი საქმე ხელიდან წასულია, — დაიწყო მან თავისი ნუგეშის სიტყვები. — სულ ტყუილად ფიქრობთ, თითქოს თქვენ, ესე იგი ჩვენ ყველას ეს უბრალოდ ჩაგვივლის. რაღა საქირო იქნებოდა პოლიცია, თუ არ დაგვეჯიღნენ ჩვენი გრძელი ენისთვის? რახან ისეთი არეული დრო დადგა, რომ ერცპერცოგებს ტყვიას ესვრიან, სრულებით არ უნდა გვიკვირდეს, რომ ადამიანს პოლიციაში წაათრევენ. ყველაფერი ეს შნო და ლაზათისთვისაა, რომ ფერდინანდს დაკრძალვის წინ რეკლამა შეუქმნან. რაც უფრო მეტი მოვიყრიტ აქ თავს, მით უკეთესია ჩვენთვისაც: უფრო მხიარულად ვიქნებით. როცა სამხედრო სამსახურში ვიყავი, ერთხელ ნახევარი ასეული ჩასვეს ნაობახტში. საერთოდ რამდენი უდანაშაულო ადამიანია დასჯილი არა მარტო სამხედრო, არამედ სამოქალაქო სასამართლოების მიერაც! მახსოვს, ერთხელ ერთი ქალი გაასამართლეს იმისათვის, რომ თავისი ახალდაბადებული ტყუპები მოახჩხო. თუმცა იგი იფიცებოდა, რომ არ შეეძლო ტყუპების მოკვლა, რადგან მას მხოლოდ ერთი გოგონა ეყოლა, რომელიც სულ იოლად და უწვალებლად გავგუდეთ, მაგრამ მას მაინც ორი ადამიანის შკვლელობა წაუყენეს ბრალდებად. ანდა, მაგალითისთვის, ავიღოთ ის უდანაშაულო ზაბეკლიცელი ბოშა, რომელმაც შობის წინა დამეს საწვრილმანო ღუქნის კარები შეამტვრია: იგი ირწმუნებოდა, მცოდნე და ღუქანში გასაზობად შევედიო, მაგრამ ამან, რა თქმა უნდა, არ უშველა. | თუ მართლმსაჯულების ხელში მოხვდი, მოგკამა ჰირი, ცუდად წავივა საქმე. დიახ, ცუდად, მაგრამ რა გაეწყობა.) მაინც უნდა ვალიარო, რომ ყველა ადამიანი ისეთი გაიძვერა არაა, როგორც მათზე ფიქრობენ. თუმც როგორ გინდა ახლა წესიერი ადამიანი არამზადისგან გამოარჩიო, მეტადრე ასეთ სერიოზულ დროში, როცა აგერ ფერდინანდსაც კი გააფრთხობინეს სული? ჩვენთანაც, როცა სამხედროში ვიყავი ბუდეიოვიცეში, ერთხელ ძალღი მოჰკლეს ტყეში სასწავლო მოედნის მახლობლად. ძალღი კაპიტნის აღმოჩნდა. ეს რომ კაპიტანმა გაიგო, ყველას გამოგვიძახა, დაგვაწყო და გვეუბნება: „წინ გამოვიდეს ყოველი მეათე“. თავისთავად ცხადია, მე მეათე აღმოვჩნდი. „სმენაზე“ და „სული განაბეზე“ დაედევით. კაპიტანი ჩვენს წინ მიდი-მოღის და ღრიალებს: „მაწანწალებო! ჯიბეგირებო! ძაღლიშვილებო! ხალიანო აფთრებო! ყველას თავი უნდა გიკრათ კარცერში იმ ჩემი ძაღლის მოკვლისთვის! ცომივით უნდა დაგზილოთ და გაგაბრტყელოთ ყველანი! ტყვიით დაგცხრილოთ! დანით ნაკუწ-ნაკუწად აგკეპოთ!

საშველს არ მოგცემთ, ყველას ორი კვირით ჩაგსვამთ, შვებულე-ბას არ გაღირსებთ!..“ ხომ ხედავთ, მაშინ რომელიღაც ფინიაზე იყო ლაპარაკი, ახლა კი თვით ერცჰერცოგს ეხება საქმე. აქ ყველას შიშის ქარი უნდა ჩაუდგეს, რომ გლოვა ნამდვილ გლოვასა გავდეს.

— დამნაშავე არა ვარ, დამნაშავე არა ვარ! — იმეორებდა აბურძგნილი მამაკაცი.

— იესო ქრისტეც არ იყო დამნაშავე, და მაინც ჯვარს აცვეს. არსად არასოდეს არავის არ აინტერესებდა უდანაშაულო ადამიანის ბედი. „Maul halten und weiter dienen“, როგორც სამხედროში გვეუბნებოდნენ. ეს ყველაზე კარგი საქმეა.

შვეიცი დაწვა საწოლზე და მშვიდად დაიძინა.

ამასობაში მოიყვანეს ორი ახალი პატიმარი. ერთი მათგანი ბოსნიელი იყო. იგი გალიაში დამწყვედელი ნადირივით აწყდებოდა საკანის კედლებს, კბილებს აკრაქუნებდა და თვითეული სიტყვის შემდეგ ღეღას იგინებოდა. მას აწუხებდა ის, რომ საპოლიციო სამმართველოში სავაჭრო ხონჩა დაეკარგებოდა, რომელიც საწვრილმანო საქონლით ჰქონდა გამოტენილი.

მეორე ახლადმოყვანილი პატიმარი მიკიტანი პალივეცი იყო, რომელმაც, დანახა თუ არა თავისი ნაცნობი შვეიცი, გააღვიძა იგი და ტრაგიკული ხმით წამოიძახა:

— მეც აქა ვარ!

შვეიცი გულითადად მიესალმა პალივეცს, ხელი ჩამოართვა და უთხრა:

— დიდად სასიამოვნოა. მე ვიცოდი, რომ ის კაცი თავის სიტყვას შეასრულებდა, რაკი დაგპირდათ, თქვენს წასაყვანად მოვალთო. ასეთი სიზუსტე — ურიგო როდია.

მაგრამ პალივეცმა უპასუხა, ასეთი სიზუსტისთვის მიმიფურთხებიო, და ხმადაბლა ჰკითხა შვეიკს, ქურდები ხომ არ არიან დანარჩენი პატიმრებიო: ჩემთვის, როგორც მიკიტნისთვის, ეს კარგი არ იქნებაო.

შვეიკმა განუმარტა, რომ, გარდა ერთისა, რომელიც დაპატიმრებულია ჰოლიცელი გლეხის მოკელის განზრახვისთვის გაძარცვის მიზნით, ყველა დანარჩენი ჩვენს კომპანიას ეკუთვნის: დაპატიმრებული არიან ერცჰერცოგის გამოო.

---

† ენას კბილი დააქირე და იმსახურე (გერმ.).

პალივეცმა იწყინა და განაცხადა, მე აქ ვილაც გამოთაყვანებული ერცპერცოგის გამო კი არა ვარ, თვით ხელმწიფე-იმპერატორის გულისთვის ჩაჰსვენსო. და რადგან ყველა იქ მყოფი დაინტერესდა, რაში იყო საქმე, პალივეცმა უამბო, ბუზებმა როგორ დაუსკინტლეს ხელმწიფე-იმპერატორი.

— გამითხუპნეს და დამისვარეს იმ საძაგლებმა, — დაასრულა მან თავისი ფათერაკის აღწერა, — და ბოლოს საპყრობილის კარზეც მიმიყვანეს. მე ამას ბუზებს არავითარ შემთხვევაში არ შევარჩენი! — დასძინა მან დამუქრებით.

შვეიცი ისევ მიწვა დასაძინებლად, მაგრამ არ დასცალდა, რადგან მალე დასაკითხავად წაიყვანეს.

და აი, ჩვენი ყოჩალი ჯარისკაცი შვეიცი კიბე-კიბე აღის მესამე განყოფილებაში დასაკითხად; უდრტვინველად მიათრევს გოლგოთაზე თავის ჯვარს და თავის მოწამეობას ვერ ამჩნევს. როცა კედელზე წარწერა წაიკითხა: „კიბეზე დაფურთხება აკრძალულია“, შვეიკმა სთხოვა დარაჯს საფურთხში ჩაფურთხების ნებართვა. მერე, უმანკო ბავშვის გამომეტყველებით სახეგაბრწყინებულმა ფეხი შედგა კანცელარიაში ასეთი სიტყვებით:

— გაუმარჯოს პატიოსან კომპანიას!

პასუხის ნაცვლად ვილაცამ მუჯღუგუნეი ჰკრა ფერდში და უბიძგა მაგიდისკენ, რომელსაც უჯდა ბიუროკრატის ცივი გამომეტყველების მამაკაცი, რომლის სახე მხეცის მძვინვარებას გამოხატავდა. ეს კაცი ლომბროზოს წიგნის „ბოროტმოქმედთა ტიპების“\* გაცოცხლებული გმირი გეგონებოდათ.

შვეიკს ისეთი თვალებით შეხედა, თითქოს მზად იყო მისი სისხლის დასალევად, და უთხრა:

— თავი იდიოტად ნუ მოგაქვთ!

— რა გაეწყობა, — სერიოზულად უპასუხა შვეიკმა, — სამხედრო სამსახურიდან იდიოტიზმისთვის გამათავისუფლეს. საგანგებო კომისიამ ოფიციალურად მცნო იდიოტად. მე ოფიციალური იდიოტი გახლავართ.

ბოროტმოქმედის სახის მოხელემ კბილები გააკრაქუნა.

— თქვენს მიმართ წამოყენებული ბრალდებანი და თქვენს მიერ ჩადენილი დანაშაულობანი მოწმობენ, რომ თქვენ სრულ ჭკუაზე ხართ და არც მებსხიერება გღალატობთ.

და მან იქვე ჩამოუთვალა შვეიკს მთელი რიგი სხვადასხვა დანაშაულობანი, დაწყებული სახელმწიფო ღალატით და დამთავრე-



ბული მისი უდიდებულესობისა და მეფის ოჯახის წევრების შეურაცხყოფით.

დანაშაულობათა მთელი ამ გროვიდან გამოიყოფოდა ერცპერ-ცოგ ფერდინანდის მოკვლის ვითომდა მოწონება და მხარდაჭერა, აქედან გზები ახალი დანაშაულობებისკენ მიემართებოდა, რომელთა შორის წინა პლანზე წამოწეული იყო აჯანყების წამქეზებლობა — აქაოდა, შვეიცი ამ მოწონებასა და მხარდაჭერას საზოგადოებრივ წრეში გამოთქვამდაო.

— ამაზე რაღას იტყვი? — ჰკითხა მძვინვარების გამომხატველი სახის მოხელემ, ვით მჯობნე შეეკითხება დამარცხებულს.

— სავსებით საკმარისია, — უბრალოდ უპასუხა შვეიკმა. — ყოველნაირი გადაშეტება ზიანის მომტანია.

— აი, ხომ ხედავთ, თვითონ აღიარებთ...

— მე ყველაფერს ვაღიარებ. სიმკაცრე აუცილებელია. სიმკაცრის გარეშე ვერაფერ ვერაფერს ვერ მიაღწევდა. იმისი არ იყოს, როცა სამხედროში ვმსახურობდი...

— ხმაი კრინტი! — უყვირა პოლიციის კომისარმა შვეიკს. — ილაპარაკეთ მაშინ, როცა შეგეკითხებიან. გასაგებია?

— როგორ არა, — თქვა შვეიკმა. — მაქვს პატივი მოგახსენოთ, რომ გასაგებია, და ყოველივეში, რის თქმასაც ინებებთ, შევძლებ გარკვევას.

— ვისთან გაქვთ კავშირი?

— ჩემს მსახურ ქალთან, თქვენო მოწყალეზე.

— რაიმე ნაცნობობა ხომ არა გაქვთ აქაურ პოლიტიკურ წრეებში?

— როგორ არა, თქვენო მოწყალეზე. ვციდულობ სალამოს გამოშვების „ნაციონალურ პოლიტიკას“, — „ჩუბიჩკას“\*.

— გაეთრიე აქედან! — დაიღრიალა მხეცური სახის პოლიციის კომისარმა.

როცა შვეიკი კანცელარიიდან გაყავდათ, მან თქვა:

— ღამე ნებისა, თქვენო მოწყალეზე.

შვეიკი დაბრუნდა თავის საკანში და პატიმრებს აცნობა, რომ ეს დაკითხვა კი არა, რაღაც მასხრობააო: ცოტას შემოგიტევენ, დაგიცაცხანებენ, ბოლოს გარეთ გამოგადგებენო.

— წინათ, — შენიშნა შვეიკმა, — გაცილებით უარესი იყო. რომელიღაც წიგნში წამიკითხავს, რომ ბრალდებულებს თავისი უდანაშაულობის დასამტკიცებლად გავარჯიარებულ რკინაზე ფეხშიშ-

გელა უნდა გაეელოთ, და გაღღობილი ტყვია გადაეყლაპათ. ვინც არ გამოტყდებოდა, ფეხებზე ესპანურ ჩექმებს ატყევენ და საწამებელ ძელზე აკრავდნენ, სახანძრო ჩირალდნით ფერდებს სწავდნენ, როგორც, მაგალითად, წმიდა იან ნეპომუცკის \*. ამ დროს იგი, ეს წმიდანი, თურქე, ისე ბლაოდა, თითქოს დანით სჭრიდნენ და არ გაჩუმებულა, სანამ წყალგაუმტარ ტომარაში არ გამოკერეს და ელიშქინის ხიდიდან \* წყალში არ გადაუძახეს. ასეთი შემთხვევები რამდენიც გნებავთ, იმდენია. ადამიანს შაყას ჰკრავდნენ ან სარზე ჩამოაგებდნენ და სადმე მუზეუმის გვერდით გამოდგამდნენ. თუ დამნაშავეს მხოლოდ და მხოლოდ ორმოში ჩააგდებდნენ, რომ იქ შიმშილით სული ამოძრომოდა, ასეთი ადამიანი ისე გრძნობდა თავს, თითქოს ახლა იშვა ამქვეყნადო. ჩვენს დროში საპყრობილეში ჯდომა — ფრიად სასიამოვნოა — იკვებნიდა შვეიკი. — არავითარი შაყას კვრა, არავითარი ხუნდები. საწოლი გვაქვს, მერხები გვაქვს, ადგილის მხრივ სიხალვათეა, სასმელ-საჭმელი გვეკუთვნის და გვაძლევენ კიდევ, მთელი ერთი კათხა წყალი მოაქვთ, ფეხისადგილიც პირდაპირ ცხვირწინ გვაქვს. ყველაფერში პროგრესი ჩანს. ეს კია, რომ ცოტა შორს გიხდება ადამიანს სიარული დაკითხვაზე — სამ კიბეზე უნდა ახვიდე ზედა სართულში, სამაგიეროდ კიბეებზე სისუფთავეა და გაცხოველებული მისგლა-მოსვლა. ერთი აქეთ მოყავთ, მეორე — იქით. აგერ ახალგაზრდას შეხვდები, ეგერ — მოხუცს, ქალებს, მამაკაცებს. გიხარიათ, რომ აქ მარტო მაინც არა ხარ. თვითეული გულდამშვიდებით მიდის თავისი გზით, და არ ჰირდება ფიქრი და ტანჯვა იმის გამო, რომ მას კანცელარიაში ეტყვიან: „ჩვენ მოვითათბირეთ, და ზვალ დასჯილი იქნებით შაყას კვრით ან ცოცხლად დაგწვავენ, — რომელიც გენებოთ, ამოირჩიეთ“. ასეთი არჩევანი არც ისეთი იოლი გახლავთი ვფიქრობ, ბატონებო, რომ ბევრ ჩვენგანს ასეთ მომენტში დამბლა დაეცემოდა. დიახ, პირობები ახლა ჩვენს სასარგებლოდ შეიცვალა.

შვეიკმა ის-იყო დაასრულა დასაცავი სიტყვა თანამედროვე ციხეში პატიმრობის შესახებ, როცა ზედამხედველმა კარი გააღო და დაიძახა:

— შვეიკ, ჩაიცივით, დაკითხვაზე წამოდი!

— ჩავიცვამ, რა თქმა უნდა, — უპასუხა შვეიკმა. — ამის საწინააღმდეგო არაფერი მაქვს. მაგრამ, ჩემის აზრით, აქ რაღაც გაუგებრობაა. მე ერთხელ უკვე გამომაგდეს დაკითხვიდან. გარდა ამისა, ვშიშობ, რომ დანარჩენი პატივცემულნი, რომლებიც აქ იმ-

ყოფებიან, ჩემზე არ გაჯავრდნენ იმის გამო, რომ მე დაკითხვაზე აგერ უკვე მეორეჯერ მივდივარ, მათ კი მთელი ამ საღამოს განმავლობაში ერთხელაც არ გამოუძახეს. პატივცემულთ შეუძლიათ პრეტენზია იქონიონ ჩემს მიმართ.

— გამოეთრიე და ენას ნუ ატარტალები — მიიღო პასუხად შვეიკმა თავის ამ ჯენტლმენობაზე.

შვეიკი ისევ იმ ბოროტმოქმედის სახის მოხელესთან აღმოჩნდა. მან ბევრი ბოდიში არ დაუწყო და პირდაპირ მიახალა:

— აღიარებთ თუ არა დანაშაულს?

„შვეიკმა მიაპყრო თავისი კეთილი, ცისფერი თვალები ამ ულმობელ ადამიანს და რბილად უთხრა:

— თუ თქვენ გნებავთ, თქვენო მოწყალეებავ, რომ მე გამოეტყდე, ინებეთ, ვაღიარებ ყველაფერს. ამით მე არაფერს ვკარგავ. მაგრამ თუ თქვენ მეტყვით: „შვეიკი, არაფერში გამოტყდეთ“, —

ყოველნაირად შევეცდები თავი დავიძვრიხო, სანამ სული მიდგას. მკაცრმა მოხელემ რაღაც მიაწერა აქტზე, შვეიკს მიაწოდა კალამი და უთხრა, ხელი მოაწერეო.

შვეიკმა ხელი მოაწერა ბრეტშნაიდერის ჩვენებას შემდეგი დამატებით:

„ყველა ზემოაღნიშნულ ბრალდებას, წამოყენებულთ ჩემს მიმართ, სამართლიანად ვთვლი.

იოზეფ შვეიკი“.

ქალალს რომ ხელი მოაწერა, შვეიკი მკაცრ მოხელეს მიუბრუნდა:

— კიდევ არის რამე ხელმოსაწერი? თუ დილით მოვიდე?

— დილით სისხლის სამართლის სასამართლოში წაგაბრძანებენ, — იყო პასუხი.

— რომელ საათზე, თქვენო მოწყალეებავ, რომ, ღმერთმა დამითაროს და, როგორმე ძილში წასვლის დრო არ გამომეპაროს?

— გაეთრიე აქედან — მეორედ გაისმა ღრიალი მაგიდის იქითა მხრიდან.

როცა შვეიკი თავისი სახლკარის ნაცვლად გისოსით შემოლობილ კერაში ბრუნდებოდა, გზაში თავის მხლებელ ჯარისკაცს უთხრა:

— აქ ყველაფერი თითქოს წინასწარ გათვალისწინებული განრიგით მიმდინარეობს.

როგორც კი შვეიკის ზურგს უკან კარი გადარაზეს, პატიმარ —

ამხანაგებმა ათასნაირი კითხვები დააყარეს, რომლებზეც შვეიკმა ნათლად და მკაფიოდ უპასუხა:

— შე ეს-ესაა გამოვტყდი, რომ, სულ ადვილი შესაძლებელია, ერცპერცოგი ფერდინანდი ჩემი მოკლული იყოს-მეთქი.

პატიმრები დაფეთებული მივარდნენ საწოლებს და დატილიანებული საბნები თავზე წაიხურეს.

მარტო ბოსნიელმა წამოიძახა:

— მომილოცნია!

როცა წებოდა, შვეიკმა შენიშნა:

— პირდაპირ უთაურობაა, რომ მალეიძარა არა გვაქვს.

დილით იგი უმალვიძაროდაც ადვილად გააღვიძეს, და ზუსტად ექვს საათზე საოლქო სისხლის სამართლის სასამართლოში წაიყვანეს „მწვანე ანტონით“.

— ნათქვამია: ადრე ამდგარი ჩიტი ნისკარტს იწმენდს, მძინარა — თვლებს იფშენეტს, — უთხრა თავის თანამგზავრებს შვეიკმა, როცა „მწვანე ანტონი“ \* საპოლიციო სამმართველოს ჭიშკრიდან გადიოდა.





### თ ა ზ ი III

## შვეიციის სასამართლოს ექიმების წინაშე

საოლქო სისხლის სამართლის სასამართლოს სუფთა, მყუდრო ოთახებში მეტად კარგი შთაბეჭდილება მოახდინეს შვეიცზე: თეთრად შეფეთილმა კედლებმა, შავმა გაკრიალებულმა გისოსებმა და თვით გამოძიებაში მყოფ ტუსაღთა განყოფილების უფროსმა ზედამხედველმა, ჩასუქებულმა პან დემარტინმა თავისი იისფერი საკილოვებითა და იისფერკანტიანი ქუდით. აღსანიშნავია, რომ ეს ფერი იისა შემოდებული იყო არა მარტო აქ, არამედ საეკლესიო წესების შესრულების დროსაც — დიდი მარხვის ოთხშაბათსა და ვხების პარასკევს.

განმეორდა იერუსალიმზე რომის ბატონობის საყოველთაოდ ცნობილი ისტორია. ტუსაღები გამოყავდათ და ამწკრივებდნენ სარდაფში, 1914 წლის პილატების სასამართლოს წინაშე; გამოძიებლები, — ეს თანამედროვე პილატები, — ნაცვლად იმისა, რომ პატიოსნად ხელი დაებანათ, ტესიგში \* არბენინებდნენ დენშიციებს პილპილით შენელებულ შემწვარ-მოხრაკულებისა და პლზენის

ლუდის მოსატანად, სახელმწიფო პროკურატურისთვის კი სულ ახალ და ახალ გამოგონილ საბრალმდებლო მასალებს თხზავდნენ.

აქ უმეტეს შემთხვევაში ყოველგვარი ლოგიკის გზა-კვალი იკარგებოდა და იმარჯვებდა პარაგრაფი, ახრჩობდა პარაგრაფი, იდიოტობდა პარაგრაფი, დასცინოდა პარაგრაფი, იფურთხებოდა პარაგრაფი, იმუქრებოდა პარაგრაფი, ჰკლავდა და არასოდეს არ იწყნარებდა პარაგრაფი. ესენი იყვნენ კანონების ქონგლიორები, კანონის მედავითნურად, სიტყვა-სიტყვით დამცველები, ბრალდებულთა შემმუსვრელნი, აესტრიის ჯუნგლების ვეფხვები, რომელთაც გამოზომილი ჰქონდათ თავისი ნახტომი ბრალდებულისთვის წაყენებული პარაგრაფების რაოდენობის მიხედვით.

გამონაკლისს რამდენიმე კაცი წარმოადგენდა (სწორედ ისე, როგორც საპოლიციო სამმართველოში), რომლებიც კანონს მაინცდამაინც დიდ ანგარიშს არ უწევდნენ: სარეველაშიც ხომ მოიძებნება ხოლმე ხორბლის მარცვალი.

ერთ-ერთ ასეთ ადამიანთან მიიყვანეს შვეიკი დასაკითხად. ეს იყო ხანში შესული გულკეთილი მამაკაცი, რომელიც ოდესღაც ცნობილი მკვლელის ვალეშის დაკითხვას აწარმოებდა და ბოროტმოქმედს წარამარა თავაზიანად ეუბნებოდა: „დაბრძანდით, გეთავაზობ, პანე ვალეშ, აი სწორედ აგერ თავისუფალი სკამია“.

შვეიკი რომ მიიყვანეს, სასამართლოს გამომძიებელმა მისთვის ჩვეული თავაზიანობით სთხოვა დაბრძანდითო, მერე ასე მიმართა:

— მაშ თქვენ სწორედ ის პანე შვეიკი ბრძანდებით?

— ვფიქრობ, რომ სწორედ შვეიკი უნდა ვიყო, — უპასუხა შვეიკმა, — რადგან ცხონებული მამაჩემიც შვეიკი იყო და ჩემი დედიკოც პანი შვეიკი გახლდათ. როგორ შემიძლია ჩემს გვარზე უარი ვთქვა და ამით მშობლების ხსოვნას ჩრდილი მივაყენო.

თავაზიანმა ღიმილმა გადაურბინა სახეზე სასამართლოს გამომძიებელს.

— ეს რა ამბები ჩავიდენიათ? კისერზე ბევრი ცოდვა გაწევთ.

— მე ყოველთვის ბევრი ცოდვა მაწევს კისერზე, — უპასუხა შვეიკმა, და ბატონ გამომძიებელზე უფრო თავაზიანად გაიღიმა. — ჩემს კისერზე შეიძლება კიდევ უფრო მეტი ცოდვა იყოს, ვიდრე თქვენსაზე, თქვენო მოწყალეზავ.

— ეს თქვენს მიერ ხელმოწერილ ოქმიდან ჩანს, — იმავე თავაზიანი კილოთი განაგრძობდა სასამართლოს გამომძიებელი. — პოლიციაში იძულებითი ზომებისთვის ხომ არ მიუმართავეთ?

— რას ამბობთ, თქვენო მოწყალეზავ. მე თვითონ ვიკითხე,



საჭიროა თუ არა ოქმზე ჩემი ხელმოწერა-მეთქი, და როცა მითხრეს, მოაწერეთო, ავიღე და, მოვაწერე. აბა, ჩხუბსა და აყალმაყალს ხომ არ ავტეხავდი ჩემივე ხელის მოწერისთვის. რა თქმა უნდა, ეს ჩემთვის კარგი არ იქნებოდა. ყველაფერში წესრიგი უნდა სუფევდეს.

— პანე შვეიკ, სავსებით ჯანმრთელად გრძნობთ თავს?

— დიახ, თქვენო მოწყალეზავ, ისე კარგად ვარ, რომ მეტი აღარ შეიძლება, ოღონდ რევმატიზმი მაწუხებს და ოპოდელდოკით ვიზილავ სხეულს.

მოხუცმა ისევ თავაზიანად გაიღიმა.

— რას იტყოდით, სასამართლოს ექიმებთან რომ გაგაგზავნოთ თქვენი ჯანმრთელობის შესამოწმებლად?

— მე ვფიქრობ, რომ ჩემი საქმე არცთუ ისე ცუდათაა, ბატონ ექიმებს დრო დავაკარგვინო შემოწმებაზე. მე უკვე შემამოწმებართმა ექიმმა საპოლიციო სამმართველოში, სუსუნატი ხომ არ გკირსო.

— იცით რა, პანე შვეიკ, ჩვენ მაინც ვცადოთ და მიემართოთ სასამართლოს ექიმებს. შევარჩევთ კარგ კომისიას, თქვენ კი წინასწარი პატიმრობის საკანში მოგათავსებენ, სადაც ჯეროვნად დაის-

ვენებთ. კიდევ ერთი საკითხი. ოქმიდან ჩანს, თითქოს თქვენ ავრცელებდით ხმებს იმის შესახებ, რომ სულ მალე ომი იფეთქებსო?

— იფეთქებს, თქვენო მოწყალებავ ბატონო მრჩეველო, ძალიან მალე იფეთქებს.

— ავიზნე ხომ არ გპირთ? ბნელისგან ხომ არასოდეს წაქცეულხართ?

— ბოლიშს ვიხდი, მაგრამ უნდა მოგახსენოთ, რომ „არა“. მართალია, ერთხელ კინალამ წავიქეცი კარლოსის მოედანზე, როცა გვერდი გამკრა ავტომანქანამ, მაგრამ მას შემდეგ ბევრმა წყალმა ჩაიარა.

ამით დამთავრდა დაკითხვა. შევიკმა ხელი ჩამოართვა სასამართლოს გამომძიებელს და, როცა თავის საკანში დაბრუნდა, პატიმრებს უთხრა:

— მაშ ასე: გამოდის, რომ ერცპერცოგ ფერდინანდის მკვლელობისთვის შემამოწმებენ სასამართლოს ექიმები.

— მეც შემამოწმეს სასამართლოს ექიმებმა, — თქვა ახალგაზრდა პატიმარმა, — როცა ხალიჩების ქურდობისთვის მსაჯულთა წინაშე წარვდექი. სუსტი გონების ადამიანად ჩამთვალეს. ახლა ორთქლის სალუწი მანქანა ლოთობაში გაეფლანგე, და ამისთვის უკვე აღარაფერი მომელის. გუშინ ჩემმა ვეჟილმა მითხრა, რომ თუ ერთხელ უკვე სუსტი გონების ადამიანად ჩამთვალეს, ეს მთელ შენს სიცოცხლეში გამოგადგებაო.

— მე ამ სასამართლოს ექიმებს სრულებით არ ვენდობი, — შენიშნა ინტელიგენტური სახის მამაკაცი. — როცა ყალბ თამასუქებს ვაკეთებდი, ყოველი შემთხვევისთვის პროფესორ ჰევეროხის ლექციებზე დავდიოდი. ბოლოს დამიჭირეს და თავი მოვიავადმყოფე, ვითომ დამბლადაცემული ვარ-თქო, ზუსტად ისე, როგორც პროფესორი ჰევეროხი \* აგვიწერდა: კომისიის ერთ სასამართლოს ექიმს ფეხზე ვუკბინე, სამელნედან მელანი გადავკარი და მთელი კომისიის თვალწინ, — მაპატიეთ, ბატონებო, კადნიერება, — იქვე კუთხეში მოვისაქმე. მაგრამ სწორედ იმიტომ, რომ ამ კომისიის ერთ-ერთ წევრს ვუკბინე, სავსებით ჯანმრთელად ჩამთვალეს, და ამან დამღუპა.

— მე ამ შემოწმებების სრულებით არ მეშინია, — ჭანაცხადა შევიკმა. — როცა სამხედროში ვმსახურობდი, ერთმა ბეითალმა ექიმმა გამსინჯა, და ყველაფერი რიგზეაო, მითხრა.

— სასამართლოს ექიმები — გაიძვერები არიან — გამოეხმაურა ტანმორჩილი მოკუნტული მამაკაცი. — ამ ცოტა ხნის წინათ ჩემს



შინდორში როგორღაც შემთხვევით ადამიანის ჩონჩხი ამოთხარეს. სასამართლოს ექიმებმა განაცხადეს, ეს კაცი მოკლულია ბლაგვი იარაღით, რომელიც თავში დაურტყამთ ამ ორმოცი წლის წინათო. მე ოცდათვრამეტი წლისა ვარ, მაგრამ მაინც ჩამსვეს, თუმცა მაქვს ნათლობის მოწმობა, ამონაწერი მეტრიკული წიგნიდან და ბინადრობის მოწმობაც.

— მე ვფიქრობ, — თქვა შვეიკმა, — ადამიანმა ყველაფერს გულგრილად უნდა უყუროს. თვითულ ჩვენგანს შეიძლება შეცდომა მოუვიდეს, და ვინცობაა ადამიანმა რამეზე დიღხანს იფაქრა, მაშინ, ლაპარაკი არ უნდა, უეჭველად შეცდება. ექიმებიც ხომ ადამიანები არიან, ადამიანისათვის კი შეცდომის დაშვება ჩვეულებრივი ამბავია. ერთხელ ნუსლეში, სწორედ ბოტიჩის \* ხიდან, როცა ღამით „ბანზეტიდან“ \* ვბრუნდებოდი, ერთი მამაკაცი მომიხლოვდა და თავში კეტი მხეთქა; მე, რა თქმა უნდა, იქვე ჩავიკეცე, იმ კაცმა კი ფარანი დამანათა და წარმოთქვა: „შეცდომაა, ეს ის არააო! ამ შეცდომამ იგი ისე გააბრაზა, რომ აიღო და, ახლა ზურგში მითაქა. ასე უწერია ადამიანს თავის სიცოცხლეში — სიკვდილამდე შეცდომებს ვერ ასცდესო. კიდევ ასეთი შემთხვევა იყო: ერთი კაცი ღამით ნახევრად გათოშილ, ცოფიან ძაღლს წააწყდა, წაიყვანა შინ და ცოლს ლოგინში შეუწვინა. ძაღლი შეთბა, მოსულიერდა და მთელი ოჯახი დაქბინა, ყველაზე პატარა კი აკვანში დაგლიჯა და შესანსლა. მოგიყვანთ კიდევ ერთ მაგალითს, როგორ შეცდა ჩვენი ეზოს ერთი ხარატი. ერთხელ ეს ხარატი პოდოლის ეკლესიას მიადგა და თავისი გასაღებით მისი კარები გააღო, — ეგონა, შინ მივედიო, ფეხთ გაიხადა სამოსსაცავეში, — ეგონა, ჩემს სამზარეულოში ვიმყოფებო, დაწვა ტრაპეზზე, — ეგონა, შინ, ჩემს საწოლში ვარო, საღვთო წარწერებიანი საფარველი წაიხურა, თავქვეშ კი სახარება ამოიღო და სხვა საღვთო წიგნებიც, რომ თავი შემალღებული ჰქონოდა. დილით იგი იქ ეკლესიის დარაჯმა ნახა, ჩვენმა ხარატმა კი, როცა გონს მოვიდა, გულუბრყვილოდ განუცხადა, შეცდომა მომივიდაო. „კარგი შეცდომაა! — ეუბნება ეკლესიის დარაჯი. — ამ შეცდომისთვის ეკლესიის ხელახლა კურთხევა მოგვიხდებო“. ამის შემდეგ ეს ხარატი სასამართლოს ექიმების წინაშე წარსდგა და ამ ექიმებმა დაუმტკიცეს, რომ იგი სრულ ჰქუაზე იყო და სავსებით ფხიზელი, — აბა ფხიზელი რომ არ ყოფილიყო, გასაღებს რანაირად შოარგებდა კლიტესო. მერე ეს ხარატი პანკრაცში მოკვდა... გაიძობთ კიდევ ერთ მაგალითს, კლადენში როგორ შეცდა სახელ-

განთქმულ როტმისტრ როტერის პოლიციის მეძებარი ძაღლი. როტმისტრი როტერი წვრთნიდა და გეშავდა ძაღლებს მაწანწალებზე მანამ, სანამ მაწანწალებმა კლადენის რაიონში წანწალს თავი არ დაანებეს, ბოლოს ისინი შიშით ახლოსაც აღარ ეკარებოდნენ ამ რაიონს. მაშინ როტერმა ანდარებებს უბრძანა, ქვა გახეთქეთ და, მოძებნეთ ვინმე საეჭვო პიროვნება და მომგვარეთო. ერთხელ მას საკმაოდ კარგად ჩაცმული მამაკაცი მიუყვანეს, რომელსაც ლანის ტყეში წააწყდნენ. იქ იგი, თურმე ჯირკზე იჯდა. როტერმა უმაღ უბრძანა, ფიჯაკზე კალთა მოაჭერთო, და ამ ნაჭერს თავის მეძებრებს ასუნებინა. მერე ის კაცი, ქალაქგარეთ წაიყვანეს აგურის ქარხანაში, და მის კვალზე ყველაზე უფრო დაგეშილი ძაღლები გაუშვეს, რომლებმაც იგი იპოვეს და უკან მოიყვანეს. შემდეგ ამ კაცს უბრძანეს კიბით სხვენზე ამძვრალიყო, ქვის ლობეზე გადამხტარიყო და გუბურაში ჩამხტარიყო, თან ძაღლები მიუსიეს. ბოლოს გამოირკვა, რომ ეს კაცი რადიკალი-დემუტატი ყოფილა, რომელიც ლანის ტყეში გასასეირნებლად წასულა, როცა პარლამენტში ჯდომა მოზეზრებია. აი, ამიტომ ვამბობ, რომ აღმინანისთვის შეცდომის დაშვება ჩვეულებრივი ამბავია-მეთქი, სწავლული იქნება ის თუ უსწავლელი ბოთე. მინისტრებიც სცდებიან ხოლმე.

სასაძართლოს სამედიცინო კომისია, რომელსაც უნდა დაედგინა, პასუხისმგებელია თუ არა შვეიცი თავისი ფსიქიკური მდგომარეობის გამო ყველა იმ დანაშაულზე, რაშიც ბრალი ედებოდა, სამი არაჩვეულებრივად სერიოზული მამაკაცისგან შესდგებოდა, ამასთანავე ერთის აზრი არაფერში ეთანხმებოდა დანარჩენი ორისას, ამათი აზრები კიდევ ერთიმეორეს ეწინააღმდეგებოდნენ. აქ წარმოდგენილი იყო ფსიქიატრების სამი სხვადასხვა სკოლა.

და თუ შვეიკის შემოწმებისას ეს სამი მოწინააღმდეგე მეცნიერული ბანაკი სრულ შეთანხმებამდე მივიდა, ამის ახსნა შეიძლება მხოლოდ იმ უდიდესი შთაბეჭდილებით, რომელიც შვეიკმა მოახდინა მთელ კომისიაზე, როცა მან, შედგა თუ არა ფეხი დარბაზში, სადაც მისი ფსიქიკური მდგომარეობა უნდა გამორკვეულიყო, და დაინახა თუ არა კედელზე ავსტრიის იმპერატორის პორტრეტი, ხმაშალა შეჰყვირა: „ბატონებო, გაუმარჯოს ხელმწიფე-იმპერატორ ფრანც იოსებ პირველს!“

საქმის ვითარება სავსებით ნათელი იყო. შვეიკის მიერ საკუთარი თაოსნობით გაკეთებული განცხადების გამო მთელი რიგი შეკითხვები მოიხსნა და დარჩა მარტო რამდენიმე ყველაზე უფრო

მნიშვნელოვანი საკითხი. მათზე პასუხებს უნდა დაედასტურებინა ფსიქიატრიის დოქტორის კალერსონის, დოქტორ ჰევეროხისა და ინგლისელ ვეიკინგის \* სისტემის საფუძველზე წინასწარ შედგენილი მოსაზრებანი.

— რადიუმი უფრო მძიმეა თუ კალა?

— არ ამიწონია, გეთაყვა, — უპასუხა თავისი მომხიბლავი დიმილით შევიკმა.

— გწამთ ქვეყნის დასასრული?

— ჯერ უნდა ვიხილო ეს დასასრული. ყოველ შემთხვევაში ხვალ არ იქნება ეს დასასრული, — დამარწმუნებლად უპასუხა შევიკმა.

— საქმე საქმეზე რომ მიდგეს, შეძლებდით დედამიწის დიამეტრის გამოანგარიშებას?

— ბოდიშს ვიხდი, ვერ შევძლებდი, — უპასუხა შევიკმა. — მაგრამ შეც მაქვს, ბატონებო, სურვილი, მოგცეთ ერთი გამოცანა. დგას ოთხსართულიანი სახლი, თვითნებულ სართულზე რვა ფანჯარაა, სახურავზე ორი საძვრცხულეა და ორი საკვამლე მილი, თვითნებულ სართულში ორი მობინადრე ცხოვრობს. ახლა მითხარით, ბატონებო, რომელ წელს გარდაეცვალა მეუზოვეს ბებია?

სასამართლოს ექიმებმა მრავალმნიშვნელოვნად გადახედეს ერთმანეთს. ერთმა მათგანმა მაინც მისცა კიდეც ასეთი შეკითხვა:

— ხომ არ იცით, წყნარი ოკეანის უდიდეს სიღრმეს რა შეადგენს?

— მაპატიეთ, გეთაყვა, მაგრამ ეგ მე არ ვიცი, — გაისმა პასუხი, — მაგრამ ვფიქრობ, რომ იქ უთუოდ უფრო ღრმა იქნება, ვიდრე ვიშეპრადის კლდესთან ვლტავაზე \*.

— საკმარისია, — ლაკონიურად წარმოთქვა კომისიის თავმჯდომარემ.

მაგრამ ერთ-ერთმა წევრმა ითხოვა, კიდეც ერთი შეკითხვის ნება მომეცითო:

— რამდენი იქნება, თორმეტი ათას რვაას ოთხმოცდაჩვიდმეტი გამრავლებული ცამეტი ათას რვაას სამოცდასამზე?

— შეიდას ოცდაცხრა, — წარბშეუხრელად უპასუხა შევიკმა.

— ჩემის აზრით, სავსებით საკმარისია, — თქვა კომისიის თავმჯდომარემ. — შეგიძლიათ ბრალდებული წაიყვანოთ წინანდელ ადგილას.

— მაღლობას მოგახსენებთ, ბატონებო, — თავზიანად უპასუხა შევიკმა. — ჩემთვისაც ასევე სავსებით საკმარისია.

შვეიციის წასვლის შემდეგ სამისგან შემდგარი კოლეგია ერთიან დასკვნამდე მივიდა: შვეიცი სულმთლად სულელი და იდიოტიაო, ზუნებებს ყველა იმ კანონის შესაბამისად, რომლებიც აღმოჩენილია სახელგანთქმული სწავლული მეცნიერ-ფსიქიატრების მიერ. დასკვნაში, რომელიც სასამართლოს გამომძიებელს გადაეცა, სხვათა შორის ეწერა:

„ქვემოთ ხელისმომწერი სასამართლოს ექიმები შეთანხმდნენ იმაზე, რომ ზემოაღნიშნული კომისიის წინაშე წარმდგარ იოზეფ შვეიკს ახასიათებს სრული ფსიქიკური სიჩლუნგე და თანდაყოლილი კრეტინიზმი. მისი კრეტინიზმი თვალცხადლივ გამომდინარეობს განცხადებიდან: „გაუმარჯოს იმპერატორ ფრანც იოსებ პირველს“, რაც საესებით საქმარისია, რომ განვსაზღვროთ იოზეფ შვეიკის ფსიქიკური მდგომარეობა, როგორც აშკარა იდიოტისა. აქედან გამომდინარე ქვემოთ ხელისმომწერი კომისია წინადადებას იძლევა:

1. გაუქმდეს სასამართლო ძიება იოზეფ შვეიკის საქმეზე და
2. გადაიგზავნოს იოზეფ შვეიკი ფსიქიატრიულ კლინიკაში იმის გამოსარკვევად, რამდენად საშიშია ადამიანთა საზოგადოებრივის მისი ფსიქიკური მდგომარეობა.

იმ დროს, როცა ამ დასკვნას ადგენდნენ, შვეიკი თავის პატიმარ ამხანაგებს უამბობდა:

— ფერდინანდის საქმე ფეხებზე დაიკიდეს და ჩემთან რაღაც სისულელეებზე ლაყბობდნენ. ბოლოს ერთმანეთს ვუთხარი, რომ საქმარისად ვისაუბრეთ-თქო და დავიშალენით.

— მე არავისი არა მჯერა, — შენიშნა მოკუნტულმა კაცმა, რომლის მინდორზე შემთხვევით ადამიანის ჩონჩხი ამოთხარეს, — ყველაფერი ეს ყალთაბანდობაა, და მეტი არაფერი.

— ყალთაბანდობის გარეშე არც შეიძლება, — შეესიტყვა შვეიკი, რომელიც ჩალის ლეიბზე დასაწოლად ემზადებოდა, — ადამიანები რომ მხოლოდ სხვის კეთილდღეობაზე ზრუნავდნენ, მაშინ უფრო მალე დაერეოდნენ ერთმანეთს.

---



## თავი IV

### როგორ გამოაქვეს უზვიკი საგიჟეთიდან

შევიკი როცა საგიჟეთში გატარებულ დღეებს იგონებდა, იგი ამ დაწესებულებას დიდი ქებით იხსენიებდა:

— სიმართლე გითხრათ, ვერ გამიგია, შეშლილებს რატომ მოსდით გული, როცა მათ იქ ათავსებენ. საგიჟეთში აღამიანს ნებადართული აქვს იატაკზე ტიტლიკანა იხოხოს, აფთარიეით იყმუვლოს, გამშაგდეს და ყველანი დაკბინოს. ეს რომ ვინმემ ქუჩაში ჩაიღონოს, ხალხი გაოცდებოდა, იქ კი ამგვარი რამეები ჩვეულებრივი ამბავია. იქ აღამიანს შეუძლია თავი გამოაცხადოს ღმერთად, მარიამ ღვთისმშობლად, რომის პაპად, ინგლისის მეფედ, ხელმწიფე-იმპერატორად, ან წმიდა ვაცლავადაც \* (აღსანიშნავია, რომ ის, ვინც თავს ვაცლავად აცხადებდა, მუდამ ხელფეხშეკრული ჰყავდათ და შიშველ-ტიტველი ცალკე ოთახში იწვა). იქ იყო კიდევ ისეთიც, რომელიც სულ იმას გაიძახოდა — არქიეპისკოპოსი ვარო. სრულებით არაფერს აკეთებდა, მხოლოდ საკმელსა თქველფედა... იყო ერთი ისეთიც, რომელიც წმიდა კონსტანტინე და მეთოდე დასალებდა

თავს, რომ ორმაგი ულუფა მიეღო. იქ ერთი ორსული მამაკაცი იჯდა, რომელიც ყველას ეპატიებოდა, ჩემი პირმშოს ნათლობაზე მეწვიეთო. ბლომად იყვნენ მოკადრაკენი, პოლიტიკოსები, მეთევზეები, სკაუტები, საფოსტო მარკების კოლექციონერები, ფოტომოყვარულები. იქ მოხვდა ერთი ისეთი ადამიანიც, რომელიც ძველ ქოთნებს ლარნაკებად ასაღებდა. ერთიც სულ მუდამ დამამშვიდებელი პერანგით შეკოჭილი ჰყავდათ, რომ წუთისოფლის დასასრულის გამოანგარიშების საშუალება არ მისცემოდა. იქ რამდენიმე პროფესორს დავუახლოვდი. ერთი სულ ფეხდაფეხ დამდევდა და მიხსნიდა, რომ ბოშების წინაპართა სამშობლო კრკონოშე\* იყო, მეორე კი მიმტკიცებდა, დედამიწის ბურთის შუაგულში მეორე ბურთია, რომელიც გარეთა ბურთზე გაცილებით მეტიაო. საგიჟეთში ყველას შეუძლია ილაპარაკოს ის, რაც ენაზე მოადგება, როგორც ეს პარლამენტში ხდება ხოლმე. ერთ დღეს იქ ზღაპრები წამოიწყეს, მაგრამ ბოლოს ერთმანეთს დაერივნენ, რადგან რომელიღაც ზღაპრული პრინცესის საქმე ცუდად დაბოლოვდა. ყველაზე მოუსვენარი ერთი მამაკაცი იყო, რომელიც მეცნიერული ენციკლოპედიური ლექსიკონის მეთექვსმეტე ტომად ასაღებდა თავს. იგი ყველას ეხვეწებოდა — გადამფურცლეთ და ნახეთ სიტყვა „საკაზმავი სადგისი“, თორემ საცხა დავილუპებო. მხოლოდ მაშინ დაწყნარდა, როცა დამამშვიდებელი პერანგით შეკრეს. იკვებნიდა კიდევ, აი ხომ ხედავთ, ყდაში ჩამსვესო, და ყველას ემუდარებოდა, ახალ ყაიდაზე ჩამომკურითო. ერთი სიტყვით, ჩემო ძმაო, იქ ცხოვრება კი არა, ცხოვნება იყო. შეგიძლიათ იყვიროთ, სანამ არ მოგწყინდებათ, იღრიალოთ, იმღეროთ, იტიროთ, იკიკინოთ, იჟყვიროთ, ისტუნოთ, ილოცოთ, მალაყები აკეთოთ, ოთხზე იაროთ, ასკინკილა ითამაშოთ, გარშემო ირბინოთ, იცეკვოთ, იჯირითოთ, მთელი დღე ჩაცუტკული იჯდეთ და, თუ გნებავთ, კედელზეც კი აძვრეთ, — არაფერ თქვენთან არ შოვა და არ გეტყვით: „გეთაყვა, ის, რასაც თქვენ სჩადიხართ, ყოვლად დაუშვებელია, უზრდევლობა გახლავთ, სირცხვილია, თქვენ ხომ კულტურული ადამიანი ბრძანდებითო“. მაგრამ ისიც უნდა ითქვას, რომ იქ წყნარი შეშლილებიც ისხდნენ. მაგალითად. იქ ერთი მეცნიერი გამომგონებელი იყო: რომელიც გამუდმებით ცხვირს იჩიჩქნიდა და ღღის განმავლობაში მხოლოდ ერთხელ წამოიძახებდა: „მე ეს-ესაა ელექტრობა აღმოვაჩინეო“. კიდევ ვიმეორებ, იქ ძალიან კარგი იყო, ის რამდენიმე დღე, რაც საგიჟეთში გავატარე, ჩემი ცხოვრების საუკეთესო დღეებად მიმაჩნია.



და მართლაც, როცა საოლქო სისხლის სამართლის სასამართლოდან შევიკი საგიყეთში გადაგზავნეს შესამოწმებლად, იქ ისეთი დიდი ამბით შეეგებნენ, რომ პირდაპირ გაოცებული დარჩა. უპირველეს ყოვლისა, შევიკი სულ მთლად გააშიშვლეს, მერე ხალათი ჩააცვეს და საბანაოდ წაიყვანეს, სანიტრებმა მზრუნველობით აქეთ-იქით ილღიაში ხელი ამოდვეს და ერთი მათგანი მთელი გზა ებრაული ანექდოტებითაც კი ართობდა. სააბაზანოში შევიკი თბილ წყალში ჩააყურყუმალავეს, მერე ამოათრიეს და ცივი შხაპის ქვეშ დააყენეს. ეს პროცედურა სამჯერ გაიმეორეს, მერე ჰკითხეს, როგორ მოგეწონათო. შევიკმა უპასუხა, აქ ეს საქმე გაცილებით უკეთაა დაყენებული, ვიდრე კარლოსის ხილთან მდებარე აბანოებში, და საერთოდ ძალიან მიყვარს ბანაობაო. „თუ ამასთანავე პატივს დამდებთ, ფრჩხილებს დამპკრით და თმასაც შემკრეკტო, ჩემს ბედნიერებას საზღვარი არ ექნება, და თქვენგან მეტიც არაფერი მინდაო“, — დაუმატა მან თავისი მომხიბლავი ღიმილით.

შევიკის სურვილი დააკმაყოფილეს. მერე საფუძვლიანად გახეხეს ღრუბლით, გახვიეს ზეწარში და პირველ განყოფილებაში გაიყვანეს. იქ ლოგინში ჩააწვინეს, თბილი საბანი დაახურეს და სთხოვეს დაიძინეთო.

შევიკი ახლაც კი დიდი სიამოვნებით იგონებს ხოლმე იმ სანეტარო დღეს.

— წარმოიდგინეთ, ხელში ამიყვანეს და საწოლამდე ასე მიმიყვანეს; ენით გამოუთქმელ სიამოვნებას ვგრძნობდი.

შევიკმა ტყბილად დაიძინა. შემდეგ გააღვიძეს და რძე და ფუნთუში მიაართვეს. ფუნთუში წინასწარ პატარ-პატარა ლუკმებად იყო დაჭრილი. ერთმა სანიტარმა ორივე ხელი უკანიდან დაუჭირა, მეორე კი ამ დროს ფუნთუშის ნაჭრებს რძეში უღობობდა და ისე აყლაპებდა, როგორც სასუქ ინდაურს ცომს აყლაპვინებენ ხოლმე.

მერე ისევ აქეთ-იქიდან ამოუდგნენ შევიკს, ილღიაში ხელი ამოდვეს, საპირფარეშოში წაიყვანეს და სთხოვეს, დიდი და მცირე ფიზიოლოგიური მოთხოვნილება დაიკმაყოფილეთო.

ამ ნეტარ წუთებზე შევიკმა აღტაცებით გვიამბო. ჩვენ ვერ ვხედავთ იქ მომხდარ ამბებზე მისი ნათქვამის განმეორებას. მარტო ერთ ფრაზას მოვიყვანთ. „ერთ მათგანს იმ დროს ხელში გადაყენებული ვეჭირეო“, — იგონებდა შევიკი.

მერე უკანვე წაიყვანეს, ლოგინში ჩააწვინეს და ისევ სთხოვეს დაიძინეთო. რამდენიმე ხნის შემდეგ გააღვიძეს და კაბინეტში წაიყვანეს შესამოწმებლად. აქ შევიკი ორი ექიმის წინაშე დღეღამობი-



ლად რომ წარსდგა, უეცრად ჯარში გაწვევის დალოცვილი დრო მოაგონდა და უნებლიეთ წამოიძახა:

— *Tauglich* !

— რა თქვით?.. — ჰკითხა ერთმა ექიმმა. — გადადგით ხუთი ნაბიჯი წინ და ხუთიც უკან.

შვეიკმა ათი ნაბიჯი წინ გადადგა და ათიც უკან.

— შე თქვენ გითხარით, — შენიშნა ექიმმა, — ხუთი ნაბიჯი გადადგით-მეთქი.

— ჩემთვის ძნელი როდი გახლავთ ზედმეტი ხუთი წყვილი ნაბიჯის გადადგმა.

ამის შემდეგ ექიმებმა შვეიკს სთხოვეს სკამზე დამჯდარიყო. ერთმა მათგანმა რამდენჯერმე დაჰკრა ხელი მუხლზე, მერე კოლეგას მიუბრუნდა და უთხრა, რეფლექსები სავსებით ნორმალური აქვსო. იმან თავი გადააქნია და ახლა თვითონ შეუდგა შვეიკის მუხლების გასინჯვას, პირველმა ექიმმა კი ამ დროს ქუთუთოები გადაუწია და თვალის გუგებს უსინჯავდა. მერე ორივენი მაგიდისკენ წავიდნენ და ერთმანეთს ლათინურად რამდენიმე სიტყვა გადაულაპარაკეს.

— გამიგონეთ, სიმღერა იცით? — ჰკითხა ერთ-ერთმა ექიმმა შვეიკს. — ხომ არ გვიმღერებდით რამეს?

— სიამოვნებით, — უპასუხა შვეიკმა, — თუმცა არც ხმა მაქვს და არც მუსიკალური სმენა, მაგრამ შევეცდები რამე გვიმღეროთ, თუკი თქვენ ეს გაგართობთ.

და შვეიკმა შემოსძახა:

ჩემო ნორჩო მონაზონო,  
თავი შიშველ რად დახარე?  
მიწას ცრემლებს რისთვის აფრქვევ,  
რათ ატირდი ასე მწარედ?

— მეტი აღარ ვიცი, — შეწყვიტა შვეიკმა. — თუ გნებავთ, ახლა სხვას გიმღერებთ:

ოი, როგორ მტკივა გული,  
ოი, სევდა მომეჯარა...  
გაეალ, ვჯღუბი აივანზე,  
და გავეურებ სულ თემშარას.  
შენ კი სად ხარ, ცუგრუშელავ?

† ვარგისი (გერმ.)

— მეტი აღარც ეს ვიცი, — ამოიხრა შვეიკმა. — ვიცი კიდევ მხოლოდ პირველი სტრიქონი სიმღერიდან: „სად არის ჩემი სამშობლო“ \* და მერე „ვინღიშგრეცი“ \* და სხვა ვილაყ ვაჟბატონი გენერლები ძლიერ ადრე, სისხამ დილით, ომს იწყებდნენ გამალებით“, აგრეთვე ორიოდე ხალხური სიმღერა: „ღმერთო, ფარვიდე მეფეს“ \* „მივდიოდით იარომერში“ \* და „ღირს არს ჭეშმარიტად“.

ექიმებმა ერთმანეთს გადახედეს და ერთმა მათგანმა შვეიკს ჰკითხა:

— წინათ ოდესმე თუ შეუმოწმებიათ თქვენი ფსიქიკური მდგომარეობა?

— როგორ არა, სამხედრო სამსახურში, — თავმომწონედ და ამაყად განაცხადა შვეიკმა. — ბატონმა სამხედრო ექიმებმა ოფიციალურად სრულ იდიოტად მცნეს.

— შე კი მგონია, თქვენ სიმულანტი ხართ! — უყვირა შვეიკს მეორე ექიმმა.

— სრულებითაც არა, ბატონო, მე სიმულანტი არა ვარ, — თავს იცავდა შვეიკი, — მე ნამდვილი იდიოტი ვარ. შეგიძლიათ ცნობები აიღოთ ჩესკე ბუდეიოვიცკიში № 91 პოლკის კანცელარიაში, ანდა კარლინში, სამარქაფო სამმართველოში.

უფროსმა ექიმმა უიმედოდ ჩაიქნია ხელი, სანიტრებს მიუბრუნდა და შვეიკზე უთხრა:

— ამ კაცს თავისი ტანისამოსი მიეცით, წაიყვანეთ და პირველ დერეფანში მესამე განყოფილებას ჩააბარეთ. მერე ერთი თქვენგანი უკანვე დაბრუნდეს და ყველა მისი საბუთი კანცელარიაში წაიღოს. იქ უთხარით, ბევრს ნუ ებოდინებიათ, მალე მოიცილონ თავიდან.

ექიმებმა გაჯავრებოთ კიდევ ერთხელ შეხედეს შვეიკს, რომელიც მორიდებით უკან-უკან კარებისკენ იხევდა. ერთმა სანიტარმა შენიშნა, თავს რას იგდებ, წესიერად გაიარეო, — შვეიკმა უპასუხა:

— შე ხომ ჩაუცმელი ვარ, მთლად ტიტლიკანა, ამიტომ პანებს არ მინდა ვუჩვენო ჩემი სხეულის ის ნაწილი, რომლის გამო შეიძლება იფიქროს, რა უზრდელი და თავხედი ვინმე ყოფილაო.

იმ წუთიდან, როცა სანიტრებმა ბრძანება მიიღეს, შვეიკს ტანსაცმელი დაუბრუნეთო, მათ ხელი აიღეს მის მზრუნველობაზე, უბრძანეს, ტანთ ჩაიცვიო, და ერთმა მათგანმა მესამე განყოფილებაში წაიყვანა. იქ შვეიკი რამდენიმე დღეს ჰყავდათ, სანამ კანცელარია საგიჟეთიდან გაწერას გააფორმებდა, და შვეიკს საშუალება მიეცა აქაც გახეგრძო თავისი დაკვირვებანი. გზაკვალაბ-

ნეულმა ექიმებმა მას ასეთი დასკვნა მისცეს: „კუჭუნაკლები სიმულანტია“.

რადგან საგიჟეთიდან შვეიკი სწორედ სადილობის წინ გამოწერეს, ამიტომ მთლად მშვიდობიანად როდი დასრულდა ეს საქმე.

შვეიკმა განაცხადა, რაზან საგიჟეთიდან მაძეგებთ, დიდი უნამუსობა და ღორობა იქნება თქვენის მხრივ, რომ აღარც მასადილოთო.

ატეხილი ალიაქოთი მეკარის მიერ გამოძახებულმა პოლიციელმა შეწყვიტა, რომელმაც შვეიკი სალმოვეს ქუჩაზე მდებარე კომისარიატში წაიყვანა.

-----



თ ა ვ ი ო

## შვეიცი პოლიციის კომისარიატში საღმრთვეს მუხაზე

საგიჟეთში გატარებული მშვენიერი, სხივმოსილი ღღეების შემდეგ შვეიცისთვის ტანჯვა-წამებისა და ღღენის ჟამი დადგა. პოლიციის ინსპექტორმა ბრაუნმა შვეიცის ისეთი შეხვედრა მოუწყო, როგორც ეს უსაყვარლეს იმპერატორ ნერონის დროინდელ რომელ ნაცვლებს სჩვეოდათ. ისეთივე რისხვით, როგორც თავის დროზე ნაცვლები წამოისროლიდნენ ხოლმე: „ჩაუგდეთ ეგ არამზადა ქრისტიანი ლომებს!“ — ინსპექტორმა ბრაუნმა დაიღრიალა:

— ჩაამწყვდიეთ ეგ ვაჟბატონი გისოსებიან საკანში!

არც ერთი სიტყვა მეტი, არც ერთი სიტყვა ნაკლები. ოღონდ პოლიციის ინსპექტორის თვალეზში ამ დროს შეამჩნევდით რაღაცნაირი თავისებური შერყენილი სიამოვნების გამომეტყველებას. შვეიკმა თავი დაუკრა და ღირსებით უპასუხა:

— მე მზადა ვარ, ბატონებო. რამდენადაც გამეგება, „გისოსებიანი საკანი“ ნიშნავს სატუსალო საკანს, ეს კი არცთუ ისე ცუდია.

— გირჩევნია, ენას კბილი დააკირო, — უთხრა პოლიციელმა, რაზედაც შევიკმა უპასუხა:

— მე თავმდაბალი ადამიანი ვარ და ყველაფერზე მადლობელი დავრჩები, რასაც გამიკეთებთ.

საკანში ტახტზე ვილაც ჩაფიქრებული მამაკაცი იჯდა. მისი სახე აპათიას გამოხატავდა. ეტყობოდა, არ სჯეროდა, რომ კარები ოდესმე გაიღებოდა და მას გაუშვებდნენ.

— ჩემი სალამი, ბატონო ჩემო, — უთხრა შევიკმა და ტახტზე ჩამოუჯდა. — ხომ არ იცით, ნეტავი რომელი საათი იქნება?

— მე საათის გუნებაზე არა ვარ, — უპასუხა ჩაფიქრებულმა მამაკაცმა.

— აქ არც ისე ცუდია, — შეეცადა შევიკი საუბრის გაბმას. ტახტზე ბურბუშელის ლეიბია დაგებული.

სერიოზული სახის მამაკაცმა არაფერი უპასუხა, წამოდგა და სწრაფად დაიწყო სიარული ტახტსა და კარებს შორის დარჩენილ სივრცეში, თითქოს რაღაცის გადარჩენას ისწრაფვოდა.

შევიკი კი ამ დროს ინტერესით ათვალიერებდა კედლებზე დაფხაქნილ წარწერებს. ერთ-ერთ წარწერაში, რომელიდაც ტუსაღს პოლიციისთვის ომი გამოცხადებინა და ყველაფერი სიკვდილსიცოცხლის სასწორზე დაედო. ტექსტი დალადებდა: „ეს თქვენ იოლად არ ჩაგივლით!“ მეორე ტუსაღი სწერდა: „ეშმაკსაც წაუღინხართ, თქვე მამლებო!“ \* მესამე უბრალოდ ადასტურებდა მომხდარ ფაქტს: „ვიჯექი აქ 1913 წლის 5 ივნისს, საკმაოდ წესიერად მეპყრობოდნენ. ვრწოვიცელი მეღუქნე იოზეფ მარეჩეკი“. იყო ისეთი წარწერაც, რომელიც თავისი სიღრმით გულს სწვდებოდა:

„შემიწყალე მე, უფალო!“

მის ქვეშ კი მიწერილი იყო: „მაკოცეთ ტ...“

ასო „ტ“ ხაზგადასმული იყო და გვერდით მიწერილი ჰქონდა დიდი ასოებით: „კალთაზე“. იქვე რომელიდაც პოეტური ბუნების ტუსაღს მიეწერა ლექსი:

სევდიანი ვზივარ ნაკადულის პირას,  
შუე შთების გადაღმა თითქმის ჩაიძირა.  
და გავყურებ ბეჭობს, შუე რომ სხივებს  
ესვრის, —  
იქ ჩემი სულიყო იტანჯება, კვნესის.

მამაკაცი, რომელიც კარებსა და ტახტს შორის დარბოდა, თითქოს მართონულ რბენაში ვისმესთან მეტოქეობდა. ბოლოს დაიქა-

ნცა, გაჩერდა და ქოშინით დაჯდა თავის წინანდელ ადგილზე, თავზე ხელები შემოიღო და ანაზღად დაიღრიალა:

— გამიშვით, გამიშვით!.. „არა, ისინი მე არ გამიშვებენ, — ერთი წუთის შემდეგ ჩაილაპარაკა მან თავისთვის, — არ გამიშვებენ. მე აქ უკვე დილის ექვსი საათიდან ვარ“.

უეცრად მას სრულიად უმიზეზოდ, ლაპარაკის საღერღელი აეშალა. წამოდგა თავის ადგილიდან და შეეიქს მიმართა:

— თქვენ შემთხვევით ღვედი ხომ არა გაქვთ, რომ ყოველივე ამას ბოლო მოეუღო?

— დიდი სიამოვნებით გაგიწევთ სამსახურს, — უპასუხა შეეიქმა და შემოიხსნა შარვლის ქამარი. — მე ჯერ არასოდეს არ მინახავს, განმარტობულ საკანში როგორ იხრჩობენ თავს ღვედით... მხოლოდ ერთია საწყენი, — შენიშნა მან, როცა საკანი შეათვალიერა, — აქ ერთი კაუჭიკი კი არსადაა. ფანჯრის სახელური თქვენ ვერ გაგიძლებთ. დაგრჩენიათ ტახტზე ჩამოეკიდოთ, მუხლებზე დამდგარი, როგორც ეს ემაუზის მონასტრის ბერმა მოიმოქმედა, რომელმაც ჯვარცმაზე ჩამოიხრჩო თავი ახალგაზრდა ებრაელი ქალის გულისთვის. თვითმკვლელები მე ძალიან მომწონს. მაშ ასე, ინებეთ...

მოღუშულმა მამაკაცმა, რომელსაც შეეიქმა ხელში ქამარი შეაჩეჩა, დახედა ამ ქამარს, მოიქნია და კუთხეში გადაისროლა, მერე აქვითინდა, კუჭყიანი ხელებით სახეზე ცრემლებს იწმენდა, და თან ზღუქუნებდა:

— ბავშვები მყავს, მე კი აქ ლოთობისა და უზნეო საქციელისთვის ვზივარ, ღმერთო ჩემო! საცოდავო ჩემო ცოლო! რას მეტყვიან სამსახურში! მე აქ ლოთობისა და უზნეო საქციელისთვის ვზივარ! — გააბა წუწუნი დაუსრულებლად.

ბოლოს იგი თითქოს ცოტაოდენ დამშვიდდაო, მივიდა კარებთან და ხელებითა და ფეხებით ბრახუნი დაუწყო. დერეფნიდან მოისმა ფეხის ხმა და ძახილი:

— რა გინდა?

— გამიშვით! — წარმოთქვა პატიმარმა ისეთი კილოთი, თითქოს თავისი სიცოცხლის უკანასკნელ წუთებში ამბობდა ამას.

— სად? — გაისმა შეკითხვა კარების მეორე მხრიდან.

— სამსახურში, — უპასუხა ბედშავმა მამამ, მეუღლემ, მოხელემ, ლოთმა და უზნეო ადამიანმა.

გაისმა სიცილი, შემზარავი სიცილი, რომელმაც დაარღვია

დერეფანში გამეფებული სიწყნარე... და ფეხის ხმა ისევ მიწყდა.

— ჩანს, ამ ვაჟბატონს მაგრად სძულხართ, რომ ასე მწარედ დაგცინით, — უთხრა შვეიკმა, როცა მთლად იმედგაცრუებული მეზობელი ისევ მიუჯდა გვერდით. — სატუსალოს დარაჯი როცა გაბრაზდება, ბევრი რამის ჩადენა შეუძლია, და როცა უარესად გაბრაზდება, მისგან ყოველგვარ სისაძაგლეს უნდა მოელოდეთ. თუ თავის ჩამოხრჩობა გადაიფიქრეთ, იჯექით თქვენთვის წყნარად, და ელოდეთ ამბების შემდგომ განვითარებას. თუ თქვენ მოხელე ხართ, ცოლშვილიც გყავთ, მაშინ, რა თქმა უნდა, ყველაფერი ეს მართლაც საშინელებაა. თქვენ, ჩემის აზრით, თუ არ ვცდები, დარწმუნებული ხართ, რომ სამსახურიდან გაგაგდებენ?

— ძნელი სათქმელია, — ამოიხვნეშა იმ საწყალმა. — საქმე ისაა, რომ მე თვითონ არ მახსოვს, რა ჩავიდინე. ვიცი მხოლოდ, რომ საიდანღაც კინწისკვრით გამომაგდეს, მაგრამ ვცდილობდი უკან დაბრუნებას, მინდოდა სიგარისთვის ცეცხლი მომეკიდებინა. მერე-და, ყოველივე რა კარგად დაიწყო... იცით, ჩვენი განყოფილების უფროსი დღეობას იხდიდა და ყველანი მიგვიწვია ღვინის სარდაფში, მერე მოვხვდით მეორეში, იქიდან მესამეში, მეოთხეში, მეხუთეში, მეექვსეში, მეშვიდეში, მერვეში, მეცხრეში...

— ხომ არ ინებებთ, დათვლაში მოგეშველოთ? — თავს იღვა დახმარების გაწევა შვეიკმა. — მე ასეთ საქმეებში ვერკვევი. ერთხელ ერთი ღამის განმავლობაში ოცდარვა სარდაფი შემოვიარე, მაგრამ ჩემდა საქებრად უნდა ითქვას, რომ არსად სამ ტოლჩაზე შეტი ლუდი არ შემისვამს.

— ერთი სიტყვით, — განაგრძო ბედუქულმართმა ხელქვეითმა იმ უფროსისა, რომელმაც ასეთი ბრწყინვალე დღეობა გადაიხადა, — როცა ჩვენ შემოვიარეთ ერთი დუქინი სხვადასხვა სამიკიტნო, აღმოჩნდა, რომ ჩვენი უფროსი სადღაც გამქრალიყო, — თუმცა წინასწარ თოკი გამოვებით და ფინია ძალღვივით ყველგან თან დაგვყავდა. გავეშურეთ მის საქებრად და ბოლოს ერთმანეთიც დავკარგეთ. ბოლოს და ბოლოს მე ერთ-ერთ ღამის რესტორანში აღმოვჩნდი ვინოპრადზე, ფრიად წესიერ დაწესებულებაში, სადაც პირდაპირ ბოთლიდან გადავკარი ლიქიორი. მერე რა ამბები დავატრიალე, — აღარ მახსოვს... ვიცი, მხოლოდ, რომ როცა უკვე აქ, კომისარიატში მომიყვანეს, ორმა პოლიციელმა უპატაკა უფროსს, თითქოს მე დავთვეერი, თავი უწესოდ მეჭირა, ერთ დარბაისელ ქალს სილა გავაწანი, ჯაყვით დავჭერი სხვისი ქული, რომელიც საკიდი-

დან ჩამოვიღე, დავერიე და გავრეკე ქალთა კაპელა, სახალხოდ ბრალი დავდე ობერ-კელნერს თორმეტი კრონის ქურდობაში, გავტეხე მარმარილოს დაფა მაგიდაზე, რომელთანაც ვიჯექი და განზრახ ჩავუფურთხე მეზობელ მაგიდასთან მჯდომ უცნობ მამაკაცს შავ ყავაში. მეტი არაფერი გამიკეთებია... ყოველ შემთხვევაში არ მახსოვს, რომ კიდევ რამე ჩამედინოს... მერწმუნეთ, მე წესიერი კაცი ვარ, ინტელიგენტი, და ჩემი ოჯახის გარდა არაფერზე არ ვფიქრობ. რას იტყვიot ამაზე? მე ხომ ვინმე ჩხუბის თავი არა ვარ, აურზაურის ამტეხი!

— დიდხანს დაგჭირდათ წვალება, სანამ იმ მარმარილოს დაფას გატეხდით, თუ ერთი დარტყმით დაამსხვრიეთ? — დაინტერესდა და თავის მხრივ შეეკითხა შვეიკი, ნაცვლად იმისა, რომ ეპასუხნა.

— ერთი დარტყმით, — უპასუხა ინტელიგენტმა კაცმა.

— მაშ თქვენი საქმე წასულია, — წარმოთქვა ჩაფიქრებულმა შვეიკმა. — თქვენ დაგიპტიციებენ, რომ ამ საქმისთვის დიდხანს ემზადებოდით, გულმოდგინედ ვარჯიშობდით. იმ უცნობი მამაკაცის ყავა, რომელშიც ჩააფურთხეთ, რომით იყო, თუ ურომით?

პასუხს არ დაელოდა, და თვითონ განუმარტა:

— თუ რომით იყო, უარესი თქვენთვის, ვინაიდან უფრო ძვირი დაგიჯდებათ. სასამართლოში ყველაფერს ანგარიშობენ და აჯამებენ, რომ როგორმე მძიმე დანაშაული მოგაკერონ...

— სასამართლოში? — სულმოკლედ ჩაილულულა პატივცემულმა ოჯახის მამამ, თავი ჩაჰკიდა და იმ არასასიამოვნო სულიერ მდგომარეობაში ჩავარდა, როცა ადამიანს სინდისის ქენჯნა სჭამს<sup>1</sup> და ანადგურებს.

— შინ იციან თუ არა, რომ თქვენ დაპატიმრებული ხართ, ან იქნებ ამას მხოლოდ გაზეთებიდან გაიგებენ? — შეეკითხა შვეიკი.

— თქვენ ფიქრობთ, რომ ეს ამბავი გამოქვეყნდება... გაზეთებში? — მიაშიტად ჰკითხა თავისი უფროსის ღლეობის მსხვერპლმა.

— უეჭველად, — გაისმა გულწრფელი პასუხი, ვინაიდან შვეიკი არასოდეს არაფერს უმალავდა ხოლმე თავის თანამოსაუბრეს. — გაზეთის მკითხველებს ეს ძალიან მოეწონებათ. მე თვითონ ყოველთვის სიამოვნებით ვკითხულობ ხოლმე გაზეთში იმ განყოფილებას,

<sup>1</sup> ზოგიერთი მწერალი იყენებს გამოთქმას: „სინდისის ქენჯნა ღრღნისო“. მე ასეთი გამოთქმა მთლად ზუსტად არ მიმაჩნია. ვეფხვიც ხომ სჭამს ადამიანს და არა ღრღნის. (ავტორის შენიშვნა).



სადაც ლაპარაკია მთერალებზე და მათ უწესო საქციელზე. აი, ამას წინათ სამიკიტრო „უ კალიხაში“ ერთმა კაცმა ასეთი ოინი ქნა: საკუთარი თავი გაიტეხა სალუდე ტოლჩით. ტოლჩა მალლა აისროლა და თავი შეუშვირა. იგი წაიყვანეს, დილით კი ამის შესახებ უკვე გაზეთებში კვითხულობდით. ან, მაგალითად, ბენდლოვკაში \* მე ერთ დამკრძალავ ბიუროს მეჩირაღდნეს სილა ვაჭამე, მანაც სამაგიერო გადამიხადა. შესარიგებლად ორთავე ვირის აბანოში შეგვაგდეს, და ეს ამბავი უმალ გაჩნდა საღამოს გაზეთის ფურცლებზე... ან კიდევ ერთი ასეთი შემთხვევა: კაფეში „უ მრტვოლი“ ერთ კოლეგის მრჩეველს ორი პატარა ლამბაქი გაუტყდა. და გგონიათ ის დაზოგეს? მეორე დღესვე გაზეთებში გამოაქვენეს... თქვენ ერთილა დაგრჩენიათ: საპატიმროდან გაზეთში გაგზავნოთ საპასუხო წერილი, რომ გამოქვეყნებული საგაზეთო ცნობა თქვენ არ გეხებათ და რომ ამ მოგვარესთან საერთო არაფერი გაქვთ, არც ნათესაური, არც სხვა რაიმე კავშირი. შინ კი გაგზავნეთ პატარა ბარათი, სთხოვეთ შინაურებს ამოჭრან ეს საპასუხო წერილი და შეინახონ, როცა სასჯელს მოიხდით და გაგიშვებენ, საშუალება გექნებათ წაიკითხოთ... ხომ არ გცივათ? — თანაგრძნობით შეეკითხა შეეიკი, როცა შეამჩინია, რომ ინტელიგენტი პატიმარი მთლად კანკალებდა. — წელს ზაფხულის მიწურულში რაღაც ცივი ამინდები დაგვიდგა.

— დავიღუპე, ჩემი სწვევლი აღარაა, — აქვითინდა შეეიკის მეზობელი. — ვეღარ ველირსები სამსახურში წინ წაწევას.

— მაგას რალა ლაპარაკი უნდა, — მხიარულად დაუდასტურა შეეიკმა. — სატუსალოდან გათავისუფლების შემდეგ თუ წინანდელ სამსახურში აღარ დაგაბრუნეს, არ ვიცი, სად უნდა მოძებნოთ სხვა სამუშაო, ვინაიდან ყველგან, თუნდ ტყავისმზღელთანაც რომ მოინდომოთ მუშაობა, კეთილი ზნეობის მოწმობას მოგთხოვენ. დიან, დღეობის მთელი ეს სიამოვნება ძვირად დაგიჯდებათ... ერთი ეს მითხარით, თქვენს ცოლშვილს არსებობის რაიმე წყარო თუ გააჩნია, სანამ თქვენ აქ ზიხართ? ან იქნებ ისე გაქვთ საქმე, რომ ცოლს კარდაკარ სამათხოვროდ სიარული მოუხდება, შვილები კი იძულებული გახდებიან ათასგვარ თაღლითობასა და მამაძაღლობას მოკიდონ ხელი?

გაისმა გულამოსკენილი კვითინი.

— ჩემი საწყალი ბავშვები! საცოდავი ჩემი ცოლი!

მომნანიებელი ცოლვილი წამოღდა და თავის ბავშვებზე დაიწყო ლაპარაკი.

— ხუთი ბავშვი მყავს, ყველაზე უფროსი თორმეტი წლისაა, სკაუტია, სვამს მარტო წყალს და მისაბაძ მაგალითად გამოდგებოდა მამისთვის, რომელსაც ასეთი უცნაური ამბავი, — დასტურ, — პირველად შეემთხვა თავის სიცოცხლეში.

— იგი სკაუტია? — წამოიძახა შევიკმა. — მიყვარს სკაუტების ამბების მოსმენა. ერთხელ ზღვიის მახლობლად მიდლოვარებში, ჰლუბოკეს რაიონში, ჩესკე ბუდეიოვიცეს საპეტმანო ოკრუგში, სწორედ იმ დროს, როცა იქ ჩვენი ოთხმოცდამეთერთმეტე პოლკი მეცადინეობაზე იყო, ახლომახლო მდებარე სოფლების გლეხები თავს დაესხნენ სკაუტებს, რომლებიც ძალზე გამრავლდნენ სათემო ტყეებში. დაიჭირეს სამი, და წარმოიდგინეთ, ყველაზე პატარამ მათ შორის, როცა ის შეიპყრეს, ისეთი საცოდავი ყვირილი და ტირილი მორთო, რომ ჩვენც კი, ბევრის მნახველ ჯარისკაცებს, გული ამოგვიჯდა, ვეღარ გავუძელით... და გვერდზე გავდექით. სანამ მათ გაკოჭავდნენ, ამ სამმა სკაუტმა რვა გლეხი დაკბინა. მერე, როცა მამასახლისს მიჰგვარეს და ისინი მაგრად გაროზგეს, გამოტყდნენ, რომ მთელ ოკრუგში არ დარჩენილა არც ერთი მდელი, რომელიც მათ არ მოეთელოთ მზეზე გორაობის დროს. ამასთანავე იმაშიც გამოტყდნენ, რომ რაეიცასთან, ზედ ჰირნახულის აღების წინა დღეებში სრულიად შემთხვევით ცეცხლი წაეკიდა და გადაიწვა მოუშკალი პური, როცა ისინი ამ პურში შამფურზე სათემო ტყეში სკაუტური დანით მოკლულ შველს წვაენდნენ. გარდა ამისა, ტყის ბუნაგში, სადაც თავს აფარებდნენ სკაუტები, ათასგვარი შინაური ფრინველისა და ტყის ნადირის ორმოცდაათ კილოზე მეტი შემოღრღნილი ძვალი იპოვეს, დიდი რაოდენობით ალუბლის კურკა, აუარებელი მკვახე ვაშლის ნაკბეჩი და ბევრი სხვა სანოვავე.

მაგრამ სკაუტის საბრალო მამა ამან მაინც ვერ დაამშვიდა.

— ეს რა ჩავიდინე! — მოსთქვამდა იგი. — დავლუპე ჩემი რებუტაცია.

— ამას ხომ ლაპარაკი აღარ უნდა, — დაუდასტურა თავისი ჩვეული გულღიაობით შევიკმა. — იმის შემდეგ, რაც მოხდა, თქვენი რებუტაცია სამუდამოდ დაღუპულია. თუ ეს ამბავი გაზეთებში გამოქვეყნდა, რალა-რალაცეებს თავის მხრივ თქვენი ნაცნობებიც დაუმატებენ. ასეთი რამ ხომ ჩვეულებრივი ამბავია. უკეთესი იქნებოდა, ყურადღებას რომ არ მიაქცევდეთ. სახელგატეხილ ადამიანთა რიცხვი ქვეყანაზე გაცილებით მეტია, ვიდრე უმწიკვლო ადამიანები. ეს არაფერია.

დერეფანში მძიმე ნაბიჯის ხმა გაისმა, საკეტში გასაღები აჩხაკუნდა, კარი გაიღო და პოლიციელმა შევიკს გამოუძახა.

— უკაცრავად, — რაინდულად მოაგონა შევიკმა, — მე აქ მხოლოდ დღის თორმეტი საათიდან ვიმყოფები, პანი კი დილის ექვსი საათიდანაა. მე მაინცაღამაინც არ მეჩქარება.

პასუხის ნაცვლად ლონიერმა ხელმა შევიკი დერეფანში გაათრია, და მორიგეშ უხმოდ აიყვანა იგი კიბით მეორე სართულზე.

ოთახში მაგიდას უჯდა ჩასუქებული პოლიციის კომისარი, რომელიც მხნედ გამოიყურებოდა. მან შევიკს მიმართა:

— მაშ, ეს თქვენა ხართ, შევიკ? როგორ მოხვდით აქ?

— სულ უბრალოდ, — უპასუხა შევიკმა. — მე აქ პოლიციელმა მომაცილა, ვინაიდან არასგზით არ შემეძლო შევრიგებოდი იმ აზრს, რომ საგიყეთიდან მაძეგებდნენ და სადილზეც უარს შეუბნებოდნენ. ვინმე მაწაწაა ხომ არ ვეგონე მათ.

— იცით რა, შევიკ, — ტკბილად უთხრა კომისარმა. — რად უნდა ვიჩხუბოთ ჩვენ აქ, სალმოვეს ქუჩაზე? უკეთესი ხომ არ იქნებოდა, საპოლიციო სამმართველოში რომ გადაგაგზავნოთ?

— მდგომარეობის ბატონ-პატრონი, როგორც იტყვიან, თქვენა ბრძანდებით, — კმაყოფილებით უპასუხა შევიკმა. — სალამოთი ჰაერზე გავლა საპოლიციო სამმართველოს მიმართულებით — ურიგო არაა. ეს იქნება ხანმოკლე, მაგრამ ძალზე სასიამოვნო გასეირნება.

— დიდად მოხარული ვარ, რომ ჩვენი აზრები ერთმანეთს დაემთხვა, — სიხარულით დაასკვნა პოლიციის კომისარმა, — იმაზე კარგი არაფერია, როცა ადამიანები ადვილად თანხმდებიან ხოლმე. ასე არაა, შევიკ?

— მეც სიამოვნებით ვეკითხები ხოლმე სხვას რჩევას, — უპასუხა შევიკმა. — მერწმუნეთ, პანე კომისარ, არასოდეს თქვენს სიკეთეს მე არ დავივიწყებ.

შევიკმა კომისარს თავაზიანად დაუკრა თავი, პოლიციელის თანხლებით ჩამოვიდა კიბეზე და საყარაულოში შევიდა. თხუთმეტი წუთის შემდეგ იგი უკვე იეჩენის ქუჩისა და კარლოსის მოედნის კუთხეში მიაბიჯებდა მეორე პოლიციელის თანხლებით, რომელსაც ილლიაში დიდი წიგნი ჰქონდა ამოჩრილი გერმანული წარწერით: *Arestantenbuch*<sup>1</sup>.

სპალენეს ქუჩის კუთხეში შევიკი და მისი მხლებელი პოლიციე-

<sup>1</sup> პატმართა სის წიგნი (გერმ.).

ლი წააწყდნენ ხალხის ბრბოს, რომელიც კედელზე გაკრულ განცხადებასთან შეჯგუფებულიყო.

— ეს ხელმწიფე-იმპერატორის მანიფესტია ომის გამოცხადების შესახებ, — უთხრა პოლიციელმა შვეიკს.

— მე ეს ვიწინასწარმეტყველე, — თქვა შვეიკმა. — საგიჟეთში კი ამის ბაიბურშიც არ არიან, მიუხედავად იმისა, რომ სწორედ მათ უნდა იცოდნენ ეს პირველ წყაროდან.

— ამით რისი თქმა გასურთ? — ჰკითხა პოლიციელმა.

— იქ ხომ ბლომად სხედან ბატონი ოფიცრები, — განმარტა შვეიკმა.

როცა ისინი მეორე ჯგუფს მიუახლოვდნენ, რომელიც აგრეთვე მანიფესტს კითხულობდა, შვეიკმა დაიყვირა:

— გაუმარჯოს იმპერატორ ფრანც იოსებს! ჩვენ გავიმარჯვებთ! აღგზნებულ ბრბოდან შვეიკს ვილაცამ ერთი ხელის დაკვრით ყურებამდე ქვაბურა ქუდი ჩამოაფხატა და ამ სახით მთელი ბრბოს თვალწინ, რომელიც მის გარშემო შეგროვდა, ხელმეორედ შეაბიჯა ყოჩაღმა ჯარისკაცმა შვეიკმა პოლიციის სამმართველოს ალაყაფის კარეზში.

— ამ ომს ჩვენ უეჭველად მოვიგებთ, კიდევ ერთხელ ვიმეორებ, ბატონებო! — წარმოთქვა ეს სიტყვები შვეიკმა და ბრბოს განშორდა.

შორეულ, ძალიან შორეულ დროში ევროპაში მოაღწია მართებულმა თქმამ, რომ ხვალინდელ დღეს შეუძლია მიმდინარე დღის გეგმებიც კი ჩაფუშოსო.

---



## თ ა ვ ი VI

### ფევიკმა გაარღვია მოჯადოებული წრე და ისევ უინ აღმოჩნდა

საპოლიციო სამმართველოში მოკალათებული იყვნენ ხალხის-  
თვის უცხო ხელისუფლების ავან-ჩავანნი. ეს ხელისუფლება გა-  
ფაციცებით თვალყურს ადევნებდა, თუ რა განწყობილებით შეხვდა  
ხალხი ომის გამოცხადებას. სულ რამდენიმე კაცის გამოკლებით,  
რომლებმაც ზურგი არ შეაქციეს თავის ხალხს, ხალხს, რომელსაც  
წვეთ-წვეთობით სისხლი უნდა დაეღვარა მისთვის აბსოლუტურად  
უცხო ინტერესების სანაცვლოდ, საპოლიციო სამმართველო წარ-  
მოადგენდა მტაცებელ-ბიუროკრატების შესანიშნავ კუნსტაშერას.  
ამ მტაცებლების აზრით, მხოლოდ ციხისა და სახრჩობელის ყო-  
ველმხრივი გამოყენებით იყო შესაძლებელი დახლართული, მიკი-  
ბულ-მოკიბული პარაგრაფების შენარჩუნება. ამასთანავე ეს მტა-  
ცებელი-ბიუროკრატები თავის მსხვერპლს შხამნარევი თავაზიანო-  
ბით ეგებებოდნენ და თვითეული სიტყვა წინასწარ ჰქონდათ გამო-  
ზომილი.

— მე ძალიან, ძალიან ვწუხვარ, — უთხრა ერთ-ერთმა ამ შავ-  
ყვითელმა მტაცებელმა \*, როცა შვეიკი მას მიპგვარეს, — რომ თქვენ  
ისევ ჩვენს ხელში მოხვდით. ჩვენ გვეგონა, რომ გამოაწორდებო-  
დით... მაგრამ, თურმე, მოვტყუვდით.

შვეიკი თანხმობის ნიშნად ხმაამოუღებლად თავს უკანტურებდა,  
ამასთანავე ისეთი ალალმართალი ადამიანის სახე მიიღო, რომ  
შავყვითელმა მტაცებელმა გაკვირვებით შეხედა და მკვახედ შეუ-  
ტია:

— თავს ნუ მოისულელებთ, მე თქვენ გეუბნებით!

მაგრამ ამავე წამს თავაზიან კილოზე გადავიდა.

— მერწმუნეთ, ჩვენ სრულებით არ გვსიამოვნებს, რომ თქვენ  
პატიმრობაში იყოთ. ჩემის აზრით, გთხოვთ ამაში მერწმუნოთ, თქვე-  
ნი დანაშაული არც ისე მძიმეა, ვინაიდან, თუ მხედველობაში მივი-  
ღებთ თქვენი გონებრივი განვითარების დაბალ დონეს, უნდა ვი-  
ფიქროთ, რომ თქვენ, ექვს გარეშეა, ვილაც-ვილაციებმა წაგაქე-  
ზეს. მითხარით, გეთაყვა, შვეიკ, სახელდობრ ვინ ჩაგადენიათ ასე-  
თი სისულელეები.

შვეიკმა ჩაახველა.

— ბოდის ვიხდი, მაგრამ არავითარი წარმოდგენა არა მაქვს  
რალაც სისულელეებზე.

— აბა, განა ეს სისულელე არ არის, პანე შვეიკ, — აჯერებდა  
მტაცებელი ნაძალადევი მამაშვილური კილოთი, — როცა თქვენ,  
როგორც ამას თქვენი მხლებელი პოლიციელი გვიმოწმებს, თავი  
მოუყარეთ ბრბოს კუთხეში გაკრულ ომის მათუწყებელ მანიფესტთან  
და ალაგზნებდით ხალხს წამოძახილებით: „გაუმარჯოს იმპერატორ  
ფრანც იოსებს! ჩვენ გავიმარჯვებთ!“

— მე არ შემეძლო გულხელდაკრეფილი მეცქირნა და არაფე-  
რი მომემოქმედნა, — განუმარტა შვეიკმა და თავისი კეთილი თვა-  
ლები მიაპყრო ინკვიზიტორს. — ძალიან ავლელდი, როცა დავინახე,  
რომ ყველა კითხულობდა ამ მანიფესტს ომის შესახებ, სიხარულს  
კი არავინ გამოთქვამდა. არც გამარჯვების წამოძახილები გაისმო-  
და, არც „ვაშას“ ძახილი... საერთოდ არაფერი, ბატონო მრჩევე-  
ლო. თითქოს მათ ყოველივე ეს არც ეხებოდა. აქ უკვე მე, ოთხ-  
მოცდამეთერთმეტე პოლკის ძველმა ჯარისკაცმა, ვეღარ მოვიტმი-  
ნე და წამოვიძახე ეს სიტყვები. ჩემს ადგილზე რომ ყოფილიყა-  
ვით, თქვენც უთუოდ ზუსტად ასე მოიქცეოდით. ომი თუა, ომი  
იყოს, რა გაეწყობა — ჩვენ ის გამარჯვებით უნდა დავამთავროთ,

და გამუდმებით ვადილოთ და ვასახლოთ ჩვენი ხელმწიფე — იმპერატორი. ამაში ვერავინ გადამარწმუნებს.

შავ-ყვითელმა მტაცებელმა, რომელსაც სიტყვის შესაბრუნებლად გასაქანი აღარ მიეცა, ვერ გაუძლო შვეიკის უმანკო კრავის თვალებს, ქალაღებში ჩარგო თავი და წარმოთქვა:

— საესებით გასაგები იქნებოდა თქვენი აღფრთოვანება, სხვა ვითარებაში რომ გამოგემყლავებინათ. თქვენ თვითონ ძალიან კარგად იცით, რომ პოლიციელი გახლდათ, ასე რომ თქვენს პატრიოტიზმს ბრბოში შეეძლო მხოლოდ სიცილი გამოეწვია და სრულებით არ მოახდენდა რაიმე სერიოზულ შთაბეჭდილებას.

— პოლიციელის ბაღრაგით ქუჩაში სიარული — მძიმე მომენტი გახლავთ თვითეული ადამიანის ცხოვრებაში. მაგრამ თუ ადამიანი ამ მძიმე მდგომარეობაშიც არ ივიწყებს, რა უნდა გააყეთოს ომის გამოცხადების დროს, ვფიქრობ, ასეთი ადამიანი არც ისე ცუდდ უნდა იყოს.

შავ-ყვითელმა მტაცებელმა შეუღრინა და კიდევ ერთხელ პირდაპირ შეხედა თვალებში შვეიკს. შვეიკმა უპასუხა თავისი უმანკო, რბილი, მოკრძალებული, ნაზი და თბილი გამოხედვით.

ერთ წუთს ისინი ერთმანეთს ასე მიშტერებოდნენ.

— მომწყდით თავიდან, ეშმაკის კერძო! — დაიღმუვლა ბოლოს მოხელის დრუნჩმა. — ოღონდ იცოდეთ, თუ კიდევ ერთხელ ჩამივარდით ხელში, თქვენი გამოკითხვით საერთოდ თავს აღარ შევიწყუხებ და პირდაპირ ჰრადჩანში \* მიგაბრძანებთ — სამხედრო სასამართლოში. გასაგებია?

ვიდრე მოხელე კიდევ რამის თქმას მოასწრებდა, შვეიკმა მიიღბინა მასთან, ხელზე აკოცა და უთხრა:

— ღმერთმან მოგიზღოს სამაგიერო! თუ ოდესმე მოგესურვებათ იყოლიოთ წმინდა სისხლის ძალღი, ინებეთ ჩემი შეწუხება. მე ძალღებით ვვაჭრობ.

ამრიგად, შვეიკი ისევ თავისუფალი აღმოჩნდა.

შინისკენ მიმავალი შვეიკი გზაში ფიქრობდა, შეეველო თუ არა სალუდე „უ კალიხაში“, და ბოლოს შეალო იგივე კარები, რომლიდანაც კარგა ხნის წინათ პოლიციის აგენტის ბრეტშნაიდერის თანხლებით გამოვიდა.

სალუდეში სამარისებური სიჩუმე იღგა, თითქოს მღუმარების ანგელოზს ჩამოეველოს. იქ რამდენიმე კაცს შეეყარა თავი, მათ შორის წმ. აპოლინარის ეკლესიის დარაჯიცი იყო. ყველას თავპირი

ჩამოსტიროდა. დახლთან მიკიტან პალივეცის ცოლი იჯდა და გამოთავყვანებული უყურებდა სალუდე ონკანებს.

— აი მეც დავბრუნდი — მხიარულად წარმოთქვა შვეიკმა. — ჩამომისხით, გეთაყვა, ერთი ტოლჩა ლუდი. სადაა ჩვენი პან პალივეცი? ალბათ, უკვე შინაა?

პასუხის ნაცვლად დიასახლისს ცრემლები წასკდა და მწუხარედ ამოიზღუქუნა:

— ათი წელი... ათი წელი მიუსაჯეს... ამ ერთი კვირის წინათ.

— აი, ხომ ხედავთ! — უთხრა შვეიკმა. — გამოდის, რომ ამ ათი წლიდან შვიდი დღე უკვე გასულა

— იგი ისეთი... ფრთხილი იყო — ქვითინებდა დიასახლისი. — იგი ყოველთვის ამას ამბობდა თავის თავზე...

სალუდეში მყოფნი პირდაცულები ისხდნენ, თითქოს აქამდე აქ პალივეცის სული ისევ ტრიალებდა და კიდევ უფრო მეტი სიფრთხილისკენ მოუწოდებდა.

— სიფრთხილე — სიბრძნის დედაა, — თქვა შვეიკმა, მაგიდას მიუჯდა და ლუდით სავსე ტოლჩა თავისკენ მიიჩოჩა; ლუდის ქაფში რამდენიმე ნასვრეტი გაჩენილიყო: პალივეცის ცოლის კურცხლები ჩაწვეთებულიყო შიგ. — ახლა ისეთი დროა, საჭიროა გვახსოვდეს, რომ სიფრთხილეს თავი არ სტკივა.

— გუშინ ორი მიცვალებული დავასაფლავეთ, — საუბარი სხვა საკითხზე გადაიტანა წმ. აპოლინარის ეკლესიის დარაჯმა.

— სჩანს, ვილაც მომკვდარა! — შენიშნა მეორე სტუმარმა.

მესამემ იკითხა:

— კატაფალკით თუ გაასვენეს მიცვალებული?

— საინტერესოა ვიცოდეთ, — თქვა შვეიკმა, — ნეტა, როგორ მოხდება ხოლმე ომის დროს სამხედროების დაკრძალვა?

სტუმრები წამოდგნენ, დიასახლისს ანგარიში გაუსწორეს და უჩუმრად გავიდნენ.

— ვერ წარმომიდგენია, — წარმოთქვა შვეიკმა, — რომ უდანაშაულო ადამიანს ათი წელი მიუსაჯონ. ერთხელ უდანაშაულოს, როგორც ყური მომიკრავს, ხუთი წელი მიუსაჯეს, მაგრამ ათი წელი — ეს უკვე, ჩვენს შორის დარჩეს და, მეტისმეტია!

— რა გაეწყობა, ჩემი კაცი ყველაფერში გამოტყდა, — ტიროდა პალივეცის ცოლი. — როგორც აქ ლაპარაკობდა ამ ბუზებსა და პორტრეტზე, ასევე სასამართლოშიც გაიმეორა. გამომიძახეს მოწ-



მედ, მაგრამ რა უნდა მეთქვა, როცა გამომიცხადეს, უფლება გაქვს უარი თქვა ჩვენებაზე, რადგან ნათესაურ კავშირში ხარ შენს ქმარსთან... მე ისე დამაფრთხო ამ ნათესაურმა კავშირმა, ჩვენს უბედურებას კიდევ არაფერი დამატოს-მეთქი, რომ უარი ვთქვი ყოველგვარი ჩვენების მიცემაზე. იმ ჩემმა საწყალმა კაცმა ისეთი თვალებით შემომხედა, რომ... სიკვდილამდე ჩემი გულიდან არ ამოვა. მერე, განაჩენის გამოტანის შემდეგ, დარბაზიდან როცა მიყავდათ და კიბეზე ჩადიოდა, თითქოს კეჟაზე შეირყაო, აიღოდა, დაიყვირა: „გაუმარჯოს თავისუფალ აზრს!“

— პან ბრეტშნაიდერს აქ აღარ შემოუვლია? — ჰკითხა შვეიკმა.

— რამდენჯერმე იყო, — უპასუხა დიასახლისმა. — დალევს ერთ-ორ ტოლჩა ლუდს, შემეკითხება, ვინ მოდის ხოლმე თქვენთან სალუდეშიო, მერე ყურს უგდება სტუმრებს, ფეხბურთის შესახებ როგორ საუბრობენ. ისინი მხოლოდ ფეხბურთზე ლაპარაკობენ ხოლმე, როცა პან ბრეტშნაიდერი სალუდეშია; ბრეტშნაიდერი სიბრაზისგან კბილებს აკრაქუნებს და გეგონებათ, საცაა ცოფიანივით წამოხტება და მოსაუბრეებს დაერევაო. მთელი ამ ხნის განმავლობაში მხოლოდ ერთს მოსდო ანეკსი, შპალერის გამკვრელს პრშიჩნეს ქუჩიდან.

— ეს გაწაფულობაზეა დამოკიდებული, — შენიშნა შვეიკმა. — შპალერის გამკვრელი ალბათ ბრიყვი ვინმე თუ იყო?

— აი ისეთივე, როგორიც ჩემი ქმარი გახლდათ, — უპასუხა ტირილით დიასახლისმა. — ბრეტშნაიდერმა მას ჰკითხა, თოფს ესროდით თუ არა სერბიელებსო. შპალერის გამკვრელმა უპასუხა, სროლა არ ვიციო, მხოლოდ ერთხელ ვიყავი ტირში და ერთმა კრონმა თქვენი ქირი წაიღოო. \* აქ ყველამ ჩვენი თვალით დავინახეთ, როგორ ამოიღო პან ბრეტშნაიდერმა უბის წიგნაკი და ჩვენი ყურათ მოვისმინეთ, როგორ წარმოთქვა: „აჰა, კიდევ ერთი შესანიშნავი სახელმწიფო ლალატიო“, — ადგა და თან წაიყვანა შპალერის გამკვრელი, რომელიც უკან აღარც დაბრუნებულა.

— ბევრი მათგანი აღარ ბრუნდება ხოლმე უკან, — თქვა შვეიკმა. — მომეცით, გეთაყვა, რომი.

სწორედ იმ დროს, როცა შვეიკმა მეორედ მოითხოვა რომი, სამიკიტნოში საიდუმლო აგენტი ბრეტშნაიდერი შემოვიდა. მიმოავლო თვალი ცარიელ სამიკიტნოს, მოითხოვა ლუდი, მიუჯდა შვეიკს და ელოდებოდა, ხომ არაფერს იტყვისო.

შვეიკმა საკიდიდან გაზეთი ჩამოიღო, გადაათვალიერა უკანასკნელ გვერდზე განცხადებები და ჩაილაპარაკა:

— ერთი ნახეთ, ვინმე ჩიმპერა, რომლის მისამართია: სოფელი სტრაშკოვო, სახლი ნოვერი ხუთი, რაჩინევესის საფოსტო განყოფილება — ჰყიდის კარ-მიღამოს შვიდი ქცევა სახნავი მიწით. იქვე არის სკოლა და ახლო რკინიგზაც გადის.

ბრეტშნაიდერმა ნერვიულად აათამაშა თითები მაგიდაზე და შეეიკს მიმართა:

— ძალიან მიკვირს, ასე რად გაინტერესებთ ეს კარ-მიღამო, პანე შეეიკ?

— ახ, ეს თქვენ ბრძანდებით? — წამოიძახა შეეიკმა და ხელი გაუწოლა ჩამოსართმევად. — ერთბაშად ველარც გიცანით. ძალიან ცუდი მესხიერების პატრონი ვარ. უკანასკნელად ჩვენ ერთმანეთს, თუ არ ვცდები, საპოლიციო სამმართველოს კანცელარიის მისაღებ ოთახში დაეშორდით. მას აქეთ როგორ გრძნობთ თავს, რას აკეთებთ? ხშირად მოდიხართ აქ?

— დღეს მოვედი თქვენს სანახავად, — უპასუხა ბრეტშნაიდერმა. — საპოლიციო სამმართველოში მაცნობეს, რომ თქვენ ძალღებით ვაჭრობთ. შესაჭიროება კარგი პინჩერი, ან ვთქვათ, შპიცი, ან კიდევ რამე ამდაგვარი...

— ჩვენთვის ეს ადვილი საქმეა, მოგართმევთ, რომელსაც ინებებთ, — უთხრა შეეიკმა. — წმინდასისხლა გნებავთ, თუ ისე... პირდაპირ ქუჩიდან აყვანილი?

— მე ვფიქრობ, წმინდასისხლაზე შევჩერდეთ, — უპასუხა ბრეტშნაიდერმა.

— რატომ არ გინდათ იყოლიოთ საპოლიციო ძალნი? — ჰკითხა შეეიკმა. — ის ყოველთვის სწრაფად აიღებდა გემს, ბოროტმოქმედის კვალზე დაგაყენებდათ. ერთ ყასაბს ვრწოვიცეში ჰყავს ასეთი ძალნი; ურიკას ატარებინებს. ამ ძალმა, შეიძლება ითქვას, თავის ნიჭსა და უნარს ნამდვილი სარბიელი ჯერჯერობით ვერ უპოვა.

— მე მინდა მყავდეს შპიცი, — თავშეკავებით გაიმეორა ბრეტშნაიდერმა, — დიახ, შპიცი, ოღონდ არ უნდა იკბინებოდეს.

— უკბილო შპიცი გნებავთ? — შეეკითხა შეეიკი. — მეგულებათ ასეთი — დეივიცეში, ერთ მიკიტანს ჰყავს.

— შეიძლება, უკეთესი ყოფილიყო პინჩერი... — ყოყმანით წარმოთქვა ბრეტშნაიდერმა, რომელიც კინოლოგიურ საკითხებში მეტად სუსტად იყო გათვითცნობიერებული.

საპოლიციო სამმართველოს ბრძანება რომ არა, იგი არასოდეს თავს არ შეიწუხებდა ძალლის ჯიშების ახლო გაცნობით. მაგრამ

ბრძანება იყო ზუსტი, მკაფიო და გარკვეული: რაც არ უნდა დაგი-  
ჯდეთ, დაუახლოვდით შვეიკს ძაღლებით ვაქრობის ნიადაგზე. ამ  
მიზნის განსახორციელებლად ბრეტშნაიდერს უფლება ჰქონდა აეყ-  
ვანა თანაშემწეები და მის განკარგულებაში განსაზღვრული რაო-  
დენობის თანხაც კი იყო გადაცემული ძაღლების შესაძენად.

— პინჩერი შეიძლება იყოს დიდიც და პატარაც, — თქვა შვეი-  
კმა, — მეგულეა ორი პატარა და სამი დიდი პინჩერი. ხუთივე მო-  
შინაურებულია. სულით და გულით გირჩევთ შეიძინოთ.

— ეგ საქმე მაწყობს, — განაცხადა ბრეტშნაიდერმა. — რა ელი-  
რებოდა თითო მათგანი?

— სიდიდეს გააჩნია, — უპასუხა შვეიკმა, — ყველაფერი სიდი-  
დეზეა დამოკიდებული. მაგრამ პინჩერი ხბო როდია, პინჩერის საქ-  
მე პირიქითაა: რაც უფრო პატარაა, მით უფრო ძვირია.

— მე რაც შეიძლება დიდს ავიყვანდი, სახლის საყარაულოდ, —  
უთხრა ბრეტშნაიდერმა, რომელიც პოლიციის საიდუმლო ფონდს  
უფრთხილდებოდა, არ შემომხეხარჯოსო.

— შესანიშნავია! — კვერი დაუკრა შვეიკმა. — დიდი პინჩერები  
შემიძლია დაგითმოს თითო ორმოცდაათ კრონად, ყველაზე დიდი —  
ორმოცდახუთად. მაგრამ ჩვენ ერთი გარემოება გამოგვრჩა: თქვენ  
ლექვები გნებაეთ თუ მოზრდილები, გარდა ამისა, ხვალი იყოს თუ  
ძუკნა?

— ჩემთვის სულ ერთია, — უპასუხა ბრეტშნაიდერმა, რომელსაც  
მობეზრდა მთელ ამ გადაუჭრელ პრობლემებზე ლაპარაკი. — მაშ  
ასე, მიშოვეთ ისინი და ხვალ საღამოს შეიდ საათზე შემოგივლით.  
შევთანხმდით?

— შევთანხმდით, მობრძანდით, — უგულოდ დაეთანხმა შვეიკი.

— ოღონდ ბეს დატოვებას გთხოვთ — ოცდაათ კრონს.

— ეგ რა სალაპარაკოა! — თქვა ბრეტშნაიდერმა და ფული გა-  
დაუთვალა. — ახლა კი ერთი ბოთლი ღვინო დავლიოთ. მე გპატი-  
ვობთ...

როცა ერთი ბოთლი გამოცალეს, შვეიკმა თავის ხარჯზე კიდევ  
ერთი ბოთლი მოატანინა. ბრეტშნაიდერი არწმუნებდა შვეიკს, ჩემი  
ნუ გეშინიათო, დღეს მე სამსახურის მოვალეობას არ ვასრულებ,  
ამიტომ შეგიძლიათ თავისუფლად მელაპარაკოთ პოლიტიკაზეო.

შვეიკმა უპასუხა, რომ სამიკიტნოში იგი არასოდეს პოლიტიკაზე  
არ ლაპარაკობს, და საერთოდაც, მთელი პოლიტიკა — მცირე ასა-  
კის ბავშვების გასართობ საქმედ მიმაჩნიაო.

ბრეტშნაიდერი, პირიქით, რევოლუციური რწმენით იყო გამს-

ქველული, მან განაცხადა: ჩემის აზრით, თვითელი სუსტი სახელმწიფო დასალუპადაა განწირული, და შვეიკს ჰკითხა, თქვენ რას იტყოდით ამის შესახებო.

შვეიკმა უპასუხა, სრულებით არაფერი მესაქმება სახელმწიფოსთან, თუმცა ერთხელ სენ-ბერნარის ჯიშის უსუსურ ლეკვს ვზრდიდი, რომელსაც სალდათური ორცხობილათი ვკვებავდი, და ლეკვმა ფეხები გასჭიმაო.

როცა კარგად შეზარხოშდნენ, ბრეტშნაიდერმა თავი ანარქისტად გამოაცხადა და შვეიკს შეუჩნდა, მირჩიეთ რომელ ორგანიზაციაში ჩავეწეროო.

შვეიკმა უამბო, რომ ერთხელ რომელიღაც ანარქისტმა მისგან განაწილვადებით ას კრონად იყიდა ლეონბერგი, მაგრამ აქამდე უკანასკნელი გადასახადი არ მოუცილაო.

კიდევ და კიდევ გადაჰკრეს თითო-თითო ჰიქა და ბრეტშნაიდერმა განაცხადა, მხარს ვუჭერ რევოლუციას და წინააღმდეგი ვარ მობილიზაციისო.

შვეიკი გადაიხარა მისკენ და ყურში წასჩურჩულა:

— ეს-ესაა ვიღაც შემოვიდა. ყური არ მოჰკრას თქვენს ლაპარაკს, უსიამოვნება არაფერი შეგემთხვეთ. შეხედეთ, დიასახლისო უკვე ტირის.

პალივეცის ცოლი, რომელიც დახლს უკან იჯდა სკამზე, მართლაც ტიროდა.

— რა გატირებთ, დიასახლისო? — მიმართა ქალს ბრეტშნაიდერმა. — სამ თვეში ჩვენ გავიმარჯვებთ, გამოცხადდება ამნისტია, და თქვენი ქმარი შინ დაბრუნდება. აი მაშინ კი წავიქვიფებთ ერთი მაგრად!.. ან. იქნებ თქვენ ეჭვი გეპარებათ, რომ ჩვენ გავიმარჯვებთ! — მიუბრუნდა იგი შვეიკს.

— რა საჭიროა სულ ერთისა და იმავეს ლეჭვა? — უპასუხა შვეიკმა. — უნდა გავიმარჯვოთ — მორჩა და გათავდა! დროა უკვე შინ წავიდე.

შვეიკმა გადაიხადა თავისი წილი და შინისკენ გაემართა. როცა მოხუცმა მსახურმა პანი მიუღერმა დაინახა, რომ ვიღაც მამაკაცი, რომელიც სადარბაზო კარებს გასადებით აღებდა, შვეიკი იყო. შიშისგან კინაღამ გული გადაუტრიალდა.

— მე კი მეგონა, ჩემო ბატონო, რომ თქვენ მხოლოდ რამდენიმე წლის შემდეგ დაბრუნდებოდით, — უთხრა დედაბერმა ჩვეულებრივი გულახდილობით. — და მე... შემებრალა და... დროებით...



მდგმურად ავიყვანე „ღამის კაფეს“ ერთი მეკარე... იმიტომ, რომ... აქ სამაჯერ გაგვჩხრიკეს და როცა ვერაფერი იპოვეს, მითხრეს, თქვენი საქმე ცუდადაა, ეტყობა, თქვენი ბატონი გამოცდილი ბოროტმოქმედიანო.

შვეიკი სულ მალე დარწმუნდა, რომ უცნობი არხეინად მოკალათებულყო მის ოთახში: ეძინა მისსავე ლოგინში და იმდენა ჯენტლმენობაც გამოეჩინა, რომ საწოლის მხოლოდ ერთი ნახევარი დაეკავებინა, მეორე ნახევარი კი ვიღაც გრძელთმიანი არსებისთვის დაეთმო, რომელიც ნიშნად მადლობისა, კისერზე მოხვეოდა მას და ისე ჩასძინებოდა. იატაკზე საწოლის ირგვლივ ერთმანეთში არეული ეყარა მამაკაცისა და ქალის ტანსაცმელი. მთელი ამ ქაოსიდან ჩანდა, რომ „ღამის კაფეს“ მეკარე გუშინ შექეიფიანებული დაბრუნებულიყო ქალთან ერთად.

— ვაუბატონო, — ხელი ჩაავლო შვეიკმა და შეანჯღრია მოტმასნებული მობინადრე, — ვაუბატონო, სადილად არ დაგავციანდეთ. ჩემთვის მეტად არასასიამოვნო იქნება, თუ შემდეგში ილაპარაკებთ, რომ იმ დროს გავაგდეთ გარეთ, როცა სადილობა გადასული იყო და უსმელ-უქმელი დარჩით.

ცოტა დრო როდი გავიდა, სანამ „ღამის კაფეს“ ნამძინარევი მეკარე გონს მოვიდოდა და ბოლოს ჩახვდებოდა, რომ შინ ნამდვი-

ლად დაბრუნდა პატრონი და საწოლის გათავისუფლებას მოთხოვდა.

ხსენებულმა ვაჟბატონმა „ღამის კაფეს“ ყველა მეკარისათვის დამახასიათებელი თავაზიანობით უპასუხა შვეიკს, ნეკნებს ჩაეუმტვრევ ყველას, ვინც გავლიძებას გამიბედავსო. თქვა ეს და დააპირა განეგრძო ძილი.

შვეიკმა ამასობაში მოაგროვა მისი ტანსაცმელი, მიიტანა საწოლთან, ენერგიულად შეანჯღრია მეკარე და უთხრა:

— თუ ახლავე არ ჩაიცივით, იძულებული ვიქნები დედიშობილად გაგაგდოთ ქუჩაში. თქვენთვის, ვფიქრობ, უფრო ხელსაყრელია ტანთჩაცმული აიბარგოთ აქედან.

— მე მინდოდა საღამოს რვა საათამდე გამომეძინა, — ჩაილაპარაკა საგონებელში ჩავარდნილმა მეკარემ, რომელიც შარვალს იცემადა, — საწოლის საფასურად დღეში ორ კრონს ვიხდი და დიასახლისთან მორიგებული ვარ, რომ შემიძლია მოვიყვანო ხოლმე კაფედან ქალები... მარჯვენა, ადექი!

როცა საყულოს იკეთებდა და ჰალსტუხს ისკვნიდა, მეკარე უკვე იმდენად გამოერკვა, რომ შვეიკს დაუწყო რწმუნება, ღამის კაფე „მიმოზა“ უცილობლად ერთ-ერთი ყველაზე წესიერი დაწესებულებაა, სადაც მხოლოდ ისეთ ქალებს უშვებენ, რომელთაც ყვითელი ბილეთი სრულ წესრიგში აქვთო, და შესთავაზა შვეიკს, ერთი ჩვენთანაც შემოიხედეთო.

მაგრამ კაფეს მეკარის სტუმარ ქალს შვეიკი თვალში არ მოუვიდა და მას მაღალი წრისთვის შესაფერისი რამდენიმე გამოთქმით მიმართა, რომელთა შორის ყველაზე წესიერი იყო: „აი მართლაც, რომ იტყვიან, ღვთის გლახაო, ეს არის!“

დაუპატიებელი სტუმრების წასვლის შემდეგ შვეიკი საშხარეულოში გავიდა, სადაც პანი მიუღერი ეგულებოდა. მასთან ერთად უნდოდა წესრიგში მოეყვანა თავისი ბინა. მაგრამ შვეიკმა დედაბერი ვერსად ნახა, მხოლოდ ქალაღლის ნაგლეჯს წააწყდა, რომელზეც ფანქრით იყო რაღაც ნაჯღაბნი. პანი მიუღერს მარტივად გამოეთქვა თავისი აზრი იმ უბედურ შემთხვევაზე, რომელიც „ღამის კაფეს“ მეკარესთვის შვეიკის საწოლის მიქირავენებას ეხებოდა.

ქალაღლის ნაგლეჯზე ეწერა:

„მაპატიეთ, ჩემო ბატონო, მე ვერასოდეს ველარ გიხილავთ, რადგან ფანჯრიდან უნდა გადავვარდე“.

— სტყუის! — თქვა შვეიკმა და ლოდინი დაუწყო.

ნახევარი საათის შემდეგ სამზარეულოში შემოიძურწა საცოდავი პანი მიულერი, მის დაღერემილ სახეზე ჩანდა, რომ შეეიკისგან იგი მანუგეშებელ სიტყვებს მოელოდა.

— თუ ფანჯრიდან გადავარდნა გსურთ, — უთხრა შეეიკმა, — მაშინ მიბრძანდით ოთახში, ფანჯარა იქ უკვე გავაღე. სამზარეულოს ფანჯრიდან გადავარდნას არ გირჩევდით, რადგან ბაღში ჩავარდებით და მთელ ყუაილებს გადაჯიჯგნით, რისთვისაც ფულის გადახდა მოგიხდებათ. იმ ფანჯრიდან კი, რომელიც მე გავაღე, თქვენ მშვენივრად გააღენთ ტყაპანს ტროტუარზე და, თუ ბედი გწყალობთ, კისერსაც მოიტეხთ. მაგრამ ვინიცობაა ბედმა გიმუხთლათ, მაშინ მხოლოდ ნეენებს, ხელებსა და ფეხებს დაიმტკრევთ, რის გამო საავადმყოფოში დაწოლა მოგიხდებათ და სამკურნალოდ ფულის გადახდა.

პანი მიულერი ატირდა, წყნარად შევიდა შეეიკის ოთახში და... ფანჯარა დახურა, მერე გამობრუნდა და თქვა:

— ქარი უბერავს, თქვენი რევმატიზმისთვის კი, ჩემო ბატონო, ეს კარგი როდია.

ამის შემდეგ ლოგინი გაშალა, არაჩვეულებრივი გულმოდგინებით ყველაფერი მიალაგ-მოალაგა და ჯერ ისევ ნამტირალევი თვალებით შევიდა სამზარეულოში, სადაც შეეიკს მოახსენა:

— იმ ორმა ლეკვმა, ჩემო ბატონო, ეზოში რომ გყავდათ, ფეხები გაფშკა, სენ-ბერნარი კი სადღაც გადაიკარგა ჩხრეკის დროს.

— ეშმაკმა დალახვროს! — წამოიძახა შეეიკმა. — ის მთელ ხათაბალაში შეიძლება გაეხასო მას, ალბათ, პოლიცია დაუწყებს ძებნას.

— მან პოლიციის ერთ-ერთ კომისარს უქბინა, — განაგრძობდა თხრობას პანი მიულერი, — როცა ჩხრეკის დროს საწოლის ქვეშ იდან გამოთრევა დაუპირა. ერთმა ამ პოლიციელთაგანმა თქვა: საწოლის ქვეშ ვილაც არისო, და სენ-ბერნარს კანონის სახელით უბრძანეს გამოძევრო, მაგრამ ის აღვილიდან არ იძვროდა, ამიტომ ძალით გამოათრიეს. სენ-ბერნარი გაბრაზდა და კინალამ ყველა დაკბინა, მერე კარებში გავარდა და ამის შემდეგ თვალითაც აღარ მინახავს. მეც დამკითხეს, შემეკითხნენ, თქვენთან ვინ დადის, ფულს ხომ არ ღებულობთ უცხოეთიდანო, მერე გადაკვრით მითხრეს, ბრიყვი დედაკაცი, ხარო, როცა მოვახსენე, რომ ფულს უცხოეთიდან იშვიათად ვღებულობთ, უკანასკნელად ბატონ მოურავისგან ბრნოდან მივიღეთ-თქო, — თქვენც ხომ გახსოვთ, სამოცი კრონი ბე რომ გადმოგვიგზავნა ანგორულ კატაში; თქვენ იმ კატის

შესახებ განცხადება გქონდათ მიცემული გაზეთ „ნაციონალურ პოლიტიკაში“, კატის ნაცვლად კი ბრნოში ფოქსტერიერის ბრმა ლეკვი გადაგზავნეთ, რომელიც ინდისხურმის ყუთში მოათავსეთ. ყველაფერი ეს მოვახსენე, იმათ კიდევე მითხრეს, ნამდვილად ბრიყვ დედაკაცი ხარო. მაგრამ მერე ტკბილად დამიწყეს ლაპარაკი დ მიჩიჩის, მარტოხელა ქალს ამ ბინაში რომ არ შეგეშინდეს, მდგმურად „ღამის კაფეს“ შეკარე აიყვანეო, — აი ის, რომელიც თქვე ახლახან პანლურის ცემით გაისტუმრეთ.

— ოჰ, რა არ გადავიტანე ამ პოლიციისგან, პანი მიუღერა — ამოიხენეშა შევიკმა. — აი, სულ მალე დაინახავთ, რამდენი პოლიციელი მოვა აქ ძაღლებისთვის.

არ ვიცი, გადატრიალების შემდეგ საპოლიციო არქივის შემოწმების დროს გამოარკვიეს თუ არა, რას ნიშნავდა სახელმწიფო პოლიციის საიდუმლო ფონდის გასაველის წყაროში აღნიშნული: ხბ — 40 კ., ფ — 50 კ., ლ — 80 კ. და ა. შ., მაგრამ თუ არქივში მომუშავეები ფიქრობდნენ, რომ ხბ., ფ., ლ., — ეს ზოგიერთ პირთა ინიციალებიაო, რომლებიც ჩვენ ხალხს 40, 50, 80 და ა. შ. კრონაჰ ჰყიდდნენ და ბრჭყალებში უგდებდნენ შავ-ყვითელ არწივს, \* უთუოდ ცდებოდნენ. სინამდვილეში, ხბ ნიშნავდა სენ-ბერნარს, ფ — ფოქსტერიერს, ლ — ლეონბერგს. ყველა ეს ძაღლი ბრეტშნაიდერმა შევიკისგან წამოიყვანა და საპოლიციო სამმართველოს მიჰგვარა.

ეს ძაღლები საზიზღარი რამ ურჩხულები იყვნენ, რომელთაც აბსოლუტურად არავითარი მსგავსება არ ჰქონდათ იმ წმინდა სისხლის ჯიშის ძაღლებთან, რომლებზე ლაპარაკითაც ყურები გამოუქვდა შევიკმა ბრეტშნაიდერს, ხელში კი ეს საფრთხობელები შეაჩეჩა. სენ-ბერნარი არაწმინდასისხლა პუდელისა და ეზოს ძაღლის ნარევი იყო; ფოქსტერიერი, ტაკსის ყურებით, ნავაზის ოდენა იყო. ფეხები კი ისე ჰქონდა დაგრეხილი, თითქოს რახიტი გადაეტანოს; ლეონბერგი თავისი ბანჯგელიანი დრუნჩით ბოლვერა ძაღლსა გავდა, კუდი მოჭრილი ჰქონდა და უკანალი პავიანივით შიშველი, სიმალლით კი ტაკსის ოდენა იყო.

შევიკთან ძაღლის საყიდლად პოლიციის აგენტმა კალოუსმაე \* კი შეიარა და მისგან უგვანი რამ ჯოჯოთი დაბრუნდა, რომელიც ხალიან აფთარს მოგაგონებდათ, თუმცა ფაფარი შოტლანდიური ნაგაზისა ჰქონდა. საიდუმლო ფონდის წყაროში იმ დღიდან ახალი აღნიშვნა გაჩნდა: ლ — 90 კ.

ეს მაიმახი შევიკის რწმუნებით დოგი იყო.



მაგრამ კალოუსმაც ვერაფერი წამოაცდენინა შვეიკს. მან ამ საქმეში ბრეტშნაიდერზე მეტს ვერაფერს მიაღწია. ყველაზე ეშმაკური პოლიტიკური ხასიათის ლაპარაკი შვეიკს ქეციანი ლეკვების მკურნალობაზე გადაჰქონდა, ოსტატურად მომარჯვებული უხილავი ბადის გადასროლა თავდებოდა იმით, რომ ბრეტშნაიდერს მიჰყავდა თან შვეიკისგან შექმნილი კიდევ ერთი შემზარავი ორტობახი.

და აი დადგა სახელგანთქმული აგენტის ბრეტშნაიდერის აღსასრულის დღეც. როცა ბინაში შვიდი ასეთი ურჩხული დაუგროვდა, იგი ჩაიკეტა მათთან ერთად უკანა ოთახში და ერთ ლუკმა საკმელს არ აძლევდა, სანამ ქოფაკებმა თვით იგი არ შეთქვლიფეს. ბრეტშნაიდერი იმდენად პატიოსანი აღმოჩნდა, რომ თავისი დასაკრძალავი ხარჯებისგან ხაზინა გაათავისუფლა.

საპოლიციო სამმართველოში მისი ნამსახურობის ნუსხის სვეტში — „სამსახურში დაწინაურება“ შეტანილი იყო ტრაგიზმით აღსავსე შემდეგი სიტყვები: „შეთქვლიფეს საკუთარმა ძაღლებმა“.

როცა მოგვიანებით შვეიკმა ამ ტრაგიკული შემთხვევის შესახებ გაიგო, წარმოთქვა:

— ვერ წარმომიდგენია, თავს როგორღა მოუყრიან ბრეტშნაიდერის ძვლებს, როცა მას საშინელი სამსჯავროს წინაშე წადგომა მოუხდება.

---



## თ ა ზ ი VII

### შვეიცი ომში მიღის

იმ დროს, როცა მდინარე რაბის გასწვრივ მდებარე ჰალიციის ტყეები მოწმე იყო, ამ მდინარეზე თავქუდმოგლეჯით როგორ გადარბოდნენ დამარცხებული ავსტრიის ჯარები, იმ დროს, როცა სამხრეთით, სერბიაში, ავსტრიის დივიზიებს ზურგზე ბოლი აღინეს (რაც დიდი ხანია დამსახურებული ჰქონდათ) — ავსტრიის სამხედრო სამინისტროს შვეიცი მოაგონდა, იქნებ ამ ჩაოხრებული საქმის გამოსწორებაში მონარქიას მან უშველოსო.

როცა შვეიკს უწყება მიუტანეს, ერთი კვირის შემდეგ სტრუელცის ოსტროვზე სამედიცინო შემოწმებისთვის უნდა გამოცხადდეთო, იგი სწორედ ამ დროს ლოგინში იწვა: მას ისევ შემოუტია რევმატიზმმა. პანი მიულერი სამზარეულოში იყო და ყავას უმზადებდა ავადმყოფს.

— პანი მიულერ, — გაისმა მეზობელ ოთახიდან შვეიკის წყნარი ხმა, — პანი მიულერ, ერთი წუთით აქ მობრძანდით.

მსახური ქალი მივიდა საწოლთან, და შვეიკმა იმავე წყნარი ხმით უთხრა:

— ჩამოჯექით ცოტა ხანს, პანი მიუღერ.

მისი ხმა იღუმალა ზეიმით ჟღერდა. როცა პანი მიუღერი დაჯდა, შვეიკმა წამოიწია ლოგინში და განაცხადა:

— მე ომში მივლივარ.

— დედაო ღვთისა! — წამოიძახა პანი მიუღერმა. — იქ თქვენ რა უნდა გააკეთოთ?

— ვიომებ, — მიმკვდარებული ხმით უპასუხა შვეიკმა. — ავსტრიას მეტად ცუდად აქვს საქმე. ზემოდან აწვებიან კრაკოვს, ქვემოდან — უნგრეთს. კუდილთ ქვა გვასროლინეს, ყოველივე ამის გამო მე ჯარში მიწვევენ. ჯერ კიდევ გუშინ მე თქვენ გაზეთში წაგიკითხეთ, რომ „ჩვენს ძვირფას სამშობლოს ღრუბლები მოეფინაო“.

— მაგრამ თქვენ ხომ განძრევაც არ შეგიძლიათ!

— ამას მნიშვნელობა არა აქვს, პანი მიუღერ, ომში ხელურიკათი წავალ. ხომ იცით, კუთხეში რომ მეშაქარლამეა? იმას აქვს ასეთი ხელურიკა. რამდენიმე წლის წინათ ამ ურიკათი მას სუფთა პაერზე თავისი კოკლი ბებრუხანა ბაბუა გამოყავდა ხოლმე. და აი თქვენ, პანი მიუღერ, ამ ხელურიკათი სამხედრო სამსახურში წამიყვანთ.

პანი მიუღერი ატირდა:

— ექიმი ხომ არ მოგიყვანათ, ჩემო ბატონო?

— ნურსადაც ნუ წახვალთ, პანი მიუღერ. მე საესეებით ვარგისი ვარ საზარბაზნე ხორცად, ოღონდ აი ცოტა ფეხები... მაგრამ, როცა ავსტრიის საქმე წამხდარია, ყოველი ხეიბარი თავის პოსტზე უნდა იდგეს. განაგრძეთ მშვიდად ყავის მოღუღება.

და იმ დროს, როცა პანი მიუღერი, ატირებული და გულანჯუყებული, ყავას წურავდა, ყოჩალი ჯარისკაცი შვეიკი ლოგინში იწვა და ღლინებდა:

ვინღიშგრეცი და სხვა ვილაც ვაჟბატონი გენერლები  
ძლიერ აღრე, სისხამ დილით, ომს იწყებდნენ გამალებით.

პოპ, პოპ, პოპ!

ომს იწყებდნენ გამალებით, შებლაღუნენ უფალს თანაც:  
„გეიხსენ, ქრისტე, შეგვავედრე. შენს უწმინდეს ღედასთანა“.

პოპ, პოპ, პოპ!

შეშინებულ პანი მიუღერს, რომელზეც საშინლად იმოქმედა ამ შემაზრზენმა საბრძოლო სიმღერამ, გადაავიწყდა ყავა და, მთელი სხეულით აკანკალებული, ყურს უგდებდა, ყოჩალი ჯარისკაცი შვეიკი როგორ განაგრძობდა სიმღერას თავის ლოგინში.

შენს უწმინდეს ღედასთანა. აი მოჩანს ოთხი ხიდი.

სჯობს აღმართო, პაემონტო \*, ფორპოსტები დიდზე-დიდი!

პოპ, პოპ, პოპ!

'სოლფერინოს \* მისადგომთან გაიმართა ბრძოლა მკაცრი.  
'სისხლი ჩქეფდა ნიაღვარად, ისე როგორც ღვინო კასრით.  
ჰობ, ჰობ, ჰობ!  
ისე როგორც ღვინო კასრით. გვაშები კი ავსებს ურშებს...  
ტყუილად არ ატარებდნენ ჰაბუეები სამხრეულებს.  
ჰობ, ჰობ, ჰობ!  
ჰე, ბიჭებო, აბა მარჯველ, ნუ შედრკება თქვენი გული.  
უკან მოგდევთ საზიდარი, ფულით ოხრად დატვირთული.  
ჰობ, ჰობ, ჰობ!

— ღეთის გულისათვის, ჩემო ბატონო, გთხოვთ! — გაისმა სამზარეულოდან საცოდავი ხმა, მაგრამ შევიკმა ბოლომდე მიიყვანა დიდებული საბრძოლო სიმღერა:

ფულით ოხრად დატვირთული. ამოგივთ ფაფაყ ყელში...  
ჰოლკი, ჩეუნუ მხიარული, გინახავთ თქვენს სიციცხლეში?  
ჰობ, ჰობ, ჰობ!

პანი მიუღერი ექიმის მოსაყვანად გაიქცა. დაბრუნდა ერთი საათის შემდეგ, როცა შევიკი უკვე თვლემდა. შევიკი გააღვიძა ჩასუქებულიმა მამაკაცმა, რომელმაც ხელი დაადო შუბლზე და უთხრა:

— ნუ გეშინიათ, მე ვინოპრადელი ექიმი პავეკი ვარ. მომეცი თქვენი ხელი. ეს თერმომეტრი ილლიაში ჩაიდევით. ასე. მაჩვენეთ ენა. კიდევ მეტად გამოყავით ენა. რით გარდაიცვალნენ თქვენი მშობლები?

ამრიგად, მაშინ, როცა ვენა იბრძოდა იმისათვის, რომ ავსტროუნგრეთში მობინადრე ხალხებს უღარესი ერთგულება და თავდადება გამოეჩინათ, ექიმმა პავეკმა შევიკს მისი პატრიოტული ენთუზიაზმის შესანელებლად ბრომი გამოუწერა და გულად და პატროსან ჯარისკაცს რჩევა მისცა, ომზე ნუ იფიქრებო.

— იწეკით მშვიდად და მოერიდეთ მღელვარებას. ხვალ კიდევ შემოვივლი.

მეორე დღეს ისევ მოვიდა ექიმი და პანი მიუღერს გამოკითხა სამზარეულოში, პაციენტი თავს როგორ გრძნობსო.

— უარესადაა, ბატონო ექიმო, — გულწრფელი, მწუხარებით უპასუხა პანი მიუღერმა. — ღამით, როცა რეემატიზმმა სულ ერთთავად გათანგა, უკაცრავად ნუ ვიქნები და, ავსტრიულ ჰიმნს მღეროდა.

ექიმმა პავეკმა საჭიროდ სკნო პაციენტის ლოიალობის ამ ახალ გამოვლინებას ბრომის დოზის გადიდებით გამოხმაურებოდა. მესამე დღეს პანი მიუღერმა აცნობა ექიმს, შევიკი კიდევ უფრო უარეს დღეშიაო.

— ნასადილევს, ბატონო ექიმო, მან სამხედრო მოქმედებათა

რუკის მოსატანად გამგზავნა, ღამით კი ბოდავდა, ავსტრია გაიმარჯვებო.

— ფხვნილებს ზუსტად ისე თუ ღებულობს, როგორც გამოცოწურე?

— ფხვნილებზე ჯერ არც გავუგზავნივარ, ბატონო ექიმო.

ექიმმა პავეკმა საყვედურებით აავსო შვეიკი, დაემუქრა, მე მეტად აღარ გინახულებთ და ხელს ვიღებ თქვენს მკურნალობაზე, რადგან ჩემს მიერ დანიშნულ ბრომით მკურნალობას არ ემორჩილებითო.

ორი დღეღა იყო დარჩენილი ვადამდე, როცა შვეიკი ჯარში გამწვევი კომისიის წინაშე უნდა წამდგარიყო. ამ ორ დღეში შვეიკი სათანადოდ შეემზადა: გაგზავნა პანი მიულერი, ჯერ ერთი, ფორმის ქუდის საყიდლად, მეორეც, კუთხეში მობინადრე მესაქარლამესგან ხელურიკას სათხოვნელად, რომლითაც მას ოდესღაც სუფთა პაერზე თავისი კოჭლი ბებრუხანა ბაბუა გამოყავდა ხოლმე. მერე შვეიკს გაახსენდა, რომ მისთვის აუცილებელი იყო ყავარჯენები. იღბლად, მესაქარლამეს ყავარჯენებიც აღმოაჩნდა, რომლებსაც იგი, თურმე, როგორც ოჯახის წმინდა ნივთს ინახავდა. შვეიკს მხოლოდ ყვავილების პატარა თაიგულიღა აკლდა, ურომლისოდაც წარმოუდგენელია ახალწვეული. მაგრამ ეს თაიგულიც უშოვნა მას პანი მიულერმა, რომელიც ამ დღეებში ჩხირივით გახდა და, სადაც არ უნდა ყოფილიყო, განუწყვეტლივ ტირიდა.

ამრიგად, იმ სამახსოვრო დღეს პრადის ქუჩები ჭეშმარიტი პატრიოტიზმის ამღელვებელი სურათის მოწმენი გახდნენ. დედაბერი მიაგორებდა ხელურიკას; შიგ იჯდა მამაკაცი ბრჭყვიალა კოქარდინი სამხედრო ქუდით, და ყავარჯენებს აქნევდა. ეს მამაკაცი, რომელიც ყავარჯენების ქნევას განაგრძობდა, მთელი ქუჩის გასაგონად გაჰყვიროდა: „ბელგრადზე! ბელგრადზე!“

მას ბრბო მისდევდა, პირველად ეს ბრბო არც ისე დიდი იყო,— სულ რამდენიმე ათეული კაცი თუ იქნებოდა, რომლებმაც თავი მოიყარეს იმ სახლთან, საიდანაც შვეიკი ომში წავიდა. შვეიკმა შეამჩნია, რომ გზაჯვარედინზე მდგომი ზოგიერთი პოლიციელი მას სამხედრო სალამს აძლევდა. ვაცლავის მოედანზე შვეიკის ურიკის გარშემო ბრბო ძალზე გაიზარდა: უკვე რამდენიმე ასეული კაცი შეყრილიყო. კრაკოვის ქუჩის კუთხეში ვიღაც გერმანელი სტუდენტი, რომელსაც კორპორანტის ქუდი ეხურა, მაგრად მიბეგვეს, რადგან შვეიკს დაუყვირა:

Heil! Nieder mit den serben!<sup>1</sup>

<sup>1</sup> ჰაილი ძირს სერბიელები (გერმ.).

ვოდიჩკოვის ქუჩის კუთხეში ცხენოსანმა პოლიციამ მოუსწრო და ბრბო გაფანტა. ბოქაულს მაინცდამაინც არაფრად ეპიტნავა როცა შვეიკმა დაუმტყიცა დღეს გამწვევ კომისიაში უნდა გამოცხადდეთ, და სკანდალის თავიდან ასაცილებლად ორ ცხენოსან პოლიციელს უბრძანა, შვეიკის ურიკა სტრშელეცკის ოსტროვზე მიაცილეთო.

მთელ ამ მომხდარ ამბავზე „პრალის ოფიციალურ გაზეთში“ მოთავსებული იყო შემდეგი სტატია:

**ხეიბარის პატრიოტიზმი.** გუშინ დღისით პრალის მთავარ ქუჩებზე გამეღვლებმა თავისი თვალთ იხილეს სცენა, რომელიც მკვერმეტყველურად მოწმობს, რომ ამ უდიდესა და სერიოზულ მომენტში ჩვენი ხალხის შვილებსაც შესწევთ ძალა და უნარი გვაჩვენონ ჩვენი ღრმად მოხუცებული მონარქის ტახტისადმი ერთგულებისა და თავდადების ბრწყინვალე მაგალითი. ასე გეგონებოდათ, რომ დაბრუნდა ძველ ბერძენთა და რომაელთა სახელოვანი დღეები, როცა მუციუს სცევოლა\* მიდგოდა ბრძოლაში, მიუხედავად იმისა, რომ მარჯვენა ხელი მთლად დამწვარი ჰქონდა. ყავარჯნებიანმა ხეიბარმა, რომელიც ავადმყოფის ხელურიკათი მოჰყავდა მის მოხუც დედას, გუშინ გვიჩვენა პატრიოტიზმის წმიდა გრძნობის გამოვლინება. ჩეხი ხალხის ეს პატიოსანი შვილი, მიუხედავად თავისა ავადმყოფობისა, ნებაყოფლობით წავიდა ომში, რათა მთელი თავისი ძალ-ღონე და სიცოცხლეც კი იმპერატორს შესწიროს.

და ის გარემოება, რომ მის მოწოდებას „ბელგრადზე“ ასე ერთსულოვნად გამოეხმაურნენ პრალის ქუჩებში, მოწმობს იმას, რომ პრალის მცხოვრებნი სამშობლოსადმი და მეფის სახლობისადმი სიყვარულის მისაბამ მაგალითებს ავლენენ“.

ამავე ხასიათის სტატია მოათავსა თავის ფურცლებზე „პრაგერ ტაგებლატმაც“\*. სტატია მთავრდებოდა შემდეგი სიტყვებით: „ხეიბარ-მოხალისეს მიაცილებდა გერმანელთა ჯგუფი, რომელიც თავისი მკერდით იცავდა მას ანტანტის ჩეხი აგენტების თვითგასამართლებისგან“.

„ბოჰემიამ“,\* რომელმაც იგივე ცნობა დაბეჭდა, შოთხოვა ხეიბარ-მოხალისის დაჯილდოება და გამოაცხადა, რომ რედაქცია დებულობს საჩუქრებს გერმანელ მოქალაქეებისგან უცნობი გმირის სასარგებლოდ.

ამრიგად, სამი გაზეთის აზრით, ჩეხი ხალხი ამ უცნობ გმირზე უფრო კეთილშობილ მოქალაქეს ვერასოდეს წარმოშობდა. მაგრამ გამწვევი კომისიის ბატონი წევრები არ იზიარებდნენ გაზეთების

შეხედულებას. მეტადრე უფროსი სამხედრო ექიმი ბაუტზე, რომელიც გულქვა კაცი იყო. იგი ასე ფიქრობდა: ამ ქვეყანაზე ყველანი თაღლითობენ და მამაძაღლობენ, რათა სამხედრო სამსახურიდან როგორმე თავი დაიძვრინონ — ფრონტის, ტყვიებისა და შრაპნელუბისგან თავი გადაირჩინონ. ცნობილი იყო მისი გამოთქმა:

„Das ganze tschehische volk ist eine simulanten-banode“.<sup>1</sup> თავისი მოღვაწეობის ათი კვირის მანძილზე მან 11000 მოქალაქისგან 10999 სიმულანტად ჩათვალა და ანკესზე წამოაგებდა მეთერთმეტეათასეც, რომ იგი ბედნიერ ვარსკვლავზე არ ყოფილიყო დაბადებული და დამბლა არ დაცემოდა სწორედ იმ დროს, როცა ექიმმა დაუღრიალა: „Kehrt euch!“<sup>2</sup>

— გაათრიეთ აქედან ეგ სიმულანტი, — წარმოთქვა ბაუტზემ, როცა დარწმუნდა, რომ იგი მოკვდა.

და აი, იმ სამახსოვრო დღეს ბაუტზეს წინაშე წარსდგა შვეიკი, მთლად დედიშობილა, როგორც ყველა დანარჩენი; იგი მორცხვად იფარავდა თავის სიშიშვლეს ყავარჯნებით, რომლებზეც დაყრდნობილი იყო.

— Das ist wirklich ein besonderes Feigen blatt,<sup>3</sup> — თქვა ბაუტზემ, — ასეთი ლეღვის ფოთლები სამოთხეში არ იყო.

— გათავისუფლებულია იდიოტიზმის გამო, — გამოაცხადა ფელდფებელმა, რომელიც შვეიკის საბუთებს ათვალთვრებდა.

— კიდევ რით ხართ დაავადებული? — ჰკითხა ბაუტზემ.

— მაქვს პატივი მოგახსენოთ, რეკმატიზმი მაწუხებს. მაგრამ ჩვენს ხელმწიფე-იმპერატორს უკანასკნელ სისხლის წვეთამდე ვემსახურები, — თავმდაბლად უპასუხა შვეიკმა. — მუხლების ხუთვა მაქვს.

ბაუტზემ თვალები გადმოუბრიალა ყოჩად ჯარისკაც შვეიკს და უყვირა:

— Sie sind ein Simulant!<sup>4</sup>

მერე მიუბრუნდა ფელდფებელს და ცივად უთხრა:

— Den kerl sogleich einsperren!<sup>5</sup>

ხიშტებიანი თოფებით შეიარაღებულმა ორმა ჯარისკაცმა შვეიკი საგარნიზონო ნაობახტში წაიყვანა. შვეიკი მიდიოდა ყავარჯნე-

<sup>1</sup> მთელი ჩეხი ხალხი სიმულანტების ბანდას წარმოადგენს. (გერმ.).

<sup>2</sup> ზურგისაკენი (გერმ.).

<sup>3</sup> ეს მართლაც არაჩვეულებრივი ლეღვის ფოთოლია (გერმ.).

<sup>4</sup> თქვენ სიმულანტი ხართ! (გერმ.).

<sup>5</sup> დაუყოვნებლივ დააპატიმრეთ ეს ტიპი (გერმ.).

ბით და თავისდა საუბედუროდ გრძნობდა, რომ მუხლების ხუთვა თანდათან ეშვებოდა. როცა პანი მიულერმა, რომელიც ხელური-კათი ხიდთან შევიკს ელოდებოდა, ორ ხიშტს შორის მიმავალი თავი-სი ბატონი დაინახა, ატირდა და წყნარად მოსცილდა ურიკას, რომ მას უკვე არასოდეს აღარ მიკარებოდა...

ყოჩალი ჯარისკაცი შევიკი კი ამ დროს მორჩილად მიაბიჯებდა სახელმწიფოს ორი შეიარაღებული დამცველის თანხლებით.

ხიშტები მზეზე ლაპლაპებდნენ, და მალა სტრანაზე, რადეცკის \* ძეგლის წინ, შევიკმა გასძახა ბრბოს, რომელიც მას ადევნებოდა:

— ბელგრადზე! ბელგრადზე!

მარშალი რადეცკი დაფიქრებული გადმოსცქეროდა თავისი კვარცხლბეკიდან ყოჩალ ჯარისკაც შევიკს, რომელიც ძველი ყავარ-ჯნებით ილღიაში და ახალწვეულის პატარა თაიგულით პიჯაკზე კოკლობით მიათრევედა ფეხებს.

ვიდაც დარბაისელმა მამაკაცმა თავშეყრილ ხალხს აუხსნა, დე-ზერტირი მიჰყავთო.

,









თ ა ვ ი VIII

### შვიკი — სიმულანტი

იმ დიად ეპოქაში ექიმები ტყავიდან ძვრებოდნენ, რომ ადამიანებში გამჯდარი საბოტაჟის მავნე სული აღმოეფხვრათ და სიმულანტები არმიის წიაღში დაებრუნებინათ. შემოწმების მთელი რიგი საფეხურები იყო შემოღებული აშკარა სიმულანტებისა და სიმულანტობაზე ეჭვიტანილ, ნამდვილად კი ავადმყოფი ადამიანების, სახელდობრ — ჭლექიანების, რევმატიზმიანების, თიაქრიანების, აგრეთვე თირკმელების ანთებით, ტიფით, შაქრის ავადმყოფობით, უილტვების ანთებითა და სხვა სნეულებით შეპყრობილთა გამოაარკვევად.

წამებანი, რომლებიც სიმულანტებს უნდა გადაეტანათ, გარკვეულ სისტემაში იყო მოყვანილი, და ამ წამებათა გრადაცია შემდეგი გახლდათ:

1. სასტიკი დიეტა: დილით და საღამოთი თითო ფინჯანი ჩაი სამი დღის განმავლობაში; გარდა ამისა, ყველას, მიუხედავად იმისა, რა ავადმყოფობას უჩიოდნენ, აძლევდნენ ასპირინს, რომ სიმულანტებს თფლი მოსვლოდათ.

2. ქინაქინი ფხვნილებში, დიდ-დიდ დოზებად, რომ არ ეფიქრათ, სამხედრო სამსახური თაფლივით ტკბილიაო. ამას ეწოდებოდა: „ქინაქინის ალოკვა“.

3. კუჭის ამორეცხვა ერთი ლიტრა თბილი წყლით დღეში ორჯერ.

4. ოყნა საპნიანი წყლითა და გლიცერინით.

5. სველ ცივ ზეწარში გახვევა.

იყენენ გმირები, რომლებმაც მედგრად გადაიტანეს წამების ხუთივე საფეხური და მიაღწიეს იმას, რომ უბრალო კუბოთი გაიტანეს ისინი სამხედრო სასაფლაოზე. მაგრამ აღმოჩნდნენ სულმოკლე ადამიანებიც, რომლებიც, როგორც კი საქმე ოყნაზე მიდგებოდა, აცხადებდნენ, უკვე განვიკურნეთ და აჰამად მეტი აღარაფერზე ვოცნებობთ, რომ უახლოეს სამარშო ბატალიონში ჩაგვრიცხოთ და სანგრებში გაგვისტუმროთო.

შვეიცი საგარნიზონო ნაობახტის საავადმყოფოს ბარაკში მოათავსეს სწორედ ასეთ სულმოკლე სიმულანტებთან.

— მეტი აღარ შემიძლია, — თქვა შვეიციის მეზობლად მწოლიარე სიმულანტმა, რომელიც ეს-ესაა ამბულატორიიდან მოიყვანეს, სადაც მას უკვე მეორეჯერ ამოურეცხეს კუჭი. ეს ადამიანი ბეცი იყო, მას კი უპტკიცებდნენ, სიმულანტი ხარო.

— ხვალვე პოლკში მიედივარ, — განაცხადა მარცხენა მეზობელ სწოლზე მწოლიარემ, რომელსაც ახლახან ოყნა გაუკეთეს. ეს ავადმყოფი სიმულანტობდა, როკოსავით ყრუ ვარო.

კარებთან მიდგმულ სწოლზე ჭლექიანი კვდებოდა, რომელიც სველ ზეწარში გამოეხვიათ.

— ეს უკვე მესამეა ამ კვირაში, — შენიშნა მეზობელმა მარჯვენა სწოლიდან.

— შენ რით ხარ დაავადებული? — შეეკითხნენ შვეიკს.

— რევმატიზმი მაქვს, — უპასუხა შვეიკმა, და ერთბაშად მთელმა ბარაკმა გულიანად გადაიხარხარა. მომაკვდავი ჭლექიანიც კი იცინოდა, რომელიც ტუმბერკულოზის დაავადებით „სიმულანტობდა“.

— რევმატიზმით, გირჩევენიათ, აქ ცხვირიც არ შემოჰყოთ, — სერიოზულად გააფრთხილა შვეიცი სქელმა მამაკაცმა. — რევმატიზმს აქ ისე უყურებენ, თითქოს რაღაც უბრალო კოჟიცი გაგჩენოდეთ თითზე. მე სისხლნაკულოლობას ვუჩივი, ამოჭრილი მაქვს კუჭის ნახევარი, ხუთი ნეკნი მაკლია, მაგრამ ეს არავის სჯერა. ამ ცოტა ხნის წინათ აქ ერთი ყრუ-მუნჯი იყო. თოთხმეტი დღე ყოველ ნახევარ საათში მას სველ ზეწარში ახვევდნენ. ყოველდღე ოყნას უკეთებდნენ და კუჭს ურეცხავდნენ. სანიტრებიც კი ფიქრობდნენ, რომ მისი საქ-

მე გაჩარხულია და უთუოდ შინ გაუშვებენო, მაგამ ექიმმა აილოდა, პირიდან სასაქმებელი გამოუწერა. ამ საშუალებას შეეძლო მთელი შიგნეული გადმოეტრიალებინა იმ საცოდავისთვის — და იგი შიშმა აიტანა: „ღარ შემიძლია ყრუ-მუნჯობა, — განაცხადა მან. — სმენაც დამიბრუნდა და მეტყველებაცო“. ყველა ავადმყოფი ურჩევდა, თავი არ დაიღუპო, მაგრამ იგი თავისაზე იდგა: სმენაცა მაქვს და ენაც თქვენსავითო. ასედაც მოახსენა ექიმს, რომელმაც დილით შემოიარა ავადმყოფების დასახედავად.

— დიახ, დიდხანს გაუძლო, — შენიშნა ერთმა ავადმყოფმა, რომელიც სიმულანტობდა, ცალი ფეხი მთელი ათი სანტიმეტრით უფრო მოკლე მაქვს, ვიდრე მეორეო. — აბა, იმ დამბლადაცემულს კი არ გავდა, რომლისთვისაც საკმარისი აღმოჩნდა ქინაქინის მხოლოდ სამი ფხვნილი, ერთი ოყნა და ერთი დღე უქმელობა. უმალ გამოტყდა, როგორც კი კუჭის ამორეცხვის ჯერი დადგა. დამბლა გაუქრა, თითქოს მისი ხსენებაც არ ყოფილიყო.

— ყველაზე მეტხანს აქ ცოფიანი ძაღლით დაკბენილმა გაუძლო. იკბინებოდა, ყმუოდა, წკაეწკაეებდა, მართლაც ყველაფერს შესანიშნავად აკეთებდა. მაგრამ ვერასგზით დორბლი ვერ მოიყენა ტუჩებზე. ვეხმარებოდით როგორადაც და რითაც შეგვეძლო, ვულიტინებლით ექიმის შემოვლის წინ, ზოგჯერ მთელი საათობით არ ვეშვებოდით, სანამ კრუნჩხვა არ დაეწყებოდა და მთლად არ გადალურჯდებოდა, მაგრამ არ იქნა და არა, დუეი არ აღგებოდა პირზე. ეს საშინელება იყო! და როცა მან დილის შემოვლის დროს ფარ-ხმალი დაყარა და დანებდა, რარიგ შეგვეცოდა, ვერ წარმოიდგენთ! საწოლთან სმენაზე დადგა, სარგადაყლაპულივით გამოეჭიმა ექიმს, სამხედრო სალაში მისცა და წარმოთქვა: „მაქვს პატივი მოგახსენოთ, ბატონო უფროსო ექიმო, ძაღლი, რომელმაც მიკბინა, ცოფიანი არ აღმოჩნდა“. უფროსმა ექიმმა ისე გადაუბრიალა თვალები, რომ დაკბენილი მთელი სხეულით აცახცახდა და უმალ დასძინა: „მაქვს პატივი მოგახსენოთ, ბატონო უფროსო ექიმო, საერთოდ არავითარ ძაღლს არ დავუკბენივარ. მე თვითონ დავიკბინე საკუთარი ხელი“. ამაში რომ გამოტყდა, ბრალი დადევს ასოთღაზიანებაში, თითქოს განზრახვა ჰქონდა ხელი დაესახინრებინა დაკბენით, ფრონტზე რომ არ მოხვედრილიყო.

— ყველა სნეულება, რომელიც დორბლის პირზე მოყენებას მოითხოვს, მაგალითად, ავი ზნე, ძალიან ძნელია სიმულაციისათვის, — თქვა სქელმა სიმულანტმა: — აქ ერთი ეპილეპტიკი იყო, იგი ყოველთვის გვეუბნებოდა, არავითარ სიმნელეს არ წარმოადგენს ზედმეტად გავითამაშო, თითქოს ბნელამ მოჰიარაო. დღეში ასე ათჯერ მაინც წაიქცეოდა, კრუნჩხვით იკლაკებოდა, მუშტებს კუმშავ-

და, თვალებს კარკლავდა, იატაკზე ენთქებოდა და ფართხალობდა, ენას გარეთ აგდებდა. მოკლედ რომ ვთქვათ, ეს იყო შესანიშნავი ეპილეპსია, პირველხარისხოვანი და ყოველ ექვს გარეშე ნამდვილი ეპილეპსია. მაგრამ მოულოდნელად ამ ეპილეპტიკს კისერზე ორი ძირმაგარა გაუჩნდა, ორიც ზურგზე, და იძულებული გახდა შიეტრ-ვებინა კრუნჩხვები და იატაკზე ფართხალი. ის კი არა, ამ მუწუკებისგან უბრალოდ თავსაც ვეღარ აბრუნებდა, ვეღარც ჯდებოდა. ვეღარც წევბოდა; აუვარდა ციებ-ციხელება ექიმის შემოვლის დროს ბოდვა დააწყებინა და ყველაფერში გამოტყდა. ავიზნიანის ამ აებედითმა მუწუკებმა ჩვენ დანარჩენები საძაგელ ღღეში ჩაგვეყარა. საქმე ისაა, რომ მუწუკების გამო ის ავადმყოფი ჩვენთან კიდევ სამი ღღე იწვა და მას სხვა დიეტა დაენიშნა: დილით ყავა ფუნთუშითი, სადილად — სუპი და კნედლიკი სოუსით, საღამოთი — ფაფა ახ სუპი, და ჩვენ, კუქ-ნაწლავებ ამორეცხილთ და მკაცრი დიეტით დამშეულთ, უნდა გვეცქირნა, ეს „ავიზნიანი“ როგორ თქვლეფავდა, ახრამუნებდა და, როცა მუცელს ამოიყორავდა, როგორ ხენეშოდა და აბოყინებდა. ამით მან გულის მანკით დასნეულებული სამი ავადმყოფი გააბრიყვა. ისინიც გამოტყდნენ.

— ყველაზე ადვილია, — თქვა ერთმა სიმულანტმა, — თავის მოგიყიანება. გვერდითა პალატა № 2-ში ორი მასწავლებელია. ერთი დღისით და ღამით დაუღალავად გაიძახის: „ჯორდანო ბრუნოს კოკონს ჯერ ისევ ბოლი ასდის! განაახლეთ გალილეის პროცესი!“ მეორე პყეფს; პირველად სამჯერ ნელა: „ჰამ, ჰამ, ჰამ“, მერე ხუთჯერ სწრაფად: „ჰამ-ჰამ-ჰამ-ჰამ-ჰამ“, შემდეგ ისევ ნელა, — და ასე შეუსვენებლად. ორთავემ უკვე გაუძლო სამ კვირაზე მეტხანს... თავდაპირველად მეც მინდოდა თავის მოგიყიანება, თითქოს შეშლილი ვიყავი რელიგიურ ნიადაგზე და უნდა მექადაგანა ჰაბის შეუკოდველობაზე. მაგრამ საბოლოოდ მალა სტრანას ერთი პარკიკმახერისგან თხუთმეტ კრონად კუქის კიბო შევიძინე.

— მე ვიცი ერთი ბრევენოველი ბუხრის მწმენდელი, — ჩაუბორო მეორე ავადმყოფმა, — რომელიც ათ კრონად ისეთ ცხელებას გაგიჩენთ, ლამის ფანჯრიდან გადახტეთ.

— აბა ეგ რაა, — თქვა მესამემ. — ვრშოვიცეში არის ერთი ბეზი-ქალი, რომელიც ოც კრონად ისე მარჯვედ ამოგიგდებთ კოქს, რომ მთელი თქვენი სიცოცხლე ხეიბარი დარჩებით.

— მე ხუთ კრონად მიღრძეს ფეხი, — გაისმა ხმა ფანჯარასთან მიდგმულ საწოლიდან. — ხუთიანი ნაღდ ფულად მივეცი და სამი ტოლჩა ლუდიც დავუმატე.

— მე ჩემი ავადმყოფობა უკვე ორას კრონზე მეტი დამიჯდა, —

განაცხადა მისმა მეზობელმა, რომელიც ჩხირივით ჩამომხმარიყო. — ვერ დამისახელებთ ისეთ შხამს, რომელიც მე არ მიმეღოს. ყოველგვარი შხამის ცოცხალი საკუჭნაო ვარ. დამილევია სულემა, მისუნთქავს ვერცხლისწყლის ორთქლი, დამიკვნეტია დარიშხანი, მომიწევია ოპიუმი, დამილევია ოპიუმის ნაყენი, პურის ნატეხზე მომიყრია მორფიუმი, გადამიყლაპავს სტრიქნინი, დამილევია გოგირდნახშირბადში გახსნილი ფოსფორი და პიკრინის მკაეაც. დავიზიანე ღვიძლი, ფილტვები, თირკმელები, ნაღვლის ბუშტი, ტვინი, გული და ნაწლავები. კაციშვილი ვერ გებულობს, რითა ვარ დასნეულებული.

— ყველაზე უკეთესია, — შენიშნა კარებთან მწოლიარე ავადმყოფმა, — კანქვეშ ნავთის შეშხაპუნება. ჩემს ბიძაშვილს ბედმა გაუღიმა: ნიდაყვამდე მოკვეთეს ხელი, და ახლა მისთვის არავითარი სამხედრო სამსახური საშიში აღარაა.

— აი, ხომ ხედავთ, — თქვა შვეიკმა, — ყველაფერი ეს თვითეულმა ჩვენგანმა უნდა გადაიტანოს ხელმწიფე — იმპერატორის გულისათვის: კუჭის ამორეცხვაცა და ოყნაც. როცა ამ რამდენიმე წლის წინათ სამხედრო ვალდებულებას ვინდიდი, ჩვენს პოლკში უარესი ამბები ხდებოდა. ავადმყოფს თხასავით გაკოჭავდნენ და ვირის აბანოში აგდებდნენ, რომ იქ განკურნებულიყო. იმ ვირის აბანოში არ იყო ნაალიანი საწოლები, როგორც აქაა, არც საფურთხები. ცარიელ ფიცრულ ტახტებზე იყვნენ დაყრილი ავადმყოფები. ერთხელ ასეთ ტახტზე იწვა ნამდვილად პარტახტიანი ტიფით დაავადებული ჯარისკაცი, მის გვერდით მეორე იწვა — შავი ყვავილით შეპყრობილი. ორთავე შებორკილი იყო „შპანგლეთი“ \* და პოლკის ექიმის წიხლსა სცემდა მათ მუცელში, აი თქვე სინულანტებოო. მაგრამ, როცა ორივე ჯარისკაცი გარდაიცვალა, საქმე პარლამენტამდე მივიდა, და ყველაფერი გაზეთებში გამოშუუურდა. ერთბაშად აგვიკრძალეს გაზეთების კითხვა და სკივრებიც კი გაგვიჩხრიკეს, გაზეთები ხომ არავის აქვსო. მე არასოდეს ბედი არ მწყალობს. მთელს პოლკში გაზეთები ვერავის უნახეს, მე კი აღმომაჩნდა. წამიყვანეს პოლკის მეთაურთან. ჩვენი პოლკოვნიკი ისეთი ვირი ვინმე იყო, — უფალმა სასუფეველი დაუმკვიდროს მას იმქვეყნად! — შევედი თუ არა მასთან, დამიღრიალა, სმენაზე იდექ და მიპასუხე, ვინ დასწერა გაზეთშიო, თორემ ცემით გაგხეთქავ და ციხეში გამოგალაბობო. მერე პოლკის ექიმი მოვიდა, მუშტს მიღერებდა ცხვირში და მიყვიროდა: „Sie verfluchter Hund, sie schäbiges Wesen, sie unglückliches Mistvieh!“ სოციალისტურო ქმნილებავ!“ მე პირდაპირ თვალეში

\* შე წყუულო ძაღლო, ფლიდო ქმნილება, ქეციანო პირუტყვო (გერმ.)

მივჩერებივარ მათ, ერთხელაც არ დამიხამხამებია, და ხმასაც არ ვიღებ. მარჯვენა ხელით მხედრული სალამი მაქვს მიცემული, მარცხენა — შარვლის ნაკერის გასწვრივ გაჭიმული ქოფაკებივით მიტრიალებდნენ გარშემო, ყუფდნენ, ღაფღაფებდნენ, მე კი კრინტს არ ვძრავდი, ჩუმაღ ვიყავი ჩემთვის, — მარჯვენა ხელით მხედრული სალამი მქონდა მიცემული, მარცხენა — შარვლის ნაკერის გასწვრივ გაჭიმული. მიტრიალეს ასე მთელი ნახევარი საათი. მერე პოლკოვნიკი მოიჭრა ჩემთან და დამპყვივლა: „შენ იდიოტი ხარ თუ არა?“ „სწორედ ასეა, პანე პოლკოვნიკ, — იდიოტი ვარ“, — ვუპასუხე. „ოცდაერთი დღით მკაცრ პატიმრობაში იდიოტობისათვის! ორი მარხვის დღე კვირაში, ერთი თვე უშვებულეზოდ, ორმოცდარვა საათით ჩასტედეტ „შპანგლეში“. დაუყოვნებლივ დაამწყვდიეთ და საკმელი არ მისცეთ! შეეკოქეთ! აჩვენეთ მას, რომ სახელმწიფოს იდიოტები არ ესაჭიროება. მაგ გოგრიდან გამოგვიბერტყავთ, შე ძაღლიშვილო, გაზეთებს!“ ამით დაასრულა ბატონმა პოლკოვნიკმა თავისი ყბედობა. სანამ მე პატიმრობაში ვიმყოფებოდი, ყაზარმაში პირდაპირ რაღაც სასწაულები ხდებოდა. ჩვენმა პოლკოვნიკმა თურმე საერთოდ აუკრძალა. სალდათებს კითხვა, „პრალის ოფიციალური გაზეთიც“ არ დაუშვა წასაკითხად. სალდათების დუქანში აკრძალეს ძეხვისა და ყველის შეხვევაც კი გაზეთებში. და აი, სწორედ ამ დღიდან სალდათები დაეწაფნენ კითხვას. ჩვენი პოლკი ერთბაშად ყველაზე ნაკითხი შეიქნა. კითხულობდნენ ყველა გაზეთს და ყოველ ასეულში თხზავდნენ ლექსებსა და სიმღერებს პოლკოვნიკზე. და თუ რამე მოხდებოდა პოლკში, ყოველთვის გაჩნდებოდა რომელიმე გულშემატკივარი, რომელიც გაზეთში უშვებდა პატარა სტატიას სათაურით: „როგორ ავიწროებენ სალდათებს“. კიდევ მეტიც: სწერდნენ დეპუტატებს ვენაში, გამოგვესარჩლეთო, და დეპუტატები შეეკითხვას შეეკითხვაზე აგზავნიდნენ პარლამენტში, ცნობილია თუ არა მთავრობისთვის, რომ ჩვენი პოლკოვნიკი მხეცია, და სხვა ამდაგვარი. მინისტრმა კომისია გამოგზავნა პოლკში საქმის გამოსარკვევად. ამას ის მოჰყვა, რომ ვიღაც პლუბოკელი ფრანტა ჰენშლი ორი წლით ციხეში ჩასვეს: თურმე მას საჩივრით მიუმართავს ვენაში პარლამენტის დეპუტატებისთვის, სასწავლო მოედანზე მეცადინეობის დროს პოლკოვნიკმა სილა გამაწნაო. როცა კომისია უკან გაბრუნდა, პოლკოვნიკმა მთელი პოლკი ჩამწყვრივა ეზოში, და განაცხადა, ჯარისკაცი ჯარისკაცია, ენას კბილები უნდა დააჭიროს და ისე იმსახუროსო, და თუ ვინმე უქმყოფილებას გამოთქვამს, ეს დისციპლინის დარღვევააო. „თქვენ კი გაიძვერებო:

გეგონათ, კომისია გიშველიდათ? — თქვა თურმე პოლკოვნიკმა. — მაგრამ კოვზი ნაცარში ჩაგვივარდათ, კომისიამ ვერ გიშველათ! ახლა კი თვითეულმა ასეულმა მწყობრი ნაბიჯით ჩაიაროს. ჩემს წინ და ხმამალა გაიმეოროს ის, რაცა ვთქვი“. და ასეული ასეულის მიყოლებით, მწყობრად მიაბიჯებდა მარჯვნივ სწორებით, საითაც პოლკოვნიკი იდგა, თოფის თასმაზე ხელშემოდებული, და რაც ძალა და ღონე ჰქონდათ ღრიალებდნენ: „ჩვენ, გაიძვერებს, გვეგონა, კომისია გვიშველიდა. მაგრამ კოვზი ნაცარში ჩაგვივარდა, კომისიამ ვერ გვიშველა“ პოლკოვნიკი თავშეუკავებლად ხარხარებდა, სიცილისგან, თურმე, მუცელზე კანი აღარ შერჩა: მაგრამ აი წამოვიდა მეთერთმეტე ასეული. მოდის სამხედრო ნაბიჯით, მწყობრად, უახლოვდება პოლკოვნიკს და... კრინტს არ ძრავს, სღუმს კრიჭაშეკრულივით. პოლკოვნიკი მოხარშულ კიბოსავით გაწითლდა და ასეული უკან გააბრუნა, თავიდან დაიწყეთო. მეთერთმეტე ასეული ისევ წამოვიდა სამხედრო, მწყობრი ნაბიჯით და... ისევ სღუმს. მწყობრი, მწყობრს მიჰყვება და ყველანი უტიფრად უცქერიან თვალეში პოლკოვნიკს. „Ruht!“ — ბრძანა პოლკოვნიკმა, თვითონ კი წინ და უკან დადის ეზოში, წიკვლას ჩექმის ყელზე იტყლაშუნებს, იფურთხება, მერე უტბად შესდგა და დაიღრიალა: „Abtreten!“<sup>2</sup> შეჯდა თავის ჯაგლაგზე და ჰიშკარში გავარდა. ჯარისკაცები გულისფანცქალით ელოდნენ, მეთერთმეტე ასეულს რა დღე დაადგებოთ, მაგრამ არაფერი. ელოდნენ მთელი დღე, ელოდნენ მეორე დღე, ერთი კვირა — ბაიბურცი არ ისმოდა. პოლკოვნიკი ყაზარმაშიც აღარ მოდიოდა, ჯარისკაცები გახარებული იყვნენ, და განა მარტო ჯარისკაცები: გახარებული იყვნენ უნტერებიცა და თვით ოფიცრებიც. ბოლოს, ახალი პოლკოვნიკი გამოამწესეს ჩვენს პოლკში. ძველ პოლკოვნიკზე ამბობდნენ, რომელიღაც სანატორიუმში თავი ამოაყოფინეს, რადგან საკუთარს ხელით მისწერა თურმე ხელმწიფე-იმპერატორს, მეთერთმეტე ასეული ამიჯანყდაო.

ახლოვდებოდა სადილის შემდეგ დაწესებული შემოვლის საათი. სამხედრო ექიმი გრიუნშტიინი ერთი საწოლიდან მეორესთან მიდიოდა, უკან ფერშალი მიყვებოდა დავთრით ხელში.

— მაკუნა!

— აქა ვარ!

<sup>1</sup> თავისუფლად სდგე! (გერმ.)

<sup>2</sup> დაიშალენით! (გერმ.)



- ოყნა და ასპირინი.
- პოკორნი
- აქა ვარ!
- კუქის ამორეცხვა და ქინაქინი.
- კოვარჯიკა
- აქა ვარ!
- ოყნა და ასპირინი.
- კოთიატკო!
- აქა ვარ!
- კუქის ამორეცხვა და ქინაქინი.

და ასე ერთიმეორის მიყოლებით ყველას — მექანიკურად, უხე-  
შად და შეუზრალეზლად.

— შევიკ!

— აქა ვარ!

ექიმმა გრიუნშტეინმა შეხედა ახალმოსულს.

— რით ხართ ავად?

— მაქვს პატივი მოგახსენოთ, მე რევმატიზმი მაქვს.

ექიმ გრიუნშტეინს თავისი პრაქტიკის განმავლობაში შეთვისე-  
ბული ჰქონდა ჩვევა ავადმყოფებთან ირონიულად ელაპარაკნა. ეს  
ყვირილზე უფრო მაგრად სჭრიდა.

— ახ, რას ამბობთ, რევმატიზმიო... — უთხრა მან შევიკს. —  
ეს მართლაც მძიმე ავადმყოფობაა. მერედა, იღბალი არ გინდა ადა-  
მიანს — რევმატიზმმა სწორედ მსოფლიო ომის დროს შემოგითოს,  
სწორედ მაშინ, როცა ფრონტზე წასასვლელად ემზადება კაცი  
ვფიქრობ, ძალიან სწუხხხართ!

— მაქვს პატივი მოგახსენოთ, ბატონო უფროსო ექიმო, ძალიან  
ვწუხვარ.

— ა-ა, ხომ ხედავთ, ძალიან სწუხს? დიდად მოსაწონია თქვენის  
მხრივ, რომ თავში მოგივიდათ აზრი მოგემართათ ჩვენთვის სწორედ  
ამ დროს. მშვიდობიანობის დროს თიკანივით დაკვინტროშობთ და  
დარბიხართ, მაგრამ იფეთქებს თუ არა ომი, რევმატიზმი გემართებათ  
და მუხლები აღარ გემორჩილებათ. ხომ არ გტკივათ მუხლები?

— მაქვს პატივი მოგახსენოთ, მტკივა.

— და მთელი ღამე არ გაძინებთ? ხომ ასეა? რევმატიზმი საშიში,  
გამტანჯველი და მძიმე ავადმყოფობაა. ჩვენ ამ საქმეში დიდი პრაქ-  
ტიკა მოგვეპოვება: მკაცრი დიეტა და მკურნალობის ჩვენი სხვა სა-  
შუალებანი ძალიან კარგ შედეგებს იძლევიან. ჩვენთან გაცილებით  
უფრო ადრე განიკურნებით, ვიდრე პიშთანეხში, და ისე მოკეურცხ-  
ლავთ ფრონტისკენ, რომ გზაში მტერის კორიანტელს დააყენებთ.

უფროსი ექიმი ფერშალს მიუბრუნდა და უთხრა:

— ჩასწერეთ: „შვეიცი, მკაცრი დიეტა, დღეში ორჯერ კუჭის ამო-  
რეცხვა და დღეში ერთხელ ოყნა“. მერე ვნახოთ. ახლა წაიყვანეთ  
ამბულატორიაში, ამოურეცხეთ კუჭი და როცა მოსულიერდება,  
ოყნა გაუკეთეთ, მაგრამ იცოდეთ, ნამდვილი ოყნა, ისეთი, რომ გა-  
ჩენის დღეს იწყებდნენ და რომ მისი რეკმატიზმი ერთბაშად გა-  
ქრეს და ახლო აღარ გაეკაროს.

მერე ავადმყოფებისკენ მიტრიალდა და წარმოთქვა შესანიშნავი  
და ბრძნული სენტენციებით აღსავსე სიტყვა:

— არ გეგონოთ, რომ თქვენს წინაშე ვინმე ვირი იდგეს, რომე-  
ლიც შეგიძლიათ თქვენს ნებაზე ატაროთ. თქვენი ოინბაზობით ჩემ-  
თან ფონს ვერ გახვალთ. მე ხომ მშვენიერად ვიცი, რომ თქვენ ყვე-  
ლანი სიმულანტები ხართ და გსურთ თავი დაიძვინოთ სამხედრო  
სამსახურიდან, ამიტომ გეპყრობით ისე, როგორც თქვენისთანებს  
ეკადრება. მე ჩემს სიცოცხლეში თქვენისთანა მემორები ასეულობით  
მინახავს. ამ საწოლებზე ბლომად წოლილან ისეთები, რომლებიც  
დაავადებულნი იყვნენ მხოლოდ და მხოლოდ იმით, რომ მოკლებულ-  
ნი იყვნენ საბრძოლო სულისკვეთებას. იმ დროს, როცა მათი ამხანა-  
გები ფრონტზე იბრძოდნენ, ისინი ფიქრობდნენ, მხართეძოზე წა-  
მოვწვებით, საავადმყოფოს სასამელ-საქმელს შევექცევით, და ასე  
არხეინად ვიქნებით, სანამ ომი არ დამთავრდებაო. მაგრამ მათ, გაი-  
ძვერებს, გაუტრუვდათ იმედები და თქვენც, ყურუშსაღებო, არ გა-  
გივიათ იშვილბაზობა! ოცი წლის შემდეგაც წამოიყვირებთ ზოგჯერ  
ძილში, როცა თქვენი ახლანდელი სიმულაციები დაგესიზმრებათ.

— მაქვს პატივი მოგახსენოთ, ბატონო უფროსო ექიმო, —  
გაისმა წყნარი ხმა ფანჯარასთან მიდგმულ საწოლიდან, — მე უკვე  
განვიკურნე. უკვე წუხელ შევამჩნიე, რომ სულსხუთვამ გამიიარა.

— თქვენი გვარი?

— კოვარჩიკი. მაქვს პატივი მოგახსენოთ, დანიშნული მქონდა  
ოყნა.

— ძალიან კარგი, ოყნას თქვენ მაინც გაგიკეთებენ უკანასკნე-  
ლად, — თქვა ექიმმა გრიუნშტეინმა, — რომ შემდეგ საყვედური არ  
გამოთქვიათ, სამხედრო საავადმყოფოში არ მკურნალობდნენო. მაშ  
ასე, ახლა ყველა ავადმყოფი, რომლებიც ჩამოვთვალე, უკან გაჰყვე-  
ბა ფერშალს და მიიღებს, ვისაც რა ეკუთვნის.

თვითუღს არგუნეს კუთვნილი დიდ-დიდ დოზებად. ზოგიერთე-  
ბი ცდილობდნენ ემოქმედნათ ექიმის ბრძანების შემსრულებლებზე  
მუდარით, თუ არადა, მუქარითაც: ჩვენ თვითონ ჩავეწერებით სანიტ-

რებად და, ადვილი შესაძლებელია, ახლანდელი სანიტრები ოდესმე ხელში ჩაგვივარდეთო. რაც შეეხება შვეიკს, მას ყოჩაღად ექირა თავი.

— არ დამინდო, — ამხნევებდა იგი ჯალათს, რომელიც ოყნას უკეთებდა. — გახსოვდეს ფიცი. აქ რომ მამაშენი ან ღვიძლი ძმა იწვეს, გაუყეთე ოყნა ულაპარაკოდ. იცოდე, ამ ოყნებით უდგას სული მთელ ავსტრიას. ჩვენ გავიმარჯვებთ!

მეორე ღღეს შემოვლისას ექიმმა გრიუნშტეინმა გამოჰკითხა შვეიკს, როგორ მოგწონთ ჰოსპიტალშიო. შვეიკმა უპასუხა, რომ ეს დაწესებულება კეთილმოწყობილია და დიდად საპატიო. ამის ჯილდოდ მან მიიღო ის, რაც გუშინ, და სართად კიდევ ასპირინი და სამი ფხვნილი ქინაქინი; ყველაფერი ეს წყალში გაულესეს, მერე უბრძანეს დაუყოვნებლივ გადაჰქარიო.

თვით სოკრატესაც კი არ შეუსვამს თავისი შხამის ფიალა ისეთი სიმშვიდით, როგორც შვეიკმა ეს ქინაქინი შესვა. ექიმმა გრიუნშტეინმა შვეიკზე ყოველგვარი წამების ხერხი გამოსცადა. როცა ექიმის თანდასწრებით მას ცივ სველ ზეწარში ახვევდნენ, გრიუნშტეინის შეკითხვაზე, ეს როგორ მოგწონთო, შვეიკმა უპასუხა:

— მაქვს პატივი მოგახსენოთ, ბატონო უფროსო ექიმო, თავს ისე ვგრძნობ, თითქოს აბაზანაში ვიყო ან ზღვის კურორტზე.

— რევმატიზმმა ჯერ არ გაგიართა?

— მაქვს პატივი მოგახსენოთ, ბატონო უფროსო ექიმო, არ მეშვება.

შვეიკს ახალი წამებანი დაუნიშნეს.

ამ დროის განმავლობაში ინფანტერიის გენერლის ქვრივი, ბარონესა ფონ ბოტცენჰაიმი ყოველგვარ ღონეს მიმართავდა იმ ჯარისკაცის მოსაძებნად, რომლის შესახებ ამას წინათ გაზეთი „ბოჰემია“ სწერდა, რომ იგი, ხეიბარი, დაერდომილთა ხელუჩიკათი სამხედრო კომისიაში გამოცხადდა და გზაში გაჰყვიროდა: „ბელგრადაზე, ბელგრადაზეო!“ პატრიოტიზმის ამ გამოვლინებამ საბაბი მისცა „ბოჰემიის“ რედაქციას მოწოდებით მიემართა თავისი მკითხველისათვის მოეწყობოთ ლოიალური გმირ-ხეიბარის სასარგებლოდ საჩუქრების შეგროვება.

ბოლოს, საპოლიციო სამმართველოდან მიღებული ცნობების საფუძველზე, ბარონესამ გაიგო, რომ ამ სალდათის გვარი იყო შვეიკი. მისი მოძებნა უკვე დიდ სიძნელეს აღარ შეადგენდა. ბარონესა ფონ ბოტცენჰაიმმა წაიყვანა თავისი მხლებელი ქალი და კამერდინერი კალათათი და გაემგზავრა ჰრადჩანის ჰოსპიტალში.

საწყალ ბარონესას ვერც წარმოედგინა, რას ნიშნავდა საგარნიზონო საპატიმროს ჰოსპიტალში წოლა. სადარბაზო ბარათმა გაუხსნა დიდგვაროვან ქალს საპატიმროს კარები. კანცელარიაში ბარონესას

დიდი მოწიწებით შეეგებნენ. ხუთ წუთში მას უკვე აცნობეს, რაიმე „der brave Soldat“<sup>1</sup> შეეიკი, რომლის ნახვა მას სურდა, მესამე ბარაკში, საწოლ № 17-ზე წევს. ბარონესას თვით ექიმი გრიუნშტეინი ახლდა, რომელიც მთლად გამოეშტერებინა ამ მოულოდნელ ვიზიტს. შვეიკი ეს-ესაა ახლა დაბრუნებულიყო თავის საწოლზე ჩვეულებრივი ყოველდღიური ტურისგან, რომელიც ექიმმა გრიუნშტეინმა დაუნიშნა. იგი იჯდა გაძვალტყავებული და დამშეული სიმულანტებით გარშემოხვეული, რომლებსაც აქამდე გაეძლოთ, არასგზით არ ნებდებოდნენ და შეუპოვრად განაგრძობდნენ ექიმ გრიუნშტეინის მკაცრ დიეტასთან გამკლავებას.

ვინმეს ყური რომ დაეგდო ამ კომპანიის საუბრისთვის, იფიქრებდა, უმაღლესი სამზარეულო სკოლის კულინარებს შორის, ანდა გასტრონომიული მალაზიების გამყიდველთა კურსებზე მოვხვდიო.

— სულ უბრალო ღორის ხოხოზიკების ჭამაც კი შეიძლება, სანამ ის ჯერ კიდევ თბილია, — განაცხადა ერთმა სიმულანტმა, რომელსაც „კუქის ძველისძველ კატარისგან“ მკურნალობდნენ. — როცა ქონი აშიშინდება და შხეფების სროლას დაიწყებს, ხოხოზიკები უნდა გადაწუროთ, მარილი და პილპილი მოაყაროთ და მაშინ, გარწმუნებთ, ვერავითარი ბატის ხოხოზიკები მათ ვეღარ შეედრება.

— აბა, აბა, ბატის ხოხოზიკები განა ასე ადვილი ხელწამოსაკრავია, — თქვა კუქის კიბოთი დაავადებულმა, — მათზე უკეთესი, აბა, რა შეიძლება იყოს! რა სახსენებელია მათთან შედარებით ღორის ქონის ხოხოზიკები! ბატის ხოხოზიკები, რა თქმა უნდა, მანამ უნდა იყოს ცეცხლზე, სანამ არ შეიბრაწება. ებრაელები ასე აკეთებენ: აიღებენ მსუქან ბატს, კანს გააცლიან ქონს და ნელ ცეცხლზე წვავენ.

— მე კი მგონია, რომ თქვენ სცდებით ღორის ხოხოზიკების შეფასებაში, — შენიშნა შვეიკის მეზობელმა. — მე, რა თქმა უნდა, ვლამპარაკობ იმ ხოხოზიკებზე, რომლებიც შინაური ღორის ქონისგან მზადდება. ასედაც ეწოდება მათ — შინაური ხოხოზიკები. ისინი არც ყავისფერი უნდა იყვნენ, არც ყვითელი, არამედ საშუალო ფერისა. შინაური ხოხოზიკები არც ძალიან მაგრები უნდა იყვნენ და არცთუ ძალიან რბილი. მათ ხრამუნი არ უნდა გაუდიოდეთ. თუ ხრამუნი გაუდით, ეს იმას ნიშნავს, რომ ისინი გადახრაკულია. ხოხოზიკები ენაზე უნდა დნებოდნენ... ამასთანავე არ უნდა მოგეჩვენოთ, რომ ქონი ნიკაპზე ჩამოვდით.

— აბა, რომელს გიჰამიათ ცხენის ქონის ხოხოზიკები? — გაის-

<sup>1</sup> ყოჩალი ჯარისკაცი (გერ.)

მა ვილატის ხმა, მაგრამ არავის უპასუხნია, რადგან ამ დროს ფერ-  
შალმა შემოირბინა.

— საწოლებთან! აქ დიდი თავადის ქალი მოდის. შემალეთ საბ-  
ნის ქვეშ ეგ თქვენი ბინძური ფეხები!

თვით მთავრის ცოლი ვერ შემოვიდოდა ასე ზეიმურად, როგორც  
ბარონესა ფონ ბოტცენჰაიმი შემოვიდა. მას უკან მოყვებოდა მთელი  
პროცესია, აქ იყო ჰოსპიტლის ბუხპალტერიც, რომელსაც ამ ვიზიტ-  
ში რევიზიის საიდუმლო ზრიკები ელანდებოდა და იგი შიშის ქარმა  
აიტანა, ვაითუ თბილი და მსუყე ადგილი დამაკარგვინონ, ჯარის  
ზურგში, მოწინავე პოზიციებზე მიკრან თავი და შრაპნელებისა და  
მავთულხლართების კერძი გავხდეთ. იგი მთლად გაფითრებულიყო.  
იმაზე უარესად დაკარგვოდა ფერი ექიმ გრიუნშტიენს. თვალთაგან  
არ სცილდებოდა მოხუცი ბარონესის პატარა სადარბაზო ბარათა  
ტიტულით „გენერლის ქვრივი“ და ყოველივე ის, რაც დაკავშირე-  
ბული იყო ამ ტიტულთან: ნაცნობობანი, პროტექციები, საჩივრები,  
ფრონტზე გამწესება და სხვა საშინელებანი.

— აი, შვეიკი, — წარმოთქვა ექიმმა ნაძალადევი სიმშვიდით და  
ბარონესა ფონ ბოტცენჰაიმი შვეიკის საწოლთან მიიყვანა. — ყვე-  
ლაფერს დიდი მოთმინებით იტანს.

ბარონესა ფონ ბოტცენჰაიმი შვეიკის საწოლთან მიდგმულ სკამზე  
დაჯდა და თქვა:

— ჩესკი ზოლდატ, კარგი ზოლდატ, ხეიბარი ზოლდატ, მამაცი  
ზოლდატ. მე ზალიან მიყვარს ჩესკი ავსტრიელი, — თან ხელს უთა-  
თუნებდა შვეიკს გაუპარსავ ლოყაზე. — მე ყველაფერი წავიკითხე  
გაზეთში, მე თქვენ მოგიტანეთ საქმელი — „ამ, ამ“; მოსაწვევი, მო-  
საწუწნი... ჩესკი ზოლდატ, ყოჩაგი ზოლდატ! *Johann, kommen  
Sie her!* <sup>1</sup>

კამერდინერმა, რომელიც თავისი გაჩეჩილი ბაკენბარდებით ბა-  
ბინსკის\* მოგავგონებდათ, საწოლთან უზარმაზარი კალათა მოათრია.  
ბარონესას მხლებელი აწოწილი, ნამტირალევეთვალეებიანი ქალი,  
ჩამოუჯდა შვეიკს საწოლზე და ზურგს უკან თივით გატენილი ბა-  
ლიშის გასწორება დაუწყო, სრული დარწმუნებული იმაში, რომ  
დაპირილ გმირთა სასთუმალთან სწორედ ასე იქცევიანო.

ბარონესა ამასობაში კალათიდან საჩუქრებს იღებდა. ამოალაგა  
ვარდისფერ პაპიროსის ქაღალდში შეხვეული და შავ-ყვითელ აბრე-  
შუმის ლენტით შეკრული მთელი დუქინი შემწვარი წიწილები, ორი  
ბოთლი რომელიღაც ლიჭიორი სამხედრო წარმოებისა, ეტიკეტით:

<sup>1</sup> იოჰან. აქ მოდით! (გერმ.)

„Gott, strafe England!“<sup>1</sup> ეტიკეტზე— ბოთლის მეორე მხრიდან— გამოსახული იყვნენ ხელიხეჩაკიდებული ფრანც იოსები და ვილჰელმი, და თითქოს მცირე ასაკის ბავშვების თამაშით ირთობდნენ თავს:

ტაში, ტაში, ჩქარა ტაში;  
ტურამ წაიღო ლავაში.

მერე ბარონესამ ამოიღო სამი ბოთლი სასმელი მოკეთებულ ავადმყოფთათვის და სამი კოლოფი სიგარეტი. ყველაფერი ეს მოხდენილად დაალაგა შვეიცის საწოლის თავისუფალ ადგილზე. შემდეგ ამთ გვერდით გაჩნდა ლამაზ ყდაში ჩასმული წიგნი სათაურით: „სურათები ჩვენი მონარქის ცხოვრებიდან“, რომელიც ჩვენი ახლანდელი რევიციალური გაზეთის „ჩეხოსლოვაკიის რესპუბლიკის“ დამსახურებული შეფრედაქტორის მიერ იყო შედგენილი; რედაქტორი, როგორც ჩანდა, კარგად ერკვეოდა მოხუც ფრანც იოსების ცხოვრებაში.

საწოლზე გაჩნდა შოკოლადის ფალებიც იმავე წარწერით: „Gott, strafe England!“<sup>1</sup> და ისევ ავსტრიისა და გერმანიის იმპერატორების გამოსახულებით. მაგრამ შოკოლადზე იმპერატორები უკვე ხელიხელჩაკიდებულნი აღარ იყვნენ, ცალ-ცალკე იდგნენ; ზურგშექცეულნი. გვერდით ბარონესამ დადო ორმაგი კბილის ჯაგრულა წარწერით: „Viribus unitis“<sup>2</sup>, გაკეთებული იმ მიზნით, რომ ყველამ, ვინც იმით კბილებს გამოიწმენდს, ავსტრია გაიხსენოსო. ყველაზე ელვგანტური საჩუქარი, ესოდენ აუცილებელი ფრონტსა და სანგრებში, აღმოჩნდა მანიკიურის სრული კომპლექტი. კოლოფზე სურათი იყო: შრაპნელი გამსკდარიყო და გმირი ჯარისკაცი ფოლადის ჩაჩქანით თავზე შამხანამომარჯვებული იერიშზე მიდიოდა. სურათის ქვემოთ ეწერა: „Für Gott, Kaiser und Vaterland!“<sup>3</sup>.

ორცხობილების შეკვრაზე სურათი არ იყო, სამაგიეროდ ლექსით დაემშვენებინათ:

Osterreich, du edles Haus,  
steck deine Fahne aus,  
lass sie im Winde wehen,  
Osterreich muss ewig stehen!

მეორე გვერდზე მოთაყსებული იყო ჩეხური თარგმანი:

ოი, ავსტრიაო, სახელმწიფო ხარ მძლედ მკობილი.  
დე ფრიალებდეს დროშა შენი კეთილშობილი.

<sup>1</sup> ღმერთო, დასაჯე ინგლისი (გერ.)

<sup>2</sup> შეერთებული ძალებით (ლათ.)

<sup>3</sup> ღვთისა, მეფისა და სამშობლოსათვის! (გერმ.)

უკანასკნელ საჩუქარს ყვაილები ქოთანში ჩარგული თეთრი სუმბული წარმოადგენდა. როცა ბარონესა ფონ ბოტცენჰაიმმა ყველაფერი ეს შევიკის საწოლზე დაინახა, გული აუჩვილდა და ცრემლი მოადგა თვალებზე. რამდენიმე დამშეულ სიმულანტსაც მოადგა... ნერწყვი. მსლებელ ქალს, რომელსაც ლოგინში წამომჯდარი შევიკი ზურგიდან ეჭირა, მეტიც არ უნდოდა და, დაპალუპით წასკდა ცრემლები. სიჩუმე სუფევდა ირგვლივ, ვით ეკლესიაში. ეს სიჩუმე უეცრად შევიკმა დაარღვია; მან ხელები დაიკრიფა სალოცავად და წარმოსთქვა: „მამაო ჩვენო, რომელი ხარ ცათა შინა, წმიდა იყავნ სახელი შენი; მოვედინ სუფევა შენი“... პარდონ, <sup>1</sup> ქალბატონო, შემეშალა მე მინდოდა მეთქვა: „თვალნი ყოველთანი შენდამი ესვენ, უფალო, და შენ მოსცი მათ საზრდელი ყოველსა ეამსა. აღაღებ შენ ხელსა შენსა, და განაძლებ ყოველსა ცხოველსა ნებისაებრ შენისა“. ამ სიტყვების შემდეგ, საწოლიდან ერთი შემწვარი წიწილა აიღო და მშიერ გულზე ისე ეძგერა, რომ ექიმმა გრიუნშტეინმა შეშინებული თვალები გააყოლა საკმელს.

— ახ, როგორ ეამა, ზოლდატს! — ალტაცებით წასჩურჩულა მოხუცმა ბარონესამ ექიმ გრიუნშტეინს. — იგი უკვე კარგადაა და შეუძლია ფრონტზე წასვლა. ზალიან, ზალიან მახარებს, რომ ყველაფერი ეს სასიკეთოდ გამოადგა.

ბარონესამ საწოლებს ჩამოუარა, ყველას სიგარეტები და შოკოლადის კამფეტები დაურიგა, მერე ისევ შევიკთან მივიდა, ხელი გადაუსვა თავზე და უთხრა: „Behüt euch Gott“ <sup>2</sup>. ამის შემდეგ მთელი ამაღის თანხლებით გავიდა პალატიდან.

სანამ ექიმი გრიუნშტეინი ბარონესას აცილებდა, შევიკმა წიწილები ჩამოაჩვიდა. ავადმყოფებმა ისინი ისე სწრაფად შესანსლეს, რომ, როცა ექიმი დაბრუნდა, წიწილების ნაცვლად ძვლების გროვალა დახვდა, და ისე მაგრად შემოღრღნილი, თითქოს წიწილები ცოცხლად მოხვედრილიყვნენ ძერას ბუდეში და მათი ძვლები რამდენიმე თვე მცხუნვარე მზის გულზე იხრუკებოდნენ.

გაქქრა სამხედრო ლიქიორიცა და სამი ბოთლი ღვინოც. პაციენტების კუქს ჩაბარდა შოკოლადის ფილები და ორცხობილების მთელი შეკვრა. ვილაცას მანიკიურის კომპლექტიდან ფრჩხილების მთე-

<sup>1</sup> უკაცრავად (ფრანგ.).

<sup>2</sup> გწყალობდეს ღმერთო. (გერმ.).

ლი შუშა ლაქიც კი გადაეყლუნწა, მეორეს — კბილის პასტა ჩაეკბინა, რომელიც კბილის ჯაგრულას ჰქონდა დართული.

ექიმი გრიუნშტეინი ისევ საბრძოლო პოზაში გამოეკიმა თავის პაციენტებს და გრძელი სიტყვით მიმართა. მას გულზე მოეშვა, როცა ვიზიტი დამთავრდა, შემოღრღნილი ძვლების გროვამ კი უფრო მეტად განუმტკიცა ის რწმენა, რომ ყველა პაციენტი გაუსწორებელი სიმულანტი იყო.

— სალდათებო, — თქვა მან, — თქვე ჰკუთსგლახებო, თქვენა, თქვენთვის ღმერთს ტვინი რომ მოეცა, წინდახედულად მოიქცეოდით, ყველაფერ ამას ხელს არ ახლებდით და ასე გაიფიქრებდით: „ჩვენ რომ ეს შევეთქველიფოთ, უფროსი ექიმი აღარ დაიჯერებს, თითქოს ჩვენ მძიმედ ვართ დაავადებულნი.“ თქვენმა მსუნაგობამ კი საბოლოოდ დამარწმუნა, რომ ჩემს სიკეთეს არაფრად აგდებთ. ნე კუქს გირეცხავთ, ოყნას გიკეთებთ, ვცდილობ სრულ დიეტაზე გამყოფოთ, თქვენ კი ყველაფერს მუცელში იტენით. კუქის კატარი ხომ არ გინდათ დაგეპართოთ? არა, ვაჟბატონებო, ძალიან სცდებით! სანამ თქვენი კუჭი საჭმლის მონელებას მოასწრებდეს, ისე საფუძვლიანად ამოგირეცხავთ მას, რომ სიკვდილამდე არ დაგავიწყდებათ და შვილებსაც უამბობთ, ერთხელ როგორ მიასკდით წიწილებს და ნაირ-ნაირ ტკბილ საჭმელებს და ყველაფერი ეს ხუთმეტი წუთიც არ გაგიჩერდათ კუჭში, რადგან თავის დროზე ამოგანთხვეინეს. აბა, მომყევით უკან! არ გეგონოთ, თქვენსავით ბოთე ვიყო. მე ცოტათი უფრო ჰკვიანი ვარ, ვიდრე თქვენ ყველანი ერთად აღებული. გარდა ამისა, ყველას გასაგონად ვაცხადებ, რომ ხვალვე კომისიას გამოგიგზავნი. ძალზე დიდხანს გორაობთ აქ და არც ერთი თქვენგანი ავად არ არის, რაკი შეგიძლიათ ხუთ წუთში ისე ამოიყროთ მუცელი, როგორც ახლა მოახერხებთ... ნაბიჯით იარ!

შვეიკამდე რომ მივიდა საქმე, ექიმმა გრიუნშტეინმა შეხედა მას, გაახსენდა დღევანდელი უცნაური ვიზიტი და ჰკითხა:

— თქვენ იცნობთ ბარონესას?

— მე მისი ნაბიჭვარი ვარ, — მშვიდად უპასუხა შვეიკმა. — ჯერ კიდევ ჩვილი ასაკისა ვიყავი, როცა სხვის კარზე მიმაგდო, ახლა ისევ მიპოვა.

ექიმმა გრიუნშტეინმა ლაკონიურად წარმოთქვა:

— შეეიკს ოყნა გაუკეთეთ დამატებით.

დაღვრემილი იწვნენ თავის საწოლებზე ავადმყოფები საღამოთი. ამ რამდენიმე საათის წინ კუჭში სუყველას ნაირ-ნაირი კარგი, გემრიელი საჭმელები ჰქონდა, ახლა კი ჩაის წყალში დამბალი პურის ნატეხი უბუყბუყებდა მუცელში.





ნომერმა 21-მა, ფანჯარასთან რომ იწვა, გაუბედავად წარმოთქვა:

— გინდ დამიჯერეთ, გინდ არა, ბიჭებო, შემწვარი წიწილები მირჩევნია ჩახრაკულს.

ვილაცამ დაიდრინა:

— ერთი თავში ჩაათარეთ მაგას!

მაგრამ ყველა ისე იყო მიკნავებული ბარონესას მარცხიანი გამსპინძლებით, რომ ადგილიდან არავინ დაძრულა.

ექიმმა გრიუნშტეინმა თავისი სიტყვა შეასრულა. დღისით მოვიდა კომისია რამდენიმე სამხედრო ექიმის შემადგენლობით. ექიმები მუდღერად მიდი-მოდოდნენ საწოლებს შორის და გაისმოდა მხოლოდ ორი სიტყვა: „მაჩვენე ენა!“ შვეიკმა გამოჰყო ენა რამდენადაც შეეძლო; ამავე დროს, ჭინთვისგან მისმა სახემ სულელური გამომეტყველება მიიღო, თან თვალებიც მოხუჭა.

— მაქვს პატივი მოგახსენოთ, ბატონო შტაბის ექიმო, მეტად აღარ გამოდის გარეთ ენა.

შვეიკსა და კომისიის წევრებს შორის საინტერესო კამათი გაჩაღდა. შვეიკი ამტკიცებდა, ეს იმიტომ ვთქვი, ექიმებმა არ იფიქრონ თითქოს ენას ვუმაღავდეო.

კომისიის წევრების აზრი შვეიკზე მკვეთრად გაიყო. ერთნი ამტკიცებდნენ, შვეიკი „ein blöder kerl“<sup>1</sup> არისო, მეორენი კი დაჟინებით ირწმუნებოდნენ, იგი ერთი თვალდათვალ მატყუარა ვინმეა და სამხედრო სამსახურს სასაცილოდ იგდებსო.

— ეშმაკმა დალახვროს თქვენი თავი და ტანი! — უყვირა შვეიკს კომისიის თავმჯდომარემ. — მე თქვენ სააშკარაოზე გამოგიყვანთ!

შვეიკი ექიმებს უმანკო ბავშვის ღვთაებრივი სიმშვიდით უცქეროდა.

უფროსი შტაბის ექიმი ახლოს მივიდა შვეიკთან და ბრახშეკავებით წარმოთქვა:

— ერთი ნეტავ მაცოდინა, რაზე ფიქრობ ახლა, შე ლორიშვილო?

— მაქვს პატივი მოგახსენოთ, სრულებით არაფერზე არ ვფიქრობ.

— Himmeldonnerwetter!<sup>2</sup> — წამოიძახა კომისიის ერთ-ერთმა წევრმა და ხმლის ქარქაში დაჰკრა იატაკს. — ამას არ უყურებთ, სრუ-

<sup>1</sup> იდიოტი (გერმ.)

<sup>2</sup> დალახვროს ეშმაკმა (გერმ.).

ლებით არაფერზე ფიქრობს! ვითომ რაღაც, რატომ არაფერზე არ ფიქრობ, შე ინდაურო, შენა?

— მაქვს პატივი მოგახსენოთ, — იმიტომ, რომ სამხედრო სამსახურში სალდათს ფიქრი აკრძალული აქვს. როცა მე ამ რამდენიმე წლის წინათ ოთხმოცდამეთერთმეტე პოლკში ვმსახურობდი, ჩვენი კაპიტანი სულ იმას ჩაგვიჩიჩინებდა: „სალდათმა არაფერზე უნდა იფიქროს, მის მაგივრად უფროსები ფიქრობენო. როგორც კი სალდათი ფიქრს დაიწყებს, იგი უკვე სალდათი აღარაა, იგი უბრალოდ ბაღლინჯოა, ღოყლაპიააო. აღამიანი ფიქრს რომ დაიწყებს რამეზე. საქმე არასოდეს კეთილად არ დაგვირგვინდებოა“...

— ხმა ჩაიწყვიტე! — შეუტია შვეიკს კომისიის თავმჯდომარემ. — ჩვენ უკვე გვაქვს თქვენზე ცნობები. Der Kerl meint man wird glauben er sei ein wirklicher Idiot...<sup>1</sup> თქვენ სრულებითაც არა ხართ იდიოტი, შვეიკ, თქვენ გაქნილი გაიძვერა ხართ, იშკილბაზი, ლაყინტარა, ცულლუტი, ჯიბიდან გაეარდნილი! გასაგებია?

— დიახ, გასაგებია.

— თქვენ ერთხელ უკვე გითხრეს, „ხმა ჩაიწყვიტეთო!“ გაიგონეთ?

— დიახ გავიგონე, „ხმა ჩაიწყვიტეთო“.

— Himmelherrgott! მაშ, გაჩუმდით, რაკი გიბრძანეს „გაჩუმდითო!“ თქვენ ხომ კარგად იცით, ნება არა გაქვთ ილაყბოთ.

— დიახ, ვიცი, რომ ნება არა მაქვს ვილაყბო.

სამხედრო ექიმებმა ერთმანეთს გადახედეს. გამოუძახეს ფელდფებელს.

— წაიყვანეთ ეს ვაჟბატონი ქვემოთ კანცელარიაში, — უბრძანა ფელდფებელს უფროსმა შტაბის ექიმმა და შვეიკზე მიუთითა, — და ჩვენს განკარგულებას დაელოდეთ. საგარნიზონო ნაობახტში მაგენის ტარტალს მოაშლევინებენ. ეს ვაჟბატონი ხარივით ჯანსაღია, სიმულანტობს, ამასთანავე რაღაცეებს ყრანტალებს, ღობე-ყორეს ეღება და თავის უფროსებს დასცინის. მაგას ჰგონია, ჩვენ აქ გასართობად ვართ მოსული, მაგის ჭკუით სამხედრო სამსახური — ლაზლანდარობაა... საგარნიზონო ნაობახტში გაჩვენებენ, ჩემო კარგო, რომ სამხედრო სამსახური — ტაკიმასხარაობა არ გახლავთ.

შვეიკი ფელდფებლის თანხლებით კანცელარიაში წავიდა და გზაში თავისთვის დილინებდა:

<sup>1</sup> ეს ვაჟბატონი ფიქრობს. რომ მას დაუჯერებენ, თითქოს იგი მართლაც იდიოტია... (გერმ.).

მე მეგონა, ვილაბუცებ,  
ომში წავალ მოხალსედ,  
თრიოდე კვირის შემდეგ  
დაებრუნდები შეთქი ისევ.

იმ დროს, როცა კანცელარიაში მორიგე ოფიცერი შვეიკს უყვიროდა — თქვენისთანა ვაჟბატონები, საცა სამართალია, უნდა დაიხვრიტოსო, ზემოთ, საავადმყოფოს პალატებში კომისია მუსსრს ავლებდა სიმულანტებს. სამოცდაათ პაციენტისგან მხოლოდ ორი გადარჩა. ერთს ფეხი ჰქონდა მოგლეჯილი ყუმბარით, მეორე კი დაავადებული იყო აშკარა ძვლისმჰამელათი. მხოლოდ ამ ორს არ გაუგონია სიტყვა „Tauglich“<sup>1</sup>. ყველა დანარჩენი, მათ რიცხვში სამი ქლექიანიც, რომელთაც ცალი ფეხი სამარეში ედგათ, ფრონტისთვის ვარგისად იყო ცნობილი.

უფროსმა შტაბის ექიმმა ამ შემთხვევის გამო არ დააყოვნა მომენტის შესაფერისი სიტყვის თქმა. ეს სიტყვა უხვად შეიცავდა ათასნაირ ლანძღვა-გინებას და საკმაოდ მოკლევ იყო. ყველანი პირუტყვები და გათახსირებულნი ხართ, და მხოლოდ იმ შემთხვევაში, თუ გულადად იბრძოლებთ ჩვენი ხელმწიფე იმპერატორისთვის, შესძლებთ კვლავ გახდეთ საზოგადოების თანასწორუფლებიანი წევრები, როცა ომი დამთავრდება, იმასაც გაპატიებენ, სამხედრო სამსახურის თავის არიდებას რომ ცდილობდით და სიმულანტობდითო. თუმცა, პირადად მე რომ მკითხოთ, თქვენი გამოსწორებისა არა მჯერა და დარწმუნებული ვარ, ყველანი თქვენ, ადრე თუ გვიან, თავს გააყოფთ მარყუჟშიო.

ახალგაზრდა სამხედრო ექიმმა, ჯერჯერობით შეურყვნელმა და სუფთა გულის პატრონმა, უფროს შტაბის ექიმს სიტყვა სთხოვა. მისი სიტყვა უფროსის სიტყვისგან ოპტიმიზმითა და გულუბრყვილობით განირჩეოდა. ახალგაზრდა ლაპარაკობდა გერმანულად.

იგი დიდხანს მსჯელობდა იმის შესახებ, რომ ყოველმა იმათგანმა, ვინც ლაზარეთიდან გაეწერება და თავის პოლკს დაუბრუნდება, რაინდობითა და ვაჟკაცობით სახელი უნდა გაითქვანო. მე დარწმუნებული ვარ, — ამბობდა იგი, — რომ ყოველი თქვენგანი შესძლებს იარაღის მოხმარებას ბრძოლის ველზე და პატიოსანი ადამიანები იქნებით ყველგან: ომშიაც და პირად ცხოვრებაშიც; რომ თქვენ ძლევამოსილი მებრძოლენი იქნებით და არასოდეს არ დაივიწყებთ რადეცკისა და პრინც ევგენი სავოიელის \* სახელსა და დიდებას; რომ თქვენი სისხლით მორწყავთ ავსტრიის მონარქიის დიდების თვალ-

<sup>1</sup> ვარგისიად (გერ.).

უწოდენ ველ-მინდორს და ღირსეულად შეასრულებთ მისიას, რომელიც ისტორიამ დაგაკისრათო. ერთიანი შემპართებელი გულისწადილით, საკუთარი სიცოცხლის დაუზოგავად, წინ, ახალი დიდებისკენ, ახალი გამარჯვებებისკენ...

დერეფანში უფროსმა შტაბის ექიმმა ამ გულუბრყვილო ახალგაზრდას უთხრა:

— გამიგონეთ, კოლეგა, შემძლია დარწმუნებით გითხრათ, რომ სულ ტყუილუბრალოდ გაისარჯეთ. ვერც რადეციკი, ვერც ის თქვენი პრინცი ევგენი საეოიელი ჯარისკაცებად ვერასგზით ვერ აქცევდნენ ამ გაიძვერებს. მგლის თავზე განა შეიძლება სახარების კითხვა? კველანი ესენი ნაძირალები არიან.

---



თ ა 3 0 I X

### შვეიცი საგარნიზონო ციხეში

იმათთვის, ვისაც ომში წასვლა არ სურდა, უკანასკნელ თავშესაფარს საგარნიზონო ნაობახტი წარმოადგენდა. მე თვითონ ვიცნობდი ერთ შტატგარეშე მომუშავე მასწავლებელს, რომელსაც, როგორც მათემატიკოსს, არტილერიაში უნდა ემსახურა, მაგრამ, ვინაიდან მას სრულებით არ აინტერესებდა ქვემეხების ბათქა-ბუთქი, აილო და, ერთ პოდპორუჩიკს საათი ააწაპნა, რათა საგარნიზონო ნაობახტში თავი ამოეყო. ეს სავესებით შეგნებულად ჩაიღინა. ომი მას არაფრად ეპიტნავებოდა და ვერაფრით ხიბლავდა. მოწინააღმდეგისთვის ტყვიის დაშენა და ფრონტის მოპირდაპირე მხარეზე შრაპნელითა და ხელყუმბარებით თავის მსგავს უბედურ შტატგარეშე მათემატიკის მასწავლებელთა მოკვლა დიდ სისულელედ მიაჩნდა.

„არ მინდა ხალხს ვეზიზღებოდე ძალადობისთვისო“, — გაიფიქრა და, საათი მოიპარა. პირველ ყოვლისა მისი ფსიქიკური მდგომარეობა შეამოწმეს და მხოლოდ მას შემდეგ, როცა გამოტყდა, რომ საათი ანგარების მიზნით მოიპარა, საგარნიზონო ნაობახტში გაგზავნეს.

საგარნიზონო ნაობახტში ტუსაღთა უმრავლესობა ქურდობის-თვის ან თაღლითობისთვის იჯდა. იქ იყვნენ იდეალისტები და არა-იდეალისტები. ისეთი ადამიანებიც ისხდნენ, რომლებიც სამხედრო სამსახურს პირადი სარგებლობის წყაროდ თვლიდნენ: ზურგში და ფრონტზე მომუშავე საინტენდანტოს ბუხჰალტრები, რომლებსაც ათასნაირი მამაძაღლობა ჰქონდათ ჩადენილი სურსათ-საინოვაგესა და ჯარისკაცთა ჯამაგირებზე, და ამათ გარდა ისხდნენ კიდევ წერილ-ფეხა ქურდები, მაგრამ ათასჯერ უფრო პატიოსნები იმ ვაჟბატონებზე, რომლებმაც ესენი აქ გამოამწყესეს. საგარნიზონო ნაობახტში ისხდნენ აგრეთვე ჯარისკაცები წმინდა სამხედრო ხასიათის დანაშაულისთვის: დისციპლინის დამრღვევნი, შფოთის თავები და დეზერტირები. ცალკე ჯგუფს შეადგენდნენ პოლიტიკური დამნაშავეები, რომელთაგან 80 პროცენტი სრულებით უდანაშაულონი იყვნენ; ამ უდანაშაულოთაგან კი 99 პროცენტი დამნაშავედ იყო ცნობილი.

სამხედრო — იურიდიული აპარატი შესანიშნავი იყო. ასეთი სასამართლო აპარატი ყოველ სახელმწიფოს გააჩნდა, რომელიც საერთო პოლიტიკური, ეკონომიური და მორალური გაკოტრების პირას იდგა. გარდასული ძლიერებისა და დიდების შარავანდელს იცავდნენ სასამართლოები, პოლიცია, ჟანდარმერია და სინდისზე ხელაღებულ დამბეზღებელთა მთელი ხროვა.

ავსტრიის ხელისუფალთ თვითეულ სამხედრო ნაწილში ჰყავდათ ჯაშუშები; ისინი აბეზღებდნენ თავიანთ ამხანაგებს, რომელთა გვერდით ერთ საწოლში ეძინათ ხოლმე და მთელი ლაშქრობის მანძილზე პურსაც ერთად ტეხდნენ.

საგარნიზონო ნაობახტისთვის ახალ-ახალ მასალას აგროვებდა აგრეთვე სამოქალაქო პოლიციაც: სხვადასხვა პან კლიმები, სლავიჩეკები \* და კომპანია. სამხედრო ცენზურა აქეთკენ ისტუმრებდა ფრონტზე წასულთა და სასოწარკვეთილ მდგომარეობაში შინ დარჩენილთა შორის მიმოწერის ავტორებს: ჟანდარმებს აქ მოჰყავდათ შრომისუნარდაკარგული მოხუცი გლეხები, რომლებიც წერილებს აგზავნიდნენ ფრონტზე, სამხედრო სასამართლო კი მათ თორმეტი წლის ციხეს უსჯიდა წერილში გამოთქმულ გულისტკივილისა ან იმ. სილატაკის აღწერისთვის, რომელშიც ფრონტელთა ოჯახი იყო ჩავარდნილი.

ჰრადჩანის საგარნიზონო ნაობახტიდან ბრშევენოზე გავლით გზა მოტოლის მოედნისკენ მიემართებოდა. ჯარისკაცების თანხლებით წინ მიაბიჯებდა ბორკილგაყრილი კაცი, მის უკან კი ფორანი მოდიოდა კუბოთი. მოტოლის მოედანზე ისმოდა მოკლე ბრძანება:

„An! Feuer!“<sup>1</sup> ამის შემდეგ ყველა პოლკსა და ბატალიონში კითხულობდნენ პოლკებისადმი ბრძანებას მორიგი დახვერტის შესახებ: ერთი ახალწვეული „აჯანყდა“ იმის გამო, რომ კაპიტანმა ხმალი შემოჰკრა მის ცოლს, რომელიც ვერასგზით ქმარს ვერ მოაშორეს გამოთხოვებისასო.

თვით საგარნიზონო ნაობახტში მომუშავე სამეული — შტაბის ციხის ზედამხედველი სლავიკი, კაპიტანი ლინჰარტი და ფელდფებელი რეჟეა, მეტსახელად „ჯალათი“ — სავსებით ამართლებდა თავის დანიშნულებას. რამდენი ადამიანისთვის სასიკვდილოდ უცემნიათ მათ იზოლირებულ საკნებში! ადვილი შესაძლებელია კაპიტანი ლინჰარტი დღეს რესპუბლიკაშიც კაპიტნად დარჩა. თუ ასეა, ჩემის აზრით, მას საგარნიზონო ნაობახტში ნამსახურევი წლებიც უნდა ჩაეთვალოს. პოლიციის აგენტებს სლავიჩეკსა და კლიმას სახელმწიფო პოლიციამ სტაჟი უკვე ჩაუთვალა. რეჟეა კვლავ სამოქალაქო გახდა და ქვისმტეხელის ხელობას დაუბრუნდა. უნდა ვიფიქროთ, რომ იგი პატრიოტული წრეების წევრიცაა რესპუბლიკაში.

შტაბის ციხის ზედამხედველმა სლავიკმა რესპუბლიკაში ქურდობას მიჰყო ხელი და ახლა ციხეში ზის. ის ბედშავი რესპუბლიკას ვერასგზით ვერ შეეგუა, როგორც ეს ბევრმა სხვა სამხედრო დიდკაცობამ მოახერხა.

თავისთავად ცხადია, შეეიქს რომ ღებულობდა, სლავიკმა უნდობი თვალით შეათვალიერა იგი.

— რაკი აქ მოხვდი, ძმობილო, ჩანს, რალაც ცოდვები მიგიძღვის. ჩვენ აქ, ყმაწვილო, ცხოვრებას დაგიტკობთ, როგორც ყველა დანარჩენს, ვინც ჩვენს ხელში ჩავარდება ხოლმე; ჩვენი ხელები კი — ქალის ნაზი ხელები არ გეგონოს.

და რომ მის ამ შესავალ სიტყვას მეტი დამაჯერებლობა ჰქონოდა, თავისი დაძარღვული მუშტი ზედ ცხვირზე მიადო შეეიქს, თან უთხრა:

— აბა, დაყნოსე, რისი სუნი უდის, ძაღლიშვილო!

შეეიქმა უყნოსა და შენიშნა:

— ასეთი მუშტი სრულებითაც არ მინდა, რომ ცხვირში მომხედეს. სამარის სუნი უდის.

შეეიქის მშვიდი, ჰკვიანური ლაპარაკის კილო მოეწონა ციხის ზედამხედველს.

— ჰეი! — დაუყვირა მან შეეიქს და მუცელში მუშტი ატაკა. — სწორედ დადექ! ჯიბეებში რა გაქვს? თუ მოსაწივი გაქვს, დაიტოვე,

<sup>1</sup> ცეცხლი (გერმ.)



ფული კი აქეთ მომეცი, დაგეარება. მეტი არა გაქვს? ნამდვილად არა გაქვს? იცოდე, ტყუილი არა თქვა სიცრუისთვის მოგხედება.

— სად შევაგდოთ? — იკითხა ფელდფებელმა რეჟამ.

— „მეთექვსმეტეში“ შევაგდოთ, — გადაწყვიტა ზედამხედველმა. — უშარვლოებთან. ვერა ხედავთ, პან კაბიტან ლინჰარტს, რა დაუწერია ამის ქალაღზე: „Streng behüten, beobachten!“<sup>1</sup>.

— დიახ, ძმობილო, — მიუბრუნდა იგი შვეიკს, — პირუტყვეს პირუტყვეულად ეპურობიან. ვინც ძალიან თავს გამოიღებს, ცალკე საკანში დავამწყვდევთ, ნეკნებს სულ სათითაოდ ჩავუმტვრევთ, და მანამ ეგდება უპატრონოდ, სანამ სული არ გაძვრება. ამის სრული უფლება გვაქვს... ღდინი არ გავართვით მაშინ იმ ყასაბს, გახსოვთ, რეჟამ?

— ბევრი დავიდარაბა კი დაგვჭირდა იმ ოჯახეტიანთან, ბატონო ზედამხედველო! — უპასუხა ფელდფებელმა რეჟამ, რომელმაც სიამოვნებით მოიგონა ის ამბავი. — ძალიან ჯანიანი კი იყო მთელი ხუთი წუთი ვთელე, სანამ მის ნეკნებს ლაწა-ლუწი არ დავაწყებინე და ცხვირ-პირიდან სისხლი ღვარად არ წამოუვიდა. ამის შერე კიდე ათი დღე იცოცხლა. გამძლე იყო ის ძალღიშვილი!

— ხედავ, შე გაიძვერავე, როგორ ეუსწორდებით იმათ, ვინც ამხედრებას გაბედავს, ან აქედან გაპარვას დააპირებს, — დაასრულა თავისი პედაგოგიური ჭკუის დარიგება ციხის ზედამხედველმა სლავიკმა, — ეს იგივეა, რაც თვითმკვლელობა, რომელიც ისეთნაირადვე ისჯება. ანდა, ღმერთი არ გაგიწყრეს, შე ძალღიშვილო, შენა, რამეზე არ შეჩივლო, როცა ინსპექცია ჩამოივლის! მაგალითად, მოვა ინსპექცია და გკითხავს: „გაქვს საჩივარი რამე?“ შენ უმალ, შე ტურტლიანო, შენა, უნდა გამოეჭიმო, ხელი აუღო და უპატაკო: „მაქვს პატივი მოგახსენოთ, ყველაფრით კმაყოფილი ვარ!“ აბა, გაიმეორე, როგორ იტყვი, შე არამზადა!

— მაქვს პატივი მოგახსენოთ, ყველაფრით კმაყოფილი გახლავართ, — გაიმეორა შვეიკმა ისეთი მომხიბლავი გამომეტყველებით, რომ ციხის ზედამხედველი მოტყუვდა და შვეიკის ნათქვამი გულწრფელ მონდომებად და კეთილსინდისიერებად მიიღო.

— მაშ ასე, გაიხადე შარვალი და წადი „მეთექვსმეტეში“, — უთხრა რბილად და არც „ძალღიშვილი“, არც „ტურტლიანი“ და არც „გაიძვერა“ თუ „არამზადა“ აღარ დაუტანებია, როგორც ეს ჩვეულებად ჰქონდა.

„მეთექვსმეტეში“ შვეიკს ცხრამეტი ნიფხვისამარა მამაკაცი დახ-

<sup>1</sup> მკაცრად უღარაჯეთ, თვალუური აღევნეთ (გერმ.).

ვდა. აქ ყველანი ისეთები იყვნენ, რომელთაც ქალაქებში ეწერათ: „Streng behüten, beobachten!“ ისინი მუდმივი მეთვალყურეობის ქვეშ ჰყავდათ, არსად გაგვეპარონო.

ქვედა საცვლები ცოტა სუფთა რომ ჰქონოდათ და ფანჯრებზე გისოსებიც არ ყოფილიყო, პირველ ხანებში თავი აბანოს წინა ოთახში გეგონებოდათ.

ფელდფებელმა შვეიკი მამასახლისს ჩააბარა. დიდი ხნის წვერგაუპარსავმა, ხალათგაღელილმა აყლაყულამ შვეიკის გვარი ქალაქის ნაგლეჯზე მოაწერა, რომელიც კედელზე იყო მიკრული, და უთხრა:

— ზვალ წარმოდგენა გვექნება. სამლოცველოში ქადაგების მოსასმენად წაგვიყვანენ, იქ ყველანი სამქადაგებლო ამბიონის ქვეშ ნიფხვისამარა ვიდგომებით. ვაჰ, რა სერიი იქნება!

როგორც ყოველ სატუსაღოსა და საპყრობილეს, საგარნიზონო ნაობახტსაც საკუთარი სამლოცველო ჰქონდა, პატიმართა გასართობი და ღიად საყვარელი ადგილი. მაგრამ იმდროს კი არა, რომ საპყრობილის სამლოცველოში იძულებითი სიარული პატიმრებს თათქოს ღმერთთან აახლოებდა, ანდა სათნოებას აზიარებდა. ასეთი სისულელე, აბა, რა საფიქრებელია წირვა და ქადაგება, უბრალოდ, საპყრობილით მოგვრილი ნადველის გამქარებელი რამ იყო. საქმე ის კი არ იყო, დაუახლოვდებოდა თუ არა პატიმარი ღმერთს. არა. აქ ერთგვარი იმედი ისახებოდა, რომ გზაში — კიბეზე თუ ეზოში — გადაგდებული სიგარეტის ან სიგარის ნამწვს წააწყდებოდა ადამიანი. საფურთხებში, ან სადმე მიწაზე მტვერში დაგდებულმა პატარა ნამწვმა ღმერთის ხსენებაც კი ამოაგდო გონებიდან. ამ ერთმა ციციქნა საგანმა გაიმარჯვა ღმერთზედაც და სულის ცხონებაზეც.

გარდა ამისა, თვით ქადაგება ართობდა ყველას. ფელდკურატი \* ოტო კატცი საერთოდ შესანიშნავი ადამიანი იყო. მის არაჩვეულებრივ წარმტაც და ჰკუჟამახვილურ ქადაგებას დიდი გამოცოცხლება შეჰქონდა საგარნიზონო უღიმღამო ცხოვრების მსვლელობაში. იგი ძალზე საინტერესოდ ალაქლაქებდა ენას ღეთის უსასრულო მადლზე, რათა ზულით დაცემული და უკეთური პატიმრები ქეშმარიტების გზაზე დაეყენებინა, მაღიანად იგინებოდა კათედრიდან და თავდავიწყებით ღაღადებდა საკურთხეველთან თავის „*Mite, missa est!*“. წირვას დიდი ორიგინალობით ატარებდა. წმიდა მესის წესები ყირაზე ჰქონდა დაყენებული, და როცა მაგრად იყო შეზარხოშებული, მაშინ ხომ სრულიად ახალ ლოცვებს, ახალ წირვასა და საკუთარ რიტუალს იგონებდა, — ერთი სიტყვით ისეთ რამეს, რაც მანამდე არავის ენახა.

\* წარედით შვიდობით, წირვა დასრულდა! (ლათ.)

მერედა, როგორი სიცილ-ზარხარი იყო, როცა მას, მაგალითად, ფეხი გაუსხლტებოდა და ზღართანს მოადენდა იატაკზე ბარძიმითა და წმიდა ნაწილებით, ან კიდევ კურთხევანით ხელში, მერე წამოხტებოდა და პატიმრებისგან დანიშნულ მინისტრანტს \* ეცემოდა, ეს შენ განგებ დამიღვევი ფეხიო, და იქვე, ზედ სანაწილეს წინ ერთი მაგრად გაასილაქებდა. დასჯილი ამით ძლიერ კმაყოფილი რჩებოდა, რადგან ყველაფერი ეს პროგრამაში შედიოდა, და ნაობახტის სამლოცველოში გათამაშებული კომედია კიდევ უფრო გამხიარულებელი ხდებოდა. ამ კომედიაში მინისტრანტს დიდი როლი ეკისრებოდა, და იგი მის გათამაშებას მშვენივრად აგვირგვინებდა.

ფელდკურატი ოტო კატცი, — ტიპიური სამხედრო ხუცესი, — ებრაელი იყო. ეს მაინცადამაინც არც უნდა გაგვიკვირდეს: არქივისკოპოსი კოპნიც ებრაელი გახლდათ და ამასთანავე მახარის \* ახლო მეგობარი.

ფელდკურატ ოტო კატცის წარსული კიდევ უფრო ჭრელი იყო, ვიდრე სახელმძღვანელო არქივისკოპოს კოპნისა.

ოტო კატცი კომერციულ ინსტიტუტში სწავლობდა და მერე ნებთგანწესებულად სამხედროში მსახურობდა. სათამასუქო კანონებსა და თამაშუქებში იგი ისე ერკვეოდა, რომ ერთ წელიწადში გაკოტრებამდე მიიყვანა ფირმა „კატცი და კომპანია“. საქმე იმდენად უკუღმა წავიდა, რომ მოხუცი კატცი იძულებული შეიქნა ჩრდილოეთ ამერიკაში გადაბარგებულიყო, მაგრამ წინასწარ რამდენიმე ფინანსიური კომბინაცია ჩაატარა თავის რწმუნებულებთან, თუმცა ისე, რომ მათ ამის შესახებ არა იცოდნენ რა ისევე, როგორც არაფერი იცოდა მისმა კომპანიონმა, რომელიც იძულებული შეიქნა არგენტინაში გაპარულიყო.

როცა ახალგაზრდა ნებთგანწესებულმა ოტო კატცმა ასე უანგაროდ დაუნაწილა ფირმა „კატცი და კომპანია“ ჩრდილოეთ და სამხრეთ ამერიკას, იგი იმ ადამიანის მდგომარეობაში ჩავარდა, რომელიც არსაიდან მემკვიდრეობას არ ელოდება, არ იცის, რა წყალს მისცეს თავი და ისლა დარჩენია, სამხედრო სამსახურში შევიდეს.

გარდა ამისა, ოტო კატცს კიდევ ერთმა ბრწყინვალე აზრმა გაურბინა თავში. იგი მოინათლა. ქრისტეს რჯული აღიარა, ძე ღვთისას მიენდო, რათა კარიერის გაკეთებაში დახმარებოდა. ოტო კატცი ამ ნაბიჯს მის მიერ ქრისტე ღმერთთან დადებულ კომერციულ ხელშეკრულებად თვლიდა.

დიდის ამბით მონათლეს იგი ემაუზის შონასტერში. თვით პატერმა აღბანმა შეასრულა ნათლობა ეს წარმტაცი სანახაობა იყო. ამას დაესწრო ღვთისმორწმუნე მაიორი იმავე პოლკიდან, სადაც ოტო

კატცი მსახურობდა, ერთი შინაბერა ჰრადჩანის კეთილშობილ ქალი-  
შვილთა ინსტიტუტიდან და კონსისტორიის წარმომადგენელი, დრუნ-  
ჩიანი ვინმე მამაკაცი, ოტო კატცის ნათლიად გამოყოფილი.

ოფიცრის წოდების მისაღები გამოცდები კეთილად ჩატარდა და  
ახალმოქმედი ქრისტიანი კატცი სამხედრო სამსახურში დარჩა.  
პირველ ხანებში ეჩვენებოდა, რომ საქმე კარგად მიდიოდა და იგი  
უკვე სამხედრო აკადემიას უმზახებდა, მაგრამ ერთ მშვენიერ დღეს  
დათვრა, მონასტერში წავიდა და ხმალი ბერის ანაფორაში გაცვალა.  
მერე ჰრადჩანის არქივისკოპოსთან იყო აღუიენციაზე და ამის შედე-  
გად სემინარიაში მოხდა. კურთხევის წინ იგი მაგრად გაიღეშა ვეი-  
ვოდას ქუჩაზე მდებარე ერთ „წესიერ სახლში“, სადაც სტუმრებს  
მარტო ქალები უწევდნენ მომსახურებას, და ქეიფიდან პირდაპირ  
მღვდლად საკურთხევლად გაეშურა. კურთხევის შემდეგ თავის პოლკ-  
ში წავიდა პროტექციის საძებრად და, როცა ფელდკურატად დანი-  
შნეს, ცხენი იყიდა, პრალის ქუჩებში დააჭენებდა და გაცხოველებულ  
მონაწილეობას ღებულობდა თავის პოლკის ოფიცრების ყოველ  
ღრეობაში.

იმ სახლის კიბეზე, სადაც კატცს ბინა ჰქონდა, ხშირად გაისმოდა  
მოვალეთა წყევლა-კრულვა. ოტო კატცს შინ თვითონვე მოყავდა  
ქუჩის გოგოები, ანდა მათ მოსაყვანად დენშჩიკს აგზავნიდა. იგი გა-  
ტაცებული იყო „ცხრას“ თამაშით და საკმაოდ სარწმუნო ხმები და-  
დიოდა, რომ თამაშობდა თაღლითურად, თუმცა არ ყოფილა შემ-  
თხვევა ვინმეს ემხილებინოს იმაში, რომ თავის სამხედრო ანაფორის  
განიერ სახელოში დამალული ჰქონოდა ტუზიანი. ოფიცერთა წრე-  
ში მას „წმიდაო მამას“ უწოდებდნენ. ქადაგებისთვის არასოდეს არ  
ემზადებოდა, რითაც თავისი წინამორბედისგან, საგარნიზონო  
ნაობახტის ხუცესისგან გამოირჩეოდა. ამ უკანასკნელს თავში გამჯ-  
დარი ჰქონდა ის აზრი, რომ საგარნიზონო ნაობახტში დამწყვდეულ  
ჯარისკაცს მხოლოდ ქადაგება გამოასწორებსო. ეს ღირსეული ღვთის-  
მოსავი მოძღვარი მილულავდა ხოლმე თვალებს და პატიმრებს  
ელაპარაკებოდა მეძავე ქალების მიმართ არსებული კანონების რე-  
ფორმის აუცილებლობაზე, აგრეთვე უქმრო დედების მიმართ კანონე-  
ბის რეფორმაზე და დაუზარებლად აცნობდა თავის შეხედულებებს  
ნაბიჭვრების აღზრდის შესახებ. მისი ქადაგებანი წმინდა აბსტრაქ-  
ტული ხასიათისა იყო და მიმდინარე მომენტს არაფრით არ უკავ-  
შირდებოდა, სხვანაირად რომ ვთქვათ, მოსაბეზრებელი იყო.

ფელდკურატ ოტო კატცის ქადაგებანი, პირიქით, ყველას მხია-  
რულ გუნებასე აყენებდა.

სამლოცველოში ნიფხვებისამარა მიიყვანეს პატიმრები „მეთე-

ქესმეტე“ საკანიდან; ყოვლად დაუშვებელი იყო მათთვის შარვლების ჩაცმის ნება მიეცათ, რადგან ეს დაკავშირებული იყო რისკთან: ერთი ვნახოთ და, რომელიმე მათგანი გაგვექცესო. დადგა საზეიმო წუთები. ოცი თეთრნიფხვიანი ანგელოზი მქადაგებლის კათედრის წინ ჩაამწკრივეს. ზოგიერთი მათგანი, როშელსაც ბედმა გაუღიმა, გზაში ნაპოვნ ნამწეს ლეჭავდა, რადგან, ჯიბეების უქონლობის გამო, სხვაგან ვერსად წაიღებდა. ირგვლივ იღვინენ საგარნიზონო ნაობახტის დანარჩენი პატიმრები და ოცი ნიფხვის ცქერით ტკბებოდნენ.

კათედრაზე დეზების წყარუნით ავიდა ფელდკურატი.

— Habacht! — წამოიძახა, — ლოცვისათვის დაეწყეთ! გაიმეორებთ ჩემს ყოველ სიტყვას. ჰეი, შენ მანდ, უკან რომ დგახარ, ახლა მოგინდა ცხვირის მოხოცვა, არამზადავ. ღვთის სახლში ხარ. კარცერში ჩაგსვამ! ალბათ, დაგავიწყდათ კიდეც, თქვე უტვინოებო, თქვენა, „მამაო ჩვენო?“ აბა ვცადოთ... ასედაც ვიცოდი, რომ არაფერი გამოვიდოდა. აბა. თქვენ რა ეშმაკად გინდათ „მამაო ჩვენო!“ თქვენ ოღონდ ორი ულუფა ხორცი ცერცვის ფაფით შეთქვლიფოთ, მუცელი ამოიყოროთ, მხარეთქოზე წამოწვეთ და ცხვირი თითით იჩიქნოთ, ჩვენს უფალზე კი სრულებით არ გსურთ ფიქრი. რაო, მართალს არ ვამბობ?

მან კათედრიდან გადახედა ოც თეთრნიფხვიან ანგელოზს, რომლებიც, როგორც ყველა დანარჩენი პატიმარი, გართულნი იყვნენ სანახაობით. უკანა რიგებში „ხორცობანას“ \* თამაშობდნენ.

— არა უშავს რა, საინტერესოა, — წასჩურჩულა შვეიკმა თავის მეზობელს, რომელიც იმიტომ ჩაესვათ ნაობახტში, რომ ეპკვი ჰქონდათ, ამხანაგს სამ კრონად ხელზე ყველა თითი მოჰკვეთა ცულითო, რითაც იმ უბედურს, თურმე, სამხედრო სამსახურიდან თავის დახსნა უნდოდა.

— ჯერ სადა ხარ, აწი უნდა ნახო — უპასუხა მან. — ხუცესი დღესაც მაგრად არის გამობრუებული, მაშასადამე, ისევე ცოდვილის ეკლიანი გზის შესახებ ილაპარაკებს.

მართლაც, ფელდკურატი დღესაც შესანიშნავ გუნებაზე გახლდათ. თვითონაც არ იცოდა თუ რატომ, იგი გამჟღავნებით იხრებოდა სამქადაგებლო ამბიონიდან, წამიერად კინალამ წონასწორობა დაჰკარგა და, ცოტა გაწყდა, ყირამალა არ გადმოვარდა ძირს.

— აბა, ბიჭებო, იმღერეთ რამე! — გადმოსძახა მან ზემოდან. — ანდა, თუ გსურთ, ახალ სიმღერას გასწავლით! აბა, აპყევით.

ვინ ჯობნის ქვეყნად გოგონას ჩემსას,  
ჩემს ცუგრუმელას და ძვირფას ტურფას.  
მართო მე როდი დავდივარ მასთან, —  
გარს ახვევიან ათასნი ჯგუფად.  
ჩემს ცუგრუმელას თაყვანი რომ სცენ,  
სუყველას მისკენ მოუხარია...  
გარს ახვევიან მარცხნით და მარჯვნივ,  
მას ეძახიან ქალწულ მარიამს.

— თქვე უქნარებო, თქვენა, ვერასოდეს ვერაფერს თქვენ ვერ  
ისწავლით, — განაგრძობდა ფელდკურატი. — სიამოვნებით ხელს  
მოვაწერდი თქვენს დახვერტაზე, ყოველი თქვენგანის დახვერტაზე,  
გასაგებია? ვამტკიცებ ამ წმიდა ადგილიდან, თქვე გაიძვირებო, რომ  
ვინაიდან ღმერთი არის ყოფიერება... რომელიც არ მოგერიდებათ და  
ძნელთ ნიშნადურს ამოგცხვებთ, რომ თავბედს გაწყველინებთ... რამეთუ  
არა გსურთ ქრისტეს რჯულზე მოქცევა და გირჩევნიათ ცოდვილს  
ნარ-ეკლიანი გზით სიარული...

— ოჰო-ჰო, აი იწყება. მაგრადაა შექიკვიკებული! — მხიარულად  
გადაუჩუჩულა მეზობელმა შვეიკს.

— ცოდვილის ნარ-ეკლიანი გზა — ეს, თქვე მცონარებო, თქვე-  
ნა, ბრძოლის გზაა. თქვე გზააბნეულო ცოდვისშვილებო, ამჯობი-  
ნებთ იზოლატორებში ეყაროთ, ვინემ დაუბრუნდეთ ჩვენს ზეციერ  
მამას, თვალნი თქვენი მიაპყრათ ზეცას და სიმშვიდე მოიპოვოთ.  
მშვიდობა დაისადგურებს თქვენს გულსა და სულში, თქვე ყურუმსა-  
ლებო... ჰეი, თქვენ მანდ, უკანა რიგებში რომ ბრძანდებით, ძალიან  
გთხოვთ, ნუ ფრუტუნებთ! კვიციები ხომ არა ხართ ბაგაზე დაბმული,  
ღვთის ტაძარში იმყოფებით. კარგად გახსოვდეთ ეს, ჩემო ცუგრუ-  
მელებო... მამ ასე, რაზე გავჩერდი? *Ia, über den Seelenfrieden,  
sehr gut*<sup>1</sup>. გახსოვდეთ, პირუტყვებო, რომ ადამიანები ხართ და  
სინამდვილის ბნელეთში თვალები უნდა ათხილოთ, მარადისობას,  
უსასრულობას მიაპყრათ მზერა თქვენი და ჩაწვდეთ იმ ჰეშმარითე-  
ბას, რომ აქ ყველაფერი წარმავალი და ხრწნადია და რომ მართო  
უფალი ჩვენი არს მარადიული. *Sehr gut; nicht mehr meine  
Herren?*<sup>2</sup> თუ ფქრობთ, რომ დღე და ღამე თქვენთვის ვილოცებ,  
რომ მოწყალე უფალმა ჩვენმა, თქვე ბენტერებო, შთაგებერთ თა-  
ვისი სული მაგ გაყინულ გულებში და თავისი წმიდა მადლით მოს-  
პოს თქვენი უკუღმართობა, მიგიღოთ თავის სასუფეველში სამარა-  
დისოდ და უკუნითი უკუნიასმდე არ მოგაკლოთ თავისი მადლი.

<sup>1</sup> დიას, სულიერი სიმშვიდის შესახებ ვამბობდი, ძალიან კარგი (გერ.)

<sup>2</sup> ძალიან კარგია, ხომ მართალია, ბატონებო? (გერ.)

თქვე იშვილბაზებო, თქვენა, ძალიან შემცდარხართი სრულებით არა მაქვს განზრახული სამოთხეში თქვენი შეყვანა.

ფელდკურატს დაასლოკინა.

— დიახ, სრულებით არა მაქვს განზრახული... — ჯოუტად გაიმეორა მან. — არაფერს თქვენთვის არ გავაკეთებ. გულშიც არ გავიფლებ, რადგან გაუსწორებელი წუპაეები ხართ. ზეციერის უსასრულო მადლი არ წაგიძღვებათ თქვენ ცხოვრების გზაზე და ღვთიური სიყვარულის სუნთქვას ვერ ეზიარებით, რადგან ჩვენი უფალი თავს არ შეიწუხებს თქვენისთანა ლაყინტარებისთვის.. გესმით, რას ვლაპარაკობ? ჰეი, თქვენ, ნიფხვიანებო!

ოცმა ნიფხვიანმა ზემოთ აიხედა და ერთხმად უპასუხეს:

— დიახ, გვესმის.

— არ კმარა, მარტო გესმოდეთ, — განაგრძობდა ქადაგებას ფელდკურატი. — თქვენს ირგვლივ გამეფებულ ბნელეთში, თქვე დოყლაპიებო, არ გელიჩებათ მამაზეციერის სიბრალული, რადგან მის მოწყალებასაც აქვს საზღვარი. შენ კი მანდ, უკან, შე ვირო, ნუ ყროყინებ, თორემ კარცერში გამოგალაობ, და თქვენც, ქვემოთებო, სამიკიტნოში ხომ არა გგონიათ თავი ღვთის მოწყალება უსასრულოა, მაგრამ მხოლოდ წესიერად აღამიანებისთვის და არა ყველა ნაძირალასთვის, რომლებიც არც მის კანონებს ცნობენ, არც სამხედრო წესდებას. აი ეს მინდოდა მეთქვა. ლოცვა თქვენ არ იცით და სამლოცველოში სიარული გართობად მიგაჩნიათ, თითქოს აქ თეატრი ან კინო იყოს თქვენთვის გამართული. ამას თავიდან გამოგიბერტყავთ, რომ არ იფიქროთ, თითქოს აქ თქვენს გასართობად და გულის გადასაყოლებლად მოვდიოდე. იზოლატორებში ჩაგამწყვდევეთ სათითაოდ, თქვე ძაღლიშვილებო, თქვენა, აი რას მიიღებთ ჩემგან. მხოლოდ დროს ვკარგავ თქვენთან, და მეტი არაფერი. სულ ტყუილუბრალოდ ვკარგავ. აქ თვით ფელდმარშალი ან არქიეპისკოპოსი რომ ბრძანდებოდნენ ჩემს მაგიერ, სულერთია, ვერ გამოვასწორებდნენ და ვერც მოაქცევდნენ თქვენს სულს უფლისკენ მიუხედავად ყოველივე ამისა, ოდესმე მომიგონებთ და იტყვით: — იმ აღამიანს სიკეთე სურდა ჩვენთვისო...

ნიფხვიანების რიგებიდან ამ დროს გულამომჯდარი სლუკუნი მოისმა. ეს შვეიკი იყო.

ფელდკურატმა ქვემოთ გადაიხედა. შვეიკი თვალებს მუშტით ისრესდა, ირგვლივ საყოველთაო ხორხოცი ატყდა.

— დაე, ყოველმა თქვენგანმა ამ აღამიანისგან აიღოს მაგალითი, — განაგრძობდა ფელდკურატმა და შვეიკზე მიუთითა. — რას სჩადის იგი? ტირის. ხუ სტირი, შე ბერავო! ნუ სტირი-მეთქი. გამოს-

წორება გასურს? ეს, ჩემო კეთილო, იოლი საქმე როდია. ახლა სტერი, მაგრამ როგორც კი შენს საკანში დაბრუნდები, ისეთივე გაიძვერა გახდები, როგორიც იყავი. შენ კიდევ დიდხანს დაგპირდება იფიქრო ღვთის უსაზღვრო მოწყალებაზე, დიდხანს იზრუნო საკუთარი თავის გაკეთილშობილებაზე, სანამ შენი ცოდვილი სული ბოლოს და ბოლოს არ დაადგება ქვეშაირიტების გზას, რომლითაც გმართებს სიარული... დღეს თქვენს თვალწინ ატირდა ერთი თქვენგანი, რომელმაც მოისურვა ქვეშაირიტების გზაზე დადგომა, თქვენ კი, დანარჩენები, რას აკეთებთ? ყურსაც არ იბერტყავთ... აი, შეხედეთ, ერთი რალაცას ღეჭავს, თითქოს მისი შშობლები მცოხნავი ცხოველები ყოფილიყვნენ, მეორე კი ღვთის ტაძარში ტილებს იხილავს ჰერანგში. არ შეგიძლიათ ეგ ტილები შინ ეძებოთ? აუცილებლად წირვის დროს მოგინდათ? მამასახლისო, თქვენ სრულებით ყურადღებას არ აქცევთ წესიერებას! თქვენ ხომ ყველანი ჯარისკაცები ხართ და არა ვილაც ვიგინდარები, ამიტომ ეკლესიაში მაინც ისე უნდა იქცეოდეთ, როგორც ეს ჯარისკაცებს შეეფერება. მიმართეთ, დაგლახვროთ ეშმაკმა, ღვთის ძიებას, ტილების ძებნას კი შინაც მოესწრებით! ამით, თქვე ჯიბიდან გავარღნილებო, ვამთავრებ და მოვითხოვ, წირვის დროს წესიერება დაიცვათ და ისე კი არა, როგორც ამას წინათ, როცა უკანა რიგებში სახაზინო საცვლებს პურზე ცვლიდით და ამ პურით წმიდა ნაწილების ადვლენის დროს ილუქმებოდით.

ფელდკურატი კათედრიდან ჩამოვიდა და სამოსსაცავეში შევიდა, მას მამასახლისიც შეყვა. ერთი წუთის შემდეგ მამასახლისი გამოვიდა, პირდაპირ შევიკთან მივიდა, გამოათრია ოცი ნიფხვიანის ჯგუფიდან და სამოსსაცავეში წაიყვანა.

ფელდკურატი გაშხლართულად ჩამოქდარიყო მაგიდაზე და სიგარეტს ახვევდა. შევიკი რომ შევიდა, ფელდკურატმა უთხრა:

-- აი, თქვენც მოხვედით. მე აქ ჩემთვის დაეფიქრდი და, მგონი, გაშოვიცანი რა ბიჭიცა ბრძანდებით, გასაგებია? ეს პირველი შემთხვევაა, რომ ეკლესიაში ჩემთან კინძეს ცხარე ცრემლით ეტიროს იგი მაგიდიდან ჩამოხტა, შევიკს მხრებში ხელები ჩაავლო, შეანჯღრია და დაუღრიალა:

— გამოტყდი, შე გაიძვერავე, რომ ხალხს გასაცინებლად განგეზბლაოდი.

ამ სცენას ზემოდან დიდი ხატის პირქუში სახე დაჰყურებდა რომელზეც გამოსახული იყო ფრანცისეკ სალესელი \*. იგი ისე უყურებდა შევიკს, თითქოს რალაცას ეკითხებო. მეორე მხრიდან შევიკი განცვიფრებით შესტქეროდა რომელიღაც წამებულს. ამ წამებულისთვის უკანალში ვილაცას ხერხის კბილები ჩაესო და რომელიცა



რისკაცები გულმოდგინედ ხერხავდნენ. წამებულს სახეზე არც ტანჯვა ეტყობოდა და არც სიანოვნება, არც შინაგანი სიხათლე უშუქებდა შუბლს. მის სახეზე მხოლოდ განცვიფრება იყო აღბეჭდილი, თითქოს უნდოდა ეთქვა: „ეს რა ღვთის წყრომაა ჩემს თავზე, ამას რას სჩადით, კეთილო აღამიანებო?“

— დიახ, სწორედ ასეა, პანე ფელდკურატ, — სერიოზულად უპასუხა შვეიკმა და ალაღბელს მიენდო — რაც იქნება, ჩქნებაო. — ვაღიარებ ყოვლისშემძლე ღმერთის წინაშე და თქვენს წინაშე, ღირსეულო მამაო, რომელიც აქ ღვთის ნაცვლად ხართ მოვლენილი, რომ მხოლოდ იმიტომ ავტირდი, სიცილი გამომეწვია. მე მივხვდი, რომ თქვენს ქადაგებლს მონანხე ცოდვილი აკლდა, რომელსაც უშედგოდ ეძიებდით, და აი, გადავწყვიტე, თქვენთვის მესიამოვნებინა, რომ არ გეფიქრათ, თითქო ამქვეყნად წესიერი აღამიანები სულ მთლად გადაშენებულანო. თანაც, მართალი გითხრათ, მინდოდა გული გადამეყოლებინა ამაზე, ცოტათი მეც გაემხიარულებულეყავი.

ფელდკურატი გამომცდელი თვალით დააკვირდა შვეიკის ფიზიონომიას. მზის სხივი ათამაშდა ფრანტიშეკ სალესელის პირქუშ ხატზე და ამავე დროს თავისი უუქით შეათბო განცვიფრებული წამებული მოპირდაპირე მხარეზე.

— ეფიქრობ, საინტერესო პიროვნება უნდა იყოთ, მომწონხართ, — თქვა ფელდკურატმა და ისევ მაგიდაზე ჩამოჯდა. — რომელი პოლიკიდან ხართ? — ჰკითხა და თან დაასლოკინა.

— მაქვს პატივი მოგახსენოთ, პანე ფელდკურატ, ვეკუთვნე და არც ვეკუთვნი 91-ე პოლკს, და საერთოდ წარმოდგენა არა მაქვს, რა ამბავია ჩემს თავზე.

— ნაობახტში რისთვის ზიხართ? — ჰკითხა ფელდკურატმა და ისევ დაასლოკინა.

სამლოცველოდან ფისპარმონის ხმა ისმოდა, რომელიც ორდონოს ცვლიდა. მუსიკის მასწავლებელი, რომელიც დაპატიმრებული იყო დეზერტირობისთვის, მთელ თავის გულს აქსოვდა ნაღვლიან ეკლესიურ მელოდებში. ფისპარმონის ხმები ფელდკურატის სლოკინს უერთდებოდა და აქამდე უცნობ დორიულ გამად\* იქცეოდა.

— მაქვს პატივი მოგახსენოთ, პანე ფელდკურატ, მართალი გითხრათ, არ ვიცი, რისთვის ვზივარ. მაგრამ არ ვჩივი. უბრალოდ რომ ეთქვათ, ბედი არ მწყალობს. ყოველ ღონეს ვხმარობ, როგორმე კარგად გამოვიდეს ჩემი საქმე, მაგრამ, არ შეგქამოთ ჰირმა, არაფერი გამომდის, მთლად ისე, როგორც აი იმ წამებულს, ხატზე რომ არის.

ფელდკურატმა ხატს შეხედა, გაეღიმა და თქვა:

— ღმერთმანი მომწონხართ! ერთი გამოკვითხავ თქვენს შესახებ გამოძიებულს. მაშ ასე, მეტი ლაყბობის თავი თქვენთან აღარ მაქვს. ბარემ მოვრჩე ერთი ამ წმიდა მესას! Kehrt euch! Abtreten! <sup>1</sup>

ამბიონთან თავშეყრილ ნიფხვიანების ოჯახში რომ დაბრუნდა, შეკითხვებზე, ფელდჟურატს შენგან რა უნდოდაო, შევიკმა ძალიან უგულოდ და მოკლედ მოუქრა:

— ღვინითაა გახეთქილი!

პროგრამის მეორე ნომერს — წმიდა მესას — პატიმრები დაძაბული ყურადღებითა და აშკარა სიმპათიით ადევნებდნენ თვალყურს. ერთ-ერთმა პატიმარმა ნაძღვევიც კი დადო, რომ ფელდჟურატს ხელიდან გაუვარდებოდა ბარძიმი წმიდა ნაწილებით. თავის მხრივ იგი პურის მთელ თავის ულუფას დებდა, ხოლო თუ მოიგებდა, მოპირდაპირეს მისგან ორი მაგარი სილა უნდა ეწვნია, — და მან მოიგო.

არ შეიძლება ითქვას, რომ ის გრძნობა, რომლითაც აღვისილი იყვნენ ფელდჟურატის წირვის ცქერით გატაცებული სამლოცველოში მორეკილი პატიმრები, მორწმუნეთა მისტიციზმი ან ჰეშმარიტი კათოლიკების ღვთისმოსაობა ყოფილიყო, ეს უფრო იმ გრძნობას გავდა, რომელიც გვეუფლება თეატრში, როცა პიესის შინაარსი არ ვიცით, მოქმედებანი კი სულ უფრო და უფრო ინტარტებიან და მოუთმენლად ველოდებით კვანძის გახსნას. ყველა გატაცებული იყო ფელდჟურატის მიერ საკურთხევლის წინ გამართული სანახაობით. პატიმრები თვალს არ აშორებდნენ სამოსელს, რომელიც ფელდჟურატს უკუღმა გადაეცვა. ყველა აგზნებული და გატაცებული იყო საკურთხეველთან გათამაშებული წარმოდგენით, რომელიც მათ ესთეტიკურ სიამოვნებას ჰგვრიდა: მწითური მინისტრანტი, ეს გაკრეჭილი ყოფილი ხუცესი, რომელიც 28-ე პოლკში წვრილ ქურდობაში იყო შემჩნეული, პატიოსნად ცდილობდა მეხსიერებით აღედგინა წმიდა მესის მთელი მსვლელობა, ტექნიკა და ტექსტი. ფელდჟურატისთვის იგი ერთდროულად მინისტრანტიც იყო და სუფლიორიც, მაგრამ ეს სრულებით ხელს არ უშლიდა ფელდჟურატს გასაოცარი სიადვილით მთელი ფრაზები ერთიმეორის ადგილას გადაესვ-გადმოესვა. მან გადაფურცლა კურთხევანი და ნაცვლად ჩვეულებრივი მესისა, საშობაო მესის შესრულებას შეუდგა, რამაც უპარესად აღაფრთოვანა დამსწრე საზოგადოება. მას არც ხმა გააჩნდა და არც სმენა, ამის გამო სამლოცველოს თაღებქვეშ გაისმოდა ჰყვივლი და ღრიალი, თითქოს საღორეაო.

<sup>1</sup> ზურგისაყენ, იარი გასწითი (გერ.)

— ძალიან კი უყვალაბავს, რაც მართალია, მართალია, — დიდი კმაყოფილებით ალაპარაკდნენ პატიმრები. — ალბათ, ქუჩის გოგობთან გამოთვრა.

აგერ უკვე მესამეჯერ გაისმოდა საკურთხეველთან ფელდკურატის გალობა: „Ite, missa est!“, რომელიც ინდიელების საბრძოლო ყოინასავით ისეთი ძლიერი იყო, რომ ფანჯრის მინებს ზანზარი გაუდიოდათ. ფელდკურატმა ერთხელ კიდევ ჩაიხედა ბარძიშში, იქნებ ერთი ყლუბი ღვინო მაინც ჩარჩაო, მოიკმუხნა და მსმენელებს მიმართა:

— ახლა კი, თქვე არამზადებო, შეგიძლიანთ წახვიდეთ. დასრულდა. მე შევამჩნიე, რომ თქვენ არ იჩენთ იმ ქეშმარიტ ღვთისმოსიშობას, რომლის გამოჩენაც გამართებთ სამლოცველოში წმიდა საკურთხეველის წინ. ყურუშსაღებო, არავითარ მოწინებას თქვენ არ გრძნობთ უფლის წინაშე, უტიფრად როხროხებთ და ახველებთ; წამდაუწუმ იფურთხებით და ფეხებს აფრატუნებთ... ჩემს წინაშეც კი სჩადიხართ ამას, მიუხედავად იშისა, რომ მე აქ წმიდა მარიამის, იესო ქრისტეს და მამა ღმერთის წარმომადგენელი ვარ, თქვე ბრყვებო, თქვენაი კიდევ ერთხელ ასეთი რამ რომ გაიმეოროთ, თვალის სეირს გაჩვენებთ. მე თქვენ გაგაგებინებთ, რომ არსებობს არა მართო იმქვეყნიური ჯოჯოხეთი, რომლის შესახებ ამას წინათ გიქადაგეთ, არამედ ამქვეყნიურიცა შეიძლება იმ ჯოჯოხეთისგან კი იხსნათ თავი, მაგრამ ამ მეორეს ვერასგზით ვერ გადაურჩებით... Abtreten!

ასე კარგად და ორიგინალურად ჩაატარა ფელდკურატმა ძველი, გაცვეთილი წირვის წესი პატიმართა სამლოცველოში, მერე სამოსსაცავეში შევიდა, ტანსაცმელი გამოიცვალა, მსახურს კალათწნულში ჩადგმული უზარმაზარი ბოციდან საეკლესიო ღვინო გადმოასხმევიანა, გადაჰკრა და მწითური მინისტრანტის დახმარებით შეჯდა თავის საფერხე ცხენზე, რომელიც ეზოში ჰყავდა დაბმული. მაგრამ ამ დროს შეეიკი გაახსენდა, ჩამოხტა ცხენიდან და გამომძიებელ ბერნისის კანცელარიაში შევიდა.

სამხედრო გამომძიებელი ბერნისი, უპირველეს ყოვლისა მაღალი საზოგადოებიდან იყო, მომჯადოებელი მოცეკვავე და ერთი აშაღლარი ვინმე. სამსახურში მოწყენილობის გამო თავის სამახსოვრო წიგნაკში გერმანულ ლექსებს იწერდა, რომ მუდამ ხელთ ჰქონოდა ლექსების მარაგი. იგი დიდმნიშვნელოვან რგოლს წარმოადგენდა სამხედრო სასამართლოს აპარატში, რადგან მის ხელში თავმოყრილი იყო იმდენი ოქმები და უთავბოლო დახლართული აქტები, რომ ჰრადჩანის სამხედრო-საველე სასამართლო მას მორიდებით ეპყრობოდა. ბერნისის სულ მუდამ ავიწყდებოდა საბრალმდებლო მასალა

და იძულებული ზღებოდა ახალი მასალა შეეთხზა; სახელებსა და გვარებს ერთმანეთში ურევედა, ეკარგებოდა ბრალდების თანამიმდევრობის ძაფი და ახალს ურთავდა, რომელზეც აცმული ჰქონდა ყველაფერი, რაც კი რამ თავში მოუვიდოდა: დეზერტირებს ქურდობის ბრალდებას უყენებდა, ქურდებს კიდევ დეზერტირობაში დებდა ბრალს; პოლიტიკურ პროცესებს ჰქმნიდა მოგონილი მასალების საფუძველზე; ათასნაირ ფოკუსებს მიმართავდა, რომ გამოეტეხა ბრალდებული ისეთ დანაშაულში, რომელიც ამ უკანასკნელს სიზმრადაც არ ენახა; თხზავდა მისი უდიდებულესობის შეურაცხყოფელ სიტყვებს და ამ გამოგონილ სიტყვებს აწერდა იმ ბრალდებულებებს, რომელთა შესახებ მასალები სამსახურებრივი აქტებურსა და სხვა ოფიციალური ქაღალდების ქაოსში ისე იყო გაბნეული, რომ მათ ასაველ-დასაველს კაციშვილი ვერ გავიგებდა.

— Servus! — მიესალმა ფელდკურატი და ხელი გაუწოდა. — როგორაა საქმეები?

— არც ისე კარგად, — უპასუხა სამხედრო გამომძიებელმა ბერნისმა. — მთელი მასალები ისე ამიწეწ-დამიწეწეს, რომ ეშმაკიც კი ფეხს მოიტეხს. გუშინ უფროსებს გავუგზავნე მასალა ერთ ვაჟბატონზე, რომელსაც ამბოხების მოწყობაში ბრალი ედება. ეს მასალა აიღესდა, უკან გამოგზავნეს, საქმე ამბოხებას კი არ ეხება, არამედ უბრალოდ კონსერვების ქურდობასო. გარდა ამისა, საქმეზე, თურმე, სულ სხვა ნომერი დამისვამს. ანკი როგორ გაერკვნენ ყოველივე ამაში, ვერასგზით ვერ გამოვიდა!

სამხედრო გამომძიებელმა გადააფურთხა.

— კიდევ დადიხარ ბანქოს სათამაშოდ? — ჰკითხა ფელდკურატმა.

— წავაგე კარტში. უკანასკნელად პოლკოვნიკს ვეთამაშე მაკაო, აი იმ პოსლიკას, და იმასთან წავაგე მთელი ფული. სამაგიეროდ ერთ გოგონას თვალი დავადგი... შენ რასა იქ, წმიდაო მამაო?

-- მე დენშჩიკი მპირდება, — უპასუხა ფელდკურატმა. — უკანასკნელი ჩემი დენშჩიკი მოხუცი ბუხპალტერი იყო, რომელსაც უმალლესი განათლება. არ ჰქონდა, და თანაც დიდი პირუტყვი ვინმე იყო. სულ მუდამ ლოცულობდა და წუწუნებდა, ღმერთო მიხსენ განსაცდელისა და უბედურებისაგანო. ავიღედა, სალაშქრო ბატალიონით ფრონტზე ვუქარი თავი. ამბობენ, ამ ბატალიონისთვის ისეთი დღე დაუყენებიათ, რომ ერთი კაციც არ გადაჩენილა. მერე გამომიგზავნეს ერთი ვაჟბატონი, რომელიც არაფერს აკეთებდა, მარტო იჯდა

ხოლმე სამიკიტნოში და ჩემს ხარჯზე მაგარ სასმელებს შეეჭყოლა. ამას კიდევ მოითმენდა ადამიანი, მაგრამ ფეხები მცტისმეტად უოფლიანდებოდა. მომიხდა მისი გამწესებაც სალაშქრო ბატალიონში. დღეს კი ერთ ტიპს წავაწყდი, რომელიც ქადაგების დროს, სიცილო რომ გამოეწვია, გულამოსკენით აქვითინდა, აი სწორედ ასეთი მკირდება. მისი გვარი შევიკია, ზის „მეთექვსმეტეში“. მაინტერესებს, რისთვის ჩასვეს და ხომ არ მოხერხდებოდა როგორმე იქიდან მისი გამოთრევა?

გამომძიებელი შეუდგა მაგიდის უჯრების გადაქოთებას, შევიკის საქმეს ეძებდა, მაგრამ როგორც ყოველთვის, ვერაფერი იპოვა.

— უთუოდ, კაპიტან ლინპარტთან არის, — თქვა მან დიდი ხნის ძებნის შემდეგ. — დალაზეროს ეშმაკმა, სად მეკარგება ეს საქმეები ჩანს, ლინპარტთან გადავგზავნე. დაუტრეკავ ერთი მას... პალო გელაპარაკებათ გამომძიებელი პორუჩიკი ბერნისი. პანე კაპიტან, გეთაყვა, მითხარით, თქვენთან ხომ არ არის ქალაღლები ვინმე შევიკზე? მე უნდა მქონდეს?!.. უცნაურია... თვითონ მე პირადად ჩავიბარე თქვენგან?! მართლაც რომ უცნაურია... „მეთექვსმეტეში“ ზის... დიახ, ვიცი, პანე კაპიტან, რომ „მეთექვსმეტე“ ჩემთანაა. მაგრამ მეგონა, ქალაღლები შევიკზე თქვენთან იყო სადმე მიგდებულნი... თქვენ მთხოვეთ ასეთი სიტყვებით არ გელაპარაკოთ? თქვენთან მიგდებული არაფერი არის ხოლმე?.. პალო! პალო!..

სამხედრო გამომძიებელი ბერნისი დაღონებული მიუჯდა მაგიდას და დაიწყო საგამომძიებლო საქმეების წარმოებაში არსებული არეუ-ღარეულობის განსჯა. მას და კაპიტან ლინპარტს შორის დიდი ხანია უთანხმოება იყო ჩამოვარდნილი, და არც ერთი და არც მეორე დათმობაზე არ ფიქრობდა. თუ ლინპარტის რომელიმე საქმის ქალაღლები ბერნისის მოხედებოდა ხელში, ბერნისი ისე შორს გადამაღავდა, რომ მერე მისი მოძებნა ეშმაკსაც აღარ შეეძლო. ასევე ეპყრობოდა ლინპარტი ბერნისის საქმეებს. უგზო-უკვლოდ იკარგებოდა აგრეთვე საქმეებზე დანართი ქალაღლებიც <sup>1</sup>.

(შვეიკის საქმე ნაპოვნი იქნა სამხედრო-საველე სასამართლოს არქივში მხოლოდ გადატრიალების შემდეგ ასეთი წარწერით: „განზრახვა ქონდა ჩამოეხსნა ფარისევლური ნიღაბი და აშკარად გამოსულიყო ჩვენი ხელმწიფე-იმპერატორისა და ჩვენი სახელმწიფოს წინააღმდეგ“. იოზეფ შევიკის საქმე ჩაჩრილი იყო ვიღაც იოზეფ კოუღელის ქალაღლებში. საქმის გარეკანზე ჯვარი იყო დასმული და მის

<sup>1</sup> სავარსებო ნობახტის პატიმრების ოცდაათი პროცენტი არც ერთხელ არ ყოფილა დაკითხული მთელი ომის განმავლობაში (ავტორის შენიშვნა).

ქვეშ ეწერა: „მოყვანილია სისრულეში“ და თარიღიც ჰქონდა დასმული).

— მაშ ასე, დამეკარგა შვეიცი. — თქვა ბერნისმა. — ვუბრძანებ მომგვარონ აქ და თუ არაფერში გამოტყდა, შენ გამოგიგზავნი, დანარჩენი თვითონვე მოაგვარე პოლკში.

ფელდჯურატის წასვლის შემდეგ გამომძიებელმა ბერნისმა ბრძანა, შვეიცი მომიყვანეთო. მაგრამ სწორედ ამ დროს გადმოსცეს ტელეფონოგრამა საპოლიციო სამმართველოდან და ამიტომ შვეიკს კარგა ხანს მოუხდა ყურყუტი კარებთან. ტელეფონოგრამაში ნათქვამი იყო: „გამოთხოვრლი მასალა საბრალმდებლო საქმეზე № 7267, რომელიც ეხება ქვეით ჯარისკაცს მაიქსნერს, მიღებულია № 1 კანცელარიის მიერ კაპიტან ლინჰარტის ხელმოწერით“

ამასობაში შვეიცი სამხედრო გამომძიებლის კანცელარიას ათვალიერებდა.

არ შეიძლება ითქვას, რომ აქაურობა დიდად სასიამოვნო შთაბეჭდილებას სტოვებდა ადამიანზე, განსაკუთრებით ფოტოგრაფიები იმ მრავალნაირი ექზეყუციებისა, რომელთაც ავსტრიის არმია ახდენდა ჰალიციასა და სერბიაში. ეს იყო მხატვრული ფოტოგრაფიები გადამწვარ-გადაბუგული ქოხებისა და იმ ხეების, რომელთა ტოტები მიწას ჩასკეპროდნენ მათზე ჩამოკიდებულ ადამიანთა გვამებით დამძიმებული. მეტად შემზარავი გახლდათ ფოტო სერბიიდან, რომელზეც აღბეჭდილი იყო ჩამოხრჩობილთა მთელი ოჯახი: პატარა ბიჭუნა, მამა და დედა. მეორე სურათზე ორი შეიარაღებული ჯარისკაცი რცავდა ხეს, რომელზეც ჩამოეხრჩოთ რამდენიმე კაცი, წინა პლანზე კი კმაყოფილებით აღსაყვამ გამომეტყველებით იდგა ოფიცერი და პაპიროსს ამოღებდა. მოშორებით მოჩანდა საველე სამზარეულო, რომლიდანაც კვამლი ამოდიოდა.

— მაშ ასე, როგორ მოვიტყუებ, შვეიცი? — მიმართა გამომძიებელმა ბერნისმა და თან ტელეფონოგრამას აკერებდა საქმეში. — რა ჩაინდინეთ ასეთი? გამოტყდებით თუ დაელოდებით, სანამ საბრალმდებლო აქტს შეგიდგენდეთ? ასე არ ივარგებს! არ გეგონოთ, რომ რომელიღაც სასამართლოს წინაშე ხართ, სადაც საქმეს ვიღაც სამოქალაქო დოკუმენტები აწარმოებენ. ჩვენი სასამართლო სამხედროა, k. und k. militärgericht. <sup>1</sup> ერთადერთი, რაც გიხსნით მკაცრი და სამართლიანი დასჯისგან, ეს არის დანაშაულის სრული აღიარება.

გამომძიებელ ბერნისს საბრალმდებლო მასალის დაკარგვის შემთხვევისთვის „თავისი საკუთარი მეთოდი“ ჰქონდა. მაგრამ, როგორც

<sup>1</sup> სამხედრო-სამეფო სამხედრო სასამართლო (გერმ.).

ხედავთ, ამ მეთოდში განსაკუთრებული არაფერი იყო, ამიტომ არც უნდა გაგვიკვირდეს, რომ ასეთი კვლევა-ძიებისა და დაკითხვის შედეგები ყოველთვის ნულს უდრიდა.

გამომძიებელი ბერნისი თავის თავს იმდენად გამჭირაბ ადამიანად თვლიდა, რომ, მიუხედავად ბრალდებულის წინააღმდეგ მასალების უქონლობისა (ბევრ შემთხვევაში არც ის იცოდა, რაში ედებოდა ბრალი, ან საერთოდ რატომ იჯდა ესა თუ ის ჯარისკაცი საგარნიზონო ნაობახტში), ეგონა თითქოს დაკავებულ პიროვნების მართო ყოფაქცევისა და სახის გამომეტყველების დაკვირვებით შეეძლო დასკვნა გამოეტანა, თუ რისთვის ჰყავდათ ესა და ეს ადამიანი ციხეში დამწყვდეული. მისი გამჭირაბობა და ადამიანთა ცოდნა იმდენად ღრმა იყო, რომ ერთ ბოშას, რომელიც თავისი პოლიციდან საგარნიზონო ნაობახტში მოხვდა რამდენიმე დღეინი საცულის მოპარვისთვის (იგი კაპტენარმუსის დამხმარე ხელქვეითი იყო), ბერნისმა ბრალდება წაუყენა პოლიტიკურ დანაშაულში: რომელიღაც ტრაქტირში აგიტაციას ეწეოდი ჯარისკაცებთან დამოუკიდებელი ჩეხოსლოვაკიის სახელმწიფოს შექმნის შესახებ, რომელსაც სათავეში სლავი მეფე ჩაუდგებოდა.

„ჩვენს ხელთ არის დოკუმენტები, — უთხრა მან უბედურ ბოშას, — თქვენ დაგრჩენიათ მხოლოდ გამოტყდეთ, რომელ ტრაქტირში ლაპარაკობდით ამას, რომელი პოლიციის სალდათები იყვნენ ისინი, ვინც თქვენ ვისმენდათ და როდის მოხდა ეს“.

საბრალო ბოშამ გამოიგონა თარიღიც, ტრაქტირიც, პოლიცი, რომელსაც ვითომდა მისი მსმენელები ეკუთვნოდნენ, მაგრამ, როცა დაკითხვიდან ბრუნდებოდა, აიღო და გაიქცა, რითაც ამდენ დავიდარაბას გადაარჩა.

— თქვენ არ გსურთ გამოტყდეთ? — შეეკითხა ბერნისი, რომელიც ხედავდა, რომ შეეიკი ხმის ამოღებას არ აპირებდა და სამარცხებურ სიჩუმეს არ არღვევდა. — თქვენ არ გინდათ თქვათ, როგორ მოხვდით აქ, რისთვის ჩაგსვეს? შეგეძლოთ ჩემთვის მაინც გეთქვათ. სანამ მე თვითონ მოგაგონებდეთ. გაფრთხილებთ კიდევ ერთხელ, გამოტყდით. თქვენთვის უკეთესი იქნება, რადგან ეს გააადვილებს კვლევა-ძიებას და შეამსუბუქებს თქვენს სასჯელს. ამ მხრივ ჩვენთან იგივე მდგომარეობაა, რაც სამოქალაქო სასამართლოში.

— მაქვს პატივი მოგახსენოთ, — გაისმა, როგორც იქნა, ბოლოს შეეიკის უწყინარი ხმა, — მე აქ, საგარნიზონო ნაობახტში, ნაპოვნი ბავშვივით ვარ.

— მაგით რა გინდათ, რომ თქვათ?

— მაქვს პატივი მოგახსენოთ, რომ ამის ახსნა სულ უბრალოდ

შემიძლია... ჩვენს ქუჩაზე ერთი მენახშირე ცხოვრობდა. მას ჰყავდა სრულიად უდამაშაულო ორი წლის ბიჭუნა. ერთხელ ამ ბიჭუნამ დააღირა თავი და ფეხით ავიდა ვინოპრადიდან ლიბენში \* და ტროტუარზე ჩამოჯდა. აქ იგი პოლიციელმა იპოვნა, საპოლიციო უბანში წაიყვანა და ორი წლის ბავშვი, — წარმოგიდგენიათ, — საკანში დაამწყვდიეს. ხედავთ, სრულიად უდამაშაულო იყო ბავშვი, ის კი მაინც დაამწყვდიეს. მისთვის რომ ეკითხათ, რისთვის ხარ დამწყვდეულიო, სულ ერთია, ლაპარაკიც რომ ცოდნოდა, ვერაფერს უპასუხებდა. და აი, დაახლოებით მეც ასეთი რამ დამემართა. მეც ნაპოვნი ბავშვივით ვარ.

გამომძიებელმა სწრაფად შეავლო თვალი შვეიკის ფიგურასა და სახეს და რაღაცნაირად შეცბუნდა. შვეიკის მთელი არსება ისეთი უდარდულობითა და ისეთი უმანკოებით სუნთქავდა, რომ ბერნისმა გაჯავრებით იწყო სიარული კანცელარიაში და ფელდკურატს რომ არ შეპირებოდა — შვეიკს გამოგიგზავნით, ეშმაკმა იცის, რით გათავდებოდა საქმე.

ბოლოს გამომძიებელი თავის მაგიდასთან შეჩერდა.

— გამიგონეთ, — უთხრა მან შვეიკს, რომელიც არხეინად აქეთიქით იუჟრებოდა, — თუ კიდევ ერთხელ მომხვდით თვალში, იცოდეთ, კარგი დღე არ დაგადგებათ... გაიყვანეთ!

სანამ შვეიკი „მეთექვსმეტეში“ მიყავდათ, ბერნისმა ზედამხედველ სლავიკს გამოუქანა.

— ახალი მითითების მიღებამდე, შვეიკი ფელდკურატ კატის განკარგულებაში იქნება, — მოკლედ უბრძანა მან. — დაამზადეთ საშვები. მიჰგვარეთ პან ფელდკურატს შვეიკი ორი ბადრაგის ხლებით.

— მიბრძანებთ, პანე ობერ-ლეიტენანტ, ბორკილგაყრილი წავიყვანოთ იგი თუ?...

გამომძიებელმა მუშტი დაჰკრა მაგიდას:

— ვირო! მე ხომ გარკვევით გითხარით: გაამზადეთ საშვები-მეტქი!

და ყველაფერი, რაც დღის განმავლობაში დაგროვდა გამომძიებლის გულში — კაპიტან ლინჰარტისა და შვეიკის გამო — აბობოქრებული ნიაღვარივით ეძგერა ზედამხედველს და დასრულდა შემდეგი სიტყვებით:

— გაიგეთ თუ არა, ბოლოს და ბოლოს, რომ თქვენ ნამდვილი გვირგვინოსანი ვირი \* ხართ!

გვირგვინოსანს უწოდებდნენ მხოლოდ მეფეებსა და იმპერატო-



რებს. მაგრამ უბრალო ზედამხედველიც კი, პიროვნება, რომელსაც გვირგვინოსნობის არაფერი ეცხო, ასეთი მიმართვით მაინცდამაინც არ დარჩა კმაყოფილი და, როცა სამხედრო გამომძიებლის კანცელარიიდან გამოვიდა, პანდური ამოკრა ტუსაღს, დერეფანში იატაკს რომ რეცხდა. რაც შეეხება შეეიკს, ზედამხედველმა გადაწყვიტა მისი კიდევ ერთი ღამით მაინც დატოვება საგარნიზონო ნაობახტში, რათა შესაძლებლობა მიეცა მისთვის საბოლოოდ დამტბარიყო ნაობახტის მთელი სიმშვენიერით.

საგარნიზონო ნაობახტში გატარებული ღამე სამუდამოდ დარჩება სასიამოვნო მოგონებად ყველას, ვისაც კი ეს წილად ხვდა.

„მეთექვსმეტეს“ გვერდით იყო ერთი კაცისთვის განკუთვნილი შემზარავი საკანი, საიდანაც ამ ღამითაც, რომელსაც ჩვენ აღვწერთ, გაისმოდა ტუსაღი ჯარისკაცის ღმუილი, — რალაც დისციპლინარული დანაშაულისთვის ზედამხედველ სლაეიკის განკარგულებით ჯალათი რევა მას ნეკნებს უმტვრევდა. როცა ღმუილი შეწყდა, „მეთექვსმეტეში“ ისმოდა მხოლოდ პატიმართა ფრჩხილებს შორის მომწყვდეული ტილების წკაპაწყუპი.

კარებზე, კედლის სიღრმეში, იდგა ნავთის ლამპა დამცველი ბადურათი, კედლებზე ის მჭრქალ სინათლეს აფრქვევდა და ხრჩოლავდა. ნავთისა და ტანდაუბანელ ადამიანთა ოფლის მძიპე ანაორთქლი შერეული პარაშის სიმყრალესთან, ყოველი ხმარების დროს თავისი პირდაბჩენილი წიაღიდან გულისამრევე სუნს რომ უშვებდა, ბინძურ ტალღასავით ტრიალებდა „მეთექვსმეტეში“.

ცუდი საკვები საჭმლის მონელებას აძნელებდა, ამის გამო ტუსაღთა უმრავლესობას მუცლის ბერვა აწუხებდა. დაგროვილი ქარები მუცლის გვრემას იწვევდა და ხშირად ირღვეოდა ღამის სიწყნარე, რასაც ერთვოდა საპასუხო სიგნალები და უწმაწური ოხუნჯობანი.

დერეფნიდან მოისმოდა გუშავთა გამოზომილი ნაბიჯები, დროდადრო გაიხსნებოდა კარების „თვალი“ და „მთავარანგელოზი“ საკანში შეიჭვრიტავდა.

შუათანა საწოლიდან ვიღაცა ხმადაბლა ჰყვებოდა:

— მე აქ იმის შემდეგ გადმომიყვანეს, რა რომ გაქცევა ვცადე. წინათ „მეთორმეტეში“ ვიჯექი. იქ, ასე ვთქვათ, უფრო იოლ საქმეებზე სხედან. ერთხელ ჩვენთან ერთი სოფლელი მოიყვანეს. მას მისჯილი ჰქონდა თოთხმეტი დღით პატიმრობა, რადგან თავის ქოხში ღამეს ათევინებდა სალდათებს. ჯერ ეგონათ, — პოლიტიკური შეთქმულებათა, მერე გამოირკვა, რომ ის სოფლელი ამას

ფულის გამო აკეთებდა. იგი უნდა მკდარიყო წერილფეხა დამნაშავეებთან, მაგრამ ის საკანი ხალხით გაქედლი იყო, ამიტომ ჩვენთანა მოხვდა. რა არ წამოელო სახლიდან და რას არ უგზავნიდნენ, სულო და გულო! როგორღაც ნება დართეს გარდა სატუსალო ულუფისა თავისი სურსათ-სანოვაგითაც ესარგებლა. თამბაქოს მოწევის ნებაც მისცეს. თან შოატანა ორი ნაჭერი ლორი, ვეებერთელა პურის კვერი, კვერცხები, კარაქი, სიგარეტები, თამბაქო... ერთი სიტყვით, ყველაფერი, რაზედაც კი შეიძლება ადამიანმა იოცნებოს. მთელ ამ ავლადიდებას იგი ორ ტომარაში ინახავდა, და რატომღაც გადაეწყვიტა, — რომ ყველაფერი ეს მარტო მას უნდა შეეთქვლიდა. ადამიანურად ვთხოვეთ, რაკი თვითონ ვერ მიხვდა, ჩვენთვისაც ეწილადებინა, რასაც ყოველი ჩვენგანი აკეთებდა, როცა გარედან რამეს მივიღებდით. იგი კი, ისეთი წუწურაქი ვინმე იყო, რომ სულ „არას“ გაიძახოდა: მე აქ რალაც ორი კვირა უნდა ვიჯდე და კუჭი რად უნდა გავიფუჭო კომბოსტოთი და დამპალი კარტოფილით, რასაც კერძად გვაძლევენო. მე ჩემს სატუსალო სადილსა და პურის ულუფას გითმობთ, ამის საწინააღმდეგო არაფერი მაქვს, შეგიძლიათ ერთიმეორის შორის თანაბრად გაინაწილოთ, ანდა რიგრიგობით აიღოთ... ფაქიზი გემოვნების ადამიანი გახლდათ, რას იზამთ, — პარაშაზე დაჯდომასაც არ კადრულობდა, მეორე დღემდე ითმენდა, რომ სეირნობის დროს გაეთავისუფლებინა კუჭი ეზოს ფეხისადგილში. ისეთი განებვიგრებული ვინმე იყო, რომ საპირფარეშოს ქალაღიც კი თან ჰქონდა წამოღებული. ჩვენ ვუპასუხეთ, მიგვიფურთხებია მაგ შენი ულუფისთვის-თქო, და ვითმინეთ ერთი დღე, ორი, სამი... ის ვაჟბატონი კი ხეთქავდა შაშხს, მადიანად უსვამდა პურზე კარაქს, ამტერევედა კვერცხებს, ერთი სიტყვით, ცხოვრობდა როგორც საჭირო იყო. სწევდა სიგარეტებს და ერთხელაც არავისთვის შეუთავაზებია. თქვენ მოწევის უფლება არა გაქვთ და „მთავარანგელოზმა“ თვალი რომ შეგვასწროს, როგორ გაწევინებთ სიგარეტს, იზოლატორში ჩამსვამენო. ერთი სიტყვით, ვიმეორებ, სამი დღე ვითმინეთ. მეოთხე დღეს, ღამით დადგა განკითხვის ქამი. იმ კაცმა დილით გაიღვიძა... ჰო, მართლა, დამავიწყდა მეთქვა, რომ იგი ყოველდღე, დილით, სადილობისას და საღამოთი, ჭამის წინ, ყოველთვის ლოცულობდა, დიდხანს ლოცულობდა ხოლმე. ჰოდა, ლოცვით გული რომ იჯერა, შეძერა საწოლის ქვეშ თავისი ტომრების გამოსაღებად. ტომრები კი აღმოჩნდა ადგილზე, მაგრამ დაჩუტულიყო, დამკეანარი ქლიავივით დანაოჭებულიყო. ერთი აღიაქოთი ასტეხა, გამქურდეს, მარტო საპირფარეშოს ქა-

დალდები დაუტოვებიათ, მაგრამ მერე გაჩუმდა, ხუთი წუთი რაღაცას ფიქრობდა, ბოლოს იმ დასკვნამდე მივიდა, ალბათ მეხუმრნენ და ყველაფერი სადღაც გადამიშალესო. და აი მოგვმართა მხიარულად: „ჰეი, თქვე ეშმაკებო, თქვენა. ცხადია, ყველაფერს დამიბრუნებთ. ძალიან ზორზად კი გამაპამპულეთო“. ჩვენ იქ ერთი გყავდა, ლიბენელი, და ის ეუბნება: „იციოთ რა, თავზე საბანი გადაიხურეთ, ათამდე დათვალეთ, მერე თქვენს ტომრებში ჩაიხედეთო“. იმ კაცმა, გამგონე ბავშვივით, თ-ვზე საბანი გადაიხურა და თვლას შეუდგა: „ერთი, ორი, სამი...“ ლიბენელი კი ეუბნება: „ასე რად ჩქარობთ, დინჯად დაითვალეთო!“ იმ კაცმა საბნიდან ისევ დაიწყო თვლა, ნელ-ნელა, გაკვიანურებით: „ერთი... ორი... სამი“... როცა ათამდე დათვალა, გადმოძვრა საწოლიდან და ტომრებში ჩაიხედა: „ღმერთო ჩემო, ხალხნო — აყვირდა იგი, — ტომრები ისევ ცარიელია!“ ერთი უნდა გენახათ მაშინ მისი სულელური სახე. სიცილისაგან კინალამ ერთმანეთს შეეასკდით. ლიბენელი ეუბნება: „აბა, ერთხელ კიდევ სცადეთო!“ და არ დაიჯერებთ, ის კაცი მთელი ამ ამბით იმდენად გამოთაყვანებულიყო, რომ ერთხელ კიდევ სცადა, მაგრამ, როცა ტომრებში ისევ ვერაფერი ნახა, გარდა საპირთარეშოს ქალაღდებისა, კარებს მივიარდა, მუშტები დაუშინა და ღრიალი მორთო. „გამქურდესი გამქურდესი მიშველეთ! არიქა, გააღეთ კარები! გააღეთ, ღეთის გულისათვის!“ თვალის დახამხამებზე მოცვივდნენ მეთვალყურეები, დაუძახეს ზედამხედველსა და ფელდფებელ რეჟას. ჩვენ ყველამ პირი შევკარით და ერთხმად განვაცხადეთ, ეგ კაცი ალბათ ჭკუაზე თუ შეიშალა, გუშინ მთელი ღამე თქვლევფავდა მარტოკა და, რაც გააჩნდა, სუყველაფერი შესანსლა-თქო. იგი კი ცხარე ცრემლით მოთქვამდა და გაიძახოდა: „ნამცეცები ხომ მაინც უნდა დარჩენილიყო“. დაუწყეს ნამცეცებს ძებნა და, რა თქმა უნდა, ვერაფერი იპოვეს. განა სულელები ვიყავით! რასაც ვერ მოვერიეთ, მეორე სართულზე ფოსტით გავგზავნეთ თოკის საშუალებით. ჩვენთან ვერაფერი აღმოაჩინეს, მაგრამ ის დოყლაპია მაინც განაგრძობდა წუწუნს: „ნამცეცები ხომ მაინც უნდა დარჩენილიყო სადმეო!“ მთელი დღე პირში არაფერი ჩაუღდევს, სულ იმას უთვალთვალებდა, ხომ არავინ ჭამს რამეს, ჩუმად ხომ არ ქაჩავს პაპიროსსო. მეორე დღეს სადილადაც არაფერს მიკარებია, საღამოთი კი დამპალი კარტოფილიც კომბოსტოთი გემრიელად მიირთვა. მაგრამ წინანდებურად აღარ ლოცულობდა, როცა შაშხსა და კვერცხებს შეეჭკეოდა. მერე რომელიღაც ერთ ჩვენგანს საიდანღაც ბლომად წვეკო გაუჩნდა და აი მაშინ კი პირველად იკადრა

ჩვენთან დალაპარაკება, ცოტა მეც მომაქაჩვინეთო. ზედაც არ დავასუნებინეთ!

— მე კი სულ იმას ვშიშობდი, რომ მოაქაჩვინებდით, — შენიშვნა შეეიკმა. — ამით მთელ თქვენს ნაამბობს გააფუჭებდით. ასეთ კეთილშობილებას მხოლოდ რომანებში თუ შეხვდებით, საგარნიზონო ნაობახტში კი ეს უბრალოდ დიდი სიბრყივე იქნებოდა.

— „გამოიცან, ვინა გცემა“ არ მოუწყვეთ? — იკითხა ვილაცამ.

— არა. ეგ სულ გადაგვაეიწყდა.

„მეთექვსმეტეში“ ხმადაბლა დაიწყეს კამათი, საჭირო იყო თუ არა ყოველივე მომხდარის შემდეგ „გამოიცანის“ მოწყობაო. უპირაველესობა მხარს უჭერდა, უნდა მოგეწყოთო.

კამათი თანდათან მინელდა. პატიმრები ძილს ეძლეოდნენ, თან ძალუმად იქექებოდნენ ილლიის ქვეშ, გამწარებით იფხანდნენ გულმკერდსა და მუცელს, სადაც ყველაზე მეტი გროვდება ხოლმე შკებნარი საცელებში. იძინებდნენ, თავზე იხურავდნენ დატილიანებულ საბნებს, რომ ნავთის ლამპის მბეუტავი სინათლით არ შეწუხებულაყვენ.

დილის რვა საათზე შვეიკს გამოუძახეს და უბრძანეს კანცელარიაში წასულიყო.

— ხელმარცხნივ, კანცელარიაში შესასვლელთან, საფურთხი დგას. იქ ნამწვები ჰყრია ხოლმე, — არიგებდა შვეიკს ერთ-ერთი პატიმარი. — მეორე სართულზე კიდევ ერთი დგას. კიბეს ჰგვიან ცხრია საათზე, ასე რომ ახლა იქ რალაც უთუოდ მოიძებნება.

შვეიკმა მათი იმედები არ გაამართლა. „მეთექვსმეტეში“ იგი აღარ დაბრუნებულა. ცხრამეტი ნიფხვიანი საგონებელში ჩავარდა, რა არ გაიფიქრეს, რა არ თქვეს.

ჭორფლიანმა ჯარისკაცმა, შეუზღუდავი ფანტაზიის პატრონმა, განაცხადა, შვეიკმა რევოლვერი ესროლა ოფიცერს და ახლა მოტოლის მოედანზე დასახვრეტად წაიყვანესო.

---



თ ა ვ ი X

### შვეიკი — ფელდკუარტის ღენუჩიკი

შვეიკის ოღისეა შემდგომ ხიშტებიანი შაშხანებით შეიარაღებული ორი ჯარისკაცის საპატიო ექსკორტით წარიმართა, რომლებსაც იგი ფელდკუარტისთვის უნდა ჩაებარებინათ.

შვეიკის მცველი ჯარისკაცები ერთმანეთს ავსებდნენ: ერთი გამხდარი იყო და აყლაყუდა, მეორე, პირიქით, დაბალი ტანისა და სქელი; აყლაყუდა მარჯვენა ფეხით კოჭლობდა, ტანდაბალი — მარცხენათი. ორივე ჯარის ზურგში მსახურობდა, რადგან ომამდე სრულებით გათავისუფლებული იყვნენ მოქმედ ჯარში სამსახურიდან. ორივეს სერიოზული სახე მიეღო და ქვაფენილზე ფეხების ბაკუნით მიდიოდნენ. ხანდახან შვეიკს შეხედავდნენ, რომელიც მათ შორის ჩამდგარი მიაბიჯებდა და დროდადრო სამხედრო სალამს აძლევდა, ვისაც ეს სამხედრო წესდებით ეკუთვნოდა. შვეიკის სამოქალაქო ტანსაცმელი საგარნიზონო ნაობახტის ცეიხჰაუზში გაჰქრა, აღარ იყო მისი სამხედრო ქუდიც, რომელიც გასაწვევ პუნქტზე მისე-

ლისას ეხურა. ყოველივე ამის ნაცვლად ძველი მუნდირი მისცეს, — წინათ ეს მუნდირი უთუოდ ვინმე ღიბიან, ზორბა მამაკაცს ეკუთვნოდა, რომელიც შვეიკზე ალბათ მთელი თავითაც მაღალი აყო. იმ შარვალში კი, რომელიც მას ჩააცვეს, კიდეც სამი შვეიკი ჩაეტეოდა. უსასრულო ნაოკები, ფეხებიდან მოყოლებული თითქმის კისრამდე, — შარვალი ნამდვილად კისრამდე სწედებოდა, — ძალაუნებურად უქნარების ყურადღებას იქცევდნენ. უზარმაზარი, ჭუჭყიანი და გაქონიანებული გიმნასტურა, ნიდაყვებზე საკერებელდადებული ისე ეკიდა შვეიკზე, გეგონებოდათ, ეს ადამიანი კი არა, ბოსტნის საფრთხობელააო. შარვალი ცირკის მასხარასავით ჩამოჩაჩოდა. ფორმის ქუდი, რომელიც ასევე საგარნიზონო ნაობახტში შეაჩეჩეს, ყურებზე ჰქონდა ჩამოფხატული.

უქნარების ირონიულ ჩაყინებაზე შვეიკი რბილად იღიმებოდა და თავისი კეთილი თვალებით ალერსიანად უყურებდა მათ.

ასე მიემართებოდნენ ისინი კარლინისკენ, სადაც ფელდკურატი ცხოვრობდა.

პირველი გამოელაპარაკა შვეიკს ტანდაბალი სქელი ჯარისკაცი. ამ დროს ისინი მალა სტრანაზე მიდიოდნენ გალერეაზე გავლით.

— სადაური ხარ?

— პრალიდან ვარ.

— არ გაგვექცევი?

საუბარში აყლაყულა ჩაერია. პირდაპირ გასაოცარია: თუ ტანმორჩილი და ჩასუქებული ადამიანები მეტწილად გულკეთილი ოპტიმისტები არიან, გამხდარნი და აწოწილნი, პირიქით, უმეტესად სკეპტიკოსებად გვევლინებიან. ამ კანონის მიხედვით, აყლაყულამ უთხრა ტანდაბალს:

— რომ შეეძლოს, განა არ გაიქცევა!

— რად უნდა გაიქცეს? — უპასუხა ტანდაბალმა. — მაგი ისედაც თავისუფალია, საგარნიზონო ნაობახტში ხომ აღარ ზის. აი, პაკეტში მაქვს ფელდკურატისთვის...

— მერედა, რა არის მაგ პაკეტში ფელდკურატისთვის? — ჰკითხა ოყლაყმა.

— არ ვიცი.

— აი, ხომ ხედავ, არ იცი და ლაპარაკობ...

კარლოსის ხიდი სრულ დუმილში გაიარეს. მაგრამ კარლოსის ქუჩაზე რომ გავიდნენ, ტანდაბალი ისევ გამოელაპარაკა შვეიკს:

— ხომ არ იცი, რისთვის უნდა მიგიყვანოთ ფელდკურატთან?

— აღსარების სათქმელად, — გულგრილად უპასუხა შვეიკმა. —

ხვალ უნდა ჩამომახრჩონ. ყოველთვის ასე ხდება. ამბობენ, ეს სულიერი სიმშვიდისთვისაა საჭიროო.

— მერედა, რისთვის უნდა... იმას გიქნან? — ფრთხილად შეეკითხა აყლაყულა, ტანდაბალმა კი თანაგრძნობით შეხედა შვეიკს. შვეიკის მცველები სოფლელი ხელოსნები იყვნენ, — ოჯახის პატრონები.

— არ ვიცი, — უპასუხა შვეიკმა გულკეთილი ღიმილით. — არაფერი ვიცი. ჩანს — ასეთი ბედი მქონია.

— გამოდის, რომ უბედურ ვარსკვლავზე ყოფილხარ დაბადებული, — მცოდნის კილოთი თანაგრძნობით შენიშნა ტანდაბალმა. — ჩვენთან სოფელ იასენში, იოზეფოვეს მახლობლად, ჯერ კიდევ პრუსიის ომის დროს სწორედ ასე ჩამოახრჩეს ერთი კაცი. მოაკითხეს, არაფერი უთხრეს და იოზეფოვეში ჩამოახრჩეს.

— მე ვფიქრობ, — სკეპტიკურად შენიშნა აყლაყულმა ჯარისკაცმა, — რომ სრულიად არაფრისთვის ადამიანს არასგზით არ ჩამოახრჩობენ. მიზეზი უნდა იყოს რაიმე. ასეთი საქმე უბრალოდ არ ხდება.

— მშვიდობიან დროს, — შეესიტყვა შვეიკი, — შეიძლება ასედაც იყოს, მაგრამ როცა ომიანობაა, ერთი კაცი მხედველობაში არ მიიღება. იგი ან ბრძოლის ველზე უნდა დაეცეს, ანდა მას შინ ჩამოახრჩობენ! ამაზე იტყვიან, გინდ მგელს შეეუჭამივარ, გინდ მგლისფერ ძაღლსაო.

— გამიგონე, შენ ვინმე პოლიტიკური ხომ არა ხარ? — ჰკითხა ახმანმა. ხმაზე ეტყობოდა, რომ მასაც გული მოუღბა შვეიკზე.

— პოლიტიკური ვარ, და ისიც ძალიან მაგარი, — გაეღიმა შვეიკს.

— შეიძლება შენ ნაციონალ-სოციალისტი \* ხარ?

მაგრამ ახლა ტანდაბალმა გამოიჩინა სიფრთხილე და საუბარში ჩაერთა.

— მერედა, ჩვენ რა გვესაქმება, — თქვა მან. — გარდა ამისა, ერთი შეხედვით, ირგვლივ უამრავი ხალხია და ყველა ჩვენ მოგვჩერებია. რომ მოგვახერხებინა სადმე ყრუ შესახვევში ზიშტების მოხსნა, ყველაფერი ეს, იცით... თვალში რომ არ ხვდებოდეს. შენ ხომ არ გაგვექცევი? თორემ, იცი, ამისთვის მაგრად მოგვხვდება. ხომ ასეა, ტონიკ? — მიუბრუნდა იგი აყლაყულას.

მან ხმადაბლა უპასუხა:

— ზიშტებს კი მოვხსნიდით. რაც უნდა იყოს, ეს ჩვენი კაცია. — იგი უკვე სკეპტიკურად აღარ იყო განწყობილი, და გული შვეიკისადმი სიბრალულით აღევსო.

გამონახეს შესაფერისი შესახვევი, მოხსნეს შაშხანებს ხიშტები და ტანდაბალმა ნება დართო შევიკს, შეგიძლია ჩემს გვერდით იაროო.

— ალბათ, მოწვევაც გინდა? ხომ? — ჰკითხა მან. — ვინ იცის... მას უნდოდა ეთქვა: „ვინ იცის, ჩამოხრჩობის წინ იქნებ არც მოგაწვევინონ“. მაგრამ სათქმელი არ დაუმთავრებია, რადგან მიხვდა, ეს უტაქტობა იქნებოდა.

ყველამ გააბოლა, და მცველებმა უამბეს შევიკს თავის ოჯახებზე, რომლებიც კრალოვეჭრადში ცხოვრობდნენ, თავის ცოლშვილზე, ერთ გოჯა მიწაზე, ერთადერთ ძროხაზე...

— მომწყურდა, — თქვა შევიკმა.

აყლაყუდამ და ტანდაბალმა ერთმანეთს გადახედეს.

— ერთ ტოლჩაზე არც ჩვენ ვიტყოდით უარს, — თქვა ტანდაბალმა, რომელმაც იგრძნო, რომ აყლაყუდაც თანახმა იყო. — მაგრამ სადმე ისეთ ადგილას შევიდეთ, სადაც ჰყეტას არ დაგვიწყებენ.

— წავიდეთ „კუკლიკში“ — შესთავაზა შევიკმა, — იქ შეგიძლიათ შაშხანები სამზარეულოში დატოვოთ. „კუკლიკის“ პატრონი სერაბონა — შევარდენია \*, სავსებით სანდო კაცია. უკრავენ იქ ვიოლინოსა და გარმონს, არიან გოგოები და სხვა წესიერი ადამიანები, რომელთაც „რეპრეზენტიაკში“ \* არ უშვებენ.

აყლაყუდამ და ტანდაბალმა ისევ გადახედეს ერთმანეთს და აყლაყუდამ გადაწყვიტა:

— კარგით, წავიდეთ, კარლინამდე ჯერ მაინც შორსაა.

გზაში შევიკი სხვადასხვა ანეკდოტებს უამბობდა. „კუკლიკში“ რომ მიაღწიეს, მცველები შესანიშნავ გუნებაზე იყვნენ. ისინი მოიქცნენ ისე, როგორც შევიკმა ურჩია: თოფები სამზარეულოში დამალეს და საერთო დარბაზში შეაბიჯეს, სადაც ვიოლინოსა და გარმონზე ამოჩემებულ სიმღერას: „ჩვენს პანკრატზე, ჩვენს გორაკზე, ოჰ, რა ხეივანია“, — ამღერებდნენ და მუსიკის ხმებით მთელი დარბაზი გაყრუებული იყო.

ერთი ქუჩის ქალი მუხლებზე უჯდა კობტად თმაგადავარცხნილ, მაგრამ გამოფიტული სახის ჰაბუკს, და ხრინწიანი ხმით გაჰკიოდა.

მყავდა ერთი ცუგრუმელა, —  
დაათრევდა, თურმე, ყველა...

ერთ მაგიდასთან რომელიღაც თევზით ხელზე მოვაჰკრეს, მაგრად გალუშელს ეძინა. დროგამოშვებით გაიღვიძებდა, მუშტს დაჰ-



კრავდა მაგიდას და წამოაყრანტალებდა: „არაფერი გამოგივათ!“ — და ისევ იძინებდა.

ბილიარდის უკან სარკის ქვეშ სამი როსკიპი იჯდა და რკინიგზის კონდუქტორს გასძახობდნენ:

— ახალგაზრდავ, დაგეპატიეთ ვერმუტზე!

მუსიკოსებთან ორი ჭაბუკი იდგა და ვილაც მარჯვენაზე დაეობდნენ, რომელიც გუშინ ალყაში მომწყვედეულიყო და პატრულს „გაეძაგრა“: ეს საკუთარი თვალთ დაეინახეო, ამბობდა ერთი, მაგრამ მეორე ირწმუნებოდა, მარჯვენა გუშინ ერთ სალდათს გაჰყვა სასტუმრო „ვალშუმში“ გამოსაძინებლად.

ზედ კარებთან, სამოქალაქოების კომპანიაში ერთი ჯარისკაცი ჩამჯდარიყო და უამბობდა, როგორ დასჭრეს იგი სერბიაში. ხელი შეხვეული ჰქონდა, ჯიბეები კი თანამოსაუბრეებისგან ნათავაზევი სიგარეტებით გამოეტენა. იგი გამუდმებით იმეორებდა, სმა უკვე აღარ შემიძლიაო, ერთ-ერთი თანამოსაუბრე, თავმოტვლეპალი ბერიკაცი, ყოველ წუთში აწყვეტანებდა:

— დალიეთ, გეხვეწებით, ჩემო კეთილო ვინ იცის, იქნებ აღარც შეეხვდეთ ერთმანეთს? გინდათ, თქვენთვის რაჰე დავაკრევინო? „ობოლი ბავში“ გიყვართ?

ეს პოსლიკა ბერიკაცის საყვარელი სიმღერა იყო და ერთი წუთის შემდეგ ვიოლინოსა და გარმონზე აზუზუნდა „ობოლი ბავში“. ბერიკაცს თვალეზე ცრემლი მოადგა და გააბა სიმღერა ჟღერიალა ხმით:

როცა მოეცა გონება,  
სულ დედიკოს იგონებდა,  
სულ დედიკოს იგონებდა.

მეორე მაგიდიდან გაისმა:

— კმარა ეშმაკსაც წაუღიხართ! მოწყდით თავიდან თქვენი „ობოლით“.

და მტრულად განწყობილი მაგიდიდან უკანასკნელ ყუმბარასავით იგრიალა:

ო, განშორება, ო, განშორება. —  
გულისთვის არის ტანჯვა-წამება.

— ფრანტა, — დაუძახეს იმათმა დაჭრილ ჯარისკაცს, როცა თავისი „განშორებით“ „ობოლი“ ჩაახშევს და სიმღერა დაასრულეს. — ფრანტა, თავი დაანებე მაგათ, შოღი, ჩვენთან დაჯექი. შოღი და

შენი სივარეტებიც მოატა. მიაფურთხე, მოეშვი მაგათ გართობას, შე სულელი!

შვეიცი და მისი მცველები ინტერესით ათვალიერებდნენ ყველაფერს. შვეიცი, რომელსაც აქ ბევრჯერ გაუტარებია დრო ჯერ კიდევ ომამდე, მოგონებას მიეცა: მოულოდნელად გამოჩნდებოდა ხოლმე აქ პოლიციის კომისარი დრაშნერი პატრულის თანხლებით და შიშის ზარს სცემდა ქუჩის ქალებს, რომლებმაც სიმღერაკი შეთხზეს მასზე.

ერთხელ მათ გუნდურად იმღერეს:

პან დრაშნერის შაშითა  
სუყუელა კანკალებდა,—  
მარტო ლოთი მარჟენკა  
მას არაფრად აგდებდა.

ამ დროს კარები გაიღო და თავისი ამალით მრისხანე და უღმობელი დრაშნერი შემოვიდა. ამას მოჰყვა სცენა, რომელიც კაკაბზე ნადირობა გეგონებოდათ: პოლიციელები გარს შემოერთყვენ დამფრთხალ სტუმრებს და ერთ კუთხეში მირეყეს. შვეიციც ალყა შემორტყმულთა შორის მოხვდა, რადგან, რაღაც ეშმაკად, როცა კომისარმა დრაშნერმა მას პირადობის მოწმობა მოსთხოვა, შვეიკმა სიტყვა შეუბრუნა: „კი, მაგრამ თქვენ ამის მოთხოვნის უფლება თუ გაქვთ საპოლიციო სამმართველოდანო?“ მერე შვეიკს გაახსენდა კიდევ ერთი პოეტი, რომელიც აი იქ, სარკის ქვეშ იჯდა ხოლმე და ხმაურსა და დრაჰანცელში, გარმონის ჰყვიტინში ლექსებს თხზავდა და იქვე უკითხავდა როსკიპ ქალებს.

შვეიკის მხლებელ ჯარისკაცებს არაერთარი ამდაგვარი მოგონება არ გააჩნდათ. მათთვის ყველაფერი ახალი იყო. აქაურობა უკვე ჰქუაშიც კი დაუჯდათ. ტანდაბალმა ჯარისკაცმა პირველმა იგრძნო აქ თავი, ვით თევზმა წყალში. ჩასუქებული ადამიანები, როგორც ცნობილია, გარდა ოპტიმიზმისა, მიდრეკილებას იჩენენ ეპიკურიზმისადმი. ახმახი ჯარისკაცი ცოტა ხანს ებრძოდა თავს, მაგრამ რაკი სკეპტიციზმზე ხელი აიღო, თანდათან ეკარგებოდა თავდაქერა და გონიერების უკანასკნელი ნატამალიც ეცლებოდა.

— მოდი ერთი ვიცეკვებ, — თქვა მან, როცა მეხუთე ტოლჩა ლუდი გადაჰკრა და დაინახა, სხვები წყვილ-წყვილად როგორ ცეკვავდნენ „შლაპაკს“ \*.

ტანდაბალი მთლად ჩაეფლო დროსტარების ნეტარებაში. გვერდით რომელიღაც მეძავი ქალი უჯდა და უწმაწურ სიტყვებს გაი-



ძახოდა. თვალები უბრწყინავდა ტანდაბალ, ჩასუქებულ ჯარისკაცს.

შვეიცი ლულს შეექცეოდა.

აყლაყულდამ დაამთავრა ცეკვა და თავისი ქალით მაგიდას დაუბრუნდა. მერე აყლაყულდამ და ტანდაბალმა სიმღერა წამოიწყეს, ისევე იცეკვებს, თან განუწყვეტლივ სვამდნენ და თავის გოგოებს ბექებზე ხელებს უტყაპუნებდნენ. ავხორცი სიყვარულის, ნიკოტინისა და ალკოჰოლის ამ ატმოსფეროში უხილავად ჰაერში ტრიალებდა ძველი დევიზი: „თუ მე არ ვიქნები, ქვა ქვაზედ ნუ დარჩენილავ“.

სადილის შემდეგ მათ ვიღაც ჯარისკაცი მიუჯდა და შესთავაზა, ხუთ კრონად ფლეგმონასა და სისხლის მოწამვლას მოგიწყობთო. შპრიცი კანქვეშ შესაშხაპუნებლად თან მაქვს, და შემიძლია ფეხში ან ხელში ნავთი შევიშხაპუნოთო<sup>1</sup>.

აყლაყულდა, რომელმაც ყოველგვარი სულიერი წონასწორობა დაკარგა. ჯარისკაცს საპირფარეოში გაჰყვა და კანქვეშ ფეხში ნავთი შეიშხაპუნა.

როცა მოსაღამოვდა, შვეიკმა ჯარისკაცებს მოაგონა, დროა ფელდჟურატთან წავიდეთო. მაგრამ ტანდაბალი ჯარისკაცი, რომელსაც სიმთვრალისგან ენა ებმოდა, შვეიკს შეეხვეწა, ცოტა ხანს კიდევ დავრჩეთო. აყლაყულდაც იმ აზრისა იყო, რომ ფელდჟურატი, არა უშავს, მოითმენსო. მაგრამ შვეიკს „კუკლიკში“ უკვე მოსწყინდა და თავის მცველებს დაემუქრა, ავიღებ და, მარტო წავალო.

გაუდგნენ გზას, მაგრამ შვეიკს სიტყვა ჩამოართვეს, კიდევ ერთხელ სადმე უთუოდ შევისვენებთო. გაჩერდნენ „ფლორენციის“ პატარა კაფეში, სადაც სქელმა ჯარისკაცმა თავისი ვერცხლის საათი გაყიდა, რომ დროსტარებით საბოლოოდ გული ეჯერებინა.

იქიდან უკვე შვეიკს მოუხდა თავისი მცველების ხელიხელგაყრილი წაყვანა. მას დიდი ჯაფა დაადგა. ფეხები წამდაუწუმ ეკვეთებოდათ გამობრუებულ ჯარისკაცებს და განუწყვეტლივ მიიწვიდნენ, სადმე კიდევ შევიდეთო.

---

<sup>1</sup> ეს დიდად ნაცადი საშუალებაა კოსპიტალში მოსახვედრად. მაგრამ სახიფათოა სიმსივნეში დარჩენილი ნავთის სუნით. უკეთესია ბენზინი, რადგან მისი სუნით უფრო სწრაფად ქროლდება. უფრო მოგვიანებით იშხაპუნებდნენ ეთერისა და ბენზინის ნარევის; კიდევ უფრო გვიან სხვა გაუმჯობესებულ საშუალებებს (ანტროლის შენ.)

ტანდაბალს კინალამ დაეკარგა პაკეტი ფელდკურატის სახელზე და შევიკი იძულებული გახდა თვითონ მოეარა ამ პაკეტისთვის. ყოველთვის, როგორც კი შევიკი შეამჩნევდა, რომ ოფიცერი ან რომელიმე უნტერი მოდიოდა, იგი აფრთხილებდა თავის მთვრალ მხლებლებს. დიდი ჭაპანწყვეტით, როგორც იქნა, ბოლოს მიათრია მან თავისი მცველები კარლინამდე, სადაც ფელდკურატი ცხოვრობდა. შევიკმა თავისი ხელით ჩამოაცო ხიშტები მათ შაშხანებს და ფერდებში მუჯღუფუნებით მიაღწია იმას, რომ მცველებს წაეყვანათ იგი და არა მას მცველები.

მეორე სართულზე, სადაც კარებზე მიკრული იყო სადარბაზო ბარათი „ოტო კატცი-ფელდკურატი“, კარი ვიღაც სალდათმა გაუღოთ. მეზობელ ოთახიდან მოისმოდა ხმები, ბოთლებისა და ჭიქების წყარუნი.

— Wir... melden... gehorsam... Herr... Feldkurat, — ძლივს წარმოთქვა აყლაყულამ და სამხედრო სალამი მისცა სალდათს, — ein... Paket... und ein Mann gebracht!<sup>1</sup>

— შემოდით, შემოდით, — უთხრა სალდათმა. — ასე უსაშველოდ სად გაღეშილხართ? ბატონი ფელდკურატიც ღვინითაა გახეთქილი... — და სალდათმა გადააფურთხა.

სალდათმა გამოართვა პაკეტი და ოთახში შევიდა. მოსულებს დიდხანს დასჭირდათ ლოღინი, ზანამ ბოლოს, კარი არ გაიღო და წინ ოთახში კი არ შემოვიდა, ბომბივით შემოვარდა ფელდკურატი. იგი ეილტოს ამარა იყო და ხელში სიგარა ეჭირა.

— მაშ თქვენ უკვე აქა ხართ, — მიმართა მან შევიკს. — ახ, ეს თქვენ მოგიყვანეს. ე-ე... ასანთი ხომ არა გაქვთ?

— არა მაქვს, პანე ფელდკურატი, — უბასუხა შევიკმა.

— კი, მაგრამ რატომ არა გაქვთ ასანთი? ყოველ სალდათს უნდა ჰქონდეს ასანთი პაპიროსის მოსაჯიდებლად. სალდათი, რომელსაც ასანთი არა აქვს, წარმოადგენს... წარმოადგენს... აბა!..

— მაქვს პატივი მოგახსენოთ, წარმოადგენს უასანთოს, — უკარნახა შევიკმა.

— სავსებით სწორია, წარმოადგენს უასანთოს და ვერავის პაპიროსს ვერ მოაკიდებინებს. ეს ერთი. ახლა მეორე. ფეხები გიყარო?

— არა, არ მიყარს.

---

<sup>1</sup> გვაქვს პატივი... მოგახსენოთ... რომ უნდა ჩავაბაროთ... ბატონო ფელდკურატი... პაკეტი... და ერთი კაცი (გერმ.).

— ასე. ეს მეორე, ახლა მესამე. არაყს სევამთ?

— არა, არაყს არა ვსევამ, მხოლოდ როშს.

— შესანიშნავია! აი, შეხედეთ ამ სალდათს, მე ერთი დღით ვინათხოვრე იგი პორუჩიკ ფელდჰუბერისგან, ეს მისი დენშჩიკია. იგი დღინო-არაყს არ ეტანება, მსმელი არ არის. ამიტომ სამარშო ასეულში ამოყოფს თავს. იმ...იტომ, რომ ასეთი კაცი მე არაფრად მარგია. ეს დენშჩიკი კი არა, ძროხაა. ძროხაც წყლდს მეტს არაფერს სევამს და ხარით ღმუის.

— ჰეი, შენ! — მოუბრუნდა იგი სალდათს. — არა...ა გრცხენია! შე ბოთე! იმასაც მოესწრები, რომ ერთი მაგრად ჩავაფარებ მაგ სიფათში!

ამ დროს ფელდკურატმა ყურადღება მიაქცია იმ ჯარისკაცებს, რომლებმაც შვეიკი მოიყვანეს; ისინი ყოველ ღონეს ხმარობდნენ სწორად მდგარიყვნენ, ცდილობდნენ თავი დაეჭირათ თოფებზე დაყრდნობით, მაგრამ უშედეგოდ, აქეთ-იქით ქანქარასავით ქანაობდნენ.

— თქვენ მ... მთვრალეები ხართ!.. — თქვა ფელდკურატმა. — თქვენ დათვერით სანსახურებრივი მოვალეობის აღსრულების დროს! ამისთვის ჩაგ... სევამთ! შვეიკი, ჩამოართვით მაგათ თოფები, წაიყვანეთ სამზარეულოში და უყარაულეთ, სანამ პატრული არ მოვა მათ წასაყვანად. მე ახლავე ყაზარმაში დავ...რეკავ.

ამრიგად, ნაპოლეონის სიტყვები „ომში სიტუაცია ყოველ წამში იცვლება“ აქ ერთხელ კიდევ ბრწყინვალედ დადასტურდა: დღით ამ ჯარისკაცებს ბადრაგათი მოყავდათ შვეიკი და შიშობდნენ, არ გაგვექცესო, მაგრამ აღმოჩნდა, რომ მათ კი არ მოიყვანეს შვეიკი, არამედ შვეიკმა მოიყვანა ისინი დანიშნულების ადგილას და ბოლოს და ბოლოს შვეიკს მოუხდა მათი ყარაულობა. აყლაყულდამ და ტანდაბალმა ერთბაშად ვერ გაიგეს, საქმე როგორ შეტრიალდა, მაგრამ როცა ცოტა ხანს სამზარეულოში იხდნენ და კარებში შვეიკი დაინახეს ხიშტჩამოცმული თოფით ხელში, ყველაფერს მიხვდნენ.

— მე რამეს დავლევდი, — ამოიხვნეშა ჩასუქებულმა ოპტიმისტმა.

ანმახს კი ისევ სკეპტიციზმი დაეუფლა. მან განაცხადა, ყველაფერი ეს საზიზღარი გამცემლობააო და შვეიკს დაუწყო ხმამაღლა ლანძღვა, შენი გულისთვის ჩავეარდით ამ დღეშიო. იგი უსაყვედურებდა შვეიკს, შენ არ იყავი, რომ გვარწმუნებდი, ხვალ ჩამომხარჩობენო, ახლა კი გამოდის, რომ აღსარებაცა და სახარჩობელაც მტკნარი სიკრუე ყოფილა.

შვეიკი ხმამაღლდებლივ მიდიმოდიოდა კარებთან.

— ვირები ვიყავით, ვირები, — ღრიალებდა აყლაყულა.

შვეიკმა მოისმინა ყველა ბრალდება და შემდეგ განაცხადა:

— ახლა მაინც ხედავთ, რომ სამხედრო სამსახური სახუმარო საქმე როდია მე მხოლოდ ჩემს მოვალეობას ვასრულებ. მე თქვენსავე სრულიად შემთხვევით გავები ამ ხათაბალაში, მაგრამ, როგორც იტყვიან ხოლმე, მე ბედმა გამიღიმა.

აყლაყულა წამოდგა და ბარბაცით მივიდა კარებთან.

— გაგვიშვი შინ, — უთხრა შვეიკს, — გეყოფა პამპულაობა, ძმობილო!

— ჩამომეცალე! — შეუტია შვეიკმა. — მე თქვენ უნდა გიყარაულოთ, ახლა ჩვენ ერთმანეთს არ ვიცნობთ.

კარებში ფელდკურატი გამოჩნდა.

— მე... მე ვერასგზით ვერ დავუკავშირდი ტელეფონით ყაზარშას. ამიტომ წადით შინ, ოღონდ გახსოვდეთ, რომ სამსახურში სიმთვრალე არ შეიძლება! ნაბიჯით იარ!

ბატონ ფელდკურატის სასახელოდ უნდა ითქვას, რომ ყაზარშაში მას არც დაურეკავს, რადგან ტელეფონი არ ჰქონდა, და უბრალოდ სამაგიდო ელექტრონის ლამპაში ჩასძახოდა.





II

უკვე მესამე დღე იყო, რაც შვეიცი ფელდკურატ ოტო კატცთან მსახურობდა და ამ ხნის განმავლობაში მხოლოდ ერთხელ ნახა იგი.

მესამე დღეს მოვიდა პორუჩიკ ჰელმინის დენშჩიკი და შვეიკს უთხრა, წამოდი, შენი ფელდკურატი წაიყვანო.

გზაში დენშჩიკმა უამბო შვეიკს, რომ ფელდკურატს ჩხუბი მოუვიდა პორუჩიკ ჰელმინთან; ფელდკურატი ღვინით გახეთქილია, პიანინო დაგვიმტვრია და შინ წამოსვლას არ აპირებსო. პორუჩიკმა, რომელიც აგრეთვე მთვრალია, გამოაგდო კიბეზე, ახლა იგი იატაკზე კარებთან ზის და თვლემსო.

მივიდა თუ არა შვეიკი შემთხვევის ადგილას, ერთი მაგრად შეანჯღღრია ფელდკურატი. მან დაიღმუფლა და თვალები გაახილა. შვეიკმა სამხედრო სალაში მისცა და უპატაკა:

— მაქვს პატივი მოგახსენოთ, მე გეახელით, პანე ფელდკურატ!

— შერე... რა გინდათ... თქვენ აქ?

— მაქვს პატივი მოგახსენოთ, რომ თქვენი გულისთვის მოვედი, პანე ფელდკურატ.

— ჩემი გულისთვის მოხვედით? შერედა, სად უნდა წავიდეთ?



— შინ, პანე ფელდკურატ!

— შინ რად უნდა წავიდუ? განა შინ არა ვარ?

— არა, შინ არ ბრძანდებით, პანე ფელდკურატ, თქვენ სხვისი ბინის კიბეზე იმყოფებით...

— აქ როგორ... რანაირად... მოვხვდი?

— მაქვს პატივი მოგახსენოთ, თქვენ სტუმრად იყავით.

— სტუმრად... სტუ...მრად მე არ ვყო...ფილვარ. თქვენ სცდებით...

შვეიკმა ფეხზე წამოაყენა ფელდკურატი და კედელს მიაყრდნო. ფელდკურატი აქეთ-იქით ქანაობდა, შვეიკს თავზე ეცემოდა, სულელურად იღიმებოდა და თან სულ ერთსა და იმავეს იმეორებდა:

— აი ახლა ხელიდან გაგიცურდებით და ძირს დავეარდები...

ბოლოს, როგორც იქნა, შვეიკმა გააჩერა იგი კედელზე მიბჯენილი, მაგრამ ამ ახალ მდგომარეობაში ფელდკურატს ისევ დაეძინა.

შვეიკმა გააღვიძა იგი.

— რა გნებავთ? — ჰკითხა ფელდკურატმა, თან შეეცადა კედელზე ჩამოცოცებულყო და იატაკზე დამჯდარიყო, მაგრამ შვეიკს მაგრად ეჭირა. — ვინა ხართ თქვენ?

— მაქვს პატივი მოგახსენოთ, პანე ფელდკურატ, — უპასუხა შვეიკმა და ისევ მიაყრდნო იგი კედელს, — მე თქვენი დენშჩიკი ვარ.

— არავითარი დენშჩიკი მე არა მყავს, — ძლივს წარმოთქვა ფელდკურატმა და შეეცადა შვეიკს თავზე დამხობოდა. — მე ფელდკურატი არა ვარ. მე ლორი ვარ!... — დაუმატა მან მთვრალი ადამიანის გულღიანობით. — ხელი გამიშვით, ბატონო ჩემო, მე თქვენ არ ვაცნობთ!

ხანმოკლე შებრძოლება შვეიკის გადამწყვეტი გამარჯვებით დამთავრდა, რომლითაც შვეიკმა ძსარგებლა და ფელდკურატი კიბიდან სადარბაზო კარებთან ჩაათრია, მაგრამ აქ ფელდკურატმა სერიოზული წინააღმდეგობა გაუწია და არასგზით არ დანებდა შვეიკს, რომელიც ცდილობდა ახლა აქედან ქუჩაში გაეყვანა იგი.

— მე თქვენ არ გიცნობთ, ბატონო ჩემო, — არწმუნებდა შვეიკს და თავგამოდებით ებრძოდა. — იცნობთ ოტო კატცს? ეს მე ვარ.

— მე არქივბისკოპოსთან ვიყავი! — ღრიალებდა იგი ცოტა ღნის შემდეგ უკვე კარებს გარეთ. — ჩემი პიროვნებით თვით ვატიკანია დაინტერესებული, გესმით?!

შვეიკმა მობოდიშებას თავი მიანება, უკუაგდო „მაქვს პატივი მოგახსენოთ“ და ფელდკურატს ინტიმური კილოთი დაუწყო ლაპარაკი.

— ხელი უშვი, მე შენ გეუბნები, — უთხრა მან, — თორემ ერთი

ისეთს ჩაგაფარებ, რომ... წამოდი შინ — მორჩა და გათავდა! ხმა, კრინტი-მეტქი!

ფელდკურატმა ხელი გაუშვა კარებს და მთელი სხეულით გადაეყუდა შვეიკს.

— სადაც გინდა წავიდეთ, ოლონდ „შუპიში“ \* არ წამოვალ, იქ ვალი მაქვს გადასახდელი.

სადარბაზო კარებთან შევიქმა მუჯლუგუნებით გამოავლო ფელდკურატი ტროტუარზე და თრევა-თრევით წაიყვანა შინისკენ.

— ნეტავი ვინაა? — ცნობისმოყვარეობით იკითხა ერთმა გამვლელმა.

— ჩემი ძმა გახლავთ, — განუმარტა შვეიკმა. — შეებულება აიღო, ჩემ სანახავად ჩამოვიდა, და აი, სიხარულისგან გამოთვრა — არ ეგონა, თუ კიდევ მნახავდა ცოცხალს, მკვდარი ვეგონე.

უქანასკნელი ფრაზა რომ გაიგონა, ფელდკურატმა ჩაიდუღუნა რომელიღაც ოპერეტიდან მოტივი, თან საშინლად ამბინჯებდა. მერე წელში გასწორდა და გამვლელებს მიმართა:

— რომელი თქვენგანიც უკვე მკვდარია, სამი დღის განმავლობაში გამოცხადდით კორპუსის შტაბში, რათა თქვენი ცხედარი ნაყურთხი წყლით ვაპყუროთ... — და გაჩუმდა, თან ცხვირით ტროტუარს უმზინებდა.

შვეიკი მხარში შეუდგა და ისე წაათრია. ფელდკურატს წელმოწყვეტილ კატასავით წინ თავი წაეშვირა და ფეხებს ძლივს მიაფლატუნებდა, თან ცხვირში დუღუნებდა: Dominus vobiscum — et cum spiritu tuo. Dominus vobiscum !.

ეტლების გაჩერებასთან შევიქმა ფელდკურატი ტროტუარზე დასვა და კედელზე მიაყრდნო, თვითონ კი ეტლის დასაქერად წავიდა ერთმა მეეტლემ განაცხადა, მაგ პაწა ძალიან კარგად ვიცნობ, ერთხელ უკვე ვატარე ჩემი ეტლით და მეტი სურვილი აღარ მაქვსო.

— მთლად ყველაფერს გადაარწყვია ეტლში, — განმარტა მეეტლემ, — და თანაც არაფერი მომცა. ორ საათზე მეტი ვატარე, სანამ მაგის ბინას მივაგნებდი. სამჯერ მივაკითხე და მხოლოდ ერთი კვირის შემდეგ მომცა მარტო ხუთი კროსი.

ბოლოს, ხანგრძლივი მოლაპარაკების შემდეგ, რომელიღაც მეეტლემ იკისრა, მე წაგიყვანთო, შვეიკი დაბრუნდა ფელდკურატთან. მას ეძინა. ვილაცას მისთვის თავიდან შავი ქვაბურა ქუდი წაეძრო და წაეღო (ფელდკურატი ჩვეულებრივ სამოქალაქო ტანსაცმელში

\* კურთხევა ღვთისა იყოს თქვენზე და სულისა შენისათა. კურთხევა ღვთისა (ლათ.).

გამოწყობილი დადიოდა). შეეიკმა გააღვიძა ფელდკურატი და მეეტ-  
ლეს დახმარებით დახურულ ეტლში შეათრია. ეტლში ფელდკურატ-  
მა ყოველგვარი გონიერება დაჰკარგა და სრულ გამოთაყვანებამდე  
მივიდბ. შეეიკი სამოცდამეთხუთმეტე ქვეითი პოლკის პოლკოვნიკ  
იუსტად მიიჩნია და რამდენჯერმე განიმეორა:

— ნუ გამოიჯავრდები, მეგობარო, რომ „შენობით“ გელაპარაკე-  
ბი. მე ღორი ვარ!

წამით გეგონებოდათ, რომ ქვაფენილზე ეტლის რახრახს ფელდ-  
კურატი გონზე მოჰყავსო. იგი წელში გაიმართა, სწორად დაჯდა და  
უცნობი სიმღერიდან რომელიღაც ნაწყვეტი წამოიწყა. უნდა ვი-  
ფიქროთ, ეს მისი საკუთარი იმპროვიზაცია იყო.

მახსოვს ის დრო სანეტარო,  
რომ მხვდებოდა ღმერთ ყველა,  
და მერკლინში დამაელიცთან,  
ჩვენ ვცხოვრობდით უღარდელად.

მაგრამ ერთი წუთის შემდეგ მას ყოველგვარი მოსახრებინ უნა-  
რი დაეკარგა, ცალი თვალი მოჰუჭრა და შეეიკს ჰკითხა:

— როგორ ცხოვრობთ, ქალბატონო? სააგარაკოდ არსად მიბრ-  
ძანდებით?

მას ყველაფერი ორად ეჩვენებოდა, ცოტა ხანს გაჩუმდა და  
შემდეგ ჰკითხა:

— უკვე მოზრდილი ვაჟი გყოლიათ? — და თითოთ შეეიკზე უჩ-  
ვენა.


— მოისვენებ თუ არა შენს ადგილზე! — უყვირა შეეიკმა, რო-  
ცა დაინახა, რომ ფელდკურატმა დააპირა დასაჯდომზე ფეხებით  
შედგომა. — მე შენ მიგაჩევე წესიერებას!

ფელდკურატი დაწყნარდა, მხოლოდ გაშტერებული იყურებოდა  
ეტლიდან გოჭრით წვრილი თვალებით და ვერ გაეგო, რა ხდებოდა  
მის თავზე.

მერე, ისევ ყველაფერი გადაავიწყდა ამ ქვეყანაზე, შეეიკს მიუბ-  
რუნდა და ნაღვლიანი ხმით უთხრა:

— პანი, მომეციო პირველი კლასი,\* — და შარვლის ჩასახდელად  
მოეშვადა.

— ახლავე შეიკარი შარვალი, შე მართლა ღორო, შენა — დაუღ-  
რიალა შეეიკმა. — უნდა გახსოვდეს, რომ ყველა მეეტლე ისედაც  
კარგად გიცნობს. ერთხელ ნარწყევით მოაბინძურე ყველაფერი და  
ახლა კიდევ ეგეც გინდა დაუმატო. არ იფიქრო, რომ ისევ არაფერს  
გადაიხლი, როგორც მაშინ.



ფელდკურატმა თავზე ხელი შემოიღო და მელანქოლიურად აღ-  
ლინდა:

მე უკვე არავის ვუყვარვარ...

მაგრამ უეცრად შეწყვიტა სიმღერა და შენიშნა: Entschuldigen  
sie, lieber kamerad, sie sind ein Trottel! ich kann singen, was  
ich will !.

აქ მას, როგორც ჩანს, რომელიღაც მულოდია სტვენით უნდოდა  
გადმოეცა, მაგრამ სტვენის ნაცულად ყანყრატოდან ისეთი ძლიერი  
„ტპრფუ“ აღმოხდა, რომ ეტლი გაჩერდა.

შვეიცმა განკარგულება გასცა და ეტლი ისევ დაიძრა. ფელდკუ-  
რატმა ახლა ცარიელი მუნდშტუჟი ამოიღო და ქაჩვა დაუწყო.

— არ ეკიდება, — თქვა მან, როცა მთელი კოლოფი ძაანთი  
მიალია. — თქვენ ალბათ სულს უბერავთ და ასანთს მიქრობთ.

მაგრამ უეცრად აზროვნების ძაფი გაუწყდა და გაიცინა.

— აი სასაცილო ამბავი! ჩვენ მარტონი ვართ ტრამვაიში. მარ-  
თალს არ ვამბობ, კოლეგა?

მერე ჯიბეების ქექვა დაიწყო.

— ბილეთი დავკარგე! — დაიყვირა მან. — გააჩერეთ ვაგონი,  
ბილეთი უნდა ვიპოვოთ!

მერე შორჩილად ჩაიქნია ხელი და შესძახა:

— გასწი!

და უეცრად აბუტბუტდა:

— მეტწილად... დიახ, ყველაფერი რიგზეა... ყოველ შემთხვევა-  
ში... თქვენ სცდებით... მესამე სართულზე? ეს — საბაბია... ლაპა-  
რაკი თქვენზეა, მოწყალეო ქალბატონო, და არა ჩემზე... ანგარაში  
ერთი ფინჯანი შავი ყავა...

მერე ძილმა თავი წაართვა, თან ვიღაც მოჩვენებით მოწინააღმ-  
დეგეს ეკამათებოდა, რომელიც თითქოს რესტორანში ფანჯარას-  
თან ადგილს არ უთმობდა. უცბად ეტლი მატარებლად მიიჩნია, თა-  
ვი გარეთ გაჰყო და ქუჩაში გაჰყვიროდა ჩეხურად და გერმანუ-  
ლად:

— ნიშბურკი, გადასხედით!

შვეიცმა თავისკენ ღონიერად მოსწია იგი. ფელდკურატს გადაა-  
ეწყო მატარებელი და დაიწყო სხვადასხვა ცხოველებისა და ფრინ-

<sup>1</sup> უკაცრავად, ძვირფასო ამხანაგო, თქვენ ვიღაც ბოთე ხართ! მე ვიმღერებ იმას,  
რაცა მსურს! (გერმ.).

ველებს გამოჯავრება. უფრო მეტხანს აჯავრებდა შამალს და მისი „ყიყიყო“ ძალუმად გაისმოდა ეტლიდან.

რამდენიმე ხნით იგი საერთოდ არაჩვეულებრივად მოქმედი და დაუდგარი გახდა. შეეცადა ეტლიდან გადამხტარიყო, თან ყველა გამვლელს ხულოგანს უწოდებდა. მერე ეტლიდან ცხვირსახოცი გადააგდო და დაიყვირა, შეჩერდით, ბარგი დაჯკარგეო. მერე ამბავის მოყოლა დაიწყო:

— ბუდეოვიცეში ერთი მედოლე ცხოვრობდა. მან ცოლი შეერთო და ერთი წლის შემდეგ მოკვდა. — ფელდეკურატმა უეცრად გადაიხარხარა: — განა ცუდი ანეკდოტია?

მთელი ამ ხნის განმავლობაში შვეიცი შეუბრალებელი სიმკაცრით ეპყრობოდა ფელდეკურატს. მის ყოველ ცდაზე, რაიმე ოინბაზობა ჩაედინა, როგორც, მაგალითად, ეტლიდან გადმომხტარიყო ან დასაჯდომი დაემტვრია, შვეიცი ფერდებში მუშტებს უბაგუნებდა, რაზედაც ფელდეკურატი მხოლოდ ლენჩივით აღებდა პირს. მართო ერთხელ შეეცადა ფელდეკურატი აჯანყებულები და ეტლიდან გადმომხტომა მოინდომა, აქაოდა, ნაცვლად ბუდეოვიცისა პოდმოკლში მივიღვართ, ეს კი მე არა მსურსო. მაგრამ შვეიკმა უმალვე ჩააქრო აჯანყი და ფელდეკურატი აიძულა დაბრუნებოდა თავის პირვანდელ მდგომარეობას დასაჯდომზე, ოღონდ თვალყურს ადევნებდა, როგორმე არ დასძინებოდა.

ყველაზე თავაზიანი, რაც ამ დროის განმავლობაში შვეიკმა ფელდეკურატის მიმართ წარმოთქვა, შემდეგი გახლდათ:

— არ დაიძინო, შე მძორო!

უეცრად ფელდეკურატი დანადგლიანდა და ცრემლები წასკდა, თან შვეიკს ეკითხებოდა, დედა თუ გყავდაო.

— ობლად ვარ, ძმებო, ამქვეყნად, — მოთქვამდა იგი, — დამებმარეთ, ჩემს თავს ნურავის დააჩავგვრინებთ, ტკბილი სიტყვა მაინც მითხარიო!

— საქვეყნოდ თავი ნუ მომპერი, ადამიანო, — ჰკუას არიგებდა შვეიცი, — გაჩუმდი, თორემ ხალხი იფიქრებს, გალეშლიაო.

— მე სრულებით არაფერი დაბილევია, მეგობარო, — უპასუხა ფელდეკურატმა. — სავსებით ფხიზელი ვარ!

უცბად წამოიწია, სამხედრო სალამი მისცა და წარმოთქვა: Ich melde gehorsam, Herr Oberst, ich bin besoffen. <sup>1</sup> მე ლორი ვარ! — ათჯერ მაინც გაიმეორა მან სასოწარკვეთილებით აღსავსე

1. მაქვს პატივი მოგახსენოთ, ბატონო პოლკოვნიკო, მთვრალი ვარ. (გერმ.)

გულახდილობით. შემდეგ შვეიკს მიუბრუნდა და ხეყწა დაუწყო, ავტომობილიდან გადამავდეთ, თან რად მიგყავართო?

მერე დაჯდა და აღუდუნდა:

— „მთვარის ოქროს სხივებში“... თქვენ გწამთ, პანე კაპიტან, სულის უკვდავება? შეუძლია ცხენს ზეცაში მოხედეს?

ფელდკურატმა ხმამალა გადაიხარხარა, მაგრამ ერთი წუთის შემდეგ ისევ მოიწყინა, აბათიურად შეხედა შვეიკს და წარმოთქვა:

— შაპატიეთ, ბატონო ჩემო, ჩვენ ერთმანეთს სადღაც შევხვედრივართ. ვენაში ხომ არ ყოფილხართ? სემინარიიდან მახსოვხართ.

ერთხანს ერთობოდა ლათინური ლექსების დეკლამაციით:

*Aurea prima satast aetas, quae vindice nullo.*<sup>1</sup>

— მერე აღარ გამომიდის, — თქვა მან. გადამავდეთ აქედან, გეხეყწებით. რატომ არ გინდათ გადამავდეთ? არაფერი მომივია — მე მინდა ცხვირით დავეცე, — გადაჭრით განაცხადა მან. — ბატონო ჩემო, ძვირფასო მეგობარო, — განაგრძო მუდარით, წამითაქეთ ერთი თავში.

— ერთი გეყოფა, თუ რამდენიმე გინდა? — შეეკითხა შვეიკი.

— ორჯერ წამითაქეთ, ორჯერ.

— აჰა, მიიღე.

ფელდკურატი ხმამალა ითვლიდა; რამდენჯერ წაუთაქეს და ნეტარებით იღიმებოდა.

— ეს ძალიან უწყობს ხელს საქმლის მონელებას, — თქვა მან. — ახლა სახეში მთხლიშეთ... დიდად გმადლობთ! — წამოიძახა მან, როცა შვეიკმა დაუყოვნებლივ შეუსრულა სურვილი. — მე სავსებით კმაყოფილი ვარ. ახლა ეილექტი შემომახიეთ.

იგი ათასნაირ სურვილს გამოთქვამდა. მოისურვა: ფეხი კოჭში მომტეხეთო, ხელი ყელში წამიჭირეთ და ცოტათი გამგულდეთო, ფრჩხილები დამაჭერითო, წინა კბილები დამაძერეთო, ერთი სიტყვით, მოწამეობისადმი უდიდესი მისწრაფება გამოამჟღავნა — მოითხოვდა, თავი წამაცალეთ, ტომარაში ჩაავდეთ და ვლტავეაში \* გადაუქაბეთო.

— მე თავის ირგვლივ ძალიან მომიხდებოდა შარავანდედად შემოვლებული ვარსკვლავები \*. კარგი იქნებოდა ათიოდე ცალი, — აღტაცებით წარმოთქვა მან.

მერე ლაპარაკი გააბა დოდის შესახებ, მაგრამ მალე ბალეტზე გადავიდა, ოღონდ ამაზეც დიდხანს არ შეჩერებულა.

<sup>1</sup> პირველი იყო ხანა ოქროსი, თავისუფალი ძალმომრეობისგან. (ოვიდიუს ნაზონი — „მეტამორფოზები“, წიგნი 1.)

— ჩარღაშს ცეკვაეთ? — ჰკითხა შვეიკს. — იცით „ღათვის ცეკვა“? აი ასე...

მან დააპირა შეხტომა, მაგრამ შვეიკს თავზე დაეცა. შვეიკმა ზაპასუხოდ ლაზათიანად ჩასცხო ფერდებში და დასაჯდომზე დააწვინა.

— მე რალაცა მინდა, — ყვიროდა ფელდკურატი, — მაგრამ არ ვიცი, რა. თქვენ ხომ არ იცით, რა მინდა?

და ჩაჰვიდა თავი, თითქოს ბედისწერას სავსებით დაემორჩილაო.

— რაში მესაჭიროება ვიციოდე, თუ რა მინდა! — თქვა მან უცრად სერიოზულად. — და თქვენც, ბატონო ჩემო, რა თქვენი საქმეა, მე რა მსურს. მე თქვენ არ გიცნობთ, როგორ ბედავთ, ასე დაშტერებით რომ მიყურებთ? ხმალში გიწვევთ!

იგი შეტევებზე გადავიდა და შეეცადა შვეიკი დასაჯდომიდან გადმოეგდო. მერე, როცა შვეიკმა დაამშვიდა და მოუჩინებლად აგრძნობინა თავისი ფიზიკური უპირატესობა, ფელდკურატმა ჰკითხა:

— დღეს ორშაბათია თუ პარასკევი?

მერე მოისურვა გაეგო, ახლა დეკემბერი იყო თუ ივნისი. ერთი სიტყვით, არაჩვეულებრივი ნიჭი გამოიჩინა სულ ნაირნაირი კითხვების მიცემაში.

— ცოლიანი ხართ? გიყვართ გორგონზოლა? \* ბაღლინჯოები თუ გყავთ ბინაში? როგორ ცხოვრობთ? თქვენს ძაღლს ქეცი თუ სჭირდა?

მერე, რაც გულში ედო, ყველაფერი წამოაყრანტალა: თქვა, რომ ნისიად მაქვს წამოღებული საცხენოსნო ჩექმები, მათრახი და უნაგირი, რომ ამ რამდენიმე წლის წინათ ჰონორეა სჭირდა და ჰიპერმანგანუმით მკურნალობდა.

— სხვა არაფერზე მიფიქრია, და არც დრო მქონდა... — თქვა მან სლოკინით. — იქნებ თქვენ ეს მეტისმეტად ძნელად გეჩვენებათ, მაგრამ ერთი მითხარით — ჰიკი რა ჯენა! — ჰიკი გთხოვთ, მაპატიოთ!

— ... თერმოსი, — განაგრძო მან, ის კი გადაავიწყდა, რაზე ლაპარაკობდა ამ ერთი წუთის წინ, — ეწოდება ჰურჰელს, რომელიც საქმელს ან სასმელს უნარჩუნებს პირვანდელ ტემპერატურას... როგორია თქვენი შეხედულება, კოლეგა, რომელი თამაში უფრო პატრიოსნურია — „ცხრის თამაში“ თუ „ოცდა ერთი“? ყველაფერს გეფიცებით, სადღაც მინახავხართ! — წამოიძახა მან, თან შეეცადა, მოხევეოდა შვეიკს და თავისი დორბლიანი ტუჩებით გადაეკოცნა. — ჩვენ ხომ სკოლაში ერთად დავდიოდით... შენ შესანიშნავი ყმაწვილი ხარ! — ლაპარაკობდა იგი და ხელით ნაზად ეფერებოდა საკუთარ ფეხს. — მერედა, რამოდენა გზრდილხარ მას შემდეგ, რაც არ მინა-



ხაეხარი როცა შენ დაგინახე, მთელი განვლილი ჭირ-ვარამი გადამავიწყდა.

ამ დროს პოეტურ გუნებაზე დადგა და ლაპარაკი დაიწყო ბედნიერ ქმნილებათა და მხურვალე ფულთა მზის სინათლისადმი ღლოღოზე. მერე მუხლებზე დაეცა და ლოცვას შეუდგა: „გიხაროდეს მიმადლებულო მარიამ“ და თან, რაც ძალა და ღონე ჰქონდა, ხარხარებდა.

როცა ეტლი გაჩერდა, ვერასგზით ფელდკურატი იქიდან ვერ გამოათრეის.

— ჯერ არ მივსულვართ! — ყვიროდა იგი. — მიშველეთ! ჩემი მოტაცება სურთ! მინდა გზა განვაგრძო, ესენი კი არ მანებებენ! საჭირო შეიქნა მისი, თუ შეიძლება ასე ითქვას, ეტლიდან გამოჩიქნა ისე, როგორც მოხარულ ლოკოკინას გამოჩიქნიან ხოლმე ნიჟარიდან. კინალამ შუაში გახლიჩეს ფელდკურატი, რადგან იგი მაგრად იყო მობლაუჭებული ფეხებით დასაჯდომს.

ფელდკურატი ხმამაღლა ხარხარებდა, დიდად კმაყოფილი იმით, რომ შვეიკი და მეეტლე ყინულზე გაეცაურეო.

— თქვენ შუაში გამხლეჩით, ბატონებო!

რის ვაივაგლახით იგი კიბეზე აიყვანეს, ოთახში შეათრეის და ტომარასავით დააგდეს დივანზე. ფელდკურატმა განაცხადა, რომ მას ავტომობილი არ უჭირავებია და ამიტომ არც ფულს გადავიხდიო. თხუთმეტ წუთზე მეტი დასჭირდათ დასარწმუნებლად, რომ მან ეტლით იმგზავრა და არა ავტომობილით. მაგრამ მაშინაც უარზე დადგა, ფულს არ გადავიხდი, რადგან მე მხოლოდ კარეტით მგზავრობას ვარ ჩვეულიო.

— თქვენ ჩემი მოტყუება გინდათ, — განაცხადა ფელდკურატმა, თან მრავალმნიშვნელოვნად თვალი ჩაუკრა შვეიკსა და მეეტლეს, — ჩვენ ხომ ფეხით მოვდიოდით.

უეცრად გულუხვობა გამოიჩინა და მეეტლეს ქისა გადაუგდო:

— სულ წაიღე! მე საშუალება მაქვს, რომ გადავიხადო. ჩემთვის ზედმეტი ერთი კრეიცერი არაფერს ნიშნავს!

უფრო სწორი იქნებოდა ეთქვა, რომ მისთვის ოცდათექვსმეტი კრეიცერი არაფერს ნიშნავს, რადგან ქისაში მეტი არ ჰქონდა. მეეტლემ ყველა ჯიბე გაუჩხრიკა ფელდკურატს, თან სილის გაწვნაზე ჩამოუგდო ლაპარაკი.

— შენც აიღე და, გამაწანი! — ურჩია ფელდკურატმა. — იქნებ გგონია, ვერ გავუძლებ? ხუთიოდე სილასაც გავუძლებ.

ჟილეტის ჯიბეში ფელდკურატს ხუთიანი აღმოაჩნდა, მეეტლემ ისიც წაიღო, თან გაჩენის დღეს იწყებოდა და ფელდკურატს კრუ-

ლავდა, რომლის გულისთვის ტყუილუბრალოდ ამდენი დრო დაე-  
ქარგე და საშოვარსაც მოვცდიო.

ფელდკურატს ძილი ერეოდა, თან ათასნაირ გეგმებს აწყობდა.  
რა არ მოისურვა: როიალზე დაკვრა, ცეკვის გაკვეთილზე წასვლა და,  
ბოლოს, მოდი ერთი, თევზს შევიწვავო.

მერე შევიქს შეპირდა, ჩემს დას ცოლად მოგათხოვებო, და კი  
არასოდეს არ ჰყოლია. ბოლოს, სურვილი გამოთქვა, ჩემს საწოლზე  
გადამიყვანეთო და, სანამ დაიძინებდა, განაცხადა — ძალიან მინდა  
ჩემში იცნოთ ადამიანი — ლორის ტოლფასოვანი არსებო.

---



### III

დილით, როცა შვეიკი ფელდკურატის ოთახში შევიდა, დაინახა, რომ იგი, ღრმად დაფიქრებული, დივანზე იწვა. ეს რანაირად მოხდა, ვილას ისე მაგრად გავუწუწუივარ, რომ ტყავის დივანზე მიეწვებულეარო.

— მაქვს პატივი მოგახსენოთ, პანე ფელდკურატ, — უთხრა შვეიკმა, — თქვენ ღამით...

მან ფელდკურატს რამდენიმე სიტყვით გააგებინა, რომ იგი სასტიკად ცდება, თუ ფიქრობს, ვილას გავუწუწუივარო.

ფელდკურატს გამოღვიძებისთანავე საშინელი თავის ტკივილი აუვარდა და ახლა უგუნებოდ იყო.

— ვერ გამიხსენებია, — თქვა მან, — რანაირად მოვხვდი საწოლიდან დივანზე?

— თქვენ არც ყოფილხართ საწოლზე. როგორც მოვედით, დივანზე დაგაწვინეთ — საწოლამდე ვეღარ მიგათრიათ.

— რა ჩავიდინე? ხომ არ ამირეგია? მთვრალი ხომ არ ვიყავი?

— მთვრალიო?! ისეთი მთვრალი იყავით, რომ მუტრუკები კამეჩებად გეჩვენებოდათ და კამეჩები ბუზებად, როგორც იტყვიან ხოლმე. ისე გატიალებულიყავით ღვინით, რომ პირში ენა აღარა

გქონდათ. ჩემის აზრით, უკეთესი იქნება, თუ ტანთ გამოიცვლით და პირსაც დაიბანთ...

— მე ისეთი შეგრძნება მაქვს, თითქოს საშინლად ნაცემ-ნაბეგვი ვარ, — წუწუნებდა ფელდკურატი, — მერე კიდევ, ეს საშინელი წყურვილი რომ მკლავს... ხომ არაფისთან მიჩხუბნია გუშინ?

— ჩხუბამდე საქმე არ მისულა, პანე ფელდკურატი. წყურვილი კი გამოწვეულია გუშინდელი წყურვილით. მისგან გათავისუფლება არც ისე იოლი ამბავია. მე ვიცნობდი ერთ ხუროს, ჰოდა, ეს ხურო ერთხელ, პირველად თავის ჭიციოცხლეში, საახალწლოდ დათვრა, ეს იყო ათას ცხრაას ათ წელს, პირველ იანვარს კი, დილიდანვე ისეთ წყურვილს გრძნობდა და ისე ცუდად შეიქნა, რომ იძულებული გახდა ქაშაყი ეყიდა და ისევ დამთვრალიყო; აქედან მოყოლებული იგი ყოველდღე, გადაბმით, მთელი ოთხი წელიწადი სულ სვამდა და სვამდა. ვერაფერ ვერაფერი უშველა, რადგან შაბათობით წინასწარ ყიდულობდა ხოლმე ქაშაყს მთელი ერთი კვირის სამყოფს, ეს ნამდვილი კარუსელი გახლავთ, როგორც იტყოდა ხოლმე ჩვენი ოთხმოცდამეტერთმეტე პოლკის ძველი ფელდფებელი.

ნაქეფარი ფელდკურატი საძაგელ ხასიათზე იყო, გულზე ნაღველი ჰქონდა შემოწოლილი. ამ დროს ვინმეს მისი მსჯელობა რომ მოესმინა, ეგონებოდა დოქტორ ალექსანდრ ბეტეკის \* ლექციაზე მოგვხდით, რომელიც შემდეგ თემას ანვითარებდა: „სამკვდრო-სასიცოცხლო ბრძოლა გამოვუცხადოთ ალკოჰოლის დემონს, რომელიც მუსრს ავლებს ჩვენს საუკეთესო ადამიანებს“, ანდა ეგონებოდა მის წიგნს „ეთიკის ას ნაპერწკალს“ ვკითხულობო, — თუმცა, რა თქმა უნდა, ზოგიერთი ცვლილებებით.

— მე მესმის, — ლაქლაქებდა ფელდკურატი, — როცა ადამიანი კეთილშობილ სასმელებს სვამს, ვთქვათ, არაყს, მარასკინს ან კონიაკს, თორემ ის რაა, გუშინ რომ ღვიის არაყს ვსვამდი! საზღვარი გემო აქვს! ალუბლის ნაყენი მაინც ყოფილიყო. გამოიგონებს ადამიანი რაღაც სისაძაგლეს და წყალივით სვამს. ამ ღვიის არაყს არც გემო აქვს და არც ფერი, მხოლოდ ყელსა სწვავს ადამიანს. ნამდვილი ღვიის ნაყენი მაინც ყოფილიყო, ერთხელ მორავიაში რომ დამალევინეს. გუშინდელი კი რაღაც ხის სპირტზე თუ ხის ზეთზე იყო დაყენებული... ხედავთ, როგორ მამოყინებს! არაყი — საწამლაღია — გადაჭრით განაცხადა მან. — არაყი ნატურალური უნდა იყოს, ნამდვილი, და არაფითარ შემთხვევაში ფაბრიკაში ნაწვალენაჯახირები, როგორც ეს ებრაელებმა იციან. ამ მხრივ არაყის მდგომარეობა ისეთივეა, როგორიც რომის, კარგი რომი კი — იშვიათია... ახლა ხელთ რომ მქონდეს ნამდვილი ნიგვზის ნაყენი, — ამოიხვნეშა

მან, — ეუქს დამიამებდა. აი ისეთი ნიგვზის ნაყენი, კაპიტანი შნაბელი რომ შოულობს ხოლმე ბრუსკაში.

მან დაიწყო თავის ქისაში ქექვა.

— მე სულ ოცდათექვსმეტი კრეიცერი მაქვს. რა მოხდება, დივანი რომ გავყილო... — მსჯელობდა იგი. — თქვენ როგორ ფიქრობთ, შვეიც? იყიდის ვინმე? სახლის პატრონს ვეტყვი, სხვას ვათხოვე-თქო, ან მოუპარავეთ-თქო. არა, დივანს ხელს არ ვახლებ. უკეთესი იქნება, კაპიტან შნაბელთან გაგაგზავნოთ, ას კრონს ვესესხები. გუშინწინ ბანქოს თამაშში მოიგო. თუ იქ არაფერი გამოგვიდათ, ვრწოვიცეში წადით, ყაზარმაში, პორუჩიკ მალერთან. თუ იქაც არაფერი გამოგვიდათ, მაშინ ჰრადინში \* წახვალთ კაპიტან ფიშერთან. უთხარი, ცხენების საალაფო ფული აქვს დასაფარავი, რომელიც შემოეხარჯა-თქო. თუ, ღმერთი გაუწყრა, და იქაც ვერაფერს მიადწიეთ, მაშინ როიალი დაეაგირაოთ. რაც იქნება — იქნება! ორორ სიტყვას თვითველ მათგანთან მიგიწერთ. შეეცადეთ დაარწმუნოთ. ყველას უთხარი, მეტისმეტად უჭირს, უკაპიკოდ არის-თქო. ერთი სიტყვით, რაც გინდათ, ის უთხარი, ხელცარიელი კი არ გაბედოთ უკან მოსვლა, თორემ ფრონტზე გიკრავთ თავს. თან კაპიტან შნაბელს ჰკითხეთ, სად ყიდულობს იმ ნიგვზის ნაყენს, და ორი ბოთლა მიყიდეთ.

შვეიკმა ბრწყინვალედ შეასრულა ეს დავალება. მისი გულწრფელობა და პატიოსანი ადამიანის გამოპეტყეულება სრულ ნდობას იწვევდა და რასაც ლაპარაკობდა, ყველაფერს უჯერებდნენ. შვეიკმა უფრო ხელსაყრელად ჩათვალა არაფერი ეთქვა არც კაპიტან შნაბელისთვის, არც კაპიტან ფიშერისთვის, არც პორუჩიკ მალერისთვის იმის შესახებ, თითქოს ფელდკურატს ცხენების საალაფო ფული ჰქონდა დასაფარავი, გაცილებით უკეთესი იქნება, — გადაწყვიტა მან, — თუ ვიტყვი, რომ ფელდკურატს ალიმენტები აქვს გადასახდელი-თქო.

ფული მან ყველგან მიიღო.

როცა შვეიკი ასე ღირსეულად დაბრუნდა ექსპედიციიდან და ფელდკურატს, რომელსაც უკვე ტანსაცმელიც გამოეცვალა და ხელპირიც დაებანა, სამასი კრონი აჩვენა, იგი გაოცებული დარჩა.

— მე ერთბაშად წამოვიღე სულ მთლიანად, — უთხრა შვეიკმა, — რომ ხვალ ან ზევ კიდევ არ დაგვკირდეს ფულის საძებრად წინააღმდეგობა. ყველაფერი კარგად მიდიოდა, მაგრამ კაპიტან შნაბელის წინაშე მუხლების მოდრეკა და ხვეწნა მომიხდა. ისეთი მამაძალი ვინმე! საკმარისი იყო მეთქვა ალიმენტები გვაქვს გადასახდელი-თქო...

— ალიმენტები?! — თავზარდაცემული შეეკითხა ფელდკურატი

— დიახ, ალიმენტები, პანე ფელდკურატ, პირგასამცლელი ფული გოგოებს. თქვენ აკი მითხარით, რაც გინდათ, ისა თქვითო. სხვა არაფერი მომადგა ენაზე, და რა მექნა. ჩვენთან ერთი მკერავი ერთბაშად ხუთ გოგოს უხდიდა ალიმენტს. იგი პირდაპირ სასოწარკვეთილებაში იყო ჩავარდნილი და მასაც უხლებოდა ფულის სესხება. და წარმოიდგინეთ, ყველა შედიოდა მის მძიმე მდგომარეობაში... ჩვენმა ოფიცრებმა მკითხეს, როგორი გოგაო. ძალიან კარგი, ჯერ თხუთმეტი წლისაც არაა-მეთქი, ყველას ასე ვეუბნებოდით. მისამართიც მკითხეს.

— კარგი მოუვიდა თქვენს თავს, კარგად კი მოგიგვარებიათ ეს საქმე! — ამოიხრა ფელდკურატმა და ოთახში ბოლთას ცემა დაიწყო. — ვაი სირცხვილო! — წამოიძახა მან და თავზე ხელი იტაცა. — ეს ოხერი თავიც რომ მისკდება ტკივილისგან!

— მე ერთი ყრუ დედაბრის მისამართი მივეცი მათ. ის დედაბერი ჩვენს ქუჩაზე ცხოვრობს, — განუმარტა შვეიცმა. — მე მინდოდა საფუძვლიანად ჩამეტარებინა საქმე: ბრძანება — ბრძანებაა. არ შემეძლო ხელცარიელი წამოსვლა, ამიტომ რაღაც უნდა მეღონა. აი კიდევ რა: იქ, წინოთახში მოსული არიან როიალის ლომბარდში წასაღებად, პანე ფელდკურატ. ურიგო არ იქნება, თუ როიალს წაიღებენ. ადგილიც გათავისუფლებს, ფულიც მოგვეპატება — ყოველ შემთხვევაში ცოტა ხნით მაინც ვიქნებით უზრუნველყოფილი. თუ სახლის პატრონი გამოკითხვას დაგვიწყებს, სად მიგაქვთ როიალიო, ვეტყვი, ინსტრუმენტს სიმები გაუწყდა და ფაბრიკაში ვაგზავნით სარემონტოდ-თქო. მეკარე ქალს ასედაც ვუთხარი, რომ არ გაუკვირდეს, როცა სახლიდან გატანილ როიალს საზიდარზე დაინახავს... მე დივანის მუშტარიც მყავს. ძველი ავეჯით მოვაჭრეა, ჩემი ნაცნობი გახლავთ. ნასადილევს შემოვივლის. ამჟამად ტყავის დივანი დიდად ფასობს.

— სხვა კიდევ რა მამაძაღლობა გააკეთეთ, შვეიც? — ჰკითხა სასოწარკვეთილებით ფელდკურატმა, თან ორივე ხელი თავზე ჰქონდა მიჭერილი.

— მაქვს პატივი მოგახსენოთ, პანე ფელდკურატ, სწორედ ისეთი ნიგვზის ნაყენი, რომელსაც კაპიტანი შნაბელი ყიდულობს ხოლმე, ნაცვლად ორი ბოთლისა ხუთი ვიყიდე, რომ ყოველთვის პატარა მარაგი მაინც გავვაჩინდეს და დასალევი ხელში მოგვეყვებს... ვეტყვი იმათ, წინოთახში როიალის წასაღებად რომ გველოდებიან, შემოვიდნენ, თორემ საცაა ლომბარდს დაკეტავენ...

ფელდკურატმა უიმედოდ ჩაიქნია ხელი, და რამდენიმე წუთის შემდეგ როიალს უკვე საზიდარზე ტვირთავდნენ.

როცა შვეიცი ლომბარდიდან დაბრუნდა, ფელდკურატი მაგიდას უჯდა და ნიგვზის ნაყენს შეექცეოდა, თან იგინებოდა, სადილად შეუწვავი შნიცელი შემომამჩეჩესო. ფელდკურატი ისევე ზარხომად იყო. მან შვეიკს განუცხადა, ხვალიდან ახალ ცხოვრებას ვიწყებო, რადგან ალკოჰოლის სმა — დასაძრახისი მატერიალიზმია, ადამიანი კი სულიერ ცხოვრებას უნდა ეწეოდესო.

იგი დაახლოებით ნახევარ საათს ფილოსოფოსობდა. როცა მესამე ბოთლი გახსნა, ძველი ავეჯით მოვაჭრეც მოვიდა. და ფელდკურატმა ჩალის ფასად მიყიდა მას ღივანი, ამასთანავე ეხვეწებოდა ვაჭარს, დაეკეით და ვიმუსაიფოთო, მაგრამ ვაჭარმა მოიმიზება, ლამის პატარა მაგიდის საყიდლად მივდივარ და არა მცალიანო, რითაც ფელდკურატი დიდად ნაწყენი დარჩა.

— სამწუხაროა, რომ ასეთი ავეჯი არა მაქვს — გულდაწყვეტილ წარმოთქვა ფელდკურატმა. — ძნელია, ადამიანმა ყველაფერზე წინასწარ იზრუნოს.

ძველი ავეჯით მოვაჭრის წასვლის შემდეგ, ფელდკურატმა მეგობრული ბაასი გაუბა შვეიკს, და მასთან ერთად მეოთხე ბოთლი შესვა. საუბრის ნაწილი მიედგნა ფელდკურატის დამოკიდებულებას ქალებისა და ბანქოსადმი. დიდხანს ისხდნენ. უკვე საღამომ მოატანა შვეიკისა და ფელდკურატის მეგობრულ მუსაიფში.

მაგრამ ღამით მათი ურთიერთობა შეიცვალა. ფელდკურატი გუშინდელ მდგომარეობაში ჩავარდა შვეიკი ვიღაცა სხვად შეიძნო და უთხრა:

— ოღონდ არ წახვიდეთ. გახსოვთ საინტენდანტოს ის მწითური თუნკერი?

ეს იდილია გაგრძელდა, სანამ შვეიკმა არ უთხრა ფელდკურატს:

— კმარა ახლა შეძვერი შენს ლოგინში და ხვრინვა ამოუშვი გასაგებია?

— შევძვრები, გენაცვალე, შევძვრები... აბა, როგორ არ შევძვრები? — ბუტბუტებდა ფელდკურატი. — გახსოვს, ერთად რომ ვსწავლობდით მეხუთე კლასში და შენს მაგივრად ბერძნულ სამუშაოებს ვასრულებდი? თქვენ ხომ ვილა გაქეთ ზბრასლაეში \*. იქ შეგიძლიათ ვლტავაზე ხომალდით მიხვიდეთ. იცით, რა არის ვლტავა?

შვეიკმა აიძულა ფელდკურატი გაეხადა ფეხსაცმელები და ტანსაცმელი. ფელდკურატმა პროტესტით მიმართა უხილავ მსმენელებს, მაგრამ ბოლოს მაინც დამორჩილდა.

— ხომ ხელავეთ, ბატონებო, — მიმართა მან კარადასა და ფიკუსს, — როგორ მეპყრობიან ნათესაეები!

— არავითარ ნათესაეებს მე არა ვცნობი — უეცრად გადაჭრით განაცხადა მან, როცა ლოგინში წვეებოდა. — მთელი ზეცა და დედამიწა ჩემს წინააღმდეგ რომ აღსდგეს, მაშინაც უარს ვიტყვოდი მათზე!

და ოთახში გაისმა ფელდკურატის მაგარი ხვრინვა.

---





#### IV

ამ პერიოდს ეკუთვნის შვეიციის ვიზიტი საკუთარ ბინაში თავისი მოხუცი მსახური ქალის პანი მიულერის მოსაკითხავად. შვეიცი სინ დახვდა პანი მიულერის ბიძაშვილი, რომელმაც ტირილით აცნობა, პანი მიულერი იმ დღესვე დააპატიმრეს, როცა თქვენ ხელურიათი გასაწვევ პუნქტში წაგიყვანათო. დედაბერი სამხედრო სასამართლომ გაასამართლა და ვინაიდან ვერაფერი დაუმტკიცეს, შტეინპოფის საკონცენტრაციო ბანაკში მოათავესესო. მისგან უკვე წერილიც მივიღეთო. შვეიკმა ხელში აიღო ეს საოჯახო წმიდა ნივთი და წაიკითხა:

მ ძ ვ ი რ ფ ა ს ო ა ნ უ შ კ ა!

ჩვენ აქ კარგად ვართ, და ყველანი ჯანმრთელად ვგრძნობთ თავს. ჩემს მეზობლად წევს ერთი ქალი პარტახტი... არის შავითაც... დანარჩენი ყველაფერი თავის რიგზეა. საქმელი საკმაოდ გვაქვს და სუბისთვის ვაგროვებთ კარტოფილის... გავიგე, რომ პან შვეიცი უკვე... როგორმე მოახერხე იმის გაგება, სად არის მიბარებული მუწას, რომ ომის შემდეგ შევძლოთ მისი საფლავის მორთვა. დამავიწყ-

და შენთვის მეთქვა, რომ სხვენზე ბნელ კუნჭულში ყუთში დარჩა ფოქსტერიერის ლეკვი. აი აგერ უკვე რამდენი კვირა იქნება, ლეკვს არაფერი უჭამია, — იმის შემდეგ, რაც ჩემს... მოვიდნენ. მე მგონია, უკვე გვიანდა და ლეკვმა... გაჭიმა“.

მთელი ფურცელი გადასერილი იყო ვარდისფერი შტემპელით: „შემოწმებულია ცენზურის მიერ. შტეინპოფის საიმპერატორო-სამეფო საკონცენტრაციო ბანაკი“.

— და მართლაც, ლეკვი უკვე მომკვდარიყო — სლუკუნებდა პანი მიულერის ბიძაშვილი. — თქვენს ოთახს ველარც იცნობთ. იქ ახლა მკერავი ქალები ცხოვრობენ. ქალების სალონი გახსნეს, კედლებზე ყველგან მოდებია ჩამოკიდებული, ფანჯრებზე ყვავილები დგას ქოთნებით.

პანი მიულერის ბიძაშვილი ვერასგზოთ ვერ დამშვიდდა. სლუკუნითა და წუწუნით ბოლოს, გამოთქვა შიში, რომ შვეიკი უთუოდ გამოქცეულია სამხედრო სამსახურიდან და ახლა ხათაბალაში გახვევს და დაღუპავს მას. შემდეგ ლაპარაკი დაუწყო შვეიკს, როგორც გაქნილ ავანტიურისტს.

— სეირი თუ გნებავთ, ესაა — თქვა შვეიკმა. — ამას არ უყურებთ, რა ამბებია ყოველივე ეს ძალიან მომწონს. აი რა, პანი კეირეოვა, თქვენ სავსებით მართალი ბრძანდებით, მე გამოქცეული ვარ. მაგრამ ამისთვის დამპირდა თხოთმეტი ვახმისტრისა და ფელდფებლის მოკვლა. ოღონდ ამის შესახებ სიტყვა არავისთან დაგცდეთ.

და შვეიკმა დატოვა თავისი კერა, რომელიც მას ასე ცივად შეხვდა, წასვლის წინ დაიბარა:

— პანი კეირეოვა, საცვლების კარადაში საყელოები და პერანგის გულისპირები მიწყვია; ისინი როგორმე შემინახეთ, სამხედრო სამსახურიდან დაბრუნების შემდეგ სამოქალაქო ტანსაცმელში გამოწყობის შესაძლებლობა რომ მომეცეს. თვალყური აღევნეთ აგრეთვე, ტანსაცმლის კარადაში დაკიდებული ჩემი კოსტიუმები არ დაირჩილოს. იმ ქალიშვილებს კი, ჩემს ლოგინში რომ სძინავთ, გთხოვთ ჩემი სალამი გადასცეთ.

შვეიკმა სამიკიტნო „უ კალიხაშიც“ შეიხედა. პალივეცის ცოლმა როგორც კი დაინახა, განუცხადა, ლუდს არ ჩამოგისხამ, რადგან შენ, უთუოდ, დეზერტირი ხარო.

— ჩემი ქმარი, — შეუდგა იგი ძველი ამბის ღეჭვას, — ისეთი ფრთხილი იყო, მაგრამ ის ბედშავი მაინც ჩასვეს სულ ტყუილუბრალოდ. თქვენისთანები კი თავისუფლად დასეირნობენ ამქვეყნად! სამხედრო სამსახურიდან იპარებიან. გასულ კვირას თქვენ ისევე გუძებდნენ... ჩვენ თქვენზე უფრო ფრთხილი ვართ, — დაასრულა მან.

თავისი სიტყვა, — მაგრამ მაინც გავებით ხიფათში. ყველას თქვენსავეთ როდი წყალობს ბედი.

ამ ლაპარაკს უსმენდა ერთი ხანში შესული მამაკაცი, სმიხოველი ზეინკალი. იგი მივიდა შვეიკთან და უთხრა:

— გეთაყვა, პანე, ქუჩაში დაპელოდეთ, თქვენთან საქმე მაქვს.

ქუჩაში იგი შვეიკს გამოელაპარაკა, რადგან, როგორც პალივეცის ცოლის ნათქვამიდან დაასკვნა, შვეიკი დეზერტირი უნდა ყოფილიყო. მან აცნობა შვეიკს, ვაჟი მყავს. რომელიც თქვენსავეთ სამხედრო სამსახურიდან გამოიპარა და ახლა იპანენში, იოზეფოვეს მახლობლად ბებიასთან იმყოფებაო. შვეიკი არწმუნებდა, არავეითარი დეზერტირი მე არა ვარო, მაგრამ ზეინკალმა მის ნათქვამს ყურიც არ ათხოვა და ხელში ათი კრონი ჩაუბლუჯა.

— ეს პირველ ხანებში გამოგადგებათ, — უთხრა მან შვეიკს და კუთხეში მდებარე ღვინის სარდაფში ჩაიყვანა. — მე თქვენ სავესებით გითანაგრძნობთ, ჩემი შიში სრულებით ნუ გექნებათ.

შვეიკი შინ გვიან ღამით დაბრუნდა. ფელდკურატი ჯერ არ მოსულიყო. იგი მხოლოდ გათენებისას დაბრუნდა, გააღვიძა შვეიკი და უთხრა:

— ხვალ საველე წირვის გადასახდელად მივდივართ. გამიმზადეთ შავი ყავა რომით... თუმცა არა, უკეთესი იქნება, გროგი მომიხარშოთ.





## თაზი XI

### ზვიკი და ფელდკურატი სავლემ წირვა-ლოცვის გადასახდელად მიდიან

#### 1.

ადამიანთა საიქიოს გასასტუმრებლად სამზადისი ყოველთვის ღვთის ან ადამიანის ფანტაზიით შექმნილი რომელიმე სხვა უზენაესი არსების სახელით ხდებოდა.

ძველი ფინიკიელები, ვიდრე ტყვეს ყელს გამოლადრავენენ, საზეიმო წირვა-ლოცვას გადაიხდიდნენ ხოლმე. ზუსტად ასევე იქცეოდნენ რამდენიმე ათასი წლის შემდეგ ახალი თაობები, როცა თმში მიდიოდნენ ცეცხლითა და მახვილით მოწინააღმდეგის გასანადგურებლად.

გვინების კუნძულებზე და პოლინეზიაში კაცობრივები ტყვეების ანდა არადმაქნისი ადამიანების: მისიონერების, მოგზაურების, სხვადასხვა ფირმის კომივოიაჟერებისა და უბრალოდ ცნობისმოყვარეების საზეიმოდ შესაკმელად მსხვერპლს სწირავენ თავის ღმერთებს და ამ დროს მრავალნაირ რელიგიურ წესს ასრულებენ. მაგრამ რამდენადაც ისინი ჯერ არ ზიარებულან საეკლესიო შესამოსელის

კულტურას, ასეთ ზეიმურ შემთხვევებში უკანალები მორთული აქვთ ხოლმე გარეულ ფრინველთა ფერად-ფერადი ფრთებისგან ცოცხისებრ შეკრული თაიგულებით.

წმიდა ინკვიზიცია, ვიდრე თავის გაუბედურებულ მსბვერპლს ცეცხლზე დასწვავდა, საზეიმო წირვას გადაიხდიდა, დიდ მესას შეასრულებდა საგალობელით.

სიკვდილმისჯილს ყოველთვის მიაცილებს ხოლმე სიკვდილის კარამდე მღვდელი, რომელიც მსჯავრდადებულს უკანასკნელ წუთებს უშხამავს.

პრუსიაში პასტორი თავს აღებინებდა უბედურ ბრალდებულს საჯალათო კუნძზე, ავსტრიაში კათოლიკეთა მღვდელს აყავდა იგი სახრჩობელაზე, საფრანგეთში კი — გილიოტინაზე, ამერიკაში მღვდელი ელექტრონის სკამზე სვამდა ბედშავს, ესპანეთში კი — სავარძელში, რომელიც ბრალდებულის გასაგუდავად უცნაური ხელააწყობებით. იყო აღკვერვილი, რუსეთში — წვეროსანი ხუცესი მიაცილებდა რევოლუციონერებს სასჯელის ადგილამდე და ა. შ. ამასთანავე მღვდელმსახურები ცხვირში ჩრიღნენ მსჯავრდადებულს ჯვარცმას, და ამით თითქოს ეუბნებოდნენ: „შენ, სულ ბევრი, თავს მოგკვეთენ, ან მხოლოდ ჩამოგახრჩობენ, გაგუდავენ, ანდა შენს სხეულში თხუთმეტი ათას ვოლტს გაატარებენ, — მაგრამ ყოველივე ეს განა შეედრება იმას, რაც ჩვენმა ქრისტე-ღმერთმა განიცადაო!“

დიდ ხოცვა-ჟლეტასაც — მსოფლიო ომს — ძღვედელმსახურთა ლოცვა-კურთხევა ახლდა თან. ყველა არმიის პოლკის მღვდლები ევედრებოდნენ ღმერთს და ლოცულობდნენ იმათ გამარჯვებაზე, ვისგანაც დაქირავებული იყვნენ. მღვდელი ესწრებოდა ავსტრიის არმიაში აჯანყებულ ჯარისკაცთა სიკვდილით დასჯას; მღვდელს დაინახავდით ჩებ ლეგიონერების დასჯის დროსაც.

არაფერი გამოცვლილა იმის შემდეგ, რაც ყაჩაღი ვოიტეხი, „წმიდანად“ შერაცხული, მახვილით — ერთ ხელში და ჯვარცმით — მეორეში, მუსრს ავლებდა ბალტიისპირა სლავებს.

მთელს ევროპაში ადამიანები პირუტყვებივით მიდიოდნენ სასაჯლოზე, საითაც მათ ყასაბ-იმპერატორების, მეფეების, პრეზიდენტების, სარდლებისა და სხვა მბრძანებლების მხარდამხარ ერეკებოდნენ ყველა რჯულის მღვდელმსახურები, რომლებიც ლოცვა-კურთხევით აიძულებდნენ ყალბი ფიცის დადებას „ხმელეთზე, ჰაერში, ზღვაზე“ და ა. შ...

საველე წირვა-ლოცვას ორჯერ იხდიდნენ: როცა სამხედრო ნაწილი ფრონტზე იგზავნებოდა და შემდეგ მოწინავე ხაზზე, სისხლიანი ხოცვა-ჟლეტის წინაღობით, სიკვდილის წინ.

მახსოვს. ერთხელ პოზიციებზე საველე წირვის დროს შტრის თვითმფრინავმა ბომბი გადმოაგდო. ბომბი პირდაპირ სალაშქრო საკურთხეველს მოხედა და ჩვენი სამხედრო ხუცესისგან სისხლში ამოთხვრილი ჩერებიდა დარჩა. გაზეთები მის შესახებ წერდნენ, როგორც წამებულზე, ამ დროს კი ჩვენი თვითმფრინავები იმავე ხერხით ცდილობდნენ გაეთქვათ სახელი შტრის მღვდლებსთვის.

ჩვენ ბოროტად დაეცინოდით ყოველივე ამას. მიწაში დროებით ჩასობილ ჯვარზე, რომლის ქვეშ დაკრძალული იყო ის. რაც ჩვენი ხუცესისგან დარჩა, მეორე დილით ვაჩნდა ასეთი ეპიტაფია:

ვაი, რომ აგვისრულა, ჩვენი წერა რაც იყო:  
ზენამ ასე განსაჯა, და ბედმაც ეს რა ვიყო,  
შენს მულოტს გადმოფრქვა, ლეთის წყალობა ყოველი,  
შენგან კი მარტოოდენ ლაქა დარჩა სოველი.

---

შვეიკმა შესანიშნავი გროგი მოხარშა, გაცილებით უკეთესი, ვიდრე ძველი მეზღვაურები ხარშავდნენ. ასეთ გროგს მეთურამეტე საუკუნის მეკობრეც კი სიამოვნებით გაუსინჯავდა გემოს.

ფელდკურატი ოტო კატცი აღტაცებული იყო.

— სად და როდის ისწავლეთ ასეთი შესანიშნავი სასმელის დამზადება? — ჰკითხა მან.

— ჯერ კიდევ უგზო-უკვლოდ რომ დავებეტებოდი ამქვეყნად, — უპასუხა შვეიკმა. — ეს ერთმა გალოთებულმა მატროსმა მასწავლა ბრემენში. იგი იტყოდა ხოლმე, გროგი მაგარი უნდა იყოს. ვინც იმას დაღვეს და გამოთვრება, ლა-მანშს ისე გადასცურავს, ვერც კი გაიგებსო. სუსტი გროგით დამთვრალი ლეკვივით დაიხრჩობაო.

— ასეთი გროგის შემდეგ, შვეიკ, სასიამოვნო იქნება საველე წირვის გადახდა, — მსჯელობდა ფელდკურატი. — მე ვფიქრობ, წირვის წინ რამდენიმე გამოსათხოვარი სიტყვით გზა დაუულოცო ჯარს. საველე წირვა — ხუმრობა როდია. არ გეგონოთ, რომ ეს იგივეა. თითქოს საგარნიზონო საპატიმროში წირვა გადაგებოდოს, ან იმ გაიძვერებისთვის ქადაგება წაგეკითხოს. აქ თავი უნდა გებას მხრებზე! მომცრო, ასე ვთქვათ, დასაკეცი, საკურთხეველი ჩვენ გვაქვს... ღმერთო ჩემო! — თავზე იტაცა ხელი. — მთლად გამოგვაჩერჩეტა გამჩენმა! იცით, სად მქონდა შენახული ის დასაკეცი საკურთხეველი? დივანში, რომელიც გაეყიდეთ!

— აი, ხათაბალა თუ გინდათ, ესაა, ჰანე ფელდკურატი! — უთხრა შვეიკმა. — მართალია, ძველი ავეჯით იმ მოვაჭრეს მე ვიცნობ, მაგრამ გუშინწინ მისი მეუღლე შეშხვდა და მითხრა, — განჯინის მოპარვა დასწამეს და ჩასვესო, ჩვენი დივანი კი ვრშოვიცელ ერთ მასწავლებელს შეუძენია. დიახ, ამ საკურთხეველის გამო რალაც დიდი დაეიდარაბა მოგველის. მოდიოთ, დავლიოთ კიდევ გროგი და წავიდეთ იმ საკურთხეველის საძებრად, ვინაიდან, უიმისოდ, ვფიქრობ, წირვის გადახდა შეუძლებელია.

— მარტო სალაშქრო საკურთხეველი გვაქვია, — წარმოთქვა შეფიქრიანებულმა ფელდკურატმა. — ყველაფერი დანარჩენი სასწავლო მოედანზე უკვე მზადაა. ხურობმა უკვე შეკრეს ფიცარნაგი. სანაწილეს ბრევენეში გვათხოვებენ. ბარძიმი სადღაც უნდა მქონდეს, მაგრამ სად უნდა იყოს ის?..

იგი ჩაფიქრდა.

— დაუშვით, რომ დამეკარგა... ამ შემთხვევაში ვინათხოვრებთ საპრიზო თასს სამოცდამეთხუთმეტე პოლკის პორუჩიკ ვიტინგერისგან. რამდენიმე წლის წინათ იგი კლუბ „სპორტ-ფეოროიტისგან“ სირბილში მონაწილეობდა და ეს თასი მოიგო. შესანიშნავი მორბენალი იყო ორმოცი კილომეტრი — მანძილი ვენა-მედლინგი — ერთ საათსა და ორმოცდარვა წუთში დაფარა. ამით მას ყოველთვის თავი მოჰქონდა. გუშინ ყოველ შემთხვევისათვის მოველაპარაკე მას ამ თასის შესახებ... მე, სულელი, მუდამ უკანასკნელი წუთებისთვის გადავდებ ხოლმე საქმეს! ეს როგორ მოხდა, რომ მე, ტუტუცმა, დივანში არ ჩავიხედე! — და ლოთი მატროსის რეცეპტით დამზადებული გროგით შეზარხოშებული ფელდკურატი შეუდგა თავისი თავის ლანძღვას უკანასკნელი სიტყვებით და თავისი ვინაობა სულ რჩეულ-რჩეული გამოთქმებით დაასურათა.

— ბოლოს და ბოლოს აღარ უნდა წავიდეთ იმ სალაშქრო საკურთხეველის საქმებრად! — ხმა აღიმალლა მოთმინებიდან გამოსულმა შვეიკმა. — უკვე დილაა. ჩაეცვათ სამხედრო ფორმა, გადაკრათ კიდევ თითო სასმისი წასვლის წინ და გაეაწიოთ.

ბოლოს, როგორც იქნა, წავიდნენ. გზაში, ძველი ავეჯით მოვაჭრის ცოლთან რომ მიდიოდნენ, ფელდკურატმა უამბო შვეიკს, გუშინ „ღვთის წყალობით“ ბევრი ფული მოვიგე და შემდეგშიც ბედმა თუ ასე გამიღიმა, ლომბარდიდან როიალს გამოვისყიდო. ეს ნათქვამი გავდა წარმართების დაპირებას მსხვერპლის შეწირვაზე.

ძველი ავეჯით მოვაჭრის ცოლისგან, რომელმაც ლოგინიდან წამოაყენეს, ფელდკურატმა და შვეიკმა გაიგეს ვრშოვიცელი მასწავლებლის, დივანის ახალი პატრონის მისამართი. ფელდკურატმა არაჩვეულებრივი თავაზიანობა გამოიჩინა: ქალს ლოყაზე უჩქმიტა და ნიკაპზე ხელი მოუცაყუნა.

ვრშოვიცამდე ფელდკურატი და შვეიკი ფეხით მიდიოდნენ, რადგან ფელდკურატმა განაცხადა, სუფთა პაერზე მინდა გავიარო, რომ ცოტათი გული გადავაცოლო.

ვრშოვიცეში ღვთისმოსეში მოხუცი მასწავლებლის ბინაში მათ არასასიამოვნო სიურპრიზი ელოდათ. მოხუცმა დივანში სალაშქრო საკურთხეველი რომ ნახა, გაიფიქრა, ეს ღვთის განგებააო, და საკურთხეველი ვრშოვიცეს ეკლესიას შეწირა, ოღონდ იმ პირობით, რომ საკურთხეველის შიგნითა მხარეზე გაეკეთებინა შემდეგი წარწერა:



„შეწირულია ღვთის სადიდებლად სამსახურიდან გადაშდგარ მასწავლებლის კოლარეიკის მიერ 1914 წელს ქრისტეს დაბადებიდან“.

მასწავლებელი ჯერ ისევ ქედა საცვლების ამარა იყო, როცა შეეიკი და ფელდკურატი თავს წაადგნენ. მოხუცი მთლად დაიბნა. მასთან საუბრიდან გამოირკვა, რომ ნაპოვნ ნივთს იგი სასწაულად თვლიდა და მასში ღვთის განგებას ხედავდა. როცა მან დივანი იყიდა, რომელიღაც შინაგანმა ხმამ ჩააძახა მას: „ერთი ჩაიხედე, ხომ არაფერია დივანის ყუთშიო?“ ძილში კი მას თითქოს ანგელოზი გამოეცხადა და უბრძანა: „დივანის ყუთს თავი ახადეო“ „მასწავლებელი დაემორჩილა. როცა მან მინიატურული დასაკეცი საკურთხეველი დაინახა სანაწილეს ნიშნით, ძუხლი მოიყარა დივანთან და დიხანან მხურვალედ ლოცულობდა და ღვთის სახელს ადიდებდა. მასწავლებელმა ამაში უზენაესი ძალის მითითება დაინახა — შეემკო ნაპოვნი საკურთხევლით ვრშოვიცეს ეკლესია.

— ყოველივე ეს ჩვენ ნაკლებად გვიანტერესებს, — განაცხადა ფელდკურატმა. — ეს ნივთი თქვენ არ გეკუთვნოდით და ვალდებული იყავით ის პოლიციისთვის ჩაგებარებინათ და არა რომელიღაც წყვეულ სამოსსადაც შეგეჩხირათ.

— ამ სასწაულმა უსიამოვნება კი არ დაგატეხთ თავს, — ჩაურთო შეეიკმა. — თქვენ დივანი იყიდეთ და არა საკურთხეველი. საკურთხეველი — სამხედრო ქონებაა. ეგ ღვთის ნიშანი შეიძლება ძვირად დაგიჯდეთ! საჭირო არ იყო რაღაც ანგელოზებისთვის ყურადღების მიქცევა. ერთმა კაცმა, ზპორელმა გლეხმა, ხენის დროს მიწაში ჩაფლული ბარძიმი იპოვა. ვილაცას მოეპარა და დროებით, ალიაქოთი სანამ მიწყნარდებოდა, მიწაში ჩაემალა. და აი, ამ ზპორელმაც ნაპოვნ ბარძიმში ღვთის განგება დაინახა და ნაცვლად იმისა, რომ ბარძიმი გადაედნო, მღვდელს წაუღო, — ეკლესიას შინდა შეეწირო. მღვდელმა კი გაიფიქრა, მკრეხელი ჩემთან სინდისის ქენჯნამ მოიყვანაო, და მამასახლისი იხმო, მამასახლისმა ქანდარძებან გამოუძახა და უდანაშაულო გლეხს მკრეხელობა წაუყენეს ბრალდებად, ვინაიდან სასამართლოში სულ რაღაც სასწაულზე ლაყბობდა. მას უნდოდა თავი გაემართლებინა და რომელიღაც ანგელოზზე ლაპარაკობდა, მერე ღვთისმშობელიც ზედ მიაცოლა; ყოველივე ამის შემდეგ კი მას ათი წელი აჰკიდეს. ყველაზე უკეთესი იქნება, თუ აქაურ მღვდელთან წამოხვალთ და სახაზინო ქონების უკან დაბრუნებაში დაგვეხმარებით. საველე საკურთხეველი კატის კნუტი ან ბაჭია არ გეგონოთ, რომელსაც, ვისაც გინდათ, იმას უთავაზებთ.

მოხუცი ტანთ იცვამდა და თან მთელი სხეულით კანკალებდა, კბილს კბილზე აცემინებდა.

— ყველაფერს ვფიცავ, ცუდი რამ აზრადაც არ მომსვლია. მეგონა, ამ ღვთიური საჩუქრით ხელს შევეუწყობდი ჩენი ღარიბი ეკლესიის შეკობას ვერშოვიცეში.

— ცხადია, სამხედრო ხაზინის ხარჯზე — შეაწყვეტინა შევიკმა მკაცრად და მოურიღებლად. — დიდი მადლობა მომიხსენებია ასეთი ღვთიური საჩუქრისთვის ერთმა ვილაც ხოტებეორჯელ პივონკამაც ღვთის მიერ ნაბოძებ საჩუქრად ჩათვალა თოკი და მასზე გამოძმული სხვისი ძროხა, როცა ამ თოკს მაგრად ჩაავლო ხელი.

ბედშავ მოხუცს რეტი დაასხა ასეთმა ლაპარაკმა, იგი თავს აღარ იცავდა და ცდილობდა სასწრაფოდ ჩაეცვა, რომ ამ საქმეს რაც შეიძლება მალე გადარჩენილიყო.

ერშოვიცელ ფარარს \* ჯერ ისევ ეძინა და, როცა გააღვიძეს, წყევლა-კრულვას მოჰყვა, რადგან ნამძინარეებზე ეგონა მომაკვდავის საზიარებლად შეძახიანო.

— მოსვენებას არ მოგცემენ ადამიანს ამ ზეთის კურთხევით! — ბუზღუნებდა იგი და უხალისოდ იცვამდა. — რაღა იმ დროს მოუნდებათ სიკვდილი, როცა ეს-ესაა კაცს გემრიელად ჩაგეძინება! შერე ადექი და, ეღრიტინე მათ გასამრჯელოზე.

ამრიგად, წინოთახში ერთმანეთს შეხვდნენ ერშოვიცელ კათოლიკ ერისკაცთა მრევლზე მიმაგრებული ღვთის წარმოშადგენელი, ერთის მხრივ, და სამხედრო უწყებაზე მიმაგრებული ღვთის წარმომადგენელი, მეორეს მხრივ.

კაცმა რომ თქვას, ეს იყო დავა სამოქალაქოსა და სამხედროს შორის. თუ სამრევლო ხუცესი ამტკიცებდა, რომ სალაშქრო საკურთხეველს არ შეეფერება დივანში მოთავსებაო, სამხედრო ხუცესი მიუთითებდა, რომ მით უმეტეს სრულებით საჭირო არ იყო დივნიდან მისი ამოღება და იმ ეკლესიის სამოსსაცავში გადატანა, რომელშიც მხოლოდ სამოქალაქოები დადიანო.

შევიკი აქა-იქ ჩაურთავდა ხოლმე თავის შენიშვნებს, მაგალითად, ძალიან ადვილი გახლავთ ლატაკი ეკლესიის გამდიდრება სახაზინო სამხედრო ქონების ხარჯზეო, ამასთანავე, სიტყვა „ლატაკს“ იგი თითქოს ბრჭყალებში ამზობდა.

ბოლოს, შევიდნენ სამოსსაცავში, და ფარარმა ფელდკურატს სალაშქრო საკურთხეველი გადასცა შემდეგი შინაარსის ხელწერილის ქვეშ:

\* მივიღე სალაშქრო საკურთხეველი, რომელიც შემთხვევით მოხ-

ვდა ვერშეიქმედებდა მდებარე ეკლესიაში. ფელდუკი ოტო კატცი“.

ყბადღეობის სალაშქრო საკურთხეველი ვენის ებრაული ფირმის მორიცი მალერის ნახელავი იყო; ეს ფირმა ღვთის მსახურებისა და რელიგიური ჟამნათმსახურების ყოველგვარ საჭირო ნივთს ამზადებდა, როგორცაა: კრილონიები, წმიდანთა პატარა ხატები. საკურთხეველი ყალბი ვარაყით დაფარული სამი დარბაზისგან შედგებოდა, ისეთივე ყალბით, როგორი ყალბიც და მოჩვენებითი იყო წმიდა ეკლესიის მთელი სახელი და დიდება. მხოლოდ მოქარბებული ფანტაზიის პატრონს შეეძლო დაედგინა, სახელდობრ, რა იყო გამოსახული ამ სამ დარბაზზე. ცხადი იყო მხოლოდ ერთი, — ეს საკურთხეველი თავისუფლად შეეძლოთ გამოეყენებინათ ზამბეზის წარმართებსაც, ან ბურიატებისა და მონღოლების მოგვებსაც. მყვირალა საღებავებით შეთითხნილი ეს საკურთხეველი შორიდან ფერადი ცხრილი გეგონებოდათ, რომელსაც რკინიგზელთა მხედველობის შესამოწმებლად იყენებენ.

გამოიყოფოდა მხოლოდ რომელიღაც ტანშიშველი მამაკაცის ერთი ფიგურა, რომელსაც შარავანდელით ჰქონდა მოსილი თავი და სხეული ისე გალურჯებოდა, თითქოს თქვენს წინ აყროლებული და გახრწნილი ბატის გავა იღო. თუმცა ამ წმიდანს არავინ არაფერ ცუდს არ უპირებდა, პირიქით, ორთავე მხრიდან ორი ფრთიანი არსება ყავდა გამოსახული, რომლებიც ალბათ, ანგელოზები თუ იყვნენ, — და მანც მყურებელზე სურათი ისეთ შთაბეჭდილებას ახდენდა, თითქოს შიშველი წმიდანი საშინელებისგან ბლაოდა, როცა ირგვლივ თავის კომპანიონებს ხედავდა: საქმე ისაა, რომ ანგელოზები ზღაპრულ ურჩხულებს წააგავდნენ, რაღაც საშუალოს — ფრთიან გარეულ კატასა და ამოკალიფსურ ურჩხულს შორის.

საკურთხეველის მოპირდაპირე სადგულზე ხატი იყო, რომელსაც უნდა გამოესახა სამება. მტრედის გაფუჭება საერთოდ მხატვარს მანცდამანც ვერ მოეხერხებინა. მხატვარს დაეხატა რომელიღაც ფრინველი, რომელიც მტრედსაც გავდა და ტყის თეთრ ქათამსაც.

სამაგიეროდ მამა ღმერთი ტყვედ გავარდნილ ყაჩაღსა გავდა, — აი ისეთს, ამერიკული ფილმები რომ სთავაზობენ სენსაციის მოყვარულს, დაბალი გემოვნების მყურებელს.

ქე ღმერთი, პირიქით, გამოსახული იყო მხიარულ ახალგაზრდად, საკმაოდ შესამჩნევი ღიპით, რომელიც დაფარული ჰქონდა რაღაც საბანაო ტრუსების მაგვარი სამოსით. საერთოდ ქე ღმერთი სპორტმენსა გავდა: ჯვარი ისე მოხდენილად ეჭირა ხელში, თითქოს ის ჩოგბურთის ჩოგანი ყოფილიყოს. შორიდან მთელი სამება ბუნდოვ-

ნად მოჩანდა და ისეთი შთაბეჭდილება იქმნებოდა, თითქოს გადახურულ სადგურში მატარებელი შემოდისო.

თუ რას წარმოადგენდა მესამე ხატი — კაციშვილი ვერ გააკვივედა. ჯარისკაცები წირვის დროს ყოველთვის დაობდნენ ამ რეზუსის ამოხსნაზე. ვილაცამ ხატზე თავისი თანასოფლელი გოგონაც კი შეიძინო პრისონაზის მხარედან. მიუხედავად ამისა ამ ხატს ასეთი წარწერა ამწვენებდა: „წმიდაო ღვთისმშობელო მარიამ, შეგვიწყალე ჩვენ!“.

შვეიკმა უხიფათოდ მოათავსა სალაშქრო საკურთხეველი ეტლში, თვითონ კი მეეტლეს გვერდით მიუჯდა კოფოზე. ფელდკურატი რაც შეიძლება მოხერხებულად მოეწყო და ფეხები წმიდა სამებაზე დააწყო.

შვეიკმა მეეტლეს ომზე ჩამოუგდო ლაპარაკი. მეეტლე მემამბოხე აღმოჩნდა: მან ზოგიერთი უენიშენები შეიტანა ავსტრიის იარაღის უძლეველობის საკითხში, სახელდობრ: „მაშ, სერბიაში კუდით ქვა გასროლინეს, არა?“ — და ასე შემდეგ.

როცა სასურათო საყარაულოს მიადგნენ, შვეიკმა დარაჯის კითხვაზე, რა მიგაქვთო, უპასუხა:

— წმიდა სამება და ქალწული მარიამი ფელდკურატითურთ.

ამასობაში სასწავლო მოედანზე მათ მოუთმენლად ელოდებოდნენ სამარშო ასეულები. ლოდინი დიდხანს დასჭირდათ. შვეიკი და ფელდკურატი ჯერ საპრიზო თასისთვის წავიდნენ პორუჩიკ ვიტინგერთან, შემდეგ — ბრევენოვის მონასტერში სანაწილესა და მესისთვის აუცილებელ სხვა საგნებზე, მათ რიცხვში, ერთი ბოთლი ზედაშეს წამოსაღებადაც.

აბა როგორ გეგონათ — განა ასე ადვილი საქმეა საველე წირვის გადახდა.

— დავწანწალებთ მთელს ქალაქში! — უთხრა შვეიკმა მეეტლეს, და ეს სრული სიმართლე გახლდათ.

როცა ისინი საშეცადინო მოედანზე მივიდნენ და ხის მოაჯირიან ფიცარნაგსა და მაგიდას მიადგნენ, რომელზეც სალაშქრო საკურთხეველი უნდა მდგარიყო, გამოირკვა, რომ ფელდკურატს მინისტრანტი დავიწყებოდა.

წირვის დროს ფელდკურატს ყოველთვის ერთი ქვეითი ჯარისკაცი ემსახურებოდა, რომელსაც სწორედ ახლა მოპრიანებოდა ტელეფონისტად გახდომა და ფრონტზე წასვლა.

— ამ საქმეს ეშველება, პანე ფელდკურატ, — განუცხადა შვეიკმა. — მე შემძლია მისი მაგივრობა გავწიო.

— თქვენ შეგიძლიათ მინისტრანტობა?

— ამ საქმიანობას სრულებით არ ვიცნობ, — უპასუხა შევიკმა — მაგრამ შეიძლება სინჯოს კაცმა. ახლა ხომ ომია, ომის დროს კი ადამიანი ისეთ რამესაც ჰკიდებს ხელს, რაც წინათ სიზმრადაც არ უნახავს. როგორმე მივაწებებ ამ სულელურ „et cum spiritu tuo“<sup>1</sup> თქვენს „dominus vobiscum“<sup>2</sup> ბოლოს და ბოლოს არც ისე ძნელი უნდა იყოს თქვენს ირგვლივ სიარული იმდაგვარად, როგორც კატა უტრიალებს ხოლმე გარშემო ცხელ ფაფას. ხოლო თქვენი ხელის დაბანა და დოქიდან ღვინის დასხმა...

— კეთილი — უთხრა ფელდკურატმა. — ოღონდ ბარძიმში წყალი არ ჩამისხათ. აი რა: უკეთესი იქნება თქვენ ახლავე მეორე დოქშიც ჩაასხათ ღვინო. გარდა ამისა, მე თვითონ გიკარნახებთ, როდის მარჯვენე უნდა წახვიდეთ და როდის — მარცხნივ. ერთხელ რომ დაუესტვენ — მაშასადამე, „მარჯვენე“, ორჯერ — მაშასადამე, „მარცხნივ“. კურთხევანს მაინცადამაინც სზირად ნუ მომაჩეჩებთ ხელში. საერთოდ ყველაფერი ეს უბრალო ამბავია. ხომ არ გეშინიათ?

— შე არაფრის მეშინია, პანე ფელდკურატ, მინისტრანტობისაც კი არ მეშინია.

ფელდკურატმა მართალი თქვა, რომ საერთოდ ყველაფერი ეს უბრალო ამბავიაო. საქმე კარგად მიდიოდა.

ფელდკურატის სიტყვა ძალზე ლაკონიური იყო.

— სალდათებო! ჩვენ აქ თავი მოვიყარეთ იმისათვის, რომ ბრძოლის ველზე გამგზავრების წინ ჩვენი სული და გული ღვთისაყენ მივემართოთ; მოგანიჭოთ ზეციერმა გამარჯვება და გფარვიდეთ ყოველი გაჭირვებისგან. დიდხანს აღარ გაგაჩერებთ, გისურვებთ ყოველივე კარგს.

— Ruhtl<sup>3</sup> — გაისმა მოხუცი პოლკოვნიკის ბრძანება მარცხენა ფრთაზე.

საველე წირვას იმიტომ ეწოდება საველე, რომ იმავე კანონებს ემორჩილება, რასაც სამხედრო ტაქტიკა ბრძოლის ველზე. ოცდაათწლიან ომში ჯარების ხანგრძლივი მანევრების დროს საველე წირვაც არაჩვეულებრივად ხანგრძლივი, გაჭიანურებული იყო ხოლმე.

თანამედროვე ტაქტიკის დროს, როცა ჯარების ადგილმონაცვლეობა სწრაფად მიმდინარეობს, საველე წირვაც სწრაფად უნდა იქნას გადახდილი.

<sup>1</sup> და სულითა შენისათა (ლათ.).

<sup>2</sup> კურთხევა უფლისა თქვენზედა (ლათ.).

<sup>3</sup> თავისუფლად! (გერმ.).

წირვა ზუსტად ათი წუთი გრძელდებოდა. იმათ, ვინც ახლო იდგნენ, ძალზე უცნაურად ეჩვენებოდათ და გაოცებული იყვნენ, ფელდკურატი წირვის დროს რატომ უსტევენსო.

შვეიცი სწრაფად იჭერდა სიგნალებს, ტრაპებს ხან მარჯვენა მხრიდან მოექცეოდა, ხან მარცხენა მხრიდან და წამოისროლიდა მხოლოდ „et cum spiritu tuo“. გეგონებოდათ, სამსხვერპლოს ირგვლივ ინდიელები თავის ცეკვას ასრულებენო. მაგრამ საერთოდ მთელმა ამ სანახაობამ ძალიან კარგი შთაბეჭდილება მოახდინა და განფანტა მტვრიანი, პირქუში სასწავლო მოედნის მოწყენილობა, რომელსაც კლიავის ხეების ხეივანი და უკანა პლანზე მოქცეული ფეხისადგილები ამკობდნენ. ფეხისადგილების სუნს ცვლიდა გოტიკური ტაძრებისთვის ჩვეული საკმევლის მისტიკური კეთილსურნელება. ყველა შესანიშნავ გუნებაზე იყო. პოლკოვნიკის ირგვლივ თავშეყრილი ოფიცრები ერთმანეთს ანეკდოტებს უამბობდნენ. ასე რომ ყველაფერი თავის რიგზე იყო. ხან აქ, ხან იქ ჯარისკაცებში გაისმოდა: „ერთი მომაქაჩინე, ძმობილო“. სამსხვერპლო კვამლივით აღიოდა ზეცაში თამბაქოს მოლურჯო კვამლის ბოლქვები. თითქმის ყველა უნტერ-ოფიცერმა გააბოლა, როცა დაინახეს, რომ თვით პოლკოვნიკმაც მოუკიდა პაპიროსს.

ბოლოს გაისმა: „Zum Gebet“<sup>1</sup>, ავარდა მტვერი და სამხედრო მუნდირთა რუხმა კვადრატმა მუხლი მოიყარა პორუჩიკ ვიტინგერის სპორტული თასის წინაშე, რომელიც მან ვენა-მედლინგის რბენაში შეჯიბრების დროს მოიგო.

ბარძიმი სავესე იყო, ფელდკურატის ყოველ მანიპულაციას თან სდევდა ჯარისკაცთა თანაგრძნობით აღსავესე ყრუ შეძახილები.

— აი, ყლუპი მესმის! — გაირბენდა ხოლმე რიგებს შორის.

წესი ორჯერ იქნა განმეორებული. შემდეგ ისევ გაისმა ბრძანება: „ლოცვად დადექით!“ მგალობელთა გუნდმა დააგუგუნა: „ფარვიდე, უფალო, ჩვენს ხელმწიფეს“. შემდეგ ამას მოჰყვა: „დაეწყვეთ და „ნაბიჯით იარ!“

— აკრიფე ბარგი-ბარხანა, — უთხრა შვეიკს ფელდკურატმა და სალაშქრო საკურთხეველზე თავით ანიშნა. — ყველაფერი უნდა ჩამოვარიგოთ, საიდანაც რა წამოვიღეთ.

ისინი იმავე ეტლით წავიდნენ და კეთილსინდისიერად ყველას თავთავისი დაუბრუნეს, გარდა ერთი ბოთლი ზედაშესი.

როცა შინ მივიდნენ და ნელი სვლისთვის სამაგიეროს გადასახდელად იმის გამო, რომ ნელა ატარა ეტლი საწყალი მეეტლე საყო-

<sup>1</sup> ლოცვად დადექით (გერმ.).

შენდანტო სამმართველოში გაისტუმრეს, ანგარიშს იქ გაგისწორებენო, შვეიკმა მიმართა ფელდკურატს:

— მაქვს პატივი მოგახსენოთ, პანე ფელდკურატ, მინისტრანტი თავისი მღვდლის სარწმუნოებას უნდა აღიარებდეს თუ არა?

— რასაკვირველია, — უპასუხა ფელდკურატმა. — წინააღმდეგ შემთხვევაში წირვა ნამდვილ წირვად არ ჩაითვლება.

— პანე ფელდკურატ! დიდი შეცდომა მოხდა, — განაცხადა შვეიკმა. — მე ხომ ყოველგვარი სარწმუნოების გარეშე ვდგავარ. ბედი არ მწყალობს, არა და არა.

ფელდკურატმა შეხედა შვეიკს, ცოტა ხანს დუმდა, მერე ხელი მოუბარტყუნა ბეჭებზე და უთხრა:

— გადაჰკარით ზედაშე, რომელიც ბოთლში ჩამრჩა და ჩათვალეთ, რომ ახალმიღებული ხართ ეკლესიის წიაღსა შინა.

---



## თ ა ვ ი XII

### რელიგიური პაემრობა

ზოგჯერ მთელი დღეები ისე გავიღოდა, რომ შვეიცი ვერ ხედავდა ჯარისკაცთა სულიერ მამას. თავისი სულიერი მოვალეობანი ფელდკურატ ოტო კატცს გადანასკეული ჰქონდა ქეიფსა და დროსტარებაზე და იშვიათად ბრუნდებოდა შინ, და მაშინაც ისე ამოსვრილი და ამოგანგლული იყო, თითქოს ხეადი კატა სახურავებზე გასეირნებიდან დაბრუნდაო.

როცა შინ მივიდოდა, თუ საერთოდ ენა კიდევ ერჩოდა, ფელდკურატი დაძინების წინ შვეიკს ესაუბრებოდა მაღალ მატერიებზე, სულიერ ექსტაზზე და აბსტრაქტული სჯა-ბაასით მოგვრილ სინარულზე, ზოგჯერ ჰაინეს ციტირებასაც ლამობდა.

შვეიკმა და ფელდკურატმა კიდევ ერთი საველე წირვა გადაიხადეს მესანგრეებთან, სადაც შეცდომით მიწვეული იყო მეორე ფელდკურატიც, რომელიდაც სკოლის ყოფილი საღეთო სჯულის მასწავლებელი, მეტისმეტად ღვთისმოსავი და მორწმუნე ხუცესი. მან ძალიან გაკვირვებულმა შეხედა თავის კოლეგა კატცს, როცა ამ უკა-



ნასკნელმა შვეიკის მათარიდან ერთი ყლუპი კონიაკი შესთავაზა, — ამ მათარას შვეიკი განუშორებლად თან ატარებდა რელიგიური ცერემონიების აღსრულების დროს.

— ვერ დამიწუნებთ, ისეთი კონიაკია, — უთხრა ოტო კატცმა, — გადაჰკარით და შინ წაბრძანდით. მე ყველაფერს მოვაგვარებ. დღეს ჩემთვის აუცილებელია სუფთა ჰაერზე ყოფნა, ცოტათი თავის ტკივილი მაწუხებს.

ღვთისმოსავემა ფელდკურატმა თავი გადააქნია და წავიდა, კატცმა კი, როგორც ყოველთვის, ბრწყინვალედ შეასრულა თავისი როლი. ამჯერად მან სოდანი წყლით შეზავებული ღვინო აქცია უფლის სისხლად, ქადაგებაც ჩვეულებრივზე უფრო მეტად გაუჭიანურდა. ამასთანავე მისი ყოველი მესამე სიტყვა იყო: „და ასე შემდეგ“ და „უეჰველია“.

— სალდათებო! დღეს თქვენ ფრონტზე მიემგზავრებით, და ასე შემდეგ. მიაპყრეთ გულნი თქვენნი უფალსა ჩვენსა, და ასე შემდეგ. უეჰველია, და ასე შემდეგ.

საკურთხეველთან რიგრიგობით გრგვინავდა: „და ასე შემდეგ“. „უეჰველია“, „უფლისა ჩვენისა და შეწევნითა ყველა წმიდანისა“.

საკურთხეველთა მკვერმეტყველებით აღტყინებულმა ფელდკურატმა წმინდანად შეარაცხა პრინც ევგენი სავოიელი, რომელიც ნავტიკის ხილების დაგების დროს მესანგრეებს მფარველობას გაგიწევთ.

და მაინც საველე წირვა-ლოცვა მშვიდად ჩატარდა — სიამტკილობითა და მხიარულებით. მესანგრეებმა გული იჯერეს ხალისიანი ვართობით.

უკან რომ ბრუნდებოდნენ, შვეიკსა და ფელდკურატს ტრამვაიში არ უშვებდნენ დასაკეცი საკურთხეველით. მაგრამ შვეიკმა კონდუქტორს შეუტია:

— შენთვის მითქვამს, მიფრთხილდი, თორემ ავიღებ და, ამ წმიდა საკურთხეველს მაგ გოგრაში გთხლიშავ.

ბოლოს, როგორც იქნა, მიაღწიეს თავის ბინას, მაგრამ ახლა აღმოჩნდა, გზაში თურმე სანაწილე დაკარგვოდათ.

— მერედა, რა ბედენაა, — თქვა შვეიკმა. — პირველმა ქრისტიანებმა არც კი იცოდნენ სანაწილე რა იყო, მაგრამ წირვა მაინც გამოჰყავდათ. გაზეთში რომ გამოვაცხადოთ სანაწილეს დაკარგვის შესახებ, მპოვნელი ჯილდოს მოგვთხოვს. ფული რომ იყოს, მაინცა და მაინც თავს არავინ შეიწუხებდა მის დაბრუნებაზე... თუმცა, ასეთებიც არიან. ჩვენთან პოლკში, ბუდეიოვიცეში ერთი ჯარისკაცი გეყავდა, თავისებური და კარგი ყმაწვილი იყო, მაგრამ ძალზე ბრიკვი. ერთხელ ქუჩაში ექვსასი კრონი იპოვნა და პოლიციას ჩააბა-

რა. ამ ამბით გაზეთები ააჭრელეს: აი, ხედავთ, რა პატიოსანი კაციაო... მაგრამ სირცხვილით იმ პატიოსან კაცს თავი აღარსად გამოეყოფოდა! მასთან ლაპარაკიც აღარავის სურდა. ყველა ერთხმად იმეორებდა: „კაი ბრიყვი ვინმე ყოფილხარ, ეს რა სისულელე ჩაიდინეო? მთელი შენი სიცოცხლე სირცხვილით უნდა იწვოდე, თუ სინდისის ნატამალი კიდეც გაგაჩნიაო“. წინათ მას შეყვარებული გოგოც ყავდა, და აი, ამ გოგომაც ზურგი შეაქცია, შენისთანასთან საერთო არაფერი მაქვსო. შინ, შვებულებაში როცა წავიდა, მისმა ამხანაგებმა, სწორედ ამ ამბის გამო, იგი სამიკიტნოდან გამოაგდეს გახურებული ცეკვა-თამაშის დროს. საწყალი ბიჭი ჩამოხმა, დანალელიანდა და, ბოლოს, მატარებელს ბორბლებში შეუვარდა... აი კიდეც ერთი შემთხვევა. ჩვენ ქუჩაზე მცხოვრებმა მკერავმა ოქროს ბეჭედი იპოვნა. იგი გააფრთხილეს—პოლიციას არ ჩააბარო, მაგრამ მან თავისი არ დიშალა. პოლიციაში მეტად თავაზიანად მიიღეს, ბრილიანტის თელიან ოქროს ბეჭდის დაკარგვაზე განცხადება უკვე შემოსულიაო. მაგრამ მერე ქვას დახედეს და ეუბნებიან: „ეს ხომ უბრალო შუშაა, კეთილო ადამიანო, დიახ, შუშა და არა ბრილიანტი. რამდენი აიღეთ ბრილიანტში? კარგად ვიცნობთ თქვენისთანა „პატიოსან მპოვნელებსო“! ბოლოს გამოირკვა, რომ თურმე კიდეც ერთ კაცს დაკარგვოდა ბეჭედიცალბი ბრილიანტის თვალით (რომელიდაც საოჯახო წმიდა ნივთი). მაგრამ მკერავი სამი დღით მაინც ჩასვეს, ვინაიდან ძარღვები ისე მოეშალა, რომ პოლიციას შეურაცხყოფა მიაყენა. ხოლო კანონიერი ჯილდო კი მისცეს, ათი პროცენტი, ესე იგი ერთი კრონი და ოცო პალერი, — ამ ხარახურის ფასი სულ თორმეტ კრონს შეადგენდა. მაგრამ მკერავმა აიღო და, ეს კანონიერი ჯილდო სახეში მიახალა ბეჭდის პატრონს, იმან უჩივლა — შეურაცხყოფა მომაყენაო, და მკერავი ათი კრონით დააჯარიმეს პიროვნების შეურაცხყოფისათვის. ამის შემდეგ მკერავი სულ იმას გაიძახოდა, ყოველ პატიოსან მპოვნელს, ნაპოვნ ნივთზე ხმას რომ ამოიღებს, ოცდახუთი კრონი ჯარიმა უნდა გადახდესო, ასეთებს ცემისგან ძვალი და რბილი უნდა გაუერთო და საქვეყნოდ გამოაჭენო, რომ ყველამ იცოდეს, თუ როგორ უნდა მოიქცნენ ასეთ შემთხვევაშიო... ჩემის აზრით, სანაწილეს არავინ დაგვიბრუნებს, თუმცა უკან მას პოლკის ბეჭედი აქვს დასმული. სახაზინო ქონებასთან საქმის დაჭერას ყველა ერიდება. საქმე რომ არ გაგიჯანჯლდეს ადამიანს, უმჯობესია, წყალში გადაუძახო ასეთი ნივთი. გუშინ სამიკიტნო „უ ზღატეპო ვენცეში“ ერთ პროვინციელს გამოველაპარაკე, იგი უკვე ორმოცდათექვსმეტი წლის კაცია. ნოვე პაკიში ჩამოსულიყო, სამხარეო სამმართველოში სურდა გაეგო, ბრიჩკა რად ჩამომართვესო. უკან რომ ბრუნდებო-

და, — სამხარეო სამმართველოდან, რა თქმა უნდა, კინწისკვრით გამოგდეს, — იგი, თურმე, მოედანზე გაჩერდა და ცქერა დაუწყო სამხედრო აღალს, რომელიც ეს-ესაა მოსულიყო და ისვენებდა. ვიღაც ჯველმა, — მას ჯარისთვის კონსერვები მიჰქონდა, — სთხოვა, ერთი წუთით ცხენებს მიმიხედო, წავიდა და უკან მოსვლა აღარც უფიქრია. როცა აღალი დაიძრა, ჩემი ნაცნობი იძულებული შეიქნა ყველასთან ერთად უნგრეთამდე ეჩანჩაღნა, უნგრეთში კი ახლა თვითონ სთხოვა ვიღაცას, ცოტა ხნით ცხენებს მიმიხედო, და მხოლოდ ამით დაუძვრა ხელიდან, თორემ სერბიაში ამოყოფდა თავს. გიჟივით დაბრუნდა შინ და ახლა, თურმე, სათოფეზე აღარ ეკარება სახაზინო ქონებას...

სალამოთი ისინი ღვთისმოსავმა ფელდკურატმა მოინახულა, აი იმან, დილით მესანგრეებთან საველე წირვის ჩატარებას რომ აპირებდა. იგი ფანატიკოსი იყო, და ცდილობდა ყოველი ადამიანი ღმერთთან დაეახლოვებინა. ჯერ კიდევ იმ დროს, როცა რომელიღაც სკოლაში საღვთო სჯულის მასწავლებლად იყო, ბავშვებს რელიგიურ გრძნობებს მუჯღუგუნებითა და თავში წატილებით უნვითარებდა. გაზეთები ზოგჯერ ბეჭდავდნენ მის შესახებ ცნობებს შემდეგი სათაურებით: „საღვთო სჯულის მკაცრი მასწავლებელი“, ან „საღვთო სჯულის მასწავლებელი, რომელიც მუჯღუგუნებით ასწავლის“. მაგრამ საღვთო სჯულის მასწავლებელი დარწმუნებული იყო, რომ ბავშვი ყველაზე უკეთესად ავსტრიული სისტემით შეითვისებდა კატეხიზმოს. ღვთისმოსავი ფელდკურატი ცალი ფეხით კოჭლობდა, — ეს ბნელ შესახვევში ერთი მისი მოწაფის მამასთან პირისპირ შეხვედრის შედეგი გახლდათ. საღვთო სჯულის მასწავლებელმა მის ვაჟს მაგრად უთაქა თურმე იმიტომ, რომ ყმაწვილს ეჭვი შეეპარა წმიდა სამების არსებობაში. ბიჭს სამი მჯილი წაჰკრა: ერთი — მამა ღმერთისა, მეორე — ძე ღვთისა და მესამე — სული წმიდისათვის. დღეს ყოფილი საღვთო სჯულის მასწავლებელი მოვიდა თავისი კოლეგის კატცის ჭეშმარიტების გზაზე დასაყენებლად და მის გულში ღვთიური ნაპერწკლის ჩასასახავად. მან ასე დაიწყო სულის გასანათლებელი საუბარი:

— ძალიან მიკვირს, რომ ჯვარცმა არსად გიკიდიათ. სად ლოცულობთ, და ან სად არის თქვენი ლოცვანი? არც ერთი წმიდანის ხატი არ ამშვენებს თქვენი ოთახის კედლებს. ეს რა ჩამოგიკიდიათ საწოლთან?

კატცს გაეღიმა.

— ეს „მობანავე სუსანაა“, შიშველი ქალი კი მის ქვემოთ — ერთი ჩემი ძველი შეყვარებულია. მარჯვნივ — იაპონური აკვარელია, რო-

მელიც ხანში შესულ იაპონელ სამურაისა და გეიშას სექსუალურ აქტს გამოხატავს. თქვენ რას იტყვით, ძალიან ორიგინალურია, არა? ლოცვანი კი სამზარეულოში მაქვს. შევიკ, მომიტანეთ ლოცვანი და გადაშალეთ მესამე გვერდზე.

შვეიცი სამზარეულოში გავიდა და იქიდან ზედიზედ გახსნილ ბოთლების საცობთა სამჯერი ტყაცანი მოისმა.

— ეს მსუბუქი ზედაშეა, კოლეგა, — უთხრა კატცმა. — ძალიან კარგი რისლინგია. გემოთი მოზელის ღვინოს მოგაგონებთ.

— არასგზით არ დავლევ, — ჯიუტად განაცხადა ღვთისმოსავემა ფელდკურატმა. — მე მოვედი თქვენი სულის გასანათლებლად.

— მაგრამ თქვენ, კოლეგა, ყელი გავიშრებათ, — უთხრა კატცმა. — დალიეთ, მე კი მოგისმენთ. მე დიდად მომთმენი ადამიანი გახლავართ, შემიძლია სხვისი აზრიც მოვისმინო.

ღვთისმოსავემა ფელდკურატმა ცოტა მოსვა და თვალები გადმოკარკლა.

— ამაზე რაღას იტყვით, ხომ ძალიან კარგი ღვინოა, კოლეგა? — ჰკითხა კატცმა.

ფანატიკოსმა მტკიცედ უთხრა:

— მე ვამჩნევ, რომ თქვენ უკადრის სიტყვებს ხმარობთ საუბარში.

— მიჩვევაა, — უპასუხა კატცმა. — ხანდახან ღვთის გმობაც წამომცდება ხოლმე. შევიკ, დაუსხით პან ფელდკურატს. გარწმუნებთ, რომ ხშირად აუგად მიხსენებია ღმერთი, და ხელი არ დამიკლია რჯულისა და ზიარებისათვისაც. აბა ერთი ჩემდენი იმსახურეთ სამხედროში და მაშინ ნახავთ, სადამდე მიხვალთ. და განა ძნელია, თან სასულიერო პირებისთვის ესოდენ ახლობელიცაა ყველა ეს — ღმერთი, რჯული, ზიარება. ძალიან ლამაზად კი ჟღერს, ხომ მართალია? ყველაფერი ჩვენს პროფესიასთან არის დაკავშირებული. დალიეთ, კოლეგა!

საღვთო სჯულის ყოფილმა მასწავლებელმა ანგარიშმიუცემლად გადაჰკრა. ეტყობოდა, რაღაცა უნდოდა ეთქვა, მაგრამ ვერ ახერხებდა. აზრებს იკრებდა.

— პატივცემულო კოლეგა, — განაგრძო კატცმა, — მხნედ იყავით, ცხვირპირი ნუ ჩამოგტირით, თითქოს ხუთი წუთის შემდეგ უნდა ჩამოგახჩონ. თქვენზე მსმენია, ერთხელ პარასკევს, ხუთშაბათი რომ გეგონათ თურმე, შეცდომით ერთ სამიკიტნოში ღორის კატლეთი გიჭამიათ, მერე საპირფარეოში გაქცეულხართ და ორი თითი პირში გიტაცნიათ, რომ ყველაფერი უკან გადმოგერწყიათ იმის შიშით, ვაითუ ღვთის რისხვა თავს დამატყდესო. პირადად მე სრულე-

ბით არ ვერიდები მარხვაში ხორცის ჰამას და არაერთარი ჯოჯოხეთი მე არ მაშინებს... პარდონი ცუდად ხომ არა ხართ? აბა ერთი დალიეთ ღვინო, გულს გიპოვით! ახლა ხომ უკეთ გრძნობთ თავს?.. ან იქნებ თქვენ უფრო პროგრესული თვალსაზრისი გაქვთ ჯოჯოხეთურ ქვესკნელზე, შეიძლება ფეხდაფეხ მისდევთ დროების სულისკვეთებასა და რეფორმისტებს? სხვანაირად რომ ვსთქვათ, თქვენ იქნებ გგონიათ, რომ ჯოჯოხეთში ცოდვილთა საწამებლად კუპრით საესე უბრალო ქვაბების ნაცვლად ავტოკლავებს იყენებენ, ესე იგი მაღალი წნევის ქვაბებს, აგრეთვე იქნებ დარწმუნებული ხართ, რომ ცოდვილთ მარგარინში ხრაკავენ, შამფურებს კი ელექტრონის მამოძრავებლებით ატრიალებენ? მილიონი წლების მანძილზე ბეკნიან ბედკრულ ცოდვილებს გზატკეცილების ორთქლის საბეკნელებით, ღრჭიალი გაუდით მათ კბილებს საგანგებო მანქანებით შეკუთრვილ დანტისტების ხელში, ცოდვილთა დაღადისი იწერება გრამოფონის ფირფიტებზე, შემდეგ ეს ფირფიტები ზემოთ, სამოთხეში იგზავნება უცოდველთა გასამხიარულებლად? სამოთხეში კი ოდეკოლონის სასხურებელი მოქმედებს და სიმფონიური ორკესტრები ბრამს ისე დაუსრულებლად და გულგამაწვრილებლად უკრავენ, რომ ასეთ სამოთხეში ყოფნას ჯოჯოხეთსა და სალხინებელს ამჯობინებ? იქნებ ფიქრობთ, რომ ანგელოზებს უკანალში სათითაოდ პროპელერი აქვთ გამოჩრილი, მათ ფრთებს ჯაფა რომ არ დაადგეთ?.. ცოტა მოსვით, კოლეგა! შევიკ, დაუსხით პან ფელდკურატს კონიაკი. მგონი, გული შეუღონდა.

როცა გონს მოვიდა, ღვთისმოსავმა ფელდკურატმა ჩურჩულით წარმოთქვა:

— რელიგია გონებრივი რწმენაა... ვისაც წმიდა სამების არსებობა არა წამს...

— შევიკ, — გააწყვეტინა კატცმა ფანატიკოს მღვდელს, — დაუსხით პან ფელდკურატს კიდევ ერთი ჭიქა კონიაკი, იქნებ მოსულიერდეს. ერთი უამბეთ მას რამე, შევიკ.

— ვლადიმერში, მაქვს პატივი მოგახსენოთ, პანე ფელდკურატ, — დაიწყო შევიკმა, — იყო ერთი წინამძღვარი. როცა წინანდელი მოახლე ქალი ბავშვითა და გატაცებული ფულით გაექცა, წინამძღვარმა ახალი მოსამსახურე დაიქირავა. ეს სულიერი მამა მოხუცებულობის ჟამს წმიდა ავგუსტინის შესწავლას შეუდგა, რომელიც ეკლესიის წმიდა მამების დასს არის მიკუთვნებული. ამოიკითხა მის წიგნებში, რომ ყველა, ვისაც ანტიპოდები სწამს, შეჩვენების ღირსია. იხმო თავისი მოახლე ქალი და უთხრა: „თქვენ როგორღაც ერთხელ მითხარით, რომ ვაჟი გყავთ, ზენკალი-მექანიკოსი, რომელიც ავსტრა-

ლიაში წავიდა. თუ ეს ასეა, გამოდის, რომ იგი ანტიპოლი ვახდა, წმიდა ავგუსტინე კი გვიბრძანებს — შევაჩვენოთ ყველა, ვისაც ანტიპოდების არსებობა წამს. — „მამო, — უპასუხა დედაკაცმა, — კი, მაგრამ, ჩემი ვაჟი სინამდვილეში ხომ წერილებსაც მიგზავნის და ფულსაც.“ — „ეს ბოროტი სულის ცთუნებაა, — სიტყვა მოუჭრა მოძღვარმა. — წმიდა ავგუსტინის მოძღვრების თანახმად, არავითარი ავსტრალია არ არსებობს. თქვენ ანტიქრისტეს მახეში ხართ გაბმული“. კვირა დღეს ეკლესიაში ამ მოძღვარმა საქვეყნოდ დასწყველა ქალი, და გაჰყვიროდა, არავითარი ავსტრალია არ არსებობსო. რაღა ეშველებოდა, აიღეს და ეკლესიიდან პირდაპირ საგაყეთში წაიყვანეს. ურიგო არ იქნებოდა, რა თქმა უნდა, ზოგიერთი სხვებიც რომ გამოამწყვდიონ იმ საგაყეთში. ურსულელ ქალთა მონასტერში არის თურმე ერთი ბოთლი ქალწულ მარიამის რძით სავსე, ბენეშოვოს მახლობლად მდებარე ობოლთა თავშესაფარში კი, როცა იქ ლურდის \* ნაკურთხი წყალი მიიტანეს, ობლები ფაღარათმა ისე მოაქცია, რომ ყველანი გაჩენის დღეს იწყევლიდნენ.

ღვთისმოსავ ფელდკურატს თვალთ აუჭრელდა. მან მოიხედა მხოლოდ მაშინ, როცა კიდევ ერთი ჭიქა კონიაკი გადაჰკრა, რომელიც ერთბაშად თავში აუვარდა. თვალები მოჭუტა და კატს ჰკითხა:

— თქვენ არა გწამთ ქალწულ მარიამის უხრწნელად მუცლადღება? არა გწამთ, რომ წმიდა იოანე ნათლისმცემლის თითი, რომელიც პიარისტებთან ინახება, ნამდვილია? ანდა საერთოდ ღმერთი გწამთ კი? და თუ არა გწამთ, ფელდკურატი რაღა ხართ?

— ძვირფასო კოლეგა, — უპასუხა კატცმა და მოწყალებით მოუთათუნა ხელი ზურგზე, — სანამ სახელმწიფო დარწმუნებულია, რომ ჯარისკაცები, რომლებიც სასიკვდილოდ მიდიან ბრძოლის ველზე, ლოცვა-კურთხევას საჭიროებენ, ფელდკურატის თანამდებობა საკმაოდ სარფიანია და არც ისე დამქანცველი. მე ეს უფრო მეტად დამიჯდა ჭკუაში, ვინემ სასწავლო მოედანზე რბენა და მანევრებზე სიარული. წინათ უფროსების ბრძანებებისგან გული მქონდა გაწყალებული, ახლა კი იმას ვაკეთებ, რაცა მსურს. მე იმის წარმომადგენელი ვარ, ვინც არ არსებობს, და თვითონ ვასრულებ ღმერთის როლს. თუ არ მოვისურვებ ვინმეს ცოდვები მივუტევო, არ მივუტევებ, ჩოქვითაც რომ შემომიაროს გარშემო და ათასი მემუდაროს. თუმცა ასეთები, სამწუხაროდ, არც ისე ბევრნი მოიძებნებიან.

— მიყვარს უფალი ჩენი, — წარმოთქვა ღვთისმოსავმა ფელდკურატმა, რომელსაც სლოკინი აუტყდა, — ძალიან მიყვარს!.. მომეცით ცოტა ღვინო. პატივსა ვცემ უფალსა ჩენსა, — განაგრძო მან.

— ღიდად, ღიდად პატივისა ვცემ და შეეტრფი. არავინ ისე არ მი-  
მაჩნია, როგორც იგი!

მან მუშტი დაჰკრა მაგიდას, და ისე ძალუჰმად, რომ ბოთლები  
აყირავდნენ.

— მრწამს ერთი ღმერთი, მამა ყოვლისა-მპყრობელი, შემოქმე-  
დი ცათა და ქვეყნისა, ხილულთა ყოველთა და არა ხილულთა, და  
ამაში ვერავინ გადამარწმუნებს! წმიდა იოსებსაც პატივისა ვცემ, და  
ყველა წმიდანსაც პატივისა ვცემ, და წარმოიდგინეთ წმიდა სერაპიონ-  
საც... ეს რა საძაგელი სახელი აქვს იმ დალოცვილს!

— დიახ, კარგი იქნებოდა როგორმე გამოეცვალა ასეთი უმსგავ-  
სი სახელი, — შენიშნა შევიკმა.

— მიყვარს წმიდა ლუდმილა და წმიდა ბერნარდი, — განაგრძო  
ყოფილმა საღვთო სჯულის მასწავლებელმა. — ბევრი მგზავრი გა-  
დაურჩენია სენ-გოტჰარდზე. კისერზე მას შებმული აქვს ბოთლი კო-  
ნიაკით და ეძებს თრვლით დაფარულ...

საუბარი სულ სხვა მიმართულებით წარიმართა. ღვთისმოსავემა  
ფელდკურატმა დაიწყო მიეთ-მოეთობა და რას არ ჩმახავდა:

— ჩვილ ყრმებს პატივისა ვცემ, მათი ღღე ოცდარვა დეკემბერია.  
იროდი მძაგს... როცა ქათამს სძინავს, ახალი კვერცხის შოვნა ძნე-  
ლია. ქათამმა უთხრა კვერცხსაო, მაგრე ვიყავი შეცაო; იმდენს გავე-  
დრებ ღმერთსაო, ჩემსავით გაგხდი შენცაო.

მერე გაიცინა და გალობა წამოიწყო:

— წმიდაო ღმერთო, წმიდაო ძლოერო...

მაგრამ უეცრად გალობა შეწყვიტა, მიუბრუნდა კატცს და მკვა-  
ხედ შეეკითხა:

— თქვენ არა გწამთ, რომ თხუთმეტი აგვისტო ღვთისმშობლის  
მიძინების ღღეა?

მზიარულება ღრეობად იქცა. კიდევ გაჩნდა ბოთლები, თავში  
ღვინო შეუჯდათ. დროდადრო გაისმოდა კატცის სიტყვები:

— თქვი „არ მწამს ღმერთი“, თორემ აღარ დაგისხამ.

გეგონებოდათ, პირველ ქრისტიანთა დევნის უამი დაბრუნდაო.  
ყოფილი საღვთო სჯულის მასწავლებელი გაჰკიოდა რომის ცირკის  
არენის წამებულთა რომელიღაც სიმღერას:

— მრწამს ერთი ღმერთი, მამა ყოვლისა მპყრობელი, და მასზე  
უარს არ ვიტყვი! არ მინდა თქვენი ღვინო! მე თვითონაც შემიძლია  
მოვატანინო!

ბოლოს, დიდის ვაი-ვაგლახით ჩააწვინეს იგი ლოგინში. მაგ-

რამ ვიდრე დაიძინებდა, საღვთო სჯულის ყოფილმა მასწავლებელმა ასწია ხელი, თითქოს ფიცის წარმოსათქმელადო და განაცხადა:

— მრწამს ერთი ღმერთი, და ერთი უფალი იესო ქრისტე, ძე ღვთისა, და სული-წმიდა ჩვენი! მომეცით ლოცვანი!

შვეიკმა აიღო ოტო კატცის ღამის მაგიდიდან რომელიღაც წიგნი და ხუცესს მიაჩეჩა. ღვთისმოსავ ფელდკურატს ჩაეძინა ბოკაჩოს „დეკამერონით“ ხელში.







თ ა ვ ი X I I I

### შვიდი წეთის კურთხევაზე მიღის

ფელდკურატი ოტო კატცი ჩაფიქრებული იჯდა და ცირკულარს ჩაშტერებოდა, რომელიც ეს-ესაა ყაზარმიდან მოეტანათ. ეს იყო სამხედრო სამინისტროს მოწერილობა:

„ამით სამხედრო სამინისტრო აუქმებს, ვიდრე სამხედრო მოქმედებანი წარმოებს, აქამდე მოქმედ ყველა მოწერილობას, რომელიც ჯარისკაცთა ზეთისცხებას შეეხება. ცნობად და აღსასრულებლად ეუწყება სამხედრო სამღვდლოებას შემდეგი წესები:

§ 1. ზეთის კურთხევა ფრონტზე გაუქმებულია.

§ 2. მძიმე ავადმყოფთ და დაჭრილებს ეკრძალებათ ზეთისცხების მისაღებად ჯარის ზურგში გადასვლა. სამხედრო სამღვდლოების პირთ ევალებათ ამის დამრღვევნი დაუყოვნებლივ გადასცენ სათანადო სამხედრო დაწესებულებას დამნაშავეზე შესაფერისი მსჯავრის დასაღებად.

§ 3. ზურგის სამხედრო ჰოსპიტლებში ზეთისცხება შეიძლება

მონდეს ჯგუფური წესით სამხედრო ექიმთა დასკვნის საფუძველზე, რამდენადაც მითითებული წესი არ დაარღვევს ხსენებულ დაწესებულებათა მუშაობის მიმდინარეობას.

§ 4. გამონაკლის შემთხვევაში ზურგის სამხედრო ჰოსპიტალების სამმართველოს შეუძლია ზურგში მყოფ ცალკეულ პირთ ზეთისცხების ნება დართოს.

§ 5. სამხედრო სამღვდლოების პირნი ვალდებულნი არიან სამხედრო ჰოსპიტლების სამმართველოს გამოძახებით ზეთისცხება შეასრულონ სამმართველოს მიერ შერჩეულ პირებზე“.

ფელდკურატმა კიდევ ერთხელ გადაიკითხა სამხედრო ჰოსპიტლის მომართვა, რომლითაც წინადადება ეძლეოდა ხეალ გამოცხადებულიყო კარლოვის მოედანზე მდებარე ჰოსპიტალში მძიმე დაჭრილების ზეთის საცხებად.

— გესმით, შვეიც, — დაუძახა ფელდკურატმა, — აბა ერთი მითხარით, განა ეს ღორობა არაა? თითქოს მთელს პრალაში ჩემს მეტი ფელდკურატი აღარ მოიძებნება! რატომ იქ თუნდაც იმ ღვთისმოსიშს არ გაგზავნიან, რომელმაც ამას წინათ ჩვენთან ღამე გაათია? მოგვიხდება კარლოვის მოედანზე წასვლა ზეთის კურთხევაზე. აღარც კი მახსოვს, ეს როგორ ხდება.

— რა გაეწყობა, შევიძინოთ კატეხიზმო, პანე ფელდკურატ. იქ ამის შესახებ არის ნაამბობი, — უთხრა შვეიცმა. — კატეხიზმო სულიერი მამებისთვის იგივეა, რაც გზის მაჩვენებელი უცხოელთათვის... აი, მაგალითად, ემაუზის მონასტერში მუშაობდა ერთი კაცი მებაღის თანაშემწედ. გადაწყვიტა მორჩილად შემდგარიყო, — ანაფორას ჩაეცვამ და ჩემს ტანსაცმელს აღარ გავცვითავო. ამისთვის იყიდა კატეხიზმო და შეუდგა იმის შესწავლას, როგორ უნდა გამოისახოს წმიდა ჯვარი, ვინ იყო ის ერთადერთი ადამიანი, რომელმაც თავიდან აიშორა პირველჩენილი ცოდვა, რას ნიშნავს, ადამიანი სუფთა სინდისის პატრონი იყო და სხვა ამგვარი წვრილმანების დაზეპირებას. მერე ჩუმად გაყიდა მონასტრის ბოსტნის კიტრების მთელი მოსავლის ნახევარი და თავლაფდასხმული და შერცხვენილი მონასტრიდან გამოაპანდურეს. ერთმანეთს როცა შევხვდით, ასე მითხრა: „კატეხიზმო რა ეშმაკად მინდოდა, კიტრების გაყიდვას უიმიხლოდაც შევძლებდიო“.

როცა შვეიცმა კატეხიზმო შეიძინა და ფელდკურატს მოუტანა, მან გადაფურცლა წიგნი და თქვა:

— აი ხედავ, ზეთისცხება შეუძლია მხოლოდ მღვდელს, და ისიც მხოლოდ ეპისკოპოსის ნაყურთხი ზეთით. გამოდის, რომ თქვენ,

შვეიკი, ზეთისცხების უფლება არა გაქვთ. წამიკითხეთ ერთი, როგორ ხდება ეს ზეთისცხება.

შვეიკმა წაიკითხა:

„... ხდება ასე: მღვდელი ზეთს აცხებს ავადმყოფის გრძნობის ორგანოებს და ერთდროულად წარმოთქვამს ლოცვას: „ამ წმიდა ზეთისცხებითა და თვისი გულმოწყალებით, მოგიტევოს უფალმა შეცოდებანი ესრე სმენისა, მხედველობისა, ყნოსვისა, გემოსი, მეტყველებისა, შეხებისა და სიარულისა თვისისა“.

— ერთი მინდა ვიცოდე, — თქვა ფელდკურატმა, — როგორ შეუძლია ადამიანმა შესცოდოს შეხებით. თქვენ ხომ ვერ მეტყოდით, შვეიკ?

— ყოველნაირად, პანე ფელდკურატ, — უპასუხა შვეიკმა. — მაგალითად, ხელის მოფათურებით სხვის ჯიბეში ანდა სამიკიტნოში. ცეკვა-თამაშის დროს... თვითონაც იცით, იქ რა ოინებს სჩადიან.

— სიარულით, შვეიკ?

— თუ, მაგალითად, კოჭლობით დაიწყებთ სიარულს, რომ ხალხმა შეგიცოდოს.

— ყნოსვით?

— თუ სიმყრალეს ცხვირს არიდებთ.

— გემოთი?

— როცა გოგოების დანახვაზე ენით ტუჩებს აილოკავთ.

— მეტყველებით?

— ეს უკვე სმენასთანაა დაკავშირებული, პანე ფელდკურატ, როცა ერთი ლაყბობს და მეორე ყურს უგდებს...

საქმის ვითარების ამგვარი ფილოსოფიური გააზრების შემდეგ ფელდკურატი გაჩუმდა. მერე ისევ შვეიკს მიუბრუნდა.

— მაშასადამე, ჩვენ გვესაჭიროება ეპისკოპოსის ნაკურთხი ზეთი. აი თქვენ ათი კრონი, იყიდეთ ერთი ბოთლი ზეთი. საინტენდანტოში ასეთი ზეთი, რა თქმა უნდა, არ ექნებათ.

შვეიკი გაუდგა გზას ეპისკოპოსის მიერ ნაკურთხი ზეთის საშოვნელად. მისი შოვნა არც ისე იოლი საქმე აღმოჩნდა. ბოყენა ნემცოვას \* ზღაპრების უკვდავების წყალს უფრო ადვილად მიაგნებდა ადამიანი, ვიდრე ამ ზეთს. შვეიკმა რამდენიმე სააფთიაქო მაღაზიაში შეიარა, მაგრამ როგორც კი იტყოდა: „გეთაყვა, მომეცით ეპისკოპოსის ნაკურთხი ერთი ბოთლი ზეთით“, ყველგან ან სიცილს დააყრიდნენ მას, ანდა ზარდაცემულნი დახლქვეშ იმალებოდნენ. შვეიკს სერიოზულად ეჭირა თავი. მან გადაწყვიტა, მოდი ერთი აფთიაქებშიც შევიხედავო. პირველ აფთიაქში ლაბორანტს უბრძანეს, გაიყვანეთ აქედან ეგ დამთხვეულიო. მეორეში ტელეფონით სასწრაფო

დახმარების გამოძახება დააპირეს, მესამეში პროვიზორმა უთხრა, დლოუჰეს ქუჩაზე პოლაკის ფირმას, რომელიც ზეთითა და ლაქებით ვაჭრობს, თქვენთვის საჭირო ზეთი უთუოდ ექნება საწყობშიო.

დლოუჰეს ქუჩაზე მდებარე პოლაკის ფირმა მოქნილად ვაჭრობდა. არასოდეს არც ერთი მუშტარი იქედან დაუკმაყოფილებელი არ წასულა. თუ მუშტარი კოპაის ბალზამს \* მოითხოვდა, მას სკიპიდარს ჩაუსხამდნენ და ყველაფერი რიგზე იყო.

როცა შვეიკმა მოთხოვა, ეპისკოპოსის ნაკურთხი ზეთი ჩამომისხით, ათ კრონად რაც მომივაო, ფირმის პატრონმა ნოქარს უბრძანა:

— პანე ტაუხენ, ჩამოუსხით ასი გრამა კანაფის ზეთი ნომერი სამი.

ნოქარმა კი, ბოთლს ქალღმერთში რომ უხვევდა, შვეიკს უთხრა, როგორც ეს ნოქრებს სჩვევიათ:

— უმაღლესი ხარისხის საქონელი გახლავთ. ვინიცობაა დაკვირდეთ ფუნჯი, ლაქი, სელის ზეთი — გთხოვთ მოგვაკითხოთ. კმაყოფილი დარჩებით. ფრიად სანდო ფირმაა.

ფელდკურატი კი ამ დროს შინ იჯდა და კატეხიზმითი იმეორებდა იმას, რაც სემინარიაში ვერ დაიმახსოვრა.

მას ძალიან მოეწონა ზოგიერთი მეტად ჰკუამახვილური გამოთქმა და გულიანადაც იცინა.

„ზეთისცხებას სხვანაირად უკანასკნელი წაცხება ეწოდება. ეს სახელწოდება „უკანასკნელი წაცხება“ წარმოიშვა იქედან, რომ ჩვეულებრივ ის ყველა წაცხებათა შორის უკანასკნელი არის ხოლმე, რომელსაც ეკლესია ადამიანზე ახდენს“.

„ზეთისცხება შეიძლება მიიღოს ყველა მიძიმედ დაავადებულმა ქრისტიანმა-კათოლიკემ, რომელმაც შეგნებულ ასაკს მიაღწია“.

„ავადმყოფი მიიღებს ზეთისცხებას, როცა მას ჯერ კიდევ, შესაძლებლობის ფარგლებში, სრული ცნობიერება და კარგი მეხსიერება აქვს.“

მოვიდა შიკრიკი და ფელდკურატს პაკეტი მოუტანა ცნობით, რომ ხვალ ზეთის კურთხევას ჰოსპიტალში „რიგითი ჯარისკაცების რელიგიური აღზრდის დიდგვაროვან ქალთა კავშირის“ წარმომადგენლები დაესწრებიან. კავშირი შედგებოდა ისტერიით შეპყრობილი ქალებისაგან, რომლებიც ჰოსპიტლებში სალდათებს ურიგებდნენ წმიდანთა პატარა ხატებს და „თქმულებას კათოლიკე მეომარზე, რომელმაც თავი შესწირა ხელმწიფე-იმპერატორს“. წიგნაკის ყდაზე ფერადი სურათი იყო, რომელიც ბრძოლის ველს ასახავდა. ყველგან ადამიანებისა და ცხენების გვამები ეყარა, ერთმანეთზე დახორავებ-

ბული იყო საზიდრები—საქხედრო შექურვილობით და ქვემეხებით—  
ანოყირავებული ლაფეტებით. პორიზონტზე სოფელი იწვოდა და  
შრაპნელები ფეთქდებოდა. სურათის წინა პლანზე მომაკვდავი ჯა-  
რისკაცი ეგდო მიწაზე, რომლისთვისაც ცალი ფეხი ყუმბარას წაე-  
გლიჯა, მას ანგელოზი გამოცხადებოდა გვირგვინით ხელში, გვირგ-  
ვინზე კი ლენტი იყო წარწერით: „ამიერიდან ჩემთან იქნები სამო-  
თხეში“. მომაკვდავი ნეტარებით იღიმებოდა, თითქოს ეს-ესაა ნაყინი  
შესთავაზესო.

პაკეტის შინაარსს რომ გაეცნო, ოტო კატცმა გადააფურთხა და  
გაიფიქრა: „აბა, ხვალ კი გვექნება სასეირო სანახაობა!“

ფელდკურატი იცნობდა ამ „ნაყარ-ნუყარ ხალხს“, როგორც იგი  
უწოდებდა „კავშირს“, იცნობდა ჯერ კიდევ იმ დროიდან, როცა  
წმიდა იგნატეს ეკლესიაში მსახურობდა, სადაც ამ რამდენიმე წლის  
წინათ ჯარისკაცებს ქადაგებანს უკითხავდა. იმ ხანებში იგი დიდ  
იმედებს ამყარებდა ქადაგებებზე და თვითეულ ქადაგებას მთელი  
მონდომებით კითხულობდა, „კავშირის“ წარმომადგენლები კი  
ჩვეულებრივ ამ დროს პოლკოვნიკის უკან ისხდნენ. ერთხელ, ქადა-  
გების შემდეგ, ოტო კატცთან მივიდა ორი აწოწილი, გამხდარ-გამ-  
ხდარი ქალი, შავ ტანსაცმელში გამოწყობილნი და კრიალოსანიით  
ხელში. მათ მთელი ორი საათი ალაქლაქეს ენა ჯარისკაცთა რელი-  
გიური აღზრდის შესახებ. რომ აღარ მოეშვნენ, გულგაწვრილებულმა  
ოტო კატცმა ბოლოს უთხრა: „მაპატიეთ mesdames<sup>1</sup>, კაპიტანი მე-  
ლოდება „ცხრის თამაშის“ პარტიაზეო.

— მაშ ასე, ზეთი უკვე გვაქვს, — ზეიმურად განაცხადა შვეიკმა,  
რომელიც პოლაკის მაღაზიიდან დაბრუნდა, — კანაფის ზეთი ნომე-  
რი სამი, პირველი ხარისხისა. მთელ ათასეულს ეყოფა. ფრიალ სან-  
დო ფირმაა. მოეპოვება აგრეთვე გასასყიდად — სელის ზეთი, ლაქი  
და ფუნჯები. ახლა ჩვენ ერთი პატარა ზარი გვაკლია, და ყველაფერი  
მორჩა.

— ზარი რაღად გვინდა, შვეიკ?

— გზაში დაგვარაწყუნოთ, რომ ხალხმა ქუდი მოიხადოს, უფალ  
ღმერთითა და ნომერ სამი კანაფის ზეთით მიმავალთ როცა დაგვინა-  
ხავს. ასეა საჭირო. ბევრი შემთხვევა ყოფილა, როცა აპატიმრებდნენ  
ყველას, ვინც ამას არაერთარ ყურადღებას არ აქცევდა და ქუდს არ  
იხდიდა. ჟიუკოვეში ერთხელ ფარარმა ბრმას სცემა, რომელმაც თუ-  
რმე ქუდი არ მოიხადა. იმ საცოდავს ცემა როდი აკმარეს, ჩასვეს  
კიდევც, რადგან სასამართლო პროცესზე დამტყიდდა, რომ იგი ყრუ-

<sup>1</sup> ქალბატონებო (ფრანგ.).

შენჯი არ იყო, მხოლოდ ბრმა იყო, მაშასადამე, ზარის რეკა ესმოდა და თავისი მაგალითით სხვებსაც აცთუნებდა, თუმცა მთელი ეს ამბავი ღამით ხდებოდა. ყველა ამ წესის შესრულება აქაც საჭიროა, როგორც დღესასწაულზე წმიდა ხორცისა უფლისა \* სხვა დროს ხალხი ყურადღების ღირსადაც არ ჩაგვთვლიდა, ახლა კი მოწიწებით მოგვიხდიან ქულს. თუ თქვენ, პანე ფელდკურატ, საწინააღმდეგო არაფერი გექნებათ, თვალის დახამხამებაში გავაჩენ ზარს.

ფელდკურატმა ნება დართო და შვეიკმა ნახევარ საათში მოარბენინა ზარი.

— ეს ბაქების „უ კრეიფკუს“ ჭიშკარს ავაძვრე, — თქვა მან. — ამის გამო მთელი ხუთი წუთი სულ შიშის კანკალში ვიყავი, გარდა ამისა, დიდხანს ლოდინიც მომიხდა, რადგან ხალხი განუწყვეტლოვ მიღიმოდიოდა.

— მე კაფეში წავალ, შვეიკ. თუ ვინმე მოვიდეს, დაძელოდოს. ფელდკურატის წასვლის შემდეგ დაახლოებით ერთი საათი იქნებოდა გასული, რომ ვილაც ხანში შესული მამაკაცი მოვიდა, ჭალარა, მკაცრი გამომეტყველებისა და სარგადაცლაპულივით გაჯგიმული. აშკარად ეტყობოდა, რომ ეს კაცი რაღაცაზე ძალზე გამწყრალი იყო. ყველაფერს ისე უყურებდა, თითქოს ბედისწერას გამოეგზავნოს იგი ჩვენი საწყალი პლანეტის გასანადგურებლად, სამყაროში დედამიწის კვალის ძირფესვიანად აღმოსაფხვრელად. ლაპარაკობდა მკვახედ, ცივად და მკაცრად:

— შინაა? კაფეში წავიდა? დამელოდოსო? კეთილი, დაველოდები, თუნდაც დილაშდგ რომ მომიხდეს აქ ჯდომა. კაფეში სასიარულო ფულები მოეპოვება, ვალის გადასახდელად კი არაფერი გააჩნია, — ასეა არა? მერედა, მღვდელი მაინც არ იყოს! ფუი!

და იატაკზე დააფურთხა სამზარეულოში.

— პანე, აქ ნუ აფურთხებთ, — უთხრა შვეიკმა, რომელიც ინტერესით ათვალიერებდა უცნობს.

— კიდევ დავაფურთხებ, აი შეხედეთ, ესეც თქვენ! — ჯიუტად წარმოთქვა მკაცრმა პანმა და კიდევ დააფურთხა იატაკზე. — როგორ არა რცხვენია! მერედა, სამხედრო მღვდელი მაინც არ იყოს! ნამუხისი სადა აქვს?

— თუ თქვენ ზრდილი ადამიანი ხართ, — შენიშნა შვეიკმა, — უნდა გადაეჩვიოთ სხვის ბინაში ფურთხებას. ან იქნებ გგონიათ, რაკი მსოფლიო ომმა იფეთქა, შეგიძლიათ აღარაფერს მოერიდოთ, ყველაფერში წრეს გადახვიდეთ? წესიერად უნდა გეჭიროთ თავი და არა ქუჩის მაწანწალასავით. თავაზიანი სიტყვა-პასუხი უნდა ამშვენებდეს

აღამიანს, ზრდილობიანი და თავმდაბალი უნდა იყოთ და არა თავაწყვეტილი ავარა ვინმე, გესმით თქვენ, ყვეეჩო და გამოტვინებულო!

მკაცრი პანი ფეხზე წამოიჭრა სავარძლიდან და სიბრაზისგან აკანკალებულმა დაიყვირა:

— როგორ მიბედავთ? მე ვარ უზრდელი? ვინა ვარ მე, ვინ? აბა ერთი მითხარით!

— სიბინძურე! აი ვინა ხართ თქვენ, — უპასუხა შვეიკმა და თვალი თვალში გაუყარა. — აფურთხებთ იატაკზე, თითქოს ტრამვაიში იყოთ, მატარებელში ან რომელიმე საზოგადოებრივ დაწესებულებაში. მე ყოველთვის მიკვირდა, როცა ასეთ ადგილებში დავინახავდი წარწერებს: „აქ დაფურთხება აკრძალულია“, მაგრამ ახლა კარგად მესმის, რომ ეს თურმე თქვენ გეხებოდათ. ჩანს, ყველგან მშვენივრად გიცივობენ.

სისხლი თავში აუვარდა მკაცრ პანს და მოჰყვა შვეიკისა და მისი ფელდკურატის ლანძღვა-გინებას.

— შორჩით? — მშვიდად ჰკითხა შვეიკმა, როცა სტუმარმა ასე დაასკვნა: „ორთავე გაიძვერები ხართ; როგორც ბერიო, ისეთიც ერიო“.

— ან იქნებ გსურთ კიდეც რაიმეს დამატება, სანამ კიბიდან კინწისკვრით გადაგიშვებდეთ?

ვინაიდან მკაცრმა პანმა იმდენად ამოწურა თავის სიტყვათა მარაგი, რომ არც ერთი მაგარი საგინებელი სიტყვა აღარ მოაგონდა, გაჩუმება ამჯობინა, მაშინ შვეიკმა გადაწყვიტა, რაკი სტუმარი აღარაფერს უმატებს, მეტ ლოდინს აზრი აღარ აქვსო. გაალო კარი, დააყენა მკაცრი პანი კარებში პირით კიბისკენ... და ისეთი დარტყმა აგემა, რომ სპორტის ოსტატთა საერთაშორისო ფეხბურთის გუნდის საუკეთესო მოთამაშესაც კი შეშურდებოდა.

კიბეზე კისრისტეხით დაგორებულ მკაცრ პანს შვეიკმა მიაძახა:

— აძიერიდან, როცა პატიოსან ადამიანებს ესტუმრებით, წესიერად მოიქცევით.

მკაცრი პანი დიდხანს დადიოდა სახლის ახლო-მახლო და ფელდკურატს ელოდებოდა. შვეიკმა ფანჯარა გაალო და თვალს ადევნებდა მას.

როგორც იქნა ელირსა მკაცრი პანი ფელდკურატის მოსვლას. ოტო კატცმა შეიყვანა იგი ოთახში, სკამზე დასვა და პირისპირ დაუჯდა.

შვეიკმა ხმაამოუღებლად მოიტანა საფურთხი და წინ დაუდო სტუმარს.





— რას სჩადიხართ, შვეიკ?

— მაქვს პატივი მოგახსენოთ, პანე ფელდკურატ, ამ პანთან აქ უკვე შემემთხვა პატარა უსიამოვნება იმის გამო, რომ იატაკზე იფურთხებოდა.

— დაგვტოვეთ მარტოკა, შვეიკ. მოსაგვარებელი გვაქვს ზოგიერთი საკითხები.

შვეიკი მხედრულად გამოეჭიმა.

— არის, პანე ფელდკურატ, დაგტოვოთ მარტოკა, — და გავიდა სამზარეულოში.

ოთახში ამ დროს ძალზე საინტერესო საუბარი გაიმართა.

— თქვენ, თუ არა ვცდები, თამასუქით ფულის მისაღებად ხართ მისული? — ჰკითხა ფელდკურატმა სტუმარს.

— დიახ, და ვიმედოვნებ...

ფელდკურატმა ამოიხვნეშა.

— ადამიანი ხშირად ვარდება ისეთ მდგომარეობაში, როცა იმედის მეტი აღარაფერი რჩება. ო, რა ლამაზად უღერს სიტყვა „ვიმედოვნებ“ იმ სამყურაში, რომელიც ადამიანს ცხოვრების ქაოსზე აღამაღლებს: რწმენა, იმედი და სიყვარული...

— იმედი მაქვს, პანე ფელდკურატ, რომ თანხა...

— ვინ გედავებათ, დიდად პატივცემულო, — გააწყვეტინა ფელდკურატმა. — შემიძლია კიდევ ერთხელ გავიმეორო, რომ სიტყვა „ვიმედოვნებ“ ადამიანს ძალ-ღონეს მატებს არსებობისთვის ბრძოლაში. ნუ დაჰკარგავთ თქვენც ამ იმედს. რა კარგია, როცა ადამიანს გაგაჩნია შენი იდეალი, ხარ უმანკო, წმინდა ქმნილება და ფულს თამასუქით აძლევ ყველას, მერე იმედი გაქვს, რომ დათქმულ ვადაზე ამ ფულს უკანვე მიიღებ, განა ამ განცდის სიამეს რამე შეედრება! ღმერთმა იმედი ნუ მოგიშალოთ, მუდამ გქონდეთ იმედი, რომ გადავიხდით ათას ორას კრონს თუმცა ჯიბეში ასიანიც არა მაქვს.

— მაშასადამე, თქვენ... — ენის ბორძიკით ჩაილაპარაკა სტუმარმა.

— მაშასადამე მე, — უპასუხა ფელდკურატმა.

1 სტუმრის სახეზე ისევ სიმტკიცე და გულისწყრომა აღიბეჭდა.

— ბატონო ჩემო, ეს თაღლითობაა, — თქვა მან და წამოიღვა.

— დამშვიდდით, პატივცემულო!

— ეს თაღლითობაა, — იყვირა გაკერპებულმა სტუმარმა. — თქვენ ბოროტად იყენებთ ჩემს ნდობას.

— ჩემო ბატონო, — უთხრა ფელდკურატმა, — თქვენ, ჩემის აზრით, ახლა ძალიან გარგებთ ჰაერის გამოცვლა. აქ ძალზე შეხუთუ-

ლი ჰაერია... შვეიცია! — დაუძახა მან. — ამ ჩვენს სტუმარს სუფთა ჰაერი ესაჭიროება.

— მაქვს პატივი მოგახსენოთ, პანე ფელდკურატ, — მოისმა სამზარეულოდან, — ერთხელ უკვე გავიყვანე ჰაერზე.

— გაიმეორეთ! — უბრძანა ფელდკურატმა, და ბრძანება შესრულებულ იქნა სწრაფად, ფიცხლად და უბოდიშოდ.

შვეიცი კიბიდან რომ დაბრუნდა, თქვა:

— კიდეც კარგი, პანე ფელდკურატ, ეგ კაცი თავიდან რომ მოვიშორეთ, სანამ აყალმაყალს ატეხდა... მალეშიცაში ერთი მიკიტანი ცხოვრობდა, კაცი დიდად ნაკითხი. მას ყველაფერზე მზად ჰქონდა გამონათქვამი საღეთო წერილიდან. როცა ვინმეს გამათრახება მოუხდებოდა, ყოველთვის თან დააყოლებდა ხოლმე: „ვინც წკეპლას ზოგავს, მას არ უყვარს ძე თვისი, და ვისაც უყვარს, იგი დროზე სჯის მას. მე შენ გაჩვენებ, როგორ უნდა ჩხუბი ჩემს სამიკიტნოში.“

— აი, ხომ ხედავთ, შვეიცია, რა მოელის იმათ, ვინც პატივს არა სცემს მოძღვარს, — გაეღიმა ფელდკურატს. — წმიდა იოანე ზღატოუსტმა თქვა: „ვინც პატივსა სცემს მოძღვარს თვისსა, იგი პატივსა სცემს ჭრისტეს თავისი მოძღვრის სახით. ვინც წყენას მიაყენებს მოძღვარს, იგი წყენას მიაყენებს უფალს თვისსა, მისი წარმომადგენელი ესე არს მოძღვარი“... ხვალისთვის ჩვენ კარგად უნდა მოვემზადოთ. გააკეთეთ ერბო-კვერცხი, მოხარშეთ პუნშ-ბორდო, მერე შევეუდგეთ სჯა-ბაასსა და აზრთა გაცვლა-გამოცვლას, ვინაიდან, როგორც მწუხრის ლოცვაში არის ნათქვამი: „წყალობითა ღმერთისა მრავალ-მოწყალისა აცილებულია მზაკვრობა მტრისა ამა სახლისა მიმართ“.

ქვეყანაზე არიან უტეხი ადამიანები. მათ რიცხვს ეკუთვნოდა ის ძაძაკაციც, რომელიც ორჯერ გამოაპანდურეს ფელდკურატის ბინიდან. შვეიცი და ფელდკურატი ის-იყო ვახშმად უნდა დამსხდარიყვნენ, რომ ამ დროს ვილაცამ დარეკა. შვეიცი წავიდა კარის გასაღებად, მალე დაბრუნდა და მოახსენა:

— ისევ აქაა იგი, პანე ფელდკურატ, ჯერჯერობით სააბაზანოში ჩავკეტე, რომ წყნარად ვივახშმოთ.

— ცუდად მოქცეულხართ, შვეიცია, — უთხრა ფელდკურატმა. — სტუმარი ღეთისააო. ძველად ქეიფის დროს ტაკიმასხარებს ართობინებდნენ ხოლმე თავს. მომიყვანეთ აქ, გაგვართოს ერთი.

წუთსაც არ გაუვლია, შვეიკმა მოიყვანა ჯიუტი პანი. იგი დაღვრემილი იყურებოდა.

— დაბრძანდით, — თავაზიანად მიიპატიეთა ფელდკურატმა. — ჩვენ უკვე ვამთავრებთ ვახშმობას. გიახელით ასთაკვი და ორაგული, ახლა ტაფამწვარს ვაყოლებთ. რად მოვიკლოთ რამე და არ წავიქვიფოთ ხოლმე, როცა ამქვეყნად მოიპოვებიან ადამიანები, რომლებიც სიამოვნებით იძლევიან ფულს სესხად.

— ბატონო ჩემო, მე აქ სამასხროდ არ მოვსულვარ, — თქვა პირქუშმა სტუმარმა. — დღეს უკვე მესამედ მოვდივარ. იმედი მაქვს, რომ ახლა მაინც ყველაფერი გაირკვევა.

— მაქვს პატივი მოგახსენოთ, პანე ფელდკურატ, — შენიშნა შვეიკმა, — ეს რა ურჩხული ვინმე ყოფილა! მთლად ლიბნელ ბოუშეკს არა ჰგავს! მარტო ერთი საღამოს განმავლობაში თვრამეტჯერ გამოაგდეს იგი სალუდე „ექსნერიდან“ და ყოველთვის უკან ბრუნდებოდა — „ჩიბუხი დამრჩაო“. იგი მოძვრებოდა ფანჯარაში, კარებში, შემოძვრა საშპარეულოდან, გადმოძვრა სამიკიტნოს ლობეზე, ამოძვრა სარდაფიდან ზედ დახლოთან, სადაც ლულს ასხამენ და, ალბათ, საკვამლე მილითაც ჩამოძვრებოდა, რომ მენხანძრეებს სახურავიდან არ ჩამოეყვანათ. ისეთი უტიფარი ვინმე იყო, რომ ადვილად შეიძლებოდა მინისტრი ან დეპუტატიც გამხდარიყო! ცხელი და დღე კი დააყენეს!

შკაცრმა სტუმარმა, თითქოს არც გაუგონიაო, რასაც ავბობდნენ, ჯიუტად გაიმეორა:

— მე მინდა საბოლოოდ გავარკვიო ჩვენი საქმეები და გთხოვთ მომისმინოთ.

— ამის სრული უფლება გაქვთ, — უთხრა ფელდკურატმა. — ილაპარაკეთ, პატივცემულო, სანამ არ მოგწყინდეთ, ჩვენ კი განვაგრძობთ ქვიფს. ვფიქრობ, ეს თქვენ ხელს არ შეგიშლით ლაპარაკში. შვეიკ, მოიტანეთ სუფრაზე საკმელი!

— როგორც თქვენთვის ცნობილია, — თქვა უტეხმა პანმა, — ამჟამად ომი მძვინვარებს. მე ეს ფული ომამდე ვასესხეთ, და ომი რომ არ ყოფილიყო, ასე დაჟინებით არც მოვითხოვდი მის გადახდას. მაგრამ მე მწარე გამოცდილება მაქვს ამ საქმეში.

ჯიბიდან უბის წიგნაკი ამოიღო და განაგრძო:

— ამაში ყველაფერი ჩაწერილი მაქვს. ობერ-ლეიტენანტ იანატას ჩემი შვიდასი კრონი ემართა, მაგრამ იმდენად უსინდისო აღმოჩნდა, რომ დრინაზე ბრძოლაში დაიღუპა. ლეიტენანტი პრაშევი ტყვედ დანებდა რუსებს, ჩემგან კი ორი ათასი კრონი ჰქონდა წაღებული. კაპიტანმა ვინტერლემ, რომელსაც ამდენივე ვასესხე, თავა მოაკვლევინა თავისივე სალდათებს რუსკოე რავოუსთან. ობერ-

ლეიტენანტმა მახეკმა ათას ხუთასი კრონი გამომართვა და სერბიელებს ჩაუვარდა ტყვედ. ასეთები ჩემს წიგნაკში ბლომადაა. ერთი შოვალე კარპატებში იღუპება, მეორე ტყვედ უვარდება ხელში მტერს, მესამე, თითქოს ჯიბრზეო, სერბიის რომელიღაც მდინარეში იხრჩვება, მეოთხე უნგრეთის ერთ-ერთ ჰოსპიტალში კვდება. ახლა თქვენთვის გასაგები უნდა იყოს ჩემი შიში. ეს ომი ნამდვილად დამღუპავს, თუ ჩემს საქმეს ენერგიულად არ მოვკიდებ ხელი და ყოველგვარი დაბრკოლება შეუბრალებლად არ გადავლახე. თქვენ შეგიძლიათ შემესიტყვოთ და რწმუნება დამიწყოთ, რომ არავითარი საშიშროება თქვენ, როგორც ფელდკურატს, არ მოგელით. მაშინ ინებეთ და ეს ნახეთ!

მან შეჩარა ცხვირში ფელდკურატს თავისი უბის წიგნაკი.

— ხედავთ: ფელდკურატი მატიაში ერთი კვირის წინათ გარდაიცვალა ბრნოს გადამღებ სნეულებათა ჰოსპიტალში. მოდი და, თავი ქვას ახალე! ჩემი ათას რვაასი კრონი არ გადაუხდია და ხოლერიანთა ბარაკში კი მიდის მომაკვდავის ზეთის საცხებად, რაც მას სრულებით არ ეკითხებოდა!

— ეს მისი ვალი იყო, ჩემო კეთილო, — უთხრა ფელდკურატმა. — შეც მივდივარ ხვალ ზეთის კურთხევაზე.

— და ისიც ხოლერიანთა ბარაკში, — დასძინა შვეიკმა. — შეგიძლიათ ჩვენთან ერთად წამოხვიდეთ, რათა თქვენი თვალით დაინახოთ, რას ნიშნავს თავის განწირვა.

— პანე ფელდკურატ, — განაგრძო ჯიუტმა მამაკაცმა, — მერწმუნეთ, რომ გამოუვალ მდგომარეობაში ვარ! ნუთუ ომი იმისთვისაა, რომ საიქიოს გაისტუმროს ყველა ჩემი მოვალე?

— როცა თქვენ სამხედრო სამსახურში გაგიწვევენ და ფრონტზე მოხვდებით, — შენიშნა შვეიკმა, — მე და ჩემი ბატონი ფელდკურატი მესას გადავიხდით, რომ ღმერთმა ინებოს და თქვენ პირველზე ყუმბარამ შეგმუსროთ.

— ბატონო ჩემო, მე თქვენთან სერიოზული საქმე მაქვს, — დეინებით მიმართა იმ კაცმა ფელდკურატს, — მოვითხოვ, რომ თქვენი ღენშიჩიკი არ ერეოდეს ჩვენს საქმეებში და საშუალება მოგვცეს დღესვე მოვაგვაროთ ყველაფერი.

— მაპატიეთ, პანე ფელდკურატ, — გამოეხმაურა შვეიკი, — ინებეთ თვითონვე მიბრძანოთ, რომ მე არ ვერეოდე თქვენს საქმეებში, წინააღმდეგ შემთხვევაში მომავალშიც დავიცავ თქვენს ინტერესებს, როგორც ეს ყოველ პატიოსან ჯარისკაცს შეეფერება. ეს კაცი სავსებით მართალი გახლავთ — მას სურს აქედან თვითონ წავიდეს,

სხვის დაუხმარებლად. მეც არა ვარ აურზაურის მოყვარული — წესიერი ადამიანი გახლავართ.

— მე უკვე მომბეზრდა ყოველივე ეს, შეეიკ, — თქვა ფელდკურატმა, რომელიც თითქოს სტუმარს ვერც ამჩნევსო. — მეგონა, ეს ადამიანი გაგვართობდა, რალაც ანეკდოტებს გვიამბობდა, მაგ კი მოითხოვს გიბრძანოთ თქვენ არ ჩაერიოთ მის საქმეებში, მიუხედავად იმისა, რომ ორჯერ უკვე გქონდათ მასთან შეხლა-შემოხლა. ასეთ სალამოს, ესოდენ სერიოზული რელიგიური აქტის წინააღმდეგ, როცა მთელი ჩემი გულის ზრახვები ღმერთს უნდა მივანდო, იგი შემომბინდა რალაც საცოდავი ათას ორასი კრონის ირგვლივ წარმოშობილი სულელური ამბით, საშუალებას არ მაძლევს მთელი გულისყური ჩემი სინდისის გამოცდასა და მაღალ ღმერთს მივაპყრო, და ყოველ ღონეს მიმართავს კიდევ ერთხელ ვუთხრა, რომ ამჟამად არაფრის მიმცემი მე არა ვარ. მასთან ლაპარაკი აღარ მსურს, რომ არ წავრყენა ეს ღვთაებრივი სალამო თვითონ თქვენ უთხარიოთ მას, შეეიკ: „პან ფელდკურატისგან ვერაფერს მიიღებთ-თქო“.

შეეიკმა შეასრულა ბრძანება. მივიდა და ეს სიტყვები ყურში ჩასძახა სტუმარს.

მაგრამ უტეხი სტუმარი უჯიათობის ცხენზე შემჯდარიყო, რომ იტყვიან, და ადგილიდან არ იძვროდა.

— შეეიკ, — მიმართა ფელდკურატმა, — ერთი ჰკითხეთ მაგ პატივცემულ გვამს, კიდევ დიდხანს აპირებს აქ ჯდომას.

— აქედან ფეხს არ მოვიცვლი, სანამ ვალს არ გადამიხდით, — ჯიბრზე დადგა ურჩხული.

ფელდკურატი ადგა, ფანჯარასთან მივიდა და თქვა:

— თუ ასეა, მაშინ თქვენთვის მომინდვია, შეეიკ, ამ ვაჟბატონის ბედი, — რაც გინდათ, ის უყავით.

— წავიდეთ, პანე, — უთხრა შეეიკმა და ხელი დაავლო მხარზე დაუპატიჟებელ სტუმარს. — ღმერთი სამეხობაა.

და გაიმეორა თავისი ვარჯიში სწრაფად და მოხერხებულად. ფელდკურატი კი ამ დროს ფანჯრის მინაზე თითებით სამგლოვიარო მარშს უკრავდა.

სალამომ, რომელიც მთლიანად მიეძღვნა ღვთისმოსავ სჯა-ბაასს, რამდენიმე ფაზა გაიარა. ფელდკურატი ისე გულმხურვალედ შელალადებდა ღმერთს, რომ შუალამემდე გაისმოდა მისი ბინიდან სიმღერა:

როცა ომში მივდიოდით რიხითა და მონღოლებით, —

განშორებით გულმოკლულნი ცრემლებს ღვრიდნენ გოგონები.

მას ბანს აძლევდა ყოჩაღი ჯარისკაცი შეეიკი.

სამხედრო ჰოსპიტალში მოუთმენლად ელოდნენ ზეთის კურთხევას ორნი: მოხუცი მაიორი და თადარიგის ოფიცერი, ბანკის ყოფილი მოხელე. ორთავეს კარპატებში ტყვია მოხვედროდათ მუცელში და ახლა გვერდიგვერდ იწვნენ. თადარიგის ოფიცერი თავის მოვალეობად თვლიდა ზეთისცხება მიეღო, ვინაიდან მისმა უფროსმა, მოხუცმა მაიორმა მოისურვა ზეთისცხების მიღება, ოფიცერი კი, ხელქვეითი იყო და თვლიდა, მორჩილებას დავარღვევ, თუ ზეთისცხებაზე უარს ვიტყვი. ღვთისმოსავემა მაიორმა ზეთისცხება მოისურვა იმ იმედით, რომ ლოცვა-კურთხევა მას განკურნავდა. მაგრამ ზეთის კურთხევის წინა ღამეს მათ განუტევეს სული და დილით, როცა ჰოსპიტალში ფელდკურატი შვეიკთან ერთად გამოცხადდა, ორივე მეომარი ზეწარგადაფარებული იწვა. მათ სახეები ჩაშავებულათ, თითქოს გაგუღვისგან მომკვდარიყვნენ.

— რა ზარზეიმითა და დიდის ყოფით მოვდიოდით, პანე ფელდკურატ, პირში თითგამოვლებული კი დავრჩით! — ბედის სამღურავი გამოთქვა შვეიკმა, როცა კანცელარიაში მათ აცნობეს, რომ იმ ორს ამქვეყნიური უკვე აღარაფერი ესაჭიროებათო.

მართლაცდა, არ იკითხავთ, რა ამბით მოდიოდნენ. ეტლში ცხდნენ, შვეიკი ზარს რეკდა, ფელდკურატს კი ხელში ხელსახოცში გახვეული ზეთიანი ბოთლი ეჭირა და სერიოზული გამომეტყველებით ლოცავდა გამვლელებს, რომლებიც ქუდს ცხდიდნენ. მართალია, ასეთები არც ისე ბევრნი იყვნენ, მიუხედავად იმისა, რომ შვეიკი ძალიან ცდილობდა თავისი ზარით რაც შეიძლება დიდი ხმაური აეტეხა. ეტლს ბიჭბუჭები მისდევდნენ, ერთი უკან ჩამოკიდებოდა, დანარჩენები ყიჟინას აყრიდნენ:

— უკან, უკან, ძია!

შვეიკი ზარს აწკარუნებდა, მეეტლე უკან ჩამოკონწიალებულ ბიჭს მათრახს უტყლაშუნებდა. ვოდიჩკოვეს ქუჩაზე ეტლს ვილაც ქალი დაეწია, წმიდა ღვთისმშობლის მარიამის კონგრეგაციის წევრი. მან მიიღო ფელდკურატისგან კურთხევა ისე, რომ ეტლის სვლა არ შეუწინებიათ. ქალმა პირჯვარი გადაისახა, მერე გადააფურთხა:

— ქაჯებივით მიაჭენებენ ამ უფალ ღმერთს. მაგათ ხელში ჭლეკი დაგემართება ადამიანს, აბა რა იქნება! — და ქოშინით დაბრუნდა თავის ადგილზე.

ყველაზე მეტად ზარის რეკა აწუხებდა მეეტლის ფაშატს, რომელსაც ამ ხმასთან, ჩანს, წარსულის რალაც მოგონებანი აკავშირებ-

და. ის წამდაუწუმ უკან იხედებოდა და დროგამოშვებით ლამობდა შუა ქვაფენილზე აცეკვებულიყო.

აი ეს იყო მთელი ის ზეიმურობა, რომლის შესახებაც შვეიკი ლაპარაკობდა.

ფელდკურატი კანცელარიაში შვეიდა ზეთის კურთხევის ფინანსური მხარის დასაზუსტებლად და ჰოსპიტლის მოანგარიშეს ანგარიში წარუდგინა, რომლის მიხედვით სამხედრო უწყებას მისთვის, ფელდკურატისთვის, უნდა გადაეხადა დაახლოებით ას ორმოცდაათი კრონი ნაკურთხი ზეთის საფასურად და გზის ხარჯების ასანაზღაურებლად. ჰოსპიტლის უფროსსა და ფელდკურატს მთელი დევა შეეკმნათ ამ თემაზე. ფელდკურატმა მუშტი დაჰკრა მაგიდას და განაცხადა: — ტყუილა ნუ ფიქრობთ, კაპიტან, რომ ზეთის კურთხევა მუქთად ხდება. როცა დრაგუნთა ოფიცერს ცხენთსაშენში მიავლინებენ ცხენებზე, მას ხომ სამივლინებოს აძლევენ! სულითა და გულით ვწუხვარ, რომ იმ ორ დაჰკრილს ვერ მოვუსწართ, თორემ მათი ზეთის კურთხევა ორმოცდაათი კრონით მეტი დაგიჯდება.

შვეიკი ფელდკურატს ქვემოთ ელოდებოდა, საყარაულოში. ხელში ბოთლი ეჭირა ნაკურთხი ზეთით, რომელმაც სალდათებში გულწრფელი ინტერესი აღძრა. ერთმა გამოთქვა აზრი, რომ ეს ზეთი სავსებით გამოსადეგია შაშხანებისა და ხიშტების საწმენდად. ახალგაზრდა ჯარისკაცმა, ჩეხომორავიის მთებიდან ჩამოსულმა, რომელსაც ჯერ ისევ წამდა ღმერთი, ამხანაგებს სთხოვა, ასეთ რამეებს ნუ ლაპარაკობთ და დავასაც ნუ გამართავთ წმიდა საიდუმლოებებზე: ჩვენ, როგორც ქრისტიანებმა, იმედი არ უნდა დავკარგოთ.

ხანში შესულმა სათადარიგო ჯარისკაცმა შეხედა გამოუცდელ ახალგაზრდას და თქვა:

— კარგი იმედია, როცა შრაპნელი თავს წაგაწყვეტს! გვაპამპულეზდნენ მხოლოდ! ომამდე ჩვენთან ერთი კლერიკალი დეპუტატი მოვიდა და გველაპარაკებოდა ცათა სასუფეველზე, რომელიც დედამიწაზე დამკვიდრდება. ღმერთს ომი არ სურსო, მას სურს ყველამ ძმურად ვიცხოვროთო. მაგრამ როგორც კი ომმა იფეთქა, ყველა ეკლესიაში გაიმართა წირვა-ლოცვები ჩვენი იარაღის გამარჯვებისთვის, ღმერთს კი ახსენებდნენ ვითარცა გენერალური შტაბის უფროსს, რომელიც სამხედრო მოქმედებებს ხელმძღვანელობს. რამდენი მიცვალებული გაიტანეს ამ ჰოსპიტალიდან, ჩემი თვალით მაინც არ მენახა! მოკვეთილი ხელები და ფეხები პირდაპირ საზიდურებით გაჰქონდათ!

— ჯარისკაცს დედისგან დასაფლავებენ, — თქვა მეორემ, — მიცვალებულის ტანსაცმელს კი ცოცხალს აცმევენ. და ასე შიშის რიგრიგობით.

— სანამ ომს არ მოვიგებთ, — დასძინა შვეიკმა.

— ომს ასეთი ტუტუცი დენშიჩი მოიგებს! — გამოეხმაურა კუთხიდან ათისთავი. — ფრონტზე უნდა უკრა თავი ასეთებს, სანგრებში ჩარეკო, მაგათი დედა ავატირე, ხიშტებზე წამოაგო, მავთულხლართებზე მიაყლიტო, სამგლე ორმოებში ჩაყარო, ნაღმსატყორცნებზე მიუშვა. ზურგში ნებივრად ცხოვრება ყველას ეხერხება, ფრონტზე სიკვდილი კი არავის ეხალისება.

— მე კი ვფიქრობ, ალბათ ძალიან ზორბა რაღაცაა, როცა ხიშტს მკერდში გატაკებენ! — თქვა შვეიკმა. — არც ის იქნება ცუდი, როცა მუცელში ტყვიას დაგახლიან, ამაზე უკეთესი კი, უთუოდ, ისაა, როცა ადამიანს ყუმბარა შუაზე გაგლეჯს და იგი ხედავს, რომ მისი ფეხები მუცელთან ერთად მისგან მოშორებით აგდია. ეს მას იპლენად უცნაურად მოეჩვენება, რომ გაოცებისგან უმაღ კვდება, სანამ საქმის ვითარებას განუმარტავდნენ.

ახალგაზრდა ჯარისკაცმა მთელი გულით ამოიოხრა. მას შეეცოდა თავისი სიახალგაზრდავე. რა ეშმაკად დავიბადე ამ სულელურ საუკუნეშიო? განა იმისათვის, რომ ძროხასავით დამკლან სასაქლაოზე? რატომ, თორემ კი?

ერთმა ჯარისკაცმა, პროფესიით მასწავლებელმა, თითქოს მისი ფიქრები წაიკითხაო, შენიშნა:

— ზოგიერთი მეცნიერები ომის წარმოშობას მზეზე ლაქების გაჩენით ხსნიან. როგორც კი მზეზე ის ლაქები გაჩნდება, დედამიწაზე ყოველთვის უთუოდ რაღაც უბედურება დატრიალდება. კართაგენის დაცემა...

— თქვენი სწავლულობა თქვენთვის შეინახეთ, — შეაწყვეტინა მას ათისთავმა. — უკეთესი იქნება, იატაკი დაჰგავოთ, დღეს თქვენი ჯგერია. რა გვესაქმება იმ სულელურ ლაქასთან, რომელიც მზეზე ჩნდება! თუნდაც ოციც რომ გაჩნდეს იქ ის ლაქა, ქურქს იმათგან ვერ შეიკერავთ!

— მზის ლაქებს ნამდვილად დიდი მნიშვნელობა აქვთ, — ჩაერია ლაპარაკში შვეიკი. — ერთხელ მზეზე გაჩნდა ლაქა და სწორედ იმ დღეს მწარედ მომბეგვეს ნუსლეს სამიკიტნოში „უ ბანზეტუ“. ამის შემდეგ, როცა სადმე წასვლას დავაპირებ ხოლმე, გაზეთში ჩავიხედავ — ლაქა ხომ არ გამოჩენილა-თქო. და თუ გავიგე, რომ ლაქა გამოჩენილა, თქვენც არ მომიკვდეთ, ფეხს არსად გავადგამ და მის



გაქრობას ველოდები. როცა ვულკანმა მონპელემ მთელი კუნძული მარტინიკი გაანადგურა, ერთმა პროფესორმა „ნაციონალურ პოლიტიკაში“ დასწერა, დიდი ხანია ვაფრთხილებდი ჩვენს მკითხველებს მზეზე უზარმაზარი ლაქის გამოჩენის შესახებო. მაგრამ „ნაციონალური პოლიტიკა“, ჩანს, დროზე არ მიუტანიათ იმ კუნძულზე. და აი აუგუგუნდათ მათ ფენქვეშ ცეცხლისმფრქვეველი მთა!

ამ ხანობაში ფელდკურატი ზემოთ კანცელარიაში წააწყდა ერთ ქალს „რიგითი ჯარისკაცების რელიგიური აღზრდის დიდგვაროვან ქალთა კავშირიდან“, ბებერ, საძაგელ ყაჩაღანას, რომელიც დილიდანვე პოსპიტალში დადიოდა და მარჯვნივ და მარცხნივ არიგებდა წმიდანთა პატარა ხატებს. დაჭრილი და ავადმყოფი ჯარისკაცებია ამ ხატებს საფურთხში ჰყრიდნენ.

იგი ყველას ძარღვებს უშლიდა თავისი ბრყვეული ლაყბობით იმის შესახებ, რომ საჭიროა გულწრფელად მოინანიოთ თქვენი შეცოდებანი და გამოსწორდეთ, რათა სიკვდილის შემდეგ ყოვლად მოწყალე უფალმა საუკუნო ნეტარება მოგანიჭოთო.

იგი ფერდაკარგული იყო, როცა ფელდკურატს ელაპარაკებოდა.

— ეს ომი, ნაცვლად იმისა, რომ გააკეთილშობილოს სალდათები, ამხეცებს მათ.

ქვედა პალატაში ავადმყოფებმა მას ენა გამოუყვეს და პირში მიახალეს: — შე მაიმახო, შე თხის ღმერთო, ვალაბის ჭაკო სახედაროო.

— Das ist wirklich, schrecklich, Herr Feldkurat, das Volk ist verdorben! <sup>1</sup> და მან გააბა ლაქლაქი იმის შესახებ, თუ როგორ აქვს წარმოდგენილი ჯარისკაცის რელიგიური აღზრდა. ჯარისკაცი მხოლოდ მაშინ იბრძვის გულადად თავისი ხელმწიფე-იმპერატორისთვის, როცა მას წამს ღმერთი და აღსავსეა რელიგიური გრძნობებითო. მხოლოდ მაშინ არ ეშინია მას სიკვდილის, როცა იცის, რომ საიქიოს სამოთხე მოელისო.

ყბედმა ქალმა კიდევ ბევრი რაღაცა იჩერჩეტა და ეტყობოდა, ფელდკურატის გაშვებას არ აპირებდა. მაგრამ ფელკურატი სრულებით უბოდიშოდ გამოემშვიდობა მას.

— წავედით შინ, შვეიც! — შესძახა მან საყარაულოში.

უკან ბრუნდებოდნენ ყოველგვარ ზეიმს მოკლებულნი.

— სხვა დროს, ვისაც სურს, ის წაბრძანდეს ზეთის კურთხევა-

<sup>1</sup> მართლაც, ეს საშინელებაა, პანე ფელდკურატ. ხალხი ისე გაფუქდა (გერმ.).

ზე, — თქვა ფელდკურატმა. — თვითეული ადამიანის სულის საცხონებლად ვაჭრობა და ლიჯინი გიხდება კაცს. ბუნჯალტერიის მეტი არაფერი სწამთ ამქვეყნად! არამზადები!

შვეიკის ხელში ბოთლი რომ დაინახა „ნაკურთხი ზეთით“, იგი მოიღუშა.

— ყველაზე კარგს იზამთ, შვეიკ, თუ მაგ ზეთით ჩემსა და თქვენს ჩექმებს გაპოხავთ.

— გარდა ამისა, ვცდი კარის საკეტი და ანჯამაც გაუზეთო, — დასძინა შვეიკმა, — თორემ საშინლად ჭრიალებს, ლამით გვიან რომ მოდიხართ შინ.

ასე დამთავრდა ზეთის კურთხევა, რომელიც არც შემდგარა.

---



თ ა ვ ი X I V

## შვეიცი — პორუჩიკ ლუკაშის დენუჩიკი

### I

დიდხანს არ გაგრძელებულა შვეიკის ბედნიერება. მკაცრმა ხვედრმა შესწყვიტა მისი მეგობრული დამოკიდებულება ფელდკურატთან. თუ აქამდე ფელდკურატი სიმპათიური პიროვნება ჩანდა, მისმა უკანასკნელმა საქციელმა მას ნილაბი ჩამოხადა.

ფელდკურატმა შვეიკი პორუჩიკ ლუკაშს მიჰყიდა, უფრო სწორად რომ ვთქვათ, წააგო იგი ბანქოს თამაშში: ასე ოდესღაც რუსეთში ყმებსა ჰყიდდნენ.

ყოველივე ეს სრულიად შემთხვევით მოხდა. პორუჩიკ ლუკაშთან ერთხელ თავი მოიყარა სასიამოვნო კომპანიამ. თამაშობდნენ „ოცდაერთს“. ფელდკურატმა ყველაფერი წააგო და განაცხადა:

— რამდენი შეგიძლიათ მასესხოთ ჩემი დენუჩიკის გირაოში? საშინელი ყუყუერი ვინმეა, მაგრამ ძალიან საინტერესო გარეგნობა აქვს

რადაც non plus ultra<sup>1</sup>. ნაძღვეს დავდებ, რომ ასეთი დენშჩიკი არც ერთ თქვენგანს ჯერ არ ჰყოლია.

— ვიძღვეი ას კრონს, — შესთავაზა პორუჩიკმა ლუკაშმა. — თუ ზეგამდე ფულს არ დამიბრუნებ, იმ იშვიათ ეგზემპლარს მაახლებ. ჩემი დენშჩიკი საძაგელი ვინმეა — გამუდმებით ოხრავს, წერილებს წერს შინ და ამასთანავე იპარავს ყველაფერს, რასაც წააწყდება. ერთხელ ცემით გავასავათე — არ იმოქმედა. ახლა სადაც წამოვეწევი, სილას ვუთავაზებ ხოლმე, მაგრამ ესეც არ შველის. წინა ორი კბილი ჩავემტვრიე, ამანაც არ გამოასწორა.

— ხელს მაძღვეს, — თავქარიანად დაეთანხმა ფელდკურატი.

— ზეგ ან ას კრონს მიიღებ, ან შვეიკს გაახლებ.

მან ეს ასი კრონიც წააგო და გულდაწყვეტილი ბანცალით გაუდგა გზას შინისაკენ. ოტო კატცმა მშვენივრად იცოდა, რომ ზეგამდე იგი ფულს ვერსად იშოვნინდა, რომ შვეიკს საზიზღრად მოექცა და ამასთანავე იათადაც გაჰყიდა იგი.

„ორასი კრონი უნდა მეთხოვა შვეიკში“, — უსაყვედურებდა იგი თავის თავს. როცა ტრამვაიში ჯდებოდა, რომლითაც რამდენიმე წუთში შინ უნდა მისულიყო, სინდისის ქენჯნა იგრძნო და სენტიმენტალურ გუნებაზე დადგა.

„ლამაზად ვერ გამომივიდა, — ფიქრობდა იგი, როცა თავისი ბინის ზარს რეკდა. — როგორ გავუხსწორო ახლა თვალი მის მიამიტურ, კეთილ თვალებს...“

— ძვირფასო შვეიკ, — თქვა მან, როცა ოთახში შედიოდა, — დღეს მე უცნაური ამბავი შემემთხვა. თამაშში არც ერთმა ხელმა არ გამოიმართლა. იცით, გადავედი ვა-ბანკი, ხელში ტუზი მქონდა, ავიღე ათიანი. ბანქოს დამრიგებელს ხელზე მხოლოდ ვალეტი ჰქონდა და მაინც მოაგროვა „ოცდაერთამდე“. მერე რამდენიმეჯერ ვითამაშე ხან ტუზზე, ხან ათიანზე და ბანქოს დამრიგებელს ყოველთვის იმდენივე აღმოაჩნდა. წაევაგე მთელი ფული...

მას სიტყვა გაუწყდა.

—...და ბოლოს წაევაგე თქვენი თავიც. თქვენს გირაოში სესხად ასი კრონი ავიღე, და ზეგამდე თუ არ დავაბრუნე, თქვენ უკვე ჩემი კუთვნილება კი აღარ იქნებით, არამედ პორუჩიკ ლუკაშის. მართალი გითხრათ, ძალიან ვწუხვარ...

— ასი კრონი მე მექნება, — თქვა შვეიკმა. — შემიძლია გასესხოთ.

— რას ამბობთ, თქვენი ჰირიზე, მიშველეთ, მომეცით ეგ ფუ-

<sup>1</sup> განუშეორებელი (ლათ.).

ლი, — გამოცოცხლდა ფელდკურატი. — ახლავე წაველებ ლუკას. მართალი გითხრათ, ძალიან არ მინდა თქვენთან განშორება.

ლუკაში ცოტა არ იყოს გაოცდა, როცა თავის სახლში კვლავ დაინახა ფელდკურატი.

— მოვედი, ვალი უნდა გადაგიხადო, — განუცხადა ფელდკურატმა გამარჯვებულის სახით. — მეც მომეცით კარტი.

— აბა ერთი... — წარმოთქვა მან, და როცა მისი ჯერი დადგა, დაუმატა — მართო ერთი ქულით გადამიცილდა; როცა შემდეგმა წრემ მოაწია, მან თქვა: მაშ ასე, ვთამაშობ. მერე წამოიძახა: — ვეიდულობ! შესდექ!

— ოცი, — განაცხადა ბანქოს დამრიგებელმა.

— მე ცხრამეტი მაქვს, — წყნარად წარმოთქვა ფელდკურატმა და ბანქში უქანასკნელი ორმოცი კრონი ჩადო იმ ასიანისგან, რომელიც მას შვეიკმა ასესხა ახალი მონობისგან თავის გამოსასყიდად.

როცა ფელდკურატი შინ ბრუნდებოდა, იმ დასკვნამდე მივიდა, რომ ყველაფერი დაიღუპა, რომ შვეიკს ვერაფერი უშველიდა და მას, ალბათ, ბედად ასე უწერია — პორუჩიკ ლუკაშთან იმსახუროსო. როცა შვეიკმა კარები გაუღო, ფელდკურატმა თქვა:

— ყველაფერმა ტყუილად ჩამიარა, შვეიკ. ბედისწერას ვერ აცდება ადამიანი. წავაგე თქვენი თავიცა და თქვენი ასი კრონიც. ყველაფერი გავაკეთე, რაც შემიძლო, მაგრამ ბედისწერა ჩემზე ძლიერია. ბედმა ჩაგაგდოთ თქვენ ამიერიდან პორუჩიკ ლუკაშის ბრჭყალებში... დადგა უკან ჩვენი განშორებისა.

— როგორ მოხდა, ბანკი მოგიხსნეს, თუ ბანქობაში გავშვლი-  
პეს? — მშვიდად შეეკითხა შვეიკი. — ცუდია, როცა კარტა არ მო-  
დის, მაგრამ უარესია, თუ მეტიხსმეტად გიჭრით კარტი... ზღერაზე-  
ში ცხორებდა ერთი ბეთუნუქე, გვარად ვეივოდა, ხშირად თამა-  
შობდა „მარიაშ“ ტრაქტირ „სტოლეტოუ კავარნოუში“. ერთხელ  
რალაც ეშმაკმა უბიძგა და მოთამაშებებს შესთავაზა: „ხომ არ ვითა-  
მაშოთ ოცდაერთი ხუთ-ხუთ კრეიცერზე?“ დასხდნენ სათამაშოდ.  
კარტს არიგებდა თვითონ მეთუნუქე. ყველამ წააგო, ბანკი გაიზარ-  
და, ათეული კრონები დაგროვდა. მოხუც ვეივოდას უნდოდა თი-  
თო ხელი მაინც სხვებზეა მოეგო და ყოველთვის ჩაილაპარაკებდა  
ხოლმე: „აბა, პატარავ და უხეიროვ ჩემკენ“. ვერ წარმოიდგენთ,  
როგორ არ უმართლებდა: პატარა და უხეირო არასგზით არ მო-  
დიოდა! ბანკი იზრდებოდა, იქ უკვე ასეულები იყრიდა თავს. მო-  
თამაშებებს არც ერთს იმდენი არ ჰქონდა, რომ ვა-ბანკი ჩასული-  
ყო. ვეივოდა მთლად ოფლში გაიწურა. მხოლოდღა გაისმოდა: „აა-

ტარავ, უხეიროვ, აქეთ“. მოთამაშეები დებდნენ ხუთ-ხუთს და ყოველთვის აგებდნენ. ერთმა მოთამაშემ, ბუხრის მწმენდელმა. ისე აიწყვიტა, რომ შინ გააქცა ფულის მოსატანად და როცა ბანკში ერთნახევარ ასეულზე მეტი დაგროვდა, ვა-ბანკი ჩავიდა. ვეივოდას უნდოდა თავი დაეღწია ბანკისგან და, როგორც მერმის ჰყვებოდა, გადაწყვიტა შეეძინა კარტი თუნდაც ოცდაათამდე, ოღონდ კი არ მოეგო, მაგრამ ერთბაშად ორი ტუზი ამოუვიდა. ეს არ შეიმჩნია, ისე მოაჩვენა, თითქოს არაფერი ჰქონდა და განგებ თქვა: „თქვესმეტი“. ბუხრის მწმენდელს კი სულ რაღაც თხუთმეტი თუ ჰქონდა. აი ეს განა ხელის გაუმართლებლობა არ არის! ბედშავ მოხუც ვეივოდას ფერი ეცვალა, საცოდავი შესახედავი გახდა, ირგვლივ კი ბუზღუნი, ლანძღვა-გინება გაიქცა, ერთმანეთს უჩურობდნენ, ვეივოდა ბანკში თაღლითობსო და ერთხელ უკვე სცემეს კიდეც უპატიოსნო თამაშისთვისაო, ნამდვილად კი ძალიან პატიოსანი მოთამაშე იყო. ბანკში მოდიოდა და მოდიოდა კრონი კრონზე. იქ უკვე ხუთაი კრონი იყო. ამას ახლა მიკიტანმაც ვეღარ გაუძლო. შემონახული ჰქონდა ფული ლუდსახდელი ქარხნისთვის გადასახდელად. ამოიღო ეს ფული, მიუჯდა მაგიდას, პირველად წააგო ორი ხელი ას-ასი კრონი, მერე მოხუჭა თვალები, გადაატრიალა სკამი ბედნიერების მოსატანად და განაცხადა, რომ ვა-ბანკს ჩადის. „ეთამაშობთ აშკარად!“ — თქვა მან. მოხუცი ვეივოდა, მგონი, მზად იყო ყველაფერი მიეცა, რაც ებადა, ოღონდ წაეგო. ყველას გაუკვირდა, როცა შეიღიანი მოუვიდა და დაიტოვა. მიკიტანმა უღვაშებში ჩაიციინა — მას ოცდაერთი ჰქონდა. მოხუც ვეივოდას მეორე შეიღიანი ამოუვიდა, და ისიც დაიტოვა. „ახლა ტუზი ან ათიანი მოუვა, — შენიშნა მიკიტანმა ნიშნის მოგებით. — თავს დაედებ მოსაჭრელად, პანე ვეივოდა, თქვენი აღსასრული უკვე დადგა“. ყველამ სუნთქვა შეიკრა. ვეივოდა აძრობს ნელ-ნელა კარტს და... ისევ შეიღიანი გამოდის. მიკიტანს მკვდრის ფერი დაედო (ეს მისი უკანასკნელი ფული იყო) და სამზარეულოში გავიდა. ერთი წუთის შემდეგ მოიბრძინა ბიჭუნამ, რომელიც მიკიტანს შეგირდად ჰყავდა, და იყვირა, არიქა, ჩამოხსენით მიკიტანი, ფანჯრის სახელურზეა ჩამოკიდებულიო. გამოაძვრეს მარყუჟიდან, მკვდრეთით აღადგინეს და ისევ სათამაშოდ დასხდნენ. ფული უკვე აღარავის ჰქონდა, მთელი ფული ვეივოდასთან იდო ბანკში დახვებულთ, ვეივოდა კი თავისას გაიძახის: „პატარავ, უხეიროვ, ჩეკენ“ და მის ბედნიერებას საზღვარი არ ექნებოდა, ხელიდან რომ



ყველაფერი გამოცლოდა, მაგრამ კარტი ხომ უნდა გაეშალა და მაგი-  
 დაზე გადმოელაგებინა, არ შეეძლო ეთაღლითა და განგებ შეეცვალა.  
 ყველა გაცეცხლებული იყო, ბანქოში ასეთი რა ბედი სწყალობდა ამ  
 კაცს. მოილაპარაკეს: თუ ნაღდი ფული შემოგვევლია, ხელწერილე-  
 ბით ვითამაშოთო. თამაში რამდენიმე საათს გრძელდებოდა, და  
 მოხუცი ვეივოდას წინ ათასები ათასებზე ეწყობოდა, ფული მთა-  
 სავით დგებოდა. ბუხრის მწმენდელს ბანკის უკვე მილიონნახევარ-  
 ზე მეტი ემართა, ზღერაზელ მენახშირეს დაახლოებით ერთი მი-  
 ლიონი, „სტოლეტოუ კავაროუს“ მეკარეს — რვაასი ათასი კრო-  
 ნი, ფერშალს კი — ორ მილიონზე მეტი. მარტო იმ ჯამში, რო-  
 მელშიც მიკიტნის სასარგებლოდ მოგების ნაწილი იღებოდა, ქა-  
 ლაღის ნაგლეჯზე სამას ათასზე მეტი იყო აღნიშნული. მოხუ-  
 ცი ვეივოდა სხვადასხვა ოინებს მიმართავდა: წამდაუწუმ საპირფა-  
 რეშოში მირბოდა და თავის ნაცვლად სხვა ვინმეს არიგებინებდა  
 ბანქოს, მაგრამ, როცა უკან დაბრუნდებოდა, აცნობებდნენ, მოი-  
 გო, ოცდაერთი ამოგივიდაო. მოიტანეს კარტის სხვა დასტა, მაგრამ  
 ამანაც არ უშველა. როცა ვეივოდა თხუთმეტზე შეჩერდებოდა,  
 პარტნერს თოთხმეტი აღმოაჩნდებოდა. ბრაზმორეულ მებანქო-  
 ვეებს დანა პირს არ უხსნიდა, ხოლო ქვაფენილის მკირწყლავი,  
 რომელმაც ნაღდ ფულად სულ რაღაც რვა კრონი თუ წააგო, თავ-  
 შეუთქავებლად იგინებოდა. მან აშკარად განაცხადა, რომ ვეივოდას-  
 თანა ადამიანების სინსილა ქვეყანაზე უნდა გაწყდესო, ერთი მაგ-  
 რად უნდა დააპანდუროთ, კარში გააგდოთ და ლეკვივით მდინარეში  
 დაახრჩოთო. ვერ წარვიდგენთ, მოხუცი ვეივოდა რა დღეში ჩა-  
 ვარდა. ბოლოს, თავში ერთმა აზრმა გაუელვა. „საპირფარეშოში  
 უნდა წავიდე, — მიუბრუნდა იგი ბუხრის მწმენდელს. — ჩემ მა-  
 გივრად ითამაშეთო“ და ასე უქუდოდ პირდაპირ მისლიკის ქუჩაზე  
 გავარდა პოლიციის საძებრად, წააწყდა პატრულს და აცნობა, ამა  
 და ამ ტრაქტირში აზარტული თამაშია გამართულიო. პოლიციე-  
 ლებმა უბრძანეს, ტრაქტირში დაბრუნდი და ჩვენი ფეხდაფეხ მო-  
 გყვებითო. როცა ვეივოდა უკან მოვიდა, აცნობეს, შენს აქ არ  
 ყოფნაში ფერშალმა ორ მილიონზე მეტი წააგო, მეკარემ კი — სამზე  
 მეტიო. მიკიტნის ჯამში ახლა უკვე ხუთას ათასიანი ხელწერილი  
 იღო. მალე პოლიციელებიც შემოიჭრნენ ოთახში. მკირწყლავმა  
 დაიყვირა: „აბა, თავს უშველეთ, ვისაც შეგიძლიათ!“ — მაგრამ  
 უკვე გვიანლა იყო. ბანკს ყადაღა დაადეს და ყველანი პოლიციაში  
 წარეკეს. ზღერაზელი მენახშირე გაუძალიანდა და იგი კალათათი  
 წაათრიეს. ბანკში აღმოჩნდა ნახევარ მილიარდზე მეტი სესხის ბა-



რათი და ათას ხუთასი კრონი ნაღდ ფულად. „ამის მსგავსი ჩემს სიცოცხლეში არაფერი მინახავს, — თქვა პოლიციის იმსპექტორმა, როცა ასეთი თავბრუდამხვევი თანხები დაინახა. — მონტე-კარლო მიჰქარავს ამასთან შედარებით“. ყველანი, გარდა მოხუცი ვეივოდასი, პოლიციის კომისარიატში დილამდე აყურყუტეს. ვეივოდა, როგორც დამბეზღებელი, გაუშვეს და დაპირდნენ, ჯილდოდ მიიღებ ჩამორთმეული ბანკის კანონიერად კუთვნილ მესამედს, ას სამოც მილიონ კრონზე მეტსო. მოხუცი ყოველივე ამისგან ღამით ჭკუაზე შეირყა და დილით მთელ პრალაში დარბოდა, დუჟინობით ცეცხლგამძლე კარადებს უკვეთავდა... ამას ჰქვია — კარტში ბედმა გაუღიმაო!

შვეიკმა დაამთავრა თავისი ამბავი და გროგის დასამზადებლად გავიდა. ღამით ფელდკურატს, რომელიც შვეიკმა ძლივს დააწვინა ლოჯინში, ცრემლი მოერია და აღრიალდა.

— გაგყიდე, ჩემო მეგობარო; გაგყიდე, — ზღუქუნებდა იგი, — უსინდისოდ გაგყიდე. მწყევლე, ფეხქვეშ ჩამიგდე და მცემე, ყველაფრის ღირსი ვარ, მე უნამუსო! სხვის საძიძვნად გაგიმეტე. თვალებში ველარ გიყურებ. ერთი თავში ჩამაფარე, კბილებში ჩამცხე, ნეკნები ჩამიმტვრიე. ეს დავიმსახურე შენს წინაშე. იცი, მე ვინა ვარ?

ნამტირალევი პირისახე ბალიშში ჩარგო და წყნარი, ნაზი ხმით, გაჭიანურებით წარმოთქვა:

— უკანასკნელი ფლიდი და გაიძვერა... — და ძილმა თავი წაართვა.

მეორე დღეს სულ პირს არიდებდა შვეიკს და აღრე გავიდა სახლიდან. დაბრუნდა მხოლოდ ღამით და თან ერთი სქელი ქვეითი ჯარისკაცი მოიყვანა.

— შვეიკ, — უთხრა მან, თან ისევ თვალს ვერ უმართავდა, — აჩვენეთ ამას, სად რა არის, რომ საქმის კურსში იყოს, ამასთანავე გროგის დამზადებაც ასწავლეთ. თქვენ კი დილით პორუჩიკ ლუკაშთან გამოცხადდებით.

შვეიკმა და მისმა შემცველმა სასიამოვნო ღამე გაატარეს გროგის დამზადებაში. გათუნების ხანს ჩასუქებული ქვეითი ჯარისკაცი ძლივსლა იდგა ფეხზე და ცხვირში ბუბუნებდა ერთმანეთში არეულ-დარეულ სხვადასხვა ხალხურ სიმღერებს: „ხოლოვის ახლო ღელე მოწანწკარებს, წითელ ლულს მაწოდებს ჩემი გოგო.


მთაო, მთაო მაღალო, ბილიკ-ბილიკ მიდიოდნენ გოგოები, ბელა გორაზე გლეხი კაცი მიწასა ხნაეს...“

— შენი იმედი ნამდვილად მაქვს, — უთხრა შვეიკმა. — ასეთი ნიჭის პატრონი ფელდკურატთან გაძლებ.

ამრიგად, პირველი, რაც ამ დილით პორუჩიკმა ლუკაშმა დაინახა, ეს იყო პატიოსანი, გაბადრული სახე ყოჩად ჯარისკაც შვეიკისა, რომელმაც უპატაკა:

— მაქვს პატრევი მოგახსენოთ, პანე ობერ-ლეიტენანტ, გახლავართ სწორედ ის შვეიკი, პან ფელდკურატმა კარტში რომ წამაგო.





## II

• დენშიკის ინსტიტუტი ძველისძველი წარმოშობისაა. ამბობენ, ჯერ კიდევ ალექსანდრე მაკედონელს ჰყავდა დენშიკიო. ყოველ შემთხვევაში, სრულებით საეჭვო არაა, რომ ფეოდალიზმის ეპოქაში ამ როლში გამოდიოდნენ რაინდების საჭურველთმტვირთველნი. ვინ იყო, ვთქვათ, დონ კიხოტის სანჩო პანსა? პირდაპირ საკვირველია, რომ დენშიკების ისტორია აქამდე არავის დაუწერია. თორემ იქ შეგვეძლო წაგვეკითხა, შიმშილისაგან გამწარებულმა ალმაჯირის პერცოგმა ალყაშემორტყმულ ტოლედოში როგორ შექამა თავისი დენშიკი, და ისიც უმარაილოდ; ამის შესახებ ჰერცოგი თვითონ წერს თავის მოგონებებში და გვაუწყებს, ჩემი მსახურის ხორცი ნაზი, რბილი და ნოყიერი იყო, გემოთი ქათმის ხორცსა და ჭკვი ვირის ხორცს შორის რაღაც საშუალოს წარმოადგენდაო.

ერთ ძველ შვაბურ წიგნში სამხედრო ხელოვნების შესახებ ჩვენ, სხვათა შორის, გვხვდება დენშიკის დარიგებანი. ძველ დროში დენშიკი უნდა ყოფილიყო ღვთისმოსაშიშარი, სათნო, ალალმართალი, მოკრძალებული, გულადი, თავგამოდებული, პატიოსანი და

შრომისმოყვარე, — ერთი სიტყვით, ადამიანის იდეალი. ჩვენმა ეპოქამ ბევრი რამ შესცვალა ამ ტიპის ხასიათში. თანამედროვე დენშჩიკი ჩვეულებრივ არაა ღეთისმოშიში, არც სათნოა, და არც ალაღმართალი. სტრუბზს, ატყუებს თავის უფროსს და ხშირად ჯოჯოხეთად აქცევს მის სიცოცხლეს. ეს მლიქვნელი მონაა, რომელიც ათასნაირ მზაკვრულ ოინებს მიმართავს, რომ სიცოცხლე მოუწაპლოს თავის ბატონს.

დენშჩიკთა ახალ თაობაში უკვე აღარ მოიძებნებიან თავგანწირული არსებანი, აღმავირის ჰერცოგის დენშჩიკის, კეთილშობილ ფერნანდოს მსგავსნი; არა მგონია, რომ მათ გააჩნდეთ იმდენი თავგანწირვა, თავის უფროსებს მოკრძალებით შესთავაზონ — ინებეთ, უმარილოდ შეგვეკამეთო. მეორეს მხრივ ჩვენ ვხედავთ, რომ უფროსები თავისი ავტორიტეტის შესანარჩუნებლად სამკვდრო-სასიცოცხლოდ ებრძვიან ახალი დროის დენშჩიკებს და ამისათვის ყოველგვარ აღმკვეთ ზომებს მიმართავენ. ზოგჯერ საქმე ნაძღვილ ტერორამდე მიდის. ასე, მაგალითად, 1912 წელს შტირიის ჰრადცში ერთი ვილაც კაპიტნის პროცესი მიმდინარეობდა, რომელსაც ცემით სიკვდილის პირამდე მიეყვანა თავისი დენშჩიკი. კაპიტანი იმ პროცესზე გააპართლეს, რადგან ასეთი რამ სულ ორჯერ ჰქონია ჩადენილი. ამ ვაებატონების აზრით, დენშჩიკის სიცოცხლე ჩალადაც არა ღირს. დენშჩიკი — ნივთია, ხშირად იგი მხოლოდ ფიტულია მუჯღუგუნის წასაკრავად, მონაა, მსახური, რომელსაც აურაცხელი მოვალეობანი აკისრია. და სრულებით არაა გასაკვირი, თუ ასეთ მდგომარეობაში მონა გაქნილი და ქლესა ადამიანი ხდება. მისი ტანჯვა-წვალება ჩვენს პლანეტაზე შეიძლება შევადაროთ მხოლოდ ძველი დროის რესტორან-სამიკიტნოების ხელზე მსახურ ბიჭების გვემას, რომელთაც წესიერების გრძნობას თავში წათაქებითა და შეუბრალებელი ცემით უნერგავდნენ. თუშცა არის ხოლმე ისეთი შემთხვევებიც, როცა დენშჩიკი იმდენად მალღდება თავისი ოფიცრის თვალში, რომ იგი უფროსის სიყვარულს იმსახურებს და მთელი ასეულის და ზოგჯერ მთელი ათასეულის რიხხვად იქცევა. ყველა უნტერი ცდილობს მისი გულის მოგებას. მისგანაა დამოკიდებული შევებულება, მას შეუძლია შუაშავლობა გასწიოს, რომ პატაკის დროს ყველაფერმა ჯეროვნად ჩაიაროს.

ომის დროს ამ ფავორიტებს ხშირად დიდი და მცირე ვერცხლის მეღლებით აჯილდოებდნენ გულადობისა და მამაცობისთვის.

ოთხმოცდამეთერთმეტე პოლკში ჰე რამდენიმე ასეთ დენშჩიკს ვიცნობდი. ერთმა დადი ვერცხლის მეღალი მიიღო იმისათვის, რომ მარჯვედ იცოდა ბატის მოპარვა, — და ისე გემრიელად შებრა-

წავდა, აღამიანს პირში ნერწყვი მოადგებოდა. მეორე — მცირე ვერცხლის მედლით დააჯილდოეს იმისათვის, რომ შინიდან შესანიშნავ სურსათ-სანოვანებს ღებულობდა დროდადრო: მისი უფროსი საშინელი შიმშილის დროს ჭამად გადაიქცა, და ისე გასუქდა, რომ ძლივს დაბაჯბაჯებდა.

როცა ამ უფროსმა თავისი დენშჩიკი მედლით დაჯილდოებაზე წარადგინა, პატაკში ასე აღნიშნა:

„ჯილდოზე ვადგენ იმისათვის, რომ ბრძოლებში გამოიჩინა არაჩვეულებრივი გულადობა და მამაცობა, არ ზოგავდა თავის სიცოცხლეს და ერთი ნაბიჯითაც არ სცილდებოდა თავის უფროსს, მიუხედავად შეტევაზე გადმოსული მტრის საშინელი ცეცხლისა“.

ის დენშჩიკი კი ამ დროს ჯარის ზურგში დათარეშობდა და საქათმეებს აცარიელებდა. ომმა შესცვალა ოფიცრისა და მისი დენშჩიკის ურთიერთობა; დენშჩიკი ყველაზე საძაგელ არსებად იქცა სალდათების თვალში. დენშჩიკს მთელი ერთი ქილა კონსერვი ჰქონდა ხოლმე მაშინ, როცა ასეულში ერთი ქილა ხუთ კაცს ეძლეოდა. მისი მათარა ყოველთვის საესე იყო რომით ან კონიაკით. მთელი დღე ეს პირუტყვი შოკოლადს წუწნიდა, ოფიცრის ტკბილ ორცხობილებს ხეტაქვდა, თავისი უფროსის სიგარეტებს წვედა, მთელი საათობით რაღაც-რაღაცებს ხარშავდა და ხრაკავდა; ატარებდა გიმნასტურას, რომელიც სწორედ მის ტანზე იყო შეკერილი.

დენშჩიკი კეთილმეგობრულად იყო განწყობილი შიკრიკთან, რომელსაც უხვად უწილადებდა თავის ნასუფრალს და თავის პრივილეგიებსაც ძმურად უყოფდა. ტრიუმვირატს ჩვეულებრივ ავსებდა უფროსი მწერაეი. ეს სამეული, რომელიც მეთაურის ახლო ტრიალეზბდა, ყოველთვის ყველა ოპერაციისა და სტრატეგიული გეგმის კურსში იყო ხოლმე.

ქვედანაყოფი, რომლის მეთაური ასეულის მეთაურის დენშჩიკთან მეგობრობდა, ყველაზე უკეთესად იყო ხოლმე ინფორმირებული. თუ დენშჩიკი იტყოდა: „ორ საათსა და ოცდათხუთმეტ წუთზე გულა-ნაბადს ავიკრფეთო“, მართლაც ზუსტად ორ საათსა და ოცდათხუთმეტ წუთზე ავსტრიის ჯარის ნაწილები იწყებდნენ უკან დახევას მტრის პოზიციებიდან.

დენშჩიკი ინტიმურად, კეთილმეგობრულად იყო განწყობილი საველე სამხარეულოს მხარეულთანაც და სულ ქვაბთან იყო ატუზული, ამასთანავე უკვეთავდა თავისთვის სხვადასხვა საჭმელებს, თითქოს რესტორანში იჯდა და კერძების სია ეჭირა ხელში.

— მე მკერდის ხორცი მიყვარს, — ეუბნებოდა მხარეულს, —

შენ კი გუშინ კუდუსუნი ზომეცი. ჩამიღვევი სუპში ღვიძლი; ხომ იცი, რომ ტყირი დასანახაჲად მეზარება.

დენშიჩი პანიკის შექმნის დიდი ოსტატი იყო. როცა მტერი სანგრებს ყუმბარებს დაუშენდა, დენშიჩის შიშის ქარი აიტანდა ხოლმე. ასეთ შემთხვევაში იგი საკუთარი და თავისი უფროსის ხელბარგით თავს აფარებდა ყველაზე უსაშიშრო ბლინდაჟში და საბნის ქვეშ ძვრებოდა, რომ ქვევების ყუმბარას არ მიეგნო. ამ წუთში მას მხოლოდ ერთი სურვილი ჰქონდა: მისი ოფიცერი დაქრილიყო და მასთან ერთად ზურგში მოხვედრილიყო, და რაც შეიძლება შორს ფრონტიდან.

თავისი „საიდუმლოებებით“ იგი ერთი ათად აძლიერებდა პანიკას. „მგონი, უკვე ხსნიან ტელეფონს“ — აუწყებდა იგი კონფიდენციალურად ქვედანაყოფებს და მის სიხარულს საზღვარი არ ჰქონდა, თუ შემდეგ შეეძლო ეთქვა: „უკვე მოხსნესო“.

არაიგი ისეთი სიამოვნებით უკან არ იხევდა, როგორც დენშიჩი. ამ წუთებში მას აღარც ახსოვდა, რომ მის თავზე ტყვიებს ზუზუნი გაჰქონდათ და ახლომახლო შრაპნელები სკდებოდა. მან არ იცოდა, რა იყო დაღლა, როცა ხელბარგით შტაბისკენ იკვლევდა გზას, სადაც ადალი იდგა. უდიდესი სიმპათიით იყო განსკვალული ავსტრიის ადალისადმი და დიდი სიამოვნებით კუდში დასდევდა მას. ჩვეულებრივ, სანიტარული ორთვალა საზიდარით კმაყოფილდებოდა. მაგრამ ვინიცობაა ფეხით მოუხლებოდა ჩანჩალი, მაშინ უნდა გენახათ მისი საცოდაობა. იგი უპატრონოდ სტოვებდა სანგარში ოფიცრას ხელბარგს და მხოლოდ თავისას მიათრევდა.

თუ ისე მოხდებოდა, რომ ოფიცერი თავს აღწევდა დატყვევებას გაქცევით, დენშიჩი კი ტყვედ ვარდებოდა, მაშინ ეს უკანასკნელი არასოდეს არ ივიწყებდა თან წაელო და მიეთვისებინა ოფიცრის ნივთებიც, რომლებიც ამიერიდან მის საკუთრებად იქცეოდა და ამიტომ თვალისჩინივით უვლიდა.

მე ვიცნობდი ერთ დენშიჩს, რომელმაც სხვებთან ერთად ფეხით ჯაიარა გზა დუბნოდან\* თვით დარნიცაჲდ კიევზე გავლით. გარდა საკუთარი სალაშქრო ჩანთისა და თავისი ოფიცრის (რომელმაც გაქცევით თავს უშველა) ბარგისა, მას კიდევ ხუთი ხელის ჩემოდანი ჰქონდა, სულ სხვადასხვანაირი, კიდევ ორი საბანი და ბალიში. თუ არ ჩავთვლით ბოხჩას, რომელიც თავზე შემოდგმული დაჰქონდა. მან შემომჩივლა, ამათ გარდა კიდევ ორი ჩემოდანი მქონდა და კაზაკებმა წამართვესო.

ჩემს სიცოცხლეში არ დამავიწყდება ეს ადამიანი, რომელიც თავის ბარგს ჰაპანწყევტით დაათრევდა მთელს უკრაინაში. ეს

ცოცხალი საექსპედიციო საზიდარი იყო. ჩემთვის აქამდე გაუგებარი რჩება, როგორ შესძლო მან ყველაფერი ამის ზიდვა რამდენიმე ასეულ კილომეტრზე, მერე ტაშკენტში ჩატანა, თვითიული ნივთის ფხიზლად თვალყურის დევნება... და ყოველივე ეს იმისათვის, რომ ბოლოს პარტახტიანი ტიფი შეპყროდა სამხედრო ტყვეების ბანაკში და ძალლივით დაკვდომოდა თავის ჩემოდნებს.

ამჟამად დენშჩიკები მიმოფანტული არიან მთელს ჩვენს რესპუბლიკაში და თავის გმირულ საქმეებზე ლაქლაქებენ. ჩვენ იერიში მივიტანეთ და სოკალი, \* დუბნო, ნიში\* ავიღეთ, პიავა\* გადავლახეთო. თვითიულ მათგანს ნაპოლეონად მოაქვს თავი. „და აი ვეუბნები ჩვენს პოლკოვნიკს, ინებეთ, შტაბს დაურეკეთ, შეიძლება შეტევის დაწყება“.

მეტწილად დენშჩიკები რეაქციონერები იყვნენ, და ჯარისკაცებს ისინი ეზიზღებოდათ. ზოგიერთი დენშჩიკი დამბეზღებელი იყო და სიამოვნებით უყურებდა, როგორ უბორკავდნენ დასასჯელად ჯარისკაცს ხელფენს.

დენშჩიკები განსაკუთრებულ კასტას შეადგენდნენ. მათ ეგოიზმს საზღვარი არ ჰქონდა.

---



### III

პორუჩიკი ლუკაში ავსტრიის დახავსებული მონარქის ტიპიური კადრის ოფიცერი იყო. კადეტთა კორპუსმა მისგან ნამდვილი ქაველენი შექქმნა. საზოგადოებაში იგი გერმანულად ლაპარაკობდა. წერდა გერმანულად, მაგრამ კითხულობდა ჩეხურ წიგნებს, და როცა ნებითანწესებულთა სკოლაში ასწავლიდა, რომელიც მთლიანად ჩეხებისაგან შესდგებოდა, კონფიდენციალურად ეუბნებოდა მათ: „დავრჩეთ ჩეხებად, მაგრამ ამის შესახებ არაფერ არაფერი უნდა იცოდესო. მეც ჩეხი ვარ...“

ჩეხ ხალხს იგი თავისებურ საიღუმლო ორგანიზაციად თვლიდა, რომლის თავის არიდება საჭიროდ მიაჩნდა.

მაგრამ ყველაფერ დანარჩენში იგი შესანიშნავი ადამიანი იყო: უფროსების არ ეშინოდა და მანევრების დროს, როგორც ამას საჭიროება მოითხოვდა, თავის ასეულზე ზრუნავდა, კარვებში მოხერხებულად აბინავებდა და ხშირად, მიუხედავად ხელმოკლეობისა, თავის სალდათებს თითო კასრი ღვინით უმასპინძლდებოდა.

ლუკაშს უყვარდა, როცა ჯარისკაცები მწყობრად სვლის დროს მღეროდნენ. მათ უნდა ემღერათ, როცა სამეცადინოდ მიდიოდნენ,



უნდა ემღერათ მაშინაც, მეცადინეობიდან რომ ბრუნდებოდნენ. იგი ასეულს გვერდით მიჰყვებოდა და სიმღერას ხმას აყოლებდა:

სალდათი ვარ ნაფიცო,  
სად მოვეკვდები არ ვიციო...  
დღელი ოდელიასაო.

ჯარისკაცებში ლუჯაში კარგი უფროსის სახელით სარგებლობდა, რადგან იგი ზედმიწევნით სამართლიანი იყო და ტყუილუბრალოდ ახირება არ უყვარდა. უნტერ-ოფიცრებს კი მისი შიშით სული ზღებოდათ. ყველაზე მრისხანე ფელდფებელს ერთი თვის განმავლობაში უმანკო კრავად აქცევდა ხოლმე.

ყვირილი იცოდა, მაგრამ არასდროს უწმანწურ სიტყვებს არ ხმა-რობდა, — სიტყვებსა და გამოთქმებს არჩევდა და ისე ლაპარაკობდა:

— იცის ღმერთმა, ჩემო ძვირფასო, რომ თქვენი დასჯა სრულე-ბითაც არ მსურს, მაგრამ სხვა გზა არა მაქვს, რადგან დისციპლინაზეა დამოკიდებული არმიის ბრძოლისუნარიანობა. უდისციპლინო არმია მერყეობს და ქანაობს „ვით ლერწამი ქარში“. თუ თქვენი მუნდირი წესრიგში არაა მოყვანილი, ღილები ცუდადა გაქვთ მიკერებული, ან რომელიმე ღილი გაკლიათ, ეს იმის მაჩვენებელია, რომ გავიწყდებით თქვენი მოვალეობანი არმიის წინაშე. იქნებ თქვენთვის გაუგებარია. რაღა გსჯიან რაღაც ერთი ღილის გულისათვის, რომელიც გიმნას-ტურაზე არ აღმოგაჩნდათ, რას გემართლებიან ასეთი უბრალო რა-მესთვის, ასეთი წვრილმანისთვის, რომელსაც, სამხედრო სამსახუ-რი რომ არ იყოს, ყურადღებასაც არავინ მიაქცევდა. მაგრამ სამხედ-რო სამსახურში საკუთარი გარეგნობის მიმართ ასეთი დაუდევრობის-თვის ადამიანი ისჯება. რატომ? საქმე ის კი არაა, რომ თქვენ ღილი გაკლიათ, საქმე ისაა, წესიერებას მიგაჩვიონ. დღეს ღილი არ მიიკერეთ და, მაშასადამე, იყალთაბანდეთ. ხვალ უკვე შაშხანის დაშლა და გაწმენდა დაგეზარებათ, ზეგ რომელიმე სამიკიტნოში ხიშტი დაგრჩე-ბათ, ბოლოს, საგუშაგოზეც დაგეძინებთ — და ყველაფერი ეს იმ ბედკრული ღილის გამო, რომლითაც სიზარმაცეს თავი მიეცით. ასეა ეს, ჩემო ძვირფასო! მე ახლა იმიტომ გსჯით, რომ ავტადინოთ უფრო მძიმე სასჯელი იმ დანაშაულისთვის, რომელიც შესაძლოა მომავალში ჩაიდინოთ, რაკი ერთხელ უკვე ხელი შეუშვით და ზერე-ლედ მოეპყარით თქვენს მოვალეობებს. მე თქვენ ხუთი დღით ჩაგვამთ და გულწრფელად გისურვებთ, რომ ხმელ პურსა და წყალ-ზე დარჩენილი დაფიქრდეთ და შეიგნოთ, რომ სასჯელი შურისძიება კი არაა, არამედ მხოლოდ აღზრდის საშუალება გახლავთ, რასაც გარკვეული მიზანი აქვს დასახული, სახელდობრ, დასასჯელი ჯარის-კაცის გამოსწორება.

ლუკაში უკვე კარგა ხანია კაპიტანი უნდა ყოფილიყო, მაგრამ მას ნაციონალურ საკითხში სიფრთხილემაც კი ვერ უშველა, რადგან უფროსების მიმართ მეტისმეტ პირდაპირობას იჩენდა და არაფერს ელაქუცებოდა.

იგი დაიბადა დაბურული ტყეებითა და ტბებით გარშემორტყმულ სამხრეთ ჩეხეთის ერთ სოფელში, ამ მიდამოების გლახაკების ურჩი ხასიათი დაჰყვა და ეს ხასიათი ბოლომდეც შერჩა.


მაგრამ ლუკაში ჯარისკაცებს თუ სამართლიანად ეპყრობოდა და არასდროს არ უხირდებოდა, სამაგიეროდ თავისი დენშჩიკების მიმართ სულ სხვა იყო: მას სძულდა თავისი დენშჩიკები, რადგან არც ერთი არ გამოადგა, ყველა გაიძვერა და გათახსირებული აღმოჩნდა.

ლუკაში არც თვლიდა მათ ჯარისკაცებად, წამდაუწუმ ცხვირპირში სცემდა, აპანლურებდა და სიტყვით თუ საქმით ცდილობდა მათ გამოსწორებას. იგი უშედეგოდ ებრძოდა თავის დენშჩიკებს წლების მანძილზე, სულ მუდამ იცვლიდა და ყოველთვის ერთსა და იმავე დასკვნამდე მიდიოდა: „ისევ და ისევ ფლიდი და ყურუშსალი პირუტყვი შემხვდაო!“ დენშჩიკებს იგი საერთოდ დაბალ საფეხურზე მდგომ სულდგმულებად თვლიდა.

ლუკაშს გაგიყებით უყვარდა ცხოველები. მას ყავდა პარცის იადონი, ანგორული კატა და პინჩერი. დენშჩიკები, რომელთაც ლუკაში ხშირად იცვლიდა, ამ ცხოველებზე იყრიდნენ ხოლმე გულისჯავრს, როცა პორუჩიკი რაიმე დანაშაულისთვის დასჯიდა მათ. ისინი იადონს აშიმშილებდნენ, ანგორულ კატას ცალი თვალიც კი ამოაგდებინეს, პინჩერს, როგორც კი დაიმართახებდნენ, უწყალოდ სცემდნენ და, ბოლოს, ერთმა დენშჩიკმა, შვეიკის წინამორბედმა, საცოდავი ძალლი პანკრაცზე წაიყვანა სამტყავებლოში, რომ იქ ცოცხლად ტყავი გაეძროთ; ამისათვის მან ათი კრონიც კი არ დაიშურა საკუთარი ჯიბიდან, ხოლო პორუჩიკს მოახსენა, ძალლი სეირნობის დროს გაშეკცაო. მეორე დღეს ეს დენშჩიკი უკვე პლაცზე მიაბიჯებდა, ასეულის რიგებში ჩამდგარი.

როცა შვეიკი ლუკაშს ეახლა და მოახსენა, ამ წუთიდან მზადა ვარ ჩემი მოვალეობის შესრულებას შევეუდგეო, პორუჩიკმა იგი თავის ოთახში გაიხმო და ასე უთხრა:

— თქვენ რეკომენდაცია გაგიწიათ ბატონმა ფელდკურატ კატცმა. დარწმუნებული ვარ, მის რეკომენდაციას არ შეარცხვენთ. მე უკვე მთელი დღეინი დენშჩიკები გამოვიცვალე და ვერც ერთმა მათგანმა დიდხანს ჩემთან ვერ მოათია. გაფრთხილებთ, მკაცრი ვარ და დაუზოგავად ვსჯი დენშჩიკს ყოველგვარი სიცუღლუტისა და სიცრუის გამოვლინებისთვის. მოვითხოვ, ყოველთვის მხოლოდ სიმართლე



ილაპარაკოთ და ყველა ჩემი ბრძანება სიტყვაშეუბრუნებლად შეასრულოთ: თუ ცეცხლში ჩავარდნა გიბრძანეთ, უნდა ჩავარდეთ, ძალიანაც რომ არ გინდოდეთ. საით იყურებით?

შვეიცი დიდი ინტერესით განზე იყურებოდა, კედელს მისჩერებოდა, სადაც გალია ეკიდა და შიგ იადონი ფრთხილდებდა. პორუჩიკის შეკითხვა რომ გაიგონა, თავისი კეთილი თვალები მას მიაპყრო და სათნო ხმით უპასუხა:

— მაქვს პატივი მოგახსენოთ, პანე ობერ-ლეიტენანტ, ეს პარცის იადონია.

ამრიგად, შვეიკმა შეაწყვეტინა პორუჩიკს ლაპარაკი, მხედრულად გამოეჭიმა და თვალის დაუხამხამებლად მიაშტერდა.

პორუჩიკს უნდოდა რაღაც მკვახე ეთქვა, მაგრამ, როგორც კი შვეიკის სახის კეთილი, გულუბრყვილო გამომეტყველება დაინახა, მხოლოდ ესლა თქვა:

— როგორც ბატონმა ფელდკურატმა გადმომცა, თქვენ იშვიათი დოკლაპია უნდა იყოთ. ვფიქრობ, იგი არც შემცდარა.

— მაქვს პატივი მოგახსენოთ, ბატონი ფელდკურატი არ შემცდარა, როცა სავალდებულო სამხედრო სამსახურში ვიყავი, იდიოტიზმის გამო გამანათვისუფლეს, რადგან ყველა დარწმუნებული იყო ჩემს იდიოტობაში. პოლკიდან ამ მიზეზით ორი კაცი გამოგვის-

ტუმრეს: მე და ერთი კაპიტანი ფონ კაუნიტცი. ქუჩაში სიარულის დროს, უკაცრავად პასუხია, იგი მარცხენა ხელის თითით მარცხენა ნესტოს იჩიქნიდა, მარჯვენა ხელის თითით — მარჯვენა ნესტოს. მეცადინეობის დროს ისე დაგვაწყობდა, თითქოს ცერემონიალური მარშისთვის გვაშზადებდა, და გვეტყოდა: „სალდათებო... ე-ე ... იცოდეთ... ე-ე... რომ დღეს... ოთხშაბათია, იმიტომ, რომ... ხვალ ხუთშაბათი იქნება... ე-ე...“

პორუჩიკმა ლუკაშმა მხრები აიჩეჩა, საპასუხოდ სიტყვაც ვერ აბოვა, და ბოლოს ცემას შეუდგა — კარებიდან ფანჯრისკენ და ფანჯრიდან კარებისკენ, — აუვლიდა და ჩაუვლიდა შვეიკს, ხოლო შვეიკი იმის მიხედვით, რომელ მხარეს მოექცეოდა ლუკაში, ხან „rechtlsschaut“-ს აკეთებდა, ხან „linksschaut“-ს<sup>1</sup> — და ისეთი თვინიერი სახით, რომ პორუჩიკმა თვალები დახარა, ხალიჩას დაშტერდა და თქვა ის, რასაც არავითარი კავშირი არ ჰქონდა შვეიკის შენიშვნებთან ბრიყვი კაპიტნის შესახებ.

— დიახს ჩემთან ყველაფერი რიგზე უნდა იყოს, სისუფთავე უნდა დაიცვათ, ტყუილის თქმა არ გაბედოთ. მე პატიოსნება მიყვარს. მძაგს სიცრუე, სიცრუისთვის შეუწყნარებლად დაგაჯიოთ. გასაგებია, რაც გითხარით?

— მაქვს პატივი მოგახსენოთ, პანე ობერ-ლეიტენანტ, ყველაფერი გასაგებია. იმაზე ცუდი არაფერია, როცა ადამიანი ცრუობს. თუ კაცმა სიცრუეში შესტოპა, უნდა იცოდეს, რომ ბოლოს უექველად დაიღუპება. პელპრშიმოვას მახლობელ სოფელში იყო ერთი მასწავლებელი, გვარად მარეკი. ეს მასწავლებელი კუღში დასდევდა პეტყევე შპერის გოგოს. მეტყევემ შეუთვალა, თუ ჩემს გოგოს თავს არ დაანებებ და მასთან ტყეში პაემანს არ მოიშლი, მაშინ ჩანს, შენს წერას აუტანიხარ, და ნურას უკაცრავად, როგორც კი წაგასწრებთ, მარილნარევი წვრილად დაჭრილი ჯაგრით გატენილი თოფით უკანალს აგიწვავო. მასწავლებელმა უპასუხა, მთელი ეგ ამბავი მოჭორილიაო. მაგრამ, ერთხელ, როცა იგი თავის გულის სატრფოს ელოდებოდა, მეტყევე თავს წაადგა და ის-იყო თავისი მუქარა სისრულეში უნდოდა მოეყვანა, რომ უცბად მასწავლებელმა თავი მოიკატუნა: აბა, რას გიშავებთ, ტყის ყვავილებს ვკრეფო. მეორედ მოიმიზეზა, კოლექციისთვის ხოჭოებს ვაგროვებო; ერთ ტყუილს მეორე მოჰყვა, მეორეს მესამე, ტყუილს ტყუილი ემატებოდა. ბოლოს, შეშინდა მასწავლებელი და დაიფიცა, კურდღლებისთვის მხოლოდ მახეების დაგებას ვაპირებდიო. ასე არ უნდაო, — თქვა მეტყევემ, — ჩაავლო ხელი მასწავლებელს და ჟანდარმებს მიჰგვარა,

<sup>1</sup> „სწორება მარჯვნივ“, „სწორება მარცხნივ“ (გერმ.).

აქედან სასამართლოს გადასცეს და მასწავლებელმა კინალამ საპყრობილეში ამოჰყო თავი. ხომ ერჩივნა თავის დროზე სიმართლე ეთქვა, მაშინ მხოლოდ ერთ ულუფა ჯაგარსა და მარილს აგემებდნენ და ამათ ყველაფერი მორჩებოდა. მე იმ აზრისა ვარ, უმჯობესია მოვიდეს და გითხრათ: მაქვს პატივი მოგახსენოთ, ესა და ეს ჩავეიღინე-თქო. თუ პატიოსნებაზე ვილაპარაკებთ, პატიოსნება, რაღა თქმა უნდა, შესანიშნავი რამაა, პატიოსანი ადამიანი შორს წავა. სწორედ ისე, როგორც სიარულში შეჯიბრების დროსაა ხოლმე. როგორც კი იცუღლუტებ და სიარულიდან სირბილზე გადახვალ, უმალ დისტანციას ასცდები. აი, მაგალითად, ჩემი ბიძაშვილი. პატიოსანი ადამიანია, ყველგან პატივსა სცემენ, თვითონაც კმაყოფილია და ჩვილი ბავშვივით გრძნობს თავს, როცა დაძინების წინ სრული უფლებით შეუძლია თქვას: „დღევანდელი დღეც პატიოსნად გავატარე“.

ამ ხანგრძლივი ლაპარაკის დროს პორუჩიკი სავარძელში იჯდა. შეეიკს ჩექმებზე უყურებდა და ფიქრობდა: „ღმერთო ჩემო, მეც ხომ ხშირად ასეთ სისულელეებს ვჩამახავ ხოლმე. განსხვავება მხოლოდ ამ სისულელის გამოთქმის ფორმაშია“.

მიუხედავად ამისა, როგორც კი შეეიკმა ლაპარაკი დაასრულა, თავისი ავტორიტეტი რომ არ შეელახა, ასე უთხრა:

— თქვენ ყოველთვის გაწმენდილი უნდა გქონდეთ ჩექმები, მუნდირი წესიერად უნდა გეცვათ, ყველა ღილი თავის ადგილზე უნდა იყოს მიკერებული. უნდა სტოვებდეთ ჯარისკაცის შთაბეჭდილებას და არა ვიღაც მაწანწალისას. პირდაპირ გასაოცარია, რომ არც ერთ თქვენგანს სამხედრო იერი არ გააჩნია. ჩემს მსახურებს შორის მხოლოდ ერთს ეკირა თავი ყოჩაღად, და იმანაც კი ბოლოს ნამუსი შეირცხვინა, საპარადო მუნდირი მომპარა და ებრაელთა კვარტალში გაყიდა.

პორუჩიკი დადუმდა. მაგრამ მერე ისევ ალაპარაკდა და შეეიკს ჩამოუთვალა ყველა მისი მოვალეობა, განსაკუთრებით ჩასჩინებულ იმას, რომ შეეიკი საიმედო მსახური ყოფილიყო და შინაურ ამბებზე არსად ელაყბა.

— ჩემთან ქალები დადიან ხოლმე, — ხაზი გაუსვა მან. — ზოგჯერ რომელიმე მათგანი ღამითაც რჩება, თუ, რა თქმა უნდა, მეორე დღეს სამსახურში არა ვარ წასასვლელი. ასეთ შემთხვევაში საწოლში ყავას მოგვართმევ, მაგრამ მხოლოდ მაშინ, როცა დაგირეკავთ, გასაგებია?

— სწორედ აგრეა, გასაგებია, პანე ობერ-ლეიტენანტ. მოულოდნელად თავი რომ შემოგვყო ოთახში, შეიძლება ზოგიერთ მანდილოსანს ეს არ ექაშნიკოს. მე თვითონ ერთხელ შინ ერთი ქალიშვი-

ლი მივიყვანე. ჩემმა მსახურმა დედაკაცმა ყავა შემოგვიტანა, როცა ლოგინში ვიწექით; სწორედ იმ დროს შემოვიდა, ხვეცნა-კონცაში რომ ვიყავით გართული. ჩვენს დანახვაზე დედაკაცს ისეთი ელეთ-მელეთი დაემართა, რომ ცხელი ყავა ზედ ზურგზე გადამასხა, თან „დილა მშვიდობისაო!“ დააყოლა. დიახ, ძალიან კარგად ვიცი, როგორ უნდა მოვიქცე, როცა ქალი მამაკაცთან რჩება ღამით.

— დიახ, შვეიცი ქალებთან განსაკუთრებული თავდაპყერა გმართებთ, — თქვა პორუჩიკმა. იგი კარგ გუნებაზე დადგა, რადგან საუბარი ისეთ საგანს შეეხო, რომელიც მთელ მის თავისუფალ დროს ავსებდა, თუ ან ყაზარმაში არ იყო, ან პლაცზე არ ამეცადინებდა ჯარისკაცებს, ან კიდევ თუ ბანქოს არ თამაშობდა.

ქალები პორუჩიკის ცხოვრების სულსა და გულს შეადგენდნენ. ისინი ოჯახური კერის სიამტკბილობას უქმნიდნენ მას. ლუკაშს დუქინობით ჰყავდა ქალები და ბევრი მათგანი ცდილობდა სხვადასხვა იაფფასიანი ნივთებით დაემშვენებინა მისი ბინა.

კაფეს პატრონის ცოლმა მთელი ორი კვირა გაატარა პორუჩიკთან, სანამ ქმარმა არ მიაკითხა, ამ ხნის განმავლობაში ლუკაშს შესანიშნავი ვიწრო საფენი ამოუქარგა სუფრისთვის, ყველა საცვალზე მონოგრამები გაუკეთა და, ალბათ, კედლის პატარა ხალიჩასაც მოათავებდა, ქმარს რომ არ შეეწუვიტა ეს იდილია.

მეორემ, რომელსაც სამი კვირის შემდეგ მშობლებმა მიაკითხეს. განიზრახა პორუჩიკის საწოლი ოთახი ქალის ბუღუარად გადაექცია და ყველგან სხვადასხვა იაფფასიანი ნივთები და ლარნაკები ჩამოამწკრივა, საწოლის თავით კი მფარველი ანგელოზის სურათი ჩამოკიდა.

ქალის ხელი, რომელიც საწოლისა და სასადილო ოთახების ყოველ კუნჭულს ეტყობოდა, სამზარეულოშიც შეიჭრა, სადაც შეგძლოთ გეხილათ სულ ნაირნაირი ჭურჭლეულობა, რომლებიც პორუჩიკზე შეყვარებული ერთი მეფაბრიკის ცოლის შესანიშნავი საჩუქარი გახლდათ. ამ ქალმა, გარდა თავისი ვნებისა, პორუჩიკის სახლში შემოიტანა მწვანილისა და კომბოსტოს საკეპი მანქანა, ფუნთუშის საჭრელი ხელსაწყო, ღვიძლის საფხეკი, ქვაბები, ტაფები, ქაფქირები და, ღმერთმა უწყის, კიდევ რამდენი რამ სხვა საოჯახო ნივთი!

მაგრამ მეფაბრიკის ცოლმა ერთი კვირის შემდეგ აქაურობა მიატოვა, რადგან ვერ შეურიგდა იმ აზრს, რომ ლუკაშს კიდევ ოციოდე სხვა საყვარელი ჰყავდა, რის გამოც, ყოველ ექვს გარეშეა, მუნდირში გამოწყობილი ეს ჯიშინი ხვადი ასეთი ვნებით ვეღარ აკმაყოფილებდა მეფაბრიკის ცოლის ტრფიალს, როგორც ეს მისთვის სასურველი იყო..

პორუჩიკ ლუკაშს დიდი სატრფიალო მიმოწერა ჰქონდა გაჩაღებულ-  
ლი, გაიკეთა საყვარლების ფოტოსურათების ალბომი, შექმნა სხვა-  
დასხვა რელიკვიების კოლექცია, რადგან უკანასკნელი ორი წლის  
განმავლობაში ფეტიშიზმისადმი მიდრეკილება დასჩემდა. ნივთებს  
შორის ჰქონდა რამდენიმე ცალი ქალის სულ ნაირნაირი წვივისაკრავი,  
ოთხი წყვილი ამოქარგული ფაქიზი ქვედა საცვალი, ქალის სამი  
გამკვირვალე, სიფრიფანა პერანგი, ბატისტის კაბა და, ბოლოს, ერთი  
კორსეტი და რამდენიმე ჩულქი.

— დღეს მორიგე ვარ, — უთხრა პორუჩიკმა შვეიკს, — შინ  
მხოლოდ დამით დაებრუნდები. ოთახები დაალაგეთ, უკანასკნელ  
ჩემს დენშჩიკს სიზარმაცისთვის სალაშქრო ასეულში ეუკარი თავი  
და დღეს ფრონტზე წაბრძანდა.

მერე იაღონისა და ანგორული კატის შესახებ გასცა განკარგულე-  
ბა. კარებში რომ გადიოდა, კიდევ ერთხელ თქვა რამდენიმე სიტყვა  
პატიოსნებასა და წესიერებაზე.

პორუჩიკის წასვლის შემდეგ შვეიკმა ისეთ მკაცრ წესრიგში მო-  
იყვანა ყველა ოთახი, რომ, როცა დამით ლუკაში შინ დაბრუნდა, მის  
დენშჩიკს შეეძლო თამამად ეპატაკნა.

— მაქვს პატივი მოგახსენოთ, პანე ობერ-ლეიტენანტ, ყველაფე-  
რი წესრიგშია, ოღონდ კატა ცოტა უწესოდ მოიქცა: თქვენი იაღონი  
შესანსლა.

— რაო?! — დაიღრიალა პორუჩიკმა.

— მაქვს პატივი მოგახსენოთ, პანე ობერ-ლეიტენანტ, აი როგორ  
იყო საქმე. მე დიდი ხანია ვიცი, რომ კატებს იაღონი არ უყვართ და  
სჩაგრავენ მას. ამიტომ გადავწყვიტე დამეახლოვებინა ისინი ერთმან-  
ეთთან; და ვინიცობაა, ის გაიძვერა რაიმე ოინს განიზრახავდა, ერთი  
ისე მაგრად გამებერტყა, რომ სიკვდილამდე დამახსოვრებოდა, თუ  
როგორ უნდა იაღონთან თავის დაჭერა. უნდა გამოგიტყდეთ, ცხოვე-  
ლები ძალიან მიყვარს.. ჩვენთან სახლში ერთმა მექუდემ აკი მოა-  
ხერხა კატის ჰკულის სწავლება. პირველ ხანებში, მართალია, სამიოდე  
იაღონი შეუყლაპა, სამაგიეროდ ახლა აღარც ერთს არ ერჩის, და  
იაღონს შეუძლია კატას ზურგზეც კი დაასკუპდეს. მეც მინდოდა  
მესინჯა, გამოვიყვანე გალიიდან იაღონი და გავუწოდე კატას დასაყ-  
ნოსად, იმ საძაგელმა კი, თვალის ვერ შევასწარი, ისე წააგლიჯა  
თავი. მართალი ვითხრათ, მისგან ასეთ უზრდელობას არ მოველოდი  
ეს უბრალო ბელურა რომ ყოფილიყო, კიდევ პო, პანე ობერ-ლეიტე-  
ნანტ, მაგრამ — წარმოგიდგენიათ — შესანიშნავი იაღონი, ჰარცის  
იაღონი ჩაეარდა ამ დღეში მერე არ იკითხავთ, რა მადიანად ახრამუ-

ნებდა ის ოჯახქორი და თან მომეტებული სიამოვნებისაგან როგორ  
კრუტუნებდა? კატებს, როგორც იტყვიან ხოლმე, არავითარი მუსი-  
კალური განათლება არ მიუღიათ და იადონის სიმღერას ვერ იტანენ.  
ეს იმიტომ, რომ იმ საძაგლებს ამისი არაფერი გაეგებათ... ჩვენი კა-  
ტა, რასაკვირველია, საკადრისად გამოვლანძღე, მაგრამ ღმერთმა  
დამიფაროს, თითოც არ დამიკარებია, თქვენ გელოდებოდით, — რო-  
გორც გადაწყვეტთ, ისე მოვიქცევი: რა ვუყოთ იმ საზიზღარ მაიმანს?

შვეიკი ამას უამბობდა და თან ისე მიამიტად შესცქეროდა თვა-  
ლებში პორუჩიკს, რომ გაცოფებული ლუკაში ცოტათი მოლბა, სა-  
ვარძელში ჩაჯდა და ჰკითხა:

— მისმინეთ, შვეიკ, თქვენ მართლა ასეთი ღვთის გლაზა ხართ?

— სწორედ ასე გახლავთ, პანე ობერ-ლეიტენანტ, — ხალისით  
უპასუხა შვეიკმა. — პატარაობიდანვე დაწყებული ბედისა ვარ.  
ყოველთვის ვცდილობ საქმის ისე მოგვარებას, რომ ყველაფერი კარ-  
გად იყოს, მაგრამ აქედან არასოდეს არაფერი არ გამოდის, გარდა  
უსიამოვნებისა როგორც ჩემთვის, ისე სხვებისთვის. მე მინდოდა.  
რომ ისინი გაცნობოდნენ და შეჩვეოდნენ ერთმანეთს. განა მე დამ-  
ნაშავე ვარ, რომ კატამ იადონი შექაშა და ამით დამთავრდა მათი  
ნაცნობობა. ამ რამდენიმე წლის წინათ სასტუმრო „უ შტუპარტუში“  
კატამ თუთიყუშიც კი შექაშა იმისთვის, რომ ფრინველი მას აჯაგ-  
რებდა და კატასავით კნაოდა... მერე არ იტყვიო, როგორი გამძლეობ-  
არიან ეს კატები! თუ მიბრძანებთ, პანე ობერ-ლეიტენანტ, იმ კატას  
ბოლო მოვულო, საჭირო იქნება კარებში გამოვჭეკყო, სხვანაირად  
არაფერი გამოვა.

შვეიკმა უმანკო გამომეტყველებით და მომხიბლავი ღიმილით გად-  
მოულაგა პორუჩიკს ყველა ის ხერხი, რომლითაც ჰკლავენ ხოლმე  
კატებს. მისი თხრობა ცხოველთა დაცვის საზოგადოებაში რომ მოეს-  
მინათ, ალბათ ყველა ჰკუთხებდნენ შეიშლებოდა.

შვეიკმა ამ დარგში ისეთი ცოდნა გამოიჩინა, რომ პორუჩიკ ლუ-  
კაშს მთლად გადააუიწყდა თავისი რისხვა და ჰკითხა:

— თქვენ გემარჯვებათ ცხოველების მოვლა? გიყვართ ისინი?

— ყველაზე მეტად ძაღლები მიყვარს, — უპასუხა შვეიკმა, —  
რადგან ეს დიდად შემოსავლიანი წყაროა იმათთვის, ვინც უნარს  
გამოიჩინს ძაღლებით ვაჭრობაში. მაგრამ მე თავი ვერ მოვაბი საქმეს,  
რადგან ყოველთვის მეტისმეტად პატიოსნად ვიქცეოდი, თუმცა  
მყიდველები პრეტენზიებს მაინც აცხადებდნენ, აქაოდა, ნაცვლად  
ჯანსაღი და ჯიშიანი ძაღლისა მძორი შემოგიტყუებიაო. თითქოს  
ყველა ძაღლი აუცილებლად ჯიშიანი და ჯანსაღი უნდა იყოს! ვინ  
გიწევთ ანგარიშს, გინდათ არ გინდათ, ყველას უნდა მიართვა შთა-



პოპულარობის მოწმობა, და აი მიხედვით ამ მოწმობების ბეჭდვა: რომელიმე კომერციული ეზოს ძალი, აგურის ქარხნის ეზოში მოგდებული, უნდა მომენათლა წმინდა სისხლის, ჯიშინან ძალდად, რომელიც თვით არმინ ფონ ბარჰიმის ბავარულ საძალღედან იყო თითქოს გამოყვანილი. ამ ხერხით მყიდველების გული მოვიწინადირე; ისინი ფიქრობდნენ, რომ მართლაც წმინდასისხლა ძალის პატრონა ხდებოდნენ. ადვილად შემეძლო ხელში შემეჩჩევიებინა ვრწოვიტული შპიცი ნაცვლად ტავისა, — მათ მხოლოდ ის უკვირდათ, ასეთ იშვიათ ძალს, შუაგულ გერმანიიდან გამოყვანილს, ბანჯგვლიანი ბალანი რატომ ჰქონდა, ფეხები კი სწორი და არა მოგრებილი. ასეთი ამბები ხდება ყველა დიდ საძალღეში. ერთი განახათ, პანე ობერ-ლეიტენანტ, რა გაიძვერულ ხერხებს არ მიმართავენ ძალღების შთამომავლობის მოწმობების შესათხზავად. ისეთი ძალი, რომელსაც შეეძლოს თავის თავზე თქვას: „მე წმინდა სისხლისა ვარო“, — მართალი გითხრათ, ცოტაა; ან დედამრისი, ან ბებია გადაეციდებოდა უთუოდ რომელიმე მახინჯს, ანდა მამა ეყოლებოდა რამდენიმე, და მემკვიდრეობით თვითულისგან რაღაც მაინც გამოყვებოდა: ერთისაგან — ყურები, მეორესგან — კული, რომელიმესგან — ბალანი დრუნჩხე, მესამესგან — დრუნჩი, მეოთხესგან — მრული ფეხები, მეხუთეს კი სიმაღლით დაემსგავსებოდა. და თუ მამები ერთ დღეინამდე მაინც ყაედა, მაშინ ადვილი წარმოსადგენია, პანე ობერ-ლეიტენანტ, რა სახე ექნებოდა ძალს. აი ერთხელ ვიყიდე ასეთი ზვადი. ბალბანი ერქვა; ის, იმ თავისი მამების წყალობით, ისეთი უმსგავსი რაღაც იყო, რომ ყველა ძალი თავს არიდებდა. ვიყიდე იმიტომ, რომ მისმა საცოდობამ გული დამითუთქა. ყველასგან მოძულეებული, სულ ოთახში იწვა, კუთხეში მიცუტქული და დადარდიანებული. ის საცოდავი პინჩერად გავასაღე. დიდი მუშაობა კი დამჭირდა, როცა მარინიანი წიწაკის ფერად ვღებავდი. გაყიდვის შემდეგ პატრონთან ერთად ის მორაგეიაში მოხვდა, მერე აღარც მინახავს.

პორუჩიკი ძალიან გაართო ამ მოხსენებამ კინოლოგიის დარგში და შეეიკი შეუფერხებლად განაგრძობდა:

— ძალღებს არ შეუძლიათ ქაღებივით თავიანთი თავის შეღებვა, ამაზე უნდა იზრუნონ იმათ, ვისაც მათი გაყიდვა სურთ. თუ, მაგალითად, ძალი ბებერია და გაჭაღარავებული, თქვენ კი გსურთ ის ერთწლიან ლეკვად გაასაღოთ, ანდა ასეთი გადაღძუებული ბეხრეკი ცხრათვიანად მოაჩვენოთ, ყველაზე უკეთესია იყიდოთ ლაპისი, გახსნათ ის და ძალი შავად შეღებოთ — ბალანი ახალივით აუბზინდება. ძალა რომ მოემატოს, დიდი რაოდენობით მიეცით საკვებში დარიშხანა, კბიღები ზუმბარას ქალღლით გაუსუფთავეთ,

რომლითაც დაეანგულ დანებს სწმენდენ. გასაყიდად როცა წაიყვანთ, სლივოვიცე გადააყლურწვინეთ, რომ ძალლი ცოტა გუნებაზე დადგეს. ის უმალ გამხნეველება, გამოცოცხლებმა, მხიარულად აყეფდება და ყველას ლოშნას დაუწყებს, ვით შეზარხოშებულ გუნებაზე მყოფი ქალაქის სამმართველოს რომელიმე წევრი. მთავარი კი აი რა არის: მყიდველს, პანე ობერ-ლეიტენანტ, უნდა ელაპარაკოთ, და ელაპარაკოთ იმდენ ხანს, სანამ სულ მთლად არ გამოათაყვანებთ. თუ, ვთქვათ, ვინმეს სურს იყიდოს ოთახის ძალლი, თქვენ კი არავეითარი სხვა ძალლი არ მოგეპოვებათ, გარდა მონადირე ძალლისა, მყიდველს იმდენი უნდა ეჩიჩინოთ, რომ მან ნაცვლად ოთახის ძალლისა მონადირე ძალლი წაიყვანოს. თუ შემთხვევით ხელზე აღმოგაჩნდათ მარტო ფოქსტერიერი, ხოლო სურთ ბრაზიანი გერმანული დოგი იყიდონ, სახლს რომ უღარაჯოს, პირი უნდა მოიხიოთ და, მყიდველს იმდენი ელაპარაკოთ, სანამ თავრეტი არ დაესხმება და ნაცვლად დოგისა თქვენს ჯუჯა ფოქსტერიერს არ ჩაისვამს ჯიბეში... როცა თავის დროზე მე ცხოველებით ვვაჭრობდი, ერთხელ ჩემთან ერთი მანდილოსანი მოვიდა. ბაღში თუთიყუში გამიფრინდაო, იქ კი, ვილის მახლობლად, ამ დროს ბიჭები თამაშობდნენ — თითქო ინდიელები იყვნენ. დაიჭირეს ჩემი თუთიყუში, კუდიდან გაფქვენეს და ფრთები ქულებში გაიჭვეს პოლიციელებივითო. თუთიყუშმა თურმე იუკადრისა, აქაოდა, უკუდოდ როგორ დავრჩიო, და ავად გახდა, ხოლო ბეითალმა რაღაც ფხენილებით მთლად ბოლო მოუღო. ჰოდა, იმ მანდილოსანმა მითხრა, სხვა თუთიყუში მინდა შევიძინო, მაგრამ ზრდილობიანი უნდა იყოს და არა უხეში, რომელმაც უშვერი სიტყვების მეტი არაფერი იცისო. რა უნდა გამეწყო, როცა არც ერთი თუთიყუში არ გამაჩნდა და არც არსად მეგულებოდა. მყავდა მხოლოდ ერთი ავზე ავი ბულდოგი, ორთავ თვალით დაბრმავებული. ჰოდა, პანე ობერ-ლეიტენანტ, ამ მანდილოსანთან დღის ოთხი საათიდან საღამოს შვიდ საათამდე ლაპარაკი დამჭირდა და, როგორც იქნა, დავიყოლიე, თუთიყუშის ნაცვლად ბრმა ბულდოგი ეყიდნა. ეს მანევრი ვაცილებით უკეთესი გამოდგა, ვიდრე რომელიმე დიპლომატიური გართულება. როცა მანდილოსანი მიდიოდა, დავძინე: „აი ახლა სცადონ იმ ბიჭებმა ამასაც მოაგლიჯონ-მეთქი კული“. ამის შემდეგ მე ის მანდილოსანი თვალით აღარ მინახავს: ბულდოგის გამო იგი იძულებული გახდა პრალა დაეტოვებინა, რადგან იმ ძალლმა, თურმე, მთელ ეზოში კაცი არ გაუშვა, რომ არ დაეკბინა... მერწმუნეთ, პანე ობერ-ლეიტენანტ, კარგი ცხოველის შოვნა ძალიან, ძალიან ძნელია...

— მე თვითონ მიყვარს ძალლები, — თქვა პორუჩიკმა. — ზოგიერთმა ჩემმა ამხანაგმა თან წაიყვანა ძალლი ფრონტზე. ეს ამხა-

ნაგები მწერენ, რომ ასეთი ერთგული და თავდადებული მეგობრის გვერდით ფრონტული ცხოვრება შეუძმნეველიაო. თქვენ, როგორც ვხედავ, საქმოდ ერკვევით ძაღლების ყველა ჯიშში და მჯერა, ძაღლი რომ მყავდეს, კარგად მოუვლიდით. თქვენის აზრით, რომელი ჯიშის ძაღლია ყველაზე უკეთესი; ესე იგი, მე მხედველობაში მყავს მეგობარი ძაღლი? ოდესღაც მყავდა პინჩერი, მაგრამ არ ვიცი...

— ჩემის აზრით, პანე ობერ-ლეიტენანტ, პინჩერი ძალიან სასიამოვნო ძაღლია. მართალია, ყველას როდი მოსწონს პინჩერი, რადგან ჯაგარა ბალნით არის შემოსილი, დრუნჩზე ისეთი ხეშეში ბალანი აქვს, თითქოს ახლახან გათავისუფლებული კატორღელიაო. პინჩერები შესახედავად უმსგავსონი არიან, მაგრამ სამაგიეროდ ჰკვიანები გახლავთ. აბა, სად მივა მასთან გამოლენჩებული სენ-ბერნარი! პინჩერი ფოქსტერიერზეც ჰკვიანია. მე ვიცოდი ერთი...

პორუჩიკმა ლუკაშმა საათს დახედა და შვეიკს სიტყვა შეაწყვეტინა:

— უკვე გვიანაა, უნდა გამოვიძინო. ხვალ ისევ მორიგე ვარ. თქვენ შეგიძლიათ მთელი დღე მოანდომოთ ჩემთვის რომელიმე პინჩერის გამოძებნას.

იგი დასაძინებლად წავიდა, ხოლო შვეიკი სამზარეულოში დივანზე წამოწვა და გაზეთის კითხვას შეუდგა, რომელიც პორუჩიკს ყაზარმიდან მოეტანა.

„ერთი ამას უყურეთ, — გაივლო გულში შვეიკმა, რომელიც ინტერესით კითხულობდა დღის ამბებს. — სულთანს იმპერატორი ვილჰელმი სამხედრო მედლით დაუჯილდოებია, მე კი აქამდე მცირე ვერცხლის მედალსაც ვერ ველირსე“.

შვეიკი ჩაფიქრდა და ანაზღად ფეხზე წამოიჭრა:

„კინალამ არ დამავიწყდა!“ — და პორუჩიკის ოთახისაკენ გასწია. ლუკაშს მაგრად ეძინა. შვეიკმა გააღვიძა.

— მაქვს პატივი მოგახსენოთ, პანე ობერ-ლეიტენანტ, კატის შესახებ თქვენი ბრძანება არ მიმიღია.

ძილში პორუჩიკი მეორე გვერდზე გადაბრუნდა და ჩაიბუტბუტა: „სამი დღით პატიმრობა!“ — და ისევ ჩაიძინა.

შვეიკი ოთახიდან ფეხაკრფით გამოვიდა. საწყალი კატა დივნის ქვეშიდან გამოათრია და უთხრა:

— სამი დღით პატიმრობა მოგესაჯა, abtreten!

და ანგორული კატა ისევ უკან დივნის ქვეშ შეძვრა.

<sup>1</sup> გასწი (გერმ.).



#### IV

შვეიცი ის-იყო პინჩერის საძებრად უნდა წასულიყო, რომ ამ დროს ზარის ხმა გაისმა. კარებთან ვიღაც ახალგაზრდა ქალი იყო მან განაცხადა, პორუჩიკ ლუკაშთან მსურს ლაპარაკიო. ქალის გვერდით ორი დიდი ჩემოდანი იდგა, და შვეიკმა თვალი მოჰკრა კიბეზე ჩამავალი მებარგულის ქუდს.

— არაა შინ, — გადაჭრით უთხრა შვეიკმა, მაგრამ ახალგაზრდა ქალი უკვე დერეფანში შეიჭრა და კატეგორიული ტონით უბრძანა შვეიკს: — შეიტანეთ ჩემოდნები ოთახში.

— პან ობერ-ლეიტენანტის ნებადაურთველად არ შეიძლება, — უპასუხა შვეიკმა. — პან ობერ-ლეიტენანტს ნაბრძანები აქვს — უჩემოდ არაფერი ვააკეთოო.

— თქვენ ჰკუაზე ხომ არ შეშლილხართი — წამოიყვირა ახალგაზრდა ქალმა. — მე სტუმრად ჩამოვედი პან პორუჩიკთან.

— ამის შესახებ მე არაფერი ვიცი, — უპასუხა შვეიკმა. — პან ობერ-ლეიტენანტი სამსახურშია და მხოლოდ ღამით დაბრუნდება, მე კი ნაბრძანები მაქვს როგორმე პინჩერი ვუშოვო. არავითარი ჩემოდნები და არავითარი ქალები მე არ ვიცი. ახლავე კარებს

გვეტავ და უმორჩილესად გთხოვთ წაბრძანდეთ. არავეთარი განკარგულება მე არ მიმიღია თქვენს შესახებ და არ შემიძლია უცხო, ჩემთვის უცნობი პიროვნება მარტოკა დავტოვო ბინაში. ჩვენთან ქუჩაზე, მეფუნთუშე ბილჩიციკისთან, აი ასე დატოვეს გარეშე ადამიანი სახლში, მან გააღო, თურმე, გარდერობი და მიიმალა... რა თქმა უნდა, ამით მე არ მსურს თქვენზე რაიმე ცუდი ვთქვა, — განაგრძო შვეიკმა, როცა დაინახა, რომ ქალს სასოწარკვეთილებისგან სახე ეცვალა და ატირდა, — მაგრამ თქვენი აქ დატოვება ყოველად დაუშვებელია. თქვენ თვითონ დამეთანხმებით, რომ რაკი ჩემთვის ჩაუბარებიათ ბინა, მე პასუხს ვაგებ ყოველ წერილმანზე. ამიტომ კიდევ ერთხელ უმორჩილესად გთხოვთ ტყუილუბრალოდ თავს ნუ შეიწუხებთ და აქ დარჩენაზე ნუ იფიქრებთ. სანამ პან ობერ-ლეიტენანტისგან ბრძანება არ მიმიღია, ჩემთვის, ღვიძლი ძმა რომ ძმავა, ისიც არ არსებობს. გარწმუნებთ, ძალიან უხერხულად ვთვლი, რომ ასე გელაპარაკებით, მაგრამ სამხედრო სამსახურში უპირველეს ყოვლისა წესრიგი უნდა იყოს.

ამასობაში ახალგაზარდა ქალი ცოტათი უკვე გონს მოვიდა, ხელჩანთიდან სადარბაზო ბარათი ამოიღო, რამდენიმე სტრიქონი დაწერა ფანქრით, ჩასდო პაწია კოხტა კონვერტში და შეწუხებულმა უთხრა შვეიკს:

— წაუღეთ ეს პან პორუჩიკს, მე კი აქ დაველოდები პასუხს. აი თქვენ ხუთი კრონი გზაში.

— არაფერი გამოვა, — უპასუხა მოულოდნელი სტუმრის აკვირტებით გაჯავრებულმა შვეიკმა. — თქვენთვის დაიტოვეთ ეს ხუთი კრონი, ფული აგერაა, სკამზე, და თუ გნებავთ ჩემთან ერთად ყაზარმაში წამოდიეთ, დამელოდეთ იქ, თქვენს ბარათს გადავცემ და პასუხსაც მოგიტანთ. ხოლო თქვენი აქ ლოდინი — არასგზით არ შეიძლება! ამ სიტყვების შემდეგ მან წინკარში შეათრია ჩემოდნები, მერე სასახლის მეკუქნავესავეთ გასაღებების რაჩხუნით კარებში გაჩერდა და მრავალმნიშვნელოვნად წარმოთქვა:

— კარებს ვკეტავთ...

ახალგაზარდა ქალი უმწეო სახით გამოვიდა კიბეზე. შვეიკმა დაკეტა კარები და წინ წავიდა. სტუმარი ქალი ფინია ძალღვივით მისდევდა მას და დაეწია მხოლოდ მაშინ, როცა შვეიკმა ღუქანში შეუხვია სიგარეტების საყიდლად. ახლა ქალი მის გვერდით მიდიოდა და ცდილობდა საუბრის გაბმას:

— თქვენ ნამდვილად გადასცემთ ბარათს?

— გადავცემ, რაკი ვთქვი.

-- მერედა, იპოვით პან პორუჩიკს?

— არ ვიცი.

ისინი მღუმარედ მიდიოდნენ, სანამ ქალმა ისევ არ წამოიწყო:

— მაშ თქვენ ფიქრობთ, რომ პან პორუჩიკს ვერ ვიპოვით?

— არა, არ ვფიქრობ.

— მაგრამ, როგორ ფიქრობთ, სად იქნება იგი?

— არ ვიცი.

ამაზე საუბარი დიდი ხნით შეწყდა, ვიდრე ახალგაზრდა ქალმა ისევ არ განაახლა შეკითხვით:

— ბარათი ხომ არ დაგკარგვიათ?

— ჯერჯერობით არა.

— მაშ თქვენ ნამდვილად გადასცემთ ბარათს პან პორუჩიკს?

— დიახ.

— მაგრამ იპოვით კი პორუჩიკს?

— მე უკვე მოგახსენებთ, რომ არ ვიცი, — უპასუხა შევიკმა. — ძალიან მიკვირს, როგორ შეიძლება ადამიანი ასეთი ცნობის-მოყვარე იყოს და წარამარა გეკითხებოდეს სულ ერთსა და იგივეს! ეს იგივეა, მე რომ ახლა ქუჩაში ყოველ გამვლელ-გამომვლელს დავუწყო გაჩერება და თვითუღს შევეკითხო: გეთაყვა, მითხარით ერთი, დღეს რა რიცხვია.

ამაზე დამთავრდა შევიკთან მოლაპარაკების ყოველგვარი ცდა და ყაზარმისკენ დანარჩენი მთელი გზა სრულ ღუმელში გაიარეს. მხოლოდ როცა ყაზარმასთან გაჩერდნენ, შევიკმა ქალს უთხრა, აქ მომიცადეთო, თვითონ კი ჭიშკარში მდგარ ჯარისკაცებთან მივიდა და ლაპარაკი გააბა ომის ამბებზე. ეს საუბარი ქალს უკანასკნელ იმედს ხელიდან აცლიდა; იგი გაუბედურებული ადამიანივით მიდი-მოდიოდა ტროტუარზე და ნერვიულობდა, როცა ხედავდა, შევიკი ენას როგორ იქაველებდა ლაპარაკით, რომელიც ფრონტზე შექმნილ მდგომარეობას შეეხებოდა. ამ დროს შევიკს ისეთი ბრიყველი სახე ჰქონდა, როგორიც შეიძლებოდა გეხილათ მხოლოდ ფოტოსურათზე. რომელიც იმ ხანებში გამოქვეყნებული იყო „მსოფლიო ომის ქრონიკაში“ შემდეგი წარწერით: „ავსტრიის ტახტის მემკვიდრე ესაუბრება ორ მფრინავს, რომლებმაც რუსების აეროპლანი ჩამოაგდეს“.

შევიკი სკამზე ჩამოჯდა ჭიშკართან და უამბობდა, რომ კარპატების ფრონტზე ჩვენი ჯარების შეტევა ჩაიფუშა, მაგრამ, მეორეს მხრივ, პერემიშლის კომენდანტი გენერალი კუსმანევი კიევში ჩავი-და, აგრეთვე სერბიაში ჯერ კიდევ ჩვენს ხელშია თერთმეტი საყრ-დენი პუნქტი და სერბიელები დიდხანს ველარ შეიძლებენ ჩვენების დევნასო.

შემდეგ შევიკი ზოგიერთი ცნობილი ბრძოლის გაკრიტიკებას

შეუღდა და, თითქოს ამერიკა აღმოაჩინაო, თქვა: ქვედანაყოფი, რომელიც გარემოცვაშია მომწყვდეული, აუცილებლად უნდა დანებდესო.

ამრიგად, როცა გული მოიოხა ლაპარაკით, საჭიროდ დაინახა მისულიყო ქალთან და ეთქვა, ახლავე დავბრუნდები — ოღონდ აქედან ფეხი არ მოიცივლოთო, თვითონ კი ზემოთ, კანცელარიაში ავიდა, სადაც მოძებნა ლუკაში. პორუჩიკი ლუკაში ამ დროს რომელიღაც პოდპორუჩიკს სანგრების ერთ-ერთ სქემას უხსნიდა და თან უსაყვედურებდა, თქვენ არაფერი გაგეგებათ ხაზვაში და გეომეტრიაზე ხომ ოდნავი წარმოდგენაც არა გაქვთო.

— აი შეხედეთ, ეს როგორ კეთდება. თუ მოცემული სწორი ხაზისადმი საჭიროა პერპენდიკულარის გაყვანა, უნდა დავხაზოთ ისეთი სწორი ხაზი, რომელიც პირველ სწორ ხაზთან შექმნის მართკუთხეს. გასაგებია? მაშინ თქვენ სწორად გაიყვანთ სანგარს, არ შეიკრებით ამ თქვენი სანგრით მოწინააღმდეგის განლაგებაში და მისგან ექვსასი მეტრის მანძილზე მოთავსდებით. მაგრამ თუ იმ ხაზს გაყვებით, რომელიც თქვენ დაგიხაზავთ, მაშინ ჩვენი პოზიციებით მოწინააღმდეგის ხაზს გადავცდებით და ჩვენი სანგრებით მეტრის პერპენდიკულარულად დავდგებით. თქვენ კი გკირდებათ ბლაგვი კუთხე. ეს ხომ სულ იოლი საქმეა, მართალს არ ვამბობ?

თადარიგის პოდპორუჩიკი, რომელიც მშვიდობიანობის დროს ბანკის მოლარედ მუშაობდა, გამოლენჩებული დაჰყურებდა ნახაზებს და არაფერი გაგებოდა. მას გულზე მოეშვა და თავისუფლად ამოისუნთქა, როცა პორუჩიკთან შვეიკი მოვიდა და უპატაკა:

— მაქვს პატივი მოგახსენოთ, პანე ობერ-ლეიტენანტ, ვილაც ქალმა მომცა ეს წერილი და მთხოვა გადმომეცა თქვენთვის. ქალი პასუხს ელოდება, — და შვეიკმა მრავალმნიშვნელოვნად და ფაშვილარულად თვალი ჩაუკრა.

პორუჩიკს მაინცდამაინც სასიამოვნოდ არ დარჩა წერილი.

„Lieber Heinrich! Mein Mann verfolgt mich. Ich muss unbedingt bei Dir ein paar Tage gastieren. Dein Bursch ist ein grosses Mistvieh. Ich bin unglücklich. Deine Katy.“<sup>1</sup>

პორუჩიკმა ლუკაშმა ამოიხენეშა, გაიყვანა შვეიკი თავისუფალ მეზობელ ოთახში, კარები დაკეტა და ბოლოს ცემა დაიწყო მაგილებს შორის. ბოლოს შვეიკის წინ გაჩერდა.

---

1. ძვირფასო ჰაინრიხს ქმარი ფეხდაფეხ დამსდევს. ჩემთვის აუცილებელია შენთან ორიოდ დღე დავყო. შენი დენშიკი—პირუტყვია. მე უბედური ქალი ვარ. შენი კატი.

— ეს ქალი წერს, რომ თქვენ პირუტყვი ხართ. რა ჩაიდინეთ ასეთი?

— მაქვს პატივი მოგახსენოთ, მე არაფერი ჩამიდენია, პანე ობერ-ლეიტენანტ. თავი მეჭირა, როგორც საჭიროა, მაგრამ მან მონდომა ახლავე მოკალათებულს ბინაში. მე, რა თქმა უნდა, არ დავტოვე იგი ჩვენს ბინაში, რადგან თქვენგან არავითარი ბრძანება არ მქონდა. ამასთანავე ორი ჩემოდანიც მოიტანა, თითქმის საკუთარ სახლში მოსულიყოს.

პორუჩიკმა კიდევ ერთხელ ხმამაღლა ამოიხვნეშა, შვეიკმაც ამოიხვნეშა.

— რა იყო?! — მრისხანედ დაუყვირა პორუჩიკმა.

— მაქვს პატივი მოგახსენოთ, პანე ობერ-ლეიტენანტ, ეს ცოტა რთული საქმეა. ამ ორი წლის წინათ ვოიტეშის ქუჩაზე ერთ შალერის გამკვრელს ახალგაზრდა ქალი შეუსახლდა და ვერასგზით ვერ მოიშორა თავიდან. ბოლოს იძულებული გახდა ეს ქალიცა და თავისი თავიც სანათი აირით მოეწამლა, და ამით დასრულდა ეს ოინბაზობა! — პირდაპირ ხათაბალაა ქალებთან საქმის დაქერა! მათ ჩემი ხუთი თითივით ვიცნობ, ვერაფერს გამომაპარებენ!

— რთული საქმეა! — გაიმეორა პორუჩიკმა შვეიკის ნათქვამი, და ჯერ არაოდეს ასეთი ქეშმარიტება მის ბაგეებს არ წარმოუთქვამს.

„ძვირფასი პაინრიხი“ მართლაც საძაგელ დღეში იყო. ქალი, რომელსაც ფეხდაფეხ დასდევს ქმარი, ჩამოდის მასთან სტუმრად რამდენიმე დღით სწორედ მაშინ, როცა ტრშებონოდან უნდა ესტუმროს პანი მიცეკოვა, რომ სამი დღე დაჰყო მასთან და გაიმეოროს ის, რასაც რეგულარულად აკეთებს ხოლმე სამ თვეში ერთხელ, როცა პრადაში საყიდლებზე ჩამოდის. გარდა ამისა, ზეგ პორუჩიკი ერთ ქალიშვილს ელოდებოდა. მთელი ერთი კვირა ყოყმანობდა ეს ქალიშვილი და ბოლოს გადაწყვიტა — დავენებდები ოფიცერს, რადგან სულ ერთია, ერთი თვის შემდეგ ხომ მაინც ვთხოვდები ვილაც ინჟინერზეო.

პორუჩიკი თავჩაქინდრული ჩამომჯდარიყო მაგიდაზე, დუმდა, და ფიქრობდა, მაგრამ სხვა უკეთესი ვერაფერი მოიფიქრა, მიუჯდა მაგიდას, აიღო კონვერტი და სამსახურებრივ ბლანკზე დაწერა შემდეგი:

„ძ ვ ი რ ფ ა ს ი კ ა ტ ი“

სალამოს 9 საათამდე სამსახურში ვიქნები. მოვალ ათზე. ვთხოვ თავი ისე იგრძნო, როგორც საკუთარ სახლში. რაც შეეხება შვეიკს, ჩემს დენშიკს, მე უკვე ნაბრძანები მაქვს ყოველგვარი შენი სურვილი შეასრულოს.

შენი ი ნ დ რ უ ხ ი“.



— ეს წერილი ქალბატონს გადაეცით. — უთხრა შვეიკს პორუჩიკა. — გიბრძანებთ მოეპყრათ თავაზიანად, თავდაჭერილად და ყველა სუოვილი მუხსრულოთ, რაც თქვენთვის კანონი უნდა იყოს. თავი უნდა გეპიროთ მასთან გალანტურად. ემსახურეთ სინდისით და არა შიშით. აი თქვენ ასი კრონი, ანგარიშს მერე ჩამაბარებთ. უთუოდ რამეს მოგატანიებს; შეუკვეთეთ მისთვის სადილი, ვახშაძი და ასე შემდეგ. გარდა ამისა, იყიდეთ სამი ბოთლი ღვინო და ერთი კოლოფი „მემფისი“. ჯერჯერობით, მგონი, სულ ესაა. შეგიძლიათ წახვიდეთ. კიდევ ერთხელ მოგაგონებთ, რომ თქვენ უნდა შეასრულოთ ქალბატონის თვითეული სურვილი, რომელსაც კი მის თვალებში ამოიკითხავთ.

ახალგაზრდა ქალს უკვე ყოველგვარი იმედი დაეკარგა შვეიკის დაბრუნებისა და ძალიან განცვიფრებული დარჩა, როცა იგი ყაზარმიდან მისკენ წერილით ხელში მომავალი იხილა.

შვეიკმა მხედრული სალაში მისცა ქალს, გადასცა წერილი და მოახსენა:

— თანახმად პან ობერ-ლეიტენანტის ბრძანებისა, ვალდებული ვარ მოგეპყრათ თქვენ, ქალბატონო, ზრდილობიანად და თავდაჭერილად, გემსახუროთ სინდისით და არა შიშით, ავასრულო თვითეული თქვენი სურვილი, რომელსაც კი თქვენს თვალებში ამოვიკითხავ. ნაბრძანები მაქვს გასადილოთ და გავახშმოთ, გიყიდოთ ყველაფერი. რასაც კი მოისურვებთ. ხარჯებისთვის პან ობერ-ლეიტენანტმა ასი კრონი მომცა, მაგრამ ამ ფულიდან მე კიდევ უნდა ვიყიდო სამი ბოთლი ღვინო და ერთი კოლოფი სიგარეტი „მემფისი“.

როცა ქალმა წერილი წაიკითხა, მას დაუბრუნდა გამბედაობა, რაც გამოიხატა იმაში, რომ შვეიკს უბრძანა, ეტლი დაეჭირავეო. შვეიკმა ბრძანება აასრულა. ქალმა უბრძანა, მეეტლის გვერდით კოფოზე დაჯექო.

წავიდნენ შინ. როცა ბინაში მივიდნენ, ქალმა მშვენიერად გაითამაშა დიასახლისის როლი. შვეიკს მოუხდა ჩემოდნების საწოლო ოთახში გადატანა და ეზოში ნოხების გაბერტყვა. სარკის უკან აღმოჩენილმა ოდნავ შესამჩნევმა ობობას ქსელმა ქალის უდიდესი აღშფოთება გამოიწვია.

ყველაფერი ეს იმას მოწმობდა, რომ მას გადაწყვეტილი ჰქონდა კარგა ხნით დაეკავებინა აქ საბრძოლო პოზიციები.

შვეიკს ოფლი ღვარად მოსდიოდა. ნოხების ბერტყვას რომ მორჩა, ქალს ფარდების ჩამოხსნა მოეპოიანა და შვეიკს ახლა მათი დაბერტყვა მოუხდა. მერე შვეიკს უბრძანეს დაეწმინდა ოთახებისა და სამზარეულოს ფანჯრები. ამის შემდეგ ქალი ავეჯის გადადგმა-



გადმოდგმას შეუდგა. იგი ყოველ წერილმანზე ნერვიულობდა, და როცა შეეიკმა ყველაფერი ერთი კუთხიდან მეორეში გადაათრია, ქალს აღარ მოეწონა და კვლავ მონინდომა ნივთების ახალი გადაადგილება.

მთელი ბინა ყირაზე დააყენა, მაგრამ ბოლოს მყუდრო საბუდრის მოსაწყობად ამოქმედებული მისი ენერგია ნელ-ნელა დაცხრა და ნგრევამაც თანდათანობით იკლო.

კომოდიდან სუფთა ზეწრები და ბალიშის პირები ამოიღო და თავისი ხელით გააწყო ლოგინი. ამას დიდი მონდომებითა და სიყვარულით აკეთებდა, და ამ დროს ავხორციული ვნებით უთრთოდა ნესტობი.

მერე შეეიკი სადილისა და ღვინის მოსატანად გაგზავნა. თვითონ კი ამასობაში ტანისამოსი გამოიცვალა და დილის გამქვირვალ ხალათში გამოეწყო, რომელშიც ძალზე მაცთუნებლად გამოიყურებოდა.

სადილად ერთი ბოთლი ღვინო შესვა, უამრავი „მემფისი“ მოსწია და ლოგინში ჩაწვა. შეეიკი კი სამზარეულოში იჯდა და სალდათურ პურს შეექცეოდა, რომელსაც შეტკბილებულ არაყში ალბობდა.

— შეეიკი! — გაისმა უეცრად საწოლი ოთახიდან. — შეეიკი!

შეეიკმა გაალო კარები და დაინახა ბალიშებზე მომხიზლავად და პაცტურად წამოწოლილი ახალგაზრდა ქალი.

— შემოდით.

შეეიკი მივიდა საწოლთან. ქალმა რაღაცნაირი ღიმილით შეათვალღერა მისი ჩასკვნილი ფიგურა და ხორციანი ბარძაყები. გადასწია ნაზი ქსოვილი, რომელიც გადაფარებული ჰქონდა შიშველ ტანზე და მკაცრად უბრძანა: „გაიხადეთ ფეხსაცმელი და შარვალი. მაჩვენეთ...“

როცა პორუჩიკი ყაზარმიდან დაბრუნდა, ყოჩაღ ჯარისკაც შეეიკს შეეძლო სუფთა სინდისით ეპატაკნა:

— მაქვს პატივი მოგახსენოთ, პანე ობერ-ლეიტენანტ, თანახმად თქვენი ბრძანებისა, ქალბატონის ყველა სურვილი შევასრულე, ვემსახურებოდი სინდისით და არა შიშით.

— მადლობელი ვარ, შეეიკი, — უთხრა პორუჩიკმა. — ბევრი ჰქონდა ქალბატონს სურვილები?

— ასე, ექვსიოდე იქნებოდა, — უპატაკა შეეიკმა. — ახლა მკვდარივით ძინავს ამდენი დავიდარაბისგან. შევესრულე ყველა სურვილი, რომელიც კი მის თვალებში ამოვიკითხე.



V

იმ დროს, როცა ავსტრიის ჯარები, მტრის მიერ მდინარე დუნაე-ცისა და რაბეს ტყეებში მიმწყვდეული, ყუმბარების თავსხმაში იღგნენ, მსხვილყალობიანი ქვემეხები კი ნაკუწ-ნაკუწად ჰგლეჯდნენ და მიწაში ცოცხლად მარხავდნენ ავსტრიელთა მთელ ასეულებს კარპატებში, იმ დროს, როცა სამხედრო მოქმედებათა ყველა ფრონტზე ხანძრის ალში გახვეული სოფლები და ქალაქები ცისკიდურზე წითლად ლაპლაპებდნენ — პორუჩიკი ლუკაში და შვეიკი არცთუ სასიამოვნო იდილიას განიცდიდნენ ქმარსგამოქცეული ქალბატონისგან. რომელიც ამჟამად აქ სრულუფლებიანი დიასახლისის როლის შესრულებას შესდგომოდა.

ერთხელ, როცა დიასახლისი გასასეირნებლად წასულიყო, პორუჩიკმა ლუკაშმა შვეიკთან სამხედრო ბჭობა გამართა, თავი როგორ დაეაღწიოთ ამ ქალსო.

— ყველაზე კარგი იქნებოდა, პანე ობერ-ლეიტენანტ, — უთხრა შვეიკმა, — მის მეუღლეს ამ ქალის ასავალ-დასავალი რომ გავგო, გვეცნობებიანა, სად იმყოფება ამჟამად, და ჩამოსულიყო ცოლის წასაყვანად. თქვენ ხომ თქვით, რომ მას ქმარი დაეძებს, ამის შესახებ ქალი გწერდათ კიდევ იმ წერილში, რომელიც გადმოგეცით. უნდა გა-

უგზავნოთ დეპეშა, თქვენი ცოლი ჩემთან არის, მობრძანდით და წაიყვანეთ-თქო, მორჩა და გათავდა. ვშენორეში \* ერთ ვილაში შარშან ასეთივე ამბავი მოხდა. მაგრამ მაშინ დეპეშა ქმარს თვითონ ცოლმა გაუგზავნა, ჩამოვიდა ქმარი და გვერდები დაუხილა ცოლსაცა და მის საყვარელსაც. მაგრამ ეს შეყვარებული სამოქალაქო იყო, ოფიცერს კი ამას ვერ გაუბედავენ. ბოლოს და ბოლოს, თქვენ ხომ არაფერში ხართ დამნაშავე, არაეინ თქვენ არ მოგიწვევიათ, და თუ იგი ქმარს გამოექცა, თავის თავს დააბრალოს, რაც მოუჯა. აი ნახავთ, დეპეშა საუცხოოდ მოაგვარებს ამ საქმეს. ქმარმა ერთი-ორიჯ რომ უთავაზოს...

— ქმარი ინტელიგენტი აღამიანია, — შეაწყვეტინა შვეიკს პორუჩიკმა ლუკაშმა, — მე მას ვიცნობ. იგი ფშალათი ვაჭრობას ეწევა ნარდად. მას მართლაც უნდა მოველაპარაკო. დეპეშას გაუგზავნი. ლუკაშის დეპეშა, როგორც ეს კომერციულ დეპეშას შეეფერება, ლაკონიური იყო.

„ამჟამად თქვენი მეუღლის მისამართია...“ შეზღვეგ მოყვანილი იყო ლუკაშის ბინის მისამართი.

და აი, ერთ მშვენიერ დღეს პანი კატი სახტად დარჩა, როცა ბინაში შემოგორდა მისი მეუღლე, რომელიც ფშალათი ვაჭრობას ეწეოდა ნარდად. მას თავაზიანად ეპირა თავი და მზრუნველ მეუღლედ გამოიყურებოდა, როცა კატიმ, რომელიც ამ პომენტში არ დაიბნა, წარუდგინა ისინი ერთმანეთს.

— ჩემი მეუღლე... პან პორუჩიკი ლუკაში.

უკეთესი არაფერი მოუვიდა თავში.

— დაბრძანდით, გეთაყვა, პანე ვენდლერ, — ტკბილად შესთავაზა პორუჩიკმა სტუმარს, ამოიღო პორტსიგარი და ფშალათი მოვაჭრეს მიაწოდა: — ხომ არ ინებებთ?

ფშალათი მოვაჭრე ინტელიგენტმა ზრდილობიანად აიღო სიგარეტი, გააბოლა და ფრთხილად ჰკითხა:

— მალე მიემგზავრებით ფრონტზე, პანე პორუჩიკ?

— პატაკი მაქვს მიცემული ბუდეიოვიცეში დაბანაკებულ ოთხმოცდამეთერთმეტე პოლკში გადაყვანის შესახებ. ალბათ, გადავალ კიდევ, როგორც კი საქმეებს დავამთავრებ ნებითგანწყესებულთა სკოლაში. ჩვენ უამრავი ოფიცერი გვესაჭიროება, მაგრამ, გულისტკივილით უნდა აღვნიშნო, რომ ამჟამად სამუშაო მოვლენას ვამჩნევთ: ახალგაზრდები, რომლებსაც უფლება აქვთ შევიდნენ ნებითგანწყესებულთა სკოლაში, მაინცადაპირად არ ცდილობენ ისარგებლონ ამ უფლებით. რიგით ჯარისკაცებად დარჩენას ამჯობინებენ, ვიდრე იუნკრობას.

— ომმა დიდი ზიანი მიაყენა ფშალათი ვაჭრობის საქმეს, მაგრამ ვფიქრობ ის დიდხანს არ გასტანს, — შენიშნა ვაჭარმა და ხან თავის ცოლს შეხედავდა, ხან კიდევ პორუჩიკს.

— ჩვენი მდგომარეობა ძალზე ხელსაყრელია, — თქვა პორუჩიკმა ლუკაშმა. — ახლა უკვე ეჭვი აღარავის ეპარება, რომ გაიმარჯვებს ცენტრალურ სახელმწიფოთა კოალიცია. საფრანგეთი, ინგლისი და რუსეთი მეტისმეტად სუსტნი არიან და ავსტრია-თურქეთ-გერმანიის ძლევამოსილებას ვერ გაუმკლავდებიან. მართალია, ზოგიერთ ფრონტზე ჩვენ მარცხი განვიცადეთ, მაგრამ ეს მარცხი უმნიშვნელოა. ეჭვს გარეშეა, ომი დამთავრდება, როგორც კი კარპატების ქედსა და შუა დუნაეცს შორის რუსების ფრონტს გავარღვევთ, სწორედ ასევე ფრანგებსაც უახლოეს ხანში მოვლით საფრთხე, რომ დაჰკარგავენ მთელ აღმოსავლეთ საფრანგეთს, და ამასთანავე გამორიცხული არაა, რომ გერმანიის ჯარი პარიზში შეიჭრება. ეს ყველასათვის აშკარაა. აგრეთვე ანგარიში უნდა გავუწიოთ იმასაც, რომ სერბიაში ჩვენი მანევრები დიდი წარმატებით მიმდინარეობს. ჩვენი ჯარების უკან დახევას, რომელიც ფაქტიურად მხოლოდ ძალთა გადაჯგუფებას წარმოადგენს, ბევრი სულ სხვადასხვანაირად ხსნის, ვიდრე ამას მოითხოვს უბრალო აუშფოთებლობა ოპიანობის პირობებში. სულ მალე დავინახავთ, რომ მკაცრად გაანგარიშებული ჩვენი მანევრები სამხრეთ ფრონტზე თავის ნაყოფს გამოიღებენ. აი შეხედეთ...

პორუჩიკმა ლუკაშმა თავაზიანად მოკიდა ხელი მხარზე ფშალათი მოვაჭრეს. მიიყვანა კედელზე დაკიდებულ სამხედრო მოქმედებათა რუკასთან, უჩვენა ცალ-ცალკე პუნქტები და განავრძო ახსნა-განმარტება:

— აღმოსავლეთ ბესკიდები — ეს ჩვენი ყველაზე საიმედო საყრდენი პუნქტია. როგორც ხედავთ, კარპატების უბანზეც ძლიერა საყრდენი გვაქვს. ერთი მძლავრი დარტყმა ამ ხაზზე — და ჩვენ ველარაფერი შეგვაჩერებს თვით მოსკოვამდე: ომი გაცილებით აღრე დამთავრდება, ვიდრე ჩვენ ვფიქრობთ.

— თურქეთი როგორღა? — ჰკითხა ფშალათი ნარდად მოვაჭრემ, თან იმას ფიქრობდა, საიდან დავიწყო ის საქმე, რომლისთვისაც აქ ჩამოვედიო.

— თურქებს მედგრად უჭირავთ თავი, — უპასუხა პორუჩიკმა და სტუმარი ისევ მაგიდასთან მიიყვანა. — თურქეთის პარლამენტის თავმჯდომარე ჰალი ბეი და ალი ბეი\* ენაში ჩამოვიდნენ. თურქეთის დარდანელის არმიის სარდლად დანიშნულია მარშალი ლიმან ფონ ზანდერსი\*. გოლტც-ფაშა კონსტანტინოპოლიდან ბერლინს ჩამოვიდა. ჩვენმა იმპერატორმა ორდენებით დააჯილდოვა ენვერ-ფაშა, ვი-

ცეადმირალი უსედონ-ფაშა და გენერალი ჯეკად-ფაშა. საკმაოდ ბევრმა დაჯილდოებამ მოიყარა თავი დროის ასეთ მცირე მონაკვეთში.

კოტა ხანს ყველანი უჩუმრად ისხდნენ ერთიმეორის პირდაპირ, სანამ პორუჩიკმა საჭიროდ არ სცნო დაერღვია უხერხული დუმილი შემდეგი სიტყვებით:

— როდის ჩამობრძანდით, პანე ვენდლერ?

— დღეს დილით.

— დიდად მოხარული ვარ, რომ მომაგენით და შინაც მომისწავით: სადილის შემდეგ მე ყოველთვის ყაზარაში მივიღივარ და იქ მთელი ღამე ვრჩები. ღამის სამსახური მაქვს. და ვინაიდან, სწორედ რომ ვთქვათ, ბინა მთელი დღეობით ცარიელი რჩება, ადვილად შემეძლო თქვენი მეუღლისთვის მასპინძლობა გამეწია. ვიდრე იგი პრალაშია, აქ არავინ შეაწუხებს. ძველი ნაცნობობის გულისათვის...

ფშალათი მოვატრემ ჩაახველა.

— კატი — უცნაური ქალია, პანე პორუჩიკ. მიიღეთ ჩემი გულითადი მადლობა ყოველივე იმისათვის, რაც თქვენ ჩემს მეუღლეს გაუკეთეთ. რატომღაც მოეხასიათა პრალაში ჩამოსვლა — ნერვებს უნდა ვუმიკურნალოო. ნიადაგ გზაში ვარ გაბმული, და აი მოვიღივარ შინ, — არავინ მხვდება. კატი არ არის...

თვალთმაქცურად თითით დაემუქრა და დაღმეკილი ღიმილით ჰკითხა:

— შენ, რა თქმა უნდა, იფიქრე, რომ რაკი მე საქმეებზე წავედი, შენც შეგიძლია მიატოვო სახლი და წახვიდე. შენ, რა თქმა უნდა, არც კი ასწონ-დასწონე...

პორუჩიკმა ლუკაშმა შეატყო, რომ საუბარი არასასურველი გზით წარიმართა; წამოდგა და ფშალათი მოვატრე ისევ სამხედრო მოქმედებათა რუკასთან მიიყვანა, ხაზგასმული ადგილები უჩვენა და უთხრა:

— წელან დამავიწყდა თქვენი ყურადღება მიმექცია ერთ ძალზე საინტერესო გარემოებაზე. შეხედეთ აი ამ დიდ, სამხრეთ-დასავლეთისკენ მიმართულ რკალს, სადაც მთების ჯგუფი ბუნებრივ სიმაგრეს ქმნის. აქ გვიტევენ მოკავშირეები. თუ ამ გზას გადავკრით, რომელიც მტრის თავდაცვის მთავარ ხაზთან გამაგრებულ ადგილს აკავშირებს, ამით ვწყვეტთ ურთიერთკავშირს მის მარჯვენა ფრთასა და ჩრდილოეთ არმიას შორის ვისლაზე. ახლა ხომ გასაგებია ეს თქვენთვის?

ფშალათი ნარდად მოვატრემ უპასუხა, რომ ახლა მისთვის ყველაფერი გასაგებია, მაგრამ მერე, მისთვის ჩვეული ტაქტიკიანობით გაი-

ფიქრა, რომ ეს ნათქვამი გადაკრულ სიტყვად არ ჩამომარტყანო და, როცა თავის ადგილზე ჯდებოდა, შენიშნა:

— ამ ომის გამო ჩვენს ფშალას გზა ჩაეკეტა და საზღვარგარეთ ვეღარ გადის. საფრანგეთი, ინგლისი, რუსეთი და ბალკანეთი ჩვენი ფშალასთვის დღესდღეობით დაკარგულია. ჯერხნობით კიდევ ვაგზავნი მას იტალიაში, მაგრამ ვშიშობ. რომ იტალიაც ჩაებმება ამ ორომტრიალში. აი, როცა გავიმარჯვებთ, მაშინ კი, გიყვარდეთ, ჩვენს ფსაებს დავადებთ საქონელს!

— იტალია მკაცრ ნეიტრალიტეტს დაიცავს, — ამშვიდებდა ვაქარს პორუჩიკი. — ეს სავსებით...

— კი, მაგრამ იტალიას რატომ არა სურს აღიაროს, რომ იგი სამთა კავშირშია ავსტრო-უნგრეთთან და გერმანიასთან? — განრასხლა უეცრად ფშალათი მოვაჭრე, რომელსაც ყველაფერი ერთბაშად აუყვარდა თავში: ფშალაც, ცოლიცა და ომიც. — მე ველოდებოდი, რომ იტალია საფრანგეთისა და სერბიის წინააღმდეგ გაილაშქრებდა. ასეთ შემთხვევაში ომი ახლა თითქმის დამთავრებული იქნებოდა. საწყობებში ფშალა მიღებდა. სავაჭრო გარიგების საქმე ქვეყნის შიგნით უხეიროდ მიდის, ექსპორტი ნულს უდრის, იტალია კი ნეიტრალიტეტს ინარჩუნებს! მაშინ რაღა საჭირო იყო ჯერ კიდევ ათას-ცხრაას თორმეტ წელს ჩვენთან სამთა კავშირი რომ განაახლა. რას ფიქრობს იტალიის საგარეო საქმეთა მინისტრი მარკიზი დი სან ჯულიანო? რას აკეთებს ეს პატივცემული გვამი? ძილს ხომ არ მინაცემია? იცით, როგორი წლიური საქონლის ბრუნვა მქონდა ომამდე და როგორია ის ახლა?

— არ გეგონოთ, მოვლენათა კურსში არ ვიყო, — განაგრძო მან და მრისხანედ შეხედა პორუჩიკს, რომელიც პირიდან თამბაქოს კვამლს ბოლქვა-ბოლქვად გულმშვიდად უშვებდა. პანი კატი დიდი ინტერესით აღევნებდა თვალს, ერთი ბოლქვი როგორ ეწეოდა მეორეს, ეჯახებოდა და შლიდა მას. — გერმანელებმა რად დაიხიეს უკან. თავისი საზღვრებისკენ, როცა უკვე პარიზის კარიბჭეზე იყვნენ მისული? რატომაა, რომ მაასსა და მოზელს \* შორის მდებარე ტერიტორიაზე კვლავ შეუსვენებლივ გრგვინავენ არტილერიის ყუმბარები? ცნობილია თუ არა თქვენთვის, რომ კომბრა-ა-ვეერ უმარშეში\* სავი ლუდსახდელი ქარხანა დაიწვა, რომელთაც ყოველწლიურად ხუთას ტომარაზე მეტ ფშალას ვაბარებდი? ეოგეზაშიც დაიწვა პარტმანსევილერის ლუდსახდელი ქარხანა.\* უზარმაზარი ლუდსახდელი ქარხანა ნიდერსბახში „უ მილპუზი“\* მიწასთანაა გასწორებული. და აი, ინებეთ საბოლოო ჯამში ყოველწლიურად ათას ორასი ტომარა ფშალა ზარალი, რაც ჩემ ფირმას თავს დაატყდა.



ექვსჯერ შეებრძოლენ გერმანელები ბელგიელებს კლოსტერჰეის<sup>1</sup> ლუდსახდელი ქარხნის ხელში ჩააგდებად — ებეც კიდევ ერთი ზარალი — სამასორმოცდაათი ტომარა ფშალა წელიწადში!

მღელვარებისგან ლაპარაკს თავი ვეღარ გაართვა, წამოდგა, ცოლთან მივილა და უთხრა:

— კატი, შენ ახლავე წამოხვალ ჩემთან ერთად სახლში. ჩაიცივი!

— მთელი ეს ამბები ძალზე მაშფოთებენ და წონასწორობას მაკარგვინებენ, — წარმოთქვა მან ერთი წუთის შემდეგ თავის გასამართლებლად. — წინათ ძალიან დინჯი ხასიათი მქონდა.

როცა მისი ცოლი ჩასაცემლად გავიდა, ფშალათი მოვაჭრემ ხმადაბლა უთხრა პორუჩიკს:

— ასეთ რამეს პირველად როდი მიკეთებს: შარშან ერთ მასწავლებელს გაჰყვა და მხოლოდ ზაპრებეში მიეაკელიე. მე მაშინ შემთხვევით ვისარგებლე და ხელშეკრულება დავედევინე ზაპრების ქალაქის ლუდსახდელ ქარხანას ექვსასი ტომარა ფშალას მიწოდების შესახებ. არ უნდა ლაპარაკი, რომ სამხრეთი საერთოდ ოქროს მაღანი იყო. ჩვენი ფშალა კონსტანტინოპოლამდე აღწევდა. ახლა კი სანახევროდ განადგურებული ვართ. თუ მთავრობაც შიგნით, თავის ქვეყანაში შეზღუდავს ლუდის წარმოებას, ამით უკანასკნელ დარტყმას გვაგეჰებს და ძირფესვიანად ამოგვადგებს.

მოსწია პორუჩიკის მიერ მიწოდებული სიგარეტი და სასოწარკვეთილებით წამოიძახა:

— მარტო ვარშავა ჩვენგან ორი ათას სამასსამოცდაათ ტომარა ფშალას ყიდულობდა. ყველაზე დიდი ლუდსახდელი ქარხანა იქ ავეგუსტინის ქარხანაა. მისი წარმოადგენელი ყოველ წელაწაღს მოდიოდა ჩემთან სტუჰრად. მოდი და, ამის შემდეგ ჰკუთას ნუ დაჰკარგავ, კიდევ კარგი, ბავშვები არა მყავს!

ამ ლოგიკურმა დასკვნამ ვარშავიდან ავეგუსტინის ქარხნის წარმომადგენლის ყოველწლიურად ჩამოსვლის შესახებ პორუჩიკს ოდნავ შესამჩნევი ღიმი მოჰგვარა, რომელიც ფშალათი მოვაჭრეს არ გამოეპარა, და ამიტომ გადაწყვიტა განეგრძო თავისი სიტყვა:

— უნგრეთის ლუდსახდელი ქარხნებიც შოპრონსა და ველეკანიეში იძენდნენ ჩემგან ფშალას თავისი საექსპორტო ლუდისთვის, რომელიც თვით ალექსანდრიაში გაჰქონდათ, — წელიწადში დაახლოებით ათას ტომარას მისაღებდნენ. ახლა ბლოკადის გამო არავითარ შეკვეთას აღარ მაძლევენ. შევთავაზებ ფშალა ოცდაათი პროცენტის ფასდაკლებით, მაინც არ მიაქვთ, არც ერთი ტომარა... ვაჭრობის შენელება და დაცემა, გაღატაკება, და ამასთან კიდევ ეს ოჯახური უსიამოვნებანიც!

ფშალათი მოვაჭრე გაჩუმდა. დუმილი პანი კატიმ დაარღვია, რომელიც სამგზავროდ მომზადებულიყო.

— ჩემს ჩემოდნებს რა ვუყო?

— მე შემოვივლი მათ წასაღებად, — თქვა ფშალათი მოვაჭრემ, რომელიც ფრიად კმაყოფილი იყო იმით, რომ ცოლისგან მოსალოდნელ ყოველგვარ უსაქციელობასა და არასასიამოვნო სცენებს გადაარჩა. — თუ რამე გაქვს საყიდელი, მაშინ უკვე დროა წავიდეთ. მატარებელი ორსა და ოც წუთზე გადის.

ცოლ-ქმარი მეგობრულად გამოემშვიდობენ პორუჩიკს. ფშალათი მოვაჭრე ცას ეწვია სიხარულით, რომ მთელ ამ აფორიაქებას ბოლო მოეღო და გამოთხოვებისას დერეფანში პორუჩიკს ასე უთხრა:

— ვინიცობაა, ღმერთმა დაგიფაროთ და, ომში დაიჭერით, ჩვენთან ჩამობრძანდით მოსაკეთებლად. ზრუნვასა და ხელის შეწყობას არ მოგაკლებთ.

როცა პორუჩიკი საწოლ ოთახში შევიდა, სადაც კატიმ სამგზავროდ ტანთ ჩაიცვა, პირსაბანზე ოთხასი კრონი და პატარა ბარათი ნახა:

„პანე პორუჩიკ, თქვენ ვერ დამიცავით ამ მაიმუნისგან, ჩემი ქმრისგან, უმალღესი მარკის იდიოტისგან. ჩემი თავი მას დაუთმეთ, თითქოს თქვენს ოთახში მივიწყებული ნიეთი რამ ვყოფილიყო. გარდა ამისა, თქვენ ინებეთ იმის თქმაც, რომ მასპინძლობა გამიწიეთ. ვიმედოვნებ, რომ თქვენს მიერ ჩემზე გაწეული ხარჯებიც არ აღემატება ოთხას კრონს, რომელსაც ამ ბარათთან ერთად გიტოვებთ და გთხოვთ, ფული თქვენს დენშჩიკსაც უწილადოთ“.

პორუჩიკი ლუკაში ერთხანს უძრავად იდგა ბარათით ხელში, მერე ნელა დახია ის, ღიმილით შეხედა პირსაბანზე შემოდებულ ფულს, თვალი მოჰკრა მაგიდაზე სარკესთან სავარცხელს, რომელიც პანი კატის თმის დავარცხნის შემდეგ მღელვარებისგან დავიწყებოდა, აიღო ის და თავის ფეტრე-რელიკვიების კოლექციას დაურთო.

სადილის შემდეგ დაბრუნდა შვეიცი. იგი წასული იყო პორუჩიკისთვის პინჩერის საქებრად.

— შვეიკ, — მიმართა პორუჩიკმა, — თქვენ ბედი გწყალობთ. ქალი, რომელიც ჩემთან ცხოვრობდა, წავიდა. ქმარმა წაიყვანა. მთელი იმ მომსახურებისთვის, რომელიც მას გაუწიეთ, პირსაბანზე ოთხასი კრონი დაგიტოვათ. თქვენ, როგორც წესი და რიგია, მადლობა უნდა გადაუხადოთ მას, აგრეთვე მის ქმარს, რადგან ეს ფული, კაცმა რომ თქვას, მისი ფულია, რომელიც ცოლმა სამგზავროდ წამოიღო. წერილს მე გიკარანახებთ.

„მოწყალეო ხელმწიფე! ნება მიბოძეთ თქვენი საშუალებით გულთადი მადლობა გამოვუცხადო თქვენს ცოლს იმ ოთხასი კრონის-

თვის, რომელიც საჩუქრად დაუტოვებია ჩემთვის. ეს, ალბათ, გასამრჯელოა იმ მომსახურეობის, რომელსაც მას ვუწვევდი, ვიღრე იგი პარლამენტი იმყოფებოდა. მაგრამ, მერწმუნეთ, ყველაფერი, რასაც მისთვის ვაკეთებდი, ჩემთვის სასიამოვნო იყო, ამიტომ არ შემიძლია დავიტოვო ეს ფული და მას გიგზავნით...“ განაგრძეთ წერა, შეეიკ! რას ცმუქავხართი რაზე შეეჩერდი?

— „...და მას გიგზავნით...“ — წყვეტილი, ტრაგიკული ხმით წაიხურჩულა შეეიკმა.

— ასე, კარგია! „...მას გიგზავნით უკან თქვენდამი სრული პატივისცემით. მოწინებით გიძღვებით სალამს და ვეამბორები ხელზე თქვენს ცოლს. იოზეფ შეეიკი, პორუჩიკ ლუკაშის დენშიკი...“  
ჩხადაა?

— გერ არა, პანე ობერ-ლეიტენანტ, თარიღი აკლია.

— „ათასცხრაას თოთხმეტი წლის ოცი დეკემბერი“. ესეც ასე. ახლა კონვერტზე დააწერეთ მისამართი, აიღეთ ეს ოთხასი კრონი, წაიღეთ ფოსტაში და იმავე მისამართით გადაგზავნეთ.

და პორუჩიკმა ლუკაშმა „ქმარგაყრილი ცოლის“ ოპერეტიდან მხიარული არიის სტვენა წამოიწყო.

— აი, კიდევ რა, შეეიკ, — უთხრა პორუჩიკმა, როცა შეეიკმა ფოსტაში წასვლა დააპირა. — როგორაა ძაღლის საქმე, რომლის საძებრადაც იყავით წასული.

— არის ერთი შესაფერისი, პანე ობერ-ლეიტენანტ. ძაღზე ლამაზი ძაღლია. ოღონდ მისი ხელში ჩაგდება ცოტა ძნელია. მაგრამ ხვალ, შეიძლება, მაინც მოვიყვანო. იკბინება!

---



## VI

უკანასკნელი სიტყვები პორუჩიკ ლუკაშს არ გაუგონია, მათ კი დიდი მნიშვნელობა ჰქონდათ. „პირს იქ წაგავლებს, ის ძალღიშვილი, სადაც კი მოგწვდება“, — კიდევ უნდოდა გაემეორებია შვეიკს, მაგრამ ბოლოს გადაიფიქრა: „კაცმა რომ თქვას, პორუჩიკს რაში ენადვლება, რანაირად ვიშოვი ძაღლს? მას სურს ყავდეს ძაღლი და ამ ძაღლს იგი მიიღებს“.

ადვილად იტყვიან ხოლმე: „ძაღლი მომიყვანეთო“. იმას კი ანგარიშს არ უწევენ, რომ ყოველი პატრონი ფხიზლად ადევნებს თვალყურს თავის ძაღლს, თუნდაც არა წმინდა სისხლისა იყოს ის. პატარა მურიკელაც კი, რომელიც მხოლოდ დედაბრის ფეხების გასათბობად გამოდგება, დიასახლისს უყვარს, თავს ევლება და არავის დაჩაგვრინებს.

თვით ძაღლი, მით უმეტეს თუ ის ჯიშინია, ინსტინქტით გრძნობს, რომ ერთ მშვენიერ დღეს მას მოიპარავენ. მაგალითად, ქუჩაში ძაღლი მიატოვებს ხოლმე პატრონს, და პირველ ხანებში მხიარულობს, დახტის, დანავარდობს, ეთამაშება სხვა ძაღლებს,

აჯღებამათ და არავითარი მორალი ზისთვის არ არსებობს, ისინიც თავის მხრივ ელლაბუცებიან მას; ასე ამჩატებული, უთაჯბოლოდ დაძუნძულებს: აგერ კუნძა დაყნოსავ', ეგერ სახლის კუთხეს მიაღგება, ცალ თათს ასწევს და კედელს დაასველებს, ან ბაზარში გასასყიდად გამოდგმულ კარტოფილიან კალათასთან ერთი წუთით შეჩერდება და იქაც ცალ თათს ასწევს — ერთი სიტყვით, ცხოვრების ნეტარებას ეძლევა თავშეუკავებლად. ქვეყნიერება მას წარმტაც სანახაობად ეჩვენება, ვით ჭაბუკს, რომელმაც წარმატებით ჩააბარა გამოცდები სიმწიფის მოწმობაზე.

მაგრამ ანახდად თქვენ შეაჩნევთ, რომ მთელი მისი სიმკვირცხლე საღდაც გაჰქრა: ძალდი უკვე ატყობს, რომ ილუპება. ის სასოწარკვეთილებაში ვარდება. შიშატანილი დაძრწის ქურჩაში ხან აღმა, ხან დაღმა, ჰაერს ყნოსავს, საცოდავად ყმუის, კუდი ამოძუებული აქვს, ყურები უკან გაშვერილი, თავგზააბნეული აქეთ-იქით აწყდება.

ლაპარაკი რომ შეეძლოს, უთუოდ დაიყვირებდა: „ღედაო ღეთისა, ნამღვილად მომიპარავენ“!

ყოფილხართ ოდესმე ძაღლების ბაზარში, გინახავთ იქ შიშნაჭამი ძაღლები? ისინი ყველანი მოპარულნი არიან. დიდმა ქალაქმა ქურდბაცაცების საგანგებო სახეობა წარმოშვა, რომელთა ხელობა ძაღლების ქურდობაა. არსებობს სალონის პაწია ძაღლების ჯიში — ჯუჯა ტერიერები, ხელთათმანის ოდენები, რომლებიც შეგიძლიათ პალტოს ჯიბეში ჩაისვათ, ანდა ქალის ხელსათბურში მოათავსოთ, სადაც ჩვეულებრივ ჰყავთ კიდევაც ისინი. აი იქიდანაც კი აგაწაპნიან ქურდები იმ პაწაწკინტელა ძაღლს ბრაზიან გერმანულ ხალიან დოგს, რომელიც ქალაქგარეთა ცალკე აგარაკს გულმოდგინედ დარაჯობს, ჩვეულებრივ ღამით იპარავენ. საპოლიციო ძაღლს ცხვირწინ ააღლიან პოლიციის აგენტს. თუ ძაღლი თოკით მიგყავთ, თოკს გადაგიჭრიან და ძაღლიანად მიიმალებიან, თქვენ დგახართ და ლენჩივით ათვალეოვრებთ ხელში შერჩენილ თოკს. ძაღლების ორმოცდაათ პროცენტს, რომელთაც ქურჩაში ხვდებით, უკვე რამდენჯერმე ჰყავთ გამოცვლილი პატრონი. თქვენ ხშირად საკუთარ ძაღლს ყიდულობთ, რომელიც რაჰდენიმე წლის წინათ სეირნობის დროს მოგპარეს, ჯერ კიდევ მაშინ, როცა ეს ძაღლი ლეკვი იყო.

მაგრამ მოპარვის ყველაზე დიდი საფრთხე ძაღლს მოელის მაშინ, როცა იგი მცირე და დიდი ფიზიოლოგიური საჭიროების დასაკმაყოფილებლად გამოყავთ. განსაკუთრებით ბლომად იკარგება ძაღლები უკანასკნელი აქტის დროს. აი რატომაა, რომ ყოველი ძაღლი ამ დროს აქეთ-იქით დიდი სიფრთხილით იცქირება.

ცნობილია ძალის მოპარვის რამდენიმე მეთოდი. იპარავენ ძალს ან პირდაპირ, უშუალოდ, სხვანაირად რომ ვთქვათ, ჯიბგი-რულად, ანდა ამ ბედშივე ქმნილებას მზაკვრული ხერხით მიიტყუებენ ხოლმე. ძალი ერთგული პირუტყვია... მაგრამ ერთგულია მხოლოდ საბუნებისმეტყველო ქრესტომატიებსა და სასკოლო სახელმძღვანელოებში. აბა ერთი დააყნოსინეთ ყველაზე ერთგულ ძალს მოხრაკული ცხენის ხორცის ძეხვი, და ის დალუპულად შეგიძლიათ ჩათვალოთ. პატრონი უმალ ავიწყდება, რომლის გვერდით ახლახან მიძინებულედა, შემოტრიალდება და თქვენ აგედევნებათ. ამასთანავე პირიდან ნერწყვი მოსდის, ძეხვის მოლოდინში კუდს აქიცინებს და ნესტოებს ბერავს, ვით აბორგებული ულაყი, როცა ის ფაშატის დასაგრილებლად მიყავთ.

მალა სტრანაში „უ ზამეცკის ხოდუ“ მიყუეულა პატარა სალუდე. ერთხელ ამ სალუდეში, ჩაბნელებულ კუთხეში, ორი კაცი იჯდა: ჯარისკაცი და სამოქალაქო. ისინი ერთმანეთისკენ გადახრილიყვნენ და იღუმალად ჩურჩულებდნენ. ვენეციის რესპუბლიკის დროინდელი შეთქმულები გეგონებოდათ.

— ყოველდღე დილის რვა საათზე, — უჩურჩულებდა სამოქალაქო ჯარისკაცს, — მოსამსახურეს დაჰყავს ის პავლიჩეკის მოედნის კუთხეში მდებარე პატარა ბაღში. მაგრამ იკბინება, ის ოხერი, დაუზოგავად. თავზე ხელი არ გადაჰასმევია.

კიდევ უფრო გადაიხარა ჯარისკაცისკენ და ყურში ჩასჩურჩულა:

— კუპატს არ ეკარება.

— მოხრაკულს?

— არც მოხრაკულს.

ორთავემ გადაათურთხა.

— მა, რა ჯანდაბას ჰამს ის ყურუმსალი?

— ეშმაკმა იცის მისი თავი და ტანი! არიან ხოლმე დედოფალივით განაზებული და განებზივრებული ძაღლები.

ჯარისკაცმა და სამოქალაქომ ერთმანეთს ჰიქები მიუჯახუნეს, და სამოქალაქომ ისევ ჩურჩულით წამოიწყო:

— ერთხელ ერთი შპიცი, რომელიც მეტისმეტად მჭირლებოდა კლამოვეის საძაღლესთვის, კუპატს ახლოსაც არ გაეკარა. სამი დღე დავსდევდი, ბოლოს მოთმინება აღარ მეყო და პირდაპირ შევეკითხე დიასახლისს, რომელსაც სასეირნოდ გამოყავდა ძაღლი, ეს თქვენი შპიცი რას მიირთმევს-თქო. ძალიან ლამაზი ძაღლია-მეთქი. დიასახლისს ეამა მისი ძაღლის შექება და მითხრა, შპიცს ყველაზე უფრო დაბეგვილი კატლერი უყვარსო. ვუყიდე შნიციელი. შპიცმა.

იმ უნამუსომ, ზედაც არ დახედა შნიცელს, რადგან ხბოს ხორცისა იყო, შპიცი კი, თურმე, გარდა ღორის ხორცისა, არაფერს ეკარებოდა. მომიხდა ღორის კატლეტის ყიდვა. დავაყნოსეინე და მოვეუსვი. ძალღი უკან მომდევს. დიასახლისმა ყვირილი მორთო: „პუნტიკ! პუნტიკ!“ მაგრამ, თქვენც არ მომიყვდეთ, პუნტიკი უკანაც არ იყურება პუნტიკი მოსდევს ჩემს კატლეტს, შემოუხვია კუთხეში, აქ ძეწკვი გადავაცვი კისერზე და მეორე დღესვე ძალღი კლამოკეის საძაღლეში იყო. მკერდზე მას რამდენიმე თეთრი ნიშანი ჰქონდა, შავად შეეუღებე, კაციშვილი ვეღარ იცნობდა. სხვა ძაღლები (და ასეთები ბლომად იყვნენ) ყველანი ხალისით ეტანებოდნენ მოხრაკულ ცხენის ხორცის კუპატს. კარგი იქნება, შეეიკ, მოსამსახურეს გამოჰკითხო, მის ძაღლს რა უყვარს უფრო მეტად. შენ ჯარისკაცი ხარ, გარეგნობაც ხელს გიწყობს, — შენ უფრო ადვილად გეტყვის. მე ერთხელ შევეკითხე, მაგრამ ისეთი თვალით გადმომხედა, თითქოს გულში დანა დამცაო: „თქვენ რა გესაქმებათო?“ შესახედავად ვერაფერი შეიღია, უბრალოდ რომ ვთქვათ, ჯოჯოხეთის მამხალაა, მაგრამ ჯარისკაცს თავს გაუყადრებს და გამოელაპარაკება.

— ერთი ეს მითხარი, ნამდვილად თუ წმინდა სისხლიანია ის პინჩერი? ჩემს ობერ-ლეიტენანტს სხვა ძაღლზე ლაპარაკიც არ სურს.

— ძაღზე ლამაზი პინჩერია! მისი ცქერით ვერ გაძლები — ნამდვილად წმინდა სისხლიანია! ეს ისეთივე სიმართლეა, რომ შენ შვეიკი ხარ და მე ბლაჰნიკი. ჩემთვის მთავარია გავიგო, ის რას ჭამს. მიუტანდი იმ საჭმელს და ძაღლს მოგგვრიდი.

მეგობრებმა ისევე მიუჯახუნეს ერთმანეთს ჭიქები. როცა შვეიკი ომამდე ძაღლებით ვაჭრობდა, მას ბლაჰნიკი ამარაგებდა. იგი თავისი საქმის სპეციალისტი იყო. ამბობდნენ, რომ ბლაჰნიკი გამტყავებლისგან ფარულად ყიდულობდა ცოფიანობაზე ექვმიტანილ ძაღლებს და მერე ასაღებდა. ერთხელ მას თვითონ გადაედო ცოფი და ვენის პასტერის ინსტიტუტში გაიარა მკურნალობის მთელი კურსი. ახლა იგი თავის ვალად თვლიდა უანგაროდ დახმარებოდა შვეიკს, რომელიც ჯარში იყო წაყვანილი. იგი პრალასა და მის მიდამოებში ყველა ძაღლს იცნობდა, სალუდემი კი ჩურჩულით ლაპარაკობდა იმიტომ, რომ მიკიტანს ხმაზე არ ეცნო, რომელსაც ნახევარი წლის წინათ ტაკისის ლეკვი მოპარა. კალთის ქვეშ ამოიღო და ბავშვის საწოვარა მისცა მოსაწოვად. უქკუო ლეკვს იგი თავისი დედა ეგონა და ერთხელაც არ დაუწკმუვლია პალტოს უბიდან.

ბლაჰნიკი პრინციპულად მარტო ჯიშთან ძაღლებს იპარავდა და, საქმე საქმეზე რომ მიმდგარიყო, სასამართლოს ექსპერტად თამამად გამოდგებოდა. იგი ძაღლებს აწოდებდა საძაღლეებსა და კერძო პი-

რებს, როგორც საჭიროება მოითხოვდა. როცა ქუჩაში მიდიოდა, მის მიერ ოდესღაც მოპარული ძაღლები მრისხანედ უღრენდნენ. ანდა საკმარისი იყო რომელიმე ვიტრინასთან შეჩერებულიყო, იპყამსვე შურისმაძიებელი ძაღლი მიაღგებოდა, ასწევდა თათს და შარვალს სულ ერთთავად გაულუმპავდა.

მეორე დღეს დილის რვა საათზე შეგეძლოთ დაგენახათ, ყოჩალი ჯარისკაცი შვეიცი როგორ მიდიშოდიოდა ბაღთან ჰავლიჩეკის მოედნის კუთხეში. იგი ელოდებოდა მსახურ ქალს თავისი პინჩერთ; როგორც იქნა, ეღირსა მათ მოსვლას. მას ცხვირწინ ჩაურბინა აბურძგენილ-აჩეჩილმა ძაღლმა, რომელსაც ჰკვიანური, შავი თვალები ჰქონდა; ის ხალისიან გუნებაზე იყო, როგორც ყველა ძაღლი, როცა თავის მოთხოვნილებას მოიღვეს ხოლმე. ძაღლი დასდევდა ბელურებს, რომლებიც ცხენის ფუნაში იქეჭებოდნენ.

მერე შვეიკს ჩაუარა იმ ქალმა, როჰლის მზრუნველობას მინდობილი ჰყავდა ძაღლი. ეს იყო შინაბერა ქალი, თმა წესიერად ჰქონდა დაწნული და ნაწნავები გვირგვინით ადგა თავზე. იგი ხანგამოშვებით უსტვენდა ძაღლს და ძეწკვსა და კოხტა შოლტს აქნევდა.

შვეიცი გამოელაპარაკა ამ შინაბერას.

— უკაცრავად, ქალიშვილო, როგორ შემძლია გავიდე ქიქკას ქუჩაზე?

ქალი გაჩერდა, შეხედა შვეიკს — აქ რამე ხრიკი არ იყოსო, მაგრამ შვეიკის კეთილმა სახემ დაარწმუნა გულწრფელობაში. შინაბერა მოლბა და თავაზიანად განუმარტა რანაირად გასულიყო ქიქკას ქუჩაზე.

— მე ამ ცოტა ხნის წინათ გადმომიყვანეს პრალაში, — უთხრა შვეიკმა, — აქაური არა ვარ. მგონი, თქვენც არ უნდა იყოთ პრალელი?

— შე ვოდნანიდან ვარ.

— მაშ ჩვენ თითქმის თანამემამულეები ვყოფილვართ: მე პროტივინელი ვარ.

სამხრეთ ზეხეთის გეოგრაფიის ცოდნამ, რომელიც შვეიკმა ამ მხარეში სამხედრო მანევრების დროს შეიძინა, შინაბერას გული მშობლიური კუთხის სითბოთი აღავსა.

— მაშინ, თქვენ იქნებ იცნობთ პროტივინეში მოედანზე მობინადრე ყასაბ პეიხარას?

— როგორ არ ვიცნობდი ჩემი ძმია. იგი ყველას ძალიან უყვარს.





კარგი კაცია, ხათრიანი, ყველას მასიამოვნებელი, კარგ ხორცს იძლევა, არაოდეს წონაში არ მოგატყუებს.

— თქვენ იარეშეს ვაყი ხომ არა ხართ?—ჰკითხა შინაბერამ, რომელსაც სიმპათია აღედრა უცნობი სალდათისადმი.

— სწორედ მისი ვაყი გახლავარ.

— ეგ რომლის, რომელი იარეშესი, პროტივინეს მახლობლად მდებარე კორჩაში რომ ცხოვრობს, თუ რაყიციელი იარეშესი?

— რაყიციელის

— რასა იქს? როგორაა? ლუდს ისევ დაატარებს?

— როგორ არა, დაატარებს.

— მაგრამ მან, მგონი, სამოც წელს უკვე გადააბიჯა.

— გაზაფხულზე სამოცდარვამ მიუკაკუნა, — წარბშეუხრელად უპასუხა შვეიკმა. — ამ ცოტა ხნის წინათ ძალლი გაიჩინა და ახლა უფრო მხიარულად დაატარებს ლუდს. ძალლი საზიდარზე უზის ხოლმე. მთლად ისეთი ძალლია, აი აგერ ბელურებს რომ აფრთხობს... ერთი შეხედეთ, რა ლამაზი ძალლია, პირდაპირ თვალი ვერ მომიშორებია!

— ეს ჩვენი ძალლია, — აუხსნა შვეიკს მისმა ახალმა ნაცნობმა. — აქ მე ბატონ პოლკოვნიკთან ვმსახურობ. იცნობთ ჩვენს პოლკოვნიკს?

— ვიცნობ. ძალიან განათლებული ადამიანია, — უპასუხა შვეიკმა. — ჩვენთან ბუდეიოვიციეში იყო ერთი პოლკოვნიკი...

— ჩვენი პოლკოვნიკი მკაცრი ადამიანია. როცა ამას წინათ ხმა დაირხა, თითქოს სერბიაში ჩვენებს მაგრად მოარტყეს, იგი ცოფიანივით დაბრუნდა შინ, მიღეწ-მოღეწა ჰურბელი სამზარეულოში და ჩემი დათხოვნაც უნდოდა.

— მაშ, ეს თქვენი ძალლია? — გააწყვეტინა შვეიკმა. — სამწუხაროდ, ჩემს ობერ-ლეიტენანტს ჰირივით ეჯავრება ძალლები. მე კი ძალიან მიყვარს.

შვეიკი ცოტა ხნით გაჩუმდა და მერე ერთბაშად წამოისროლა:

— ძალლი რომ ძალლია, ყველაფერს როდი ჰკამს.

— ჩვენი ფოქია ძალიან წუნიაა. ერთ ხანობას ხორცი თვალის დასანახავად ეზარებოდა, მაგრამ ახლა ისევ დაიწყო ჰკამა.

— რა უყვარს უფრო მეტად?

— ღვიძლი, მოხარშული ღვიძლი.

— ხბოის თუ ღორის?

— ეს მისთვის სულ ერთია, — გაელშიმა შვეიკის „თანამემამულეს“, რომელმაც მისი შეკითხვა ოხუნჯობის უხეირო ცდად ჩათვალა.

ისინი ერთხანს კიდევ დასეირნობდნენ. მერე მათ შეუერთდა პინჩერი, რომელსაც მსახურმა ძეწკვი გამოაბა. პინჩერი ძალზე ფამილარულად ექცეოდა შვეიკს, ახტებოდა მას და, თუმცა დრუნჩშეკრული იყო, მაინც ცდილობდა სალდათისთვის შარვალი შემოეხია. მაგრამ უეცრად, თითქოს შვეიკის განზრახვა იგრძნო, თავი დაანება ხტომას, მოიბუზა და დაღონებული, დაბეჩავებული შეაჩერდა მას, თითქოს უნდოდა ეთქვა: „მაშ, მეც ის მომელის, არა?“

შინაბერამ უამბო შვეიკს, რომ იგი აქ ყოველდღე საღამოს ექვს საათზე გამოდის ხოლმე ძალღით სასეირნოდ და რომ იგი პრადამი არც ერთ მამაკაცს არ ენდობა. ერთხელ განცხადება მივეცი გაზეთში, რომ გათხოვება მსურს-თქო. მოვიდა ერთი ზეინკალი, გამომტყუა რეასი კრონი, რომელიდაც გამოგონებაზე ხარჯის გასაწევად და მიიშალა. პროვინციაში გაცილებით უფრო პატიოსანი ხალხია. თუ ქალი გათხოვებას განიზრახავ, მხოლოდ სოფელზე უნდა გათხოვდე, და ისიც ომის შემდეგ. ომის დროს გათხოვება კი სისულელედ მიმაჩნია — სხვებივით ქვრივ-ოხრად და ქვეყნის სამოწყალოდ დარჩები.

შვეიკმა განუზომელი იმედი ჩაუნერგა მას გულში, უთხრა, ექვს საათზე მოვალო და გასწია თავის მეგობარ ბლაჰნიკთან შესატყობინებლად, რომ ძალღი ყოველგვარ ღვიძლს მიირთმევსო.

— გაუქმასპინძლდები ძროხის ღვიძლით, — გადაწყვიტა ბლაჰნიკმა — ძროხის ხორცმა ფაბრიკანტ ვიდრას მეტად ერთგული ძალღი სენ-ბერნარი მიიტყუა, — ხვალ მოგგერი ძალღს სრულ წესრიგში.

ბლაჰნიკმა სიტყვა შეასრულა. დილით, როცა შვეიკმა ოთახების დალაგება მოათავა, კარებთან გაისმა ყუფა, და ბლაჰნიკმა ბინაში გაძლიანებული ძალღი შეათრია, რომელიც კიდევ უფრო აბურძგნილიყო. ვიდრე ის ბუნებამ აბურძგნა. ძალღი გარეული ნადირით აბრიალებდა თვალებს, და იბღვირებოდა გალიაში დამწყვედული მშვიერი ვეფხვივით, რომელიც ჩასუქებულ მაყურებელს უცქერის. ის კბილებს აკაწკაწებდა და ღრინავდა, თითქოს ამბობდა: „დაგვლეჯ, შეგთქვლეფო!“

ძალღი სამზარეულოს მაგიდას მიაბეს, და ბლაჰნიკმა დალაგებით უამბო მისი ხელში ჩაგდების მთელი მსვლელობა.

— განგებ ჩაუყარე მას გვერდით, ხელში კი ქალღღი გახვეული მოხარშული ღვიძლი მიჭირავს. ძალღმა სუნი იკრა და ჩემს ირგვლივ ხტომა დაიწყო. მე არ ვაძლევ, გზას განვაგრძობ. ძალღი უკან მომდევს. მაშინ ბალიდან ბრედოვის ქუჩაზე შევეუხვეი და იქ მივეცი პირველი ნაჭერი. იგი ჭამდა და თან მომდევდა, არსად დამეკარგოსო. გადავუხვეი ინდრეიხის ქუჩაზე და მეორე ნაჭერი გადავუგდე. როცა

გამოდლა, ძეწვენი ჩაებაი და ვაცლავის მოედნით ვინოპრადზე წავათ-  
რიე თვით ვრშოვიცემდე. გზაში ძალლი პირდაპირ საკვირველ ამბებს  
ჩადიოდა. როცა ტრამვაიის საზზე გადავდიოდი, რელსებზე გაწვა და  
არასგზით ადგილიდან არ იძეროდა: ალბათ ფიქრობდა, დეე, ვაგონმა  
გადაჰქრასო... ჰო, მართლა, მე სუფთა ბლანკიც მოგიტანე ატესტა-  
ტისთვის, ფუქსის საკანცელარიო ნივთების მაღაზიაში ვიყიდე.  
შენ ხომ ძალღების ყალბი ატესტატების კეთებაში ბადალი არა გყავს!

— ატესტატი შენი ხელით უნდა იყოს შევსებული, — უთხრა  
შვეიკმა. — დაწერე, რომ ძალლი წარმოშობით ლაიპციგიდანაა, ფონ  
ბიულოვის საძალღედან. მაჰა — არნჰეიმ ფონ კლასბერგი, დედა —  
ეჰა ფონ ტრაუტენსდორფი, რომელიც წარმოშობით ზიგფრიდ ფონ  
ბუზენტალს ეკუთვნის. მაჰამ პირველი პრიზი ბერლინის საჯინიბოს  
პინჩერების გამოფენაზე მიიღოათას ცხრაასთორმეტ წელს. დედა  
დაჯილდოებულია ჯიშიანი ძალღების მოშენების ნიურნბერგის  
საზოგადოების ოქროს მედლით. შენის აზრით, რა ხნისაა?

— კბიღების მიხედვით ორი წლისა უნდა იყოს.

— ჩასწერე წლინახევრის.

— ყურები ცუდად აქვს მოჭრილი, შეხედე, შვეიკ.

— მაგის გამოსწორება ადვილია. მერე შეეუსწოროთ, როცა  
შეგვეჩვევა. ახლა კი ძალლი კიდევ უფრო გაავდება.

მოტაცებული ძალლი ცოფიანივით იღრინებოდა, ქშინავდა,  
აქეთ-იქით აწყდებოდა და, ბოლოს, დაწვა დაღლილ-დაქანცული,  
ენაგადმოგდებული და ლოდინი დაუწყო, კიდევ რა მომივაო. ნელ-  
ნელა ის დამშვიდდა და მხოლოდ დროგამოშვებით წკმუოდა.

შვეიკმა ძალღს დარჩენილი ღვიძლი მიაწოდა, რომელიც ბლაჰნი-  
კმა გადასცა. მაგრამ ძალღმა პირიც არ დააკარა. მხოლოდ დახედა  
ღვიძღს და თვალი შეავლო ორთავეს ისეთნაირად, თითქოს უნდოდა  
ეთქვა: „ამაზე ერთხელ უკვე დავიწვი პირი — ახლა თქვენ თვითონ  
თქვლიფეთო!“

ძალღი მორჩილად დაწვა და თავს იმძინარებდა, მაგრამ უეცრად  
წამოიწია, დადგა უკანა თათებზე და წინა თათებით რალაცას ითხოვ-  
და. ეტყობოდა ძალღი ურიგდებოდა თავის ბედს.

მაგრამ შვეიკზე ამ გულამაჩუყებელმა სცენამ სრულებითაც არ  
იმოქმედა.

— დაწეკი, — უყვირა მან ძალღს.

საბრალო პირუტყვი დაწვა, თან საცოდავად წკმუტუნებდა.

— რა სახელი შეგიტანოთ მის ატესტატში? — იკითხა ბლაჰ-  
ნიკმა. — წინათ ფოქსს ეძახდნენ. რალაც მსგავსი უნდა შევარჩიოთ,  
რომ ერთბაშად მიხვდეს.

— დავარქვით თუნდაც მაქსი. შეხედე, ბლაჰნიკ, ყურები როგორ ცქვიტა. ადექი, მაქს.

საწყალი პინჩერი, რომელსაც საკუთარი სახლიცა და საკუთარი სახელიც წაართვეს, წამოდგა და ელოდებოდა, რას მიბრძანებინო.

— ვფიქრობ შეგვიძლია აუშვით ძაღლი, — გადაწყვიტა შვეიკმა. — ვნახოთ, რას იზამს.

როგორც კი აუშვეს, ის უმალ კარებს მიაღწა. სამჯერ ნაწყვეტ-ნაწყვეტად შეჰყეფა კარების კაუჭს უთუოდ იმ იმედით, იქნებ ამ შეუბრალებელ ადამიანებს გული მოეუღბოთ. მაგრამ როცა დაინახა, რომ ამ ადამიანებს არ ესმით მისი სურვილები და გარეთ გაშვება აზრადაც არა აქვთ, კარებთან ტბორე დააყენა — ახლა კი ნამდვილად კარში გამაგდებენო, როგორც ეს მისი ახალგაზრდობის პერიოდში ხდებოდა ხოლმე, როცა პოლკოვნიკი მთელი მხედრული სიმკაცრით სისუფთავის დაცვას აჩვენებდა.

მაგრამ ნაცვლად გაგდებისა, შვეიკმა შენიშნა:

— ე-ე, კარგი ეშმაკი ყოფილა, პირდაპირ იეზუიტური ნომერი არ გაგვიკეთა!

შვეიკმა ერთი მაგრად გადაუცხუნა ზურგზე ღვედი და დრუნჩი ჩააკრევეინა ტბორეში, ისე, რომ ძაღლს დიდხანს დასჭირდა ტუჩების ლოკვა, სანამ საბოლოოდ გასუფთავდებოდა.

ძაღლი სირცხვილისგან აწკმუტუნდა, ძუნძული დაიწყო სამზარეულოში და სასოწარკვეთილებით ყნოსავდა საკუთარ ნაკვალევს. მერე სრულიად მოულოდნელად მაგიდასთან მივიდა, იატაკზე დადებული ღვიძლის ნარჩენები შესანსლა, მიწვა ღუმელთან და მთელი ამოდენა ვაი-ვაგლახის შემდეგ დაიძინა.

— რამდენი უნდა მოგცე? — ჰკითხა შვეიკმა ბლაჰნიკს გამოთხოვებისას.

— ამაზე ნუ ვილაპარაკებთ, შვეიკ! — რბილად უთხრა ბლაჰნიკმა. — ძველი ამხანაგისთვის მზად ვარ ყველაფერი გადავეთო, მით უმეტეს, თუ იგი სამხედრო სამსახურშია გაწვეული. კარგად იყავი, ძმობილო, ოღონდ ერთი გახსოვდეს, არასდროს... ეგ ძაღლი ჰავლიჩეკის მოედანზე არ გაიყვანო, ფათერაქს არ გადაეკიდო. თუ კიდევ რომელიმე ძაღლი დაგჭირდეს, მომავითხე. შენ იცი, სადაც ვცხოვრობ.

შვეიკმა საშუალება მისცა მაქსს კარგად გამოეძინა, თვითონ კი ყასაბთან წავიდა, ერთი მეოთხედი კილო ღვიძლი იყიდა, შოხარშა, მერე ცხვირთან დაუდო ძაღლს თბილი ხორცის ნაჭერი და დაუწყო ლოდინი, როდის გაიდვიძებოდა. მაქსმა ჯერ კიდევ ნამძინარევეზე

ტურების ლოკვა დაიწყო, კისერი წაიგრძელა, დაყნოსა ღვიძლს და გადაყლაპა. მერე მივიდა კარებთან და ისევ შეპყეფა კაუქსს.

— მაქსიკ, — დაუძახა შვეიკმა, — აქ მოდი!

მაქსი უნდობლად მივიდა. შვეიკმა მუხლებზე დაისვა და ხელი გადაუსვა. მაქსმა პირველად იყო რომ მეგობრულად ააჩივინა თავისი წაჭრილი კუდი და ფრთხილად დაუწყო შვეიკს ხელზე პირის წაგლება. მერე ნაზად დაიჭირა და პირში გააჩერა ხელი, თან შვეიკს უყურებდა თავისი ტკვიანი თვალებით, თითქოს ეუბნებოდა: „რა გეწუება, ჩემო ძმაო, ვხედავ, თავი წავაგეო“.

შვეიკი ხელს უსობდა ზურგზე და ნაზი ხმით უამბობდა ზღაპარს: — იყო და არა იყო რა, იყო ერთი ძაღლი, სახელად ფოქსი. ცხოვრობდა ის ერთ პოლკოვნიკთან და სასეირნოდ დაჰყავდა მის მსახურ ქალს. მაგრამ ერთხელ მოვიდა ერთი კაცი და ჩვენი ფოქსი მოიპარა. ფოქსი მიჰგვარეს ერთ ობერ-ლეიტენანტს და მაქსი დაარქვეს... მაქსიკ, მომეცი თათი მაშ ასე, ამიერიდან, შე ძაღლიშვილო, შენა, ვიყოს მეგობრები, თუ, რა თქმა უნდა, წესიერად მოიქცევი და ყველაფერს გამიგონებ. თორემ, იცი, აქ სამხედრო სამსახურია და ბარე ორი მოგხვდება!

მაქსი ჩამოხტა შვეიკის მუხლებიდან და ლაქუცი დაუწყო. საღამოთი, როცა პორუჩიკი ყაზარმიდან მოვიდა, შვეიკი და მაქსი უკვე გულითადი მეგობრები იყვნენ.

შვეიკი უყურებდა მაქსს და ფილოსოფოსობდა:

— ჩვენთვის რომ ვთქვათ, თვითელი სალდათიკ ხომ მოპარულია თავისი სახლიდან.

პორუჩიკი ლუკაში გაოცდა და თანაც ძალიან გაეხარდა, მაქსი რომ დაინახა; თავის მხრივ მაქსსაც გაეხარდა, როცა კვლავ ხმლიანი კაცი დაინახა.

პორუჩიკის შეკითხვაზე, ძაღლი სად იშოვე და რამდენი მიეციო, შვეიკმა სრული გულდამშვიდებით მოახსენა, ძაღლი ერთმა ჩემმა მეგობარმა მაჩუქა, რომელიც ახლახან ჯარში გაიწვიესო.

— ძაღლიან კარგი, შვეიკ, — უთხრა პორუჩიკმა, თან ძაღლს ეთამაშებოდა. — პირველ რიცხვში ჩემგან ორმოცდაათ კრონს მიიღებთ ამ ძაღლისთვის.

— ვერ ავიღებ, პანე ობერ-ლეიტენანტ.

— შვეიკ, — მკაცრად უთხრა პორუჩიკმა, — როცა თქვენ სამსახურს შეუდევით ჩემთან, მე გითხარით, ყოველ ჩემს სიტყვას უნდა დაემორჩილოთ-მეთქი. რაკი გეუბნებით, რომ ჩემგან მიიღებთ ორმოცდაათ კრონს, თქვენ ის უნდა აიღოთ და ღვინოში დახარჯოთ. მაშ ასე, რას უზამთ თქვენ იმ ორმოცდაათ კრონს?

— მაქვს პატივი მოგახსენოთ, პანე ობერ-ლეიტენანტ, ღვინოში დაეხარჯავ თანახმად ბრძანებისა.

— მაგრამ ვინიციბაა დამავიწყდეს ამის შესახებ, გიბრძანებთ, შვეიკ, მომაგონოთ, რომ მე ამ ძაღლისთვის უნდა მოგცეთ ორმოცდაათი კრონი. გასაგებია? რწყილები ხომ არა ჰყავს? უკეთესი იქნება აბანაოთ და გაასუფთაოთ. ხვალ სამსახურში ვარ, ზეგ კი სასეირნოდ წავეყვან.

იმ დროს, როცა შვეიკი ძაღლს აბანავებდა, პოლკოვნიკი, ძაღლის ყოფილი პატრონი, თავის სახლში იგინებოდა და იწყევლებოდა, უცნობ ქურდს ემუქრებოდა, სამხედრო-საველე სასამართლოს გადავცემ და ვუბრძანებ დახვრიტონ, ჩამოახრჩონ, ოცი წლით ციხეში გამოაღპონ და ასო-ასო აკუწონო.

— Der Teufel soll den kerl buserieren<sup>1</sup>, — გაისმოდა პოლკოვნიკის ბინაში ისე ძალუმად, რომ ფანჯრის მინებს ზანზარი გაუდიოდათ.

— Mit solchen Meuchelmördern werde ich bald fertig.<sup>2</sup>

შვეიკსა და პორუჩიკ ლუკაშის თავზე შავი ღრუბლები ჩამოწვა, მათ დიდი მარცხი მოელოდა.



<sup>1</sup> უხეში გერმანული გინება (გერმ.).

<sup>2</sup> ამ ბანდიტებს მე ფიცხლად გავუსწორებ (გერმ.).



თ ა შ ი X V

### დიდი მარცხი

პოლკოვნიკი ფრიდრიხ კრაუს ფონ ცილერგუტი (ცილერგუტი ზალცბურგის \* ერთ-ერთი სოფლის სახელწოდებაა; ეს სოფელი პოლკოვნიკის წინაპრებმა ჯერ კიდევ მეთვრამეტე საუკუნეში ლოთობაში გაფლანგეს) გასაოცრად ყუყუჩი ვინმე იყო. როცა იგი სრულიად ჩვეულებრივ საგნებზე ლაპარაკობდა, ყოველთვის ეტყოდა ხოლმე მოსაუბრეს, რაც ვითხარით, ხომ კარგად გამოგეთო, თუმცა საქმე უმარტივეს ცნებებს ეხებოდა, მაგალითად: „აი ეს, ბატონებო, ფანჯარაა. იცით, რა არის ფანჯარა?“ ანდა: „გზას, რომელსაც ორივე მხრიდან თხრილი მისდევს, შარავზე ეწოდება. დიახ, ასეა, ბატონებო. იცით, რა არის თხრილი? თხრილი — ეს არის საკმაოდ მნიშვნელოვანი რაოდენობის მუშახელის მიერ გათხრილი ღრმული. დიახ, თხრილს წალკატით თხრიან. იცით, რა არის წალკატი?“

პოლკოვნიკს აკვიატებული ჰქონდა ის აზრი, რომ იგი ვალდებულია ყველას აუხსნას ყველაფერი, და ამას ისეთი აღფრთოვანებით



აკეთებდა, როგორცაც გამოგონებელი თავის გამოგონებაზე ლაპარაკობს ხოლმე.

„წიგნი, ბატონებო, გახლავთ სხვადასხვა ფორმატის ქალაქისგან დიდი რაოდენობით ოთხკეცად დაჭრილი ნაბეჭდი ფურცლები, რომლებიც ერთადაა შეგროვილი, აკინძული და სახამებლის წებოთი დაწებებული. დაახ. იცით, ბატონებო, რა არის სახამებლის წებო? სახამებლის წებო არის წებო“.

პოლკოვნიკი ისეთი აუტანელი სულელი იყო, რომ ოფიცრები როგორც კი შორიდანვე თვალს მოჰკრავდნენ მას, გვერდზე გადაუხვევდნენ, მისგან რომ არ მოესმინათ, მაგალითად, ასეთი ქეშმარიტება: ქუჩა შესდგება ქვაფენილისა და ტროტუარისგან, ტროტუარი წარმოადგენს სახლის ფასადის გასწვრივ გაჭიმულ პანელს, რომელიც ქვაფენილზე მალა მდებარეობს. ფასადი კი არის სახლის ის ნაწილი, რომელიც მოჩანს ქვაფენილიდან ან ტროტუარიდან. სახლის უკანა ნაწილის დანახვა ტროტუარიდან შეუძლებელია, რაშიც შეგვიძლია დავრწმუნდეთ, თუ ქვაფენილზე გადავალთ.

ერთხელ ასეთი ქეშმარიტების დასადასტურებლად მან მოინდომა ადგილზევე მოეხდინა ამ საინტერესო ცდის დემონსტრაცია, მაგრამ, საბედნიეროდ, ეტლის ბორბლების ქვეშ მოჰყვა. ამ დროიდან უფრო მეტად გამოთაყვანდა. იგი ქუჩაში რომ შეხვდებოდა ოფიცრებს, გააჩერებდა და დაუსრულებელ ლაპარაკს გაუბამდა ერო-კვერცხის, მზის, თერმომეტრის, ხავიწების, ფანჯრებისა და საფოსტო მარკების შესახებ.

პირდაპირ უცნაური იყო, როგორ ახერხებდა ეს იდიოტი, ასე სწრაფად დაწინაურებას სამხედრო სამსახურში და დიდად გავლენიანი პირების მფარველობის ქვეშ მოკალათებას. მაგალითად, ამ ყოველად უნიჭო პოლკოვნიკს დიდად წყალობდა კორპუსის გენერალი. მანევრებზე პოლკოვნიკი თავის პოლკს საარაკო ოინებს უწყობდა: ვერსად ვერასოდეს ვერ ასწრებდა მისვლას და პოლკს კოლონებად პირდაპირ ტყვიამფრქვევებზე მიერეკებოდა. რამდენიმე წლის წინათ სამხრეთ ჩეხეთში წარმოებულ მანევრების დროს, რომელსაც თვით იმპერატორი ესწრებოდა, იგი უეცრად გაჰქრა და თავისი პოლკით მორავიაში ამოჰყო თავი, აქ რამდენიმე დღე უგზო-უკვლოდ დაეხეტებოდა მაშინ, როდესაც მანევრები უკვე დამთავრებული იყო და მოქანცული ჯარისკაცები ყაზარმებში ეყარნენ დასასვენებლად. მაგრამ ამ ამბავმაც იოლად ჩაუარა.

კორპუსის გენერალთან და ძველი ავსტრიის სხვა სამხედრო დიდკაცებთან მეგობრული განწყობილების შემწეობით, რომლებიც თვითონაც არ ჩამოუვარდებოდნენ მას უნიჭობაში, იგი სხვადასხვა

ჯილდოებსა და ორდენებს ღებულობდა, რითაც დიდად ამაყობდა; იგი თავის თავს საუკეთესო სამხედრო პირად თვლიდა მთელ დედამიწის ზურგზე, სტრატეგიის საუცხოო თეორეტიკოსად და ყველა სამხედრო მეცნიერებათა ჩინებულ მცოდნედ.

პოლკის დათვალიერების დროს მას უყვარდა სალდათებთან გამოლაპარაკება და მათ ყოველთვის ერთსა და იმავე შეკითხვას აძლევდა: ჯარში შემოღებულ შაშხანებს რად ეწოდება „მანლიჰე-როჯკაო“?\*

პოლკში მასზე დაცინვით ლაპარაკობდნენ: „აი, წამოიწყო თავისი მანლიჰეობიანა!“

იგი ძალიან გულდრძო ადამიანი იყო და არ ინდობდა თავის იმ ხელქვეით ოფიცრებს, რომლებიც ამა თუ იმ მიზეზით თვალში არ მოუვიდოდა. თუ, მაგალითად, რომელიმე ოფიცერი ცოლის შერთვას დააპირებდა, პოლკოვნიკი ასეთის განცხადებას უმადლეს ინსტანციაში ვადაგზავნიდა, თან არ ივიწყებდა, თავის მხრივ, რაც შეიძლება საძაგელი რეკომენდაცია დაერთო.

პოლკოვნიკს მარცხენა ყური ნახევრად მოჭრილი ჰქონდა, რომელიც მას ახალგაზრდობაში მოწინააღმდეგემ დუელში ჩამოათალა. დუელი ფაქტის უბრალო აღნიშვნის ნიადაგზე მოხდა, — ფრიდრიხ კრაუს ფონ ცილერგუტი დიდი რეგვენი ვინმეაო.

თუ მისი ჭკუა-გონების ავლა-დიდებას განვიხილავთ, იმ დასკვნამდე მივალთ, რომ იგი იმავე ჭკუის პატრონი იყო, რომლითაც სახელი გაითქვა დინგიანმა ფრანც იოსებ ჰაბსბურგმა, როგორც საყოველთაოდ ცნობილმა იდიოტმა: იგივე შეუქავებელი სიტყვის ფრქვევა: იგივე უკიდურესი მიაპიტობა.

ერთხელ ბანკეტზე, ოფიცერთა შეკრებულობაში, როცა საუბარი შილერზე ჩამოვარდა, პოლკოვნიკმა კრაუს ფონ ცილერგუტმა არც აცივა, არც აცხელა და განაცხადა:

— მე, ბატონებო, გუშინ ორთქლის გუთანნი ვნახე, რომელიც ლოკომოტივის საშუალებით მოძრაობდა. წარმოიდგინეთ, ბატონებო, ლოკომოტივით, მერედა, განა ერთით, ორი ლოკომოტივით! ვხედავ — კვამლია, მივდივარ ახლოს — თურმე ლოკომოტივია, მეორე მხრიდანაც ლოკომოტივია. აბა ერთი მითხარით, ბატონებო, განა ეს სასაცილო არ არის? ორი ლოკომოტივი, თითქოს ერთი არ კმაროდა!

ცოტა ხანს შეჩერდა, მერე დასძინა:

— როცა მთელი ბენზინი გამოელია, ავტომობილი იძულებული გახდა, გაჩერებულიყო. ესეც ჩემი თვალით ვნახე გუშინ. და ამის შემდეგ კიდევ ბევრს ლაყბობენ ინერციის შესახებ, ბატონებო! აღარ

მიდის, დგას, ადგილიდან არ იძვრის! არაა ბენზინი, მოდი და, ალა-  
მიანს ნუ გაგეცინება!

მიუხედავად მთელი თავისი სიჩლუნგისა, პოლკოვნიკი მეტის-  
მეტად ღვთისმოსოში იყო. ბინაში საშინაო საყურთხეველი ჰქონდა.  
პოლკოვნიკი ხშირად დადიოდა აღსარებაზე საზიარებლად წმიდა  
იგნატის ეკლესიაში და ომის დაწყების დღიდანვე გულმხურვალედ  
ვევდრებოდა ღმერთს ავსტრიისა და გერმანიის იარაღის გამარჯვე-  
ბაზე. მას ერთმანეთში ერეოდა ქრისტიანობა და ოცნებანი გერმა-  
ნიის ჰეგემონიაზე. მისი ღრმა რწმენით, ღმერთს დახმარება უნდა  
გაეწია დამარცხებულთა ქონებისა და მიწების მიტაცებაში.

იგი ცოფიანივით დორბლებსა ჰყრიდა, როცა გაზეთებში ამოი-  
კითხავდა — ტყვეები კიდევ ჩამოიყვანესო.

— რა ეშმაკად მოჰყავთ აქ ტყვეები? — ამბობდა იგი. — უნდა  
დახვრიტონ ყველანი დაუზოგავად! გვაგებზე უნდა ვიცეკვოთ!  
სერბიაში მთელი სამოქალაქო მოსახლეობა უნდა დასწვან, ყველა-  
ნი — უკანასკნელ კაცამდე. ბავშვები ხიშტებზე უნდა წამოვაგონ.

იგი არაფრით ჩამოუვარდებოდა გერმანელ პოეტ ფირორდტს \*,  
რომელმაც ომის დროს გამოაქვეყნა ლექსები მოწოდებით — გერმა-  
ნია უნდა აღინთოს მილიონობით წყეული ფრახგების მიმართ სი-  
ძულვილით და მათი სისხლი შეუბრალებლად დაღვაროსო:

ღე მთებზე მალა, ღრუბლებამდის იყოს აწვილილი  
აღამიანთა შებოლილი ძვლები და ლეში...

პორუჩიკი ლუკაში მორჩა მეცადინეობას ნებითგანწესებულ-  
თა სკოლაში, მივიდა შინ და მაქსი სასეირნოდ წაიყვანა.

— თავს ნებას ვაძლევ გაგაფრთხილოთ, პანე ობერ-ლეიტე-  
ნანტ, — მზრუნველად უთხრა შვეიკმა, — თვალი გეჭირათ ძალზე,  
არ გაგექცეთ. შეიძლება ძველი პატრონი მოენატროს და მოძურწოს,  
თუ აუშვით. არ გირჩევდით აგრეთვე გაატაროთ ის ჰავლიჩეკის მოე-  
დანზე. იქ „მარიამის ხატის“ \* სახლში ერთი საყასბოა, ჰოდა, ამ  
საყასბოს ძალზე ბრაზიანი ძალლი ჰყავს, რომელიც მუდამ მოედანზე  
დაწანწალებს. საშინელი კბენიაა. როგორც კი თავის რაიონში უცხო  
ძალღს დაინახავს — მზადაა დაგლიჯოს, შიშობს, ვაითუ რამე შემი-  
ქამოსო, მთლად წმიდა ჰაშტალის ეკლესიის მათხოვარივითაა \*.

აუცნობიერებული მაქსი მზიარულად ხტოდა, ფეხებში ებლანდე-  
ბოდა პორუჩიკს, თავისი ძეწკვით მის ხმალს შემოეხვია და ერთ-ორ-  
ჯერ შეჰყეფა კიდევ — ერთი სიტყვით ყოველნაირად ცდილობდა თა-  
ვისი სიხარულის გამოხატვას, რაკი სასეირნოდ მიყავდათ.

გამოვიდნენ ქუჩაში და პორუჩიკი ლუკაში პრშიკოპისკენ გაემართა, სადაც მას პაემანი ჰქონდა დანიშნული ერთ ქალთან პანის<sup>1</sup> ქუჩის კუთხეში. პორუჩიკი სამსახურებრივი საქმეების ფიქრში წავიდა. ხვალ რაზე წავიკითხო ლექცია ნებივანწესებულთა სკოლაშიო? როგორ აღვნიშნავთ რომელიმე მთის სიმაღლეს? რანაირად შეიძლება დავადგინოთ ზღვის დონედან სიმაღლის მიხედვით თვით მთის სიმაღლე ფუძიდან?.. რა ეშმაკად შეაქვს სამხედრო სამინისტროს ასეთი საკითხები სასკოლო პროგრამაში? ეს მხოლოდ არტილერიის ტექნიკისთვისაა საჭირო. ბოლოს და ბოლოს ხომ არსებობს გენერალური შტაბის რუკები. როცა მოწინააღმდეგე აღმოჩნდება სიმაღლეზე 312, აქ უკვე ბევრი ფიქრის დრო აღარაა — ამა და ამ ბორცვის სიმაღლე რადაა ნაჩვენები ზღვის დონიდან, ანდა ვილას ცხელა მაშინ სიმაღლის გამოსაანგარიშებლად. საკმარისია რუკას დახედოთ — და ყველაფერი ნათელი გახდება.

პანის ქუჩის მახლობლად პორუჩიკ ლუკაშის ფიქრები ერთბაშად შეწყვიტა მკაცრმა შეძახილმა „Halt!“<sup>1</sup>

ამ შეძახილთან ერთად ძალი ხელიდან გაუსხლტა პორუჩიკს და მხიარული ყეფით მიიჭრა კაცთან, რომელმაც ეს მკაცრი „Halt!“ დასწყვიტა.

პორუჩიკის პირისპირ იდგა პოლკოვნიკი კრაუს ფონ ცილერგუტი. ლუკაშმა სამხედრო სალაში მისცა, გაჩერდა და თავის მართლებას შეუდგა, ვერ დაგინახეთო.

პოლკოვნიკი კრაუსი ცნობილი იყო ოფიცრებში იმით, რომ თუ რომელიმე მათგანი არ მიესალმებოდა, შავ ღღეს დააყენებდა.

სამხედრო სალამს იგი დიდ ამბავად თვლიდა, რომელზეც, მისი აზრით, დაფუძნებული იყო ავსტრიის მთელი სამხედრო ძლევამოსილება და გამარჯვებაც მასზე იყო დამოკიდებული.

„როცა სალდათი სამხედრო სალამს აძლევს უფროსს, მან ამაში მთელი თავისი სული და გული უნდა ჩააქსოვოს“, — იტყოდა ხოლმე იგი. ეს სიტყვები აღსავსე იყო ღრმა ფელდფებლური მისტიციზმით.

პოლკოვნიკი მკაცრად მოითხოვდა, რომ სამხედრო სალაში ყველა წესის დაცვით ყოფილიყო შესრულებული, დახვეწილად, აბსოლუტურად ზუსტად და სერიოზულად. იგი ყველას თვალყურს ადევნებდა, რიგითი ჯარისკაცისგან დაწყებული პოდპოლკოვნიკამდე, ვინც კი გვერდზე გაუვლიდა. რიგითი ჯარისკაცებს, რომლებიც ჰაიპარად ხელს აიჭნევენ სამხედრო სალამის მისაცემად, თითქოს ამით

<sup>1</sup> შესდექ! (გერმ.).

მზაბიჭურად ესალმებოდნენ: „თქვენი გამარჯვებისა იყოსო“, — თვი-  
თონვე მიათრევდა ყაზარმაში სასჯელის დასაღებად.

მისთვის არავითარი თავის გამართლება — „არ დამინახავსო“ —  
არ არსებობდა.

„საღდათი, — ამბობდა იგი, — ვალდებულია ხალხის ბრბოშიც კი  
ეძებოს თავისი უფროსი და მხოლოდ იმაზე იფიქროს, რომ წესდებით  
გათვალისწინებული თავისი მოვალეობანი შეასრულოს. როცა  
მტრის ტყვიით სასიკვდილოდ განგმირული იგი ბრძოლის ველზე  
დაეცემა, სიკვდილის წინაც კი ვალდებულია სამხედრო საღამი მის-  
ცეს უფროსსო. ვინც არ იცის სამხედრო საღამის მიცემა, ან მოაჩვენ-  
ებს, რომ უფროსებს ვერ ხედავს, ანდა საღამს იძლევა უგულოდ,  
ჩემს თვალში ასეთი სამხედრო პირი ადამიანი კი არა, პირუ-  
ტყვია“.

— პანე პორუჩიკ, — მრისხანედ მიმართა პოლკოვნიკმა კრაუს-  
მა, — უმცროსი ოფიცრები ვალდებული არიან მიესალმონ უფრო-  
სებს. ეს წესი გაუქმებული არ გახლავთ. მერე, ერთი ეს მითხარით,  
როდის შემოიღეთ მოღად ბატონმა ოფიცრებმა მოპარული ძაღლე-  
ბით სეირნობა? დიახ, მოპარულით! ძაღლი, რომელიც ეკუთვნის  
სხვას, — მოპარული ძაღლია!

— ეს ძაღლი, პანე პოლკოვნიკ... — ის-იყო შეესიტყვა პორუჩი-  
კი ლუკაში.

— ...მეკუთვნის მე, პანე პორუჩიკ! — უხეშად მოუპრა პოლკოვ-  
ნიკმა. — ეს ჩემი ფოქსია.

ფოქსმა ანუ მაქსმა, რომელმაც იცნო თავისი ძველი პატრონი,  
მთლად გულიდან ამოირეცხა ახალი პატრონი, ზედ ახტებოდა პოლ-  
კოვნიკს და აღტყინებული იყო, ვით უფროსკლასელი გიმნაზიელი,  
რომელმაც მისთვის სატრფიალო ადამიანის თვალეში ეს-ესაა ახლა  
ამოიკითხა დასტური.

— მოპარული ძაღლით სეირნობა, პანე პორუჩიკ, სრულებით არ  
ეგუება ოფიცრის ღირსებას. თქვენ არ იცოდით? ოფიცერს უფლება  
არა აქვს იყიდოს ძაღლი, სანამ წინასწარ არ დააწმუნდება, რომ აპას  
ცუდი შედეგი არ მოჰყვება! — ღრიალებდა პოლკოვნიკი კრაუსი და  
თან ფოქს-მაქსს ეფერებოდა, რომელიც იმდენად ვერაგი ქმნილება  
აღმოჩნდა, რომ პორუჩიკს დაუწყყო ღრენა და კბილების კრეჭა, თით-  
ქოს პოლკოვნიკი უსისინებდა: „მიდი, მიდი, ეცი პორუჩიკსო!“

— პანე პორუჩიკ, — განაგრძობდა პოლკოვნიკი, — თქვენ ოფი-  
რისთვის მისაღებად მიგაჩნიათ თუ არა მოპარული ცხენით ჯირითი?  
წაიკითხეთ თუ არა ჩემი განცხადება „ბოკემიაში“ და „ტაგებლატ-  
ში“ იმის შესახებ, რომ მე პინჩერი დაგვარგე?.. ან იქნებ თქვენ

ზედმეტად მიგაჩნიათ იკითხოთ განცხადებები, რომელთაც თქვენი უფროსი გაზეთებში აქვეყნებს?

პოლკოვნიკმა ხელი ხელს შემოჰკრა.

— აი რანაირ ახალგაზრდა ოფიცრებს შევესწართი სადაა დისციპლინა! პოლკოვნიკი აქვეყნებს განცხადებებს, პორუჩიკი მათ არ კითხულობს!

„ერთი მაგ სიფათში მათხლეშინა სილა, შე ბებრუხანა!“— გულში გაივლო პორუჩიკმა, და პოლკოვნიკის ქილვაშს დააშტერდა, რომლითაც ეს გადაღძუებული გასაოცრად ემსგავსებოდა ორანგუტანგს.

— წამობრძანდით, ცოტა ხანს ერთად გავიაროთ, — უთხრა პოლკოვნიკმა, და ტკბილი საუბრით გაუყენენ გზას.

— ფრონტზე, პანე პორუჩიკ, ასეთი ამბავი მეორედ აღარ შეგემთხვევიათ. მოპარული ძალებით ჯარის ზურგში სეირნობა, რაღა თქმა უნდა, ძალზე უღამაზოა. დიახ. უფროსის ძალით სეირნობა. მაშინ, როცა ყოველდღე ჩვენ ასეულობით ოფიცერს ვკარგავთ ბრძოლის ველზე... მერედა, განცხადებებს თურმე არც კითხულობთ. მე შემეძლო ძაღლის დაკარგვის შესახებ განცხადებები მექვეყნებინა მთელი ასი წელიწადი, ორასი წელიწადი! სამასი წელიწადი!

პოლკოვნიკმა დიდის ხმაურით მოიხოცა ცხვირი, რაც ყოველთვის იმის მაჩვენებელი იყო, რომ მას ძალზე მოშლილი ჰქონდა ძარღვები, და პორუჩიკს მწყურალად უთხრა:

— შეგიძლიათ განაგრძოთ სეირნობა! — უთხრა პოლკოვნიკმა, შეტრიალდა და წავიდა თავისი გზით, თან გაჯავრებული შოლტს უტყლაშუნებდა თავისი ოფიცრული ფარაჯის კალთებს.

პორუჩიკი ლუკაში ქუჩის მოპირდაპირე მხარეზე გადავიდა და ძვეე მოესმა „Halt!“ პოლკოვნიკმა რომელიღაც ბედშავი სათადარიგო ქვეითი ჯარისკაცი დააკავა, რომელიც შინ დარჩენილ დედის ფიქრში იყო წასული და პოლკოვნიკი ვერ დაინახა.

პოლკოვნიკმა ერთი ლაზათიანად შეუტურთხა ჯარისკაცს და ყაზარმისკენ გაიგდო სასაჯელის დასადებად.

„რა ვუყო შევიკს! — ფიქრობდა პორუჩიკი, — ცემით გავხეთქავე არა, ეს არ კმარა. ზურგზე ცოცხლად ტყავი რომ ავაძრო, ესეც ცოტაა იმ გაიძვერასთვის“.

ქალთან დანიშნულ პემანის გუნებაზე პორუჩიკი, ცხადია, აღარ იყო, და განრისხებული შინისკენ გაემართა.

„ჩემი ხელით დავახრჩობ იმ ნამუსგარეცხილს!“ — თავისთვის ჩაილაპარაკა პორუჩიკმა, როცა ტრამვაიში ჯდებოდა.



ყოჩალი ჯარისკაცი შვეიცი ამ დროს გართული იყო ყაზარმიდან მოსულ შიკრიკთან საუბრით. შიკრიკმა ქალაქები მოუტანა პორუჩიკს ხელმოსაწერად და მას ელოდებოდა.

შვეიცი შიკრიკს ყავით გაუმასპინძლდა. საუბარი ავსტრიის მძიმე მდგომარეობას ეხებოდა, მათი აზრით ავსტრია გაკოტრების გზას ადგა.

ამის შესახებ ისე ლაპარაკობდნენ, თითქოს აქ საეჭვო აღარაფერი იყო. გაუთავებლად გაისმოდა ბრძნული გამოთქმები. სასამართლოს რომ მოესმინა ამ გამოთქმების თვითეული სიტყვა, მათში უეჭველად სახელმწიფო ღალატს დაინახავდა, და ორთავეს ულაპარაკოდ ჩამოხრჩობას მიუსჯიდა.

— ხელმწიფე-იმპერატორი ყოველივე ამისგან, ალბათ, მთლად გამოსულელდა, — განაცხადა შვეიკმა. — თუმცა ჭკვიანი არასოდეს არ ყოფილა, მაგრამ ეს ომი ნამდვილად ბოლოს მოუღებს.

— ბოთეა! — მხიარულად წამოიძახა შიკრიკმა. — მთლად გამოჩერჩეტებულია უთუოდ არც იცის, რომ ომია. მისი მოერიდებოდათ და არც ეტყოდნენ. ხალხის მიმართ მანიფესტზე მისი ხელისმოწერა — მამაძაღლობაა, და შეტი არაფერი. უიმისოდ დაბეკდეს — მას ხომ ამქვეყნის არაფერი გაეგება.

— იგი იცი... — ექსპერტის ტონით დაუმატა შვეიკმა, — შარუს ვერ იკავებს, თურმე, და პატარა ბავშვივით უხდებათ კეება. ამას წინათ სალუდში ერთი კაცი ჰყვებოდა, რომ ხელმწიფე-იმპერატორს ორი ძიძა ყავს და მას დღეში აამჯერ ძუძუს აწოვებენო.

— ეხი — ამოხხენეშა ყაზარმიდან მოსულმა ჯარისკაცმა. — ერთი მალე მაინც დაგვიზილონ კისერი, რომ ავსტრია დაშვიდდეს.

საუბარი გრძელდებოდა. შვეიკმა რამდენიმე თბილი სიტყვა შეაწია ავსტრიას, სახელდობრ, რომ ასეთი იდიოტური მონარქია ქვეყანაზე არ უნდა არსებობდესო. ჯარისკაცმა ამ გამოთქმიდან პრაქტიკული დასკვნა გააკეთა და დასძინა:

— როგორც კი ფრონტზე მოვხვდები, იმწამსვე ავითესები.

ასე განაგრძობდნენ ისინი ჩეხების შეხედულების გამოთქმას მსოფლიო ომზე. ყაზარმის შიკრიკმა თქვა, რომ დღეს პრალაში ხმა დაირხა, თითქოს „უ ნახოდასთან“ \* უკვე ისმოდა ქვემეხების სროლა და რომ თითქოს რუსეთის მეფე მალე კრაკოვში იქნებაო.

შემდეგ ლაპარაკობდნენ, რომ ჩეხეთის პური გერმანიაში გააქვთ და რომ გერმანელ ჯარისკაცებს სიგარეტები და შოკოლადი ეძლევათო.

მერე მოიგონეს გარდასულ ჟამთა ომები და შვეიკი სერიოზულად ამტკიცებდა, რომ, როცა ძველ დროში ალყაშემორტყმულ ქალაქში მტერი სიბინძურით საესე ქილებს ისროდა, ასეთ სიმყარაღეში მაინც დამაინც სასიამოვნო არ იყო ბრძოლა. მე თვითონ წამიკითხავსო, თქვა შვეიკმა, რომ ერთი ქალაქი ალყაშემორტყმული იყო მთელი სამი წელიწადი და მტერი ყოველდღე მხოლოდ ამნაირად ირთობდა თავსაო.


შვეიკი უთუოდ კიდევ რამეს უამბობდა, არანაკლებ საინტერესოსა და ჰკუთისასწავლს, რომ მუსაიფი არ შეეწყვიტა პორუჩიკ ლუკაშის მოსვლას. პორუჩიკმა ისე მრისხანედ შეხედა თავის დენზიქს, თითქოს აქვე მისი გაქრობა სურსო, ხელი მოაწერა ქალაქებს, გაუშვა ჯარისკაცი და თავით ანიშნა შვეიკს, ოთახში შემოდოო.

პორუჩიკი თვალთაგან ნაპერწკლებსა ჰყრიდა. დაჯდა სკამზე, თვალი თვალში გაუყარა შვეიკს, თან ფიქრობდა, როდის შევუდგე ცემასო.

„ჯერ ერთი-ორჯერ კბილებში ჩაცხებ, — გადაწყვიტა პორუჩიკმა, — მერე ცხვირიდან სისხლს ვადენ და ყურებს დავაგლეჯ, შემდეგ ვნახოთ, რაც იქნებაო“.

პორუჩიკს გულდიად და ალაღმართლად უყურებდა შვეიკის კეთილი, უმანკო თვალები; მან გაბედა და პირველმა დაარღვია ქარიშხლის წინ ჩამოწოლილი სიჩუმე.





— მაქვს პატივი მოგახსენოთ, პანე ობერ-ლეიტენანტ, რომ თქვენ დაჰკარგეთ კატა. ფენსაცმლის საცხი შეთქვლითა და ფეხები ფშიკა. მე ის სარდაფში ჩავაგდე, მაგრამ ჩვენსაში კი არა, მეზობლის სარდაფში. ასეთ კარგ ანგორულ კატას თქვენ ველარ იშოვით!

— „რა ვუყო ამ ოჯახქორსი — გაუელვა თავში პორუჩიკს. — ღმერთო ჩემო, რა ბრიყვეული სახე აქვს!“

შვეიკის კეთილი, უმანკო თვალეები კი ნაზად აფრქვევდნენ სიბოს, რაც მეტყველებდა მის სულიერ წონასწორობაზე: „ყველაფერი რიგზეაო, არაფერიც არ მომხდარა, მაგრამ თუ რამე მოხდა, ესეც არაფერია, რადგან ზოგჯერ რაღაცა ხომ მაინც უნდა მოხდესო“.

პორუჩიკი ლუკაში წამოხტა, მაგრამ არ შემოკრა შვეიკს, როგორც განზრახული ჰქონდა. მუშტი ცხვირთან მიუღირა და უყვირა:

— შვეიკ! თქვენ ძალღი მოიპარეთ!

— მაქვს პატივი მოგახსენოთ, პანე ობერ-ლეიტენანტ, ამ უკანასკნელ ხანებში ასეთი რამე არ მომხდარა. ნებას მივცემ ჩემს თავს, პანე ობერ-ლეიტენანტ, მოგაგონოთ, რომ ნასადილევს თქვენ მაქსთან. ერთად სასეირნოდ ინებეთ წაბრძანება, და მე არავითარ შემთხვევაში არ შემეძლო მისი მოპარვა. მე ერთბაშად მივხვდი, რომ საქმე ვერაა კარგად, როცა თქვენ უძალლოდ დაბრუნდით შინ. ეს, როგორც იტყვიან ხოლმე, სიტუაციაა... სპალენის ქუჩაზე ერთი ოს-

ტატი ცხოვრობს, რომელიც ტყავის ჩანთების მოხელეა, გვარად კუნეში. როგორც კი იგი ძალს სასეირნოდ გაიყვანს, იმწამსვე დაეკარგება. უფრო ხშირად მას ძალლი სალუდში რჩება, ან პარავენ ხოლმე, ანდა ინათხოვრებენ და მერე აღარ უბრუნებენ.

— ხმა გაიკმიდე, პირუტყვო, ეშმაკმა დალახვროს! თქვენ ან ჯიბიდან გვაკარდნილი არამზადა ხართ, ან ღვთის გლახა, ტუტუცი, ტაკიმასხარა! ჩემთან ლაზღანდარობა არ გაგივათ! საიდან მოიყვანეთ ძალლი? სად იპოვეთ? იცით თუ არა თქვენ, რომ ის ჩვენი პოლკის მეთაურის არის? ეს-იყო ახლა წამართვა ქუჩაში. საქვეყნოდ თავი მომეჭრა სიმართლე მითხარით — მოიპარეთ თუ არა ძალლი?

— არა, არ მომიპარავს, პანე ობერ-ლეიტენანტ.

— მაგრამ ხომ იცოდით, რომ მოპარული იყო?

— მაქვს პატივი მოგახსენოთ, პანე ობერ-ლეიტენანტ, ვიცოდი.

— დედაო ღვთისა! შეეი! Himmelherrgott! ტყვიას გესვრით პირუტყვო მხეცო ვირო! ნახვო! ნუთუ ასეთი იდიოტი ხართ?

— სწორედ აგრეა, პანე ობერ-ლეიტენანტ, ასეთი ვარ.

— რად მომიყვანეთ მოპარული ძალლი? რა ეშმაკად მინდოდა!

— თქვენთვის რომ მესიამოვნებინა, პანე ობერ-ლეიტენანტ.

და შეეიკმა გულკეთილად და ალერსით შეხედა პორუჩიკს. პორუჩიკი სავარძელში ჩაეშვა და გმინვა აღმოხდა:

— ღმერთო, ასეთი რა შეგცოდე, ეს პირუტყვი რომ მარგუნე?!

გასავათებული იჯდა პორუჩიკი სავარძელში და გრძნობდა, რომ აღარაფრის ძალა აღარ ჰქონდა, სიგარეტის გახვევაც აღარ შეეძლო. თვითონაც არ იცოდა, თუ რატომ, — შეეიკი გაზეთებზე „ბოჰემიასა“ და „ტაგებლატზე“ გაგზავნა და უბრძანა, მოიტანე და წამიკითხე პოლკოვნიკის განცხადებებში ძალლის დაკარგვის შესახებო.

შეეიკი დაბრუნდა გაზეთებით ხელში, რომლებიც განცხადებების გვერდზე ჰქონდა გადაშლილი. სახე სულ ერთთავად უბრწყინავდა და სიხარულით მოახსენა:

— არის, პანე ობერ-ლეიტენანტი ბატონი პოლკოვნიკი ისე ჩინებულად აგვიწერს ამ მოპარულ პინჩერს, რომ უკეთესად აღარ შეიძლება, თან ჯილდოდ ას კრონს აღუთქვამს ძალლის მიმყვანს. საქმაოდ კარგი ჯილდოა. ჩვეულებრივ ასეთ შემთხვევაში ორმოცდაათ კრონზე მეტს არ იმეტებენ ხოლმე. ვინმე კოშირეელი ბოყეტეხი მხოლოდ ამით ირჩენდა თავს. მოიპარავდა ძალს, მერე გაზეთის განცხადებებში ეძებდა, რომელი ძალლი დაიკარგა, და უმაღ მიდიოდა აღნიშნული მისამართით. ერთხელ შესანიშნავი შავი შპიცო მოიპარა და იმის გამო, რომ პატრონი არსად არაფერს აცხადებდა, სცადა თვითონ გამოეჭევეყნებინა განცხადებანი. განცხადებებზე

მთელი ხუთი კრონი დაეხარჯა. ბოლოს, გამოჩნდა პატრონი და უთხრა, ეს ნამდვილად ჩემი ძაღლიაო, დამეკარგა, მაგრამ მისი ძებნა უიმედო საქმედ მიმაჩნდა, რადგან ადამიანის პატიოსნების დიდი ხანია აღარაფერი მწამსო, მაგრამ ახლა თვალნათლივ ვხედავ, რომ ამქვეყნად კიდევ ყოფილან პატიოსანი ადამიანები, და ეს ძალიან მახარებსო. მე პრინციპულად წინააღმდეგი ვარ პატიოსნებისთვის ადამიანს ჯილდო მიეცეს, სამაგიეროდ სახსოვრად მიიღეთ ეს ჩემი პატარა წიგნი — ოთახისა და ბალის ყვავილების მოვლის შესახებო. ბედკრულმა ბოქეტებმა ხელი დაავლო შავ შპიცს უკანა თათებში და თავში სთხლიშა იმ კაცს; ამის შემდეგ ფიცი დასდო, რომ არასოდეს გაზეთებში განცხადებებს აღარ მოათავსებდა. გაცილებით უკეთესია ძაღლი რომელიმე საძაღლეს მიჰყიდო, თუ თვითონ პატრონი არ მოაკითხავს...

— შევიკ, მომშორდით აქედან, გემუდარებით, წადით და დაიძინეთ. თქვენ წისკვილის სარეკელასავით დილამდე შეგიძლიათ ასე ირაკუნოთ.

პორუჩიკიც წავიდა დასაძინებლად, და იმ ღამით მას დაესიზმრა, რომ შევიკმა ტახტის მემკვიდრეს ცხენი მოპარა და მას, ლუკაშს, მიუყვანა, ტახტის მემკვიდრემ ჯარის დათვალეირებაზე იცნო თავისი ცხენი, როცა იგი, ბედუკულმართი პორუჩიკი ლუკაში, თავისი ასეულის წინ ამ ცხენს დააგვლევებდა.

განთიადზე პორუჩიკი თავს ისე საძაგლად გრძნობდა, თითქოს ღამე ღრეობაში გაეტარებინოს და ვილაცას თავში მაგრად ეცემნოს. ძილში მაჯლაჯუნა აწვა. საშინელი სიზმრებით ღონემიხდილ პორუჩიკს დილით ის-იყო ჩაეძინა, რომ კარებზე კაკუნმა გააღვიძა. კარებში გამოჩნდა შევიკის უწყინარი სახე და იკითხა, რომელ საათზე გნებავთ გაგაღვიძოთო.

პორუჩიკმა ყრულ დაიკვნესა:

— გაეთრიე, პირუტყვიო! ღმერთო, ამას რას შევესწარი!..

როცა პორუჩიკი აღგა, შევიკმა საუბრეში მიართვა და ახლა ახალი შეკითხვით გააოცა:

— მაქვს პატივი მოგახსენოთ, პანე ობერ-ლეიტენანტ, ხომ არ მიბრძანებდით, თქვენთვის მეორე ძაღლი მეშოვნა?

— იცით, რა გითხრათ, შევიკ! მე ძალიან დიდი სურვილი მაქვს საველე სასამართლოს გადაგცეთ, — უთხრა პორუჩიკმა და ამოიოხრა. — მაგრამ მოსამართლენი, საუბედუროდ, გაგამართლებენ, რადგან თქვენზე უფრო სულელს ამქვეყნად, სანთლით რომ ეძებონ, ვერ იპოვნებ. ერთი ჩაიხედეთ სარკეში. გული არ გერევათ, როცა თქვენს იდიოტურ სახეს უყურებთ? თქვენ ბუნების გასაოცარი

ონიზაზობის ნაყოფს წარმოადგენთ. თქვენი მსგავსი ჩემს სიცოცხლეში არაფერი შემხვედროა. აბა ერთი გულახდილად მითხარით, შვეიც: თქვენი თავი მოგწონთ?

— არავითარ შემთხვევაში, პანე ობერ-ლეიტენანტ, სრულებით არ მომწონს. ამ სარკეში კინკრია მგონია ჩემი თავი. აი ჩინელ სტანეკს\* გამოდგმული ჰქონდა გამოზნექილი სარკე.\* ვინც არ ჩაიხედავდა ამ სარკეში, გული ერეოდა: პირი გახლეჩაზე ჰქონდა, თავი — სარეცხის ვარცლივით და მუცელი — ლუდით გათრიაქებული ხუცესივით — ერთი სიტყვით, ფიგურა იყო თქვენი მოწონებულთ. ერთხელ ამ სარკეს გენერალ-გუბერნატორმა გვერდი ჩაუარა, შეხედა თავის თავს... და მყისვე აიღეს სარკე ვიტრინიდან.

პორუჩიკმა ზურგი შეაქცია და ამოიხვნეშა, გადაწყვიტა შვეიკისთვის ყური აღარ ეთხოვებინა და ნაღებიანი ყავის სმას შეუდგა.

შვეიკი უკვე სამზარეულოში ფუსფუსებდა და პორუჩიკს შემოესმა მისი სიმღერა:

გრენევილი \* პრაშა ბრანთან \* მიისწრაფის  
სასეირნოდ,

ხმალი ელავს, ხოლო მწარედ ქვითინებენ  
გოგონები.

და შემდეგ: ჩვენ ვართ ყოჩაღი ჯარისკაცები,  
ლამაზთა ტრფობით განატაცები.  
მუდამ ბლომად გვაქვს ჯიბეში ფული,  
ყველგან გვხვდებიან ჩვენ სიხარულით.

„შენ, ალბათ, ყველგან მხიარულად გრძნობ თავს, შე არამზადა!“ — გაიფიქრა პორუჩიკმა და გადააფურთხა.

კარებში შვეიკის თავი გამოჩნდა.

— მაქვს პატივი მოგახსენოთ, პანე ობერ-ლეიტენანტ, ყაზარმიდან მოგაკითხეს, დაუყოვნებლივ ბატონ პოლკოვნიკთან უნდა გამოცხადდეთ. შიკრიკი აქაა.

... და ფაბილარულად დასძინა:

— ეს, ალბათ, იმ ძაღლის შესახებაა.

რაცა შიკრიკმა, რომელიც დერეფანში ელოდებოდა, დააპირა მოეხსენებინა თავისი მოსვლის მიზანი, პორუჩიკმა ყრუ ხმით თქვა:

— უკვე ვიცი.

და წავიდა, თან შვეიკს საშინელი თვალებით გადახედა.

როცა პორუჩიკი პოლკოვნიკის კაბინეტში შევიდა, დაინახა, რომ იგი პირქუშად იჯდა სავარძელში.

— ორი წლის წინათ, პორუჩიკ, — უთხრა მან, — თქვენ ითხოვდით ბუღეიოვიცეში დაბანაკებულ ოთხმოცდამეთერთმეტე პოლკში

გდაყვანას. იცით, სად არის ბუდეიოვიცე? ვლტავაზე მდებარეობს, ვლტავაზე და იქ ჩადის ოპრეე ან რალაც ამის მსგავსი. ქალაქი დი-  
ლია, მე ვიტყვოდი — სტუმართმოყვარეც და, თუ არ ვცდები, იქ სა-  
ნაპიროც არის. იცით, რა არის სანაპირო? სანაპირო — წყლის პირას  
აგებული ქვის ჯებირია. დიახ. თუმცა ეს საქმეს არ შეეხება. ჩვენ  
იქ მანევრებს ვატარებდით.

პოლკოვნიკი გაჩუმდა და სამელნეს დააშტერდა, მერე სწრაფად  
გადავიდა სხვა თემაზე:

— ჩემს ძალს თქვენთან მთლად გამოუცვლია ნირი. აღარაფერს  
ქამს... აი; ბუზი სამელნეში ჩაფარდა. უწესრიგობაა!

„თქვი რაღა, ბოლოს და ბოლოს შე ბებრუხანა!“ — გაიფიქრა  
პორუჩიკმა.

პოლკოვნიკი წამოდგა და კაბინეტში რამდენჯერმე გაიარ-გა-  
მოიარა.

— მე დიდხანს ვფიქრობდი, პანე პორუჩიკ, რა ვიღონო თქვენს  
პიმართ, მსგავსი ფაქტები რომ აღარ განმეორდეს, და ამ დროს გამახ-  
სენდა, რომ თქვენ სურვილი გქონდათ ოთხმოცდამეთერთმეტე  
პოლკში გადასულიყავით. მთავარმა შტაბმა ამას წინათ გვაცნობა,  
რომ ოთხმოცდამეთერთმეტე პოლკი ოფიცერთა დიდ ნაკლებობას  
განიცდის, რადგან სერბიელებმა მთლად ამოგვიწყვიტესო. პატიოსან  
სიტყვას გაძლევთ, რომ სამ დღეში თქვენ ბუდეიოვიცეში იქნებით  
გამწესებული და ოთხმოცდამეთერთმეტე პოლკში ჩაირიცხებით, სა-  
დაც სამარშო ბატალიონები ყალიბდება. სამადლობელი არაფერია,  
თავს ნუ შეიწუხებთ. არმიას ოფიცრები სჭირდება, რომლებიც...

აღარ იცოდა კიდევ რა ეთქვა, საათს დახედა და წამოიძახა:

— ო, უკვე თერთმეტისნახევარია, დროა პოლკის პატაკი მოვის-  
მინო.

ამით დამთავრდა ფრიად სასიამოვნო საუბარი და პორუჩიკს გულ-  
ზე მოეშვა, როცა კაბინეტიდან გამოვიდა. პორუჩიკი ნებითგანწყე-  
ბულთა სკოლაში წავიდა და აცნობა, უახლოეს ხანში ფრონტზე  
მიედივარ და ამის გამო ნეკაზანკაში\* გამოსათხოვარ სალამოს ვმარ-  
თაეო.

შინ რომ დაბრუნდა, ლუკაშმა მრავალმნიშვნელოვნად ჰკითხა  
შვეიკს:

— თქვენთვის ცნობილია თუ არა, შვეიკ, რას წარმოადგენს სა-  
მარშო ბატალიონი?

— მაქვს პატივი მოგახსენოთ, პანე ობერ-ლეიტენანტ, სამარშო  
ბატალიონი — ეს „მარშბატაიკაა“, სამარშო ასეული კი — „მარშ-  
კუმპაჩკაა“. ჩვენ ამ სახელებს ყოველთვის ვამოკლებთ ხოლმე.

— მაშ ასე, გიცხადებთ, შვეიცია, — ზეიმურად წარმოთქვა პორუჩიკმა, — მე და თქვენ ერთად წავალთ „მარშბატიაკით“, რაკი ძალიან მოგწონთ ასეთი შემოკლებული სახელი. მაგრამ არ გეგონოთ, რომ ფრონტზე თქვენი სულელური ოინბაზოპანი შეგრჩებათ ისე, როგორც აქ. გიხარიათ, არა?

— მაქვს პატივი მოგახსენოთ, პანე ობერ-ლეიტენანტ, დიდად მოხარული ვარ — უპასუხა ყოჩაღმა ჯარისკაცმა შვეიცია. — რა მშვენიერი რამ იქნება, როცა მე და თქვენ ხელმწიფე-იმპერატორისა და მთელი მისი უავეუსტოესი ოჯახისთვის გულგანგმიური დავეცემით ბრძოლის ველზე.

---

## გოლოსიძევაობა პირველი ნაწილისა „ზურგში“

დავასრულე „ყოჩალი ჯარისკაცი შევიყის თავგადასავლის“ პირველი ნაწილი („ზურგში“) და ვაუწყებ მკითხველებს, რომ მალე გამოვა დანარჩენი ორი ნაწილი — „ფრონტზე“ და „ტყვეობაში“. ამ ნაწილებშიც ჯარისკაცებიცა და სამოქალაქოებიც ილაპარაკებენ და იმოქმედებენ ისეთნაირადვე, როგორც ლაპარაკობენ და მოქმედებენ სინამდვილეში.

ცხოვრება — მაღალი წრის საზოგადოებაში თავის დაქერისა და მიხრა-მოხრის სწავლების სკოლა არ გახლავთ. ყველა ლაპარაკობს ისე, როგორც ემარჯვება. ცერემონიიმიესტერი დოქტორი გუთი \* სულ სხვანაირად ლაპარაკობს, ვიდრე სამიკიტნო „უ კალიხას“ პატრონი პალიეცი. ჩვენი რომანი კი სალონის ფრატუნებისთვის სახელმძღვანელოს როდი წარმოადგენს, რომელიც კეთილშობილთა საზოგადოების წევრებს სიტყვა-პასუხს ასწავლის. ეს წიგნი გარკვეული ეპოქის ისტორიული სურათის ამსახველია.

თუ საჭიროა უხამსი, უხეში გამოთქმის ხმარება, რომელიც სინამდვილეში იყო წარმოთქმული, მე უყოყმანოდ მომყავს ის. გამოთქმის შერბილება, ან მრავალწერტილით მისი შეცვლა ფრიად სულელურ ფარისევლობად მიმაჩნია. ამ უხამს სიტყვებს ხომ.პარლამენტშიც ხმარობენ.

სწორად იყო ოდესღაც ნათქვამი, რომ იმ ადამიანს, რომელსაც ჯანსაღი აღზრდა აქვს მიღებული, შეუძლია ყველაფერი წაიკითხოსო, იმის მსჯავრის დადება, რაც ბუნებრივია, ემარჯვებათ მხოლოდ სულიერად ურცხვ ადამიანებს, მურტლობაში გაწაფულთ, რომლებიც იცავენ რა საზიზღარ ყალბ მორალს, შინაარსს კი არ უყურებენ, ცალკეულ სიტყვებს ესხმიან თავს დორბლმორეულნი.

ამ რამდენიმე წლის წინათ რეცენზია წავიკითხე ერთ მოთხრობაზე. კრიტიკოსი ცოფსა ჰყრიდა იმის გამო, რომ ავტორს თურქე დაუწერია: „მან ცხვირი მოიხოცა და მოიწმინდაო“. ესაო, ყოველგვარ ესთეტიკურსა და ამაღლებულს ეწინააღმდეგება, რასაც ლიტერატურა უნდა აძლევდესო ხალხს“.

ეს მხოლოდ ერთი, და ამავე დროს არც ისეთი თვალსაჩინო მაგალითია იმისა, რანაირი ვირები იბადებიან ამქვეყნად.

ადამიანები, რომელთაც ასეთი მაგარი გამოთქმები ეჩოთირებათ, უბრალოდ რომ ვთქვათ, ლაჩრები არიან, მათ ნამდვილი ცხოვრებისა ეშინიათ, ასეთი გულსუსტი ადამიანები კი უდიდეს ვნებას აყენებენ კულტურასა და საზოგადოებრივ მორალს. მათი სურვილია მთელი ჩეხი ხალხი გადააქციონ წმიდა ალოისის ტიპის სენტიმენტალურ კაცუნებად, პსევდოკულტურის ონანისტებად. ბერი ევსტახი თავის წიგნში გვიამბობს, რომ, როცა წმიდა ალოისს შემოესმა, ერთმა კაცმა ხმაურით როგორ გაუშვა მუცლის ქარი, ტირილი აუვარდა და მხოლოდ ლოცვამ დაამშვიდაო.

ასეთი ტიპები საშინლად გამწყრალნი არიან ადამიანებზე, თვითონ კი საზოგადოებრივ საპირფარეშოებში დადიან კედლებზე უხამსი წარწერების წასაკითხავად.

ჩემს წიგნში გამოვიყენე რამდენიმე მაგარი გამოთქმა და ამიხ უბრალოდ აღვებქლე ის, თუ როგორ ლაპარაკობენ ადამიანები სინამდვილეში.

არ შეიძლება მოვთხოვოთ მიკიტან პალივეცს, რომ მან ისეთნაირადვე დახვეწილად ილაპარაკოს, როგორც ლაპარაკობენ ქალბატონი ლაუდოვა \*, დოქტორი გუთი, ქალბატონი ოლლა ფასტრია \* და მთელი რიგი სხვა პირები, რომლებიც, საშუალება რომ მიეცეთ, სიამოვნებით გადააქცევდნენ მთელი ჩეხოსლოვაკიის რესპუბლიკას დიდ სალონად, სადაც ყველანი ფრაკებსა და თეთრ ხელთათმანებში გამოწყობილნი პარკეტდაგებულ დარბაზებში მედიდურად დადიან, დახვეწილი ენით ლაპარაკობენ და სალონურ გაფაქიზებულ მორალს ნერგავენ, ამ მორალის ზურგს უკან კი სალონის დიდკაცობა საძაგელ და არაბუნებრივ გარყვნილებას ეწევა.

ესარგებლობ შემთხვევით და გაცნობებთ, რომ მიკიტანი პალივეცი ცოცხალია. ომის მთელი პერიოდი ციხეში გაატარა და ისეთივე დარჩა, როგორიც იყო იმპერატორ ფრანც იოსების პორტრეტის ირგვლივ ატეხილი ამბის დროს.

როცა ჩემს წიგნში თავისი ამბავი წაიკითხა, მომინახულა, მერე იყიდა ოცი ეგზემპლარი, მგონი მეტიც, და სულ თავის ნაცნობებს ჩამოურიგა, რითაც ხელი შეუწყო ამ წიგნის გავრცელებას.

მას დიდი სიამოვნება მიანიჭა ყოველივე იმან, რაც მასზე დაეწერე, როგორც ყველასთვის ცნობილ უკმებ ადამიანზე.

„მე ველარაფერი გამომცვლის, — მითხრა მან. — მთელი ჩემი სიცოცხლე უხეში ვიყავი და ვლაპარაკობდი იმას, რასაც ვფიქრობდი,



შემდეგშიც ასე ვილაპარაკებ. ენას არ ჩავიგდებ მუცელში ვილაყ  
გაუხედნავი ვირის გულისთვის. ამიერიდან ცნობილი ადამიანი ვარ“.

საკუთარი თავისადმი პატივისცემა მას კიდევ უფრო გაეზარდა. მის ღიღებასა და სახელს საფუძვლად უდევს რამდენიმე მაგარი გამოთქმა. ამით იგი სავსებით კმაყოფილია. დავუშვათ, რომ მე ზუსტად და სწორად ავსახე მისი სიტყვა-პასუხის მანერა მხოლოდ იმისათვის, რომ მესაყვედურებინა ასეთი გამოთქმების შეუფერებლობა (რაც, რა თქმა უნდა, აზრადაც არ მქონია), ამით უდავოდ შეურაცყოფას მივაყენებდი ამ წესიერ ადამიანს.

ლაპარაკობს, რაც ენაზე მოადგება და ამით ისე, რომ თვითონაც არ იცის, უბრალოდ და პატიოსნად გამოხატავს ჩეხი ადამიანის პროტესტს ყოველგვარი მლიქვნელობის წინააღმდეგ. უპატივემლობა იმპერატორისა და ფაქიზი გამოთქმებისადმი მას ძვალსა და რბილში ჰქონდა გამჯდარი.

ოტო კატცი ცოცხალია. იგი ფელდკურატის ნამდვილი პორტრეტი. გადართილებს შემდეგ მან თავი გაანება თავის საქმიანობას, დასტოვა კათოლიკური ეკლესიის წიაღი და ახლა ჩრდილოეთ ჩეხეთში მუშაობს ბრინჯაოსა და საღებავების ფაბრიკის რწმუნებულად. მან ძალიან გრძელი წერილი მომწერა, რომელშიც მემუქრებოდა, არ გეგონოს ყოველივე ეს შეგარჩინოო. საქმე ისაა, რომ ერთმა გერმანულმა გაზეთმა ჩემი წიგნის ერთი თავის თარგმანი გამოაქვეყნა, რომელშიც ოტო კატცი აღწერილია ისეთად, როგორიც არის სინამდვილეში. მე შევიარე მასთან, და ყველაფერი შესანიშნავად დამთავრდა. ნაშუალამევის ორმა საათმა რომ მოატანა, იგი უკვე ფეხზე ვეღარ დგებოდა, მაგრამ შეუსვენებლად ქადაგებდა და ბოლოს განაცხადა: „ჰეი, თქვენ, თაბაშირის თავებიანო მე — ოტო კატცი ვარ, ფელდკურატი“

ძველი ავსტრიის სახელმწიფო საიდუმლო პოლიციის აგენტის, განსვენებული ბრეტშნაიდერის ტიპის მრავალი ადამიანი ახლაც დაძრწის რესპუბლიკის სხვადასხვა კუთხეში. მათ მეტისმეტად აინტერესებთ, ვინ რას ლაპარაკობს.

არ ვიცი, მოეახერხებ თუ არა ამ წიგნით ჩემი მისწრაფების მიღწევას. ერთხელ გავიგონე, ერთი კაცი როგორ ლანძღავდა მეორეს: „შვეიკივით ბოთე ხარო“, — უკვე ეს ჩემი მიზანდასახულების საწინააღმდეგოს ამტკიცებს. მაგრამ თუ სიტყვა „შვეიკ“ ახალ ლანძღვა-გინებად შეემატება სალანძღავი სიტყვების თაიგულს, მაშინ მხოლოდ ისღა დამრჩენია, რომ დავკმაყოფილდე ჩეხური ენის ასეთი გამდიდრებით.



Ես խնայում եմ ինչ

գրություն







თ ა ზ ი 1

### შვეიციის ფათერაკი მატარებელში

ჩქარი მატარებლის პრადა-ჩესკე ბუდეიოვიცეს II კლასის ერთ-ერთ კუბეში სამი მგზავრი იყო: ერთ მხარეს პორუჩიკი ლუკაში იჯდა, მის პირდაპირ — ხანშიშესული, სრულიად მელოტი მამაკაცი და, ბოლოს—შვეიცი, რომელიც მორჩილად იდგა კარებში და მოთმინებით ისმენდა პორუჩიკის თავშეუქავებელ ლანძღვა-გინებას. ლუკაში არ მორიდებია სამოქალაქო ტანსაცმელში გამოწყობილ მელოტ მგზავრს და მთელი გზა შვეიკს უყვიროდა, შე პირუტყვო, შე ასეთო, შე ისეთო.

ეს ლანძღვა-გინება სულ უბრალო რამით იყო გამოწვეული. საქმე შეეხებოდა ჩემოდნებს, რომლებიც შვეიკს ჰქონდა მიბარებული.

— ჩემოდანი მოგეპარესო — უყვიროდა შვეიკს პორუჩიკი. — ან კი როგორ მოგიბრუნდა ეგ ენა, შე გაიძვერა, ამას რომ შეუბნებია.

— მაქვს პატივი მოგახსენოთ, პანე ობერ-ლეიტენანტ, — წყნა-

ად უპასუხა შვეიკმა, — ჩემოდანი მართლაც მოგვპარეს. სადგურებზე ყოველთვის დაეხეტება უამრავი ქურდ-ბაცაცა. როგორც ჩანს, რომელიღაც მათგანს უთუოდ თვალში მოუვიდა თქვენი ჩემოდანი, და მან უთუოდ დრო იხელთა, როცა ერთი წუთით ჩემოდნებს მოეცილდი, — მინდოდა თქვენთვის მომეხსენებინა, რომ ჩვენი ბარგი სრულ წესრიგში იყო. იმ ვაებატონს სწორედ ასეთ ხელსაყრელ დროს შეეძლო მოეპარა ჩვენი ჩემოდანი. ისინი სულ იმას უთვალთვალევენ, რომ მსგავსი შემთხვევა ხელიდან არ გაუშვან. ორი წლის წინათ ჩრდილოეთ-დასავლეთ სადგურზე ერთ ქალს საბავშვო ურიკა მოპარეს, რომელშიც საბანში გახვეული პატარა გოგონა იწვა. მაგრამ ქურდები იმდენად კეთილშობილნი აღმოჩნდნენ, რომ გოგონა პოლიციას ჩააბარეს (ეს ჩვენს ქუჩაზე მოხდა) და განაცხადეს, ბავშვი ეზოს ჭიშკართან მიგდებული ვიპოვეთ და მოვიყვანეთო. ამის შემდეგ გაზეთებმა ის საწყალი ქალი უსულგულო დედად მონათლეს, გალანძლეს და გაათხეს.

შვეიკმა, გულდაჯერებულმა, ასე დაასრულა: — სადგურებზე ყოველთვის იპარავდნენ და კვლავაც მოიპარავენ — უამისოდ არ იქნება.

— ღრმად დარწმუნებული ვარ, შვეიკ, — უთხრა პორუჩიკმა, — რომ ცუდად დაასრულებთ თქვენს ცხოვრებას. დღემდე ვერ გამიგია თავს ისულელებთ, თუ ასე ვირეშმაკად ხართ დაბადებული. რა გეკონდა იმ ჩემოდანში?

— თითქმის არაფერი, პანე ობერ-ლეიტენანტ, — უპასუხა შვეიკმა და პორუჩიკის პირდაპირ მჯდომი მგზავრის მოტვლეპილ თავს დააცქერდა, მგზავრი კი თითქმის არავითარ ყურადღებას არ აქცევდა, მის ირგვლივ რა ხდებოდა და „Neue Freie Presses“ \*ს კითხულობდა. — მარტო სარკე წამოვიღეთ თქვენი ოთახიდან და ტანისამოსის საკიდი წინკარიდან, ასე რომ, თითქმის არავითარი ზარალი არ მოგვევლია, — სარკეცა და საკიდიც ხომ სახლის პატრონი ეკუთვნოდა...

შვეიკმა თვალი მოჰკრა, მუშტით როგორ დაემუქრა პორუჩიკი და ტკბილმოუბრად განაგრძო:

— მაქვს პატივი მოგახსენოთ, პანე ობერ-ლეიტენანტ, მე ხომ წინასწარ არ ვიცოდი, მოიპარავდნენ თუ არა ჩემოდანს, რაც შეეხება სარკესა და საკიდს, სახლის პატრონისთვის ნათქვამი მაქვს, რომ ყველაფერს დაუბრუნებთ, როცა ფრონტიდან ჩამოვალთ. მტრის მიწა-წყალზე სარკეცა და საკიდიც რამდენიც გნებაუთ, იმდენია, ასე რომ არც ჩვენ, არც სახლის პატრონი საბოლოოდ არაფერს კვარავთ. როგორც კი რომელიმე ქალაქს დავიკავებთ...

— ხმა! კრინტი! — ცივი ხმით დასჯივლა პორუჩიკმა. — შე  
თქვენ საველე სასამართლოს გადაგცემთი დაფიქრდით, როცა რამეზე  
ლაპარაკობთ, თუ მაგ თავში ჭკუის ნამცეცი მაინც გაგაჩნიათი თქვენს  
ადგილზე სხვა ვინმე რომ ყოფილიყო, ათას წელიწადშიც ვერ ჩაი-  
დენდა იმდენ სისულელეს, რაც თქვენ ამ რამდენიმე კვირის განმავ-  
ლობაში ჩაიდინეთ. ვფიქრობ, ამას თქვენ თვითონაც კარგად ამჩნევთ.

— სწორედ ასეა, პანე ობერ-ლეიტენანტ, რასაკვირველია,  
ვამჩნევ. მე, როგორც იტყვიან ხოლმე, დაკვირვების უნარი ძალიან  
განვითარებული მაქვს, ყველაფერს ვამჩნევ, მაგრამ ამ ჩემს უნარს  
დაგვიანებით ვიშველიებ, როცა უსიამოვნება უკვე მომხდარა.  
პირდაპირ ბედი არა მწყალობს, იმ ვილაც ნეკაზანკელ ნეხლებას  
შგავსად, რომელიც ტრაქტირ „ჩუბჩი პაიში“ დადიოდა. იგი სულ  
იმაზე ოცნებობდა, როგორმე სათნო ადამიანი გამხდარიყო და ყო-  
ველ შაბათს თავიდან იწყებდა ახალ ცხოვრებას, მეორე დღეს კი  
დამსწრეთ უამბობდა: „გავიდვიძე დილით და რას ვხედავ, ძმებო,  
თურმე ისეც ნაობახტში გამითევია ღამე“. ბედი სწორედ მაშინ  
უშუხთლებდა ამ კაცს, როცა მტკიცედ გადაწყვეტდა — აი ახლა შინ  
წავალ ჩემთვის წყნარად და მშვიდადო. მაგრამ, თქვენც არ მომიკვ-  
დეთ, უთუოდ სადმე ან ღობეს გამოამტვრევდა, ან შეეტლეს ცხენს  
გამოუხსნიდა ეტლიდან, ან კიდევ მოეპრჩიანებოდა და თავისი ჩიბუ-  
ხის გასაწმენდად პოლიციელს მუზარადის სამკაულიდან მაშლის  
ფრთას გამოაძრობდა. ყველაფერი ეს სასოწარკვეთილებაში ავდებ-  
და ნეხლებას, მაგრამ უფრო მეტად ის აწუხებდა, რომ მთელი მისი  
გვარეულობა ასეთი უიღბლო იყო. ერთხელ ბაბუამისი გზას გაუდ-  
გა — ქვეყნიერება უნდა შემოვიაროო...

— მომასვენეთ, შვეიკ, მაგ თქვენი ლათაიებისგან...

— მაქვს პატივი მოგახსენოთ, პანე ობერ-ლეიტენანტ, ყველაფე-  
რი ეს, რასაც ვიამბობთ, სრული ჭეშმარიტებაა. მაშ ასე, ერთხელ ბა-  
ბუამისი გზას გაუდგა — ქვეყნიერება უნდა შემოვიაროო...

— შვეიკ, — განრისხდა პორუჩიკი, — კიდევ ერთხელ გიბრძა-  
ნებთ, შეწყვიტოთ ლაყბობა. თქვენგან ერთი სიტყვის მოსმენაც არა  
მსურს. ბუდეოვიციეში რომ ჩავალთ, ისე როგორ მოკვდები, თქვენი  
ჯავრი არ ამოვიყარო. უმალ სატუსალოში გიკრავთ თავს.  
რკით თუ არა ეს თქვენ?

— მაქვს პატივი მოგახსენოთ, პანე ობერ-ლეიტენანტ, ეგ მე არ  
ვიცილი, — რბილად უპასუხა შვეიკმა. — თქვენ ამის შესახებ არა-  
ფერა გითქვამთ.

პორუჩიკმა უნებლიეთ კბილები გააკრაჭუნა, ამოიხენეშა, ფარა-  
ჯის ჯიბიდან „ბოქმია“ ამოიღო და გერმანიის წყალქვეშა „E“ ნა-

ვის კოლოსალური გამარჯვებებისა და ხმელთაშუა ზღვაში მისი მოქმედების ამბების კითხვას შეუდგა. როცა იგი გერმანელების ახალი გამოგონების შესახებ ცნობის კითხვაზე გადავიდა, — ქალაქების ასაფეთქებლად სპეციალურ ბომბებს თვითმფრინავებიდან ჰყრიან და ეს ბომბები ზედიზედ სამჯერ ფეთქდებიანო, — კითხვა შეაწყვეტინა შვეიკმა, რომელიც თავმოტვლეპილ მგზავრს გამოელაპარაკა:

— მაპატიეთ, ბატონო, პურკრაბეკი ხომ არ ბრძანდებით, ბანკ „სლავიას“ აგენტია?

რაკი მელოტ მგზავრისგან პასუხი ვერ მიიღო, შვეიკი ახლა პორუჩიკს მიუბრუნდა:

— მაქვს პატივი მოგახსენოთ, პანე ობერ-ლეიტენანტ, ერთხელ გაზეთებში წავიკითხე, რომ ნორმალურ ადამიანს თავზე საშუალოდ სამოციდან სამოცდაათი ათასამდე ლერი თმა უნდა ჰქონდეს, შავ-გვრემანებს ჩვეულებრივ უფრო თხელი თმა აქვთ, ამის მრავალი მაგალითია ცნობილი... ერთი ფერშალი კი, — შეუბრალებლად განაგრძობდა შვეიკი, — კაფე „უ შპირკუში“ ამბობდა, რომ ადამიანს თმა სცივივა დიდი ნერვიული დაძაბულობისგან დაბადების პირველ ექვს კვირაშიო...

ამ დროს მოხდა რაღაც საშინელება. მელოტი მგზავრი წამოხტა და შვეიკს დაუღრიალა:

— Marsch heraus, sie weinkerl!<sup>1</sup>

და ისეთი პანლური ამოჰკრა, რომ ორთავენი დერეფანში გავარდნენ. მერე მელოტი მგზავრი ისევ კუბეში დაბრუნდა და პორუჩიკს თავისი ვინაობა გააცნო, რითაც იგი დიდულ გააოცა.

შვეიკი ცოტათი მოტყუვდა: მელოტი მგზავრი არ იყო პან პურკრაბეკი, ბანკ „სლავიას“ აგენტი, იგი მხოლოდ გენერალ-მაიორ ფონ შვარცბურგი გახლდათ. გენერალ-მაიორი გარნიზონების საინსპექციოდ სამოქალაქო ტანსაცმელში გადაცმული დადიოდა და ამჯერად ბუდეიოვიცე ჰქონდა ამოღებული მიზანში.

გენერალ-ინსპექტორებს შორის, რომლებსაც ოდესმე გაუქაჭანებიათ ქვეყანაზე, შვარცბურგი ყველაზე საშინელი იყო. შეამჩნევდა თუ არა სადმე უწესრიგობას, იგი მაშინვე ასეთ საუბარს გაუმართავდა გარნიზონის უფროსს:

— რევეოლვერი გაქვთ?

— მაქვს.

— ძალიან კარგი. ვფიქრობ, მშვენივრად იცით, როგორ უნდა

<sup>1</sup> გაეთრია აქედან, შე ლორო! (გერმ.)



გამოყენოს ეს იარაღი თქვენ ადგილზე მყოფმა ადამიანმა. ეს გარნიზონი კი არაა, ღორების ზროვაა.

და მართლაც, მისი საინსპექციო შემოვლის შემდეგ ხან აქ, ხან იქ ვიღაც უთუოდ სამუდამოდ უნდა გამოთხოვებოდა სიცოცხლეს.

ასეთ შემთხვევაში გენერალი ფონ შვარცბურგი ყოველთვის კმაყოფილებით ადასტურებდა:

— სწორეა! აი ასეთებს შეიძლება ვუწოდოთ ნამდვილი ჯარისკაცი.

თითქოს არასასიამოვნოდაც კი რჩებოდა, თუ მისი რევიზიის შემდეგ ვინმე თავს არ მოიკლავდა. გარდა ამისა, ერთი ახირებული თვისება ჰქონდა — ყოველთვის ცდილობდა რაც შეიძლება ცუდ ადგილას გაემწესებინა ოფიცრები. სულ უბრალო დანაშაული საკმარისი იყო, რომ ოფიცერი თავის გარნიზონს გამოთხოვებოდა და ჩერნოგორიის საზღვარზე გადაბარებულიყო, ან პალიციის მიყრუებულ მხარეში რომელიმე წყალწაღებულ, ლოთობაში ჩამხრჩვეალ გარნიზონში ამოეყო თავი.

— პანე პორუჩიკ, — მიმართა გენერალმა, — რომელ სამხედრო სასწავლებელში სწავლობდით?

— პრალის.

— მაშ ასე, თქვენ სამხედრო სასწავლებელში სწავლობდით და არც კი იცით, რომ ოფიცერი პასუხისმგებელია თავისი ხელქვეითის ყოფაქცევაზე? კარგია! გარდა ამისა, დენშჩიკთან მასლაათობთ ისე, თითქოს თქვენი ახლო მეგობარი იყოს. ეს მთლად უკეთესი! უფრო მეტიც, ნებას აძლევთ მას შეურაცხყოს უფროსები. ჩინებულისა ყოველივე აქედან, მე გამომაქვს ზოგიერთი დასკვნა... რა გვარი ხართ, პანე პორუჩიკ?

— ლუკაში.

— რომელი პოლკიდან?

— მე ვმსახურობდი...

— დიდად გმადლობთ. მე იმას კი არ გეკითხებით, სად მსახურობდით. მე მინდა ვიცოდე, ახლა სად მსახურობთ?

— № 91 ქვეითა პოლკში, ბატონო გენერალ-მაიორო. გადმომიყვანეს...

— გადმოგიყვანეს? ძალიან კარგად მოქცეულან. ურიგო არ იქნებოდა, უახლოეს დროში № 91 პოლკთან ერთად თქვენი თვალით გენახათ ბრძოლის ველი.

— ფრონტზე ჩვენი გაგზავნის გადაწყვეტილება უკვე არის, ბატონო გენერალ-მაიორო.

გენერალ-მაიორმა მთელი ლექცია წაუკითხა ლუკაშს. — ჩემი

დაკვირვებითო, — თქვა მან, — უკანასკნელ დროს ოფიცრები ხელ-  
ქვეითებს ამხანაგურად ესაუბრებინან, რაც სხვადასხვა დემოკრატიუ-  
ლი პრინციპების განვითარებისკენ საშიშ გადახრას წარმოადგენსო.  
საღდათი შიშის ქვეშ უნდა გყავდეთ, იგი თავისი უფროსის წინაშე  
შიშისგან უნდა თრთოდეს, საღდათმა ათ ნაბიჯზე უფრო ახლო ვერ  
უნდა გაბედოს ოფიცერთან მისვლა, მას საკუთარი აზრი არ უნდა  
გააჩნდეს და საერთოდ ფიქრის უფლებაც არ უნდა მიეცეს. ამაში  
მდგომარეობს უკანასკნელი წლებს ტრაგიკული შეცდომა. ხელ-  
ქვეითებს წინათ ცეცხლით ეშინოდათ ოფიცრების, ახლა კი... —  
გენერალ-მაიორმა ხელი უიმედოდ ჩაიქნია. — ახლა ოფიცრების  
უმრავლესობას ნებაზე ყავთ მიშვებული თავისი საღდათები, — აი  
საღამდე მივიდა საქმე.

გენერალ-მაიორმა გაზეთი აიღო და ისევ კითხვას შეუდგა.

ფერდაკარგული პორუჩიკი ლუკაში დერეფანში გავიდა იმ განზრა-  
ხვით, რომ ერთი მაგრად შეეხურებინა შევიც. იგი ფანჯარასთან  
იღვა ისეთი ნეტარი და კმაყოფილი სახით, თითქოს დედის ძუძუთი  
დანაყრებული და ტკბილ ძილს მიცემული ოთხი კვირის ბუნჩულა  
ბავშვი ყოფილიყოს.

პორუჩიკი შეჩერდა და შევიკს ცარიელ კუბეზე თვალთ ანიშნა.  
მერე თვითონაც შიგ შევიდა და კარი ჩაქეტა.

— შევიკ, — მიმართა მან ტრაგიკული ხმით, — დადგა დრო, რო-  
ცა, სულ ცოტა, ორი ისეთი სილა უნდა გაგაწინათ, როგორც არა კა-  
ციშვილს ჯერ არ უგემნია დედამიწის ზურგზე. როგორ გაბედეთ,  
რომ იმ მელოტ მგზავრს აუხირდით? იცით, იგი ვინ არის? გენერალ-  
მაიორი ფონ შვარცბურგი ბრძანდება!

შვეიკმა წამებულის სახე მიიღო.

— მაქვს პატივი მოგახსენოთ, პანე ობერ-ლეიტენანტ, ჩემს სიცო-  
ცხლეში აზრად არ მომსვლია ვინმეს წყენინება და არც არავითარ  
გენერალ-მაიორზე არ მქონია წარმოდგენა. ღვთის წინაშე, ძალიან კი  
გავს პან პურკრაბეჭს, ბანკ „სლავეიას“ აგენტს. ეს პანი ჩვენს ტრაქ-  
ტირში დადიოდა და ერთხელ, როცა მაგიდაზე ჩამოეძინა, რომელი-  
ღაცა კეთილისმყოფელმა მოტყუებულ თავზე ქიმიური ფანქრით და-  
აწერა: „ამით ნებას ვაძლევთ ჩვენს თავს შემოგთავაზოთ, თანახმად  
თანდართული ტარიფისა № III C, ჩვენი სამსახური და დაგეხმაროთ  
მზითვეის მოგროვებასა და სიცოცხლის დაზღვევაში თქვენი წვრილ-  
შვილის უზრუნველსაყოფად“. მერე ადგნენ და ყველანი წავიდ-  
წამოვიდნენ. იმ კაცთან მარტო მე დავრჩი. ჰოდა, მოგეხსენებათ, რა  
დაწყველილი ბედისა ვარ. როცა იმ კაცმა გაიღვიძა და სარკეში ჩა-

იხედა, გაბრაზდა; ექვი ჩემზე მოიტანა, ალბათ, ეს დამაწერდაო და იმანაც მოინდომა, ორი მაგარი სილა გაეწნა ჩემთვის.

სიტყვა „იმანაც“ ისე შეაბრალისად და ისეთი გულამაჩუყებელი სამღურავით მოწყდა შვეიკს ბაგეთაგან, რომ პორუჩიკმა ხელები უმწეოდ დაუშვა.

შვეიკი განაგრძობდა:

— ასეთ უმნიშვნელო შეცდომას სრულებით არ უნდა აელღვე-ბინა ბატონი გენერალ-მაიორი. წესითა და რიგით, მას სამოციდან სამოცდაათი ათასამდე ლერი იქნა უნდა გააჩნდეს. ასე ეწერა იმ სტატიის, რომლის სათაური იყო: „რა უნდა ჰქონდეს ნორმალურ ადამიანს“. არასდროს აზრად არ მომსვლია, რომ ქვეყანაზე არსებობს ვიღაც ქაჩალი გენერალ-მაიორი. მოხდა, როგორც იტყვიან ხოლმე. საბედისწერო შეცდომა, რაც ყველას შეიძლება მოუეიდეს, თუკი ადამიანის ყოველ ნათქვამს კუდს გამოაბამენ. რამდენიმე წლის წინათ მკერავმა ჰივლმა ერთი ასეთი ამბავი გადმომცა: ერთხელ იგი შტრიიდან \*, სადაც მკერავად მუშაობდა, პრალაში მიემგზავრებოდა ლეობენზე \* გავლით და თან მარიბორში \* ნაყიდი დაშაშული ღორის ხორცი მიჰქონდა. იჯდა თურმე იგი მატარებელში და ფიქრობდა — აი მე ერთადერთი ჩეხი ვარ მთელ ამ მგზავრებს შორისო. როცა წმიდა მარტის გასცდნენ, მკერავმა ამოიღო თავისი შაშხი და ჰამას შეუდგა, ნათალს ნათალზე იღებდა და ილუკებოდა. მის პირდაპირ ერთი მგზავრი იჯდა, რომელიც მსუხნაგ თვალებს არ აშორებდა შაშხს და ნერწყვს ულაპავდა. მკერავმა ჰივლმა შეამჩნია ეს და თავისთვის ხმამაღლა ჩაილაპარაკა: „შე ქეციანო, ალბათ, შენც სიამოვნებით ჩახეთქავდიო!“ ამაზე იმ კაცმა ჩეხურად უპასუხა! „რა თქმა უნდა, ჩახეთქავდი, რომ მომცემდეო“. ჰოდა, ასე ორთავემ შესაძლეს მთელი შაშხი, სანამ ჩესკე-ბუდეიოვიცემდე მივიდოდნენ. იმ თანამგზავრის გვარი ვოიტეხ როუჰსი იყო.

პორუჩიკმა ლუკაშმა შეხედა შვეიკს და კუბედან გავიდა, მაგრამ თავის ადგილზე დაჯდომაც ვერ მოასწრო, რომ უეცრად კარებში შვეიკის გაბადრული სახე გამოჩნდა.

— მაქვს პატივი მოგახსენოთ, პანე ობერ-ლეიტენანტ. ხუთი წუთის შემდეგ ტაბორში ვიქნებით. მატარებელი ხუთ წუთს გაჩერდება. ხომ არ მიბრძანებდით, საუზმისათვის რამე გვეყიდნა? ოდესღაც იქ შეიძლებოდა საკმაროდ კარგი...

პორუჩიკი გველნაკბენივით წამოხტა და შვეიკს დერეფანში ასე უთხრა:

— კიდევ ერთხელ გაფრთხილებთ: რაც უფრო ნაკლებად შემეჩხირებით თვალში, მით უკეთესი იქნება. უბედნიერეს ადამიანად

ჩავთვლიდი თავს, რომ სულაც არ გხედავდეთ, დარწმუნებული უნდა ბრძანდებოდეთ, თქვენს უნახაობას ოდნავადაც არ ვინაღვლებდი. მომწყდით თავიდან, დამეკარგეთ, პირუტყვო, ყეყეჩო!

— მესმის, პანე ობერ-ლეიტენანტ!

შვეიკმა სამხედრო სალაში მისცა, ქუსლებზე მხედრულად შემოტრიალდა და ვაგონის ბოლოსკენ წავიდა. იქ კუთხეში გამყოლის ადგილზე დაჯდა და რომელიღაც რკინიგზელს საუბარი გაუბა.

— ნებას მომცემთ, შეგეკითხოთ?...

რკინიგზელმა ზანტად თავი დაუქნია, ეტყობოდა, მაინცაღამაინც ლაპარაკის გუნებაზე არ იყო.

— ჩემთან ხშირად სტუმრობდა ერთი ნაცნობი,—დაიწყო შვეიკმა. — შესანიშნავი ყმაწვილი იყო, გვარად ჰოფმანი. ჰოდა, ეს ჰოფმანი მიმტკიცებდა, რომ აი ვაგონის მუხრუქები სწორედ ხიფათის დროს არ მოქმედებენო; ერთი სიტყვით, სახელური რომ მოსწიოთ, არაფერიც არ იქნებაო. ასეთი რამით, სიმაართლე გითხრათ, არა დროს არ დავენტერესებულვარ, მაგრამ რაკი დღეს ჩემი ყურადღება ამ მუხრუქმა მიიპყრო, მაინტერესებს ვიცოდე, რაშია აქ საქმე, თორემ ხომ შეიძლება ერთ უშვენიერ დღეს მოულოდნელად მეც დამქირდეს.

შვეიკი წამოდგა და რკინიგზელთან ერთად მივიდა მუხრუქთან, რომელზეც ასეთი წარწერა იყო: „სამიშროების შემთხვევაში“

რკინიგზელმა თავისი თავი მოვალედ ჩათვალა შვეიკისთვის აეხსნა საავარიო აპარატის მთელი მექანიზმი.

— ეს მართალი უთქვამს იმ თქვენ სტუმარს, რომ სახელური უნდა მოსწიოთო, მაგრამ ის კი ტყუილია, რომ არაფერიც არ იქნებაო. მატარებელი აუცილებლად გაჩერდება, რადგან მუხრუქით ყველა ვაგონი შეერთებულია ორთქლმავალთან.

ამ ლაპარაკში რომ იყვნენ, ორთავეს მუხრუქის სახელურზე ეღობოდა ხელი და კაცმა არ იცის, სახელური როგორ გადმოიწია და მატარებელი გაჩერდა.

ისინი ერთმანეთს აბრალებდნენ — არა შენ და არა შენ მიეცე განგაშის სიგნალიო. შვეიკი ამტკიცებდა, მე ამას, აბა, როგორ ჩავიდნენდი, ქუჩის ბიჭი ხომ არ ვარო.

— მე თვითონ მიკვირს, — დინჯად ეუბნებოდა იგი კონდუქტორს, რომელსაც განგაშზე მოერბინა, — ასე უეცრად რად გაჩერდა მატარებელი. მიდიოდა, მიდიოდა და, ერთიკ ვნახოთ, უცბად გაჩერდა! ეს ამბავი, მერწმუნეთ, თქვენზე უფრო მეტად მე მაწუხებს.

ვიღაც დარბაისელი მგზავრი რკინიგზელს გამოეჭომაგა და ამტ-

კიციბდა, ჩემი ყურით გავიგონე, სალდათმა პირველმა როგორ ჩამო-  
ავლო საავარიო მუხრუჭზე ლაპარაკიო.

შევიკი კი თავისაზე იდგა და სულ იმას გაიძახოდა, აბსოლუტუ-  
რად პატიოსანი ადამიანი ვარ და მატარებლის სვლის შეფერხებაში  
სრულებით არა ვარ დაინტერესებული, რადგან ფრონტზე მივდი-  
ვარო.

— სადგურის უფროსი ყველაფერში გაგარკვევთ, — უთხრა  
კონდუქტორმა, — და ეს ოც კრონად დაგიჯდებათ.

ამასობაში მგზავრები ვაგონებიდან ჩამოსულიყვნენ.

გაისმა ობერ-კონდუქტორის სასტვენის ხმა. რომელიღაც დაფე-  
თებულმა დედაკაცმა რკინიგზის ლიანდაგზე გადაირბინა ჩემოდნით  
ხელში და მინდორს მიაშურა.

— განა არ ღირს! — სრულიად მშვიდად უპასუხა შევიკმა. —  
ოცი კრონი — ეს არც ისე ბევრია. ერთხელ, როცა ჩვენი ხელმწი-  
ფე — იმპერატორი ეიჟიკოვეში ჩამოვიდა, ვინმე ფრანტა შნორცა მისი  
კარეტა გააჩერა: გზა გადაუჭრა და შუა ქვაფენილზე ხელმწიფე-  
იმპერატორის ეტლის წინ მუხლებზე დაეცა. შემდეგ ამ რაიონის პო-  
ლიციის კომისარი ტირილით ეუბნებოდა შნორს — რაღა ჩემს  
რაიონში მოგეხასიათა, შე კაი კაცო, მუხლების მოდრეკა, მეზობელ  
ქუჩაზე გასულიყავი, რომელიც კომისარ კარუსის რაიონს ეკუთვნის  
და იქ გამოგეხატა შენი ერთგულქვეშევრდომული გრძნობებიო.  
მერე ეს შნორი ციხეში ჩასვეს.

შევიკმა სწორედ იმ დროს მოავლო თვალი ირგვლივ, როცა მის  
გარშემო თავშეყრილ ხალხს ობერ-კონდუქტორი მიუახლოვდა.

— რაც მოხდა, მოხდა, — თქვა შევიკმა, — დავიძრათ. მატარებ-  
ლის დაგვიანებაში კარგი არაფერია. ეს რომ მშვიდობიან დროში  
მომხდარიყო, კიდევ ჰო, არა უშავდა რა, მაგრამ რაკი ომია, უნდა ვი-  
ცოდეთ, რომ ყოველ მატარებელში სამხედრო პირები არიან:  
გენერალ-მაიორები, ობერ-ლეიტენანტები, მათი დენშიჩიკები. ყოვე-  
ლი ასეთი დაგვიანება საბედისწეროა. ნაპოლეონმა ვატერლოოს  
ბრძოლაში ხუთი წუთი დაიგვიანა და მთელი მისი დიდება გაცამ-  
ტვერდა.

ამ დროს ხალხში პორუჩიკი ლუკაში შეიჭრა, მას მკვდრის ფერი  
ელო და ძლივს მხოლოდ ერთი სიტყვა წარმოთქვა:

— შევიკ!

შევიკმა სამხედრო სალაში მისცა და უპატაკა:

— მაქვს პატივი მოგახსენოთ, პანე ობერ-ლეიტენანტ, მე ბრალს  
მდებენ მატარებლის გაჩერებაში. უცნაური პლომბები დაუდევს  
რკინიგზის უწყებას საავარიო მუხრუჭებზე! უმჯობესია მათ ახლო-

საც არ გაეკაროს ადამიანი, თორემ მთელ ხათაბალაში გაეხვევა, და ოც კრონსაც წააგლეჯენ, როგორც მე ახლა მიპირებენ.

ამ დროს ობერ-კონდუქტორმა სასტვენით 'იგნალი მისცა და მატარებელი დაიძრა.

მგზავრები თავთავიანთ კუბეში შევიდნენ. ლუკასს ხმა აღარ ამოუღია და თავის ადგილზე დაბრუნდა. შევიკი, რკინიგზელი და კონდუქტორი მარტონი დარჩნენ.

კონდუქტორმა უბის წიგნაკი ამოიღო და მომხდარ ამბავზე ოქმის წერას შეუდგა. რკინიგზელი მტრულად მისჩერებოდა შევიკს. შევიკმა ჰკითხა:

— დიდი ხანია რაც რკინიგზაზე მსახურობთ?

რადგან რკინიგზელმა არაფერი უპასუხა, შევიკმა უამბო ერთი შემთხვევა, რომელიც თავს გადახდენოდა პრალის მახლობლად მის ერთ ნაცნობს, ვინმე უპრეინვესელ ფრანტიშეკ მლიჩეკს. მაინც, თურმე, რაღაც ეშმაკად, საავარიო მუხრუჭის სახელური ჩამოაწია და შიშისგან ენა ჩაუვარდა. მეტყველება მხოლოდ ორი კვირის შემდეგ დაუბრუნდა, როცა ერთხელ სტუმრად წავიდა ჰოსტივარში მებოსტნე ვანეკთან, იქ ჩხუბში ჩაერია და ისე მაგრად მიბეგვეს, რომ ნაღველა ჩაუქციეს.

— ეს მოხდა, — დაუმატა შევიკმა, — ათას ცხრაას თორმეტი წლის მაისის თვეში.

რკინიგზელი საპირფარეოში ჩაიკეტა. შევიკთან მარტო კონდუქტორი დარჩა, რომელიც არ ეშვებოდა, ოცი კრონი ჯარიმა გადაიხადე, თორემ ტაბორში სადგურის უფროსს გადაგცემო.

— ძალიან კარგი, — უპასუხა შევიკმა, — განათლებულ ადამიანთან გასაუბრების საწინააღმდეგო არაფერი მაქვს. დიდად მოხარული ვიქნები გავეცნო ტაბორის სადგურის უფროსს.

შევიკმა გიმნასტურის გულის ჯიბიდან ჩიბუხი ამოიღო, მოუკიდა, პირიდან სალდათური თამბაქოს მხრჩოლავი ბოლი გამოუშვა და განაგრძო:

— ამ რაპდენიმე წლის წინათ სადგურ სვიტავას უფროსად მუშაობდა ერთი უსულგულო კაცი, ვინმე პან ვაგნერი. სულ უბრალო რამეზე აუხირდებოდა ხოლმე რომელიმე თავის ხელქვეითს და სადაც კი მისწვდებოდა, გასაქანს არ აძლეოდა. ყველაზე მეტად მემისრე იუნგვირტი ყავდა ამოჩემებული და ბოლოს იქამდე მიიყვანა, რომ იმ უბედურმა წყალში თავი დაიხრჩო. მაგრამ, სანამ ამ ტანჯულ ცხოვრებას გამოეთხოვებოდა, იუნგვირტმა წერილი დასწერა სადგურის უფროსის სახელზე: დამლაშობით მოსვენებას არ მოგცემო. ყველაფერს გეფიცებით, არა ვტყუი! ასედაც მოიქცა. აი ზის ღამით საღ-

G VÝCHOD



გურის უფროსი ტელეგრაფის აპარატთან და ანაზღად გაისმის ზარი. სადგურის უფროსი ღებულობს ტელეგრამას: „როგორ ცხოვრობ. ძალიწვილო? იუნგვირტ“. ასე გრძელდებოდა მთელი ერთი კვირა. სადგურის უფროსი საპასუხოდ ყოველი მიმართულებით უგზავნიდა მოჩვენებას შემდეგი შინაარსის სამსახურებრივ დეპეშას: „მაპატიე, იუნგვირტ“. ერთხელ ღამით აპარატმა ასეთი პასუხი მოუტანა: „ჩამოიხრჩე თავი სემაფორზე ხილთან. იუნგვირტ“. სადგურის უფროსი დაემორჩილა ამ განაჩენს. მერე ამისათვის მეზობელი სადგურის ტელეგრაფისტი დააპატიმრეს. ხედავთ, ქვეყნიერებაზე რა არ ხდება, ჩვენ კი ამაზე წარმოდგენაც არა გვაქვს.

მატარებელი სადგურ ტაბორს მიაღდა. შვეიკმა, ვიდრე კონდუქტორის თანხლებით მატარებლიდან ჩავიდოდა, პორუჩიკ ლუკაშს მოახსენა, როგორც ამას სამხედრო სამსახურის წესი მოითხოვდა:

— მაქვს პატივი მოგახსენოთ, პანე ობერ-ლეიტენანტ, იძულებული ვარ გამოვეცხადო ბატონ სადგურის უფროსს.

პორუჩიკმა ლუკაშმა არაფერი უპასუხა. იგი მთლად მოეშვა დაცველათვის ხალისი დაჰკარგა.

„მიმიფურთხებია ყველაფრისთვის, გაურბინა მას თავში, — ამ შვეიკისთვისაც და ამ გენერალ-მაიორისთვისაც, აგერ ჩემს პირდაპირ რომ ზის. ვიჯდომები ასე ჩემთვის გაუნძრევლად, ბუდეიოვიცეში ჩამოვალ მატარებლიდან, გამოვცხადდები ყაზარმაში და პირველ სალაშქრო ასეულთან ერთად ფრონტზე წავალ. ფრონტზე შუბლს მივუშვერ მტრის ტყვიას და გამოვეთხოვები ამ უბადრუკ ქვეყანას, სადაც შვეიკის მსგავსი არამზადები დაეთრევიან“.

მატარებელი რომ დაიძრა, პორუჩიკმა ლუკაშმა ფანჯარაში გაიხედა და ბაქანზე შვეიკი დაინახა, რომელიც სერიოზულ სჯა-ბაასში იყო ჩაბმული სადგურის უფროსთან. შვეიკს გარშემო ხალხი შემოხვეოდა, მათ შორის ბლომად იყვნენ რკინიგზელთა ფორმაში გამოწყობილი ადამიანებიც.

პორუჩიკმა ლუკაშმა ამოიხვნეშა, მაგრამ ეს სინანულის ოხვრა როდი იყო: რაკი დარწმუნდა, რომ შვეიკი ბაქანზე დარჩა, გულს ეფონა, თვით თმაგაცვენილი გენერალ-მაიორიც კი აღარ ეჩვენებოდა ისეთ საძაგელ ურჩხულად.



მატარებელი უკვე კარგა ხანია ქშენით მიჰქროდა ჩესკე ბუდეიოვიცესკენ. ტაბორის ვაგზლის ბაქანზე კი შვეიკის ირგვლივ თავშეყრილი ხალხი ადგილიდან არ იძვროდა.

შვეიკი თავის უღანაშაულობას ამტკიცებდა და ამაში იმდენად დაარწმუნა დამსწრენი, რომ ვიღაც ქალმა კიდევაც თქვა:



— ისევ საწყალ სალდათს გადაეკიდნენ.

ხალხმა მხარი დაუჭირა ამ აზრს, ერთმა პანმა კი სადგურის უფროსს განუცხადა, — მზად ვარ გადაეინადო შვეიცის ჯარიმა ოცი კრონის რაოდენობით. დარწმუნებული ვარ, ამ სალდათს ბრალი არაფერში მიუძღვისო.

— აბა, ერთი შეხედეთ ამ ადამიანს, — და ხელი შვეიცის უწყინარი სახისკენ გაიშვირა, რომელიც თითქოს მეტყველებდა: „კეთილო ადამიანებო, მერწმუნეთ, უდანაშაულო ვარო!“

მერე მოვიდა ქანდარმთა ვანმისტრი, ხალხის ჯგუფიდან გამოიყვანა ვილაც მოქალაქე, დააპატიმრა და წაიყვანა, თან ასე ეუბნებოდა: „მე თქვენ გიჩვენებთ, როგორ უნდა ხალხის წაქეზება. მე თქვენ გიჩვენებთ, როგორ „არ შეიძლება სალდათებს მოეთხოვოთ ავსტრიის გამარჯვებისათვის იბრძოლონ, როცა მათ ასე ეპყრობიანო“.

ბედკრულ მოქალაქეს, რომელიც თურმე „სტარე ბრანი“ უბნის ყასაბი იყო, ისლა დარჩენოდა, რომ თავისი ვინაობა გაემკლავებინა და თავის სიტყვებზე უარი ეთქვა — „სრულებით არ მინდოდა ასე შეთქვაო“.

ამასობაში კეთილმა პანმა, რომელსაც შვეიცის უდანაშაულობა სჯეროდა, სადგურის კანცელარიაში მისი ჯარიმა გადაიხადა, მერე მესამე კლასის ბუფეტში წაიყვანა, ლუდზე დააპატიჟა და გაიგო თუ არა, რომ შვეიცის ყველა საბუთი და სამხედრო სარკინიგზო ბილეთი პორუიკ ლუკაშთან დარჩა, დიდსულოვნობა გამოიჩინა და კიდევ ხუთი კრონი მისცა ბილეთისა და სხვა ხარჯებისთვის.

გამოთხოვებისას შვეიცის ნდობით უთხრა:

— ჯარისკაცო, თუ ტყვედ მოხვდეთ რუსებთან, მომიკითხეთ სლადეკ ზემანი ზდოლბუნოვეში. აი თქვენ ჩემი გვარი. გამოიჩინეთ კეთილგონიერება და ფრონტზე დიდხანს ნუ დარჩებით.

— დამშვიდებული ბრძანდებოდეთ, — უპასუხა შვეიკმა, — ურიგო როდია უცხო ქვეყნების ნახვა, და ისიც მუქთად.

შვეიკი მარტო დარჩა მაგიდასთან, ლუდს შეექცეოდა და ნელ-ნელა ხარჯავდა კეთილისმყოფელისგან მიღებულ ხუთ კრონს.

ბაქანზე კი ამ დროს ისინი, ვინც სადგურის უფროსთან შვეიცის გაბაასებას არ დასწრებია და მხოლოდ შორიდან დაინახეს თავშეყრილი ხალხი, ერთმანეთს უამბობდნენ — ჯაშუში დაუჭერიათ, რომელიც თურმე ვაგზლის ფოტოსურათებს იღებდაო. მაგრამ ამას უარყოფდა ერთი ქალი და ამბობდა — არავეთარი ჯაშუში არ ყოფილა; როგორც ყური მოგვარი, ერთმა დრაგუნმა ქალების საპირფარეშოსთან ოფიცერი დასჩება ხმლით; ეს ოფიცერი თურმე ცდი-

ლობდა საპირფარეშოში დრაგუნის სატრფოსთან შეკრას, რომელიც თავისი მიჯნურის გასაცილებლად მოსულიყო.

ამ ფანტასტიკურ მითქმა-მოთქმებს, რაც დამახასიათებელი იყო ომიანობის დროის ნერვიული ვითარებისათვის, ბოლო მოუღეს ეან-დარმებმა, რომლებმაც გარეშე ხალხისგან გასწმინდეს ბაქანი.

შვეიცი განაგრძობდა სმას და გულაჩუყებული თავის პორუჩიკზე ფიქრობდა. „ნეტავ, რა მოუვა, ჩესკე-ბუღეიოვიცეში რომ ჩავა და მთელ მატარებელში თავის დენწიკს ველარ იპოვისო?“

სამგზავრო მატარებლის მოსვლის წინ მესამე კლასის რესტორანი სალდათებითა და მოქალაქეებით გაივსო. ჰარბად იყენენ სხვადასხვა პოლკის, საბრძოლო სახეობისა და მრავალნაირი ეროვნების ჯარისკაცები. ომის ქარიშხალმა ყველა ისინი ტაბორის ლაზარეთებში შემორეკა და ახლა ისევ ფრონტზე მიემგზავრებოდნენ. მიდიოდნენ ახალი ჰრილობების, დასახიჩრებისა და დაავადებათა მისაღებად, მიდიოდნენ, რომ სადმე აღმოსავლეთ პალიციის პირქუშ ველებზე საფლავის უბრალო ხის ჯვარი მოეპოვებინათ, რომელზეც შემდეგში ქარსა და წვიმაში დიდხანს იფარფატებს დაეანგულკოკარდიანი. გამოხუნებული სამხედრო ავსტრიული ქუდი, დროდადრო ამ ქულზე დასკუბდება დანადგლიანებული ბებერი ყორანი და მოიგონებს განვლილი წლების არა ერთსა და ორ მაძღარ ღრეობას, როცა აქ მისთვის გაშლილი იყო დახოცილ ადამიანთა გვამებითა და ცხენების ლეშით მადის აღმძვრელი სავსე სუფრა. მოაგონდება, რომ სწორედ ისეთი ქუდის ქვეშ, რომელზეც ახლა ზის, ყველაზე გემრიელი ლუკმა — ადამიანის თვალები იყო.

ამ ჯოჯოხეთური ტანჯვა-წამების ერთ-ერთი კანდიდატი. შვეიკს მიუჯდა. ეს იყო ოპერაციის შემდეგ ლაზარეთიდან გამოწერილი, შლამითა და სისხლით დალაქავებულ, ქუჭყიან სალდათურ ფარაჯაში გამოწყობილი სუსტი აგებულების, ჩამოფხავებული და დაღვრემილი ჯარისკაცი. შაგიდაზე პატარა ფუთა დადო, საიდანაც ძველი გაცვეთილი ქისა ამოიღო და თავისა ავლა-დიდების დათვლას შეუდგა. მერე შვეიკს შეხედა და ჰკითხა:

— Magyarúl? <sup>1</sup>

— მე ჩეხი ვარ, ამხანაგო, — უპასუხა შვეიკმა, — ხომ არ დალევდი?

— Nem tudom, barátom. <sup>2</sup>

— ეგ არაფერია, ამხანაგო, — უთხრა შვეიკმა და დანადგლიან-

<sup>1</sup> მადიარი ხარ? (უნგრ.)

<sup>2</sup> ვერ გავიგე, ამხანაგო (უნგრ.)

ბულ ჯარისკაცს თავისი სავსე ტოლჩა მიუჩოჩა. — დალიე, შეგერგოს.

იგი მიხვდა, დალია და მადლობა გადაუხადა:

— Köszönöm szivesen.<sup>1</sup>

მერე ისევ თავისი ფული გადაითვალა და ამოიხვეწა. შვეიკი მიხვდა, რომ მადიარი სიამოვნებით მოითხოვდა ლუდს, მაგრამ ფული არ ჰყოფნიდა. შვეიკმა მოატანინა მისთვის ერთი ტოლჩა ლუდი. მადიარმა ისევ მადლობა გადაუხადა, იგი ხელების საშუალებით რაღაცას უამბობდა შვეიკს, თან ნატყვიარ მკლავს აჩვენებდა, ბოლოს საერთაშორისო ენაზე დაუმატა:

— ბახ, ბუხ, ბაცი!

შვეიკმა თანაგრძობის ნიშნად თავი დაუქნია, ჯანსუსტმა ჯარისკაცმა კი მარცხენა ხელით იატაკიდან ნახევარ მეტრ სიმაღლეზე აჩვენა, ასწია სამი თითი და ასე აცნობა შვეიკს, სამი წვრილი შვილის პატრონი ვარო.

— Nincs ham, nincs ham,<sup>2</sup> — განაგრძობდა იგი, რითაც უნდოდა ეთქვა, რომ ამ პატარებს ლუკმაპური არა აქვთ შინაო. ცრემლი წასკდა და ჰუჭყიანი სახელოთი ამოიწმინდა თვალები. სახელო გახვრეტილი ჰქონდა ტყვიით, უნგრეთის მეფის სასახელოდ სისხლი რომ დააღვრევინა.

გასაკვირი არაფერია, რომ ამ გართობაში შვეიკის „ხუთიანი“ თანდათან დნებოდა და იგი ნელ-ნელა, მაგრამ უტყუარად იღობავდა ჩესკე ბუდეოვიცესკენ მიმავალ გზას. ყოველი ტოლჩა ლუდი, რომელსაც ლაზარეთიდან გამოსული მადიარი ჯარისკაცი და შვეიკი შეექცეოდნენ, სულ უფრო და უფრო ამცირებდა სამგზავრო ბილეთის შექმნის შესაძლებლობას.

სადგურს კიდევ ერთმა მატარებელმა ჩაუარა ჩესკე ბუდეოვიცეს მიმართულებით, შვეიკი კი ისევ მაგიდას უჯდა და უსმენდა, როგორ იმეორებდა უნგრელი:

— ბახ, ბუხ, ბაცი! Három gyermek, nincs ham, éljen!<sup>3</sup>

ეს უკანასკნელი სიტყვა მადიარმა წამოიძახა, როცა შვეიკის ტოლჩას თავისი ტოლჩა მიუჯახუნა.

— მიდი, შესვი, მადიარების ნაშიერო, ნუ გერიდება, — ეუბნებოდა შვეიკი. — ჩვენთანებლ თქვენ განა ასე გაუმასპინძლებით!

მეზობელი მაგიდიდან ამ სიტყვებზე ერთი ჯარისკაცი გამოეხმა-

<sup>1</sup> დიდად გმადლობთ. (უნგრ.).

<sup>2</sup> არაფერი აქვს საჭმელი, არაფერი (უნგრ.).

<sup>3</sup> სამი ბავშვი, მშვიერ-მწყურვალ, ვაშა! (უნგრ.).



ურა და თქვა: როცა ფრონტზე მიმავალმა ჩვენმა 28-ე პოლკმა სეგედინში გაიარა, მაღიარები ქუჩებში ხელებს მაღლა სწევდნენ, სასაცილოდ რომ ავეგდეთო.

ეს სრულ სიმართლეს შეიცავდა. მაგრამ, ეტყობოდა, ჯარისკაცი ამით შეურაცხყოფილი იყო. შემდეგში ეს ჩეხ ჯარისკაცებს შორის ჩვეულებრივ სახუმარო ამბავად იქცა; თვით მაღიარებიც მერმის, როცა მათ უნგრეთის მეფის გულისთვის ხოცვა-ჟლეტამ თავი მოაბეზრა, ყოველივე ამას ასევე ხუმრობად თვლიდნენ.

ჯარისკაცი შვეიკის მაგიდაზე გადმოჯდა და უამბო, სეგედინში ჩეხებმა ცხვირ-პირი და გვერდები როგორ დაულილავეს უნგრელებს და რამდენიმე რესტორნიდან კინწისკვრით როგორ გამოყარეს. მაგრამ აქვე აღიარა, რომ უნგრელებსაც ზორბად სცოდნიათ ჩხუბი და ერთხელ ისე მაგრად ჩამცეს დანა ზურგში, რომ ლაზარეთში ამოვყავი თავიო.

ახლა ჩემს ნაწილში ვბრუნდები და ბატალიონის მეთაური, უთუოდ, ჩამსვამს, რადგან მაღიარის დანის დარტყმაზე საკადრისი პასუხის გაცემა ვერ მოვასწარი, „სამახსოვრო“ ნიშანი რომ დამედო და ამით საკუთარი პოლკის ღირსება დამეცეკაო.

— Ihre Dokumenten,<sup>1</sup> ტკვენი დოკუმენტი? — მიმართა შვეიკა

<sup>1</sup> თქვენი დოკუმენტები (გერმ.).



პატრულის უფროსმა, ფელდფებელმა, რომელსაც ოთხი ხიშტიანი ჯარისკაცი ახლდა.

— მე ტკვენ გიკურე, სულ იჩეკი, nicht fahren<sup>1</sup>, იჩეკი, სულ სვი, მარტო სვი, ზოლდატ!

— არა მაქვს დოკუმენტები, გენაცვა, — უპასუხა შვეიკმა. — № 91 პოლკის ბატონმა პორუჩიკმა ლუკაშმა ისინი თან წაიღო, მე კი აქ ვაგზალზე დავრჩი.

— Was ist das Wort<sup>2</sup>: „გენაცვა“? — ჰკითხა ფელდფებელმა გერმანულად ერთ-ერთ თავის მხლებელ ჯარისკაცს, ძველ მოლაშქრეს. ამ უკანასკნელმა, როგორც ჩანდა, განგებ გადაუსხვიაფერა თავის ფელდფებელს სიტყვის მნიშვნელობა და მშვიდად უპასუხა:

— „გენაცვა“ — das ist wie: „Herr Feldwebl<sup>3</sup>“.

ფელდფებელი კვლავ შვეიკს მიუბრუნდა:

— დოკუმენტი უნდა ყოველ ზოლდატს. დოკუმენტი არ არის,

<sup>1</sup> არ გაემგზავრეთ (გერმ.).

<sup>2</sup> რას ნიშნავს სიტყვა: (გერმ.).

<sup>3</sup> „გენაცვა“ ეს იგივეა რაც „ბატონი ფელდფებელი“ (გერმ.).

დაამწყვდიეთ auf Bahnhofs-Militär kommando den lausigen Bursch, wie einen tollen Hund<sup>1</sup>.

შვეიცია წაიყვანეს სადგურის კომენდატურაში. საყარაულოში მას მთელი ოცეული დახვდა. აქ ისეთივე ძველ მოლაშქრეებს შეეყარათ თავი, როგორც ის ჯარისკაცი იყო, ასე მოხერხებულად რომ გადაუთარგმნა ფელდფებელს, — თავის უფროსსა და დაუძინებელ მტერს, — სიტყვა „გენაცვა“.

საყარაულო ლითოგრაფიებით იყო მორთული, რომლებსაც იმ ხანებში სამხედრო სამინისტრო უგზავნიდა ყველა ყაზარმასა და სამხედრო სასწავლებელს, საერთოდ ყველა დაწესებულებას, სადაც კი თავს იყრიდნენ ჯარისკაცები.

პირველი, რაც ყაზარმაში შესვლისას თვალში მოხვდა ჩვენს ყოჩად ჯარისკაც შვეიკს, ეს იყო სურათი, რომელიც, მის ქვემოთ მოთავსებულ წარწერას თუ დავუჯერებდით, გამოსახავდა მისი უდიდებულესობის 21-ე მსროლელთა პოლკის ოცეულის უფროსს ფრანტიშეკ ჰამელს და ათეულის უფროსებს პაულჰარტსა და ბახჰაიერს, როცა ისინი ჯარისკაცებს შეუდრეკელი ვაჟკაცობისკენ მოუწოდებდნენ. მეორე კედელზე გაკრული იყო ერთი უხეირო სურათი წარწერით:

ზონვიდის მ-5 ზუსართა პოლკის უნებარ-ოფიცერი იან დანაკო ზამრამს მტრის ბატალიის განლაგებას.

ქვემოთ, მარჯვნივ, ეკიდა პლაკატი შემდეგი მრავალმეტყველი წარწერით:

„განსაკუთრებულ სიმაჟაცის მაგალითები“.

ჯარში გაწვეული გერმანელი ჟურნალისტები ამ პლაკატებისთვის თხზადნენ გასაოცარი სიმაჟაცის მაგალითებით აღსავსე ტექსტებს. ასეთი პლაკატებით ძველი, ხავსმოდებული ავსტრია ცდილობდა ჯარისკაცების გამხნევებას, მაგრამ ჯარისკაცები არაფერს კითხულობდნენ: როცა ფრონტზე მათ ამგვარი სიმაჟაცის ნიმუშებს ბროშურების სახით უგზავნიდნენ, ისინი ამ ბროშურებს თამბაქოს გასახვევად ან უფრო შესაფერისად გამოიყენებდნენ ხოლმე იმისდა მიხედვით, თუ რა მხატვრული ღირებულებისა იყო ან ჯარისკაცის რა გუნება-განწყობილებას დაემთხვეოდა ეს „სიმაჟაცის მაგალითები“.

1. ...ეს ტრიანი კაცუნა ცოფიანი ძაღლივით სადგურის სამხედრო კომენდატურაში (გერმ.).

სანამ ფელდფებელი ოფიცრის საძებრად დადიოდა, შვეიკმა პლაკატზე წაიკითხა:

„რიბითი მიძალაე იოჯოფ გონგი“.

სანიტრები მძიმე დაჭროლებს ეზიდებოდნენ სანიტარულ ფორნებისკენ, რომლებიც ერთ მყუდრო ხევში იდგნენ სრულ მზადყოფნაში. როგორც კი რომელიმე ფორანი დაიჭვირებოდა, მძიმე დაჭროლებს სახვეე პუნქტისკენ აგზავნიდნენ. რუსებმა აღმოაჩინეს სანიტარული რაზმის ალაოს ადგილსამყოფელი და უმაღლ ხელყუმბარები დაუშინეს. მისი იმპერატორობის მე-3 სანიტარული ესკადრონის ალაოს მზიდავის იოზეფ ბონგის ცხენი მოკლულ იქნა ფეთქადი ყუმბარით. „საბრალო ჩემო ლურჯავ, მოგვლეს განა ამ უღმერთოებმა!“ — მწარედ მოსთქვამდა იოზეფ ბონგი. ამ დროს იგივე დაიჭრა ხელყუმბარის ნამსხვრევით. მაგრამ შიუხედავად ამისა, იოზეფ ბონგმა გამოსხნა მოკლული ცხენი და ვეება მძიმე ფორანი მოფარებულ ადგილისკენ გააგორა. მერე დაბრუნდა მოკლული ცხენის აკაზმულობის წასაღებად. რუსები განაგრძობდნენ სროლას. „ისროლეთ, ისროლეთ, თქვე წყევულებო, სულ ერთია აკაზმულობას არ დაგიტოვებთო!“ — და ბუზღუნით განაგრძო აკაზმულობის მოხსნა. ბოლოს, როგორც იქნა, გაბრუნდა უკან და აკაზმულობით ხელში მიადწია ფორნებს. სანიტრები მიცივიდნენ მას ლანძღვა-გინებით, სად წახვედი, სად დაიკარგეო. „არ მიწდოდა აკაზმულობა დამეტოვებინა — ის ხომ თითქმის მთლად ახალია. დამენანა, ვიფიქრე, გამოგვადგება-მეთქი“, — თავს იმართლებდა მამაცი ჯარისკაცი, მერე სახვეე პუნქტში წავიდა. მხოლოდ იქ გაამხილა, რომ დაჭრილი იყო. ცოტა ხანმაც გაიარა და, როტმისტრმა მკერდი დაუშვეწა იოზეფ ბონგს ვერცხლის მედლით „მამაცობისთვის“.

შვეიკმა წაიკითხა პლაკატი და რაკი ფელდფებელი ჯერ არ აპირებდა დაბრუნებას, საყარაულოში მყოფ მოლაშქრეებს მიმართა:

— მამაცობის შესანიშნავი მაგალითია! ასე რომ წავიდეს საქმე, არმიაში ყოველთვის ახალი აკაზმულობანი გვექნება. ერთხელ როგორღაც პრალაში „პრალის ოფიციალურ გაზეთში“ წავიკითხე ამის მაგვარი ამბავი, რომელიც არაფრით ჩამოუყარდებდა აქ მოთხრობილ შემთხვევას. გაზეთში ლაპარაკი იყო მოხალისე დოქტორ იოზეფ ვოიანზე, რომელიც ჰალიციაში მეშვიდე ეგერთა პოლკში მსახურობდა. როცა საქმე ხიშტით ბრძოლაზე მიდგა, ვოიანს თავში ტყვია მოხვდა. იმწამსვე სახვეე პუნქტში წაიყვანეს, მაგრამ იქ ერთი ამბავი დააწია, ნებას არ მოგცემთ რალაც გაკაწრული შემთხვევითო, და თავის ოცეულთან ერთად ისევ იერიშზე გადავიდა. ამ დროს ყუმბარამ ტერფი მოაგლიჯა; ისევ უნდოდათ წაეყვანათ შესახვევად, მაგრამ მან ხელში ჯოხი დაიჭირა და კოჭლობით გასწია ბრძოლის ხაზისკენ, იმ ჯოხით იქ მტერს დაერია. საიდანლაც ახალი ყუმბარა გამოხტა და ხელი წააწყვიტა, სწორედ ის, რომელშიც ჯოხი ეჭირა! მან აიღო და, ჯოხი მეორე ხელში გადაინაცვლა, თან ყვირილი მორთო: „მე თქვენ ფასად დაგისვამთ ამასო!“ ღმერთმა უწყის, ყოველივე ეს რით გათავდებოდა, მისთვის შრანელს ბოლო რომ არ მოედო.

ადვილი შესაძლებელია, მამაცობისთვის ისიც მიიღებდა ვერცხლის მედალს, მაგრამ შრაპნელმა უდროოდ გაისტუმრა საიქიოს. როცა ყუმბარამ თავი წააწყვიტა, ეს თავი მიწაზე ცოტა ხანს კიდევ მიგორავდა და გაპყვიროდა: „ჯარისკაცო, ისწრაფე შენი მოვალეობა მოიხადო, თუნდაც სიკვდილი დაგტრიალებდეს თავსაო“.

— აბა, რას არ დაწერენ ხოლმე ამ გაზეთებში, — შენიშნა რომელიღაც იქ მყოფმა ჯარისკაცმა. — თვითონ შემთხვევლმა, ვინ იცის, ჭკუა დაკარგოს კიდევ, თავისი თვალით რომ ნახოს ყველაფერი ის, რაც აქ ხდება.

მოლაშქრემ გადააფურთხა.

— ჩასლავეში რომ ვიდექით, ჩვენს პოლკში ერთი რედაქტორი გვეყავდა ვენიდან, გერმანელი. პრაპორშჩიკი იყო. ჩეხურად არ კადრულობდა ჩვენთან ლაპარაკს. მაგრამ, როცა ფრონტზე მიმავალ სალაშქრო ასეულს მიამაგრეს, სადაც სულ ერთთავად ჩეხები იყვნენ, ერთბაშად ჩეხურად ალაპარაკდა.

— კარებში გაგულისებული ფელდფებლის სახე გამოჩნდა: — Wenn man soll drei Minuten weg, da hört man nichts anderes, als: „ცესი, ცესი“<sup>1</sup>.

მერე ისევ უკან გაბრუნდა, ალბათ, ბუფეტში თუ წავიდა და მოლაშქრე უნტერ-ოფიცერს დაუბარა, ეს ტილიანი გაიძვერა (შვეიცზე მიუთითა) ლეიტენანტთან შეიყვანე, როგორც კი მოვაო.

— ბატონი ლეიტენანტი, ალბათ, ისევ სადგურის ტელეგრაფისტ გოგოს ეკურკურება, — თქვა უნტერ-ოფიცერმა ფელდფებლის წასვლის შემდეგ. — შეუჩნდა იმ გოგოს აგერ ორი კვირა იქნება, ტელეგრაფიდან ყოველდღე დამთხვეულივით ბრუნდება და ამბობს: Das ist aber eine Hure. sie will nicht mit mir schlafen.<sup>2</sup>

ლეიტენანტი ამჯერადაც გაბოროტებული დაბრუნდა, ისმობდა, წიგნებს როგორ ახეთქებდა მაგიდაზე:

— არაფერი გეშველება, ძმაო, მასთან მისვლა მოგიხდება, — უთანაგრძნო შვეიკს უნტერმა. — ბევრ ჯარისკაცს, გაუვლია მის ხელში, ხნიერსა და ახალგაზრდას.

უნტერმა კანცელარიაში წაიყვანა შვეიკი. იქ მიყრილ-მოყრილი

<sup>1</sup> საკმარისია, სამი წუთით გავიდე, რომ იმწამსვე გაისმის: „ჩეხურად, ჩეხები“:

<sup>2</sup> აი, ის როსიკი ისა, ჩემთან დაწოლას კი იმადლება (გერმ.).





ქაღალდებით მოფენილ მაგიდას უჯდა მკაცრი შესახედაობის ახალგაზრდა ლეიტენანტი.

შვეიკი რომ დაინახა უნტერის თანხლებით, ლეიტენანტმა მრავალმნიშვნელოვნად გააგრძელა:

— აჰაა!

უნტერ-ოფიცერმა უპატაკა:

— მაქვს პატივი მოგახსენოთ, პანე ლეიტენანტ, ეს კაცი დაკავებული იქნა სადგურზე, საბუთები არ აღმოაჩნდა.

ლეიტენანტმა ისეთი სახით დააქნია თავი, თითქოს ჯერ კიდევ ამ რამდენიმე წლის წინათ წინასწარ იცოდა, რომ სწორედ ამ დღესა და ამ საათზე სადგურზე დააკავებდნენ შვეიკს, რომელსაც საბუთები არ ექნებოდა.

სხვათა შორის, ყველა, ვინც ამწუთას შვეიკს შეხედავდა, უთუოდ დაასკენიდა, რომ ასეთი გარეგნობის ადამიანს ყოვლად შეუძლებელია რაიმე საბუთი გააჩნდესო. შვეიკს ისეთი სახე ჰქონდა, თითქოს ესაა ციდან ჩამოვარდნილიყოს, ან რომელიღაც სხვა პლანეტიდან, და გულუბრყვილო გაკვირვებით ათვალიერებს ახალ, მისთვის უცნობ ქვეყანას, სადაც რაღაც სულელურ საბუთებს თხოვენ.

ლეიტენანტი შვეიკს დააკვირდა, ერთი წუთით ჩაფიქრდა, რა უთხრაო და ბოლოს ჰკითხა:

— ვაგზალზე რას აკეთებდით?

— მაქვს პატივი მოგახსენოთ, პანე ლეიტენანტ, ჩესკე ბუდეი-ოვიცესკენ მიმავალ მატარებელს ველოდებოდი, ჩემს № 91 პოლკში რომ მოვხვდარილიყავი ობერ-ლეიტენანტ ლუკაშთან, რომლის დენშჩიკი გახლავართ და რომელსაც, ჩემდა უნებურად, იძულებული გაეხდი დავშორებოდი, რადგან სადგურის უფროსთან გამგზავნეს ჯარიმის გადასახდელად, — აქაოდა, ჩქარი მატარებელი შენ გააჩერე სააეარიო მუხრუჭის მეშვეობითო.

— თავს ნუ იგდებთ! — უყვირა ლეიტენანტმა. — დალაგებით და მოკლედ ილაპარაკეთ, სისულელეებს ნუ რომავთ!

— მაქვს პატივი მოგახსენოთ, პანე ლეიტენანტ, უკვე იმავე წუთიდან, როცა მე და ბატონი ობერ-ლეიტენანტი ლუკაში ჩქარ მატარებელში ვსხდებოდით, რომელსაც რაც შეიძლება სწრაფად უნდა მივეყვანეთ ჩვენს № 91 ქვეითა პოლკში, თითქოს ვილაცამ გზა დაგვიწყველაო: ჯერ იყო და, ჩემოდანი მოგვპარეს, მერე, — ძალიან მინდა თანამიმდევრობა არ ამერიოს, — ვილაც პან გენერალ-მაიორი, სულ მთლად პოსლიკა...

— Himmelherrgott! — ამოიოხრა ლეიტენანტმა.

— მაქვს პატივი მოგახსენოთ, პანე ლეიტენანტ, საჭიროა ჩემგან ყველაფერი ისე თანდათანობით გამოლიოდეს, როგორც ძველი გამოხეული დოშაკიდან მატყლი, რათა ნათლად წარმოიდგინოთ, რაც მოხდა; ასე იტყოდა ხოლმე განსვენებული მეჩექმე პეტრლიკი, როცა უბრძანებდა თავის შეგირდს შარვლის ჩახდას, რომ ქაშირით მისთვის საჯდომი აეჭრელებინა.

ლეიტენანტი სიბრაზისგან ქშინავდა, შვეიკი კი განაგრძობდა:

— ბატონ ქაჩალ გენერალ-მაიორს რატომღაც არ მოვეწონე, ამიტომ პან ობერ-ლეიტენანტმა ლუკაშმა, რომელსაც მე ვემსახურები, დერეფანში გამისტუმრა. მერე იქ ბრალი დამდევს, რაზედაც უკვე მოგახსენეთ. სანამ საქმე ირკვეოდა, ბაქანზე მიტოვებული აღმოეჩნდი. მატარებელი წავიდა, ბატონი ობერ-ლეიტენანტი ჩემოდნითა და ყველა თავისი და ჩემი საბუთებით აგრეთვე წავიდა, მე კი დავრჩი უსაბუთებოდ, ღვთის ანაბარად მიგდებული.

შვეიკმა ისეთი ნაზი თვალებით შეხედა ლეიტენანტს, რომ იგი დარწმუნდა, ყოველივე ის, რაც ამ ღვთის გლახასგან მოისმინა, სრულ სიმართლეს შეიცავდა.

ლეიტენანტმა ჩამოუთვალა შვეიკს ყველა მატარებელი, რომლებმაც ბუდეიოვიცესკენ გაიარეს ჩქარი მატარებლის შემდეგ და ჰკითხა: ამ მატარებლებს რად ჩამორჩიო.

— მაქვს პატივი მოგახსენოთ, პანე ლეიტენანტ, — უპასუხა შვეიკმა კეთილი ღიმილით, — სანამ შემდეგ მატარებელს ველოდ-

ბოდი, ერთი ამბავი შეემთხვა: დავჯექი ლუდის სასმელად და შევეყვი — ერთ ტოლჩას მეორე მოჰყვა, მეორეს — მესამე...

„ასეთი ბოთე ვინმე ჩემს სიკოცხლეში არ მინახავს, — გაიფიქრა ლეიტენანტმა, — ყველაფერში გამოტყდა. რამდენს გაუვლია ჩემს ხელში და ყველა ცდილობდა, რითაც კი შეეძლო, თავი დეძვრინა, არაფერში გამომტყდარიყო. ეს კი გულდამშვიდებით აცხადებს: „ყველა მატარებელს ჩამოვრჩი, რადგან ლუდსა ვსვამდი, ერთ ტოლჩას მეორე მოჰყვა, მეორეს-მესამეო“.

მთელი თავისი მოსაზრებანი მან ერთ წინადადებად შეაჯამა, რომლითაც შევიკს მიმართა:

— თქვენ, ჩემო კეთილო, დეგენერატი ხართ. იცით, რა არის „დეგენერატი“?

— მაქვს პატივი მოგახსენოთ, ჩვენთან ბოიშტსა და კატერუისკის ქუჩების კუთხეში, პანე ლეიტენანტ, ერთი დეგენერატი ცხოვრობდა. მამამისი პოლონელი გრაფი იყო, დედა — ბებია ქალი. დღისით ეს კაცი ქუჩებსა ჰგვიდა, სამიკიტნოში კი საყოველთაოდ ნათქვამი ჰქონდა, გრაფი მიწოდეთ, სხვანაირად მომართვა არ გამიბედოთო.

ლეიტენანტმა გადაწყვიტა, უკეთესი იქნება ამ საქმეს მოვრჩეო და კბილებში გამოსცრა:

— აი, რა, დოცლადივე, ლენჩო, ახლავე წახვალთ სალაროში, აიღებთ ბილეთს და ბუდეოვიცეში გაემგზავრებით. თუ კიდევ დაგინახეთ აქ, ისე მოგექცევით, როგორც დეზერტირს. Abtreten! მაგრამ რადგან შევიკი ადგილიდან არ იძვროდა და წამდაუწუმ ხელს უღებდა, ლეიტენანტმა უყვირა:

— Marsch hinaus<sup>1</sup>, არ გესმით, abtreten! პალანეკ, წაიყვანეთ ეს გამოტვინებული სალაროში და ჩესკე ბუდეოვიცემდე ბილეთი აუღეთ.

უნტერ-ოფიცერმა პალანეკმა ერთი წუთის შემდეგ ისევ მოიბინა კანცელარიაში. ნახევრად გაღებულ კარებში მის უკან შევიკი მოჩანდა თავისი თვინიერი სახით.

— კიდევ რა მოხდა?

— მაქვს პატივი მოგახსენოთ, პანე ლეიტენანტ, — იღუმალად ალაპარაკდა უნტერი პალანეკი, — მას გზის ფული არა აქვს, არც მე მაქვს. უბილეთოდ კი არავის მიყავს, რადგან არ მოეპოვება სამხედრო საბუთები იმის შესახებ, რომ პოლკში მიემგზავრება.

<sup>1</sup> გაეთრიეთ (გერმ.).



ლეიტენანტს მაინცდამაინც თავი არ უტეხია, რომ სოლომონის სიბრძნით გადაეჭრა ეს საკითხი.

— ადგეს და, ფეხით წავიდეს, — გადაწყვიტა მან. — დაე, პოლკში დაადონ სასჯელი დაგვიანებისთვის. გვეყოფა მისი ამდენი ლოლიავი.

— რა გაეწყობა, ჩემო ძმობილო, — უთხრა პალანეკმა შვეიკს, როცა კანცელარიიდან გავიდა. — გინდა არ გინდა, ბუდეიოვიცემდე ფეხით უნდა იარო. საყარაულოში ერთი პურის ყუა მოიძებნება, საგზლად მოგცემთ.

ნახევარი საათის შემდეგ, შვეიკს შავი ყავა რომ დაალევინეს და გარდა პურის ნატეხისა, სალდათური თამბაქოს ულუფაც უთავაზეს, იგი ტაბორიდან გავიდა და უკუნ ღამეში გზას გაუდგა, თან ძველ სალდათურ სიმღერას ღიღინებდა.

იარომერში მივალთ, მარა —  
გინდ გეჯეროს, გინდა არა...

ეშმაკმა დალახვროს, ეს როგორ მოხდა, — ჩვენმა ყოჩაღმა ჯარისკაცმა შვეიკმა, ნაცვლად იმისა, რომ სამხრეთისკენ ბუდეიოვიცეში წასულიყო, თავი დააღირა და დასავლეთისკენ წავიდა.

იგი მიაბიჯებდა თოვლით დაფარულ გზატკეცილზე, მიდიოდა

სუსხსა და ყინვაში, ფარაჯაში გახვეული, ვით მოსკოვის ლაშქრობიდან უკან გამობრუნებული ნაპოლეონის უკანასკნელი გრენადერი. განსხვავება მხოლოდ ის იყო, რომ შვეიცი მხიარულად მიიმღეროდა:

მე წავალ და ვისეირნებ  
ამწვანებულ ტყის პირას...

თოვლით დაბურულ ყრუ ტყეში ისე შორს და ისე ძლიერად გაისმოდა ეხო, რომ სოფლებში ძაღლები აყეფდნენ.

როცა შვეიკს სიმღერა მოსწყინდა, გზის პირას ღორღის გროვაზე ჩამოჯდა, ჩიბუხი გააბოლა, დაისვენა და ისევ განაგრძო გზა ბუდეოვიცეს ანაბაზისის \* ფათერაკთა პირისპირ შესახველრად.

---



## თ ა ზ ი II

### ზვიეიკის ბულიოვიცეს ანაბაზისი

ქსენოფონტემ, ანტიკური ეპოქის სარდალმა, გაიარა მთელი მცირე აზია, ღმერთმა იცის, რა ადგილებში არ ყოფილა, და თუმცა გეოგრაფიული რუკა რა იყო, არ იცოდა, უიმისოდ იოლად გადიოდა. ძველი გოტები თავს ესხმოდნენ და აწიოკებდნენ მეზობლებს, მაგრამ ამისთვის ტოპოგრაფიის ცოდნა არ დასჭირვებიათ. დაუღალავად იარო წინ, შეიჭრა უცხო მხარეში, გამუდმებით იტრიალო მტრის გარემოცვაში, რომელიც გითვალთვალებს პირველი ხელსაყრელი შემთხვევისთანავე კისერი მოგიგრიხოს, მაგრამ მაინც სულ წინ იარო, წინ უშიშრად და შეუპოვრად — აი რას ეწოდება ანაბაზისი.

ვისაც მხრებზე თავი ება, — როგორც ქსენოფონტეს და სხვადასხვა ტომების ყაჩაღებს, რომლებიც, კაცმა არ იცის, ევროპაში საიდან მოვიდნენ — კასპიის თუ აზოვის ზღვების ნაპირებიდან, — ისინი პირდაპირ სასწაულებს ახდენდნენ ლაშქრობის დროს.

კეისრის მეთაურობით რომის ლეგიონები ღრმად შეიჭრნენ (ასევე ყოველგვარი რუკების გარეშე) ჩრდილოეთში და გალის ზღვას

მიადგნენ, აქ გადაწყვიტეს, უკან, რომში, სხვა გზით დაებრუნდეთ, რომ კიდევ ერთხელ ვცადოთ ბედით, და მშვიდობით მიადწიეს რომს. უთუოდ სწორედ ამ დროიდან ფეხი მოიკიდა თქმამ:

— ყველა გზა რომში მიდისო.

სწორედ ასევე ყველა გზა ჩესკებუდეიოვიცეში მიდის. ყოჩალი ჯარისკაცი შვეიკი ამაში ღრმად იყო დარწმუნებული, როცა ნაცვლად ბუდეიოვიცეს მიდამოებისა სოფელი მილევსკო დაინახა. და, მიმართულების შეუცვლელად, განაგრძო გზა, ვინაიდან ვერავითარი მილევსკო ხელს ვერ შეუშლიდა ყოჩად ჯარისკაცს ბუდეიოვიცეში მისულიყო.

ამრიგად, ცოტა ხნის შემდეგ შვეიკი კვეტოვოს რაიონში აღმოჩნდა, მილევსკოს დასავლეთით. მან უკვე ამოწურა სალდათური სალაშქრო სიმღერების მთელი თავისი მარაგი და, კვეტოვოს რომ უახლოვდებოდა, იძულებული გახდა თავიდან გაეშეორებინა თავისი რეპერტუარი:

როცა ომში მივდიოდით რიხითა და მონღოებით,  
განზორებით გულმოკლულნი ცრემლებს ღვრიდნენ გოგონები.

კვეტოვოდან ვრიჟესკენ მიმავალ გზაზე, რომელიც განუხრელად დასავლეთისკენ მიემართება, შვეიკს ეკლესიიდან შინ მიმავალი ერთი დედაბერი გამოელაპარაკა:

— გამარჯობა შენი, ჯარისკაციო. საითკენ მიდიხარ?

— მე, დედო, პოლკში მივდივარ, ბუდეიოვიცეში, ომში მივდივარ.

— ღმერთო ჩემო, თქვენ მხარი შეგცვლიათ, ჯარისკაციო! — შეეშინდა დედაბერს. — ასე რომ იართო, თქვენს სიცოცხლეში იქ ვერ მიხვალთ. ეს გზა ვრაყეზე გაივლის და კლატოვში მიგიყვანს.

— ჩემის აზრით, თუ კაცს თავი აქვს, კლატოვოდანაც მოხვდება ბუდეიოვიცეში, — მოკრძალებით უპასუხა შვეიკმა. — მართალია, შორი გზაა, მეტადრე იმ ადამიანისთვის, რომელსაც პოლკში ეჩქარება და ცოტა არ იყოს შიშობს კიდევ, რომ მიუხედავად მთელი თავისი მონღოებისა, დროზე ვერ მივა ადგილზე და ამის გამო უსიამოვნებანი შეხვდება.

— გვყავდა ჩვენ ერთი ასეთი თავგასული ყმაწვილი, — ამოიხვნეშა ბებიამ. — ტონიჩეკი მაშეკი ჰქვიადა. ჯარში წასვლამ მოუწია, პლზენში უნდა წასულიყო. ჩემს ძმისწულს ნათესავად ეკუთვნის, დიახ... პოდა, წავიდა, მაშასადამე. მაგრამ არ გასულა ერთი კვირაც და უკვე ჟანდარმები დაეძებდნენ. გამოდიოდა, რომ პოლკში არ მისულა. კიდევ ერთი კვირა რომ გავიდა, თვითონ მოვიდა ჩვენთან, უბრალო ტანსაცმელში გამოწყობილი, არასამხედროში. „შეებულე-

ბაში ვარ წამოსულიო“. მამასახლისი უანდარმებთან გაიქცა, იმათმა კიდევ აჩვენეს, რას ნიშნავს შებებულება... ახლა წერილიც მივიღეთ მისგან, ფრონტიდან გამოგზავნა, დაჭრილა, ცალი ფეხი დაუყარავს.

დედაბერი გულშემატკივრად შესცქეროდა თვალეებში შვეიკს.

— აი, იმ ტყეში შეაფარეთ ცოტა ხანს თავი, გეთაყვა, დაძლეოდეთ, კარტოფილის შეკამანდს მოგიტანთ, სული რომ მოიბრუნოთ და გათბეთ. აქედან ჩვენი ქოხი მოჩანს, სწორედ ამ ტყის უკანაა, მარჯვნივ. ჩვენს სოფელზე არ გირჩევთ გავლას, უანდარმები დაგეშვილი ძაღლებით დაძრწიან. ამ ტყიდან პირდაპირ მალჩინისკენ წადით. ჩიჟოვოს გვერდი აუარეთ, გეთაყვა, — უანდარმები იქ ღეზერტირებს მუსრს ავლებენ. იარეთ პირდაპირ ტყით სედლეციისა და პორაუდოვეციისკენ, იქ კარგი უანდარმია, სოფელზე ყველას ატარებს, ქაღალდები ხომ გაქვს?

— არა, დედილო.

— მაშინ იქაც ნუ შეივლი, უკეთესია რადომიშლით წახვიდეთ. ოლონდ იცოდეთ, საღამოთი უნდა მოხვდეთ იქ, უანდარმები ამ დროს სამიკიტნოში იქნებიან. იქ ქუჩაზე, ფლორიანის\* უკან პატარა სახლია, ქვემო ნაწილი ლურჯად აქვს შეღებილი. იკითხეთ სახლის პატრონი მელიხარკა, ჩემი ძმაა. გადაეცით ჩემი მოკითხვა და იგი დაგაყენებთ გზაზე, ბუდეიოვიცეში რომ მოხვდეთ.

შვეიკი ნახევარ საათზე მეტი ელოდა ტყეში. მერე მიუჯდა კარტოფილის შეკამანდს, რომელიც საწყალმა დედაბერმა ქოთნით მოუტანა, ქოთანი ბალიშში გაეხვია, რომ არ გაციებულიყო. შვეიკი შეთბა; დედაბერმა ფუთიდან ამოალაგა პურის ყუა, ერთი ნაჭერი ქონი, და ყველაფერი ეს შვეიკს ჩაუღო ჯიბეში, პირჯვარი გადასახა და უთხრა, ბუდეიოვიცეში ორი შვილიშვილი მყავსო. მერე დედაბერმა კიდევ ერთხელ დაწვრილებით გაუმოხრა, რა სოფლებზე შეუძლია გაიაროს და რომელ სოფლებს გვერდი უნდა აუაროს; ბოლოს ამოიღო კოფთის ჯიბიდან ერთი კრონი და შვეიკს მისცა, მალჩინში არაყი გადაჰკარი, თორემ რადომიშლამდე დიდი გზა გიბევსო.

დედაბრის რჩევით შვეიკი რადომიშლში წავიდა ჩიჟოვოს გვერდის ავლით, წავიდა აღმოსავლეთით. დარწმუნებული იყო, რომ ბუდეიოვიცეში, სულ ერთია, მოხვდები, ქვეყნის რომელი მხრიდანაც არ უნდა წავიდეთ.

მალჩინიდან ერთი მოხუცი გარმონისტი აეკიდა თანამგზავრად; შვეიკი მას სამიკიტნოში წააწყდა, სადაც არაყის გადასაკრავად შეიარა, ვიღრე რადომიშლის შორი გზას დაადგებოდა.

გარმონისტს იგი ღეზერტირი ეგონა და ურჩია, ჩემთან ერთად





პორაქდოვეიცეში წამოდის: იქ ჩემი ქალიშვილი ცხოვრობს, რომლის ქმარიც დეზერტირიაო.

სჩანდა გარმონისტს, მილჩინში ზორბად გადაეყურწა.

— თავის ქმარს ჩემი ქალიშვილი აგერ მეორე თვეა ბოსელში მალავს და შენც იქ დაგმალავს, — არწმუნებდა იგი შვეიკს. — ისხედით იქ, სანამ ომი გათავდებოდეს. ორნი იქნებით, აღარ მოგწყინდებათ.

მაგრამ, როცა შვეიკმა ზრდილობიანად უარი უთხრა გარმონისტს მის წინადადებაზე, იგი გაბრაზდა და მარცხნივ გაუხვია, მინდორზე გადავიდა, თან დაემუქრა შვეიკს, ჩიქოვოში წაეალ და უანდარმებთან დაგაბეზლებო.

სალამოთი შვეიკმა რადომიშლს მიაღწია. ქვედა ქუჩაზე ფლორიანის უკან იზოვა სახლის პატრონი მელიხარკა. შვეიკმა გადასცა დის მოკითხვა, მაგრამ ეს მოკითხვა მის გულს არ მიჰკარებია. შვეიკს ჩააცივდა, დოკუმენტები სადა გაქვსო. იგი აშკარად წინასწარშეგონებული ადამიანი იყო. ენაზე ეკერა ყაჩაღები, მაწანწალები და ქურდები, — რომლებიც მთელს პისეცკის მხარეში დაეხეტებოდნენ.

— სამხედრო სამსახურიდან გარბიან. ომიანობა არ მოსწონთ, და აი დაყილობენ მთელს მხარეში. თუ რამე უპატრონოდ დაინახეს — უსათუოდ ხელს წამოკრავენ, — ამბობდა მელიხარკა და შვეიკს

თვალეზში მისჩერებოდა. — თვითეული მათგანი ისე მოგაჩვენებთ თავს, თითქოს აბრაამის ბატკანი იყოს... სიმართლე თვალს სჩხვლეტსო, — დაუმატა მან, როცა დაინახა, რომ შვეიცი წამოდგა წასასვლელად. — ადამიანს სინდისის ქენჯნა რომ არ აწუხებდეს, არ ადგებოდა და წასვლას არ დააპირებდა, იჯლებოდა მშვიდად თავის ადგილზე და ღოკუმენტებს გვაჩვენებდა. მაგრამ ღოკუმენტები თუ არა აქვს...

— კარგად იყავი, ბაბუა...

— კარგად იყავი. წადი ახლა და, ისეთი ვინმე მონახე, ადვილად რომ მოატყუო...

და კიდევ დიდხანს, როცა შვეიცი უკვე ბნელ ღამეში უგზო-უკვლოდ მიაბიჯებდა, მოხუცი განაგრძობდა ბუზლუნს:

— ამას არ უყურებთ, ბუდეოვიცეში მივდივარ, პოლკშიო. ტაბორიდან ბუდეოვიცეში მიდის, ამისთვის, ამ თვალდათვალ მატყუარას დასჭირდა ჯერ პორაჟდოვიცეში შევლა, აქედან კი პისეკში ჩასვლა. ეს ხომ იგივეა, კაცმა მთელ დედამიწას ირგვლივ შემოუაროს.

შვეიცი მთელი ღამე მიდიოდა და მხოლოდ პუტიმასთან წააწყდა მინდორში თივის ზვინს. ის-იყო თივაში უნდა მოკალათებულყო, რომ ამ დროს ზემოდან შემოესმა ხმა:

— რომელი პოლკისა ხარ? საით მიდიხარ?

— ოთხმოცდამეთერთმეტესი, მივდივარ ბუდეოვიცეში.

— იქ ვინ დაგრჩენია?

— იქ ჩემი ობერ-ლეიტენანტია.

გაისმა სიცილი. მაგრამ ერთი კი არ იცინოდა — სამნი იცინოდნენ.

როცა სიცილი მიწყნარდა, შვეიკმა იკითხა, რომელი პოლკიდან ხართო. აღმოჩნდა, რომ ორნი ოცდამეხუთმეტე პოლკიდან იყვნენ, ერთი კი, არტილერისტი, ბუდეოვიცედან იყო. ოცდამეხუთმეტე პოლკის ბიჭები გამოქცეულიყვნენ ამ ერთი თვის წინათ სამარშო ბატალიონიდან ფრონტზე გაგზავნის დღეს, არტილერისტი კი მობილიზაციის დღიდანვე იყო გამოქცეული. იგი პუტიმელი გლეხი იყო, და ზვინი მას ეკუთვნოდა. ღამეს ყოველთვის აქ ატარებდა, გუშინ ეს ორნი იპოვა ტყეში და თავის საფარში წამოიყვანა.

მათი ანგარიშით, ომი ერთ-ორ თვეში დამთავრდებოდა. ისინი დარწმუნებული იყვნენ, რომ რუსებმა უკვე ბუდაპეშტზე გაიარეს და ახლა მორავიას იკავენენ. პუტიმაში ყველა ამაზე ლაპარაკობდა. ხვალ დილით, აღიონზე, არტილერისტის დედა საჰმელს მოიტანს, მერე ოცდამეხუთმეტე პოლკის ბიჭები სტრაკონიციეში წავლენ, იქ ერთი მათგანის ბიკოლა ცხოვრობს, ამ ბიკოლას ნაცნობი ყავს სუშიციეს ვადალმა მთებში, ამ ნაცნობს კი ხე-ტყის სახერხი აქვს, სადაც შეიძლება დამალვა.

— ჰეი შენ, ოთხმოცდამეთერთმეტედან, თუ გინდა, ჩიგნთან წამოდი,—შესთავაზეს ბიჭებმა შვეიკს. — მოდი, შეათურებ ეშმაკს, იმ შენს ობერ-ლეიტენანტსაც, და წამოდი.

— არა, ეს ასე უბრალოდ არ ხდება, — უპასუხა შვეიკმა, და თივაში გაეხვია.

როცა დილით გაიღვიძა, უკვე აღარავინ იყო. რომელიღაცას (უთუოდ, არტილერიისტს) შვეიკის ფეხებთან პურის ნატეხი დაედო.

შვეიკი ტყე-ტყე გაუდგა გზას. შტეკნას მახლობლად ერთ ბებერ მაწანწალას შეხვდა, რომელიც ძველი მეგობარივით მიესალმა მას და ერთი ყლუპი არაყი გადააკრევიანა.

— ამ ტანისამოსით რად დადიხარ. შენმა სამხედრო ფორმამ ხიფათში კი არ ჩაგადგოს, — არიგებდა მაწანწალა შვეიკს. — ახლა ყველგან ჟანდარმები დაწანწალეზენ და ასე სიარული არ გარგებს. ჟანდარმები ჩვენ აღარ გვერჩიან, ახლა თქვენზე მიიტანეს იერიში, ღეზერტირებს ეძებენ და იჭერენ. მარტო თქვენ გიჭერენ, — გაიმეორა მან ისეთი რწმენით, რომ შვეიკმა გადაწყვიტა, უკეთესი იქნება სულაც არ ვახსენო ოთხმოცდამეთერთმეტე პოლკი. რაც უნდა, ის იფიქროს ამ ბერიკაცმა ჩემზეო. რად დაურღვიო ილუზია ამ კარგ მოხუცსო?

— საით გაქვს ახლა გეზი აღებული? — შეეკითხა მაწანწალა ცოტა ხნის შემდეგ, როცა ორთავემ ჩიბუხი გააბოლა და აუჩქარებლად სოფლის გვერდით მიმავალ გზას გაუყვნენ.

— ბუდეიოვიცესკენ.

— ღვთისმშობელო მარიამი — შეეშინდა მათხოვარს. — იქ შენ ერთ წუთში აგაორთქლებენ. სულის მოთქმასაც ვერ მოასწრებ ისე. სამოქალაქო ტანსაცმელია შენთვის საჭირო, და რაც შეიძლება, გაცვეთილი. დაგვირდება, კოჟლ ხეიბარად გადაიქცე... ნუ შეშინდები; წაიღეთ სტრაკონიციეთი, ვოლინით და ღუბით, და ხელს ვერავინ შეგვიშლის სამოქალაქო ტანსაცმლის შოვნაში, სტრაკონიციეში ჯერ ისევ ბლომად არიან პატიოსანი ბრიყვები, რომლებიც, ზოგჯერ, ღამით კარებს არ კეტავენ, დღისით კი იქ საერთოდ არაფერი იკეტება. რომელიმე მათგანი გადავა მეზობელთან ენის მოსაქავებლად — და აი სამოქალაქო ტანსაცმელიც შენს ხელშია. მერედა, განა ბევრი რამ გვირდება? ჩექმები გაქვს... წამოსასხამი რომ გაშოვნინა. შენი ფარაჯა ძველია?

— ძველია.

— მაშინ შეგიძლია დაიტოვო. სოფლელებს ჩვეულებრივ ფარაჯები აცვიათ. დაგვირდება შარვალი და პიჯაკი. როცა სამოქალაქოს ვიშოვნით, შენი შარვალი და გიმნასტურა შეიძლება მივყიდოთ

ებრაელ გერმანს ვოდნიანში. იგი სახაზინო ნივთებს ყიდულობს, მერე სოფელ-სოფელ დადის და ჰყიდის. დღეს სტრაკონიციეში წავალთ. აქედან ოთხი საათის სავალი გზაა ძველი შვარცენბერგის ფარეხამდე, — ავითარებდა მაწანწალა თავის გეგმას.—იქ ნაცნობი მოხუცი მწყემსი მყავს. ღამეს მასთან გავათევთ, დილით კი დავიძვრებით სტრაკონიციესკენ და იქ საღამე ავწაპნით სამოქალაქო ტანსაცმელს.

ფარეხში შვეიცი გაეცნო სიმპათიურ ბერიკაცს, რომელსაც ჯერ კიდევ ახსოვდა საფრანგეთის ლაშქრობათა ამბები, რომელნიც თავისი პაპისგან ჰქონდა მოსმენილი. მწყემსი ოცი წლით უფროსი იყო ბებერ მაწანწალაზე, ამიტომ მას, და მასთან ერთად შვეიკსაც, „ყმაწვილოს“ უწოდებდა.

— ჰოდა ასე, ყმაწვილებო, — დაიწყო მოხუცმა მწყემსმა მოყოლა, როცა ყველანი ღუმელს შემოუსხდნენ, სადაც კარტოფილი იხარშებოდა. — იმ ხანებში პაპაჩემი, ამ შენი სალდათივით, დეზერტირად იყო გავარდნილი. მაგრამ ვოდნიანში ხელი სტაცეს და ისე მაგრად გაჯობნეს, რომ საუჯდომზე სულ ტყავი ააძვრეს. იგი კიდევ კარგად ვადაჩხა. აი, იარეშის ვაჟიშვილი კი, მოხუცი იარეშის პაპა, პროტივინესთან მდებარე რაჟიცის თევზის ჰყორვილის დარაჯად რომ იყო პისეკში, დახვრიტეს გაქცევისთვის, დახვრეტის წინ კი მწყობრში გაატარეს და ექვსასი დარტყმა აგემეს ჯობებით, ასე რომ სიკვდილი მისთვის პირდაპირ შეებაც იყო და ცოდვის მონანიებაც. შენ როდის გამოიქეცი? — მიმართა თვალეზზე ცრემლმომდგარმა მწყემსმა შვეიკს.

— მობილიზაციის შემდეგ, როცა ყაზარმაში წაგვიყვანეს, — უპასუხა შვეიკმა, რომელსაც კარგად ესმოდა, რომ არ შეიძლებოდა მუნდირის ღირსების დაქვეითება მოხუცი მწყემსის თვალში.

— კედელზე გადაძვრი, არა? — ცნობისმოყვარეობით შეეკითხა მწყემსი, რომელსაც უთუოდ გაახსენდა თავისი პაპის ნაამბობი, თუ როგორ გადაძვრა იგი ყაზარმიდან კედელზე.

— სხვანაირად არ შეიძლებოდა, ჩემო ბაბუა.

— ძლიერი ყარაული იყო, არა? ალბათ, გესროლეს კიდევ?

— მესროლეს, ჩემო ბაბუა.

— ახლა საით მიდიხარ?

— ჰკუთავონება მთლად აბნეული აქვს გინდა თუ არა, ბუდეიციეში უნდა წავიდეთ, — უპასუხა შვეიკის მაგივრად მაწანწალამ. — ცხადია, ახალგაზრდა კაცია, ჰკუთავონება არ ეკითხება, მგელს პირდაპირ ხახაში უვარდება. ხელი უნდა მოგვიდოდ მაგის ჰკუთის სწავლებას. ავწაპნით საღამე ტანისამოსს და მერე ყველაფერი მოგვარდება!



გაზაფხულამდე როგორმე იოლად წავალთ ამ წანწალში, გაზაფხულზე კი გლახებთან რაიმე სამუშაოს ვიშოვით. ახლა მუშახელი ძალიან ჭირს. შიმშილობაა. ყველა მაწანწალას, ამბობენ, მინდვრის სამუშაოებზე გარეკავენო. უკეთესი იქნება ამიტომ ჩვენი ნებით წავიდეთ. ხალხი, ამბობენ, ძალიან შემცირდებაო. ყველას ამოხოცავენო.

— შენი ფიქრით, წელს არ დამთავრდება? — ჰკითხა მწყემსმა. — შენ, ყმაწვილო, მართალი ხარ, გრძელი ომები წინათაც ყოფილა. ნაპოლეონის, მერე, გადმოცემით ვიცი, შვედების ომი, შვიდწლიანი. თვითონ ხალხმა დაიმსახურა ეს ომები. ახია მის თავზე: უფალ ღმერთს მეტი აღარ შეეძლო ეცქირნა, როგორ გაამპარტავდნენ ადამიანები. უკვე ცხერის ხორცს აღარ კადრულობენ, არ გვინდა, მაგას როგორ ვკამთო! წინათ ერთიმეორეზე მორბოდნენ ჩემთან, ცხერის ხორცი ჩუმ-ჩუმად რომ მიმეყიდნა, ამ უკანასკნელ წლებს კი რალაც ეშმაკი შეუჯდათ თავში — ღორის ხორცი ან ფრინველი მოიტაო, ისიც კარაქზე ან ქონზე მოხრაკულები, და აი, უფალი ჩვენი განარისხა ადამიანთა ამ უზომო ყოყოჩობამ. აი ისევ თათბოს მხალს რომ დაუწყებენ ხარშვას, როგორც ნაპოლეონის ომების დროს იყო, მაშინ მოვლენ ჰკუაზე. ჩვენი ბატონები კი — ისინი ხომ კანში ველარ ეტევიან. მოხუცი თავადი შვარცენბერგი მხოლოდ შარაბანით დაბრძანდებოდა, ახალგაზრდა თავადმა კი, იმ ცინგლიანმა, თავისი ავტომობილით ირგვლივ ყველაფერი ააქოთა. დაგვაცა, უფალი ღმერთი ამოგივსებს მაგ ღრუნჩს ბენზინით.

ქოთანში კარტოფილი იხარშებოდა, წყალი თუხთუხებდა. მოხუცი მწყემსი ცოტა ხანს სდუმდა, მერე წინასწარმეტყველურად წარმოთქვა:

— ვერ მოიგებს ჩვენი ხელმწიფე-იმპერატორი ამ ომს. ხალხს რა მეომრული სულსკვეთება უნდა გააჩნდეს, როცა მეფე არც კი დაგვირგვინებულა, როგორც სტრაკონიცელი მასწავლებელი ამბობს. დაე, ახლა თვალეები აუხვიოს, ვისაც მოუხერხებს. ფუი, შე მუდრეგო, შენა, დაგვიბრდი დაგვირგვინდებო \* , შეასრულე, რაღა, შენი სიტყვა!

— იქნებ ახლა მაინც როგორმე მოახონმიკოს ეგ საქმე? — შენიშნა მაწანწალამ.

— ახლა, ყმაწვილო, გვიანდაა, — გაცხარდა მწყემსი, — ერთი შეხედვით გლახებს, ქვემოთ სკოჩიცეში თავს რომ მოიყრიან ხოლმე. ყოველ მათგანს ვიღაცა მაინც ყავს ომში. ერთი მოგასმენინა, რას ლაპარაკობენ ომის შემდეგ თავისუფლება იქნებაო, აღარ იქნება არც მეფის სასახლეები, არც თვით იმპერატორებიო, თავადებს

ადგილ-მამულს ჩამოართმევნო. ასეთი ლაპარაკისთვის უკვე ერთ ვილაც კორჟანკას ჟანდარმებმა ხელი მოუსვეს: ნუ აქეზებ ხალხსაო. რა გვეთქმის! ახლა ჟანდარმები თავის ნებაზე იქცევიან.

— წინათაც ასე იყო, — თქვა მაწანწალამ. — მახსოვს, კლადნოში ჟანდარმთა როტმისტრი იყო ვინმე როტერი. ერთხელ წამოუარა და შეუდგა, რა ჰქვია იმათ, ჰო, საპოლიციო ძალების მოშენებას, მგლის ჯიშისა, რომლებიც ყველაფერს მიაკვლევენ, როცა მათ დაგეშავენ. აუარებელი ჰყავდა ამ კლადნოელ როტმისტრს ეს დაგეშილი ძაღლები. სპეციალურად ძაღლებისთვის სახლი ჰქონდა აგებული; ცხოვრობდნენ იქ ეს ძაღლები თავადი-შვილებივით. ამ როტმისტრმა გადაწყვიტა, მოდი ერთი ჩემს ძაღლებს მაწანწალებზე დაგეშავო. აიღო და, ბრძანება გასცა, ყველგან, მთელ კლადნოს მხარეში ჟანდარმებმა შეიპყრონ მაწანწალები და პირდაპირ ჩემთან მორეკონო. როგორც ეს გავიგე, ლანიდან \* მოგკურცხლე, რაც შეიძლება ღრმად შევიპერი ტყის სიღრმეში, მაგრამ თქვენც არ მომიკვდეთ! ჰალისკენ მქონდა გეზი აღებული, და სანამ იქ მივიდოდი, წამავლეს ხელი და ბატონ როტმისტრს მიმგვარეს. ჩემო კეთილებო! ვერ წარმოიდგენთ, რა წვალემა ვნახე იმ ძაღლებისგან! ჯერ იყო და, ძაღლები შემომახვიეს და ყველამ დამყნოსა, მერე მიბრძანეს, კიბეზე აძვერიო და, როცა უკვე თითქმის ზედა საფეხურს მივალწიე, მოუშვეს ჩემზე ერთი მხეცი. იმ საძაგელმა თვალის დახამხამებაზე კიბიდან ქვეშოთ ჩამომათრია, მერე თავზე დამადგა, ზედ ცხვირზე დამადო თავისი დრუნჩი და დამიწყო ღრენა და კბილების კრეჟა. მერე ის საზიზლარი მომაცილეს, მე კი მითხრეს, დაიმალე, სადაც გინდა, იქ წადიო. წავედი კაჩაკას ხეობისკენ, ტყეში, და ხეში დავიმალე. ნახევარ საათსაც არ გაუვლია, მგელზე მონადირე ორმა ნაგაზმა მოირბინა, წამაქციეს მიწაზე, და სანამ ერთს წაყრონქილი ვყავდი, მეორე კლადნოში გაიქცა. ერთი საათის შემდეგ მოვიდა თვით პანი როტმისტრი ჟანდარმების თანხლებით, მომაშორა ძაღლი, მე ხუთიანი მომცა და ნება დამართო ორი დღე შემათხოვრა კლადნოს მიდამოებში. მაგრამ რის მათხოვრობა, რა მათხოვრობა! მოვეუსვი პირდაპირ ბეროუნკოვის რაიონისკენ თითქოს ფეხქვეშ მიწა მეწვოდა, და კლადნოს აღარც მივკარებდევარ. მთელი ჩემი ამფსონები ამ ადგილებს გვერდს უქცევდნენ, რადგან როტმისტრი ყველაზე აწარმოებდა თავის ცდებს... გაგაყებით უყვარდა იმ ოჯახქორს თავისი ძაღლები! ჟანდარმთა განყოფილებებში ამბობდნენ, რომ როტმისტრს რევიზიის დროს თუ სადმე მგელზე მონადირე ძაღლს წააწყდებოდა, სიხარულისგან რე-

ვიზია ავიწყდებოდა და მთელი დღე ვახმისტრთან ერთად არაყს ყლურწავდა.

სანამ მწყემსი კარტოფილს წყლიდან იღებდა და საერთო ჯამში მაწონს ასხამდა, რომელიც ცხერის რძიდან იყო შედგენებული. მაწანწალა განაგრძობდა ქანდარმთა თავგასულობის შემთხვევების გახსენებას.

— ლიბნიცეში \* ქანდარმთა ვახმისტრი ზედ სასახლესთან ცხოვრობდა, ბინა შიგ ქანდარმთა ჯანყოფილებაში ჰქონდა გაჩენილი. მე კი, გამოჩურჩუტებულს, მეგონა, რომ ქანდარმთა განყოფილება ყოველთვის ღია ადგილზე უნდა იყოს-მეთქი მოთავსებული და არავითარ შემთხვევაში რომელიმე ყრუ შესახვევში. ერთხელ გარეუბანში ჩამოვუარე სახლებს. აბრებს არ ვუყურებდი. სახლიდან სახლში გადავდიოდი. ბოლოს, ერთი სახლის კარი შევადე მეორე სართულზე და ვაცნობე ჩემი მისვლა: „ღვთის გულისათვის მიწყალობეთ საბრალო მწირს...“ ღმერთო ჩემო, ამას რას ვხედავ! მუხლი მომეკვეთა და კინალამ იქვე ჩაიკეცე. თურმე ქანდარმთა განყოფილებაში არ შევრგავი თავი! კედლების გასწვრივ შაშხანებია ჩამწკრივებული, მაგიდაზე ჯვარცმა დგას, შკაფზე რეესტრებია, მაგიდის ზემოთ ხელმწიფე-იმპერატორია და პირდაპირ მე მომშტერებია. კრინტის დაძვრა ვერ მოვასწარი, მომგარდა ვახმისტრი და ერთი ისეთი მთხლიშა სიფათში, რომ კიბიდან დავგორდი. ეს კი მოვასწარი, რომ კიბის ძირში წამოვხტი და კეიქლიცამდე უკან აღარ მომიხედაეს. აი, ჩემო ძმაო, რა უფლებები ჰქონდათ ქანდარმებს!

ყველანი ჰამას შეუდგნენ, და მალე თბილ ქოხში სკამლოგინებზე დაწვნენ დასაძინებლად.

ღამით შევიკი აღგა, წყნარად ჩაიცვა და წავიდა. აღმოსავლეთით მთვარე ამოდიოდა, და მის მკრთალ სინათლეში შევიკმა იმ მხარეს გასწია, თან გულში იმეორებდა: „ყოვლად შეუძლებელია, რომ ბუღეიოვიცეში არ მოვხვდე!“

ტყიდან რომ გავიდა, შევიკმა მარჯვნივ რომელიღაც ქალაქი დაინახა, ამიტომ ჩრდილოეთისკენ გაუხვია, მერე ისევ სამხრეთს მიაშურა და კვლავ რომელიღაც ქალაქს მიაღწია. ეს ვოდნიანი იყო. შევიკმა მოხერხებულად აუარა მას გვერდი და მინდორ-მინდორ გაუყვა გზას. პროტივინეს მახლობლად თოვლით დაფარულ მთის კალთებიდან მზის პირველი სხივები მიესალმნენ ყოჩაღ ჯარისკაცს.

— წინ! — უბრძანა თავის თავს ყოჩაღმა ჯარისკაცმა შევიკმა. — სამხედრო ვალი მიხმობს. მე ბუღეიოვიცეში უნდა მოვხვდე.

მაგრამ მას ბელი არ წყალობდა და ნაცვლად იმისა, რომ პრო-





ტივენიდან სამხრეთით ბუდეიოვიცესკენ წასულიყო, შვეიკი ჩრდილოეთისკენ გაემართა — პისეკისკენ.

შუალღე იქნებოდა, როცა მის თვალწინ ერთი პატარა სოფლის მიდამოები გადაიშალა. ბორცივიდან რომ ჩამოდიოდა, შვეიკმა გაიფიქრა: „ასე საქმე არ გამოვა. ვიკითხავ ბუდეიოვიცეს გზას“.

სოფელში რომ შედიოდა, შვეიკი დიდად გაოცდა, როცა განაპირა ქოხთან დასობილ ბოძზე წაიკითხა წარწერა: „სოფელი პუტიმა“.

— აი, ესეც შენი — ამოიოხრა შვეიკმა, — ისევ პუტიმაში მოვხვდი. აქ არ იყო, ღამე რომ გავათიე ზვინში!

ამის შემდეგ უკვე აღარაფერი გაკვირვებია. გუბურას მეორე მხრიდან, თეთრად შეფეთებულ სახლიდან, რომელსაც ამშვენებდა „ქათამი“ (ზოგან ასე უწოდებდნენ სახელმწიფო გერბის გამოსახულებას — არწივს), გამოვიდა ქანდარმი — თითქოს ობობა გამოძვრა თავისი ქსელის შესამოწმებლად.

ქანდარმი ახლო მივიდა შვეიკთან და მხოლოდ ეს კკითხა:

— საით?

— ბუდეიოვიცეში, ჩემს პოლკში.

ქანდარმს სარკასტულად ჩაეცინა.

— თქვენ ხომ ბუდეიოვიცედან მოღიხართ! ბუდეიოვიცე უკან დაგრჩათ.

და შვეიცი განყოფილებაში წაათრია.

პუტიმელი ჟანდარმათა ვახმისტრი ცნობილი იყო მთელს მხარეში იმით, რომ მოქმედებდა სწრაფად და ტაქტიკურად. იგი არასოდეს არ ლანძღავდა და უდიერად არ ეპყრობოდა დაკავებულ პირებს ან დაპატიმრებულთ, სამაგიეროდ ისეთ მარჯვე ჯვარედინ დაკითხვას გაუჩაღებდა, რომ თვით უდანაშაულოც კი აღიარებდა, დამნაშავე ვარო. ამ მიზნისთვის მას გამოყენებული ჰყავდა ორაქანდარმი, და ჯვარედინ დაკითხვას ყოველთვის თან ახლდა ჟანდარმათა მთელი პერსონალის ირონიული ჩაყინება.

— კრიმინალისტიკაში დახელოვნებული ადამიანი ეშმაკიც უნდა იყოს და თან ტყბილი მოსაუბრეც, — არიგებდა ხოლმე ვახმისტრი თავის ხელქვეითებს. — ყვირილი, საერთოდ, ფუჭი საქმეა. ბრალდებულს ან ექვემდებარებულს დელიკატურად და ფაქიზად უნდა მოექცეთ, მაგრამ ამავე დროს უნდა ცდილობდეთ კითხვა კითხვაზე დააყაროთ, კითხვების ნიაღვარში ჩაახრჩოთ.

— კეთილი იყოს თქვენი მობრძანება, ჯარისკაცო, — უთხრა ჟანდარმათა ვახმისტრმა შვეიკს. — დაბრძანდით, გზაში, უთუოდ, დაიღლებოდით. ერთი გვიამბეთ, სად მიდიხართ?

შვეიკმა გაიმეორა — ჩესკებუდეიოვიცეში მივდივარ, ჩემს პოლკშიო.

— თქვენ ნამდვილად გზა აგერიათ, — ღიმილით უთხრა ვახმისტრმა. — საქმე ისაა, რომ თქვენ ჩესკებუდეიოვიცედან მოდიხართ, და მე ადვილად შემიძლია ეს დაგიმტკიცოთ. თქვენს თავით ჩეხეთის რუკაა დაკიდებული. დახედეთ: სამხრეთით ჩვენგან პროტივენია, პროტივენის სამხრეთით — ჰლუბოკა, კიდევ უფრო სამხრეთით — ჩესკებუდეიოვიცე. მაშასადამე, თქვენ ბუდეიოვიცეში კი არ მიდიხართ, არამედ ბუდეიოვიცედან მობრძანდებით.

ვახმისტრმა ალერსიანად შეხედა შვეიკს, რომელმაც მშვიდად და ღირსებით უპასუხა:

— მე მაინც ბუდეიოვიცეში მივდივარ.

ეს სიტყვები გაცილებით უფრო ძლიერად გაისმა, ვიდრე გალილის სიტყვები: „ის მაინცა ბრუნავს!“, ვინაიდან გალილეი, ექვგარეშეა, დიდად განრისხებული იყო, როცა ეს ფრაზა წარმოთქვა.

— იცით რა, ჯარისკაცო! — კვლავ ტყბილად უთხრა შვეიკს ვახმისტრმა. — უნდა გაგაფრთხილოთ (და თქვენ თვითონ ბოლოს და ბოლოს ამავე დასკვნამდე მიხვალთ), რომ ყოველგვარი უარყოფა გააძნელებს გულახდილ აღიარებას.

— თქვენ უეჭველად მართალი ხართ, — უპასუხა შვეიკმა. —

ყოველგვარი უარყოფა გააძნელებს გულახდილ აღიარებას, — და პირიქით.

— აი, თქვენ თვითონ, ჯარისკაცო, უკვე ეთანხმებით ჩემს აზრებს. მითხარით გულახდილად, საიდან წამოხვედით, როცა თქვენი ბუდეიოვიცესკენ დაადექით გზას. ვამბობ „თქვენი-მეთქი“, რადგან, როგორც ჩანს, კიდევ არსებობს რომელიღაც სხვა ბუდეიოვიცე, რომელიც სადღაც პუტიმას ჩრდილოეთით მდებარეობს და აქამდე არც ერთ რუკაზე არაა აღნიშნული.

— მე გამოვედი ტაბორიდან.

— ტაბორში რას აკეთებდით?

— ბუდეიოვიცეს მიმავალ მატარებელს ველოდებოდი.

— რად არ წახვედით მატარებლით ბუდეიოვიცეში?

— რადგან ბილეთი არ მქონდა.

— თქვენ ხომ ჯარისკაცი ხართ. რად არ მოგცეს უფასო სამხედრო სამგზავრო ბილეთი?

— იმიტომ, რომ არავითარი დოკუმენტი თან არ მქონდა.

— აჰა, ხომ ხედავთ — გამარჯვებულის სახით მიუბრუნდა ვახმისტრი ერთ-ერთ თავის ყანდარმს. — ეს ყმაწვილი არც ისე სულელია, როგორც თავს გვაჩვენებს. ცდილობს კვალის დაფარვას.

ვახმისტრმა დაიწყო თავიდან, თითქოს არ მოესმინოს უკანასკნელი სიტყვები დოკუმენტების შესახებ.

— მაშ ასე, თქვენ გამოდით ტაბორიდან. სად მიდიოდით?

— ჩესკებუდეიოვიცეში.

ვახმისტრმა ცოტა მკაცრი გამომეტყველება მიიღო და რუკას შეხედა.

— შეგიძლიათ თუ არა რუკაზე გვიჩვენოთ, რა გზით მიდიოდით ბუდეიოვიცეში?

— მე ყველა ადგილი არ მახსოვს. მახსოვს მხოლოდ, რომ პუტი-მაში ერთხელ უკვე ვიყავი.

ყანდარმებმა ერთმანეთს მრავლისმეტყველად გადახედეს.

ვახმისტრი განაგრძობდა დაკითხვას:

— მაშ, თქვენ იყავით სადგურზე ტაბორში? რა გაქვთ ჯიბეებში? ამოიღეთ ყველაფერი.

როცა შვეიკი საფუძვლიანად გაჩხრიკეს და, ჩიბუხისა და ასანთის მეტი ვერაფერი უპოვეს, ვახმისტრმა ჰკითხა:

— ერთი ეს მითხარით, რატომ არაფერი გაქვთ, სრულებით არაფერი?

— იმიტომ, რომ მე არაფერი მჭირდება.



—ოჰ, ღმერთო ჩემო! — ამოიხენეშა ვახმისტრმა. — პირდაპირ წამებაა თქვენთან ლაპარაკი!.. თქვენ თქვით, რომ ერთხელ უკვე იყავით პუტიმაში. რას აკეთებდით მაშინ აქ?

— პუტიმას გვერდის ჩავლით ბუდეიოვიცეში მივდიოდით.

— ხედავთ, რარიგ ურევთ. თქვენ თვითონ ლაპარაკობთ, რომ ბუდეიოვიცეში მიდიოდით, ჩვენ კი დაგიმტკიცეთ, რომ თქვენ ბუდეიოვიცედან მოდიხართ.

— ალბათ, წრე თუ დაეარტყი.

ვახმისტრმა და ჟანდარმებმა ერთმანეთს მრავალმნიშვნელოვნად გადახედეს.

— ეს წრის დარტყმა გვაფიქრებინებს, რომ თქვენ დაძვრებით ყველგან მთელს ჩვენს მხარეში. რამდენ ხანს დაჰყავით ტაბორის სადგურზე:

— ბუდეიოვიცეს მიმავალ უკანასკნელი მატარებლის გასვლამდე.

— იქ რას აკეთებდით?

— ჯარისკაცებს ვესაუბრებოდი.

ვახმისტრმა ისევ მრავალმნიშვნელოვნად გადახედა ირგვლივ შეკრებილთ.

— მაგალითად, რაზე ბაასობდით მათთან? რას ეკითხებოდით?

— ვეკითხებოდი, რომელი პოლკიდან ხართ და სად მიდიხართ-  
თქო.

— ძალიან კარგი. ხომ არ გიკითხავთ რაზდენი ხიშტია, მაგალი-  
თად, პოლკში და როგორაა დაყოფილი?

— ამის შესახებ არაფერი მიკითხავს. მე თვითონ დიდი ხანია  
ისედაც ზეპირად ვიცი ყველაფერი.

— მაშასადამე, თქვენ სრულყოფილად ინფორმირებული ხართ  
ჩვენი ჯარების შინაგანი წყობის შესახებ?

— რა თქმა უნდა, პანე ვახმისტრ.

ახლა ვახმისტრმა თავის უკანასკნელ ხერხს მიმართა და გამარჯ-  
ვებულის სახით გადახედა ჟანდარმებს.

— რუსულად თუ ლაპარაკობთ?

— არა.

ვახმისტრმა თავით ანიშნა ეფრეიტორს. შვეიკი მეზობელ ოთახ-  
ში გაიყვანეს. ვახმისტრმა, რომელიც ავზნებულ იყო თავისი გა-  
მარჯვების შეგნებით, ხელების ფშვინებითა და რწმენით წარმოთქ-  
ვა:

— ხომ თქვენი ყურით მოისმინეთ? რუსულად არ ვლაპარაკო-  
ბო! ყმაწვილი, ჩანს, ცეცხლსა და წყალშია გამოვლილი. ყველა-  
ფერში გამოტყდა, მაგრამ ყველაზე მნიშვნელოვანს კი უარყოფს.  
ხვალვე გადავგზავნოთ საოლქოში, პისეკში. კრიმინალისტიკაში და-  
ხელოვნებული ადამიანი ეშმაკიც უნდა იყოს და თან ტკბილი მო-  
საუბრეც. ხომ ნახეთ, როგორ ჩაეხრჩვე შეკითხვების ნიაღვარში?  
ვინ რას იფიქრებდა? გამოიყურება, თითქოს სულელიაო. სწორედ  
ასეთ ტაპებთანაა საჭირო სიფრთხილე. დაამწყვდიეთ ჯერჯერობით,  
მე კი წავალ და ოქმს შევადგენ.

და სიამოვნების ღიმილით ტუჩებზე ჟანდარმთა ვახმისტრი საღ-  
მომდე წერდა ოქმს, რომლის თვითეულ ფრაზაში კიაფობდა სი-  
ტყვა „spionageverdächtig“<sup>1</sup>.

რაც უფრო მეტს წერდა ჟანდარმთა ვახმისტრი ფლანდერკა  
ოქმს, მით უფრო ნათელი ხდებოდა მისთვის სიტუაცია. უცნაურ  
კანცელარულ გერმანულ ენაზე შედგენილი ოქმის წერა რომ დაამ-  
თავრა შემდეგი სიტყვებით: „So melde ich gehorsam, wird den  
feindlichen Offizier heutigen Tages, nach Bezirksgeudarmen-  
ienkommando Pisek, überliefert“<sup>2</sup>, — გაუღიმა თავის ნაწარმოებს  
და ჟანდარმთა ეფრეიტორს გამოუძახა.

<sup>1</sup> ექვემდებარებულია ჯამუშობაში (გერმ.).

<sup>2</sup> მოგახსენებთ მორჩილად, რომ შტრის ოფიცერი დღესვე იქნება გადაგზავ-  
ნილი საოლქო ჟანდარმთა სამმართველოში ქალაქ პისეკში.

— თუ აქამეთ რამე მტრის იმ ოფიცერს?

— თანახმად თქვენი ბრძანებისა, პანე ვახმისტრ, კვებით უზრუნველყოფთ მხოლოდ იმათ, ვინც მოყვანილია და დაკითხულია დღის თორმეტ საათამდე.

— მაგრამ ამ შემთხვევაში ჩვენ საქმე გვაქვს იშვიათ გამონაკლისთან, — მოუქრა ვახმისტრმა. — იგი უთუოდ უფროსი ოფიცერია, შტაბის ოფიცერი. თქვენთვისაც გასაგებია, ალბათ, რომ რუსები ჯაშუშად აქ არ გამოგზავნიან ვილაც ეფრეიტორს. გაგზავნეთ ვინმე სამიკიტროში, „ნა კოცოურკუ“ მისთვის სადილის მოსატანად. თუ სადილად აღარაფერი აღმოჩნდეს, მოახარუვინეთ რამე. მერე მოუმზადეთ ჩაი რომით და ყველაფერი მიუტანეთ. სიტყვა არ დაგცდეთ — ვისთვისაა ყოველივე ეს. საერთოდ არ წამოგცდეთ სადმე, თუ ვინ დავაკავეთ. ეს სამხედრო საიდუმლოებია. რას აკეთებთ იგი ახლა?

— თამბაქო მოითხოვა, სამორიგეოში ზის. სავსებით მშვიდად უჭირავს თავი, თითქოს საკუთარ ოჯახში იყოს. თქვენთან ძალიან თბილაო. ღუპელი ხომ არ ბოლავსო? — შეგვეკითხა. შემდეგ აღნიშნა—თქვენთან ძალიან მომწონსო. ღუმელმა თუ ბოლვა დაიწყოსო, თქვა, მილის მწუმენდელს დაუძახეთ, გააწმენდინეთ საკვამლე მილიო. ოღონდ გააწმენდინეთ საღამოთი, არამც და არამც მზე მილს წმენდის დროს არ უნდა დაჰყურებდეს, ღმერთმა დაგიფართოო.

— ძალიან ეშმაკი ვინმეა, — აღფრთოვანებით წამოიძახა ვახმისტრმა. — თავს ისე გვაჩვენებს, თითქოს ყოველივე ეს სრულებით მას არ ეხება. ამავე დროს ძალიან კარგად იცის, რომ დახვერტენ. ასეთი ადამიანი პატივისცემის ღირსია, თუნდაც მტერი იყოს. წარმოგიდგენიათ, ადამიანს უეჭველი სიკვდილი ელოდება. მე არ ვიცი, რომელი ჩვენგანი დაიქერდა ასე თავს? მის ადგილას ყოველი ჩვენგანი შედრკებოდა, ვაჟკაცობა უმტყუნებდა. იგი კი ზის თავისთვის მშვიდად: „თქვენთან აქ თბილა, ღუმელიც არ ბოლავსო...“

— აი ეს გახლავთ მტკიცე ხასიათი, პანე ეფრეიტორ! ასეთ ადამიანს რკინის ნერვები უნდა გააჩნდეს, დიდი ენთუზიასტი უნდა იყოს, თავგანწირული და შეუდრკელი. ჩვენთან ავსტრიაში ყველანი ასეთი ენთუზიასტები რომ იყვნენ!.. მაგრამ ამაზე ნუ ვილაპარაკებთ. ჩვენშიც არიან ენთუზიასტები. ხომ არ წაგიკითხავთ „ნაროდნი პოლიტიცეში“ არტილერიის პორუჩიკ ბერგერის შესახებ, რომელიც მალალ ნაძვზე ამძვრალიყო და იქ სათვალთვალ პუნქტი მოეწყო ჩვენებმა უკან დაიხიეს და პორუჩიკს, რა თქმა

უნდა, აღარ შეეძლო ძირს ჩამოსვლა, რადგან ტყვედ ჩავარდებოდა, და აი დაიწყო ლოდინი, ჩვენები როდის მოიგერიებდნენ მტერს. ელოდა მთელი ორი კვირა, და შიმშილისგან რომ არ მომკვდარიყო, ნაძვის ხის მთელი კენწერო შემოღრღნა: იკვებებოდა ნორჩი შტოებითა და ხავსით. როცა ჩვენები მოვიდნენ, იგი ისეთი დასუსტებული იყო, რომ ხეზე თავი ვეღარ დაიმაგრა, ჩამოვარდა და ზქვე სული განუტევა. სიკვდილის შემდეგ დაჯილდოებულ იქნა ოქროს მედლით „მამაცობისთვის“. და ვახშისტრმა სერიოზული კილოთი დასძინა: — აი, ეს მესმის! აი ეს გახლავთ, პანე ეფრეიტორ, თავგანწირვა, გამირობა! ჩვენ ძალიან გავაბით მუსაიფი, აბა გაიქცეთ ერთი, მისთვის სადილი შეუკვეთეთ, თვითონ იგი კი მანამდე ჩემთან გამოგზავნეთ.

ეფრეიტორმა შეპოიყვანა შეეიკი, ვახშისტრმა მეგობრულად სკამზე ანიშნა და შეუდგა დაკითხვას. პირველი მისი შეკითხვა იყო, გყავთ თუ არა მშობლებიო.

— არა მყავს.

„მით უკეთესი, — გაიფიქრა ვახშისტრმა, — აღარავის მოუხდება შენი გაპოტირება“. მერე შეხედა შეეიკის კეთილ სახეს და უეცრად გული აუჩუყდა, ხელი მოუთათუნა ბეჭებზე, გადაიხარა მისკენ და მამობრივი კილოთი ჰკითხა:

— როგორ მოგწონთ ჩვენთან ჩეხეთში?

— მე ჩეხეთის ყოველი კუთხე მომწონს, — უპასუხა შეეიკმა, — ყველგან მხედებოდა კარგი ადამიანები.

ვახშისტრი თავს უკანტურებდა ნიშნად თანხმობისა.

— შესანიშნავი ხალხია ჩვენთან, სიმპათიური. ჩხუბი ან ქურდობა რა მხედველობაში მისაღებია. მე აქ უკვე თხუთმეტი წელიწადი ვარ და ჩემი ანგარიშით წელიწადში მხოლოდ სამი მეოთხედში მკვლელობა უწევს.

— ეს როგორ, ბოლომდე არა ჰკლავენ? სულ არ მოათავებენ?

— თქვენ ვერ გაიგეთ. მაგას კი არ ვაპბობ. თხუთმეტი წლის მანძილზე ჩვენ დავითვალეთ სულ თერთმეტი მკვლელობა: ხუთი გაძარცვის მიზნით, დანარჩენი ექვსი ისე უბრალოდ... სალაპარაკოდაც არა ღირს.

ვახშისტრი გაჩუმდა, მერე ისევ დაუბრუნდა დაკითხვის თავის სისტემას:

— ბუდეიოვიცეში რისი გაცეთება გქონდათ განზრახული?

— განზრახული მქონდა შევდგომოდი ჩემს მოვალეობათა აღსრულებას ოთხმოცდამეთერთმეტე პოლკში.

ვახშისტრმა უკან გაგზავნა შეეიკი სამორიგეოში, თვითონ კი

გულზე რომ არ გადავარდნოდა, მიაწერა პისეკის საოლქო ქანდარმთა სამმართველოში გადასაგზავნ თავის პატაქს: „ფლობს ჩეხურ ენას ზედმიწევნით. განზრახული ჰქონდა ბუდეიოვიცეში შეპარულიყო ოთხმოცდაშეთერთმეტე ქვეითა პოლკში“.

მერე სიხარულით ხელები მოიფშვინტა. ვახმისტრი კმაყოფილი იყო ამ მდიდარი მასალით და საერთოდ იმ შედეგებით, რომლებიც ძიების წარმოების მისმა მეთოდმა გამოიღო. მოაგონდა თავისი წინამოდგილე, ვახმისტრი ბიურგერი, რომელიც არც კი ელაპარაკებოდა დაკავებულ პირებს, არაფერს ეკითხებოდა, მოუსვამდა ხელს და დაუყოვნებლივ საოლქო სასამართლოში აგზავნიდა მოკლე პატაქით: „თანახმად ქანდარმთა უნტერ-ოფიცრის ცნობისა ესა და ეს დაპატიმრებულია მაწანწალობისა და მათხოვრობისთვის“. და ამას უწოდებდა დაკითხვას!

ვახმისტრს თვითკმაყოფილებით გაეღიმა, როცა თავისი პატაქის ფურცლებს გადაავლო თვალი, ამოიღო საწერ მაგიდიდან პრალის მთავარ ქანდარმთა სამმართველოს საიდუმლო ცირკულარი ჩვეულებრივი წარწერით „სრულიად საიდუმლოდ“ და კიდევ ერთხელ გადაიკითხა:

„ქანდარმთა ყველა განყოფილებას კანონის მთელი სიმკაცრით ევალეებათ განსაკუთრებული სიფხიზლით აღეენონ თვალყური მათ რაიონში გამეღელ პირთ. აღმოსავლეთ პალიციაში ჩვენი ჯარების გადაჯგუფებამ შესაძლებლობა მისცა რუსების ზოგიერთ სამხედრო ნაწილებს გადმოელახათ კარპატები და ავსტრიის მიწა-წყალზე პოზიციები დაეკავებინათ, რის გამოც შეიცვალა ფრონტის ხაზი, რომელიც სახელმწიფო საზღვრებიდან ღრმად გადმოიწია დასავლეთით. ამ ახალმა სიტუაციამ საშუალება მისცა რუს მზვერავებს შემოჭრილიყვნენ ჩვენი ქვეყნის ღრმა ზურგში, განსაკუთრებით სილეზიასა და მორავიაში, საიდანაც, თანახმად საიდუმლო მონაცემებისა, რუსმა მზვერავებმა დიდი რაოდენობით შეაღწიეს ჩეხეთში. დადგენილია, რომ მათ შორის ბლომადაა რუსი ჩეხები, რუსეთის აკადემიის გენერალური შტაბის აღზრდილები, რომლებიც, სრულყოფილად ფლობენ რა ჩეხურ ენას, ყველაზე საშიშ მზვერავებს წარმოადგენენ, რადგან შეუძლიათ და უთუოდ გასწევენ კიდევ მოლაღატურ პროპაგანდას ჩეხ მოსახლეობაშიც. ამის გამო, ქანდარმთა მთავარი სამმართველო ბრძანებს დააკავოთ ყველა საექვო პირი და გააცხოველოთ სიფხიზლე მეტადრე იმ ადგილებში. რომელთა მახლობლად იმყოფება გარნიზონები, სამხედრო პუნქტები და რკინიგზის სადგურები, სადაც სამხედრო მატარებლები გაივლიან.



დაკავებულნი დაუყოვნებლივ უნდა გაჩხრიკოთ და გადააგზავნოთ ინსტანციის მიხედვით“.

ქანდარმა ვახმისტრმა ფლანდერკამ ისევ თვითკმაყოფილებით გაიღიმა და საიღუმლო ცირკულარი წარწერით „საიღუმლო განკარგულებანი“ საქალალდეში ჩადო.

განკარგულებანი ბლომად იყო. მათ თხზავდა შინაგან საქმეთა სამინისტრო თავდაცვის სამინისტროსთან ერთად, რომელსაც ემორჩილებოდა ქანდარმერა. პრალის მთავარ ქანდარმა სამმართველოში მათ გამარაგებასა და გავრცელებას ვერ აუღიოდნენ.

საქალალდეში იყო:

ბრძანება ადგილობრივ მცხოვრებთა სულიერი განწყობილების მეთვალყურეობაზე.

დარიგება იმის შესახებ, თუ როგორ უნდა დაადგინონ ადგილობრივ მცხოვრებლებთან საუბარში, რა გავლენას ახდენს აზროვნებაზე ფრონტიდან მოსული ამბები.

ანკეტა: როგორ უყურებს ადგილობრივი მოსახლეობა სამხედრო სესხებსა და შეწირულებათა შეგროვებას.

ანკეტა გაწვეულთა და გასაწვევთა სულისკვეთების შესახებ.

ანკეტა ადგილობრივი თვითმართელობის წევრებისა და ინტელიგენციის სულისკვეთების შესახებ.

განკარგულება: დაუყოვნებლივ დადგენილ იქნას, რა პოლიტიკურ პარტიებს ემხრობა ადგილობრივი მოსახლეობა; რაპდენად ძლიერნი არიან ცალკეული პოლიტიკური პარტიები.

ბრძანება ადგილობრივი პოლიტიკური პარტიების ლიდერების მოღვაწეობის მეთვალყურეობაზე და ზოგიერთი პოლიტიკური პარტიების, რომელთაც ადგილობრივი მოსახლეობა ემხრობა, ლოიალობის განსაზღვრა.

ანკეტა: რა გაზეთებს, ყურნალებსა და ბროშურებს ღებულობენ ამა და ამ ქანდარმა განყოფილების ზედამხედველობის რაიონში.

ინსტრუქცია: რანაირად უნდა დადგინდეს, ვისთან აქვს კავშირი არალოიალობაში შემჩნეულ პირებს და რაში გამოიხატება მათი არალოიალობა.

ინსტრუქცია: რანაირად უნდა ჩავითრიოთ მუშაობაში ადგილობრივ მოსახლეობიდან დაჭირავებული დამბეზლებლები და ცნობების მოპწოდებლნი.

ინსტრუქცია ადგილობრივ მოსახლეობიდან აყვანილ და ქანდარმა განყოფილების სამსახურში ჩარიცხულ ფასიან მამეზლარებისთვის.

ყოველდღე მოდიოდა სულ ახალი და ახალი ინსტრუქციები, დარიგებანი, ანკეტები და განკარგულებანი.

ავსტრიის შინაგან საქმეთა სამინისტროდან გადმოგზავნილ მთელ ამ ზღვა ქაღალდებში ჩაფლულ ვახშმისტრ ფლანდერკას, დიდძალი „კულები“ ჰქონდა, და ანკეტებზე სტერეოტიპულ პასუხებს აგზავნიდა: ჩემთან ყველაფერი წესრიგშია და ადგილობრივი მოსახლეობის ლოიალობა II-a ხარისხს უდრის.

მონარქიის მიმართ მოსახლეობის ლოიალობის შესაფასებლად ავსტრიის შინაგან საქმეთა სამინისტროს შედგენილი ჰქონდა კატეგორიების შემდეგი საფეხურები:

I = a  
II = a  
III = a  
IV = a

I = b  
II = b  
III = b  
IV = b

I = c  
II = c  
III = c  
IV = c

რომაული ოთხიანი შეერთებული „a“-სთან აღნიშნავდა სახელ-მწიფო მოღალატეს და სახრჩობელას, „b“-სთან შეერთებული — საკონცენტრაციო ბანაკს, „c“-სთან შეერთებული — საკიროა კვალს მიაგნოთ და ჩასვათო.

უანდარძთა ვახშმისტრის საწერ მაგიდაში ეწყო ყოველგვარი ნაბეჭდი განკარგულებანი და რეესტრები. ხელისუფლებას სურდა ცოდნოდა, რას ფიქრობდა თვითეული მოქალაქე თავისი მთავრობის შესახებ.

ვახშმისტრი ფლანდერკა არაერთხელ ჩავარდნილა სასოწარკვეთილებაში მთელი ამ „ლიტერატურის“ გამო, რომელიც ყოველდღე მოჰქონდა და მოჰქონდა ფოსტას. როგორც კი დაინახავდა ნაცნობ პაეტს შტემპელით „თავისუფალია გადასახადისგან“, „სამსახურებრივი“, მას გულისცემა აუტყდებოდა. ღამით, დიდი ხნის ფიქრის შემდეგ, იმ დასკვნამდე მიდიოდა, რომ იგი ომის დამთავრებას ვერ მოესწრებოდა, რომ სამხარეო უანდარძთა სამმართველო მის ჰკუთვონებდას სულ ერთიანად გამოფიტავს, და არ დასცალდება ავსტრიის იარაღის გამარჯვებით გამოწვეული სიხარულის გაზიარება, რადგან იმ დროისთვის ისეთი ადამიანის მდგომარეობაში ჩავარდება, რომელზეც იტყვიან ხოლმე: ამ კაცს ნამდვილად ცხრიანი აკლიაო.

საოლქო უანდარძთა სამმართველო კი ყოველდღიურად ყუშბარებივით უშენდა შეკითხვებს: აქამდე რად არაა პასუხი ანკეტაზე

$$\text{№ } \frac{72\ 345}{721} \frac{345}{a=f} d, \text{ როგორც სრულდება ინსტრუქცია № } \frac{88992}{822} \frac{g}{fch} z,$$

ყველაზე მეტად საგონებელში ჩააგდო იგი ინსტრუქციამ იმის შესახებ, თუ რანაირად უნდა ჩავითრიოთ მუშაობაში ადგილობრივი მოსახლეობიდან ფასიანი დამბეზლებლები და ცნობების მიმწოდებელი. ფლანდერკა იმ დასკვნამდე მივიდა, რომ ყოველად შეუძლებელია მუშაობაში ჩათრევა იმ ადგილებიდან, სადაც ბლატა იწყება, რადგან იქ ხალხი შუბლმაგარია, ამიტომ მან, ბოლოს, გადაწყვიტა აეყვანა სამსახურში სათემო ჯოჯის მწყემსი, ზედმეტ საბეზლად პეპიკ-ვისკოჩ! <sup>1</sup> ეს იყო კრეტინი, რომელიც ყოველთვის შეხტებოდა ხოლმე ადგილზე, როცა თავის შერქმეულ სახელს გაიგონებდა, ბუნებისა და ადამიანის მიერ დაჩაგრული არსება, გაუბედურებული, კუტი და ბეჩავი, რომელიც ორიოდ გროშისა და ერთი ჯამი შეკამანდის გულსთვის სოფლის ჯოჯს დილიდან საღამომდე მწყემსავდა.

ვახმისტრმა მოაყვანიდა იგი ეანდარმს და ასე უთხრა:

— იცი, პეპიკ, ვინ არის „სტარეი პროხაზკა?..“ \*

— მეეე...

— ნუ ღმუი. გახსოვდეს: ასე უწოდებენ ხელმწიფე-იმპერატორს. იცი, ვინ არის ხელმწიფე-იმპერატორი?

— ხენწიფე-ინპელატორია.

— ყოჩაღ, პეპიკ! მაშ გახსოვდეს: როცა რომელიმე გლეხთან სასადილოდ მიხვალ და იქ გაიგონებ, რომ ხელმწიფე-იმპერატორზე ლაპარაკობენ პირუტყვით, ან რაიმე ამის მსგავსს, უმაღლ მოიბრუნე ჩემთან და მეტყვი. ამისთვის ჩემგან ოც პალერს მიიღებ. და თუ ვინმესგან გაიგონებ, ჩვენ ომს წავაგებთო, ისევე მოხვალ ჩემთან, გასაგებია? მეტყვი, ვინ თქვა ეს, და კიდევ ოც პალერს მიიღებ. მაგრამ თუ გავიგვ, რომ შენ რალაცეები დამიზალე, — ცუდი დღე დაგადგება. ჩაგავლებ ხელს და პისეკში გაგაგზავნი. ახლა კი, აბა ერთი შეხტი! — პეპიკი შეხტა, ვახმისტრმა მას ორმოცი პალერი მისცა და, თავისი თავით დიდად კმაყოფილმა, პატაკი გააშანშალა საოლქო ეანდარმთა სამმართველოს სახელზე, მუშაობაში ცნობების მომწოდებელი ჩავაბიო.

მეორე დღეს ვახმისტრთან ხუცესი მოვიდა და საიდუმლოდ აცნობა, დილით სოფლის გასადევარზე ჩვენი მწყემსი პეპიკ-ვისკოჩი შემხვდა და ასე მითხრა: „მამაო, გუშინ პან ვახმისტრმა თქვა,

<sup>1</sup> პეპიკ—შეხტი (ჩეხ.).



რომ ხენწიფე-ინპელატორი პირუტყვია და ომს ჩვენ წავაგებთო. მეე... ჰოპი“

ვახმისტრმა კარგა ხანს ითათბირა. ხუცესთან და გადაწყვიტა სოფლის მწყემსის დაპატიმრება. შემდგომ ჰრადჩანის სასამართლომ მწყემსს სახელმწიფო დალატისთვის ოცი წლით თავისუფლების აღკვეთა მიუსაჯა. მას ბრალი ედებოდა საშიშ და გამკემლურ ბოროტებაში, წაქეზებაში, მისი უდიდებულესობის შეურაცხყოფაში და მთელ რიგ სხვა დანაშაულში.

პეპიკ-ვისკოჩის სასამართლოში ისე ეკირა თავი, თითქოს მინდვრად საძოვარზე გარეკილ თავის ჯოგთან ერთად ყოფილიყოს, ან მეზობლებს შორის: ყველა შეკითხვაზე თხასავით კვინებდა, განაჩენის გამოტანის შემდეგ წამოიძახა: „მეეე... ჰოპი“ და შეხტა ადგილზე. ამისთვის დასჯილ იქნა დისციპლინარული წესით: ხმელი ლოგინი, განმარტოებული საკანი და კვირაში სამი დღე ცარიელ პურსა და წყალზე.

ამის შემდეგ ვახმისტრს აღარ ჰყოლია ცნობების მიმწოდებელი და იგი იძულებული გახდა დაკმაყოფილებულიყო იმით, რომ გამოიგონა ცნობების მიმწოდებელი, ინსტანციის მიხედვით აცნობა შეთხზული სახელი და ამრიგად გაზარდა თავისი ყოველთვიური შემოსავალი ორმოცდაათი კრონით, რომელსაც სამიკიტნო „ნა კოცოურ-

კუში“ ლოთობაში ფლანგავდა. მეათე ტოლჩის შემდეგ მას სინდისის ქენჯნა შემოაწვებოდა, ლუდი მწარე ეჩვენებოდა, თან მეზობლებისგან ყოველთვის ერთი და იგივე ფრაზა ესმოდა: „დღეს ჩვენი ვახშისტრი რაღაც გუნებაზე ვერ არის, თითქოს კალაპოტიდანაა ამოვარდნილი“. მაშინ ღვებოდა და შინ მიდიოდა, მისი წასვლის შემდეგ კი ვინმე ყოველთვის იტყოდა ხოლმე: „ჩანს, ჩვენები სერბიაში ისევ მაგრად მიბეგვეს — ვახშისტრს დღეს დანა პირს არ უხსნიდა, ისეთი დადარდიანებული იყო“.

ვახშისტრი კი ამ დროს შინ იყო და ავსებდა ერთ-ერთ ანკეტას იმ მრავალთა შორის, რომლებიც საქალაქში ჰქონდა თავმოყრილი:

„სულისკვეთება მოსახლეობაში — I-ა...“

ხშირად რევიზიისა და შემოწმების მოლოდინში ვახშისტრი მთელ ღამეებს თეთრად ათენებდა. მას სახრჩობელა ელანდებოდა: აი, აიყვანეს იგი სახრჩობელაზე, და უკანასკნელ წამებში თვით თავდაცვის მინისტრი, რომელიც სახრჩობელასთან დგას, უყვირის მას ქვემოდან: Wachmeister, wo ist die Antwort des Zirkulärs!

№  $\frac{1789678}{23792}$  x, y, z, ?

მაგრამ ყველაფერმა ამან ჩაიარა, ახლა სულ სხვაა ახლა ფლანდერკას ეჩვენებოდა, თითქოს ჟანდარმთა განყოფილების ყოველი კუთხიდან მას ეგებებიან ძველებური მონადირული მოლოცვით: „გიმრავლდეს უხვი ნანადირევით!“ და ჟანდარმთა ვახშისტრი ფლანდერკას ეპვი აღარ ეპარება, რომ საოლქო ჟანდარმთა სამმართველოს უფროსი ხელს მოუტყაპუნებს ბეჭებზე და ეტყვის: Ich gratuliere Ihnen, Herr Wachmeister!“.

ჟანდარმთა ვახშისტრი ოცნებობდა და მის თვალწინ იხატებოდა ერთიმეორეზე სულ უფრო და უფრო წარმტაცი სურათები. ფლანდერკას ჩინოვნიკური ტვინის ნაოქებში თავს წამოყოფდა და ერთიმეორეს მისდევდნენ წარჩინებანი, დაწინაურებანი და, ბოლოს, კრიმინალისტიკაში განსაკუთრებული ნიჭის გამოჩენისათვის დიდი ხნის ნანატრი დაფასება, რაც ფართო გზას უხსნიდა მის კარიერას.

ვახშისტრმა გამოუძახა ეფრეიტორს და ჰკითხა:

— სადილი უშოვნეთ?

— მოუეტანეთ ღორის შაშხი კომბოსტოთი და კნედლიკით. სუპი აღარ იყო. ერთი ჭიქა ჩაი უკვე დალია და კიდევ მინდაო.

1 ვახშისტრი სად არის პასუხი ცირკულარზე... (გერმ.).

2 შამილოცნია, ბატონო ვახშისტრო (გერმ.).

— მიეცით! — დიდსულოვნად დართო ნება ვახშისტრმა. —  
ოოცა ჩაის დალევს, ჩემთან მოიყვანეთ.

ნახევარი საათის შემდეგ ეფრეიტორმა მოიყვანა შვეიცი, დანაყ-  
რებული და, როგორც ყოველთვის, კმაყოფილი.

— რას იტყვი? მოგეწონათ სადილი? — შეეკითხა ვახშისტრი.

— სადილი არ იყო დასაწუნი, პანე ვახშისტრი, ოლონდ, აი, ურიგო  
არ იქნებოდა, რომ კომბოსტო მეტი ყოფილიყო. მაგრამ რა გაეწუო-  
ბა, ვაცი, მე არ მელოდით. ღორის ხორცი კარგი იყო, ჩანს, შინა-  
ური შაშხია, შინაური ღორისა. ჩაისაც არა უშავდა რა, რომით.

ვახშისტრმა შეხედა შვეიკს და დაიწყო:

— თუ მართალია, რომ რუსეთში ბევრ ჩაის სვამენ? რომი იქაც  
არის?

— რომი მთელ ქვეყნიერებაზე ყველგან არის, პანე ვახშისტრი.

„აი, დაიწყო თავის დაძვრენა, — გაიფიქრა ვახშისტრმა. — აღ-  
რე უნდა გეფიქრა, ვაჟბატონო, რას ლაპარაკობდი. ახლა რაღას  
უშველი!“ მერე ინტრიმურად გადაიხარა შვეიკისკენ და ჰკითხა:

— კარგი გოგოები თუ არიან რუსეთში?

— კარგი გოგოები მთელ ქვეყნიერებაზე ყველგან არიან, პანე  
ვახშისტრი.

„ამას არ უყურებთ, — ისევ გაიფიქრა ვახშისტრმა, — კი აღარ  
ხუმრობს, მართლაც ცდილობს თავის დაძვრენას!“ — და დაიქუხა  
ერთბაშად, თითქოს ორმოცდარო სანტიმეტრიან ქვემეხიდან გაის-  
როლესო:

— რა განზრახვით მიდიოდით ოთხმოცდამეთერთმეტე პოლკში?

— პოლკთან ერთად ფრონტზე უნდა წავსულიყავი.

ვახშისტრმა კმაყოფილებით შეხედა შვეიკს და გაიფიქრა: „სწო-  
რია. ყველაზე უტყუარი საშუალებაა რუსეთში მოსახვედრად“.

— მოფიქრებულია შესანიშნავად! — აღტაცებით წარმ.იბეჭა  
მან. თან აკვირდებოდა, რა შთაბეჭდილებას მოახდენდა მისი სიტყ-  
ვები შვეიკზე, მაგრამ შვეიკის თვალებში, გარდა სრული სიმშვიდი-  
სა, ვერაფერი ამოიკითხა.

„წარბიც არ შეუჩხვია, — გაოცდა ვახშისტრი. — აი რა გამ-  
ძლეობის პატრონები არიან! მის ადგილზე რომ ვყოფილიყავი, ამ  
სიტყვების შემდეგ მთელი სხეული ამიკანკალდებოდა“.

— დილით პისეკში წაგიყვანთ, — თითქოს უცაბედად წამოც-  
დაო ვახშისტრს. — ყოფილხართ როდისმე პისეკში?

— ათას ცხრაას ათ წელს საიმპერატორო დათვალიერების მანევ-  
რებზე.

ვახშისტრის სახეზე სიამოვნებისა და სრული კმაყოფილების

ღიმილი ათამაშდა. იგი გრძნობდა, რომ თავისი დაკითხვის სისტემით მან კულმინაციას მიაღწია.

— თქვენ იქ მანევრების დამთავრებამდე დარჩით?

— თავისთავად ცხადია, პანე ვახმისტრ. მე ქვეითა პოლკში ვიყავი.

შვეიცი თვალმოუშორებლად უყურებდა ვახმისტრს, რომელიც სიხარულისგან სკამზე ველარ ისვენებდა და მოთმინება აღარ ყოფნიდა, რომ ახლავე ყველაფერი არ შეეტანა პატაკში. გამოუძახა ეფრეიტორს, უბრძანა, შვეიცი წაიყვანეო, თვითონ კი დაურთო პატაკს.

„მას ასეთი გეგმა ჰქონდა: შეაღწევდა თუ არა ოთხმოცდამე-თერთმეტე ქვეითა პოლკში, უნდა ეთხოვნა, დაუყოვნებლივ ფრონტზე გამგზავნეთო; იქ იგი პირველ შემთხვევისთანავე რუსეთში გადავიდოდა, რადგან ძალიან კარგად ხედავდა, რომ სხვა გზით უკან, რუსეთში დაბრუნებას ვერ გაახერხებდა ჩვენი ორგანოების სიფხიზლის გამო. ადვილი საფიქრებელია, რომ იგი წარმატებით გაატარებდა ცხოვრებაში თავის ზრახვებს, ვინაიდან, თანახმად მისი ჩვენებებისა, რომლებიც ჩვენ მივიღეთ ხანგრძლივი ჯვარედინი დაკითხვის შედეგად, იგი ჯერ კიდევ 1910 წელს რიგით ჯარისკაცად მონაწილეობდა პისეკის მიდამოებში ჩატარებულ საიმპერატორო დათვალიერების მანევრებში, ჰაიდანაც აშკარად ჩანს, რომ მას ამ დარგში დიდი გამოცდილება მოეპოვება. თავს ნებას ვაძლევ ხაზი გაუსვა იმ გარემოებას, რომ ჩემს მიერ შეგროვილი საბრალმძებლო მასალა ჩემი ჯვარედინი დაკითხვის სისტემის შედეგს წარმოადგენს.“

კარებში ეფრეიტორი გამოჩნდა.

— პანე ვახმისტრ! იგი საპირფარეოში წაყვანას მოითხოვს.

— Bajonett auf! <sup>1</sup> — გასცა ბრძანება ვახმისტრმა. — ანდა არა, მომგვარეთ აქ!

— თქვენ საპირფარეოში გნებავთ? — თავაზიანად შეეკითხა ვახმისტრი შვეიკს. — ამაში უფრო დიდი რამ ხომ არ იმალება.

— ზრული სიმართლეა. მჭირდება უფრო „დიდი მოსაქმება“, პანე ვახმისტრ, — უპასუხა შვეიკმა.

— იცოდეთ, სხვა არაფერი მოხდეს, — მრავალმნიშვნელოვნად უთხრა ვახმისტრმა, თან რევოლვერიან ბუდღეს იკრავდა ქამარზე. — მე თვითონ წამოვალ თქვენთან ერთად.

გზაში მან შვეიკს უთხრა:

<sup>1</sup>. ჩამოაკეთო ხიშტები თოფებს. (გერმ.)

მე კარგი რევოლუციური მაქვს, ექვსი ტყვია ჩადის, აბსოლუტურად ზუსტად ურტყამს მიზანში.

მაგრამ ვიდრე ეზოში გავილოდნენ, ვახმისტრმა ეფრეიტორი ახმო და ჩუმად უთხრა:

— თოფზე ჩამოაკვით ხიშტი და როცა იგი შიგ შევა, საპირფარეოსო უკან დადექით. სანაგვე ორმოში ხერელი არ გააკეთოს და არ გაძვრეს.

საპირფარეოში წარმოადგენდა ჩვეულებრივ პატარა ფიქრულ ბუღრუგანას, რომელიც საცოდავად გამოიყურებოდა შუა ეზოში ნაკელის გროვის მახლობლად. ეს იყო ძველი ვეტერანი, მასში იქმყოფილებდნენ ბუნებრივ მოთხოვნილებებს მთელი თაობები. ახლა აქ ჩატუცქულიყო შვეიცი და ერთი ხელით კარის თოქს ჩასქიდებოდა, ამ დროს კი უკანა სარკველიდან ეფრეიტორი მის უკანაღს მისჩერებოდა და თვალუურს ადევნებდა, ხერელი არ გათხაროსო.

უანდარმთა ვახმისტრი ქორივით უთვალთვალებდა კარებს; იგი დაძაბულად ფიქრობდა, რომელ ფეხში ვესროლო, ვინიციობაა შვეიკმა გაქცევა დააპიროსო.

მაგრამ კარები წყნარად გაიღო და საპირფარეოდან დაკმაყოფილებული შვეიცი გამოვიდა. იგი ვახმისტრს შეეკითხა:

— დიდხანს დაგყავი იქ? ბევრი ხომ არ გალოდინეთ?

— ო, არა, არა, როგორ გეკადრებათ, — უპასუხა ვახმისტრმა, და გაიფიქრა: „მიანც როგორი ზრდილობიანი და ალერსიანია ეს ხალხი. ხომ კარგად იცის, რაც ელოდება, მაგრამ თავაზიანობას არ ივიწყებს. სიმართლე უნდა თქვას კაცმა — უკანასკნელ წუთამდე ზრდილობას არ დალატობს. განა რომელიმე ჩვენგანს მის ადგილზე შეეძლო თავის ასე დაჭერა?“

ვახმისტრი საყარაულოში დარჩა და შვეიკის გვერდით უანდარმ რამპის ცარიელ საწოლზე ჩამოჯდა, — უანდარმი მორიგე იყო და დილამდე უნდა ევლო ახლო მდებარე სოფლებში. ამჟამად იგი პროტივენეში იყო, სამიკიტნო „უ ჩერნეჰო კონეში“ და მეჩექმეებთან „მარიაშს“ თამაშობდა, თან დროდადრო ამტკიცებდა, ავსტრიაში უნდა გაიმარჯვოსო.

ვახმისტრმა ჩიბუხს მოუკიდა, შვეიკსაც მისცა თამბაქო ჩიბუხის გასატენად, ეფრეიტორმა შუა შეუთო ღუმელში, და უანდარმთა განყოფილება ყველაზე მყუდრო ადგილად გადაიქცა მთელი დედამიწის ზურგზე. ჩამოწვა ზამთრის საღამოს ბინდ-ბუნდი. დაღანდა. დაღა გულითადი მეგობრული საუბრით შექცევის უამი.





ყველა ღუმედა. ვახმისტრი რალაცაზე დიდხანს ფიქრობდა და ბოლოს თავის თანაშემწეს მიმართა:

— ჩემის აზრით, არაა სწორი, ჯაშუშებს ჩამოხრჩობას რომ უსჯიან. ადამიანი, რომელიც თავს სწირავს მოვალეობას, თავის ასე ვთქვათ, სამშობლოს, უფრო საპატიო სიკვდილის ღირსია, იგი ტყვიით უნდა მოკვდეს. თქვენ როგორ ფიქრობთ, პანე ეფრეიტორ?

— რა თქმა უნდა, უკეთესია ასეთი ადამიანი დახვრიტონ, ვიდრე ჩამოახრჩონ, — კვერი დაუკრა ეფრეიტორმა. — ვთქვათ, გამაგზავნეს და მითხრეს: „გვეალებათ გამოარკვიოთ, რუსებს რამდენი ტყვიამფრქვევი აქვთ მეტყვიამფრქვევეთა დანაყოფშიო“. რას იზამთ, ბრძანება — ბრძანებაა, უნდა გადავიცვა და წავიდე. და ამის გულისთვის, აიღონ და, ავაზაკივით ჩამომახრჩონ?

ეფრეიტორი ისე გაგულისდა, რომ წამოდგა და განაცხადა:

— მოვითხოვ დამხვრიტონ და სამხედრო პატივით დამკრძალონი

— ხათაც ეს არის! — თქვა შვეიკმა. — თუ ყმაწვილი სულელი არაა, აბა სცადონ ერთი და, ამხილონ იგი. ვერასოდეს ვერ ამხელენ.

— არა, ამხელენი — გაცხარდა ვახმისტრი. — ისინიც არ არიან

სულელები და მათაც აქვთ თავისი განსაკუთრებული სისტემა. ამაში თქვენ თვითონ დარწმუნდებით.

— დარწმუნდებით, დიახ, — გაიმეორა მან უფრო მშვიდად და თან ალერსიანად გაიღიმა. — ჩვენთან არავეითარი ხრიკი არ გაგივათ რამდენიც არ უნდა იწრიალოთ. სწორს არ ვამბობ, პანე ეფრეიტორ?

ეფრეიტორმა თავი დაუქნია თანხმობის ნიშნად და თქვა, არიან ისეთებიც, რომელთაც საქმე დიდი ხანია წაგებულნი აქვთ, მაგრამ თავს ისე მოგაჩვენებენ, თითქოს ძალიან მშვიდად არიან. მერე რა ვუყოთ, დაე ასე მოიქცნენ, სანამ არ მოსწყინდებათ, სულ ერთია ეს მათ არ უშველით: რაც უფრო მშვიდად გამოიყურება ადამიანი, მით უფრო გასცემს თავის თავს.

— თქვენ ჩემი სკოლისა ხართ, ეფრეიტორ! — ამაყად განაცხადა ვახშისტრმა. — მშვიდად თავის დაქერა — საპნის ბუშტივითაა, ნაძალადევი სიმშვიდე კიდევ — ეს გახლავთ corpus delicti<sup>1</sup>.

მერე შეწყვიტა თავისი თეორიის ირგვლივ სჯა-ბაასი და ეფრეიტორს მიუბრუნდა:

— რა მოვიფიქროთ ვახშმისათვის?

— სამიკიტნოში დღეს აღარ წახვალთ, პანე ვახშისტრ?

უმალ ვახშისტრის წინაშე მთელი სიგრძე-სიგანით წამოიჭრა რთული პრობლემა, რომელიც გადაუდებლად მოითხოვდა ამოხსნას.

ერთიც ვნახოთ, ტუსალმა ისარგებლოს ღამით ჩემი არ ყოფნით და გაიქცესო. ეფრეიტორი, მართალია, საიმედო და ფრთხილი ადამიანია, მაგრამ მას ერთხელ ორი მაწანწალა გაექცა (ფაქტიურად საქმე შემდეგნაირად წარიმართა: ეფრეიტორს არაფრად ექაშნიკებოდა მათთან ერთად ყინვაში პისეკამდე წანწალი, ამიტომ აიღო და გაუშვა ისინი მინდორში რაეციას მახლობლად, პროფორმისთვის კი ერთხელ გაისროლა თავისი შაშხანიდან).

— ვახშმის მოსატანად ჩვენი ბებო გავგზავნოთ, ლუდს კი კათხით მოგვიტანს ხოლმე, — ასე გადაწყვიტა ბოლოს ვახშისტრმა ეს რთული პრობლემა. — არა უშავს, ჩვენმა ბებომ ცოტა გაირბინგამოირბინოს — წელში გაიშლება.

და ბებია პეიზლერკას, რომელიც მათ ემსახურებოდა, კარგა გვარიანად მოუხდა აქეთ-იქით სირბილი იმ საღამოთი. ნავანშმევსაც არ შეწყვეტილა მიმოსვლა ხაზზე — ჟანდარმთა განყოფილება-სამიკიტნო „ნა კოცოურკუ“. დედაბრის მძიმე ჩექმებით თოვლზე დატოვებული უთვალავი ნაკვალევი მოწმობდნენ იმას, რომ ვახშისტრს

<sup>1</sup>. კორპუს დელიქტი — დანაშაულის შედგენილობა (ლათ.)



გადაეწყვიტა უკლებლივ აენახლაურებინა სამიკიტნო „ნა კოცოურ-კუში“ იმ სადამოთი მიუსვლელობა.

და ბოლოს, როცა ბებია პეიზლურკა კიდეც ერთხელ გამოცხადდა სამიკიტნოში და თქვა, პან ვახმისტრმა მოგიკითხათ და გთხოვათ ერთი ბოთლი კონტუშოვკაც \* გამომიგზავნეთო, ცნობისმოყვარე მიკიტანს მოთმინება აღარ ეყო.

— მეკითხებით ვინ არის მათთან? — უპასუხა ბებიამ. — აბა რა ვიცი, ვილაც საექვო პიროვნება უნდა იყოს. მე ახლა იქიდან მოვდივარ — ხელიხელგადახვეულნი სხედან, ბატონი ვახმისტრი თავზე ხელს უსობს და ეუბნება: „ჩემო თვალისჩინო, ჩემო საბრალო სლავო, ჩემო ჯაშუშო, საუნჯევე ჩემო!“

როცა შუალაჰე უკვე კარგა ხნის გადასული იყო, ჟანდარმთა განყოფილება ასეთ სურათს წარმოადგენდა: ეფრეიტორი სრულ სამხედრო ფორმაში, როგორც იყო, გაუხდელად, საწოლის გარდიგარდმო გაშხლართულიყო და მაგრად ზვრინავდა; მის პირდაპირ იჯდა ვახმისტრი, წინ ედგა ბოთლი, რომლის ფსკერზე ცოტალა დარჩენილიყო კონტუშოვკა, და შვეიკის კისერზე ჰქონდა ხელი შემოხვეული, ცრემლები ღვარად მოთქრიალებდა მას მზემოკიდებულ სახეზე, უღვაშები კონტუშოვკისგან დაწებინებოდა და ასე ბუტბუტებდა:

— აბა, გამოტყდი და თქვი, რომ რუსეთში ასეთ კარგ კონტუ-

შოვეკას ვერსად იშოვნის. თქვი რაღა, მოსვენებულად რომ დავიძინო.  
გამოტყდი, გამოიჩინე ვაჟაკობა!

— ვერსად იშოვნის, — გაიჟეორა შვეიკმა.

ვახმისტრი მიეყრდნო შვეიკს:

— აი ახლა კი დაეშვებილდი, ხომ გამოტყდი! ასე უნდა გამოტყდე  
ხოლმე დაკითხვაზე. თუ დამნაშავე ხარ, რაღა საჭიროა უარზე დად-  
გომა!

წამოდგა და ცარიელი ბოთლით ხელში, ბარბაცით წავიდა თავისი  
ოთახისკენ, თან ბუტბუტებდა:

— ერთ... ბაშად სწორ გ...გზაზე რომ არ დაე...მდგა...  
რიყავი, სულ სხვა რ... რამე გამო... ვიდო... და.

სანამ ასე ტანგაუხდელად ლოგინზე მოსხლეტით დავარდებოდა,  
საწერ მაგიდიდან თავისი პატაკი ამოიღო და შეეცადა შეევესო ის  
შემდეგი მასალით: *Jch muss noch dazu heizufügen, das die  
russische kontuszówka § 56* საფუძველზე...“

ქალაღდს მელანი დაადვენთა, ენით ალოკა, და ტანისამოსიანად,  
გამოლენჩებული ღიმილით, მოცელილივით დავარდა ლოგინზე. და  
მკვდარივით დაეძინა.

ღილით ჟანდარმთა ეფრეიტორმა, რომელსაც მოპირდაპირე  
კედელზე მიდგმულ საწოლზე ეძინა, ისეთი ხვრინვა და სტვენა ამო-  
უშვა, რომ შვეიკს გაეღვიძა. იგი წამოდგა, ერთი მაგრად შეანჯღრია  
ეფრეიტორი და ისევე დაწვა. განთიადზე მამლებმა ყვირილი გააბეს,  
მზე ამოვიდა. გუშინდამ სირბილისგან ილაჯგაწყვეტილი ბებია  
პეიზლერკას უკვე გამოეძინა და ლუმელის დასანთებად მოსულიყო.  
კარები ღია იყო, ყველაფერი ღრმა ძილში იყო შთანთქმული. ნაე-  
თის კრაქი საყარაულოში ჯერ ისევე ზრჩოლავდა. ბებია მთელი  
აურზაური ასტეხა, საწოლებიდან გადმოათრია ეფრეიტორი და  
შვეიკი. და ასე მიმართა ეფრეიტორს:

— არც-კი გრცხვენიათ, ტანგაუხდელს გძინავთ პირუტყვივით.  
მერე შვეიკს მიუბრუნდა და შენიშვნა მისცა: შარვალი უნდა  
შეიჭრათ, როცა თქვენ წინ ქალი დგასო.

ბოლოს აიძულა ეფრეიტორი წასულიყო, ვახმისტრი გაეღვიძებ-  
ნა და ეთქვა: ეგ რა საქმეა, ამდენ ხანს ძილქუშობაო.

— კარგ კომპანიაში კი მოხვლით, თქმა არ უნდა, — ბუზლუნით  
ეუბნებოდა ბებია შვეიკს, სანამ ეფრეიტორი ვახმისტრს აღვიძებ-  
და. — ერთი მგორეზე უარესი ლოთიბაშები არიან. რომ შეიძლე-  
ბოდეს, საკუთარ თავს გაპყიდინდენ ღვინოში. აგერ მესამე წელიწა-

<sup>1</sup> აქვე უნდა დავსძინო, რომ რუსების კონტუშოვეკა (გერმ.).

დღა ჩემი მართებთ, მაგრამ როგორც კი ენას დავძრავ, უმაღლეს ვახმისტრი ბურთს ჩამჩრის პირში! „ჩუმაღ იყავ, ბები, თორემ ჩავსევამ. ჩვენთვის ნამდვილად ცნობილია, რომ თქვენი ვაჟი — ბრაკონიერი და ბატონის შეშას იპარავსო“. და აი, მეოთხე წელიწადია ასეთ ქაპანწყვეტაში ვარ. — ბებიაღ ღრმად ამოიხვენეღ და ბუზღუნი განაგრძო: — მოერიდეთ ყველაზე მეტად ვახმისტრს. მელიასავით გაიძვერაღ და მამაძაღლი, რომღს ბაღალი ქვეყნიერებაზე იშვიათად მოიძებნება. სულ იმას უძუძგურებს, ვინმეს ხელი წაავღოს და ჩასვას.

ვახმისტრი ძღივს გააღვიძეს. ეფრეიტორმა ღიდღს გაქირეებით დაარწმუნა იგი, რომ უქვე ღიღა იყო.

ბოღოს, როგორც იქნა, ვახმისტრმა წაართვა ძღღს თავი, მუშტით მოისრღსა თვაღები და თანღათან გაიხსენა გუშინღელი საღამო. ანაზღად საშინელმა აზრმა გაუელღვა თავში, ბინღგაღაკრული თვაღები შეავღო ეფრეიტორს და შიშატანიღმა კღითხა:

— გაიქცა?!

— ღმერთმა დაგვიფაროს, პატღოსანი. ყმაწვიღღა.

ეფრეიტორმა სიარული დაიწყო ოთახში, ფანჯარაში გაიხეღა, უქან გამოტრღიღღა, მაგღღაზე გაზეთღს ქაღაღღს ნაკუწღი წაახიღა და დაავორგაღღა. ეტყობოღღა, რაღაცღს თქმა უნღოღღა.

ვახმისტრი უნღობღად უყურებღღა მას, უნღოღღა ზუსტად გაეგო, რას ფიქრობღღა მასზე ეფრეიტორი, ამიტომ ბოღოს უთხრა:

— კეთიღღი, მე თვეთონ დაგეხმარებით, პანე ეფრეიტორ, გუშინ კიღევე ავურიე, ზომ?

ეფრეიტორმა საყვეღურით შეხეღღა თავღს უფროღს.

— რომ იცოღღეთ, პანე ვახმისტრ, რას არ ღაპარაკობღღით გუშინღამ. რა არ უთხარღთ ტუსაღღს, ვინ მოთვღღღს.

ღაინხარა ვახმისტრღს ყურთან და ჩურჩულით უთხრა:

— ჩვენ ყვეღანი — ჩეხები და რუსები — ერთი სღაეური სღსხღღისა ვართო. ნიკოღღაი ნიკოღღაევიჩი\* მომავღღ კვირას პრშეროვეში\* იქნებაო; ავსტრღღა ვერასგზღთ ვერ გაუძღღებსო, და ტუსაღღს ურჩევეღღით, შემღღგომ დაკღთხვის ღროს ყვეღღაფერი ხეღღაღებით უარყავღთ, მოჩმახეღთ, რაც ენაზე მოგაღღგებათო და იქამღღე აკღანურეღთ, სანამ კაზაკები არ გიხსნიანო. თქვენ კიღევე უთხარღთ, რომ სულ მალე ყვეღღაფერი ოხერტღღაღად წავა, ჰუსღიტების ომები განჰვიორღეღა, გღღეხები ჯაკვეებით შეიარაღებულნი ვენაზე წავღღენ, ხეღღმწიფე-იმპერატორი მიხრწნიღღღა და მალე ჩაბარღღება პატრონს, ვიღკეღღმი კი — მხეცღღაო. შერე დაპირღღით, საპყრობღღლეში ფულს გამოგღგზავენა ხოღღმე, რომ შიმშიღღით სული არ გაგძკრესო, და ათასღ რამ ამღღაგვარი.

ეფრეიტორი მოსცილდა ვახშისტრს.

— ყველაფერი ეს ძალიან კარგად მახსოვს, — დასძინა მან, — ვინაიდან თავდაპირველად არ ვეტანებოდი სასამელს, მერე კი, მართალი გითხრათ, თავში შემიჯდა და უკვე აღარაფერი მახსოვს.

ვახშისტრმა ცოტა ხანს უყურა ეფრეიტორს.

— შე კი მახსოვს თქვენ რასაც ამბობდით, — თქვა მან, — რუსებთან შედარებით ჩვენ ცხვირმოუხოცელი ბიჭ-ბუჭები ვართო. ბეზიასთანაც კი გააჰყვიროდით: „გაუმარჯოს რუ'-ეთსო!“

ეფრეიტორმა ნერვიულად დაიწყო სიარული ოთახში.

— და ამას ისე გაჰყვიროდით, თითქოს ყელს გლადრავდნენ დანით — უთხრა ვახშისტრმა. — მერე გაიშხლართეთ საწოლზე გარდნა-გარდნო და ხვრინვა ამოუშვიო.

ეფრეიტორი ფანჯარასთან გაჩერდა, თითები მინაზე აათამაშა და განაცხადა:

— თქვენც, პანე ვახშისტრ, ბეზიასთან ენა არ გაგიჩერებიათ. მახსოვს, თქვენ იმ ბებერ დედაკაცს უთხარიოთ: „ბები, კარგად იცოდეთ, რომ ყოველი იმპერატორი თუ მეფე მხოლოდ თავისი ჯიბისთვის ზრუნავს, ამიტომაცაა ომიო. ასეთივეა ჩვენი ბეხრეკა „პროხაზკაც“, რომელიც ისე არ გამოვა ფეხისადგილიდან, რომ მთელი შონბრუნი \* არ წაბილწოსო.

— ეს მე ვთქვი?!

— დიახ, პანე ვახშისტრ, სწორედ თქვენა თქვიო, სანამ ეზოში გახვიდოდით პირიდან სასაქმებლად, ამასთანავე გაიძახოდით: „ბები, პირში თითი ჩამიყავითო!“

— თქვენც რომ მშვენიერად ბრძანეთ, — შეაწყვეტინა მას ვახშისტრმა. — რანაირად მოგივიდათ თავში ასეთი სისულელე, რომ ნიკოლაი ნიკოლაევიჩი ჩეხეთის მეფე იქნებო?

— ასეთი რამ რალაც არ მახსოვს, — მერყევედ განაცხადა ეფრეიტორმა.

— აბა, რა გემახსოვრებათ, როცა უგონოდ მთვრალი იყავით. თვალები გოჭივით გქონდათ, და როცა გარეთ გასულა მოგინდათ, ნაცვლად იმისა, რომ კარებში გასულიყავით, ლუმელზე აძეკრით.

ორივე გაჩუმდა. სდუმდნენ დიდხანს. ბოლოს ვახშისტრმა დაარღვია დუმილი:

— ყოველთვის იმას გეუბნებოდით, პანე ეფრეიტორ, რომ ალკოპოლი დამლუპველია. სმა თქვენ არ შეგიძლიათ, და მაინც სვამთ. რაღა გვეშველებოდა, ტუსალი რომ გაქვეუღიყო? რით ვი-

მართლებდით თავს? ოჰ, ღმერთო ჩემო, როგორ მისკდება თავი! მე თქვენ გარწმუნებთ, პანე ეფრეიტორ, — განაგრძო ვახშისტრმა, — სწორედ იმიტომ, რომ იგი არ გაიქცა, თვალცხადლივ ჩანს, თუ რა გაძევრასთან გვაქვს საქმე და რაივ საშიშია იგი. როცა მა' ვაპო-კითხვას დაუწყებენ იქ, განაცხადებს, რომ ჩვენ კარები დაკეტილი არ გვქონდა მთელი ღამე, რომ ჩვენ მთვრალეები ვიყავით და მას ყოველ წუთში შეეძლო გაქცეულიყო, დამნაშავედ რომ თავს გრძნობდეს. ჩვენს იღბლად, ასეთ ადამიანს არ დაუჯერებენ, და თუ ჩვენც დაეფიცებთ, რომ მისი ნათქვამი გამოგონილია და თავხედური სიცრუეა, მას თვით ღმერთიც ვეღარ უშველის, ზედმეტად კიდევ ერთ პარაგრაფს მიაკერებენ — და მორჩა. მისთვის კი ზედმეტი პარაგრაფი არავითარ როლს აღარ თამაშობს... ეს ოხერი თავი მაინც არ მტკიოდეს ასე უწყალოდ!

ჩაპოვარდა სიჩუმე. ერთი წუთის შემდეგ ვახშისტრმა ბრძანა, ბებიას მიხმეთო.

— გამიგონეთ, ბები, — მიმართა ვახშისტრმა პეიზლერკას და მკაცრად შეხედა. — სადაც გინდათ იშოვნეთ ჯვარცმა და მომიტანეთ.

ბებიამ გაკვირვებული შეხედა. ვახშისტრმა უპყვილა:

— სწრაფად! ერთ წუთში აქ იყოს!

მერე ვახშისტრმა მაგიდიდან ორი სანთელი აპოიღო, რომელთაც ოფიციალური ქალაქების დალუქვის შემდეგ ლუქის ღვინოები შერჩენოდათ. როცა ბებია ჯვარცმით ხელში მოლასლასდა, ვახშისტრმა მაგიდის კიდეზე დადო ის ორ სანთელს შორის, აანთო სანთლები და ზეიმურად თქვა:

— დაბრძანდით, ბები.

გაოცებისგან გაშეშებული ბებია პეიზლერკა ნელა დაეშვა დივანზე და აბნეულად შეხედა ვახშისტრს, სანთლებს და ჯვარცმას. ბებია შიშის ქარმა აიტანა, ფეხები აუქანკალდა, მუხლებზე დაწყობილი ხელები აუთრთოლდა.

ვახშისტრმა ერთი-ორჯერ გაიარ-გამოიარა მის წინ, მერე გაჩერდა და ზეიმურად წარმოთქვა:

— გუშინ საღამოთი თქვენ დიდი ამბის მოწმე იყავით, ბები. ადვილი შესაძლებელია, თქვენი უტყინო თავი ამაში ვერ ერკვეოდეს. დაკავებული ჯარისკაცი — მზვერავია, ჯაშუშია, ჩემო ბები. გასაგებია?

— დედაო ქრისტეს ღვთისა! — წამოიძახა პეიზლერკამ. — წმიდაო ღვთისმშობელო მარია სკოჩიკა!\*

— ჩუმად, ბები! პოდა ასე: იმისათვის, რომ გამოგვეტეხა რაღაც-

რალაცებში, დაგვირდა ათასნაირი, შეიძლება ითქვას, ძალზე უცნაური ლაპარაკის ჩამოგდება, რომელიც თქვენ გუშინ მოისმინეთ. ხომ გესმოდათ, რა უცნაური საუბარი გვექონდა?

— მესმოდა, — აჯანკალებული ხმით ჩაილულლულა ბებიამ.

— ასეთი საუბარი, ბები, იმიტომ გავუბით, რომ მისი ნდობა მოგვეხვეჭა და გამომტყდარიყო. და ეს ჩვენ მოვახერხეთ. ყველაფერი ამოვქაჩეთ. ჩვენი ხელიდან ვეღარ წავა.

ვახმისტრმა შეწყვიტა თავისი სიტყვა, ფთილები რომ გაესწორებინა სანთლებზე, მერე ისევ განაგრძო ზეიმური ხმით, თან მკაცრად ჩასცქეროდა სახეში პეიზლერკას:

— თქვენ, ბები, ესწრებოდით აჰ ამბავს, და ამრიგად, ამ საიდუმლოების მონაწილე ხართ. ეს სახელმწიფო საიდუმლოებაა, და არავითარ შემთხვევაში არსად არ უნდა დაგცდეთ. ამაშია თქვენი მაღალი მოვალეობა. სიკვდილის სარეცელზეც კი სიტყვა არ უნდა დასძრათ ამის შესახებ, თორემ სასაფლაოზე დაკრძალვასაც ვერ ეღირსებით ქრისტიანულად.

— დედაო ქრისტეს ღვთისა! — მოთქმით ატირდა პეიზლერკა. — რა ეშმაკმა შემოვაგლო აქ.

— ნუ ღრიალებთ! ადექით, მიდით წმიდა ჯვარცმასთან, შეატყუებთ ორი თითი და ასწიეთ ხელი. ახლა შემომფიცავთ. გაიშეორეთ, რასაც ვიტყვი...

ბებია პეიზლერკა კოჭლობით წავიდა მაგიდისკენ, თან მოთქვამდა:

— დედაო წმინდაო ღვთისმშობელო, მარია სკოჩიცკა! ქვა ეშმაკსა, ჯვარი აქაურობასა!

ჯვრიდან მას ქრისტეს გატანჯული სახე უყურებდა, სანთლები ხრჩოლავდნენ, ბებიას კი ეს ეჩვენებოდა საშინელებად და არამიწურად. იგი მთლად დაიბნა, მუხლები ერთმანეთზე ეხლებოდა, ხელები უცახცახებდა. მან ასწია ხელი შეტყუებული თითებით და ჟანდარმთა ვახმისტრმა მკაფიოდ წარმოთქვა ფიცის სიტყვები, რომელთაც ბებია იმეორებდა:

— ვფიცავ ყოვლისშემძლე ღმერთს, ვფიცავ თქვენს წინაშეც პანე ვახმისტრ, რომ რაც აქ ვნახე და გავიგონე, კუბოს ფიცრამდე არავის ვეტყვი, არამცთუ ჩემის ნებით, არამედ ძალაც რომ დამატონონ. დაე, ღმერთი იყოს ჩემი შემწე აჰ საქმეში!

— ახლა ჯვარს ემთხვეით, — უბრძანა ვახმისტრმა, როცა ბებია პეიზლერკამ ხმამაღალი მოთქმით გაიშეორა ფიცი და ღვთისმოსაობით პირჯვარი გადაისახა.

— ესეც ასე. ახლა წაუღეთ ჯვარცმა იმას, ვისგანაც ინათხოვრეთ. და იქ უთხარით, რომ ჯვარი დამჭირდა მე ჩვენების ჩამოსართმევად.



გაშეთებული პეიზლერკა თითის წვერებზე გავიდა ჯვარცმით ხელში ოთახიდან, ფანჯარაში მოჩანდა, გზაზე როგორ მიდიოდა იგი და წამდაუწუმ უკან როგორ იხედებოდა ეანდარმთა განყოფილებიან თითქოს უნდოდა დარწმუნებულიყო, რომ ყოველივე ეს სიზმარი არ იყო და მან ნამდვილად გადაიტანა ახლახან უსაშინელესი წუთები თავის ცხოვრებაში.

ვახმისტრი ამ დროს ხელახლა ათეთრებდა თავის პატაკს, რომელიც გუშინდამ სულ ერთთავად მელნის ლაქებით მოთხუანა; ტექსტი ისე იყო მოსვრილი, თითქოს მარმელადი ყოფილიყოს პატაკის ფურცელში გახვეული.

მან ყველაფერი ხელახლა გადაწერა და მოაგონდა, რომ ერთი რამ გამოიჩინა, შეეიკისთვის უკითხავი. ბრძანა, შეეიკი მომგვარეთო, და ჰკითხა:

— ფოტო სურათის გადაღება შეგიძლიათ?

— შემიძლია.

— მაშ, რად არ ატარებთ აპარატს?

— არა მაქვს, და იმიტომ არ ვატარებ, — გულახდილად გამოუტყდა შეეიკი.

— აპარატი რომ გქონოდათ, ფოტოსურათებს გადაიღებდით? — შეეკითხა ვახმისტრი.

— ბადრიჯანს რომ ფრთები ესხას, მერცხალი იქნებოდა, — გულმშვიდად უპასუხა შეეიკმა და უწყინარი მზერა შეახვედრა ვახმისტრის გამომცდელ ცქერას.

ვახმისტრს ამ დროს ისევ ისე უღმერთოდ ატკივდა თავი, ამიტომ უკეთესი აღარაფერი მოაგონდა და ეს ჰკითხა.

— ძნელია სადგურის ფოტოსურათის გადაღება?

— ყველაზე იოლია, — უპასუხა შეეიკმა. — ჯერ ერთი იმიტომ, რომ სადგური ერთ ადგილას დგას და არც ინძრევა; მეორეც იმიტომ, რომ მას არ სჭირდება ხეწნა: „აბა, ერთი გაილიმეთ, გეთაყვა“.

ახლა ვახმისტრს შეეძლო დაშატებით შეევესო თავისი პატაკი. „Zu dem hericht, № 2172 melde ics...“<sup>1</sup> დამატებაში ვახმისტრმა თავის აღმაფრენას სრული გასაქანი მისცა:

•ჯვარედინი დაკითხვის დროს პატიმარმა, სხვათა შორის, აჩვენა, რომ იცის ფოტოსურათების გადაღება და ყველაზე უფრო ემარჯვება სადგურების გადაღება. თუმცა გაჩხრეკის დროს მას არ აღმოაჩნდა ფოტოაპარატი, მაგრამ არის ეჭვი, ასეთი რამ სადღაც აქვს დამალული და თან არ ატარებს, ეჭვი რომ არ გამოიწვიოს; ეს დასტურდება

<sup>1</sup> ჩემი ცნობის № 2172-ისა დამატებით გაცნობებთ... (გერმ.).

მისივე აღიარებითაც, სურათებს გადავიღებდი, თან რომ მქონოდა აპარატიო...“

ნამთვრალევა ვახმისტრმა ფოტოსურათების გადაღების შესახებ თავის ცნობაში მთლად აურია ყველაფერი და ორთავე ფეხით გაება. იგი წერდა:

„პატიმრის ჩვენებიდან ნათლად გამომდინარეობს, რომ აპარატის უქონლობამ ხელი შეუშალა მას რკინიგზის ნაგებობათა და საერთოდ სტრატეგიული მნიშვნელობის ადგილების გადაღებაში. ეჭვს გარეშეა, რომ თავის განზრახვას იგი სისრულეში მოიყვანდა, ზემოხსენებულ ფოტოგრაფიული აპარატი ხელთ რომ ჰქონოდა, რომელიც სადღაც გადაუშალავს, მხოლოდ იმ გარემოების გამო, რომ აპარატი თან არ ჰქონდა ფოტოსურათიც არ აღმოაჩნდა“.

ვახმისტრი დიდად კმაყოფილი იყო თავისი ნაწარმოებით და თავმომწონედ წაუჯიბთხა ის ეფრეიტორს.

— მშვენივრად გამომივიდა, — თქვა მან. — ხედავთ, როგორ უნდა მოხსენებებს შედგენა. აქ ყველაფერი უნდა იყოს. გამოძიება, ჩემო კეთილო, არც ისე უბრალო საქმეა, და რაც მთავარია — მოხერხებულად უნდა აღნუსხო მოხსენებაში ყოველივე, ისე რომ უშაღლეს ინსტანციაში გაოცებისგან პირი დააღონ. ერთი მომგვარეთ აქ იგი. დროა მოვრჩეთ ამ საქმეს.

— მაშ ასე, პან ეფრეიტორი წაგიყვანთ თქვენ პისეკში — საოლქო ქანდარშთა სამმართველოში, — უთხრა მან მედიდურად შვეიკს. — ინსტრუქციის მიხედვით, ხელბორკილი უნდა გაგიყაროთ და ისე გაგისტუმროთ, მაგრამ ვინაიდან თქვენ, ჩემის აზრით, წესიერი ადამიანი ხართ, ბორკილს არ გაგიყრით. დარწმუნებული ვარ, რომ გზაშიც არ შეეცდებით გაქცევას. — ვახმისტრს, ეტყობოდა, გული აუჩუყდა, როცა შვეიკის სახეს შეხედა და დასძინა: — ცუდად ნუ მომიგონებთ. წაიყვანეთ, პანე ეფრეიტორ, აი ჩემი პატაკიც.

— ბედნიერად ბრძანდებოდეთ, — რბილად უთხრა შვეიკმა. — მადლობელი ვარ, პანე ვახმისტრ, ყველაფრისთვის, რაც გამიკეთეთ. თუ შესაძლებლობა მოპეცა, ორიოდ სიტყვას მოგწერთ. თუ თქვენ მხარეს მოვხვდი, უეჭველად გესტუმრებით.

შვეიკი და ეფრეიტორი გზატკეცილზე გამოვიდნენ; ვინც მათ დაინახავდა, თუ რა გულდასმით და გულითადად საუბრობდნენ, უთუოდ გაიფიქრებდა, — ძველი მეგობრები არიან, შემთხვევით შეხვდნენ ერთმანეთს გზაში და ახლა ქალაქში ერთად მიდიან ეკლესიაში წირვის მოსასმენად.

— არ მეგონა, — ელაპარაკებოდა შვეიკი ეფრეიტორს, — რომ გზა ბუდეიოვიცესკენ ასე გამიძნელდებოდა. ეს მაგონებს კობილი-

სელ ყასაბ ხაურას ერთ შემთხვევას. ერთხელ იგი აღმოჩნდა პალა-  
ტის\* ძეგლთან მორანზე და მის ირგვლივ დილამდე იწრიალა, ეღონა  
კედლის გასწვრივ მიედევარო, კედელს კი დასასრული არ უჩანდა.  
ხაურა სასოწარკვეთილებაში ჩაეარდა. დილით არაქათი აღარ ჰქონდა  
და მთლად ილაჯგაწყვეტილმა ერთი წამოიყვირა „მიშველეთო!“  
მოცივდნენ პოლიციელები, და ყასაბმა ჰკითხა მათ, როგორ გავიღე  
კობილისში, აგერ ხუთი საათი იქნება, რაც რომელიღაც კედელს მიყ-  
ყვები, მის ბოლოს კი, არ იქნა და არა, ვერასგზით ვერ მივალწიეო.  
პოლიციელებმა მას ხელი ჩაავლეს და უბანში წაიყვანეს, იქ მან ყვე-  
ლაფერი მიღეწ-მოღეწა.

ეფრეიტორს ხმა არ ამოუღია, მხოლოდ გაიფიქრა: „ნეტავი რად  
მიყვება ყოველივე ამას? ისევ თავისი ლათაიები წამოიწყყო ბუღდვიო-  
ვიცეს შესახებ.“

გვერდით გაუარეს გუბურს, და შეეიკი დაინტერესდა, ამ რაიონში  
ბევრნი თუ არიან ისეთი მეთევზეები, რომლებიც უნებართვოდ  
თევზს იჭერენო.

— აქაურობა ბრაკონიერებითაა სავსე, — უპასუხა ეფრეიტორ-  
მა. — წინანდელი ვახმისტრი კინალამ დაახრჩეს ამ გუბურაში. გუ-  
ბურას დარაჯი ესერის ხოლმე მათ წვრილად დაკეპილ ჯაგარით გა-  
ტენილ თოფს ზედ უკანალში, მაგრამ ამოდ — შარვალში თუნუქის  
ფურცელი აქვთ ჩადებულნი.

და ეფრეიტორი ოდნავ შეეხო პროგრესის თემას, იმას, თუ სა-  
დამდე მივიდა ხალხი, კვანტს როგორ უღებენ ერთიმეორესო, შემ-  
დეგ განავითარა ახალი თეორია იმის შესახებ, რომ ომი დიდი სი-  
კეთუა მთელი კაცობრიობისთვის, რადგან წესიერ აღამიანებთან  
ერთად საიქიოს ბევრ გაიძვერასა და თაღლითსაც ისტუმრებსო.

— ისედაც ბევრია ხალხი ქვეყანაზე, — ღრმეაზროვნად დაასკვნა  
ეფრეიტორმა. — ველარ ეტევიან დედამიწაზე, უსაშველოდ გამრავლ-  
დნენ!

სამიკიტნოს უახლოვდებოდნენ.

— დღეს მაგარი ქარბუქია, — თქვა ეფრეიტორმა. — ჩემის აზ-  
რით, ურიგო არ იქნებოდა ჰიქა არაყი გადაგვეკრა. არავისთან წა-  
მოგცდეთ, რომ პისეკში მიგაცილებთ დაპატიმრებულს. ეს სახელმ-  
წიფო საიდუმლოებაა.

ეფრეიტორს ამ დროს თვალწინ აუთამაშდა ცენტრიდან გამოგ-  
ზავნილი ინსტრუქცია საეკვო აღამიანების შესახებ და უანდარმთა  
თვითეული განყოფილების მოვალეობა „მოახდინონ ამ პირთა იზო-  
ლაცია ადგილობრივ მცხოვრებლებისგან და მკაცრად აღეწონ

თვალყურით, რომ შემდგომ ინსტანციაში მათი გადაგზავნა ზედმეტი მითქმა-მოთქმის საბაზად არ გადაიქცეს მოსახლეობაში.

— არ გაბედოთ და არაფერი თქვათ, რა შეილიცა ბრძანდებით, — უთხრა მან. — არავის აინტერესებს თქვენი საქმიანობა. პანიკის საბაზი არ მისცეთ ხალხს. პანიკა ომის დროს საშინელი რამაა. ვინმე ერთ რაღაცას წამოაყრანტალებს და მთელ ქვეყანას მოედება! გასაგებია?

— პანიკის საბაზს მე არავის მივცემ, — თქვა შვეიკმა, და მართლაც ამ განცხადების შესაბამისად ეჭირა თავი.

როცა სამიკიტნოს პატრონი მას გამოელაპარაკა, შვეიკმა უბრალოდ უპასუხა:

— აი, ჩემი ძმა ამბობს, რომ ერთ საათში პისეკში ვიქნებითო.

— მაშ თქვენი ძმა შევებულებაშია? — ჰკითხა მიკიტანმა ეფრეიტორს.

მან წარბშეუხრელად უპასუხა:

— დღეს უთავდება შევებულება.

როცა მიკიტანი მათ მოსცილდა, ეფრეიტორმა თვალი ჩაუყრა შვეიკს და თქვა:

— ძალიან არ გავაცურეთ ყინვაზე! მთავარია: პანიკა არ ავტეხთ — ომიანობაა.

სამიკიტნოში რომ შედიოდა, ეფრეიტორმა თქვა, ჭიქა არაყი ურიგო არ იქნებაო, მაგრამ ის კი აღარ გაითვალისწინა ეს ჭიქა რამდენი იქნებოდა. თორმეტი ჭიქა. რომ გადაყლურწა, ხმამაღლა და გადაქრით განაცხადა, საოლქო ჟანდარმთა სამმართველოს უფროსი სამ საათზე სადილად ჯდება, ამიტომ აზრი არა აქვს ახლა იქ წასვლას, მით უმეტეს, რომ გარეთ ქარბუქია. საღამოს ოთხ საათზე რომ მივიდეთ, ლოდინი მაინც დაგვჭირდება. ასე რომ, ექვს საათამდე დრო გვაქვს. ეს კია, რომ სიბნელეში მოგვიხდება სიარული, ამინდზე ეტყობა. ახლა წავალთ, თუ უფრო გვიან რა განსხვავებაა: — პისეკი არსად გაგვექცევა.

— ჩვენ კმაყოფილი უნდა ვიყოთ, რომ სითბოში ვსხედვართ, — დაასკვნა მან. — იქ, სანგრებში ასეთ ამინდში გაცილებით უარესია, ვიდრე აქ, ლუმელთან.

კაფელის დიდი ლუმელი უხვად აფრქვევდა სითბოს და ეფრეიტორმა ბრძნული აზრი განავითარა — საჭიროა გარეგანი სითბო შინაგანი სითბოთი შევავსოთ სხვადასხვა ტკბილი და მაგარი ნაყენების საშუალებით, როგორც პალიციაში ამბობენო. მიკიტანს ამ ნაყენების რეა სახეობა აღმოაჩინდა, — როცა გარეთ ქარბუქი გუ-



ლისგამწყვალებლად ზუზუნებდა, იგი რიგრიგობით მათ ქაშნიკს უსინჯავდა და მოწყენილობას იქარებდა.

ეფრეიტორი გამუდმებით ხმაშალდა აშურებდა მიკიტანს, აბა, აბა არ ჩამომრჩეო, და თვითონ სვამდა და სვამდა, თან მიკიტანს უკიჟინებდა, ცოტას სვამო. ეს აშკარა ცილისწამება იყო, რადგან მიკიტანი ძლივსღა იდგა ფეხზე, დაქინებით მოითხოვდა „ცხრას“ თამაში გავმართოთო და მალე იმის მტკიცებასაც კი შეუღდა, რომ წუხელი აღმოსავლეთით ზარბაზნების ქუხილი ისმოდაო. ეფრეიტორმა ამის საპასუხოდ დაასლოკინა და განაცხადა:

— მაგეებს თავი დ-დაანებე! პანიკა არ ამიტეხო! ამის შესახებ ჩვენ ინსტრუქცია გვაქვს, — და შეუღდა იმის ახსნა-განმარტებას, რომ ინსტრუქცია უქანასკნელ განკარგულებათა კრებულს წარმოადგენსო.

ამასთანავე რამდენიმე საიდუმლო ცირკულარი გაამხილა და მათ შესახებ ბევრი ილაყბა. მიკიტანს ამქვეყნისა უკვე აღარაფერი ესმოდა. ერთადერთი, რისი ჩალულლუღება მოახერხა, ეს იყო — ინსტრუქციებით ომს ვერ მოვიგებთო.

უკვე დაბნელებული იყო, როცა ეფრეიტორმა გადაწყვიტა შვეიკთან ერთად პისეკისკენ გადგომოდა გზას. ისეთი ბუჭი იდგა, რომ ერთ ნაბიჯზე აბსოლუტურად არაფერი ჩანდა. ეფრეიტორი წამდაუწუმ გაიძახოდა:

— მიდი, მიდი, სულ პირდაპირ იარე პისეკამდე.

როცა ეს მესამეჯერ წაპოძახა, მისი ხმა უკვე გზატყეცილიდან კი ჰქრა, საიდანღაც ქვემოდან გაისმა, სადაც ჩაგორებულიყო. თოვლში შაშხანის დაბჯენით, ძლივძლივობით ამოძვრა გზაზე. შტეიკს შემოესმა მისი ყრუ სიცილი: „თითქოს ყინულის მთიდან დაეცურდიო“. ერთ წუთსაც არ გაუვლია, ისევ ფერღობზე დაქანდა, თან ისე ძალუმად დაიღრიალა, რომ ქარის ძლიერი სტვენა დაფარა:

— გადავევარდი, პანიკა!

ეფრეიტორი ბეჯით და გამრჯელ ჭიანჭველას დაემსგავსა, რომელიც, ჩაეარღება თუ არა სადმე ღრმულში, შეუპოვრად მიფორთხავს ისევ ზემოთ. ეფრეიტორმა ზედიზედ ხუთჯერ გაიმეორა ეს ვარჯიში და ბოლოს, როცა ფეხი მოიკიდა შვეიკის გვერდით, ნაღვლიანად წარმოთქვა:

— ადვილად შეიძლებოდა დამკარგვოდით!

— ნუ სწუხხართ, პანე ეფრეიტორ, — უთხრა შვეიკმა. — ყველაზე კარგს ვიზამთ, თუ ერთმანეთს გადავებმებით, მაშინ აღარ დავკარგავთ ერთიმეორეს. ხელბორკილები თანა ვაქეთ?

— ყოველი ქანდარში, როგორც წესი, ხელბორკილებს თან ატა-



რებს, — რიხით უპასუხა ეფრეიტორმა, რომელიც თავს ძლივს იმაგრებდა და ქანქარასავით ირხეოდა. — ეს ჩვენი პური არსობისაა.

— მაშინ მოდი და, გადავებათ ერთმანეთს, — ურჩია შვეიკმა. — ცდა ბედის მონახევრეაო.

ეფრეიტორმა ჩვეული, დახელოვნებული მოძრაობით ხელბორკილის ერთი რგოლი შვეიკის ხელს შეაბა, მეორე — თავისას, ისინი სიამელი ტყუპებივით ერთ არსებად შეკავშირდნენ. ორივე ბორძიკობდა; ეფრეიტორი მიათრევდა შვეიკს ქვების ღორღზე და როცა დაეცემოდა, თან შვეიკსაც გადაიყოლებდა. ამ დროს ხელბორკილები საშინელ ტკივილს აყენებდა ერთსაც და მეორესაც. ბოლოს ეფრეიტორმა განაცხადა, რომ ასე არაფერი გამოვა, ხელბორკილები უნდა შევიხსნათო. მაგრამ ამაო იყო მისი ცდა ბორკილებისგან გაეთავისუფლებინა როგორც თავისი თავი, ისე შვეიკი, და მძიმედ ამოიხვნეშა:

— ჩვენ ერთმანეთს გადაბმული ვართ უკუნითი უკუნისამდე.

— ამინ, — დაასკვნა შვეიკმა, და ორთავემ განაგრძეს მძიმე გზა.

ეფრეიტორი უიმედო სასოწარკვეთილებაში ჩაეარდა. დიდი ტანჯვა-წამების შემდეგ გვიან საღამოთი, როგორც იქნა, მიაღწიეს

პისეკს. ჟანდარმთა სამმართველოს კიბეზე დანალელიანებულმა ეფრეიტორმა უთხრა შვეიკს:

— ცუდადაა საქმე — ჩვენ ერთიმეორესგან ვერ განვთავისუფლდებით.

და მართლაც, საქმე ცუდად იყო. მორიგე ვახმისტრმა გაგზავნა შიკრიკი სამმართველოს უფროსის როტმისტრ კენიგის დასაძახებლად. პირველი, რაც როტმისტრმა თქვა, ეს იყო:

— აბა, ისუნთქეთ. ყველაფერი გასაგებია.

ნაცადი ალღოს მეოხებით მან სწრაფად და უტყუარად დასვლიაგნოზი:

— აპა! რომი, კონტუშოკვა, ჩერტი,\* ჭნავზე, ნიგოზზე ალუბალზე და ვანილზე დაყენებული არაყი. პანე ვახმისტრ, — მიუბრუნდა იგი ხელქვეითს, — აი თქვენ მაგალითი, როგორ არ უნდა გამოიყურებოდეს ჟანდარმი. ასეთი ოინბაზობა — დანაშაულია, რომელსაც გაარჩევს სამხედრო სასამართლო. ბორკილებით გადაეჯაჭვო პატიმარს და გალეშილი მოხეიდე სამმართველოში! ასეთი ღორული სახით შემოხვიდე აქ! აბა, მოხსენით ხელბორკილები — უთხრა ვახმისტრს.

ეფრეიტორმა თავისუფალი მარცხენა ხელით სამხედრო სალამი მისცა როტმისტრს.

— კიდევ რაო? — ჰკითხა როტმისტრმა.

— მაქვს პატივი მოგახსენოთ, პანე როტმისტრ, მოვიტანე პატაკი.

— თვითონ თქვენს შესახებ გაიგზავნება პატაკი სასამართლოში, — მოკლედ მოუჭრა როტმისტრმა. — პანე ვახმისტრ, დამწყვდიეთ ორთავე! ხვალ დილით მომიყვანეთ დასაკითხავად, პუტიმიდან გამოგზავნილ პატაკს გაეცანით და ბინაზე გამომიგზავნეთ.

პისეკელი როტმისტრი კენიგი ტიპიური მოხელე იყო: მკაცრი — ხელქვეითების მიმართ და მთელი თავისი არსებით ბიუროკრატი.

მის ხელქვეით მყოფ ჟანდარმთა განყოფილებებში არასოდეს არ შეეძლოთ შვებით ამოესუნთქათ და ეთქვათ: „ღვთის წყალობით, ქარიშხალმა გადაიარაო!“ ქარიშხალი კვლავ და კვლავ ბრუნდებოდა როტმისტრ კენიგის მიერ ხელმოწერილ ყოველ განკარგულებასთან ერთად. დილიდან საღამომდე როტმისტრი წერდა და წერდა საყვედურს, გაფრთხილებას, მუქარას, და მთელს მხარეში აგზავნიდა.

ომის დაწყებისთანავე მძიმე ღრუბლები ჩამოწვა პისეკის მხარის ჟანდარმთა ყველა განყოფილებაზე. ბიუროკრატიული რისხვა



პქუხდა ჟანდარმთა თავზე, დრო და დრო რომელიმე ვახშისტრს, ეფრეიტორს, რიგით ჟანდარმს ან კანცელარიის მოხელეს თავს ატყდებოდა ჭეჭა-ქუხილი. უბრალო რამისთვის დისციპლინარული სასჯელი არავის ასცდებოდა.

— თუ ჩვენ გვსურს გამარჯვება, — ამბობდა როტმისტრი კენიგი ჟანდარმთა განყოფილებების საინსპექციო შემოვლის დროს, — ყველაფერი თავის ადგილას უნდა იყოს, „ანი“ უნდა იყოს „ანი“, „ბანი“ უნდა იყოს „ბანი“.

ყველგან თავის გარშემო მას ღალატი და შეთქმულებანი ელანდებოდა. იგი სრული დარწმუნებული იყო, რომ მისი მხარის ყოველ ჟანდარმს პატარ-პატარა ცოდვები მაინც მიუძღვის, რომლებიც გამოწვეულია სამხედრო ვითარებით და რომ ყოველი მათგანი ამ სერიოზულ დროში დაუდევრად ეკიდება თავის სამსახურებრივ მოვალეობას.

ზევიდან კი, თავდაცვის სამინისტროდან, თვითონ მას უტევდნენ ბრძანებებით და მიუთითებდნენ, — სამხედრო სამინისტროს ცნობებით, პისეკის ოლქიდან გაწვეული ჯარისკაცები მტრის მხარეზე გადადიანო, და კენიგს ცეცხლს უკეთებდნენ, რათა უფრო ფხიზლად დაეჭირა თვალი მოსახლეობის ლოი-ლობაზე. ყველაფერი ეს საძაგლად გამოიყურებოდა. როცა გაწვეულ ჯარისკაცთა ცოლები აცილებდნენ ქმრებს ფრონტზე, ჯარისკაცები ამშვიდებდნენ ცოლებს, ნუ სწუხხართ, თავს არ დავიღუპავთ ხელმწიფე-იმპერატორისთვისო. როტმისტრმა ყოველივე ეს კარგად იცოდა.

შავ-ყვითელ პორიზონტებს რევოლუციის ღრუბლები გადაეფარა. სერბიასა და კარპატებში ჯარისკაცები მთელ ბატალიონებად გადადიოდნენ მტრის მხარეზე, იარაღი დაყარეს ოცდამერვე და მეთერთმეტე პოლკებმა. უკანასკნელი შედგებოდა პისეკიდან გაწვეულებისგან. ამ მრისხანე წინარევოლუციურ ატმოსფეროში მოვიდნენ ახალწვეულები ვოდნიანიდან საკილოვეში გარკობილი ხელოვნური შავი მიხაკებით. პისეკის სადგურში გაიარეს ჯარისკაცებმა პრაღიდან; ესენი უკან პყრიდნენ სიგარეტებსა და შოკოლადებს, რომლებიც მათ, პირუტყვის ვაგონებში შერევილთ, პისეკის დიდგვაროვანმა ქალებმა უთავაზეს. მეორეხელ, როცა პისეკის სადგურში გაიარა სამარშო ბატალიონმა, რამდენიმე ადგილობრივმა ებრაელმა მისასალმებლად წამოიძახა: „Heil! Nieder mit den Serbien“<sup>1</sup>.

მაგრამ მათ ამისთვის ისე დაუსისხლიანეს ცხვირპირი, რომ მთელი ერთი კვირა ქუჩაში ველარ გამოდიოდნენ.

<sup>1</sup>. ჰაილი ძირს სერბიელები!

იმ დროს, როცა ეს ამბები ხდებოდა, რომლებიც ნათელს ხდიდნენ, რომ ეკლესიებში ავსტრიული პიმნის „ღმერთო შემიწყალე მეფეო!“ ორღანოზე ჩვეულებრივი შესრულება დრომოკმული, ძველისძველი მოვარაყებელი ნივთივით თვალს ატყუებდა და ფარისევლობის განსახიერებას წარმოადგენდა, ჟანდარმთა განყოფილებებიდან მოდიოდა ა და Ia პუტიმას ცნობილი პასუხები იმის შესახებ, რომ ყველაფერი რიგზეა, არავითარი ავტაცია ომის წინააღმდეგ არ ხდება, მოსახლეობის სულსკვეთება შეესაბამება I-a-ს, აღფრთოვანება — I-a — I-B-ს.

— ჟანდარმები კი არა, ქუჩის პოლიციელები ხართ, — იგინებოდა როტმისტრი თავისი საინსპექციო შემოვლის დროს. — ნაცვლად იმისა, რომ სიფხიზლე ათაი პროცესით ასწიოთ, თქვენ თანდათან პირუტყვებად იქცევით. — როცა როტმისტრი ასეთ ზოოლოგიურ აღმოჩენას გააკეთებდა, შემდეგ დაუმატებდა: — წამოწოლილხართ მხარეთქობზე, ყველაფერი ფეხებზე დაგიკიდიათ და ფიქრობთ: „Mit ganzen Krieg kanu man uns Arsch lecken!“<sup>1</sup>

შემდეგ ამას მოპყვებოდა საბრალო ჟანდარმების მოვალეობათა ჩამოთვლა, ზედ ერთვოდა ლექცია თანამედროვე პოლიტიკური მდგომარეობის შესახებ და რომ გვესაჭიროება მუშაობაში გაბეჯითება, რათა ყველაფერი წესრიგში იყოს.

ჟანდარმთა სრულყოფის ბრწყინვალე იდეალის ასეთი გაბედული და მკაფიო დასურათხატების შეპდეგ, რაც მიმართული იყო ავსტრიის მონარქიის წელის გასამაგრებლად, იწყებოდა მუქარა, დისციპლინარული სასჯელი, ერთი ადგილიდან მეორეზე გადაყვანა და დატუქსევანი.

როტმისტრი მტკიცედ იყო დარწმუნებული, რომ იგი სახელმწიფო ინტერესების სადარაჯოზე დგას, რომელიღაც დიდ საქმეს მშველელად ვეღინება და რომ ყველა მისი ხელქვეითი ჟანდარმი ზარმაცია, გაიძვერა, ეგოისტი, იშკილბაზი, ყალთაბანდია, რომლებაც არაყის, ლუდისა და ღვინის მეტს არაფერს ცნობენ ამქვეყნად. და რადგან ფული არ ექყვივით ჯიბეში, ქრთამებს იღებენ, რაც ნელა, მაგრამ ყოველ ექვს გარეშე ძირს უთხრის ავსტრიას.

ერთადერთი ადამიანი, რომელსაც იგი ენდობოდა, იყო მისი ვახმისტრი საოლქო ჟანდარმთა სამმართველოდან, მაგრამ ისიც კი სამიკიტნოში ასე ამბობდა ხოლმე: „დღეს ერთხელ კიდევ გავათამაშე ის ჩემი ბებერი ბოთე უფროსიო“.

როტმისტრი ყურადღებით კითხულობდა პუტიმას ჟანდარმთა

<sup>1</sup> მთელი თქვენი ამ ომით მემთხვიეთ უკანალზეო! (გერმ.).

ვანმისტრის პატაკს შვეიკის შესახებ, მის წინ კი იღვა ვანმისტრი მატეიკა და თავის გულში ჯანაბამდე გზას უსურვებდა როტმისტრის მისი პატაკიანად, რადგან ქვემოთ სალუდში „შნოპსის“ თამაში ელოდებოდა.

— ამას წინათ მე თქვენ ვითხარით, მატეიკა, — უთხრა როტმისტრმა, — რომ ყველაზე დიდი ხეპრე, რომელიც ჩემ სიცოცხლეში შემხვედრია, ეს პროტივინელი ვანმისტრია-მეთქი. მაგრამ ამ პატაკის მიხედვით თუ ვიმსჯელებთ, პუტიმელმა ვანმისტრმა ბევრად აჯობა მას სისულელეში. სალდათი, რომელიც ამ ლოთიბაშმა ეფრეიტორმა მოიყვანა (გახსოვთ, ისინი ძალღებვიით იყვნენ ერთმანეთზე გადაბმულნი), არაერთარი ჯაშუში არ არის. იგი, ლაპარაკი არ უნდა, უბრალოდ ჩვეულებრივი ღეზერტრია. ვანმისტრი თავის პატაკში მიედმოედება; ბაეშვიც კი ერთბაშად მიხვდება, პაპის პრელატივით, \* ღვინით გაღეშილა ის გაიძვერა. ახლავე მომგვარეთ პატიმარი, ბრძანა მან, თან პუტიმადან მიღებულ პატაკს ეცნობოდა. — ჩემს ღლეში არ შემხვედრია ამდენი ილიოტური სიტყვები. კიდევ მეტი: გიგზავნის ამ საეჭვო პიროვნებას ისეთი ხეპრე ბადრაგათი, როგორიცაა მისი ეფრეიტორი. კარგად ვერ მიცნობენ ეს ვაუბატონები! სანამ ჩემს თვალწინ შიშისგან ერთი საჩუქერ არ ჩაისვრებიან, მანამ ვერ მიხვდებიან, რომ ჩემთან ხუმრობა არ არაგებთ!

და როტმისტრმა გააბა ლაპარაკი იმის შესახებ, რომ ჟანდარმები ყურადღებას არ აქცევენ ბრძანებებს და იმის მიხედვით, როგორ ადგენენ პატაკებს, ჩანს, რომ ყოველი ვანმისტრი ყველაფერს სამასხროდ იგდებს და ცდილობს მხოლოდ ჩახლართოს საქმე.

როცა ზემოდან ვანმისტრების ყურადღებას მიაქცევენ ხოლმე, რომ გამორიცხული არაა მათ რაიონში მზვერავეების გამოჩენის შესაძლებლობა, ჟანდარმთა ვანმისტრები იწყებენ ამ მზვერავეების ბითუმად გამოგონებას. ომი რომ გაგრძელდეს, ყველა ჟანდარმთა განყოფილება სიგიჟეთად გადაიქცევა.

კანცელარიამ ახლავე გაგზავნოს ტელეგრამა პუტიმაში, რათა ვანმისტრი ხვალ პისეკში გამოცხადდეს. გამოვურეკავ მას გოგრიდან „ამ დიდი მნიშვნელობის მოვლენას“, რის შესახებაც თავის პატაკში წერს.

— რომელ პოლკიდან გამოიპარეთ? — შეაგება როტმისტრმა შეკითხვა შვეიკს.

— არც ერთ პოლკიდან მე არ გამოვპარულვარ.

როტმისტრმა შეხედა შვეიკს და მის სახეზე დაინახა სრული უღარდლობის გამომეტყველება.

— სად იწოვეთ სამხედრო ტანსაცმელი? — ჰკითხა როტმისტრმა.

— ყოველ ჯარისკაცს, როცა იგი სამხედრო სამსახურში შედის, ტანსაცმელს აძლევენ, — რბილი ღიმილით უპასუხა შვეიკმა. — ვმსახურობ ოთხმოცდამეთერთმეტე პოლკში და არათუ არ გამოვპარულვარ ჩემი პოლკიდან, პირიქით.

ეს სიტყვა „პირიქით“ ისეთი ხაზგასმით წარმოთქვა, რომ როტმისტრმა, გამოსახა რა თავის სახეზე ირონიული გულშემატკივრობა, ჰკითხა:

— როგორ თუ „პირიქით“?

— სრულიად უბრალოდ, — განუმარტა შვეიკმა. — მივეშურები ჩემს პოლკში, ვეძებ მას, ერთი სიტყვით, პოლკიდან კი არ გავრბივარ, პოლკში მივდივარ. ჩემი ფიქრი და სადარდებელი ახლა მხოლოდ ისდაა, რომ როგორმე და რაც შეიძლება სწრაფად მოვხედე ჩემს პოლკში. ძალიან მანერვიულებს ის გარემოება, რომ, როგორც ვატყობ, თანდათან ვშორდები ჩესკე-ბუდეიოვიცეს. წარმოგიდგენიათ, მთელი პოლკი მე მელოდება! პუტიმელმა ვახმისტრმა რუკაზე მაჩვენა, რომ ბუდეიოვიცე სამხრეთით მდებარეობს, მე კი ჩრდილოეთით მაგზავნის.

როტმისტრმა მხოლოდ ხელი ჩაიქნია, თითქოს ამით თქვა:

„აბა, ეგ რა არის, ჩრდილოეთით ხალხის გაგზავნა, მაგაზე უარესი ოინები ჩაუდენია“.

— მაშ, ვერ გიპოვნიათ თქვენი პოლკი, არა? — უთხრა მან. — თქვენ იგი ეძებთ?

შვეიკმა მთელი სიტუაცია განუმარტა. დაასახელა ტაბორი და ყველა ის ადგილი, რომელიც გზად გაიარა ბუდეიოვიცეს ძებნაში: მილეესკოკვეტოვი — ვრაჟი — მალჩინი — ჩიჟოვა — სედლეცი — პორაჟდიევიცე — რადომიშლი — პუტიმი — შტეკნო — სტრაკონიცი — ვოლინი — დუბი — ვოდნიანი — პროტივენი და ისევ პუტიმი. დიდი აღფრთოვანებით აღწერა მან თავისი ბრძოლა ბედთან, უამბო როტმისტრს, თუ როგორ, მთელი თავისი ძალითა და ღონით ცდილობდა გადაეღახა ყველა დაბრკოლება და თავის ოთხმოცდამეთერთმეტე პოლკში მოხვედრილიყო ბუდეიოვიცეში, მაგრამ ყველაფერმა როგორ ფუჭად ჩაუარა.

შვეიკი გაცხარებით ლაპარაკობდა, როტმისტრი კი მაშინაღუროდ ხაზავდა ფანქრით ქალაღზე მოჯადოებულ წრეს, რომლიდანაც ყოჩად ჯარისკაც შვეიკს თავი ვერ დაედწია თავისი პოლკის ძებნაში.

— რაც მართალია, მართალია, ჰერკულესის მუშაობაა ჩატარე-

ბულო, — თქვა, ბოლოს, როტმისტრმა, რომელმაც სიამოვნებით მოუსმინა შვეიკს გულახდილი ჩვენება იმის შესახებ, რომ მას სტანჯავს ამდენი ხნით გზაში დაყოვნება და პოლკიდან მოწყვეტა. — ნამდვილად გასაოცარი სანახაობა იქნებოდა პუტიშის გარშემო თქვენი წრიალი!

— ყველაფერი გაირკვეოდა, — შენიშნა შვეიკმა, ეს ვახშმისტრი რომ არ ყოფილიყო იმ ბედკრულ პუტიშში. მან არც სახელი მკითხა, არც პოლკის ნომერი; მას ყველაფერი ყირამალა ეჩვენებოდა. გავგზავნე ბუდეიოვიცეში და იქ ყაზარმაში ეტყოდნენ, მე ნამდვილად ის შვეიკი ვარ, რომელიც თავის პოლკს ეძებს, თუ ვინმე საეჭვო პიროვნება. ახლა უკვე ორი დღის მისული ვიქნებოდი ჩემს პოლკში და ჩემი სამხედრო მოვალეობის შესრულების საქმიანობაშიც ჩაბმული.

— პუტიშში რად არ განაცხადეთ, რომ გაუგებრობას აქვს ადგილი?

— ვატყობდი, რომ მასთან ლაპარაკი წყლის ნაყვა იყო. იცით, ხდება ხოლმე, ადამიანი ისე გამოშტერდება, რომ ამქვეყნის აღარაფერი ესმის, თითქოს უგარძნობელი ჯირკი იყოს, როგორც ეს ვინაპრადელ მიკიტან რამპას ემართებოდა, როცა მას ფულის სასესხებლად მიმართავდნენ.

ცოტა ხნის ფიქრის შემდეგ როტმისტრი იმ დასკვნამდე მივიდა, რომ ადამიანი, რომელიც თავის პოლკში მოსახვედრად დააღერს თავს და მთელ ქვეყნიერებას შემოივლის, აშკარა დეგენერატია, ამიტომ აიღო და, ულამაზესი კანცელარული სტილით მემანქანეს უკარნახა ქვემოთმოყვანილი ტექსტი:

ჩესკე ბუდეიოვიცეში დაბანაკებულ მისი უდიდებულესობის ოთხმოცდამეთერთმეტე პოლკის შტაბს

ამასთან ერთად გევზავნება დანართის სახით იოზეფ შვეიკი, რომელიც, მისი განცხადების საფუძველზე, არის ზემოხსენებული პოლკის რიგითი ჯარისკაცი და დაკავებულია, მისივე ჩვენებით, ჟანდარმების მიერ პისეცკის რაიონის პუტიშში დეზერტირობაში ექვის შიტანის ნიადაგზე. ზემოხსენებული იოზეფ შვეიკი ამტყობს, რომ მიდიოდა ზემოაღნიშნულ პოლკში. თქვენთან წარმოგზავნილი ტანდაბალია, სახის ნაკეთები ჩვეულებრივი აქვს, ცხვირი — ჩვეულებრივი, თვალეში — ცისფერი, განსაკუთრებული ნიშნები — არავითარი. დანართში გევზავნებათ ანგარიში ზემოხსენებულის სურსათით მომარაგებაზე, რაც, გთხოვთ, თავდაცვის სამინისტროს ანგარიშზე გადმორიცხოთ. უმორჩილესად გთხოვთ ასევე დაგვიდასტუროთ გადმოგზავნილის მიღება. დანართი CI-ში გევზავნებათ აგრეთვე სია სახაზინო ნივთებისა, რომლებიც აღმოაჩნდა დაკავებულ პირს დაკავების მომენტში, რომელთა მიღება თქვენს მიერ, გთხოვთ, ასევე დაგვიდასტუროთ.

პისეკიდან ბუდეიოვიცემდე მატარებლით მგზავრობაში დრომ

შეუმჩნევლად გაიზინა. შეეიკს ბადრაგად ახლდა ახალგაზრდა გამო-  
უცდელი ჟანდარმი, რომელიც თვალს არ აშორებდა პატიმარს და  
ძალიან ეშინოდა, არ გამეჩქესო. ერთი საშინელი საკითხი მოსვენე-  
ბას არ აძლევდა ჟანდარმს: „რალა ვქნა, საპირფარეშოში წასვლა რომ  
დამპირდეს მკირე ან დიდი ფიზიოლოგიური მოთხოვნილები. და-  
საკმაყოფილებლადო?“

საკითხი ასე გადაქრა: როცა ეს საჭირო იქნება, შეეიკსაც თან  
წაეიყვანო.

მთელი გზა, სადგურიდან ბუდეოვიცეს მარინის ყაზარმამდე  
ჟანდარმი გამუდმებით უთვალთვალებდა შეეიკს და ყოველთვის, რო-  
ცა ან მოსახვევს, ან გზაჯვარედინს მიუახლოვდებოდნენ, თითქოს  
სხვათა შორის ჩამოაგდებდა ლაპარაკს საბრძოლო ვაზნებზე, რომლე-  
ბიც ბადრაგას ეძლევა. ამის საპასუხოდ შეეიკი გამოთქვამდა თავის  
ღრმა რწმენას, რომ არც ერთი ჟანდარმი თავს ნებას არ მისცემს  
ისროლოს შუა ქუჩაში, რადგან სულ ადვილად შეიძლება უბედუ-  
რება დატრიალდესო.

ჟანდარმი ამაზე ეკამათებოდა, და ვერც კი შეამჩნიეს, ყაზარმა-  
დე როგორ მივიდნენ.

პორუჩიკი ლუკაში უკვე მეორე დღე იყო, რაც ყაზარმაში მო-  
რიგობდა. იგი კანცელარიაში მაგიდას უჯდა და არავითარი წინათ-  
გრძნობა არ აწუხებდა, როცა მასთან შეეიკი მიიყვანეს და თანდარ-  
თული ქაღალდები ჩააბარეს.

— მაქვს პატივი მოგახსენოთ, პანე ობერ-ლეიტენანტ, მე ისევ  
აქა ვარ, — ზეიმურად განაცხადა შეეიკმა და ხელი აუღო სამხედრო  
სალამის მისაცემად.

ამ სცენის მოწმე პრაპორშჩიკი კოთიატკო იყო, რომელიც შემ-  
დეგში ჰყვებოდა, რომ, როგორც კი პორუჩიკმა შეეიკის ხმა გაიგონა,  
ერთი შეხედა, თავზე იტაცა ხელი და კოთიატკოს ხელებზე გადაეს-  
ვენა. როცა გონს მოიყვანეს, შეეიკმა, რომელიც კვლავ მხედრუ-  
ლად გაკიმული იდგა სამხედრო სალამით, კიდევ ერთხელ გაიმეორა:

— მაქვს პატივი მოგახსენოთ, პანე ობერ-ლეიტენანტ, მე ისევ  
აქა ვარ.

პორუჩიკმა ლუკაშმა, მთლად გაფითრებულმა, აკანკალებული  
ხელით აიღო თანდართული ქაღალდები, ხელი მოაწერა, უბრძანა  
ყველას, დაგვტოვეთო, ჟანდარმს უთხრა, ყველაფერი რიგზეაო, და  
შეეიკთან ერთად ჩაიკეტა კანცელარიაში.

ასე დასრულდა შეეიკის ბუდეოვიცეს ანაბაზისი. ექვს გარეშეა,  
შეეიკისთვის საქმე რომ არ გაეკირვებინათ და თავისუფალი მოგ-  
ზაურობის საშუალება მიეცათ, იგი თვითონვე მიაღწევდა ბუდე-



ოვიცემდე. სამსახურის ადგილზე მისი მიყვანა სახელმწიფო დაწესებულებებმა თავის დამსახურებად თუ ჩათვალეს, ეს უბრალოდ შეცდომაა გახლავთ. თუ მხედველობაში მივიღებთ შვეიცის ენერჯისა და მის დიდ სურვილს მიეღო ომში მონაწილეობა უნდა ითქვას, რომ ხელისუფლების ჩარევა ამ შემთხვევაში მხოლოდ ხელის შეშლა იყო, და მეტი არაფერი.

შვეიცი და პორუჩიკი ლუკაში ერთმანეთს უყურებდნენ. პორუჩიკის თვალებში იყო რისხვა, მუქარა და სასოწარკვეთილება. შვეიცი უყურებდა პორუჩიკს სიყვარულით აღსავსე ნაზი თვალებით, ვით დაკარგულ და კვლავ ნაპოვნი გულის სატრფოს.

კანცელარიაში სიწყინარე სუფევდა, ვით ეკლესიაში. ისმოდა მხოლოდ, დერეფანში როგორ დადიოდა ვილაც წინ და უკან. რომელიც კეთილსინდისიერი ნებივრანწესებული, რომელიც სურდოს გამო, — ეს ხმაზე ეტყობოდა, — სამეცადინოდ არ გასულიყო, ცხვირში დუღუნით ზუთხავდა: „როგორ უნდა დავხვდეთ უავგუსტოვის ოჯახის წევრებს, როცა ისინი ციხე-სიმაგრეს ესტუმრებიან“. მკაფიოდ ისმოდა სიტყვები: „Sobald die höchste Herrschaft in der Nähe der Festung anlangt, ist das Geschütz auf allen Bastionen

und werken abzufeurn, der Platzmajor empfängt dicelbe mit dem Degen in der Hand zu Pferde, und reitet. sodann vor“<sup>1</sup>.

— ხმა ჩაიწყვიტეთ, თქვენ ჰეი, მანდი — გასძახა პორუჩიკმა დერეფანში. — გაეთრიეთ მაქედან! თუ სიცხე გაქვთ და აბოღებთ, ლოგინში ეგლეთ.

ბეჯითი ნებითგანწყესებული განერიდა კანცელარიას და ახლა დერეფნის ბოლოდან ეხოხავით ისმოდა მისი დუღუნი: In dem Augenblicke, als der Kommandant salutiert, ist das Abfuern des geschützes zu wieder holen, welches bei dem Absteigen der höchsten Herrschaft zum drittenmale zu geschehen hat.“<sup>2</sup>

პორუჩიკი და შვეიცი კვლავ მდუმარედ უყურებდნენ ერთმანეთს, სანამ, ბოლოს, პორუჩიკმა მწარე ირონიის კილოთი არ წარმოთქვა:

— კეთილი იყოს, შვეიკ, თქვენი მობრძანება ჩესკე ბუდეიოვიცეში ვისაც ჩამოხრჩობა უწერია, ის არ დაიხრჩვება. ორდერი თქვენს დაპატიმრებაზე უკვე გამოწერილია, და ხვალ პატაკით პოლკში გამოცხადდებით. თქვენი გულისთვის ძარღვებს არ მოვიშლი. მეყო, რაც მაწამეთ. ჩემი მოთმინების ფიალა აივსო. გასაოცარია, ანკი ამდენ ხანს როგორ გავძელი ასეთი იდიოტის გვერდით!

პორუჩიკმა ბოლთას ცემა დაიწყო კანცელარიაში:

— არა, ეს პირდაპირ საშინელებაა! მიკვირს, რატომ აქამდე ტყვიით არ გაგიხვრიტეთ ეგ გოგრა. რას მიზამდნენ ამის გულისთვის? არაფერს. გამამართლებდნენ, დიახ, უთუოდ გამამართლებდნენ. გასაგებია?

— სწორია, პანე პორუჩიკ, სავსებით გასაგებია.

— მოეშვით თქვენს იდიოტურ ოინებს, თორემ მართლა თავს წააგებთ! ახლა უკვე საკადრისად გასწავლიან ჭკუას. თქვენმა სისულელეებმა ყოველგვარ საზღვარს გადააბიჯა და აფეთქებაც გამოიწვია.

პორუჩიკმა ლუკაშმა ხელები მოიფშენიტა:


— ახლა კი დადგა თქვენი აღსასრულის ქამი!

პორუჩიკი ლუკაში მივიდა მაგიდასთან, დაწერა ქაღალდის თაბახზე რამდენიმე სტრიქონი, გამოუძახა მორიგეს და უბრძანა —

<sup>1</sup> როგორც კი უმაღლესი პირნი სიმაგრის მახლობლად გამოჩნდებიან, ყველა ბასტიონისა და გამაგრებული ადგილების ზარბაზნებიდან მისცემენ სალუტს. სიმაგრის კომენდანტი ცხენზე ზის და წინ მიდის გაშიშვლებული ხმლით მათ შესაგებებლად.

<sup>2</sup> იმ მომენტში, როცა კომენდანტი ხმლით სამხედრო სალამს მისცემს უმაღლეს პირთ, გაისმის მეორე სალუტი; როცა უმაღლესი პირნი სიმაგრის ტერიტორიაზე შედგამენ ფეხს მესამედ გაისმის სალუტი (გერმ.).





შვეიცი პროფოსთან \* წაიყვანეთ, პროფოსს კი ეს ქალაღი გადა-  
ეცითო.

შვეიცი ეზოთი გაატარეს. პორუჩიკი დაუფარავი სიხარულით  
უყურებდა, როგორ გაიღო კარი, რომელზეც მიკრული იყო შვე-  
ციეთელი ფირფიტა წარწერით: „Regimentsarrest“<sup>1</sup>, როგორ მიე-  
ფარა შვეიცი თვალს ამ კარს უკან და ერთი წუთის შემდეგ იქიდან  
მარტო პროფოსი როგორ გამოვიდა.

— მადლობა ღმერთს, — გაიფიქრა და ხმამაღლა წარმოთქვა  
პორუჩიკმა. — ბოლოს, როგორც იქნა, იგი იქაა!

მარიანის ყაზარმების ბნელ ჯურღმულში, სადაც შვეიცი შეაგ-  
დეს, მას გულითადი მისალმებით შეეგება ჩალის ნაალზე წამოწო-  
ლილი ჩასუქებული ნებიზგანწესებული, რომელიც აქ აგერ მეორე  
დღე იყო მარტოდმარტო იჯდა და საშინლად მოწყენილად გრძნობ-  
და თავს. შვეიკის შეკითხვაზე, რისთვის ჩაგვებსო, ნებიზგანწესე-  
ბულმა უპასუხა, სულ უბრალო საქმისთვისო. ღამით მოედანზე რო-  
მელიდაც შენობის დერეფნის ქვეშ სიმთვრალეში შემთხვევით კი-  
სერში წავუტიალე ერთ არტილერიის პორუჩიკს, უფრო სწორად

<sup>1</sup> პოლკის საპატიშრო (გერმ.)

რომ თქვას კაცმა, კისერში კი არ წავარტყი, ქუდი წავაძვრე თავზე და გადავუგდე. ეს ასე მოხდა: არტილერიის პორუჩიკი ღამით დერეფნის ქვეშ იდგა და, ჩანს, მეძვე ქალებზე ნადირობდა. ჩემკენ ზურგით იდგა და იგი ჩემი ნაცნობი — ნებითგანწყესებული ფრანტიშკა მატერნი მეგონა.

— ზუსტად ისეთივე ნაღვეა, ჩია ტანის კაცია, — უამბობდა იგი შვეიკს. — მივეპარე ჩუმად უკნიდან, გადავუგდე ქუდი და ვეუბნებო: „გამარჯობა, ფრანტა!“ ამ ხეპრემ კი სტვენა ასტეხა. პოდა, მოვიდა პატრული და წამიყვანა. ადვილი შესაძლებელია, — დაუშვა ნებითგანწყესებულმა, — შემთხვევით ერთი-ორი კიდეც მოხვდა კისერში, მაგრამ საქმის ვითარებას ეს არ ცვლის, რადგან აქ აშკარად ჩანს, რომ შეცდომა იყო დაშვებული. იგი არ უარყოფს, რომ მე ვთქვი: „გამარჯობა, ფრანტა!“ მას კი ანტონი ჰქვია. ნათელი საქმეა. ერთადერთი, რაც მე ზიანს მომიტანს, ეს ის არის, რომ ჰოსპიტლიდან ვარ გამოქცეული, ამას კიდეც ერთი ხათაბალა ემატება, ვაითუ გამოაშკარავდა „ავადმყოფთა წიგნის“ ამბავი... როცა ჯარში გამიწვიეს, წინასწარ დაეიქირავე ოთახი აქ, ბუდეიოვიცეში, და ვცდილობდი რევმატიზმი შემეყოდა. სამჯერ ზედიზედ გამოვთვეარი, მთერალი ქალაქგარეთ მივდიოდი, ვწვებოდი თხრილში წვიმის ქვეშ, ჩექმებს ვიხდიდი. მაგრამ ვერაფერს მივალწიე. მერე მთელი კვირა ზამთარში ღამღამობით მალიშეში \* დავდიოდი საბანაოდ, მაგრამ სულ სხვა რამეს მივალწიე: ისე გაკაედა, ძმაო, ჩემი სხეული, რომ შემდეგში მთელი ღამეები გარეთ მეძინა ხოლმე თოვლში, და როცა დილით შინაურები მალვიძებდნენ, ფეხები ისე თბილად მქონდა, თითქოს თექურა მეცვა. ანგინა მაინც შემეყოდა! არ შეგვკამოთ ჰირმა, არაფერი გამოდროდა! კიდეც მერტი: სულ უბრალო ათაშანგსაც კი ვერსად წავაწყდი. ყოველ ცისმარე დღეს „პორტ-არტურში“ დავდიოდი, ვილაც-ვილაცეებმა ჩემმა კოლეგებმა მოასწრეს სათესლე ჯირკვლების ანთების მიღება, მათ ოპერაცია გაუკეთეს, მე კი იმუნიტეტი მქონდა. არაფერი მეკარებოდა. ბედი არა მაქვს, ჩემო ძმაო! ბოლოს, ერთხელ როგორღაც „უ რუჟეში“ გავეცანი ერთ ჰლუბოკელ ხეიბარს. მან მითხრა, კვირას შემოიარეთ ჩემთან ბინაზე სტუმრადო, და მარწმუნებდა, მეორე დღესვე ფეხები რუმბებივით გექნებოდა. შინ შპრიცი და ნემსი ჰქონდა კანქვეშ შესაშხაპუნებლად. და მართლაც, ჰლუბოკადან შინ ძლივ-ძლივობით მივალწიე. არ მიმტყუნა, იმ მამაცხონებულმა, ამრიგად, როგორც იქნა, შევიძინე კუნთების რევმატიზმი. უმალ ჰოსპიტალში ამოვყავი თავი — და საქმე გაიჩარხა! მერე ბედმა კიდეც ერთხელ გამიღიმა: ეიჟოკოვედან ბუდეიოვიცეს ჰოსპიტალში გადმოიყვანეს ჩემი ნათესავი ექიმი მასაკი. მას უნდა ვუმაღლოდე, რომ ასე

დიდხანს დაერჩი ჰოსპიტალში. შეიძლებოდა, ასედაც შეერჩენოდი ჰოსპიტალს სამხედრო სამსახურიდან განთავისუფლებამდე, რომ თვითონ არ ჩამეფუშა ასე აწყობილი საქმე ამ ბედშავი „Krankenbuch-ით“.<sup>1</sup> შესანიშნავი ოინი კი მოვაწყვე: გამოვქებნე ევებერთელა კანტორის დაეთარი, გადავაწებე ქალაღლის ნაქერი და გულმოდგინედ დავაწერე: „Krankenbuch des 91 Reg.“, შევიტანე შიგ რუბრიკა და ყოველივე დანარჩენი, რაც საჭიროა. ამ წიგნში შემქონდა გამოგონილი სახელები, დაავადების სახე, ტემპერატურა. ყოველდღე ექიმის შემოვლის შემდეგ, მე თავხედურად ამოვიჩრიდი იღლიაში ამ წიგნს და მიედლიოდი სააეადმყოფოდან. ჰიშკართან ყოველთვის ძველი მოლაშქრეები მორიგეობდნენ, ასე რომ ამ მხრიაეაც დაზღვეული ვიყავი: დავანახებდი წიგნს, ისინი კიღვე ხელს ამიღებდნენ სამხედრო საღამისთვის. ჩვეულებრივ მე მიედლიოდი საბეგრო სამმართველოს ერთ ნაცნობ მოხელესთან, სამხედრო ტანისამოსს ვიცვლიდი სამოქალაქოზე და საღუდესკენ გავუტევედი. იქ, ჩემს ძმა-ბიჭებში „არაკეთილსაიმედო“ მუსაიფით ვერთობოდი. მალე იმდენად თავს გამივიდა, რომ ტანისამოსსაც აღარ ვიცვლიდი, სრულ სამხედრო ფორმაში დავდიოდი ქალაქში და ტრაქტირებში. ჰოსპიტალში, ჩემს საწოლს ვუბრუნდებოდი მხოლოდ გამთენიის ხანს. ღამით თუ პატრული გამაჩერებდა, საკმარისი იყო ოთხმოცდამეთერთმეტე პოლკის „Krankenbuch“ მეჩვენებინა, მეტი არაფერი იყო საჭირო, კაციშვილი არაფერს მეკითხებოდა. ჰიშკართან ისევე, უსიტყვოდ, ვაჩვენებდი წიგნს და ყოველთვის უხათაბალოდ ვალწევდი ჩემს საწოლამდე... იმდენად გავთავხედდი, ჩემო ძმაო, რომ მეგონა კაცი ხელს არ მახლებდა, სანამ ის საბედისწერო შეეცდომა არ მოხდა ღამით მოედანზე იმ დერეფნის ქვეშ. ამ შეეცდომამ ნათლად დამიმტკიცა, რომ ყველა ხეს არ უწერია ცის თაღამდე აშოლტვა. სიამაყე რომ შეიპყრობს ადამიანს, ეს მისი დაცემის მომასწავებელია. რა არის სახელი და დიდება? კვამლი. იკაროსმაც კი დაიწვა ფრთები. ადამიანს სურს გიგანტი იყოს, ნამდვილად კი ნეხვია. ასეა, ჩემო ძმაო! სხვა დროს ეს კარგი გაკვეთილი იქნება ჩემთვის, რომ შემთხვევითობას არ დავენდო, და ამიერიდან გამუდმებით დღეში ორჯერ—დილით და საღამოთი— თავპირში ვიცემ და ვიმეორებ: სიფრთხილე არასდროს ზედმეტი არაა, ზედმეტობა კი მავნებელია. აღვირახსნილი ღრეობისა და დროსტარების შემდეგ ყოველთვის მორალური ნამთერალობის პერიოდი დგება. ეს, ჩემო ძმაო, ბუნების კანონია. პირდაპირ ვერ მი-

1. საავადმყოფოს წიგნი (გერმ.)

პატრებია ჩემი თავისთვის, რომ ჩემივე საქმე მე გავიფუჭე! მე ახლა უკვე შემეძლო ვყოფილიყავი „Felddienstunfähig“<sup>1</sup>, ასეთი პროტექციის პატრონის სადმე სამხედრო ნაწილების შემეგები შტაბის კანცელარიაში ვიქნებოდი არხეინად... მაგრამ რაც მოგივა დავითაო, ყველა შენი თავითაო, ნათქვამია, საკუთარმა გაუფრთხილებლობამ გამოძლო სარმა.

თავისი აღსარება ნებითგანწყვებულმა ზეიმურად დაამთავრა:

— კართაგენიც დაემხო, ნინევიასგან ნანგრევებილა დარჩა, ჩემო კარგო, მაგრამ არა უშავს რა — ასწი მალლა თავი! ტყუილად ნუ იფიქრებენ, რომ, თუ ფრონტზე გამგზავნიან, თუნდაც ერთ ტყვიას გავისერი. „Regimentsraport“<sup>2</sup> სკოლიდან გარიცხვა გაუმარჯო! მისი იმპერატორობისა და ხელმწიფობის უდიდებულესობა კრეტინიზმს! როგორ გგონია, სკოლაში ჩავუჯდები და კირკიტს დავუწყებ საგნებს, გამოცდები რომ ჩაებაბრო? კადეტი, იუნკერი, პოდპორუჩიკი, მერე პორუჩიკი... მიმიფურთხებია ყველასთვის! *Offiziersschule! Behandlung jener schüler derselben welche einen Jahrgang repetieren müssen!*<sup>3</sup>

მთელ არმიას დამბლა აქვს დაცემული! რომელ მხარეზე ატარებენ შაშხანას: მარცხენაზე თუ მარჯვენაზე? რამდენი ვარსკვლავი აქვს კაპრალს? *Evidenzhaltung Militärreservemänner! Himmelherrgott!*<sup>4</sup> მოსაწევი არა გაქვს, ამხანაგო! გინდათ, გასწავლით ჭერში ფურთხებას? აი, უყურეთ, როგორ კეთდება ეს. სანამ ააფურთხებდეთ ჭერში, რამე ჩაიფიქრეთ და ყველაფერი აგისრულდებათ. ლუდი გიყვართ? შემეძლია შემოგთავაზოთ შესანიშნავი წყალი, აი იქ, დოქშია. თუ გინდათ გემრიელად ისადილოთ, გირჩევთ წახვიდეთ „მეზჩანსკა ბესედაში“<sup>5</sup>. გარდა ამისა, მოწყენილობას რომ თავი გაართვათ, გირჩევთ ხელი მოკიდოთ ლექსების შეთხზვას. მე აქ უკვე მთელი ეპოპეა შევთხზე:

შინ თუ არი პროფოსი? მაგრად ჩასძინებია,  
სანამ არ დაესხმიან თავს ვერაგი მტრებია.  
მაშინ კი წამოდგება, უმაღ, ღამენათევი,  
მისი აზრი და ფიქრი ცხადია და ნათელი:  
მას მტრის არ ეშინია, გაქცევას არ იკადრებს,

1 უვარგისი სამწყობრო სამსახურისთვის (გერმ.)

2 პოლკის პატაკი. (გერმ.)

3 სამხედრო სასწავლებლისი მეცადინეობა მეორე წელს დარჩენილ მოსწავლეებთან (გერმ.)

4 სათადარიგო ნაწილის ოფიცერთა შემადგენლობის აღრიცხვა დალაზეროს ეშაკმაი (გერმ.)

მტერს შეუტევს, ააგებს ეეება ბარიკადებს, —  
 ალობილ-ბალობილად ტახტებით და მერხებით,  
 თან სიძღერას დასძახებს ავსტრიის მეფის ქებით:  
 „მტერი სულ გაეშაოთ, —  
 იმპერატორს ვაშაო!“

— ხედავთ, ამხანაგო, — განაგრძო ჩასუქებულმა ნებითგანწე-  
 სებულმა, — თქვენ კი ამბობთ, რომ უკვე დაკარგა ყოველი პატი-  
 ვისცემა ხალხში ჩვენმა საყვარელმა მონარქიამ. პატიმარი, რომელ-  
 საც თამბაქოს ერთი მოქაჩვა სიცოცხლედ უღირს და რომელსაც  
 ხვალ პოლკის პატაკი ელოდება, წარმოგვიდგენს ტახტისადმი ერთ-  
 გულების უშესანიშნავეს მაგალითს და მთელ ოდებს უთხზავს  
 ერთიან და განუყოფელ სამშობლოს, რომელსაც სულ კუდით ქვას  
 ასროლინებენ ფრონტზე. პატიმარს თავისუფლება აღუკვეთეს, მაგ-  
 რამ მის ბაგეთაგან გაისმის იმპერატორისადმი უსაზღვრო ერთგუ-  
 ლების მლაღადებელი სიტყვები. *Morituri te salutant, Caesar!*“ \*  
 სასიკვდილოდ განწირულნი გესალმებიან შენ, კეისარი პროფოსი  
 კი ნაგავია. რა გვეთქმის, კარგი მსახური გვყავს, კარგი მოუვიდა  
 მაგის ცხვირს! გუშინწინ ხუთი კრონი მივეცი, ერთი, თუ კაცი  
 ხარ, სიგარეტები მამიტანე-თქო, მან კი, ძალღიშვილმა, ამ დილით  
 განმიცხადა, აქ მოწვევის უფლება არა გაქვს, შენი გულისთვის უსია-  
 მოვნება შემხვდებაო. იმ ხუთ კრონს კი, ახლა ჯამაგირს რომ  
 ავიღებ, დაგიბრუნებო. დიახ, ამხანაგო, ახლა არავისი და არაფრის  
 ნდობა არ შეიძლება. მორალის საუკეთესო პრინციპები დამახინ-  
 ჯებულაია. პატიმრის გაქურდვა ვის გაუგონია, ა? და ეს ვაებატონი  
 ამის შემდეგ ურცხვად მღერის მთელი დღე: „*Wo man Singt, da  
 leg' dich sicher nieder, böse Leute haben keine Lieder!*“<sup>1</sup> აი გაი-  
 ძვერა, არამზადა, წუნკალი, მატყუარა!

ამს შემდეგ ნებითგანწესებულმა შეეიქს გამოკითხა, შენ რაღა-  
 ში გეღება ბრალიო.

— შენს პოლკს ეძებდი? — შეეკითხა ნებითგანწესებული. —  
 არა უშავს, კარგი ტურნეა. ტაბორი — მილევსკო — კვეტოვი —  
 ვრაჟი — მალჩინი — ჩიჟოვა — სედლეცი — პორაჟდივეცი — რადო-  
 მიშლი — პუტიმი — შტეკნო — სტრაკონიცი — ვოლინი — დუბა  
 — ვოდნიანი — პროტივენნი — პუტიმი — პისეკი — ბუდეიოვიცი...

<sup>1</sup> სადაც მღერიათ — დაწევი და იმინე მშვიდად, ვინც მღერის, არის კაცი  
 ღირსეული. (გერმ.)

ეკლიანი გზაა ხვალ თქვენც უნდა წარდგეთ პატაკზე პოლკოვნიკ-თან? ო, ჩემო საყვარელო ძმაო! ჩვენ ერთმანეთს შევხვდებით დასჯის ადგილზე! ხვალ ჩვენი პოლკოვნიკი დიდად ნასიამოვნები დარჩება. თქვენ ვერც კი წარმოიდგენთ, თუ როგორ მოქმედობს მასზე პოლკის ამბები. დაძრწის მთელ ეზოში პატრონდაკარგულ ქოფაკივით, აქეთ-იქით აწყდება ენაგადმოგდებული, ჩამღრძვალე ჭაკი ცხენივით. ახლა არ იკითხავთ მის გაფრთხილებებს, ბრტყელ-ბრტყელ სიტყვებს! თან იფურთხება დორბლიანი აქლემივით. მის ლაპარაკს დასასრული არ უჩანს. და გეგონებათ აი, საცაა მის ღრიალისგან მარიანის ყაზარმის კედლები ჩამოინგრევია. კარგად ვიცნობ, რა ფრინველიც ბრძანდება, პატაკით ვყოფილვარ მასთან. გაწვევაზე მაღალყელიანი ჩექმებითა და ცილინდრით გამოვცხადდი, და იმის გამო, რომ მკერავმა სამხედრო ფორმის შეკერვა ვერ მომისწრო, სასწავლო მოედანზეც ამ სახით მივედი. დავდექი მარცხენა ფრთაზე და სხვებთან ერთად მივაბიჯებდი მწყობრში, პოლკოვნიკმა შრედერმა ცხენი ზედ ჩემზე მოაგდო, კინალამ წამაქცია. „Was machen Sie hier, Sie zivilist!“<sup>1</sup> ისე მაგრად დამიღრიალა, რომ ალბათ შუშავაზე \* ისმოდა მისი ღრიალი. მე თავაზიანად ვუპასუხე, ნებითგანწესებული ვარ და სამეცადინოდ მოვედომეთქი. ერთი უნდა გენახათ მაშინ! ნახევარი საათი ყბედობას მოანდომა და მხოლოდ მერე შეამჩნია, რომ სამხედრო სალამისთვის ხელი მიდებული მქონდა ცილინდრზე. ამაზე საშინლად აყვირდა, ხვალ პოლკის პატაკზე გამოცხადდებით ჩემთანო, და გიჟივით გააქენა ცხენი, კაცმა არ იცის — სად, ველური მხედარივით თვალის დახამხამებაზე გაჰქრა, მერე ისევ მოვარდა უკან, ისევ მორთო ღრიალი, ცოფიანივით აბრიალებდა თვალებს და მკერდზე იცემდა მუშტებს, ბრძანა, ახლავე აქედან მომამორეთ ეს ვიღაც ოხერია, ნაობახტში ჩასვითო. პოლკის პატაკზე თოთხმეტი დღით შევებულე ჩამომართვა, ცეიხპაუზიდან რაღაც ძონძები მოატანინა და ის ჩამაცვეს, თან დამემუქრა — მაგ ნიშნებს მოგხსნითო. „ნებითგანწესებული — ეს ხომ რაღაც ამაღლებულია, დიდების, სამხედრო ღირსების ემბრიონია, გმირი! — ღრიალებდა ეს ყუყუჩი პოლკოვნიკი. — ნებითგანწესებული — გვარად ვოლტატი, რომელსაც გამოცდების შემდეგ კაპრალობა მიანიჭეს, თავის ნებით წავიდა ფრონტზე და თხუთმეტი კაცი დაატყვევა. იმ დროს, როცა ისინი

1 შენ, ჰეი, დოყლაბიავი აქ რას აკეთებ? (გერმ.)



მოყავდა, ხელუშვებარა მოხვდა და ნაკუწ-ნაკუწად აქცია. და მერე? ხუთი წუთის შემდეგ მოვიდა ბრძანება ვოლტატისთვის უმცროსი ოფიცრის სახელწოდება მიენიჭებინათ! აი თქვენც რომ ასეთი ბრწყინვალე მომავალი გელოდებოდეთ: დაწინაურება და წარჩინება. თქვენი სახელი პოლკის ოქროს წიგნში იქნებოდა შეტანილი! — ნებითგანწესებულმა გადააფურთხა. — აი, ჩემო ძმაო, რა ვირები იბადებიან ამქვეყნად. მიმიფურთხებია მათი ნიშნებისთვის და ყველა ისეთ პრივილეგიაზე, როცა, მაგალითად, ასე მეტყვიან: „თქვენ, ნებითგანწესებულო, — ვირი ხართ.“ დააკვირდით, რა ლამაზად ჟღერს ასეთი გამოთქმა: „თქვენ ვირი ხართ“ ნაცვლად უხეში თქმისა: „შენ ვირი ხარ“, სიკვდილის შემდეგ კი შეგამკობენ *Signum laudis* \* ან დიდი ვერცხლის მედლით. ასეთები არიან მისი იმპერატორობისა და ხელმწიფობისათვის ადამიანთა გვაგების მიმწოდებელნი — ვარსკვლავებიანი თუ უვარსკვლავონი ხარი რომ ხარია, ძიც კი ჩემსა და თქვენზე ბედნიერია. მას სიცოცხლეს გამოასალმებენ ერთბაშად, და წინასწარ არ ათრევენ საველე მეცადინეობაზე და სასროლო მოედანზე. — სქელ-სქელი ნებითგანწესებული მეორე ლეიბზე გადაგორდა და განაგრძო: — რა თქმა უნდა, ყოველივე ეს როდისმე გასკდება. მუდამ ასე არ შეიძლება იყოს. აბა, სცადეთ გაბეროთ გოჭი დიდებით — უქვეყლად გასკდება. თუ ფრონტზე წავედი, ჩვენს ვაგონზე აუცილებლად დაგაწერ:

ნაკელი სამი ტონა შტრის ყანებისთვის მოდის;  
ეს... ორმოცი კაცუნა ანდა რვა ცხენი მოდის.

გაილო კარი, შემოვიდა პროფოსი და შემოიტანა პურის მეოთხედი ულუფა ორივე ტუსალისთვის და ახალი წყალი.

ნებითგანწესებული არც კი წამოწეულა თავისი ლეიბიდან, ისე მიესალმა პროფოსს შემდეგი სიტყვებით:

— როგორი სიდიადე, როგორი დიდსულოვნებაა შენის მხრივ საპატიმროში გამომწყვდეულთა მონახულება, ო, წმიდაო აგნესა\* ოთხმოცდამეთერთმეტე პოლკისა! კეთილი იყოს შენი მობრძანება, სათნოების ანგელოზო, რომლის გული აღსაგნესა სიბრალულით! შენ დატვირთული ხარ საქმელ-სასმელით სავსე კალათებით, რამაც ნუგეში უნდა გვცეს ასეთ დღეში ჩავარდნილ უბედურ ადამიანებს! არასდროს ჩვენ არ დავივიწყებთ შენს დიდსულოვნებას. შენ — მზის სხივი ხარ, ჩვენს საპყრობილეში შემოჭრილი!

— პოლკოვნიკთან პატაკზე ლაზღანდარობის ხალისი დაგეკარგებათ, — აბუზღუნდა პროფოსი.

— ამას არ უყურებთ, როგორ აიფხორა, ეს უქნარა, ესა — შე-



უტია ნებითგანწესებულმა.—უკეთესი იქნება ის მითხრა, როგორ მოიქცეოდი ათი ჩემისთანა ნებითგანწესებული რომ გყოლოდა დასამწყვდევი? რა ბრძოლა სახე მიიღე, მარიანის ყაზარმების დარაჯო შენ ოცს დაამწყვდევი, მერე ათს გამოუშვებდი, შე საცოდავო თარია, შენაი შე რომ სამხედრო მინისტრი ვიყო, გაჩვენებდი, რას წარმოადგენს სამხედრო სამსახური ცნობილია თუ არა შენთვის, რომ დაცემის კუთხე უდრის არეკვლის კუთხეს? მხოლოდ ერთსა გთხოვ! მომეცი საყრდენი წერტილი და მთელს დედამიწას ავწევ შენიანად, შე ბაქია, შენა!

პროფოსმა თვალეზი გადმოკარკლა, მთლად აცახცახდა სიბრაზისგან, შეტრიალდა და კარების გაჯახუნებით საკანიდან გავიდა.

— პროფოსების თავიდან მოსაშორებელი ურთიერთდამხმარე საზოგადოება, — წარმოთქვა ნებითგანწესებულმა, თან პურს ანაწილებდა ორ თანასწორ ნატეხად. — დისციპლინარული წესდების მეთქვესმეტე პარაგრაფის თანახმად, პატიმრებს, განაჩენის გამოტანამდე, ეძლევათ ჯარისკაცის ულუფა, მაგრამ აქ, როგორც ჩანს, პრეზიდენტის კანონია გამეფებული: აბა მიდი, ვინ ვის მოასწრებს პატიმრის ულუფის შექმასო.

ორივენი ნაალზე ისხდნენ და ჯარისკაცურ პურს ღრნიდნენ.

— პროფოსის მაგალითზე საუკეთესოდ ჩანს, რარიგ გულქვას ხდის ადამიანს სამხედრო სამსახური, — განაახლა თავისი მსჯელობა ნებითგანწესებულმა. — ჩვენი პროფოსი, ექვს გარეშეა, სამხედრო სამსახურში გაწვევამდე იდეალებით აღსავსე ახალგაზრდა იყო. ეს იყო ქერთიანი ქერუბინი, ნაზი და მგრძნობიარე ყველას მიმართ, უბედურთა დამცველი, იგი თავის მხარეში, ალბათ, თავს გამოიღებდა ხოლმე გოგოს გულისთვის ხატობაზე გამართულ ჩხუბში. მას, უთუოდ, ყველა პატივსა სცემდა, ახლა კი... ღმერთო ჩემო! რა დიდი სიამოვნებით დავეულილავებდი ერთი მას ცხვირპირს, თავს დავეჩქვავდი და კისრამდე ფეხისადგილში ჩავაყურყურებულავებდი! და აი ესეც, ჩემო ძმაო, თავის მხრივ იმის მაჩვენებელია, რომ სამხედრო ხელობამ გააუხუნა ჩვენი ზნეობა.

მან დააღლინა:

მას ქაჯიე ვერ აშინებდა,  
მაგრამ შეხვდა ჯარისკაცი...

— ძვირფასო მეგობარო, — განაგრძო მან, — ყველაფერ ამას თუ ჩვენი საყვარელი მონარქიის მასშტაბებში დავაკვირდებით, აუცილებლად მივალთ იმ დასკვნამდე, რომ ეს ჩვენი მონარქია პუშკინის ბიძის \* დღეშია. პუშკინი წერდა, ბიძაჩემი ისეთი მძორია, რომ სულ იმას ვნატრობ,

ისევ გაისმა გასაღების ჩხარუნი კლიტეში, და პროფოსმა დერე-  
ფანში ნავთის ლამპა აანთო.

— სინათლის სხივი ბნელეთის სამეფოში — გასძახა ნებითგან-  
წესებულმა. — განათლება იჭრება არმიის რიგებში ღამე ნებისა,  
ბატონო პროფოსო! საღამო გადაეცით იქ ყველა უნტერს, გისურ-  
ვებთ სასიამოვნო სიზმრებში გაგეტარებინოთ ღამე. გისურვებთ,  
მაგალითად, დაგისიზმრებოდეთ, რომ მე თქვენ დამიბრუნეთ ხუთი  
კრონი, ის ფული, რომელიც სიგარეტების საყიდლად აღმოგვეცით  
და რომელიც შემოგვხარჯათ, ჩემს სადღეგრძელოებს რომ მიირთ-  
მევდით. ტბილი ძილი, შე ურჩხულო!

ამას მოჰყვა პროფოსის ბურტყუნის ხვალინდელი პოლკის პატაკის  
შესახებ.

— კვლავ მარტო დავრჩით, — თქვა ნებითგანწესებულმა. —  
დაძინების წინ რამდენიმე წუთს მიუძღვნი ლექციას იმის შესახებ,  
ყოველდღიურად როგორ ფართოვდება უნტერ-ოფიცრებისა და  
ოფიცრების ცოდნა ზოოლოგიის დარგში. ომისთვის საჭირო ახალი  
ცოცხალი მასალისა და მოაზროვნე საზარბაზნე ხორცის მოსაპოვებ-  
ლად აუცილებელია ბუნებისმეტყველების საფუძვლიანი ცოდნა ან  
იმ წიგნის გაცნობა, რომელსაც ეწოდება „ეკონომიური კეთილდღეო-  
ბის წყაროები“, გამოცემული კოჩიის \* მიერ. ამ წიგნის ყოველ  
გვერდზე გვხვდება სიტყვები, მაგალითად: პირუტყვი, გოჭები, ლო-  
რები. მაგრამ უკანასკნელ დროს ჩვენ ვამჩნევთ, რომ ჩვენს ყველაზე  
უფრო პროგრესულ სამხედრო წრეებში ფეხს იკიდებს ახალი სა-  
ხელწოდებანი ახალწვეულთათვის. მეთერთმეტე ასეულში კაპრალი  
ალტპოფი ხმარობს გამოთქმას „ენგადინის თხა“, ეფრეიტორი მიუ-  
ლერი, გერმანელი-მასწავლებელი კაშპერის მთებიდან, ახალწვეუ-  
ლებს „აყროლებულ ჩეხს“ უწოდებს, ფელდფეხელი ზონდერნუმე-  
რი კი — „ვირბაყაყებსა“ და „იორკშირის ქოსმენს“, და თვითვე  
ახალწვეულს ექაღნება, შენგან ფიტულს გავაკეთებო, ამასთანავე  
ისეთ სპეციალურ ცოდნას იჩენს ამ დარგში, თითქოს შთამომავლო-  
ბით თვითონ მეფიტულე იყოს. სამხედრო უფროსი შემადგენლობა  
ცდილობს ჯარისკაცებს ჩაუნერგოს სამშობლოს სიყვარული თა-  
ვისებური საშუალებებით, როგორცაა: ველური ღრიალი, ახალწვე-  
ულთა გარშემო ცეკვა, საომარი ყიყინი, რომელიც აფრიკის ველუ-  
რების ყიყინს მოგვაგონებს, როცა ისინი ეშხადებიან გაატყაონ უღა-  
ნაშაულო ანტილოპა, ანდა როცა სადილად შემონახულ რომელიმე  
მისიონერის ბარკლის შეწვას დააპირებენ. გერმანელებს ეს, რა თქმა

უნდა, არ ეხებათ. როცა ფელდფებელი ზონდერნუმერი ლაპარაკს ჩამოაგდებს „ლორების ხროვაზე“, იგი სასწრაფოდ დაუმატებს ხოლმე „die tschechische“,<sup>1</sup> რომ გერმანელებს არ ეწყინოთ და თავის თავზე არ მიიღონ. ამასთანავე მეორე ასეულის ყველა უნტერი ნადირივით ატრიალებს თვალებს, გეგონებათ თვითეულ მათგანს გაუმაძღარი ძალღივით პროვანსულ ზეთში დამბალი ღრუბელი გადაეყლაპოს და იხრჩობოდეს. ერთხელ ყური მოვკარი ეფრეიტორ მიულერისა და კაპრალ ალტჰოფის საუბარს მოლაშქრეებთან მეცადინეობის შესახებ. ამ საუბარში მეტწილად ისმოდა „ein paar ohrfeigen“<sup>2</sup>. პირველად მეგონა, ჩხუბი მოუვიდათ ერთმანეთში და არიქა გვეშველა. — ირღვევა გერმანელთა სამხედრო ერთიანობა-მეთქი, მაგრამ მწარედ მოვტყუედი. ლაპარაკი იყო მხოლოდ და მხოლოდ ჯარისკაცებზე. „ეთქვათ, რომელიმე ჩეხი ღორი, — ავტორიტეტულად არიგებდა კაპრალი ალტჰოფი ეფრეიტორ მიულერს, — ოცდაათჯერ თქმული „Nieder-ის“<sup>3</sup> შემდეგ ვერ ისწავლის ჩამოსხმული სანთელივით სწორად დგომას, ერთი-ორჯერ კბილებში ჩაცხება არაფერს უშველის. მუშტი უნდა ატაკო მუცელში, მეორე ხელით კი ქუდი ჩამოაფხატო ყურებამდე, უბრძანო „Kehrt euch!“<sup>4</sup> და როცა მიტრიალდება, პანლური ამოჰკრა. ნახავ მაშინ, ამის შემდეგ როგორ გამოიქიჩება, ფრონტში ჩაგიდგება ხოლმე და რამდენს იცინებს პრაპორშიჩი დაუერლინგი. სიტყვამ მოიტანა და გაიმბობთ, ამხანაგო, ამ პრაპორშიჩი დაუერლინგის შესახებ. მასზე პირველი ასეულის რეკრუტები ისეთ საოცარ ამბებს ჰყვებიან, როგორიც შეუძლია გაიმბობთ, მაგალითად, მხოლოდ მექსიკის საზღვრების მახლობელ ფერმაში ყველას მიერ მიტოვებულმა დედაბერმა სახელგავარდნილ მექსიკელ ყაჩაღზე: დაუერლინგს კაციჰამიას რეპუტაცია აქვს შექმნილი, ავსტრალიის იმ ტომებიდან გამოსული ანთროპოფაგისა, რომლებიც მათ ხელში ჩაეარდნილ სხვა ტომის ადამიანებს სჭამენ. მას ცხოვრების ბრწყინვალე გზა აქვს გამოვლილი. დაბადების შემდეგ სულ მალე იგი ხელიდან გაუვარდა ძიძას და პაწია კონრად დაუერლინგმა თავი გაიტეხა. ახლაც თავზე ამჩნევია კვალი, თითქოს კომეტა დაჯახებოდეს ჩრდილოეთ პოლუსს. არავის სჯეროდა, რომ მისგან კაცი დადგებოდა, რაკი ტვინის ასეთი შერყევა შეემთხვა. მარტო მამამისი, პოლკოვნიკი, არ კარგავდა იმედს და, პირიქით, ამტკიცებდა, რომ ასეთი უბრალო

1. ჩეხური (გერმ.)
2. ორიოდ სილის გაწნა (გერმ.)
3. დაწევი (გერმ.)
4. ზურგისაყენი (გერმ.)

რამ მას ვერაფერს დააკლებდა, ვინაიდან, თავისთავად იგულისხმება, ახალგაზრდა დაუერლინგი, როცა წამოიზრდება, სამხედრო სამსახურში შევაო. რეალური სასწავლებლის ოთხ კლასთან სასტიკი ბრძოლის შემდეგ, რომლებიც ექსტერნად გაიარა, მაგრამ თან ორი მასწავლებელი შეიწირა — პირველი შინა მასწავლებელი უდროოდ გაათეთრა და ჰკუპზე შეარყია, მეორე კი იქამდე მიიყვანა, რომ სასოწარკვეთილებისგან კინალამ ვენის წმიდა სტეფანეს კოშკიდან გადმოვარდა, ახალგაზრდა დაუერლინგი ჰეინბურგის იუნკერთა სასწავლებელში\* შევიდა. იუნკერთა სასწავლებლებში არასოდეს ყურადღებას არ აქცევდნენ მასში შემავალ ახალგაზრდების განათლების დონეს, ვინაიდან განათლება მეტწილად ზედმეტ ბარჯად ითვლებოდა ავსტრიის კადრის ოფიცრებისთვის. სამხედრო განათლების იდეალად სალდათობიას თამაშის ცოდნა ითვლებოდა. განათლება ადამიანის სულს აკეთილშობილებს, სამხედრო სამსახურში კი ეს საჭირო არ არის. ოფიცერი რაც უფრო უხეშია, მით უკეთესია. იუნკერთა სასწავლებლის მოსწავლე დაუერლინგი იმ საგნებშიც ვერ ასწრებდა, რომლებსაც სხვები ასე თუ ისე მაინც ითვისებდნენ. იუნკერთა სასწავლებელშიც შესამჩნევი იყო ის გარემოება, რომ დაუერლინგს ბავშვობისას თავი ჰქონდა გატეხილი. ამ უბედურებას ადასტურებდნენ დაუერლინგის პასუხები გამოცდებზე, რომლებიც კლასიკური სიბრიყვის ნიმუშებს წარმოადგენდნენ. მასწავლებლები მას სხვას არაფერს ეძახდნენ, გარდა „unser braver Trottel“<sup>1</sup>. მისი სიბრიყვე იმდენად თვალსაჩინო და უდავო იყო, რომ ყველა საფუძველი არსებობდა იმისა, რომ რამდენიმე ათეული წლის შემდეგ იგი მოხვდებოდა ტერეზიანის სამხედრო აკადემიაში ან სამხედრო სამინისტროში. ომმა რომ იფეთქა, ყველა იუნკერს პრაპორშჩიკობა მიანიჭეს. ჰეინბურგის იუნკერების სიაში, რომელთაც პრაპორშჩიკობა მიენიჭა, კონრად დაუერლინგიც მოხვდა. ასე გაჩნდა იგი ოთხმოცდამეთერთმეტე პოლკში.

ნებითგანწყესებულმა ცოტა შეისვენა და განაგრძო:

— სამხედრო სამინისტრომ გამოსცა წიგნი: „Drill oder Erziehung“,<sup>2</sup> რომელშიც დაუერლინგმა ამოიკითხა, რომ ჯარისკაცებზე უნდა იმოქმედო ტერორითო, და რაც უფრო ძლიერია ტერორი, მით უფრო მეტია წარმატებაცო. დაუერლინგმა თავის მოღვაწეობას ეს პრინციპი დაუდო საფუძველად და თვალსაჩინო შედეგსაც მიაღწია. მისი ღრიალი რომ არ მოესმინათ, ჯარისკაცები ჯგუფ-

<sup>1</sup> „ჩვენი აბდალი“ (გერმ.)

<sup>2</sup> სამხედრო წვრთნა ან აღზრდა (გერმ.)

ჯგუფად აძლევდნენ პატაკს ავადმყოფობის შესახებ, მაგრამ ამით ფონს ვერ გავიძენენ. ის, ვინც ავადმყოფობის პატაკს მისცემდა, სამი დღით „verscharrt“<sup>1</sup> ლებკლოდა. იცით თქვენ, რაა ნიშანს გაძლიერებული პატიმრობა? მთელი დღე სამეცადინო მოედანზე გაძინებულბენ, ღამით კი კარცერში გამწყვდევენ. ამრიგად, დაუერლინგის ასეულში ავადმყოფები სულ მთლად გადაშენდნენ. მისი ასეულის ავადმყოფები ყველანი კარცერში ისხდნენ. მეცადინეობის დროს დაუერლინგი იხარჩუნებს თავისუფალ ყაზარმულ ტონს; აწყებს სიტყვით „ლორი“ და ამთავრებს „უცნაური და გაუგებარი ზოოლოგიური ტერმინით „ლორული ძალი“. თუცა, უნდა ითქვას, რომ იგი ლიბერალია და თავის ჯარისკაცებს ამორჩევის უფლებას აძლევს. მაგალითად, იგი ეუბნება: „ამოირჩიე, შე ბედოვლათო: ან ცხვირპირში მიიღე, ან სამი დღით გაძლიერებულ პატიმრობას მოგისჯი! თუ ჯარისკაცი არჩევს სამდლიან გაძლიერებულ პატიმრობას, დაუერლინგი დამატებით ერთი ორჯერ კბილებში ჩაარტყამს მუშტს, თან განუმარტავს: „გეშინია, ლაჩარო, შენი დრუნჩი გენანება, მაშინ რაღას გააკეთებ, მძიმე არტილერია რომ ამოქმედდება?“ ერთხელ თვალი ჩაუღლილა ერთ რეკრუტს და ასე თქვა: „Pah, was für Geschichteu mit einem kerl, muss so wie so krepieren.“<sup>2</sup> იგივეს ამბობდა ფელდმარშალი კონრად ფონ ჰელტცენდორფი: \* Die Soldaten müssen so wie so krepieren“<sup>3</sup>. დაუერლინგს ამოჩემებული აქვს ერთი საშუალება, რომელსაც ყველაზე ქმედითად თვლის ჯარისკაცებთან ურთიერთობისთვის; ეს არის ლექცია, რომელსაც ჩებ-ჯარისკაცებს უმართავს; იგი უამბობს მათ ავსტრიის სამხედრო ამოცანებზე, უპირატესად ჩერდება ხოლმე სამხედრო სწავლების საერთო პრინციპებზე, ესე იგი დაწყებული შტანგლით\* და დამთავრებული დახვრეტით ან ჩამოხრჩობით. ზამთრის პირას, სანამ პოსპიტალში მოვხვდებოდი, სამეცადინოდ გაგვიყვანეს მოედანზე, მეთერთმეტე ასეულის მახლობლად. როცა დაუერლინგმა ბრძანა „თავისუფლად!“ ჩებ რეკრუტებს შემდეგი სიტყვით მიმართა:

— მე ვიცი, — თქვა მან, — რომ თქვენ ყველანი გაიძევრები ხართ და საჭიროა მაგ გოგრები სისულელეებისგან გაგითავისუფლოთ. თქვენი ჩებური ენით სახრჩობელამდეც ვერ მიადწევთ. ჩვენი უმაღლესი მთავარსარდალიც \* გერმანელია. გესმით? ეშმაკმა დაგლახვროთ, wieder!.

1 გაძლიერებული პატიმრობა (გერმ.).

2 ვაპ, ვითომ რა მოხდა. სულ ერთია ხომ მაინც უნდა ჩაყდეს (გერმ.).

3 საღლათები, სულ ერთია, მაინც უნდა ჩაყდნენ (გერმ.).

ყველა დაწვა, დაუერლინგმა დაიწყო მათ წინ სიარული და განაგრძო ლაქლაქი. ნაბრძანებია „დაწეკით“ — მაშ იწეკი. თუ გინდ სული გაგძვრეს ამ ტალახში, მაინც იწეკი. „დაწეკი“! — ასეთი ბრძანება ჯერ კიდევ ძველ რომაელებს ჰქონდათ. იმ დროს ჯარში იწვევდნენ ყველას ჩვიდმეტი წლიდან სამოც წლამდე და მთელი ოცდაათი წელიწადი სამხედრო სამსახურისა მინდორში ტარდებოდა. ყაზარმებში კი არ ეყარნენ ღორებივით. და ბრძანებების ენაც ერთი იყო მთელი ჯარისთვის. აბა ერთი ვინმეს გაებედა და ეტრუსების ენაზე ალაპარაკებულისა ბატონი ოფიცრები მას ვირის აბანოს უჩვენებდნენ. მეც მოვიტხოვ, რომ ყოველმა თქვენგანმა გერმანულად მიპასუხოს, და არა თქვენებურ ალთა-ბალთა ენაზე. ხედავთ, რა კარგად გრძნობთ თავს ტალახში. ახლა წარმოიდგინეთ, რომ რომელიმე თქვენგანს მოსწყინდა ტალახში გდება, და ფეხზე წამოდგა. როგორ მოვიქცეოდი მე ამ შემთხვევაში? ყბას მოვუქცევდი ცემით იმ ძაღლიშვილს, რადგან ეს იქნებოდა ამბოხება, ჯანყი, დაუმორჩილებლობა, ჯარისკაცის მიერ თავისი მოვალეობის უგულებელყოფა, წესდებისა და დისციპლინის დარღვევა, საერთოდ სამსახურებრივი განკარგულებების აბუჩად აგდება, საიდანაც გამომდინარეობს, რომ ასეთ გარეწარს თოკი და „*Verwirkung des Anspruches auf die Achtung der Standesgenossen*“<sup>1</sup> ელოდება.

ნებითგანწყესებული გაჩუმდა, მერე, ეტყობოდა, დუმილის დროს პოაგონდა ახალი თემა ყაზარმული ცხოვრებიდან და განაგრძო:

— ეს კაპიტან ადამიჩეკის დროს მოხდა. ადამიჩეკი მეტისმეტად პათიური ადამიანი იყო. კანცელარიაში იჯდა ხოლმე წყნარი შემოღილივით და სადღაც სივრცეში იცქირებოდა, თითქოს ამბობდა: „აჰა, დამეხვიეთ და შემქამეთ ბარემ, ბუზებო და ბუზანკალებო“. ბატალიონის პატაკის დროს, ღმერთმა უწყის, რას არ მოიფიქრებდა. ერთხელ ბატალიონის პატაკზე მასთან მეთერთმეტე ასეულის ჯარისკაცი მივიდა საჩივრით, პრაპორშჩიკმა დაუერლინგმა ქუჩაში სადამოთი ჩეხური ღორი მიწოდაო.

ომამდე ეს ჯარისკაცი ამკინძავი იყო, მუშა, რომელსაც შერჩენოდა ეროვნული ღირსების გრძნობა. „მაშ ასე... ასეთი საქმეებია, არა? — წყნარად წარმოთქვა კაპიტანმა ადამიჩეკმა (იგი ყოველთვის ძალზე წყნარად ლაპარაკობდა). — ეს გითხრათ სადამოთი, ქუჩაში? უნდა გამოირკვეს, ყაზარმიდან გასვლის ნებართვა თუ გქონდათ ამ დროს? Abtreten! 2.

1. მდგომარეობით თანასწორ მოქალაქეების პატივისცემის უფლების აყრა (გერმ.)

2. წადით! (გერმ.)

რამდენიმე ხნის შემდეგ კაპიტანმა ადამიჩეკმა გამოუძახა მომ-  
ჩივანს. „გამორკვეულია, — თქვა მან წყნარად, — რომ ამ დღეს  
თქვენ ნებართვა გქონდათ წასულიყავით ყაზარმიდან, სალამოს ათ  
საათამდე. მაშასადამე, თქვენ არ დაისჯებით... Abtreten! ამ დროი-  
დან, ძვირფასო ამხანაგო, კაპიტანი ადამიჩეკი სამართლიანი ადა-  
მიანის რეპუტაციით სარგებლობდა. მაგრამ იგი ფრონტზე გაგზავ-  
ნეს, მის ადგილას კი მაიორი ვენცელი დაგვინიშნეს. ეს კაცი პირ-  
დაპირ დამთხვეული ვინმეა ნაციონალური დეენის საკითხში და მან  
საბოლოოდ დაუწეწკა კუდი პრაპორშიკ დაუერლინგს.

მაიორს ცოლად ჩეხი ქალი ჰყავს და ძალიან ერიდება ნაციონა-  
ლური საკითხის ყოველგვარ გამწვავებას. რამდენიმე წლის წინათ,  
ჯერ კიდევ როცა კაპიტანი კუტნა პორაზე განლაგებულ ჯარის ნა-  
წილში იყო, მან სიმთვრალეში რესტორანში გამოლანძღა კელნერი  
და გაიძვერა ჩეხი უწოდა. (აღსანიშნავია, რომ მაიორი საზოგადოე-  
ბაში და შინ მხოლოდ და მხოლოდ ჩეხურად ლაპარაკობდა და მისი  
კუთხვილებიც ჩეხურ გიმნაზიებში სწავლობდნენ). ნათქვამია: „სიტ-  
ყვა ჩიტი როდია, გაფრინდეს და დაიჭირო.“ და ეს ეპიზოდი გაზეთ-  
ში მოხვდა, რომელიდაც დეპუტატმა კი შეკითხვა შეიტანა ვენის  
პარლამენტში მაიორ ვენცელის საქციელის შესახებ რესტორანში.  
ვენცელს არასასიამოვნო ისტორია შეემთხვა, რადგან სწორედ ამ  
დროს პარლამენტში უნდა დამტკიცებულიყო კანონპროექტი სამხედ-  
რო ვალდებულების \* შესახებ, და აი, ინებეთ! — ამბები კუტნა პო-  
რელი გაღეშილ კაპიტან ვენცელისა.

უფრო გვიან კაპიტანმა გაიგო, რომ მთელი ეს ამბავი მოწყობილი  
იყო თურმე ნებითგანწესებულებებისაგან დაწინაურებულ ერთ-ერთ  
პრაპორშიკ ზიტკოს მიერ. მას გაუგზავნია შენიშვნა გაზეთში. ზიტ-  
კოს კაპიტან ვენცელთან თავისი ანგარიშები ჰქონდა ჯერ კიდევ იმ  
დროიდან, როცა ერთხელ საზოგადოებაში, თვით კაპიტანი ვენცელის  
თანდასწრებით, ზიტკო შეუდგა მსჯელობას: საკმარისიაო, — თქვა  
მან, — შეხედოთ ამ ქვეყნიერებას, დატყბეთ ღრუბელთა ქულების  
ცქერით ცისკიდურზე, თვალი შეავლოთ ცადაწვდილ ბუმბერაზ  
ძოებს, ყური მიუგდოთ ტყის ჩანჩქერის გუგუნს, ფრინველთა  
ჟღერტულს, და უნებლიეთ გაიფიქრებთ: რას წარმოადგენს ვილაც  
კაპიტანი ბუნების ამ სიდიადესთან შედარებით? იგი ისეთივე ნულია,  
როგორც, მაგალითად, ყოველი ჩვეულებრივი პრაპორშიკი“.

ოფიცრები სიმთვრალისაგან ფეხზე ძლივს იდგნენ, მთვრალი იყო  
კაპიტანი ვენცელიც, და იგი გაიწია საწყალი ფილოსოფოსის ზიტ-

კოს საცემად. ამის შემდეგ მათი მტრობა იზრდებოდა, და კაპიტანი ვენცელი ყოველთვის შურს იძიებდა ზიტკოზე, საცა კი მიასწრებდა, მით უმეტეს, რომ პრაპორშჩიკის გამოთქმა ქვეყნის სალაპარაკოდ გახდა. „თუ რას წარმოადგენდა კაპიტანი ვენცელი ბუნების სიდიადესთან შედარებით“ — ეს მთელმა კუტნა პორამ იცოდა. „მე იმ გაიძვერას თვითმკვლელობამდე მივიყვან“, — იტყოდა ხოლმე კაპიტანი ვენცელი. მაგრამ ზიტკო სამხედრო სამსახურიდან გავიდა და განაგრძო თავისი ფილოსოფოსობა. ამ დროიდან მოყოლებული მაიორი ვენცელი ყველა უმცროსი ოფიცრის ობტში მოდის. იუნკრებსა და პრაპორშჩიკებზე ხომ ლაპარაკიც ზედმეტია. „ბაღლინჯოსავით გავსრეს!“ — ასეთი თქმა უყვარს მაიორ ვენცელს, და ვაი იმ პრაპორშჩიკს, რომელიც უბრალო საქმისთვის ბატალიონის პატაკზე წარადგენს ჯარისკაცს. მხოლოდ განსაკუთრებული და მძიმე მდგომარეობა ექვემდებარება მის განხილვას, მაგალითად, თუ ჯარისკაცს თოფის წამლის საწყობთან საგუშაგოზე დაეძინება, ანდა თუ უფრო საშინელ დანაშაულს ჩაიდენს, — ვთქვათ, ღამით შეეცდება მარიანის ყაზარმების ირგვლივ შემოვლებულ ქვის კედელზე გადაბრომას და კედლის თავზე დაეძინება, სადაც იგი არტილერიისტებს ანდა მოლაშქრეთა პატრულს ჩაუუვარდება ბრჭყალებში—ერთი სიტყვით, პოლკის ღირსებას თავლავს დაასხამს. მე ერთხელ გავიგონე, დერეფანში როგორ ღრიალებდა მაიორი ვენცელი: „ოჰ, ღმერთო ჩემო! მესამედ იჭერს მას მოლაშქრეთა პატრული. დაუყოვნებლივ ჩასვით ეგ ძაღლიშვილი კარცერში; ასეთები კინწისკერით უნდა გააგდიოთ პოლკიდან, წავიდეს და ალაღში ნეხვი ზიდოს. წინააღმდეგობაც კი არ გაუწია მათ, არ გაუძალიანდა. განა ეგ სალდათია? სალდათი კი არა, ქუჩებს უნდა ჰგვიდეს! ორი დღე საკმელი არ აღირსოთ. შეამწყვდიეთ განცალკევებულ საკანში და საბანი არ მისცეთ მაგ დოყლაპიას“.

ჰოდა, ამის შემდეგ წარმოიდგინეთ, ამხანაგო, ერთბაშად, როგორც კი მაიორი ვენცელი ჩვენთან გადმოიყვანეს, ამ ბოთე დაუერლინგმა აიღო და, მასთან ბატალიონის პატაკზე ერთი ჯარისკაცი წარადგინა იმისათვის, რომ მან თითქოს განზრახ სამხედრო სალაპი არ მისცა პრაპორშჩიკ დაუერლინგს, როცა იგი კვირას სადილის შემდეგ ეტლით ვილაც ქალიშვილთან ერთად მოედანზე მისეირნობდა. ბატალიონის კანცელარიის უფროსი გადამწერი დერეფანში გაიძურწა ქალაღდებიანად, მაიორი კი უყვიროდა დაუერლინგს: „ამის მსგავსი რამ აღარ გავიგონო! Himmeldonnerwetter! იცტო თუ არა თქვენ, პანე პრაპორშჩიკ, რა არის ბატალიონის პატა-

356.



კი? ბატალიონის პატაკი Schweinfest<sup>1</sup> არ გახლავთ. როგორ შეეძლო მას დაენახეთ, როცა თქვენ ეტლით მიდიოდით მოედანზე? ნუთუ აღარ გახსოვთ, რა გასწავლეს? სამხედრო სალაში მიეცემა ოფიცრებს, რომლებიც გზაში შემოგვეყრებათ, და ეს სრულებით იმას არ ნიშნავს, რომ ჯარისკაცმა ყვაევიით ატრიალოს თავი და ეძებოს პრაპორშჩიკი, რომელიც მოედანზე დასეირნობს. ხმა არ გავიგონო, გთხოვთ! ბატალიონის პატაკი სერიოზული საქმეა. თუ ჯარისკაცმა მოგახსენათ, რომ თქვენი დანახვა არ შეეძლო, რადგან ამ დროს სამხედრო სალამს მე მაძლევდა, ჩემკენ, ხომ გასაგებია, მაიორ ვენცელისკენ იყო მობრუნებული, და მაშასადამე მას არ შეეძლო იმავე დროს უკან, ეტლისკენ ცქერა, რომელშიც თქვენ ისხედით, ამიტომ მაგისტვის უნდა დაგეჯერებინათ. მომავალში, გთხოვთ, თავს ნუ მომაბეზრებთ ასეთი უბრალო რამეებით!”

ამის შემდეგ დაუერლინგი გამოიცვალა.

ნებითგანწყვებულმა დაამთქნარა:

— უნდა გამოვიძინო, ხვალ პოლკის პატაკი მომელის. მე მინდოდა ნაწილობრივ მაინც მომეწოდებინა ინფორმაცია ჩვენს პოლკში საქმეების მდგომარეობის შესახებ. პოლკოვნიკ შრედერს მაიორი ვენცელი არ უყვარს და საერთოდ დიდი უცნაური ვინმეა. კაპიტანი საგნერი, ნებითგანწყვებულთა სასწავლო ჯგუფის უფროსი, შრედერს ნამდვილ ჯარისკაცად თვლის, თუმცა პოლკოვნიკ შრედერს ცეცხლივით ეშინია ფრონტის. საგნერს — ამ გამოჯაგულ ადამიანს, შრედერივით არ უყვარს თადარიგის ოფიცრები და მათ სამოქალაქო მყრალას უწოდებს. ნებითგანწყვებულთ გარეულ ნადირად თვლის: ისინი სამხედრო მანქანებად უნდა ვაქციოთო, მივაკეროთ ვარსკვლავები და ფრონტზე ვუკრათ თავი, რომ იქ ტყვიით დაცხრილონ ნაცვლად კეთილშობილი კადრის ოფიცრებისა, რომლებიც სანაშენოდ უნდა დავიტოვოთო. ერთი სიტყვით, არმიაში ყველაფერს სიღამპლის სუნი ასდის, — დაასვენა ნებითგანწყვებულმა და საბანი წაიხურა. — მასებს ჯერ კიდევ თვალები არა აქვთ ახელილი, მხოლოდ გოცებისგან დაუქყეტიათ თვალები და არაერთარ წინააღმდეგობას არ უწევენ, როცა მათ ცხვრებივით ფრონტზე მიერეკებიან ყელის გამოსაღადრავად; მოხვდება თუ არა რომელიმეს ტყვია, მხოლოდ ერთს დაიკვნესებს: „ვაიმე დედაო“ — და შორია. ახლა გმირები აღარ არიან, არის მხოლოდ საკლავი საქონელი და ყასბები გენერალურ შტაბებში. მაგრამ დაგეცათ, მოხდება არე-

<sup>1</sup> ღორების დაკლოსადმი მიძღვნილი დღესასწაული (გერმ.)

დარევა. მაშინ ნახავთ ცემა-ტყეპასა და თმებით დათრევას! მაშ, გაუმარჯოს არმიას ღამე ნებისა!

ნებითგანწყესებული დაწყენარდა, მერე ისევ დაიწყა შფოთვა საბანქევო და, ბოლოს, იკითხა:

— გძინავთ, ამხანაგო?

— რაღაც არ შეძინება, — უპასუხა შევეიკმა თავისი საწოლიდან, — ვფიქრობ...


— რაზე ფიქრობთ, ამხანაგო?

— დიდი ვერცხლის მედალზე „მამაცობისთვის“, რომელიც ვაეროვის ქუჩაზე მცხოვრებმა ვინოპრადელმა ღურგალმა, გვარად მლიჩკომ მიიღო; ომის დასაწყისშივე მთელს პოლკში პირველს მას წააგლიჯა ყუმბარამ ფეხი. ღურგალს ხელოვნური ფეხი უფასოდ უთავაზეს. იგი ყველგან ტრაბახობდა თავისი მედლით, აბა ერთი შემომხედეთ, მთელს პოლკში პირველი ხეიბარი მე ვარო. ერთხელ იგი ვინოპრადის სამიკიტრო „აპოლონში“ მივიდა და იქ ჩხუბი აუტეხა სასაკლავოს ყასბებს. ჩხუბში ხელოვნური ფეხი მოგლიჯეს და ეს ფეხი თავში ჩაართყეს; იმ კაცმა, რომელმაც ფეხი მოაგლიჯა, არ იცოდა თუ ის ხელოვნური იყო, და მას შიშისგან გული წაუვიდა. საპოლიციო უბანში ღურგალს ფეხი ისევ მიაბეს, მაგრამ ამ დღიდან მოყოლებული იგი გაჯავრდა თავის მედალზე „მამაცობისთვის“ და ლომბარდში წაიღო დასაგირავებლად. იქ იგი თავისი მედლით გაძაგრეს, და დაიწყა უსიამოვნებანი. არსებობს რაღაც სასამართლო, — ომის ხეიბართა ღირსების სასამართლო, — და აი ამ სასამართლომ დაადგინა, ჩამოერთვას ღურგალს დიდი ვერცხლის მედალი „მამაცობისთვის“ და, გარდა ამისა, ჩამოერთვას ფეხიცო...

— ეს როგორღა?

— სრულიად უბრალოდ. ერთ მშვენიერ დღეს მასთან კომისია მივიდა, განუცხადა, ღირსი არა ხარ ხელოვნური ფეხი ატარო, მოხსნეს ფეხი და წაიღეს...

— აი კიდევ ერთი სასეირო ამბავი, — განაგრძო შევეიკმა, — როცა ბრძოლის ველზე დაღუპულის მშობლები ერთ მშვენიერ დღეს მედალს ღებულობენ, თან მოწერილობაც ეგზავნებათ, რომ აი, გებოძათ თქვენ ეს მედალი და გამოსაჩენ ადგილზე ჩამოკიდეთო. ვიშეპრადში ბეჟეტეხოვის ქუჩაზე ერთმა განრისხებულმა მამამ, რომელიც დარწმუნებული იყო, სამხედრო საუწყებო კანცელარია სასაცილოდ შიგდებსო, ასეთი მედალი საპირფარეოში ჩამოკიდა. ეს საპირფარეო კი მას წინკარში ჰქონდა, ერთ მეზობელ პოლიციელთან საერთო: პოდა ამ პოლიციელმა მედალი აქ რომ იხილა, წავიდა



და დააბეზლა, სახელმწიფო მოღალატეაო. შავი ღლე დაადგა იმ საწყალ მედლის პატრონს.

— აქედან გამომდინარეობს, — თქვა ნებივანწესებულმა, — რომ დიდება ჩალის ფასად არა ღირს. ამ ცოტა ხნის წინათ ვენაში გამოსცეს „ნებივანწესებულის სამახსოვრო“. იქ მოთავსებულა აი ასეთი შესანიშნავი ლექსი ჩეხურად ნათარგმნი:

მეფეს, სამშობლოს შესწირა თავი,  
 ის მოხალისედ იბრძოდა მაშინ  
 და მაგალითი მისცა სუყველას,  
 დაეცა გმირი მედგარ ბრძოლაში.  
 ზარბაზნით მოაქეთ ცხედარი მისი,  
 გვირგვინებით და ბაფთით შემკული,  
 და მკერდზე აზის კოხტა ორდენი,  
 კაპიტნის ხელით ზედ დაბნეული.

— ვინაიდან, ჩემის აზრით, სამხედრო სულისკვეთება ქვეითდება, — თქვა ცოტა ხნის ღუმელის შემდეგ ნებივანწესებულმა, — წინადადება შემომაქვს, ძვირფასო მეგობარო, ამ უკუნ ღამეში ჩვენს წყნარ საპყრობილეში შემოვძახოთ სიმღერა კანონირ იაბურკზე. ეს ასწვევს საბრძოლო სულისკვეთებას. მაგრამ უნდა შემოვძახოთ რაც ძალა და ღონე გვაქვს, რომ მთელ მარიანის ყაზარმაშიც გაიგონონ. ამიტომ გთხოვთ მობრძანდეთ კარებთან ახლოს.

და ერთი წუთის შემდეგ პარტიმართა საკანიდან ისეთი ღრიალი გაისმა, რომ დერეფანში მინები აზანზარდნენ:

იგი ზარბაზანს სტენიდა,  
ო დელია, დელია!  
ქვეყანას სძრავდა მღერითა,  
ო დელია, დელია!  
უცბად მოხდა სანახაუი,  
ო დელია, დელია!  
წაგლიჯა კურვმა თაუი,  
ო დელია, დელია!  
ის კი ზარბაზანს სტენიდა,  
ო დელია, დელია!  
ქვეყანას სძრავდა მღერითა,  
ო დელია, დელია!

იზოში გაისმა ფეხის ხმა და ლაპარაკი.

— ეს პროფოსია, — თქვა ნებითგანწესებულმა. — მასთან ერთად პოდპორუჩიკი პელიკანია, იგი დღეს მორიგეა. მე მას „ჩესკა ბესედადან“ \* ვიცნობ. თადარიგის ოფიცერია, წინათ კი ერთ-ერთი დაზღვევის საზოგადოების სტატისტიკოსი იყო. მისგან სიგარეტებს ვიშოვნით. აბა, ერთი კიდევ მაგრად დავაგუგუნოთ.

შვეიკმა და ნებითგანწესებულმა ისევ შემოსძახეს:

იგი ზარბაზანს სტენიდა...

გაიღო კარები და პროფოსმა, რომელიც მორიგე ოფიცრის აქ ყოფნით, ეტყობოდა, შეგულიანებული იყო, უხეშად შეუტია:

— აქ სამხეცე არ გახლავთ.

— პარდონ, — უპასუხა ნებითგანწესებულმა, — აქ რუდოლფი-ნუმის \* ფილიალია. კონცერტი პარტიმრების სასარგებლოდ ეს-ესაა დასრულდა პროგრამის პირველი ნომერი: „ომის სიმფონია“.

— შეწყვიტეთ, — უთხრა პოდპორუჩიკმა პელიკანმა მოჩვენებითი სიმკაცრით. — დარწმუნებული ვარ, თქვენთვის ცნობილია, რომ ცხრა საათზე თქვენ ლოგინში უნდა იწვეთ და არა აურზაურს სტეხდეთ. თქვენი კონცერტი მოედანზე გაისმის.

— მაქვს პარტივი მოგახსენოთ, პანე პოდპორუჩიკ, — უთხრა ნებითგანწესებულმა, — ჩვენ ვერ მოვეშზადეთ როგორც საჭიროა და ადვილი შესაძლებელია, ამიტომ დისპარმონია გამოგვივიდა.

— ყოველ საღამოს ასეთ ამბავშია, — შეეცადა პროფოსი აემხედრებინა პოდპორუჩიკი თავისი მტრის წინააღმდეგ, — და საერთოდ ძალიან უკულტუროდ იქცევა.

— პანე პოლპორუჩიკი, — მიმართა ნებითგანწყესებულმა მორივე ოფიცერს, — ნება მომეცით პირისპირ მოგელაპარაკოთ. პროფოსი დერეფანში დაგელოდოთ.

როცა პროფოსი გავიდა, ნებითგანწყესებულმა უთხრა:

— ფრანტა, აბა, მოიტა სიგარეტები... „სპორტი“? და შენ, ლეიტენანტს, უკეთესი არაფერი აღმოგაჩნდა? კეთილი, ამისიე მალღობელი ვარ. ასანთიე მომეცი.

— „სპორტი“, — ათვალწუნებით წარმოთქვა ნებითგანწყესებულმა პოლპორუჩიკის წასვლის შემდეგ. — ადამიანმა გაჭირვებაშიე არ უნდა გაიტეხოს გული და სულით არ უნდა დაეცეს. მოსწიეთ ამხანაგო, და ღამე ნებისა. ხეალ საშინელი სამსჯავრო მოგველის.

დაძინების წინ ნებითგანწყესებულს როლი დაეიწყდა ემღერა:

მთებო, ველებო, კლდენი მალაღნი — ხომ მეგობრებო არიან ჩვენი,  
არ დაბრუნდება არასოდეს, რაც რომ გვიყვარდა,  
პოი, ძვირფასო ჩემო...

როცა ნებითგანწყესებული შვეიკს პოლკოვნიე შრედერს უხასიათებდა, როგორე მტარეალს, მთლად მართალი არ იყო, ვინაიდან პოლკოვნიეი შრედერი არ იყო მოკლებული სამართლიანობის გრძნობას, რაც ყველაზე ნათლად ჩანდა მაშინ, როცა იგი კმაყოფილი რჩებოდა ხოლმე ოფიცერთა წრეში რომელიმე რესტორანში გატარებული საღამოთი. მაგრამ თუ კმაყოფილი არ რჩებოდა...

ოდ დროს, როცა ნებითგანწყესებული გამანადგურებელი კრიტიკის ქარცეცხლში ატარებდა პოლკის საქმეებს, პოლკოვნიეი შრედერი რესტორანში იჯდა ოფიცერთა შორის და ყურს უგდებდა, სერბიიდან დაბრუნებული პორუჩიეი კრეჩმანი, ფეხში დაჭრილი (მას ძროხამ ურჭინა), როგორ უამბობდა დამსწრეთ სერბიელთა პოზიციებზე იერიშის შესახებ; იგი ამ იერიშს შტაბიდან უყურებდა, რომელზეე მიმაგრებული იყო.

— ჰოდა, ამოხტენენ სანგრებიდან... ორ კილომეტრზე გაქიშული მთელი ხაზის გასწვრივ, გადაძვრნენ მავთულხლართებზე და მტერს ეკვეთნენ. აირწინალებიანი, ხელყუმბარებით სარტყელზე, შაშხანამომარჯვებულნი, მზადყოფნი სროლისა და ხიშტით ბრძოლისთვის. ტყვიები სტვენენ. აი წაიქცა ერთი ჯარისკაცი როგორე კი სანგრიდან ამოძვრა, მეორე ეცემა მიწაყრილზე, მესამემ მხოლოდ რამდენიმე ნაბიჯის გადადგმა მოასწრო, მაგრამ დანარჩენები ზევეივით მიგორავენ წინ, კვამლსა და მტვერში გახვეულნი, ყურთასმენის წამლები „ვაშას“ ძახილით! მტერი ყოველი მხრიდან ტყვიას გვიშენს — სანგრებიდან, ყუმბარებით ამოთხრილი ძაბრებიდან, ტყვიამფრქვე-

ვებით გვცალავს. და ისევ, და ისევ ეცემიან ჯარისკაცები. ჩვენი ოცეული ცდილობს ხელთ იგდოს მტრის ტყვიამფრქვევები. ერთნი ეცემიან, მაგრამ სხვები უკვე წინ გაიჭრნენ. ვაშა! წაიქცა ოფიცერი... თოფის სროლა შეწყდა, რაღაც საშინელი მზადდება... კვლავ ეცემა მთელი ოცეული. აკაცანდნენ მტრის ტყვიამფრქვევები. «ტრა-ტატა — რტატა-ტა» წაიქცა... მაპატიეთ, ველარ განვაგრძობ, აღარ შემიძლია, მთვრალი ვარ...

ფეხმტკივანი ოფიცერი გაჩუმდა, იგი გაუნძრევლად იჯდა სავარძელში და გამოთაყვანებული იყურებოდა წინ. პოლკოვნიკმა შრედერმა კეთილგანწყობილი ღიმილით ახლა კაპიტან სპიროს ათხოვა ყური, რომელიც მაგიდაზე მუშტის ბრახუნით, თითქოს ვილაცას ედავებო, რაღაც სისულელეს რომავდა.

— თქვენ თვითონ განსაჯეთ: ჩვენი დროშისქვეშ თავმოყრილია ავსტრიის მოლაშქრე ულანები, ავსტრიის მოლაშქრენი, ბოსნიის ეგერები, ავსტრიის ქვეითი ჯარი, უნგრეთის ქვეითები, უნგრეთის ქვეითი პონვედები, უნგრეთის ჰუსარები, მოლაშქრე ჰუსარები, ცხენოსანი ეგერები, დრაგუნები, ულანები, არტილერია, ალალი, მესანგრეები, სანიტრები, ფლოტი. გასაგებია? ბელგიას კი, აბა, რა გააჩნია? პირველი და მეორე გაწვევა შეადგენს არმიის ოპერატიულ ნაწილს, მესამე გაწვევა ზურგში ეწვევა სამსახურს... — კაპიტანმა სპირომ მუშტი დაკრა მაგიდას: — მშვიდობიან დროს მოლაშქრენი ეწვევიან სამსახურს ჩვენს ქვეყანაში!

ერთი ახალგაზრდა ხმამაღლა, ისე, რომ პოლკოვნიკს გაეგონა და მის ურყევ მხედრულ სულისკვეთებაში დარწმუნებულიყო, უმტკიცებდა თავის მეზობელს: — ჰლექიანებს მე ფრონტზე გავგზავნიდი, ეს მათთვის სასარგებლო იქნებოდა, და გარდა ამისა, — უკეთესია მოკლულთა სახით დავკარგოთ ავადმყოფები, ვიდრე ჯანღონით საესე აღამიანები.

პოლკოვნიკი იღიმებოდა, მაგრამ უეცრად მოიღუშა, მიუბრუნდა მაიორ ვენცელს და უთხრა:

— ძალიან მიკვირს, პორუჩიკი ლუკაში რატომ არიდებს თავს ჩვენს საზოგადოებას? იგი ჩამოსვლის დღიდან ერთხელაც არ მოგვკარებია.

— ლექსებსა წერს, — დაცინვით წარმოთქვა კაპიტანმა საგნერმა. — ჩამოვიდა თუ არა, უკვე სატრფო გაიჩინა. თეატრში ინჟინერ შრეიტერის ცოლი ნახა და შეუყვარდა.

პოლკოვნიკმა წარბი შეკმუხნა.

— ამბობენ, კუპლეტებს კარგად მღერისო.

— ჯერ კიდევ კადეტთა კორპუსში ყველას გვართობდა კუპლე-

ტებით, — უპასუხა კაპიტანმა საგნერმა. — მისი ანექლოტების მოსმენა კი ერთ რამედ ღირს! არ ვიცი, რად გვარიდებს თავს.

პოლკოვნიკმა ნაღვლიანად გადააქნია თავი:

— ახლა აღარაა ოფიცრებს შორის ის ამხანაგური გრძნობა, რომელიც ჩვენს დროში იყო. ჩვენსობას თვითეული ოფიცერი ცდილობდა თავის მხრივ რაღაც შემოეტანა საერთო მხიარულობაში. პორუჩიკი დანკელი (იყო ასეთი) კლუბში გაიხდიდა ტანზე სუყველაფერს და ასე დედიშობილა იატაკზე დაწებოდა, უკანალში ქაშაყის კუდს ჩაირჭობდა და ფერეას გამოსახავდა. მეორეს, პოდპორუჩიკ შლეისნერს, ემარჯვებოდა ყურების ამოძრავება, კვიცივით ჭიხვინი, კატასავით კნავილი და ბზიკივით ზუზუნი. მაგონდება კიდევ კაპიტანი სკოდაი. იგი ყოველთვის, ოღონდ კი ჩვენ გამოგვეთქვა სურვილი, მოიყვანდა ხოლმე ჩვენს წრეში სამ გოგონას — დებს. ისინი ფინია ძალღებვივით ჰყავდა გაწვრთნილი. დააყენებდა მაგიდაზე და ტაქტის აყოლებით იწყებდნენ გოგონები ტანისამოსის გახდას. თერთონ კაპიტანს საღირიყორო ჯოხი ეჭირა — და უნდა ითქვას, რომ ღირიყორობდა შესანიშნავად! მერე ტახტზე დააწვენდა სამივეს და რას არ უშვებოდა მათ, ვინ მოთვლის. ერთხელ აბაზანა შემოატანინა მსახურთ, შუა ოთახში დაადგმევინა და თბილი წყალი ჩაასმევინა შიგ. ჩვენ რიგრიგობით ვიბანავეთ ამ სამ გოგოსთან, კაპიტანი კი სურათს გვიღებდა სათითაოდ.

პოლკოვნიკმა შრედერმა მარტო ამის გახსენებაზე ნეტარებით გაიღიმა.

— მერედა, რა სანაძღვოს არ ვღებდით ამ აბაზანაში!.. — განაგრძო პოლკოვნიკმა, თან საზიზღრად აწკლაპუნებდა ენას და სავარძელში ცმუქავდა. — ახლა კი! განა ეს გართობაა? კუპლეტისტი გვყავს ერთი და ისიც არ გვეკარება. სმაც არ შეუძლიათ ახლა ჩვენს უმცროს ოფიცრებს. ჯერ თორმეტი საათიც არ არის, და მაგიდებთან, როგორც ხედავთ, უკვე ხუთი მთვრალია. ჩვენსობას ორი დღე და ღამე ვუსხედით სუფრას და რაც უფრო მეტს ვსვამდით, მით უფრო ვფხიზლდებოდით. ველაპავდით განუწყვეტლივ ლუდს, ღვინოს, ლიქიორს... ახლა უკვე აღარ გაგვანჩნია მხედრული სულისკვეთება. ეშმაკმა იცის, რატომ და რისთვის! ვერც ერთ გონებამახვილურ სიტყვას ვერ გაიგონებ, სულ რაღაც დაუსრულებელი მოთხრობები გესმის ადამიანს. აბა, ერთი ყური დაუგდეთ, აი მაგიდის ბოლოში როგორ საუბრობენ ამერიკის შესახებ.

მაგიდის მეორე ბოლოში ვიღაც სერიოზული კილოთი მსჯელობდა.

— ამერიკა ომში ვერ ჩაერევა. ამერიკელები და ინგლისელები დანასისხლად არიან ერთმანეთთან. ამერიკა მზად არაა ომისთვის.

პოლკოვნიკმა შრედერმა ამოიხვნეშა.

— აი, ინებეთ თადარიგის ოფიცრების ლაყბობა. რა ეშმაკმა მო-  
რეკა ისინი აქ. ჯერ კიდევ გუშინ, ალბათ, თვითოეული მათგანი სულ  
სხვა საქმეს აკეთებდა — რომელიმე ბანკში რალაც ქაღალდებს წერ-  
და ან დუქანში მუშაობდა, ქაღალდში საქონელს ახვევდა, ძირ-ძუ-  
რებით, დარიჩინათ და გუტალინით ვაჭრობდა, ანდა ბავშვებს ას-  
წავლიდა სკოლაში: მგელი შიმშილისაგან ტყიდან გამორბისო, — დი-  
ახ, ამა თუ იმ საქმიანობას ეწეოდა, ახლა კი სურს კადრის ოფიც-  
რებს გაუტროლდეს, ყველაფერში გაერკვეს და ამიტომ ყველგან ეჩ-  
რება. კადრის ოფიცრები კი, როგორც, მაგალითად, პორუჩიკი ლუ-  
კაშია, თავს არ იწუხებენ ჩვენს კომპანიაში ჩარევით.

პოლკოვნიკი შინ ამღვრეულ გუნებაზე დაბრუნდა. მეორე დღეს,  
დილით უარეს გუნებაზე დადგა, რადგან გაზეთებში, რომლებსაც  
ლოგინში კითხულობდა, ცნობებში საომარ მოქმედებათა შესახებ  
რამდენიმეჯერ წააწყდა შემდეგ წინადადებას: „ჩვენმა ჯარებმა უკან  
დაიხიეს წინასწარ გამზადებულ პოზიციებზე“. დადგა ავსტრიის არ-  
მიის დიდების პერიოდი, წყლის ორი წვეთივით მსგავსი შაბაცის \*  
დღეებისა.

წაკითხულის შთაბეჭდილებით პოლკოვნიკი დილის ათი საათიდან  
შეუდგა ფუნქციის ასრულებას, რომელსაც ნებითგანწესებულმა,  
ჩანს, სწორად უწოდა საშინელი სამსჯავრო.

შვეიცი და ნებითგანწესებული ეზოში იდგნენ და პოლკოვნიკს  
ელოდებოდნენ. ყველა იყო თავშეყრილი: ფელდფებელი, მორივე  
ოფიცერი, პოლკის ადიუტანტი და პოლკის კანცელარიის გადამწერი  
დამნაშავეთა საქმეებით ხელში, დამნაშავეთა, რომელთაც ნემეზიდან  
მახვილი-პოლკის პატაკი ელოდებოდა. ბოლოს, ნებითგანწესებულ-  
თა ჯგუფის უფროსის კაპიტან საგნერის თანხლებით გამოჩნდა პირ-  
ქუში პოლკოვნიკი. იგი ნერვიულად უტყალაშუნებდა თავის მაღალ-  
ყელიან ჩექმებს წკეპლას.

პოლკოვნიკმა მიიღო პატაკი. სამარისებურ სიჩუმეში მან რამდენ-  
ჯერმე ჩაუარა შვეიკსა და ნებითგანწესებულს, რომლებიც ხან  
rechtschauf-ს აკეთებდნენ, ხან liaksschauf-ს<sup>1</sup>, იმის მიხედვით,  
თუ რომელ ფრთაზე მოექცეოდა პოლკოვნიკი. იგი ისე დიდხანს მი-  
დიმოდოდა და ისინიც ისე გულმოდგინედ აკეთებდნენ სწორებას,  
რომ კინაღამ კისერი მოეგრინათ. ბოლოს პოლკოვნიკი გაჩერდა ნე-  
ბითგანწესებულთან.

მან პატაკი მისცა:

<sup>1</sup> „სწორება მარჯვნივ“. „სწორება მარცხნივ“.



— ნებითგანწესებული...

— ვიცი, — მკვახედ მოუქრა პოლკოვნიკმა, — გადაგვარებული ნებითგანწესებული... რა საქმიანობას ეწეოდით ომამდე? კლასიკური ფილოსოფიის სტუდენტიო? მაშასადამე, გალოთებული ინტელიგენტი... პანე კაპიტან, — უთხრა მან საგნერს, — მოიყვანეთ ნებითგანწესებულთა მთელი სასწავლო ჯგუფი... ჰოდა, — განაგრძო პოლკოვნიკმა და კვლავ მიუბრუნდა ნებითგანწესებულს, — აი ასეთებთან, კლასიკური ფილოსოფიის ასეთ ბატონ სტუდენტთან გეინდება ჩვენ საქმის დაქერა. Kehrt euch!<sup>1</sup> ასედაც ვიცოდი. ფარაჯის ნაოქვები კეცკეცად არ არის. თითქოს ეს-ესაა ქუჩის გოგოსთან ილაბუცა ან ბარდელში იგორავაო. დამაცათ, მე თქვენ გაჩვენებთ თვალის სეირს.

ნებითგანწესებულთა ჯგუფი ეზოში შემოვიდა.

„კარეში!“ — უბრძანა პოლკოვნიკმა, და ჯგუფი მჭიდრო კვადრატად გარსშემოერთყა მას და დამნაშავეთ.

— შეხედეთ ამ ადამიანს, — დაიწყო თავისი სიტყვა პოლკოვნიკმა და წყვლით აჩვენა ნებითგანწესებულზე. — მან ლოთობაში გააქარწყულა ჩვენი ღირსება, ნებითგანწესებულთა ღირსება, რომლებიც ოფიცრობისთვის ემზადებიან, უფროსობისთვის, ემზადებიან იმ დღისთვის, როცა ჯარისკაცებს ბრძოლაში წაუძღვებიან სახელის მოსახვეჭად. კი მაგრამ სად წაიყვანდა თავის ჯარისკაცებს ეს ლოთობაში? ერთი სამიკიტნოდან მეორეში! ალბათ, თვითონვე ამოუწარუპავდა სალდათებს მთელ რომს. რას იტყოდით თავის გასამართლებლად, — მიმართა ნებითგანწესებულს. — არაფერს? ერთი შეხედეთ ამას და დატკბით მისი ცქერით! არ შეუძლია თუნდაც ერთი სიტყვა თქვას თავის გასამართლებლად. მერედა, კლასიკური ფილოსოფია მაინც არ ჰქონდეს შესწავლილი! აი მართლაც კლასიკური შემთხვევაა! — პოლკოვნიკმა უკანასკნელი სიტყვები განგებ ნელა წარმოთქვა და გადააფურთხა: — კლასიკური ფილოსოფოსი, რომელიც გამომთვრალი ღამღამობით ოფიცრებს ქუდებს აგლეჯს თავიდან! ნამდვილი მავნე პიროვნება ხარ! კიდევ ილბალი, რომ ის ვიდაც არტილერიის ოფიცერი იყო.

ამ უკანასკნელ სიტყვებში გამოთქმული იყო ოთხმოცდამეთერთმეტე პოლკის მტრული განწყობილება ბუღეიოვიცეს არტილერიის მიმართ. ვაი იმ არტილერისტს, რომელიც ღამით ხელში ჩაუვარდებოდა ქვეითების პატრულს, და პირიქით. მტრობა იყო ღრმა და შეუარიგებელი, ვენდეტა, სისხლის ალება, რომელიც მემკვიდრეობით გა-

<sup>1</sup> ზურგისაკენ (გერმ.).

დადიოდა ერთი გაწვევიდან მეორე გაწვევაზე. მტრობა გამოიხატებოდა როგორც ერთი მხრიდან, ისე მეორედან ტრადიციულ შემთხვევებში: სადღაც ხან ქვეითები გადაუშვებდნენ ხოლმე არტილერიას ტებს ვლტავაში, ხან — პირიქით. შეტაკებები ხდებოდა „პორტ-არტურში,“ „უ რუჟეში“ და სამხრეთ ჩეხეთის დედაქალაქის სხვადასხვა გასართობ ადგილებში.

— მიუხედავად ამისა, — განაგრძო პოლკოვნიკმა, — მსგავსი საქციელისთვის სასტიკად უნდა დაისაჯოს; ეს ტიპი უნდა გაირიცხოს ნებითგანწესებულთა სკოლიდან, იგი მორალურად უნდა განადგურდეს. ასეთი ინტელიგენტები არმიას არ ესაჭიროება. *Regimentskuzlei!*<sup>1</sup>

პოლკის გადამწერი, რომელსაც ხელში მზად ეჭირა საქმე და ფანქარი, მკაცრი გამომეტყველებით მიუახლოვდა.

ჩამოვარდა სიჩუმე, როგორც ეს სასამართლო დარბაზში ხდება ხოლმე, როცა მკვლელის გასამართლების შემდეგ, თავმჯდომარე აცხადებს: „ვაქვეყნებთ განაჩენს...“

სწორედ ასეთი კილოთი პოლკოვნიკმა წარმოთქვა:

— ნებითგანწესებულ მარეკს მიესაჯოს ოცდაერთი დღით მკაცრი პატიმრობა. სასჯელის მოხდის შემდეგ ჩაირიცხოს სამზარეულოში კარტოფილის საფცქენელად!

მერე მიუბრუნდა ნებითგანწესებულთა ჯგუფს და ბრძანა: „კოლონებად დაეწყვეთ!“ ისმოდა, ჯგუფი რა სწრაფად ეწყობოდა ოთხ-ოთხად რიგში და მიდიოდა. პოლკოვნიკმა შენიშვნა მისცა კაპიტან საგნერს, რომ ჯგუფს საკმაოდ მტკიცე ნაბიჯი არა აქვს, და უთხრა, ნასადილევს თქვენ თვითონ ავარჯიშეთო.

— ნაბიჯებს გუგუნო უნდა გაუდიოდეთ, პანე კაპიტან. აი კიდევ რა, კინალამ დამავიწყდა, — დაუმბატა პოლკოვნიკმა. — გამოუცხადეთ მათ, რომ ნებითგანწესებულთა მთელ ჯგუფს ხუთი დღით ჩამოერთვა შევებულება, რათა არ დაავიწყდეთ ყოფილი კოლეგა, ეს გაიძვერა მარეკი.

გაიძვერა მარეკი კი იღვა შევიკის გვერდით ფრიალ კმაყოფილი სახით. უკეთეს რამეს ვერც უსურვებდა თავის თავს. გაცილებით უფრო სასიამოვნოა სამზარეულოში კარტოფილი ფცქვნა, კნედლიკები დააგორგოლო და ხორციან იფუსფუსო, ვიდრე მტრის გაათარებელი ცეცხლის ქვეშ, შიშისგან ჩასვრილი, გაპყვიროდე: „*Einzelabfallen! Bajonett auf.*“<sup>2</sup>

1. პოლკის გადამწერი (გერმ.)

2 ერთმეორეს მიყოლებით ხიშტით ბრძოლაში, წინ



პოლკოვნიკი შრედერი მოცილდა კაპიტან საგნერს, შვეიკის წინ გაჩერდა — და ყურადღებით დააკვირდა მის სახეს. ამ წუთში შვეიკის გარეგნობას ყველაზე უკეთ ახასიათებდა მისი მრგვალი მოლიზარი პირისახე და ჩამოფხატული ქუდიდან გამოჩრილი დიდი ყურები. მისი გარეგნობა მოწმობდა, რომ შვეიკს სრულებით არაფერი აშფოთებდა და არავითარ დანაშაულს იგი არ გრძნობდა. მისი თვალები თითქოს ეკითხებოდნენ: „განა რამე ჩავივინე? ასეთი რა დავაშავე, ვერ გამივია?“

პოლკოვნიკმა შეაჯამა თავისი დაკვირვებანი ერთ შეკითხვაში, რომლითაც პოლკის გადამწერს მიმართა:

— იდიოტია? — და დაინახა, როგორ გაიბადრა ღიმილისგან შვეიკის კეთილი, უწყინარი სახე.

— სწორედ ასეა, პანე პოლკოვნიკ, იდიოტი ვარ, — უპასუხა გადამწერის ნაცვლად შვეიკმა.

პოლკოვნიკმა თავის დაქნევით იხმო აღიუტანტი და მასთან ერთად გვერდზე გადასწია. მერე პოლკის გადამწერს დაუძახა და გადასინჯეს მასალები შვეიკზე.

— აი — თქვა პოლკოვნიკმა შრედერმა, — ეს, მაშასადამე, პორუჩიკ ლუკაშის დენშჩიკია, რომელიც ტაბორში დაიკარგა თანახმად პორუჩიკის პატაკისა. ჩემის აზრით, ბატონმა ოფიცერებმა თვითონვე

უნდა აღზარდონ თავისი დენშჩიკები. რაკი ბატონმა პორუჩიკმა ლუკაშმა ასეთი იდიოტი დენშჩიკი ამოირჩია, კეთილი ინებოს და მასთან ერთად ჯვარს ეცვას. თავისუფალი დრო საკმაოდ აქვს, რაკი არსად დადის. განა თქვენ ერთხელ მაინც გინახავთ იგი ჩვენს საზოგადოებაში? აი, ხომ ხედავთ. მაშასადამე, დრო ეყოფა, თავისი დენშჩიკი ჰკუთხე რომ მოიყვანოს.

პოლკოვნიკი შრედერი მივიდა შევიკთან, შეათვალიერა მისი სათნო სახე და თქვა:

— სამი დღით მკაცრ პატიმრობაში, ბრიყვო პირუტყვო! სასჯელის მოხდის შემდეგ გამოცხადდებით პორუჩიკ ლუკაშთან.

ამრიგად, შევიკი ისევ შეხვდა ნებითგანწესებულს პოლკის ნაობახტში, პორუჩიკ ლუკაშს კი, უთუოდ, დიდი სიამოვნება მოჰგვარა, როცა პოლკოვნიკმა გამოუძახა და უთხრა:

— პანე პორუჩიკ, ამ ერთი კვირის წინათ, როცა ჩვენს პოლკში გადმოხვედით, პატაკით მომმართეთ, თქვენს განკარგულებაში დენშჩიკის მოვლინების შესახებ, ვინაიდან წინანდელი დენშჩიკი ტაბორის სადგურში გაგებნათ. მაგრამ ვინაიდან თქვენი დენშჩიკი დაბრუნდა...

— პანე პოლკოვნიკ... — მუდარით წარმოთქვა პორუჩიკმა.

—...მე გადავწყვიტე სამი დღით ჩავსვა, შემდეგ კი თქვენს განკარგულებაში გადმოვგზავნი, — მტკიცედ წარმოთქვა პოლკოვნიკმა.

თავზარდაცემული ლუკაში ბარბაცით გამოვიდა პოლკოვნიკის კაბინეტიდან.

შევიკმა დიდი სიამოვნებით გაატარა სამი დღე ნებითგანწესებულ მარეკთან. ყოველ საღამოს ისინი პატრიოტულ გამოსვლას აწყობდნენ. საღამოთი ნაობახტიდან ისმოდა: „წყალობდე, უფალო, ხელნწიფესა ჩვენსა“, მერე „Priuz Eugen, der edle Ritter.“<sup>1</sup>

ამას მოჰყვებოდა მთელი რიგი ჯარისკაცური სიმღერები. როცა პროფოსი მოვიდოდა, მას კანტატით ეგებებოდნენ:

ნუ გეშინია, პროფოს, სიკედილის,  
ის არ გეწყვეა მოულოდნელად,  
შენს წასაყვანად მოვლენ ეშმაკნი,  
გაგაქანებენ ცოცხლად ნელ-ნელა.

საწოლების თავზე ნებითგანწესებულმა პროფოსი დახატა, ქვემოთ ძველებური სიმღერის ტექსტი მიაწერა:

1. პრინც ევგენი, სახელოვანი რაინდი (გერმ.)

როცა ძეხვისთვის გავრბოდი პრალას,  
ერთი სულელი შემხვდა იმეამად,  
ეს ბოთე იყო ჩვენი პროფოსი,  
კინლამ ცხვირი არ შიმაჰამა.

და ვიდრე შევიკი და ნებიტგანწესებული ჭლიზიანებდნენ პროფოსს, როგორც სევილიაში წითელი მოსასხამით ანდალუზიის ხარს აღიზიანებენ, პორუჩიკი ლუკაში ნადველმოდებული ელოდებოდა, როდის გამოცხადდებოდა შევიკი და მოახსენებდა, რომ შზადაა შეუდგეს თავის მოვალეობათა აღსრულებას.

---



თ ა ვ ი III

### შვეიკის თავგადასავალი კირალიპიდეში

ოთხმოცდამეთერთმეტე პოლკი გადაყავდათ მოსტ ნა ლიტავე \* — კირალიპიდეში.

შვეიკმა პატიმრობაში სამი დღე დაჰყო. განთავისუფლებამდე სამი საათით ადრე იგი ნებითგანწესებულთან ერთად მთავარ ნაობახტში გადაიყვანეს, იქიდან კი ბადრაგას ხლებით სადგურზე გაგზავნეს.

— დიდი ხანია აშკარა იყო, რომ ჩვენ უნგრეთში გადაგვიყვანდნენ, — უთხრა გზაში შვეიკს ნებითგანწესებულმა. — იქ ჩამოყალიბდება სამარშო ბატალიონები, ჩვენი ჯარისკაცები კი ამასობაში სროლაში გაიწაფებიან და მაღიარებს დაერევიან, მერე კი მხიარულად გავუდგებით გზას კარპატებისკენ. ბუღეიოვიცეში განალაგებენ მაღიართა გარნიზონს, და მოხდება ტომების აღრევა. არსებობს ასეთი თეორია, რომ სხვა ეროვნების გოგოების გაუპატიურება — საუკეთესო საშუალებაა გადაგვარების თავიდან ასაცილებლად. ოცდაათიანი წლების ომის დროს ამას აკეთებდნენ შვედები და ესპა-

ნელები, ნაპოლეონის დროს — ფრანგები, ახლა კი იგივეს მოიმოქმედებენ მადიარები ბუღეიოვიცეს მხარეში. რა თქმა უნდა, ეს გაუპატიურება უხეშ ფორმებში კი არ მოხდება. ყველაფერი თავისთავად გამოუვა. უბრალო გაცლა-გამოცვლასთან გვექნება საქმე: ჩეხი ჯარისკაცი უნგრელ გოგოსთან გაატარებს ღამეს, ლატაკი ჩეხი მოჯამაგირე გოგო შეიპატიყებს უნგრელ ჰონვედს. რამდენიმე საუკუნის შემდეგ ანტროპოლოგები სახტად დარჩებიან, როცა მდინარე ძალიშის სანაპიროს მცხოვრებთ გამოზნექილ ყვრიმალის ძვლებს აღმოუჩენენ.

— ჯვარედინი დაწყვილება, — შენიშნა შევიკმა. — საერთოდ ძალიან საინტერესო მოვლენაა. პრალაში ცხოვრობს ზანგი — კელნერი სახელად კრისტიან. მამამისი აბისინიის მეფე იყო. ამ მეფეს პრალაში შტვანიცაზე \* ცირკში აჩვენებდნენ. იგი შეუყვარდა ერთ მასწავლებელ ქალს, რომელიც „ლადაში“ \* ათავსებდა პატარ-პატარა, გულსამაჩუყებელ ლექსებს მწყემს გოგონებსა და ტყეში მოჩუხჩუხე ნაკადულებზე, მასწავლებელი ქალი მასთან ერთად სასტუმროში წავიდა და „მრუშობა ჩაიდინა“, როგორც ნათქვამია საღვთო წერილში. ახლა არ იკითხავთ, რაიგ გოცდა ის ქალი, როცა სულ მთლად თეთრი ბიჭუნა შეეძინა მაგრამ ორ კვირასაც არ გაუვლია დაბადებიდან, ბიჭუნას რუხმა ფერმა დაჰკრა. თანდათან გამუქდა, ერთი თვის შემდეგ კი გაშავება იწყო. ნახევარი წლის შემდეგ ბიჭი ისეთივე შავი გახდა, როგორც მამამისი იყო — აბისინიის მეფედედამ ბავშვი კანის სნეულებათა კლინიკაში წაიყვანა, ხომ არ შეიძლება როგორმე შავი საღებავი მოაცილოთო, მაგრამ მას უთხრეს, ბიჭუნა შავკანიანი არის, და არაფერი ეშველებათო. მასწავლებელი ქალი ამის გამო ჰკუზაზე შეირყა და ყველა ჟურნალს, რომელსაც კი მოეპოვებოდა განყოფილება: „რჩევა-დარიგება მკითხველებს“. შეკითხვა დაუგზავნა, რა საშუალება არსებობს შავკანიანობის წინააღმდეგო. იგი წაიყვანეს კატერჟინკაში \*, შავკანიანი ბიჭუნა კი ობოლთა სახლში მოათავსეს. უნდა გეყურებიან, რა სერიი იყო, სანამ იქეს შავი ბიჭუნა იზრდებოდა! მერე შავი ბიჭი კელნერი გახდა და ლაშის კათედრაში ცეკვავდა. ახლა იგი წარმატებით აჩენს მულატ ჩეხებს, მაგრამ უკვე არა ისეთ შავებს, როგორც თვითონაა. როგორც ფერშალმა აგვიხსნა ტრაქტირ „უ კალიხაში“, კანის ფერის საქმე არც ისე უბრალო საქმეა: ასეთი მულატისგან ისევ მულატები იზადებიან, რომელთაც ძნელად თუ გამოარჩევთ თეთრებისგან, მაგრამ რამდენიმე თაობის შემდეგ შეიძლება მოულოდნელად გაჩნდეს ზანგი. წარმოიდგინეთ ასეთი სკანდალი: თქვენ ცოლად ირთავთ რომელიმე ქალიშვილს. მთლად თეთრია, ის დალოცვილი, აბსოლუტურად თეთრი,

და ერთ შშვენიერ დღეს — აჰა, იწებეთ! დაგისკათ ზანგი. თუ მანამდე, ცხრა თვით აღრე, თუნდაც ერთხელ უთქვენოდ ვარიეტეშიც იყო და ზანგის მონაწილეობით გამართულ ფრანგულ ჭიდაობას უყურა. ცხადია, ცოტათი ჩაგაფიქრებთ კიდეც ეს გარემოება.

— თქვენი შემთხვევა ზანგ კრისტიანთან აუცილებლად მსჯელობის საგნად უნდა ვაქციოთ და სამხედრო თვალსაზრისით განვიხილოთ, — თქვა ნებითგანწესებულმა. — დაუშვათ, რომ ეს ზანგი ჯარში გაიწვიეს, იგი პრადელია და, მასასადამე, უთუოდ ოცდამერვე პოლკში მოხვდებოდა. როგორც გაგონილი გექნებათ, ოცდამერვე პოლკი რუსების მხარეზე გადავიდა. წარმოიდგინეთ, როგორ გაუქვირდებოდათ რუსებს, როცა ზანგ კრისტიანს ტყვედ ჩაიგდებდნენ ხელში. რუსულ გაზეთებში, უთუოდ, დასწერდნენ, რომ ავსტრია ომში კოლონიურ ჯარებს ერეკებაო (რომლებიც მას არა ჰყავს) და რომ ავსტრიამ შავკანიანთა რეზერვები ჩააბა ბრძოლაშიო.

— მახსოვს, ამბობდნენ, რომ ავსტრიას აქვს კოლონიები, — ჩაურთო შვეიკმა — სადღაც ჩრდილოეთში. იმპერატორ ფრანც იოსების რომელიღაც შიწა არისო.

— თავი გაანებეთ, თუ ღმერთი გწამთ, ასეთ ლაპარაკს. — ჩაერიც ერთი მცველთაგანი. — ახლა იმპერატორ ფრანც იოსების რომელიღაც შიწაზე სჯა-ბაასი სახიფათოა. ყველაზე უკეთესი იქნება, სახელებს თუ არ ახსენებთ.

— აბა ერთი შეხედეთ რუკაზე, — გააწყვეტინა ნებითგანწესებულმა. — მართლაც არსებობს ჩვენი ყოვლადმოწყალე მონარქის იმპერატორ ფრანც იოსების შიწა. სტატისტიკის მონაცემებით იქ მხოლოდ ყინულებია, ჰოდა, ეს ყინულები გამოაქვთ იქიდან ყინულმჭრელი გემებით, რომლებიც პრადის მაცივრების მეპატრონეებს ეკუთვნით. ჩვენმა ყინულის მრეწველობამ საზღვარგარეთაც დიდი შეფასება მიიღო და პატივისცემა დაიმსახურა, ვინაიდან ეს სამრეწველო საწარმო ფრიად შემოსავლიანია, თუმცა საკმაოდ სახიფათოც. ფრანც იოსების შიწიდან ყინულის ექსპორტის დროს ყველაზე უფრო სახიფათოა ყინულის გადმოზიდვა პოლარულ წრეზე. რა თქმა უნდა, წარმოდგენილი გაქვთ, ეს როგორ ხდება?

მცველმა ჯარისკაცმა რაღაც ჩაიბუტბუტა გაუგებრად. ბადრაგას უფროსი, კაპრალი, ახლო მივიდა მოსაუბრეებთან და ყური დაუგდო ნებითგანწესებულის ახსნა-განმარტებას. იგი ღრმავაზროვანი გამომეტყველებით განაგრძობდა:

— ავსტრიის ამ ერთადერთ კოლონიას შეუძლია შიწადღის ყინული მთელ ევროპას, და ის საკმაოდ მსხვილ ეკონომიურ ფაქტორს წარმოადგენს. რა თქმა უნდა, კოლონიზაცია ნელა მიმდინარეობს;



რადგან კოლონისტების ერთ ნაწილს სრულებით არ სურთ იქ წასვლა, წასულები კი იყინებიან. მიუხედავად ამისა, კლიმატური პირობების გაუმჯობესებასთან ერთად, რაშიც დიდად დაინტერესებული არიან ვაჭრობისა და საგარეო საქმეთა სამინისტროები, არის იმედი, რომ თვალუწვდენი ყინულოვანი ფართობი სათანადოდ იქნება გამოყენებული. რამდენიმე ოტელის მოწყობით იქ მიიზიდავენ აურაცხელ ტურისტს. რაღა თქმა უნდა, ტურისტების ხელშესაწყობად საჭიროა გაყვანილ იქნას ტურისტული ბილიკები და ვიწრო გზები ყინულებს შორის, ყინულებზე გზის მაჩვენებელი ფერადი ტურისტული ნიშნებიც უნდა დაიხატოს. ერთადერთ დაბრკოლებას ესკიმოსები წარმოადგენენ, რომლებიც ჩვენი ადგილობრივი ორგანოების მუშაობას აფერხებენ...

კაპრალი ინტერესით უსმენდა. იგი ზევადის სამსახურის ჯარისკაცი იყო, კაცი მკაცრი ხასიათისა და ჭკუათხელი, რომელიც ცდილობდა ისეთი რამე დაემახსოვრებინა, რაზედაც წარმოდგენაც არ ქონდა. იგი სამხედრო სამსახურამდე მოჯამაგირეობდა. მისი იდეალი იყო, როგორმე ფელდფებლობამდე მიეღწია.

— ...არ სურთ იმ ოჯახქორ ესკიმოსებს გერმანული ისწავლონ, — განაგრძო ნებითგანწყესებულმა, — თუმცა განათლების სამინისტრო, პანე კაპრალ, არ მოერიდა ხარჯებსა და ადამიანთა მსხვერპლს და მათთვის სკოლები ააგო, რასაც ხუთი არქიტექტორი-მშენებელი შეეწირა — ისინი გაიყინენ.

— კალატოზები კი გადარჩნენ, — ჩაურთო შვეიკმა. — ჩიბუხსა წვევდნენ და იმით თბებოდნენ.

— ყველა არა, — შეესიტყვა ნებითგანწყესებულმა. — ორს მარცხი მოუვიდა. დაავიწყდათ ჩიბუხის მოქაჩვა, ჩიბუხი ჩაუქრათ, და ის ბედშაეები ყინულებში ჩამარხეს. მაგრამ სკოლა ბოლოს მაინც ააგეს. აშენებული იყო ის ყინულის აგურებითა და რკინაბეტონით. ძალიან პტიციე გამოდის! მაშინ ესკიმოსებმა აიღეს და, სკოლის გარშემო კოცონები გააჩაღეს ყინულებში გაქედლილი სავაქრო გემების ნამსხვრევებისგან, და თავისი გეგმა განახორციელეს. ყინული, რომელზეც სკოლა იდგა, გალღვა, მთელი სკოლა ზღვაში შთაინთქა და თან ჩაიტანა დირექტორი და მთავრობის წარმომადგენელი, რომელიც პეორე დღეს სკოლის საზეიმო კურთხევას უნდა დასწრებოდა. ამ საშინელ წუთებში გაისმა მთავრობის წარმომადგენლის ყვირილი, რომელიც ყელამდე წყალში იყო ჩაძირული. „Gott, strafe England“<sup>1</sup> ახლა იქ, უთუოდ, ჯარს გაგზავნიან ესკიმოსებში წეს-

<sup>1</sup> ღმერთო, დასაჯე ინგლისი (გერმ.).

რიგის დასამყარებლად. თავისთავად, მათთან ბრძოლა ძნელია. ყველაზე დიდ ზიანს ჩვენს ჯარს მათი გაწვრთნილი თეთრი დათვები მიაყენებენ.

— ესლა გვაკლდა, — ღრმავაზროვნად შენიშნა კაპრალმა. — უამისოდაც სამხედრო გამოგონებანი უამრავია. ავიღოთ, მაგალითად, მომწამვლავი აირის ნიღბები. ჩამოიცობ თუ არა თავზე, უმალ მოწამლული ხარ აირით, როგორც უნტერ-ოფიცერთა სკოლაში გვასწავლიდნენ.

— ამას მხოლოდ დასაშინებლად ამბობენ, — გამოეხმაურა შვეიცი. — ჯარისკაცს არაფრის არ უნდა ეშინოდეს. ვთქვათ, მაგალითისთვის, ბრძოლის დროს ფეხისადგილის ორმოში ჩავარდი, შემოილოკე ტანი და განაგრძე ბრძოლა. შხამიანი აირი ჩვენთვის ჩვეულებრივი ამბავია, ამას შეჩვეული ვარ ჯერ კიდევ ყაზარმებში სალდათური პურით, ცერცვითა და ბურღულით მუცლის გამოტენის შედეგად. მაგრამ აი, ამბობენ, რომ რუსებმა რაღაც გამოიგონეს სპეციალურად უნტერ-ოფიცრების ამოსაწყვეტადო.

— რაღაცნაირი განსაკუთრებული ელექტრული დენის ნაკადები, — დაუმატა ნებითგანწესებულმა. — უნტერ-ოფიცრის საყელოზე ცელულოიდის ვარსკვლავებთან შეერთების გზით აფეთქება ხდება. დღე არ გაივლის, ისე რაღაც საშინელება არ მოხდეს.

კაპრალი სამხედრო სამსახურამდეც ნამდვილი დოცლაპია იყო. მაგრამ ისიც კი, ბოლოს, მიხვდა, რომ მას სასაცილოდ იგდებენ. მოშორდა პატიმრებს და ბადრაგას სათავეში ჩაუდგა.

ისინი უკვე სადგურს უახლოვდებოდნენ, სადაც თავი მოეყარა უამრავ ბუდეიოვიცელს, რომლებიც თავის პოლკთან გამოსათხოვებლად მოსულიყვნენ.

მიუხედავად იმისა, რომ გამოთხოვება არ ატარებდა ოფიციალური დემონსტრაციის ხასიათს, მთელი მოედანი სავსე იყო ხალხით. რომელიც ჯარის მოსვლას ელოდებოდა.

შვეიკის მთელი ყურადღება მიპყრობილი იყო მწკრივად მდგომ მაყურებლებზე. და როგორც ყოველთვის ხდება ხოლმე, ახლაც ისე მოხდა: წესიერი და სამაგალითო ჯარისკაცები მთლად უკან მოდიოდნენ, პატიმრები კი — ბადრაგას ხლებით — წინა რიგებში მოაბიჯებდნენ. წესიერი ჯარისკაცებს პირუტყვის ვაგონებში შერეკავენ და ისე გამოჰყვამენ, რომ გასანძრევი ადგილიც აღარ დარჩებათ, შვეიკსა და ნებითგანწესებულს კი განსაკუთრებულ სატუჟალო ვაგონში ჩასვავენ, რომელიც სამხედრო მატარებლებში შტაბის ვაგონსაა გამობმული. სატუჟალო ვაგონში ყოველთვის სიხალვათეა.

შვეიცმა ველარ მოითმინა, ქული მოიხადა, ჰაერში შეათაჟმა და შესძახა ბრბოს:

— ნაზდარი

ამ შეძახილმა ძალიან იმოქმედა, მისალმება ხალისით აიტაცეს და ხმამალლა გასძახეს საპასუხოდ.

— ნაზდარი — მისალმებამ მთელ მოედანზე გადაიგუგუნა და სადგურთან აბობოქრდა.

წინ, ძალიან შორს, ხალხის რიგებში გაირბინა:

— მოდიანი

ბადრაგას უფროსი მთლად დაიბნა და შვეიკს უყვირა, ხმა გაკმოდო. მაგრამ მისალმებათა გუგუნი ზვაივიით იზრდებოდა. ჟანდარმები ხალხს აწებოდნენ და ბადრაგას გზას უკვლევდნენ. ბრბო კი განაგრძობდა ღრიალს: „ნაზდარი!“ და ქულების ქნევას.

ეს ნაპძელი მანიფესტაცია იყო. სადგურის მოპირდაპირე მხარეზე სასტუმროდან ვილაც ქალები ცხვირსახოცებს იქნევდნენ და გაჰყვიროდნენ:

— Heill

ხალხში ძახილს „ნაზდარი“ მიემატა ძახილი „Heill!“. ხალხიდან ვილაც ენთუზიასტმა ისარგებლა ამ გარემოებით და დაიძახა: „Nieder mit den Serben!“<sup>1</sup> მაგრამ მას ფეხი დაუდევს და საგანგებოდ მოწყობილ ზედახორაში მის ზურგზე გადაიარ-გადმოიარეს.

— მოდიანი — ელექტრონის დენივით გადადიოდა ხალხში ეს ძახილი.

პროცესია ახლოვდებოდა. შვეიკი ალერსიანად უქნევდა ხალხს მცველ ჯარისკაცთა ხიშტებს შორის გამოშვერილ ხელს. ნებითგანწესებული სერიოზული სახით აძლევდა სამხედრო სალამს.

ისინი შევიდნენ სადგურში და სამხედრო მატარებლისკენ გაემართნენ, რომელიც უკვე ჩამომდგარიყო. მსროლელთა პოლკის ორკესტრმა ის-იყო მათ შესახებდრად კინალამ დაიგრიალა „უფალო, წყალობდღე მეფესო!“, რადგან მოულოდნელმა მანიფესტაციამ თავგზა აუბნია კაპელშეისტერს და როგორ მოქცეულიყო აღარ იცოდა, მაგრამ იღბლად დროზე მოუსწრო მეშვიდე ცხენოსანი დივიზიის ობერ-ფელდკურატმა პატერ ლაციანამ, რომელიც ანაზღვეულად, თითქოს მიწიდან ამოძვრაო, თავისი ქვაბურა ქულით გამოცხადდა, და წესრიგის დამყარებას შეუდგა. თუ როგორ მოხვდა აქ ეს ხუცესი, არც ისე თავსამტვრევი ამბავია.

<sup>1</sup> ძირს სერბიელები (გერმ.)

პატერ ლაცინა, ოფიცერთა ყველა სასადილოს რისხვა, გაუმძღარი ღორმუცელა და ლოთიბაში, წინაღლით მივიდა ბუდეიოვიცეში და, თითქოს შემთხვევითო, მიმავალი პოლკის ოფიცერთა პატარა ბანკეტზე მოხვდა. იქ სასმელებით გამოიბრუეა და საკმელებს მიასკდა, მაგრამ ეს არ იკმარა, ადგა და, ოფიცერთა სამზარეულოში წავიდა, მზარეულს ნარჩენები გამოთხოვა — შეთქველიფა, რაც კი ხელში მოხვდა, ძაღლივით შემორღრღნა ძვლები, მერე საკუჭნაოს მიაკვლია, იქ რომი აღმოაჩინა და ისე გამოთვრა, რომ ენას ძლივსლა იგნებდა, აქედან გამოსათხოვარ საღამოზე მოხვდა და ისევე გაიღეშა ღვინით.

ამ მხრივ დიდი ამოცდილება გააჩნდა, და მეშვიდე ცხენოსანთა დივიზიის ოფიცრებს ყოველთვის მისი ნახარჯის დაფარვა უხდებოდათ.

მეორე დილით მას აზრად მოუვიდა, დაემყარებინა წესრიგი პოლკის პირველი ეშელონების გაგზავნაში. ამ მიზნით იგი ჯარის მწკრივებს ხან აურბენდა, ხან ჩამოურბენდა, და სადგურზე ისეთი გაცხოველებული ენერგია გამოიჩინა, რომ ოფიცრებმა, რომლებიც ეშელონების გაგზავნას ხელმძღვანელობდნენ, თავს უშველეს და სადგურის უფროსის კანცელარიაში ჩაიკეტნენ. იგი დროზე გამოჩნდა სადგურის მიდამოებში, სწორედ იმ წუთებში, როცა კაპელმეისტერმა აიქნია ხელი, რომ დაეწყო: „უფალო, წყალობდე მეფეს!“

— Halt! <sup>1</sup> შესძახა ობერ-ფელდკურატმა და ხელიდან გამოსტაცა სადირიჟორო წკეპლა. — ადრეა! მე მოგცემთ ნიშანს. ახლა კი ru! მე ახლავე დაებრუნდები.

ამის შემდეგ წავიდა სადგურზე, გამოუდგა ბადრაგას და შეძახილით „Halt!“ შეაჩერა.

— საით? — მკაცრად ჰკითხა კაპრალს, რომელიც ერთთავად დაიბნა და არ იცოდა, რა ექნა.

მის ნაცვლად მშვიდად უპასუხა შვეიკმა:

— ჩვენ ბრუკში მივყავართ, პანე ობერ-ფელდკურატ. თუ გნებავთ, ჩვენთან ერთად წამობრძანდით.

— რატომაც არ წამოვალ! — განაცხადა პატერ ლაცინამ, მერე მცველ ჯარისკაცებს მიუბრუნდა და უყვირა: — ვინ თქვა, რომ მე არ შემიძლია წამოსვლა? Vorwärts! Marsch!<sup>2</sup>

როგორც კი სატუსალო ვაგონში შევიდა, ობერ-ფელდკურატს, სკამ-ლოგინზე დაწვა, კეთილმა შვეიკმა კი ფარაჯა გაიხადა და პატერ ლაცინას თავქვეშ ამოუდო.

<sup>1</sup> შესდექი (გერმ.)

<sup>2</sup> წინ! იარი (გერმ.).



ნებითგანწესებული მიუბრუნდა შეშინებულ კაპრალს და ხმა-  
დაბლა შენიშნა:

— ობერ-ფელდკურატებს მოვლა ესაჭიროებათ!

პატერ ლაცინა მოხერხებულად დაწვა სკამლოგინზე და შეუ-  
დგა განმარტებას:

— რაგუ სოკოთი, ბატონებო, მით უფრო გემრიელი გამოდის,  
რაც უფრო მეტ სოკოს ჩადებთ შიგ. მაგრამ წინასწარ სოკო აუცი-  
ლებლად ხახვში უნდა მოხარშოთ და მხოლოდ შემდეგ ჩაღოთ შიგ  
დაფნის ფოთოლი და ხახვი.

— ხახვი სოკოსთან ერთად თქვენ უკვე მოხრაკეთ და ხელმეო-  
რედ რაღა საჭიროა კიდევ ჩადება, — შენიშნა ნებითგანწესებულმა.

კაპრალს ამ სიტყვებზე კინაღამ თავზარი დაეცა და სსაოწარ-  
კვეთილებით შეხედა ნებითგანწესებულს, რადგან მისთვის პატერ  
ლაცინა, თუნდაც მთვრალი, მაინც უფროსი იყო.

კაპრალი მართლაც საძაგელ დღეში ჩავარდა.

— პან ობერ-ფელდკურატი უდავოდ მართალი ბრძანდება, —  
მხარი დაუჭირა შვეიკმა ხუცესს: — რაც უფრო მეტია ხახვი, მით  
უკეთესია. ერთი ლუდისმზღელი პაკომერკიციეში ლუდში ყოველ-  
თვის ხახვს დებდა, იმიტომ რომ, როგორც ამბობენ, ხახვი წყურ-  
ვილს იწვევს. საერთოდ ხახვი ძალიან სასარგებლოა. შემწვარ  
ხახვს ძირმაგარაზეც იღებენ.

პატერ ლაცინა, თითქო სიზმარშიაო ბუტბუტს განაგრძობდა:

— ყველაფერი დამოკიდებულია ძირძურებზე, იმისაუან, რა ძირ-  
ძურებსა და რა რაოდენობით ჩადებთ. მაგრამ ზედმეტი რომ არ  
მოგივიდეთ 'პილაილი, პილ... — იგი სულ უფრო და უფრო წყნა-  
რად ლაპარაკობდა, — მიხაკი, ლიმონი, ძირძურები, მუსკატი,  
მუსკა... მუსკ... მუ-უ...

მან ველარ დაასრულა სათქმელი, ხვრინვა ამოუშვა, თან შენა-  
ცვლებით უსტვენდა.

კაპრალი გახევებული სახით დააშტერდა უფროსს.

მცველი ჯარისკაცები ჩუმ-ჩუმად იცინოდნენ.

— დიდხანს იძინებს, — თქვა შვეიკმა, — მაგრადაა ნასვამი.

კაპრალმა შიშით გაასაესავა ხელები, ანიშნა, გაჩუმდიო.

— ვითომ რაო, — განაგრძო შვეიკმა, — ღვინითაა განტყვრალი,  
განა ვერ ხედავთ! მერედა, კაპიტანი მაინც არ იყოს! მათ, ამ ფელდ-  
კურატებს, რა სამხედრო ხარისხიც არ უნდა ჰქონდეთ, ყველას,  
აღბათ, თვით ღმერთმა დაუწესა: სადაც კი საბაზი მიეცემათ, ღვი-

ნით ისე გატიალდნენ, პირში ენა აღარა ჰქონდეთ. მე ფელდკურატ კატცთან ვმსახურობდი, იგი ისეთი ვინმე იყო, საკუთარ ცხვირს დააგირავებდა ღვინოში. კიდევ მეტი. ღვინოში ჩვენ სანაწილე გავფლანგეთ, გავფლანგავდით, ალბათ, თვით მამაზეციერ ღმერთსაც ვინმე ისეთი ღვთისსიერი რომ აღმოჩენილიყო, მასში ცოტა ფული შემოეძლია.

შვეიცი მივიდა პატერ ლაციინასთან, ზურგისკენ შეატრიალა და საქმის ცოდნით განაცხადა:

— თვით ბრუკამდე ფეხს არ გაანძრევს... — და თავის ადგილზე დაბრუნდა. მას სასოწარკვეთილებით აღსავეს თვალი გააყოლა გაუბედურებულმა კაპრალმა, რომელმაც ჩაიბუტბუტა.

— უნდა წავიდე და განვაცხადო.

— ამაზე ფიქრს თავი დაანებეთ, — გამოეპასუხა ნებითგანწყობილი. — თქვენ ბაღრაგის უფროსი ხართ და უფლება არა გაქვთ ტუსაღები დაგეტოვოთ. გარდა ამისა, ინსტრუქციით თქვენ უფლება არა გაქვთ ჩვენი მხლებელი ყარაულიდან რომელიმე გაგზავნოთ პატაკით, რადგან შემცვლელი არა გყავთ. როგორც ხედავთ, რთული მდგომარეობაა. არ ივარგებს აგრეთვე, პაერში გასროლოც. რომ ვინმემ მოირბინოს — აქ საიმისო არაფერი მომხდარა. მაგრამ, მეორეს მხრივ, არსებობს მოწერილობა, რომ ტუსაღთა ვაგონში არავინ უნდა იყოს, პატიმრებისა და მათი მცველი ჯარისკაცების გარდა, აქ შემოსვლა გარეშე პირათთვის სასტიკად აკრძალულია. თქვენ რომ მოინდომოთ თქვენი დანაშაულის კვალის დაფარვა და შეეცადოთ გაქანებულ მატარებლიდან ობერ-ფელდკურატის ჩუმად გადაგდება, ესეც არ გამოგივათ, რადგან აქ არიან მოწმეები, რომლებმაც დაინახეს, როგორ შემოუშვით იგი ვაგონში, სადაც მისი ყოფნა დაუშვებელია. დიახ, პანე კაპრალ, ამას სამსახურებრივი დაქვეითების სუნი უდის.

კაპრალმა გაუბედავად პროტესტი განაცხადა, მე ხომ არ შემომიშვია ვაგონში ობერ-ფელდკურატიო, თვითონ მოგვეკედლა, რაც არ უნდა იყოს ფელდკურატია — მაინც უფროსიაო.

— აქ უფროსი მხოლოდ ერთია — ეს თქვენა ხართ, — მტკიცედ წარმოთქვა ნებითგანწყობილმა, შვეიციმა კი დასძინა:

— ჩვენთან თვით ხელმწიფე-იმპერატორმა რომ მოისურვოს შემოხიზვნა, თქვენ უფლება არა გაქვთ ამის ნება მისცეთ. ეს იგივეა, საგუშაგოზე მდგომ ახალწვეულთან ინსპექტორი ოფიცერი რომ მივიდეს და სთხოვოს, სიგარეტებზე გამეგზავნეო, მან კიდევ



სიამოვნებით ასრულოს ეს თხოვნა და ისიც იკითხოს, რა ხარისხის სიგარეტებს ინებებთო. ასეთი ამბებისთვის ციხეში ამწყვდევნ ადამიანს.

კაპრალმა ფრთხილად შენიშნა შვეიკს — თქვენ არ იყავით, ობერ-ფელდკურატი რომ შემოიპატიყეთ, ჩვენთან იმგზავრეთო.

— ჩემგან ყველაფერი მოსალოდნელია, პანე კაპრალ, — უპასუხა შვეიკმა, — იმიტომ, რომ მე იდიოტი ვარ, თქვენ კი ეს არასგზით არ გეპატიებათ.

— დიდი ხანია რაც ზევადიან სამსახურში ხართ? — თითქოს სხვათა შორის შეეკითხა ნებითგანწესებული კაპრალს.

— მესამე წელიწადია. ახლა უნდა დამაწინაურონ ოცეულის უფროსად.

— ამ საქმეს შეგიქლიათ ჯვარი გადაუსვათ, — ცინიკურად უთხრა ნებითგანწესებულმა, — მე უკვე ვთქვი, რომ მთელ ამ ამბავს დაქვეითების სუნი უდის-მეთქი.

— ბოლოს და ბოლოს სულ ერთია, — გამოეხმაურა შვეიკი, — ოცეულის უფროსად მოგკლავენ, თუ რიგით ჯარსკაცად. თუმცა, უნდა ითქვას, რომ დაქვეითებულებს პირველ რიგებში ერეებიან.

ობერ-ფელდკურატი ძილში შეინძრა.



— ძინავს, — განაცხადა შვეიკმა, როცა დარწმუნდა, რომ ხუცესთან ყველაფერი წესრიგშია. — მას, ალბათ, სათქველფი დაე-სიზმრა. მაგრამ ძალიან ვშიშობ, აქ არაფერი მოუვიდეს. ჩემი ფელდკურატი, ოტო კატცი, როცა გამოიბრუებოდა, არაფერს გრძნობდა ხოლმე ძილში. ერთხელ, წარმოიდგინეთ...

და შვეიკმა დაიწყო ამბების მოყოლა ფელდკურატთან თავისი საშახურის პრაქტიკიდან და ისეთი საინტერესო წვრილმანებით, რომ ვერავინ შენიშნა, თუ როგორ დაიძრა მატარებელი.

შვეიკის საუბარი შეწყვიტა ღრიანცელმა, რომელიც უკანა ვაგონებიდან გაისმა. მეთორმეტე ასეული, რომელიც მთლიანად კრუმლოველ და კაშპერელ გერმანელებისგან შედგებოდა, ღრიალებდა სიმღერას:

Wann ich kumm, wann ich kunim,  
Wenn ich wieda, wieda kumm.<sup>1</sup>

მეორე ვაგონიდან ვიღაც საშინლად გაჰკიოდა, და ეს კივილი მიმართული ჰქონდა ბუდეიოვიცესკენ, რომელიც უკან რჩებოდა:

Und du, mein schatz  
Bleibst hier.  
Holario, holario, holo!<sup>2</sup>

ეს ისეთი შემზარავი კივილი იყო, რომ ამხანაგებმა ველარ გაუძღეს და მომღერალი პირუტყვის ვაგონის გაღებულ კარებიდან შიგ ვაგონში შეათრის.

— საკვირველია, რომ აქ ჯერჯერობით არ მოვიდნენ შესამოწმებლად, — უთხრა ნებითგანწესებულმა კაპრალს. — თანახმად არსებული წესდებისა, ვიღაც გაღეშილ ობერ-ფელდკურატს კი არ უნდა გადაყოლოდით, არამედ მატარებლის კომენდანტისთვის ჯერ კიდევ სადგურზე უნდა მოგესხენებინათ ჩვენს შესახებ.

საიცოდავი კაპრალი ხმას არ იღებდა და ტელეგრაფის ბოძებს უცქეროდა, რომლებიც უკან გარბოდნენ.

— საკმარისია გავიფიქრო, რომ ჩვენზე არაუისთვის არაფერი მოუხსენებიათ, — განაგრძო გესლიანად ნებითგანწესებულმა, — პირველ სადგურზევე კი, — ეს ისე ვიცი, როგორც ორჯერ ორი ოთხია, — ჩვენს ვაგონში მატარებლის კომენდანტი ამოძვრება, რომელსაც წარმოდგენაც არა აქვს, თუ რა ხდება აქ, და უმალ ჯარისკაცური სისხლი ამიღულდება ძარღვებში თითქოს ჩვენ ვიღაც...

<sup>1</sup>. როცა უკან დავბრუნდები (სიმღერა გერმანულ დიალექტზე)

<sup>2</sup> შენ კი, ჩემო სიუნიჯევ, დამრჩები აქ. პოლარიო, პოლარიო, პოლო (გერმ.)

— ბოშები ვიყოს, — შეეშველა შვეიკი, — ან მაწანწალები თითქოს მზის სინათლას გვეშინია და არსად ვჩნდებით, თითქოს დაპატიმრების გვეშინია.

— გარდა ამისა, — თქვა ნებითგანწყობულმა, — ათას რეაის სამოცდაცხრამეტი წლის ოცდაერთი ნოემბრის განკარგულების საფუძველზე რკინიგზით სამხედრო პატიმრების გადაყვანის დროს დაცული უნდა იქნას შემდეგი წესები: პირველი, — პატიმართა ვაგონს უნდა ჰქონდეს რკინის გისოსები, — ეს ნათელზე ნათელია, ამ შემთხვევაში პირველი წესი დაცულია: ჩვენ მოთავსებული ვართ წუნდაუდებელ გისოსებიან ვაგონში. ეს, მაშასადამე, წესრიგშია. მეორე — იმპერატორისა და მეფის ათას რეაის სამოცდაცხრამეტი წლის ოცდაერთი ნოემბრის განკარგულების დამატებით პატიმართა ყოველ ვაგონს უნდა ჰქონდეს ფეხისადგილი. თუ ასეთი არა აქვს, მაშინ ვაგონში უნდა დაიდგას თავსახურიანი ჭურჭელი პატიმართა და მათი მხლები ჯარისკაცებისთვის მცირე და დიდი ფიზიოლოგიურ მოთხოვნილებათა დასაკმაყოფილებლად. ჩვენა შემთხვევაში, ფეხისადგილიან საპატიმრო ვაგონზე ლაპარაკიც ზედმეტია: ჩვენ უბრალოდ შემოღობილ კუბეში ვიმყოფებით, და, გარდა ამისა, აქ არ მოიპოვება ზემოთნახსენები ჭურჭელი.

— შეგიძლიათ ფანჯარაში მოისაქმოთ, — თქვა მთლად გაუბედურებულმა კაპრალმა.

— თქვენ გავიწყდებათ, — უთხრა შვეიკმა, — რომ პატიმრებს აკრძალული აქვთ ფანჯარასთან მისვლა.

— შესაშე, — განაგრძო ნებითგანწყობულმა, — ვაგონში უნდა იყოს ჭურჭელი. სასმელი წყლით. თქვენ ამაზეც არ იზრუნეთ. A propos! <sup>1</sup> რომელ სადგურზე დაარიგებენ სადილს? არ იცით? ასედაც ვიცოდით: თქვენ ამის შესახებ არაფერი გამოგიკითხავთ.

— აი, ხომ ხედავთ, პანე კაპრალ, — შენიშნა შვეიკმა, — პატიმრების ტარება, ფლავის ჰამა როდია. ჩვენზე უნდა იზრუნოთ. ჩვენ უბრალო ჯარისკაცები როდი ვართ, რომლებიც ვალდებულნი არიან თვითონ მოუარონ თავის თავს. ჩვენ ყველაღვი უნდა მოგვარდეთ, ამის შესახებ არსებობს განკარგულებანი და პარაგრაფები, რომლებიც უნდა შესრულდეს, წინააღმდეგ შემთხვევაში, რა წესრიგი გვექნებოდა? „პატიმარი ჩვრებში გახვეული ბავშვივითაა, — როგორც იტყოდა ხოლმე ერთი ჩემი ნაცნობი მაწანწალა, —

<sup>1</sup> „ჰო, მართლა! (ფრანგ.)

მას თვალყური უნდა აღევნოთ, რომ არ გაცივდეს, არ იღვავოს, თავისი ბედით კმაყოფილი იყოს და იმ საცოდავს არაფერი საწყენი შეხვდეს...“ სხვათა შორის, — მეგობრული კილოთი დასძინა შვეიკმა, — პანე კაპრალ, თერთმეტი საათი როცა გახდება, ძალიან გთხოვთ მაცნობოთ.

კაპრალმა გაკვირვებით შეხედა შვეიკს.

— თქვენ, როგორც ჩანს, გინდათ შემეკითხოთ, პანე კაპრალ, თერთმეტ საათზე რატომ უნდა გამაფრთხილოთ? საქმე ისაა, პანე კაპრალ, რომ თერთმეტი საათიდან ჩემი ადგილი პირუტყვთა ვაგონშია და არა აქ, — ზეიმურად განაცხადა შვეიკმა. — პოლკის პატაკის დროს მისჯილი მქონდა სამი დღით პატიმრობა. თერთმეტ საათზე შეეუღდექი სპაგელის მოხდას, და დღეს თერთმეტ საათზე უნდა განეთავისუფლდე. თერთმეტი საათიდან აქ აღარაფერი მესაქმება. არც ერთი ჯარისკაცი არ შეიძლება პატიმრობაში იყოს იმაზე მეტხანს, ვიდრე ეკუთვნის, ვინაიდან სამხედრო სამსახურში დისციპლინა და წესრიგია საჭირო უწინარეს ყოვლისა, პანე კაპრალ.

ეს ისეთი თავზარი იყო კაპრალისთვის, რომ იგი დიდხანს ვერ მოვიდა გონს. ბოლოს ასე მიუგო შვეიკს, ამის შესახებ არავითარი ოფიციალური ქაღალდი არ მიმიღიაო.

— ჩემო უძვირფასესო კაპრალ, — გამოეხმაურა ნებითგანწყობილი, — წერილობითი განკარგულებანი თავისთავად ბადრაგის უფროსთან არ მიიზბენენ. თუ მთა არ ეახლება მუჰამედს, ბადრაგის უფროსი თავისი ფეხით უნდა მივიდეს მასთან. თქვენ აპუგვრად არაჩვეულებრივ სიტუაციაში მოხვდით. თქვენ არავითარი უფლება არა გაქვთ დააკავოთ ვინმე, ვისაც თავისუფლება ეკუთვნის. მეორეს მხრივ, არსებული წესის თანახმად, არავის უფლება არა აქვს გავიდეს საპატიმრო ვაგონიდან. მართალი გითხრათ, არ ვიცი, როგორ გამოძვრებით ამ საძაგელ მდგომარეობიდან. რაც უფრო მეტი დრო გადის, მდგომარეობა უფრო უარესდება. ახლა თერთმეტის ნახევარია.

ნებითგანწყობილმა საათს დახედა და ისევ ჯიბეში ჩაიღო.

— ძალიან საინტერესოა, რას მოიმოქმედებთ ნახევარი საათის შემდეგ, პანე კაპრალ.

— ნახევარი საათის შემდეგ პირუტყვთა ვაგონში გადავალ, — გაიმეორა ოცნებით გატაცებულმა შვეიკმა.

მას განადგურებულმა და თავგზააბნეულმა კაპრალმა მიმართა:

— თუ თქვენთვის ეს დიდ როლს არ თამაშობს... ვფიქრობ, რომ აქ გაცილებით უკეთესია, ვიდრე პირუტყვთა ვაგონში. ვფიქრობ...

კაპრალს შეაწყვეტინა ობერ-ფელდჟურატმა, რომელმაც ძილში წამოიყვინა:

— თუ შეიძლებოდა მომეცით მეტი სოუსი.

— იძინე, იძინე, — აღერსიანად უთხრა შვეიკმა, და თავქვეშ შეუქეცა სკამლოგინიდან გადმოშეერილი ფარაჯის კალთა. — გისურვებ სასიამოვნო სიზმრებს სათქვლელზე.

ნებითგანწყესებულმა უძღერა:

ნანა, იძინე, შეილო...  
მზო და თვალისჩინო,  
ფუფალა ხომ გვერდში გიწევს,  
ანგელოზიც აკვანს გირწევს,  
ნანა, იძინე, შეილო...

საწყალი კაპრალი უკვე აღარაფერს აქცევდა ყურადღებას. გამოთავყვანებული ფანჯარაში იყურებოდა. მან სრული გასაქანი მისცა პატიმართა კუბეში გაბატონებულ დეზორგანიზაციას. ტიხრთან მცველი ჯარისკაცები „ხორცობანას“ თამაშობდნენ და მოგებულ ჯარისკაცები წაგებულს კეთილსინდისიერად და მთელი ძალით უტყლაშუნებდნენ ხელს უკან, რბილ ადგილებზე. როცა კაპრალმა მიიხედა, მას პირდაპირ თვალში მოხვდა მისკენ გამომწვევად შემობრუნებული ჯარისკაცის უკანალი. კაპრალმა ამოიხენეშა და ისევ ფანჯარისკენ იბრუნა პირი.

ნებითგანწყესებული ერთი წუთით დაფიქრდა, მერე მიუბრუნდა დაჯაბნებულ კაპრალს:

— თუ წაგიკითხავთ ოდესმე „ცხოველთა სამყარო?“ \*

— ამ ქურნალს ჩვენთან სოფელში ერთი მიკიტანი იწერდა, — უპასუხა კაპრალმა, აშკარად კმაყოფილმა იმით, რომ საუბარმა სხვა მიმართულება მიიღო. — მიკიტანი დიდი მოყვარული იყო სანის თხების, მაგრამ მას ყველანი დაეხოცა. და აი ამ ქურნალის საშუალებით იგი რჩევას ეჯიბებოდა ყველას.

— ძვირფასო მეგობარო, — უთხრა ნებითგანწყესებულმა, — ამბავი, რომელსაც გადმოგცემთ ახლა, მთელი სიცხადით დაგიმტკიცებთ, რომ აღამიანმა შეიძლება შეცდომა ჩაიდინოს. ბატონებო! დარწმუნებული ვარ, რომ თქვენ თავს დაანებებთ „ხორცობანას“ თამაშს, რადგანაც, რასაც ახლა ვიამბობთ, ძალიან საინტერესოდ მო-

გჩვენებათ, თუნდაც იმიტომ, რომ ბევრ სპეციალურ ტერმინს ვერც გაიგებთ. გადმოგცემთ მოთხრობას „ცხოველთა სამყაროს“ შესახებ, რაც დაგავიწყებინებთ ახლანდელი ომის ჭირ-ვარამს.

თუ რანაირად გავხდი თავის დროზე „ცხოველთა სამყაროს“, ამ ფრიად საინტერესო ჟურნალის რედაქტორი, — დიდხანს ამოუბსნელი ამოცანა იყო თვით ჩემთვის. მერე მივედი იმ დასკვნამდე, რომ ასეთი რამისთვის ხელის მოკიდება შემძლე მხოლოდ სრული შეუპოვებლობის მდგომარეობაში. ასე შორს შემატროინა ერთი ძველი მეგობრის — ჰაეკის მიმართ მეგობრულმა გრძნობებმა. ჰაეკი კეთილსინდისიერად რედაქტორობდა ამ ჟურნალს, სანამ მისი გამომცემლის ფუქსის ქალიშვილი არ შეუყვარდა. ფუქსმა არც აცივა, არც აცხელა, დაუყოვნებლივ სამსახურიდან გააგდო ჰაეკი და უბრძანა, ჟურნალისთვის ვინმე წესიერი რედაქტორი მომიძებნო.

როგორც ხედავთ, იმ დროს დაქირავებისა და დათხოვნის საკმაოდ უცნაური პირობებია არსებობდა.

როცა ჩემმა მეგობარმა ჰაეკმა გამომცემელთან მიმიყვანა, მან ძალიან ტკბილად მიმიღო და გამომკითხა, რაიმე წარმოდგენა თუ გაქვს ცხოველებზეო. ჩემი პასუხით დიდად კმაყოფილი დარჩა. მე ის აზრი გამოვთქვი, რომ ყოველთვის ძალიან პატივსა ვცემდი ცხოველებს და მათში ვხედავდი მხოლოდ საფეხურს ადამიანად გადაქცევისა და რომ, ცხოველთა დაცვის თვალსაზრისით, მე განსაკუთრებულ ყურადღებას ვაქცევდი მათ მოთხოვნებსა და მისწრაფებებს. თვითელი ცხოველის სურვილი მხოლოდ ერთ რამეში გამოიხატება, სახელდობრ: შეჭმის წინ დაკლან ის რამდენადაც შესაძლებელია უმტკივნეულოდ. მაგალითად, კობრს დაბადებიდან ძვალსა და რბილში გამჯდარი აქვს ის აზრი, რომ ძალიან ულამაზოა მზარეული ქალების მხრივ, როცა ისინი ცოცხლად უფატრავენ მას მუცელს. მეორეს მხრივ ავიღოთ მამლებისათვის თავის წაგდებინების ჩვეულება. ცხოველთა დაცვის საზოგადოება იბრძვის, როგორც კი შეუძლია, იმისთვის, რომ ფრინველს გამოკდილმა ხელმა მოკვეთოს თავი. შემწვარი გოჭალას, დაკრუნჩხული მდგომარეობა საუკეთესოდ ადასტურებს იმას, რომ სიკვდილის დროს ისინი მთელი თავისი არსებით ეწინააღმდეგებიან მარგარინზე ცოცხლად მათ შეწვას. რაც შეეხება ინდაურებს...

აქ გამომცემელმა შემაწყვეტინა და მკითხა, ვიცნობ თუ არა მეფრინველეობის საქმიანობას, ძაღლების მოშენებას, მებოცვრეო-

ბას, მეფუტკრეობას, საერთოდ ცხოველთა ცხოვრების მრავალფეროვნებას და შეეძლებ თუ არა ამ ცხოვრების ამსახველი სურათების სხვა ჟურნალებიდან ამოჭრას და შეგროვებას, უცხოური ჟურნალებიდან ცხოველების შესახებ სპეციალური სტატიების თარგმნას, შემიძლია თუ არა გამოვიყენო ბრემი საჭიროებისამებრ, და დაეწერო მოწინავე წერილები ცხოველთა ცხოვრებიდან შეფარდებული კათოლიკურ კალენდართან, ამინდის ცვლილებასთან, დოლებთან, საპოლიციო ძალების წვრთნასთან, ნაციონალურ და საეკლესიო დღესასწაულებთან და ა. შ., მოკლედ, გამაჩნია თუ არა ჟურნალისტური თვალთახედვა და ნიჭი გარკვეული მომენტი მოვხატო მცირე ზომის, მაგრამ შინაარსიან მოწინავეში.

მე განვუცხადე, რომ ისეთი ჟურნალის წარმართვის გეგმა, როგორცაა „ცხოველთა სამყარო“, ჩემს შიერ უკვე დიდი ხანია მოფიქრებულია და დამუშავებულია და რომ ყველა დასახული განყოფილებანი და რუბრიკები მთლიანად შემიძლია ავიღო ჩემს თავზე, რადგან დასახელებული დარგების გასაძლოლად ყოველგვარი მონაცემები გამაჩნია და ცოდნაც შემწვევს. ჩემი მისწრაფება იქნება, ჟურნალი არნახულ სიმძლავრეზე ავიყვანო, გარდაეკმინი მას, როგორც ფორმის, ისე შინაარსის მხრივ. შემდეგ ვუთხარი, რომ განზრახული მაქვს ახალი განყოფილებების შემოღება, მაგალითად, „ცხოველთა ჰუმორის კუთხე“, „ცხოველები ცხოველთა შესახებ“ (რა თქმა უნდა, პოლიტიკურ მომენტთან შეფარდებით) და მკითხველთ ზედიზედ მივაწოდო სიურპრიზები, რათა აზრზე ვერ მოვიდნენ, როცა სხვადასხვა ცხოველთა აღწერის კითხვას შეუდგებიან. „ცხოველთა ქრონიკის“ განყოფილების დროდადრო შენაცვლება შინაურ ცხოველთა შესახებ პრობლემების გადაჭრის ახალი პროგრამითა და „პირუტყვთა შორის მოძრაობით“.

გამომცემელმა ისევ შემაწყვეტინა და მითხრა — ეს სავსებით საეკარისია და ამის თუნდაც ნახევრის გაკეთებას რომ შეეძლებდეთ, ერთ წყვილ ქონდარა ვიანდოტს გითავაზებთ, რომლებმაც პირველი პრიზი მიიღეს შინაურ ფრინველთა ბერლინის უკანასკნელ გამოფენაზე, მათი პატრონი კი ოქროს მედლით დააჯილდოეს საუკეთესო შეწყვილებისთვის.

შემიძლია ვთქვა, რომ ვცდილობდი, რისი ძალაცა და შესაძლებლობაც შემწვევდა და „მთავრობის“ პროგრამას ვასრულებდი ჩემი ნიჭისა და უნარის მიხედვით, უფრო მეტიც, მე ისიც კი აღმოვაჩინე, რომ ჩემს სტატიებში თურმე საკუთარ თავს გადავაჭარბე.

ჩემი სურვილი იყო მკითხველისთვის მიმეწოდებინა რამე ახალი და მოულოდნელი, ამიტომ მე თვითონ ვიგონებდი ცხოველთა ახალ სახეებს. მე იმ პრინციპიდან გამოვდიოდი, რომ, მაგალითად, სპილო, ვეფხვი, ლომი, მამიძენი, თხუნელა, ცხენი, ღორი და ა. შ. დიდი ხანია ცნობილია „ცხოველთა სამყაროს“ თვითეული მკითხველისთვის და რომ საჭიროა მკითხველის გამოთხიზლება ახალი აღმოჩენებით. საცდელად გავუშვი „გოგირდოვანი ვეშაპი“. ვეშაპის ეს ახალი სახეობა ვირთვეზას ოდენა იყო და ბუშტი ჭიანჭველის სიმკვავით ჰქონდა საესე. გარდა ამისა, მას განსაკუთრებული მოწყობილობის კლოაკა<sup>1</sup> ჰქონდა, საიდანაც გოგირდოვანი ვეშაპი ფეთქებით უშვებდა სავანგებო მკაეას; ეს მკაეა აბრუებდა წვრილ თევზს, რომლითაც ვეშაპი იკვებებოდა. მოგვიანებით ჩემს მაერ მოგონილმა ერთმა ინგლისელმა მეცნიერმა (არ მახსოვს რა გვარი შეეარქვი) ამ მკაეას „ვეშაპის მკაეა“ უწოდა. ვეშაპის ქონი ყველასათვის ცნობილი იყო, მაგრამ ვეშაპის მკაეა პირველად გაიგონეს და ამან დიდი ინტერესი აღძრა მკითხველებში. რამდენიმე მკითხველი შეეკითხა რედაქციას, რომელი ფირმა აწარმოებს ამ მკაეას წმინდა სახით გამომუშავებასო.

თავს ნებას ვაძლევ დაგარწმუნოთ, რომ „ცხოველთა სამყაროს“ მკითხველები საერთოდ ძალზე ცნობისმოყვარენი არიან.

გოგირდოვანი ვეშაპის შემდეგ მთელი რიგი სხვა საკვირველი ცხოველები გამოვიგონე. დავასახელებ თუნდაც შემდეგს: „ბლაპნიკი ორკოლი“ — ძუძუთქმუოვარა კენგურუს ოჯახიდან, „ხარი საჭმელი“ — ჩვენი ძროხის პროტოტიპი და „სეპიოვეს ინფუზორია“, რომელიც მღრღნელთა ოჯახს მიეკუთვნე. ყოველდღე მემატებოდა სულ ახალი და ახალი ცხოველები. მე თვითონ გამოაცა აეთთმა წარმატებამ ამ დარგში. წინათ არასოდეს აზრად არ მომსვლია, რომ ოდესმე წამოიჭრებოდა ფაუნის გამდიდრების ასეთი აუცილებლობა. ვერც კი წარმოვიდგენდი, რომ ბრემს თავის „ცხოველთა სამყაროში“ ამდენი ცხოველი ჰყავდა გამოტოვებული. იციან თუ არა ბრემმა და მისმა მიმდევრებმა ჩემი ღამურას არსებობა კუნძულ ისლანდიიდან, ეგრეთ წოდებულ „უცხოურ ღამურას“ შესახებ, ან ჩემი შინაური კატის შესახებ, მთა კალიმანჯაროს მწვერვალიდან რომ მკაეას ჩამოყვანილი და რომელსაც „ირ-

<sup>1</sup> საერთო გასავალი განავალისა, შარდისა და სასქესო პროდუქციების, — აქვს ზოგიერთ ცხოველს. (მთარგ.)

მის გამღიზიანებელი“ ეწოდება. განა რომელიმე ბუნებისმეტყველს აქამდე თუნდაც ოდნავი წარმოდგენა ჰქონდა „ინჟინერ კუნის რწყილის“ შესახებ, რომელიც მე ქარვაში ვიპოვე; ის მთლად ბრმა იყო, რადგან წინაისტორიულ თხუნელას ბეწვში ცხოვრობდა, თხუნელა თვითონაც ბრმა იყო, რადგან მისი ბებიის დედა შეწყვილებული იყო, როგორც ჩემს სტატიაში ვწერდი, ბრმა „გამოქვაბულის მაცარატთან“ პოსტოენის გამოქვაბულიდან, რომელიც იმ ეპოქაში ახლანდელ ბალტიის ზღვამდე იყო გადაჭიმული.

ამ, თითქოს უმნიშვნელო საბაბმა, წამოჭრა გაცხოველებული პოლემიკა გაზეთებს „ვერემია“\* და „ჩეხს“\* შორის. „ჩეხს“ თავის ფელეტონში — რუბრიკით „სხვადასხვა“ — ჩემს მიერ აღმოჩენილ რწყილის შესახებ სტატიიდან ციტატა მოჰყავდა და ასე ასკვნიდა: „რასაც ღმერთი აკეთებს, ყოველივე სასიკეთოდააო“. „ვერემია“-მ ბუნებრივია, წმინდა რეალისტურად დაამსხვრია ჩემი რწყილი, დაამსხვრია მუხლობრივად, თან ზედ ღირსეული „ჩეხიც“ მიაყოლა. ამ დღიდან, როგორც ჩანს, ჩაესვენა ჩემი ბედნიერი ვარსკვლავი გამოგონებელ-ბუნებისმეტყველისა, რომელმაც მთელი რიგი ახალი ქმნილება აღმოაჩინა. „ცხოველთა სამყაროს“ ხელის მომწერლები უქმაყოფილებას გამოსთქვამდნენ. უქმაყოფილების საბაბად იქცა ჩემი პატარა შენიშვნები მეფუტკრეობასა და მეფრინველეობაზე. ამ შენიშვნებში რამდენიმე ჩემი საკუთარი ახალი თეორია განვავითარე, რომლებმაც მთელი პანია გამოიწვიეს, რადგან მკითხველისადმი მიმართულ რამდენიმე ჩემი ფრიად უბრალო რჩევის შედეგად, ცნობილ მეფუტკრე პაზოურეკს დამბლა დაეცა, შუქანსა და პოდკრკონოშეში\* ფუტკარს თითქოს მუსრი გაავლესო, მთლად გაწყდა. შინაური ფრინველი კი ჰირმა გაწყვიტა — ერთი სიტყვით ყველგან ყველაფერი ილუპებოდა. ხელისმომწერლებმა მუქარის წერილები მოაყარეს რედაქციას. უარს ამბობდნენ ხელის მოწერაზე. მაშინ გარეულ ფრინველზე მივიტანე იერიში. აქამდე ძალიან კარგად მახსოვს ჩემი კონფლიქტი „სოფლის მიმოხილვის“ რედაქტორთან, კლერაკალ — დეპუტატ იოზეფ მ. კადლაჩაკთან. დაიწყო იმით, რომ მე ერთ ინგლისურ ჟურნალიდან „Country Life“<sup>1</sup> ამოვკერი სურათი, რომელიც გამოსახავდა მუხაზე შემომჯდარ ფრინველს\*. ამ ფრინველს „რკოანა“ ვუწოდე. ზუსტად ასევე უყოყმანოდ შემეძლო ჰნავაზე შემომჯდარ ფრინველისთვის „ჰნავანა“ მეწოდებინა. მთელი დავიდარაბა ატყდა. კადლა-

<sup>1</sup> სოფლის ცხოვრება (ინგლ.).



ჩაკი ღია წერილით თავს დამესხა და ამტკიცებდა, რომ ეს ჩხიკვია და არა რაღაც „რკონა“. „რკონა“ ბრმად არის ნათარგმნიო გერმანულიდან Eichelhäher<sup>1</sup>.

მე წერილითვე ვუპასუხე, რომელშიც მოვიყვანე მთელი ჩემი თეორია „რკონას“ დასასაბუთებლად, თან გზადაგზა ლანძღვა-გინებაც არ დავაკელი და რამდენიმე ადგილას ბრემიდანაც ჩაუერთე ციტატები, რომლებიც ჩემს მიერ იყო მოგონილი, ბრემს კი ამის მსგავსი არაფერი ჰქონდა ნათქვამი. დეპუტატმა კაღლაჩაკმა „სოფლის მიმოხილვის“ მოწინავე წერილით მიპასუხა.

ჩემი შეფი, პან ფუქსი, როგორც ყოველთვის, კაფეში იჯდა და ადგილობრივ ვაზეთებს კითხულობდა, რადგან უკანასკნელ ხანებში თვალყურის დევნება დაუწყო იმ შენიშვნებსა და რეცენზიებს, რომლებიც „ცხოველთა სამყაროში“ მოთავსებულ ჩემი წარბატი სტატიების ირგვლივ იწერებოდა. როცა კაფეში მივედი, მან თავის მოძრაობით მანიშნა მაგიდაზე დადებულ „სოფლის მიმოხილვაზე“ და რაღაცა ჩაიბუტბუტა, თან ნაღვლიანი თვალებით შემომხედა. თვალების ეს დამწუხრებული გამომეტყველება დასჩემდა მას ამ უკანასკნელ დროს.

მე ხმამაღლა, ყველა იქ დამსწრეთა გასაგონად წავიკითხე:

— დიდად პატივცემულო რედაქცია!

ჩემს მიერ შემჩნეულია, რომ თქვენი ჟურნალი მკითხველებს უჩვეულო და დაუსაბუთებელ ზოოლოგიურ ტერმინოლოგიას აწოდებს, უგულვებლყოფს ჩეხური ენის სიწმინდეს და ათასნაირ ცხოველებს იგონებს. მე უკვე აღვნიშნე, რომ ნაცვლად საყოველთაოდ მიღებულ და ოდითვე ხმარებულ სახელწოდებისა „ჩხიკვი“ თქვენს რედაქტორს შემოაქვს ხმარებაში სახელი „რკონა“, რაც გერმანული ტერმინის Eichelhäher სიტყვა სიტყვით თარგმანს წარმოადგენს — უნდა იყოს კი „ჩხიკვი“.

— ჩხიკვი, — უიმედოდ გაიმეორა გამომცემელმა.

მე მშვიდად განვაგრძე კითხვა:

„ამის საპასუხოდ თქვენი ჟურნალის „ცხოველთა სამყაროს“ რედაქტორისგან მივიღე პირადი ხასიათის წერილი, დაწერილი მეტად უხეში, გამომწვევი კილოთი. ამ წერილში მე უვიცი პირუტყვი მიწოდეს, ეს კი, მოგეხსენებათ, შეურაცყოფაა, რომლისთვისაც სათანადოდ ისჯებიან. წესიერი ადამიანები ასე არ პასუხობენ მეცნიერულ ხასიათის შენიშვნებზე. ეს ჯერ კიდევ დასადგენია, ჩვენ

<sup>1</sup>, Eichel — რკო (გერმ.)

შორის ვინ უფრო პირუტყვია. შეიძლება, ჩემი საბასუხო შენიშვნები. ღია წერილით არ უნდა გამომეგზავნა, ალბათ, დახურული წერილი უნდა დამეწერა, მაგრამ იმდენად გადატვირთული ვარ მუშაობით, რომ ყურადღებიდან გამომჩნა ეს უმნიშვნელო გარემოება. ახლა კი თქვენი „ცხოველთა სამყაროს“ რედაქტორის უზრდელი, ხეპრული თავდასხმის გამო თავს მოვალედ ვთვლი გავაკრა იგი საზოგადოებრივი განკიცხვის სამარცხვინო ბოძზე. თქვენი რედაქტორი ძალიან ცდება, თუ მე ზერეჟვერედ ნასწავლად და უვიც პირუტყვად მთვლის, რომელსაც, თითქოს, წარმოდგენაც არა მაქვს, ამა თუ იმ ფრინველს რა ეწოდება. ორნიტოლოგიის დარგში დიდი ხანია ვმუშაობ და ჩემს ცოდნას მკვდარი წიგნებიდან კი არ ვიძენ, არამედ თვით ბუნებიდან; გალიებში მე გაცილებით მეტი ფრინველი მყავს, ვინემ თქვენს რედაქტორს ისინი თავის სიცოცხლეში უნახავს, რედაქტორს, რომელიც ნიადაგ პრალის სამიკიტნობსა და ტრაქტირებში აგდია.

მაგრამ ყოველივე ეს მეორეხარისხოვანია, თუმცა, რა თქმა უნდა თქვენი ჟურნალის „ცხოველთა სამყაროს“ რედაქტორი, ურიტო არ იქნებოდა, დარწმუნებულყოფი, რას წარმოადგენს ის ადამიანი, რომელსაც იგი პირუტყვს უწოდებს, სანამ ეს შარის მოდება გამოქვეყნდებოდა და თვალში მოხვდებოდა მკითხველებს. მორავიაში, მისტეკის ფრილანდში, სადაც ამ სტატიის გამოქვეყნებამდე თქვენს ჟურნალს ჰყავდა ხელის მომწერლები. ბოლოს და ბოლოს საქმე ვილაც ჭკუაშერყეულთან პირადი ხასიათის პოლემიკაში როდია, საქმე ისაა ჭეშმარიტება იქნას აღდგენილი. ამიტომ კიდევ ერთხელ ვიმეორებ, რომ დაუშვებელია ახალი სახელწოდებების გამოგონება, გამომდინარე სახელწოდების სიტყვა სიტყვით თარგმანიდან, როცა ჩვენ გვაქვს ყველასთვის ცნობილი მშობლიური სახელწოდება „ჩხიკვი“.

— ჰო, ჩხიკვი, — კიდევ უფრო მეტი სასოწარკვეთილებით წარმოთქვა ჩემმა შეფმა.

მე მშვიდად განვაგრძობ კითხვას, საშუალებას არ ვაძლევ შეშფხვეტიანს.

„როცა არასპეციალისტი და ხულიგანი ხელს კიდებს ისეთ საქმეს, რომელშიც ვერ ერკვევა, ეს უკვე თავხედობაა მისი მხრივ. ვინ როდის უწოდა ჩხიკვს რკოანა? შრომაში „ჩვენი ფრინველები“

148 გვერდზე არის ლათინური სახელწოდება „*Ganulus glandarius* B. A.“ აი სწორედ ეს გახლავთ „ჩხიკვი“.

თქვენი ჟურნალის რედაქტორი უცილობლად უნდა გამოტყდეს, რომ ფრინველებს მე უკეთესად ვიცნობ, ვიდრე მათ შეიძლება იცნობდეს არასპეციალისტი. რკოანა, პროფესორ ბაიერის ტერმინოლოგიით წარმოადგენს მხოლოდ და მხოლოდ *mucifraga carycatectes* B. და ეს ლათინური „ბ“ სრულებითაც არ აღნიშნავს, როგორც თქვენი რედაქტორი მწერდა, სიტყვა „ბრიყვის“ პირველსაწყის ასოს. ჩეხი მეფრინველეები იცნობდნენ მხოლოდ ჩვეულებრივ ჩხიკვს, და მათ არასოდეს გაუგონიათ თქვენი „რკოანა“, გამოგონილი ვაჭბატონის მიერ, რომლისთვისაც ზედგამოჭრილია პირველსაწყისი ასო „ბ“, თანახმად მისივე თეორიისა.

პიროვნების წინააღმდეგ მიმართული, საძრახისი საქციელი, საქმის არსს არ ცვლის. ჩხიკვი რჩება ჩხიკვად, თუნდაც თქვენი რედაქტორი ჭიჭინაზე გასკდეს. ეს უკანასკნელი ერთხელ კიდევ ზედმეტად დაამტკიცებს, რომ წერილის ავტორი ქარაფშუტულად წერს, საქმის არსს არ ეხება, თუნდაც ამასთანავე აღმაშფოთებელ უხეშ ფორმაში ბრემს ეყრდნობოდეს. ასე, მაგალითად, ეს ხეპრე წერს, რომ ჩხიკვი, ბრემის თანახმად 452 გვ., მიეკუთვნება ნიანგისებრ რაზმს, მაშინ, როცა ამ გვერდზე ლაპარაკია ენაბოძალაზე ანუ ჩვეულებრივ დაყოზე (*Zanius minor*).

კიდევ მეტი, რბილად რომ ვთქვათ, ეს უფიცი ისევ ბრემს ეყრდნობა და აცხადებს, რომ ჩხიკვი მიეკუთვნება მეთხუთმეტე რაზმს, მაშინ როცა ბრემი ყვავისებრებს მეჩვიდმეტე რაზმს აკუთვნებს, რომელსაც ეკუთვნიან ყვავებიც, ჭკას ოჯახი, ამასთანავე წერილის ავტორი იმდენად უსირცხვილოა, რომ მეც ჭკა (*Colaeus*) მიწოდა ჩხიკვებისა და ლურჯი ყვავების ოჯახიდან, გაუთლელი ბოთების ქვერაზმიდან, თუმცა იმავე გვერდზე ლაპარაკია ტყის ჩხიკვებსა და ჭრელ კაჭკაჭებზე.

— ტყის ჩხიკვები, — ამოიოხრა გამომცემელმა და თავში იტაცხელი. — მომეცით აქეთ გაზეთი, მე ჩავიკითხავ.

შიშმა ამიტანა, როცა კითხვის დროს გამომცემლის ხროტიანი შემომესმა.

— ნამგალა შაშვი, თურქული, — ჩაიხროტინა შეფმა, — სულ ერთია, ჩეხურ თარგმანში ნამგალა შაშვად დარჩება, რუხი შაშვი კი — რუხად.

— რუხ შაშვს უნდა ეწოდოს კნაენარი, პანე შეფ, — მტკიცე ხმით ვუთხარი, — რადგან კნაევითი იკვებება.

პან ფუკმა გადაადგო გაზეთი და ბილიარდის ქვეშ შეძვრა, თან სტატიის უკანასკნელ სიტყვებს იმეორებდა: „Turdus“<sup>1</sup>. მერე უეცრად მორთო ღრიალი:

— ეშმაკსაც წაუღია ჩხიკვი რკოანა! გამეცა, გიკბენ! ძლივძლივობით გამოათრიეს. მესამე დღეს ვიწრო ოჯახურ წრეში განუტევა ტანჯული სული ტვინის ანთებისაგან.

უკანასკნელი მისი სიტყვები გარდაცვალების წინ გონს მოსვლის წუთებში, შემდეგი იყო:

— ჩემთვის მნიშვნელოვანია არა პირადი ინტერესები, არამედ საერთო სიკეთე. ამ თვალსაზრისით მიიღეთ ჩემი უკანასკნელი სიტყვა, არსებითად და... — და დაასლოკინა.

ნებითგანწყესებული ერთი წუთით გაჩუმდა, მერე გესლიანად უთხრა კაპრალს:

— ამით მინდა ვთქვა, რომ თვითეული ჩვენგანი შეიძლება ჩავარდეს უხერხულ მდგომარეობაში და რომ არც ერთი ადამიანი დაზღვეული არაა შეცდომისგან.

ყოველივე ამისგან კაპრალმა გაიგო მხოლოდ ის, რომ მას დანაშაულად ეთვლება საკუთარი შეცდომები. იგი ისევ თანჯრისკენ მიტრიალდა და პირქუშად დაუწყო ცქერა, გზა როგორ სწრაფად იკეცებოდა. მცველი ჯარისკაცები ბრიყვეული გამომეტყველებით უყურებდნენ ერთმანეთს. ყველაზე მეტი ინტერესი ნაამბობისადმი შეეიკმა გამოოჩინა.

— არ არსებობს საიდუმლოება, რომელიც ბოლოს არ გამოაშკარავდება, — დაიწყო მან — ყველაფერი ადრე თუ გვიან გარეთ გამოძვრება, ისიც კი, რომ ასეთი სულელური ჩხიკვი რკოანა არაა. მაგრამ ძალიან საინტერესოა, რომ არიან ადამიანები, რომლებიც ანკესზე ეგებებიან. ცხოველის გამოგონება არც ისე იაფი საქმეა, მაგრამ გამოგონილი ცხოველის ჩვენება კიდევ უფრო ძნელია. ამ რამდენიმე წლის წინათ პრალაში ვინმე მესტეკმა აღმოაჩინა სირინოზი და აჩვენებდა მას ჰავლიჩეკის ქუჩაზე ვინოპრადეში, — თეჯირის უკან ჰყავდა მოთავსებული. თეჯირში ნახვრეტი იყო გაკეთებული და ყველას შეეძლო ამ ნახვრეტის საშუალებით ნახევრად სიბნელეში ეხილა ჩვეულებრივი სავარძელი, რომელშიც გაშხლართული იყო ძიკოველი ქუჩის გოგო. ფეხები შეხვეული ჰქონდა მწვანე დოლბანდით, რასაც უნდა გამოეხატა კუდი, თმა შეღებილი ჰქონდა მწვანედ, ხელებზე ასევე მწვანე ხელჯაგები ჰქონდა, ვითომ თევზის

1. შაშვი (ლათინ.)

ფარფლებიო, ზურგის გასწვრივ კი თოკით მიბმული ჰქონდა რალაც საქეს მაგვარი. ბავშვებს თექვსმეტ წლამდე აკრძალული ჰქონდათ შესვლა, თექვსმეტ წელს ზევით კი, შესასვლელ ბილეთს ყიდულობდნენ. ყველას ძალიან მოსწონდა, რომ სირინოზს დიდი უკანალი ამკობდა, მასზე კი ეწერა: „ნახვამდის!“ სამაგიეროდ მკერდი მოისუსტებდა: ძუძუები კიპამდე ჰქონდა ჩამოკიდებული ბებერი კახა ქალივით. საღამოს შვიდ საათზე მესტეკი ხურავდა პანორამას და ამბობდა: „სირინოზ, შეგიძლიათ შინ წახვიდეთ“. ქალი გამოიცივლიდა ტანისამოსს, და საღამოს ათ საათზე მას უკვე ტაბორის ქუჩაზე შეხვდებოდით. იგი დასეირნობდა და თითქოს შემთხვევით ეუბნებოდა თვითველ შემხვედრ მამაკაცს: „ლამაზო, წამოდი ჩემთან, დრო გავატაროთ“. ვინაიდან მას არ ჰქონდა ყვითელი ბილეთი, იგი და მისი მსგავსი სხვა „თაგუნები“ პან დრამენერის ალყაში მოჰყვა, და მესტეკმა მიაკეთა თავისი დუქანი.

ამ საუბარში რომ იყვნენ, ობერ-ფელდკურატი სკამლოგინიდან გადმოვარდა და იატაკზე განაგრძო ძილი. კაპრალმა დაბნეულად შეავლო მას თვალი და სრულ სიჩუმეში დაუწყო უკან, სკამლოგინზე ათრევა. არავინ ადგილიდან ფეხი არ მოუცვლია დასახმარებლად. ეტყობოდა კაპრალმა ყოველგვარი ავტორიტეტი დაჰკარგა, და როცა უიმედო ხმით თქვა:

— რომელიმე მომხმარებოდეთ მაინც... — მცველმა ჯარისკაცებმა შეხედეს მას, მაგრამ არ განძრეულან.

— იატაკზე ძილს რომ დაანებებდეთ, უკეთესი იქნება, — უთხრა შვეიცმა. — მე ჩემს ფელდკურატს სხვანაირად არც ვეჭევოდი. ერთხელ იგი ფეხისადგილში დაეტოვე გამოსაძინებლად, მეორედ — კარადაში გამოიძინა. ზოგჯერ სხვის ბინაშიც ეძინა, ვარცლში ჩაწოლილს. სად არ უძინია, ვინ მოთვლის!..

კაპრალმა უეცრად ძალა იგრძნო, და რომ ეჩვენებინა, აქ მე ვარ უფროძიო, უხეშად დაუყვირა შვეიცს:

— ენა დაიმოკლე, ბევრს ნუ ლაქლაქებ! ესლა მაკლია, დენშიკებმა დამარბიგონ კქუა! ამას არ უყურებთ, ამ მღილს!

— სწორია. თქვენ კი, პანე კაპრალ, ღმერთი ბრძანდებით, — უპასუხა შვეიცმა ფილოსოფოსის სიმშვიდით, რომელიც ისწრაფვის დედამიწაზე მშვიდობა დაამყაროს და ამის დასაცავად გაცხარებულ პოლემიკაში ებმება. — თქვენ ხომ მწუხარე ღვთისშობელი ხართ.

— ღმერთო ჩემო, — წამოიძახა ნებითგანწყობულმა და ხელები მკერდზე დაიკრიფა, თითქოს ლოცვას აპირებდა. — ადასე გულნი

ჩვენნი სიყვარულით ყველა უნტერ-ოფიცრისადმი, რომ მათ ზიზ-  
ლით არ ვუყურებდეთი აყურთხე ტაძარი ესე ჩვენი, ბორბლებზე  
შემდგარ ამ საპატიმრო ჯურღმულში.

კაპრალი აენთო და ფეხზე წამოიჭრა:

— ნებითგანწყესებულაო გიკრძალავთ ყოველგვარი შენიშენის  
მოცემას.

— თქვენ არავითარი დანაშაული არ მიგიძღვით, — ამშვიდებდა  
მას ნებითგანწყესებული. ცხოველთა მთელ იმ უამრავ გვარეულობასა  
და სახეობაში ბუნებამ თვითთულს რაღაცა მაინც დააკლო ინტელექ-  
ტის მხრივ: ალბათ, გაშენიათ ადამიანის სიბრძნის შესახებ. განა  
გაცილებით უკეთესი არ იქნებოდა, თქვენ რომ რომელიმე სხვა ძუ-  
ძუმწოვრად დაბადებულიყავით და არ გეტარებინათ სულელური სა-  
ხელი ადამიანისა და კაპრალს? დიდი შეცდომაა, თუ თქვენ საკუთარ  
თავს ყველაზე სრულყოფილ და განვითარებულ ქმნილებად თვლით.  
საკმარისია აგაცალოთ ვარსკვლავები სამხრეთულებზე და თქვენ ნუ-  
ლად იქცევით, ისეთივე ნულად, როგორც ყველა ისინი, რომელთაც  
ყველა ფრონტზე და ყველა სანგარში ჰკლავენ, კაცმა არ იცის რისი  
გულისთვის. თუ თქვენ კიდევ ერთ ვარსკვლავს მოგიმატებენ და  
თქვენგან შექმნიან ცხოველის ახალ სახეობას, სახელად უფროსი  
უნტერ-ოფიცერი, მაშინაც ყველაფერი რიგზე არ გექნებათ. თქვენი  
გონებრივი თვალთახედვა კიდევ უფრო შევიწროვდება, და როცა  
ბოლოს თქვენს კულტურულად განუვითარებელ თავს ბრძოლის  
ველზე დადებთ, მთელს ევროპაში არაეინ თქვენზე არ იტირებს.

— მე თქვენ ჩაგსვამთ — სასოწარკვეთილებით წამოიყვირა  
კაპრალმა.

ნებით განწყესებულს გაეღიმა.

— უთუოდ, თქვენ გინდათ მე ჩამსვათ იმისათვის, რომ შეურაცხ-  
ყოფა მოგაყენეთ? ამ შემთხვევაში ეს ტყუილი იქნებოდა თქვენის  
მხრივ, იმიტომ რომ თქვენი გონებრივი ავლადილებით ვერ ჩაწვდ-  
ბოდით შეურაცხყოფის არსს, რომელიც ჩემს სიტყვებში გამოიხატე-  
ბა, მით უმეტეს, რომ — სანაძლეოს ჩამოვალ რაზედაც გნებავთ! —  
თქვენ სრულებით არაფერი გახსოვთ ჩვენი საუბრიდან. მე თქვენ  
ვმბრიონი რომ გიწოდოთ, თქვენ ის დაგავიწყდებათ, ამიტომ არ  
გეტყვით იმაზე ადრე, სანამ უახლოეს სადგურში არ შევალთ, მაგრამ  
გეტყვით იმაზე ადრე, ვიდრე ჩვენს თვალწინ უახლოესი სატელე-  
გრაფო ბოძი გაიბრუნს. თქვენ — ტვინის გადაგვარებული ხვეული  
ხართ: ძალიანაც რომ მოინდომოთ, მე ვერ წარმომიდგენია, რომ  
თქვენ როდისმე შესძლოთ დალაგებულად გადმოგვეცეთ ჩემი ნალაპა-  
რაკევი. გარდა ამისა, ჰკითხეთ ვისაც გნებავთ აქ დამსწრეთაგანს,



განა შევეჩუე რითიმე თქვენს გონებრივ თვალთახედვას და შეიცავდნენ თუ არა ჩემი სიტყვები თუნდაც ოდნავ რაიმე შეურაცხყოფელს.

— რა თქმა უნდა, არა, — კვერი დაუკრა შევიკმა. — არაუადრეს თქვენთვის ერთი სიტყვაც არ უთქვამს ისეთი, რომ ის ცუდად მიგელოთ. ყოველთვის საძაგლად გამოდის ხოლმე, როცა ვინმე თავს შეურაცხყოფილად იგრძნობს. ერთხელ ღამის ყავახანაში „ტუნელში“ ვიჯექი. საუბარი ჩამოვარდა ორანგუტანგებზე. ჩვენს შორის ერთი მეზღვაური იყო, მან თქვა, ზმირად ორანგუტანგს რომელიმე წვეროსან მოქალაქისგან ვერც გამოარჩევო, რადგან ორანგუტანგს მთელი დრუნჩი შემოსილი აქვს ისეთი გაჩეჩილი თმით, როგორც... „აბა, როგორ გითხრათ, როგორც აი იმ, ვთქვათ, ბატონს, მეზობელ მაგიდას რომ უზისო“. ჩვენ ყველამ იქითკენ მივიხედეთ. წვეროსანი წამოდგა, მივიდა მეზღვაურთან და სახეში ჩააფარა. მეზღვაურმა ხელი დაავლო ლუდის ბოთლს და თავი გაუტენა იმ კაცს. წვეროსანი წაიქცა და გონი დაჰკარგა. ჩვენ მეზღვაურს გამოვეშვიდობებთ, რადგან მან წაშვლა არჩია, როცა დაინახა, რომ კაცი შემოაკვდა. მერე ჩვენ ის წვეროსანი მკვდრეთით აღვადგინეთ და, ცხადია, სისულელე ჩავიდინეთ, რადგან, როგორც კი იგი მკვდრეთით აღსდგა, დაუყოვნებლივ პოლიციას გამოუძახა. თუმცა ჩვენ აქ არაფერ შუაში ვიყავით, პოლიციამ მაინც ყველანი უბანში წაგვიყვანა. უბანში ეს კაცი სულ ასე გაიძახოდა, რომ ჩვენ ის ორანგუტანგად მივიღეთ და წამდაუწუმ იმას ვახსენებდით. ჩვენ ვამბობდით, ხატი — რჯული ამის მსგავსი არაფერი ყოფილა, იგი ორანგუტანგი არ არის-თქო. მაგრამ იგი თავისას გაიძახოდა — ორანგუტანგი და ორანგუტანგიო, ჩემი ყურით გავიგონეო. მე ვთხოვე კომისარს, გეთაყვა, თქვენ მაინც აუხსენით ყველაფერი და ჩაამჩინეთ რამე ამ ადამიანს-თქო. კომისარმა დაყვავებით აუხსნა ყველაფერი, მაგრამ მან ლაპარაკი არ აცალა და განაცხადა, კომისარი თქვენს მხარეზეაო. მაშინ კომისარმა ბრძანა, ჩასვით ეს კაცი საკანში, რომ ცოტა გამოფხიზლდესო, ჩვენ კი დავაპირეთ უკან ყავახანაში დაბრუნება, მაგრამ არ გამოგვივიდა, ჩვენც დავგამწყვდიეს საკანში... აი ზომ ზედავთ, პანე კაპრალ, რად შეიძლება გადაიქცეს პატარა, უბრალო გაუგებრობა, რისთვისაც ენის მობრუნებაც არა ღირს. ან, მაგალითად, ნემეცკი ბროდში ოკრუპლიცილმა ერთმა მოქალაქემ დიდად საწყენად მიიღო, როცა მას ვეფხვის გველი უწოდეს. განა ცოტაა ისეთი სიტყვები, რისთვისაც არაუადრეს დასჯა არ შეიძლება? აი, მაგალითად, ჩვენ რომ გითხრათ — შთიხვი ხართ-თქო, ამის გამო განა შეგეძლოთ ჩვენზე გაჯავრებულიყავით?



კაპრალმა დაიღრინა. ამას ღმუილს ვერ ვუწოდებდით. ეს იყო ბრდღვინვა, რომელიც ერთმანეთში შერეულ რისხვას, გააფთრებძასა და სასოწარკვეთას გამოხატავდა. ამ საკონცერტო ნომერს თან ახლდა სტვენა, ცხვირით რომ გამოჰყავდა ობერ-ფელდჟურატს, რომელიც გემრიელად ხერინავდა.

ამ ბრდღვინვის შემდეგ კაპრალს სრული დეპრესია დაეუფლა. იგი სკამლოგინზე დაჯდა და თავისი წყლიანი, უმეტყველო თვალები შორს მიაპყრო — ტყეებსა და მთებს.

— პანე კაპრალ, — უთხრა ნებიოტგანწესებულმა, — ამ წუთებში, როცა თქვენ მიზნედილი თვალებით მალალ მთებსა და კეთილსურნელოვან ტყეებს გასცქერით, დანტეს ფიგურას მომაგონებთ. იგივე კეთილშობილი ნაკეთები პოეტისა და ყოველივე ამბოღებულის მიმართ თანამგრძობიარე, გულისხმიერი აღამიანისა. გთხოვთ ასე იჯდეთ, ძალიან გინდებთ! როგორ ჩამწვდომად, ყოველგვარი ძალდატანების და მანკვის გარეშე მიშტერებიხართ თქვენს თვალწინ გადაშლილ პეიზაჟს. თქვენ ახლა უთუოდ იმაზე ფიქრობთ, რა სილამაზე იქნება აქ გაზაფხულზე, როცა ამ ცარიელ ადგილებში დაიგება ნაირფეროვანი მინდვრის ყვავილების ხალიჩა.

— რომელზეც საამოდ მირაკრავებს ნაკადული, — დაასრულა შევიკმა. — კუნძზე კი პან კაპრალი ჩამომჯდარა, ფანქარს ანერწყვებს და ლექსებსა წერს ჟურნალ „პატარა მკითხველისათვის“ \*.

მაგრამ ყოველივე ამან ვერ გამოიყვანა კაპრალი აპათიისაგან. ნებიოტგანწესებულმა დაუწყო რწმუნება, რომ მან მოქანდაკეების გამოფენაზე თავისი თვალთ ნახა გამოქანდაკებული მისი კაპრალური თავი.

— უკაცრავად, პანე კაპრალ, მოქანდაკე შტურზემ \* მოდელად ხომ არ გამოგიყენათ?

კაპრალმა შეხვდა ნებიოტგანწესებულს და ნაღვლიანად თქვა:

— არა.

ნებიოტგანწესებული გაჩუმდა და სკამლოგინზე წამოწვა.

მცველი ჯარისკაცები შევიკს ბანქოს ეთამაშებოდნენ. გულშემოყრილმა კაპრალმა ცქერა დაიწყო მოთამაშეთა ზურგიდან კარტში და რამდენიმე შენიშვნაც კი გამოთქვა: შევიკი გადავიდა ტუზს, იგი თულფს არ უნდა ჩამოსულიყო, მაშინ მას უკანასკნელი სვლისთვის შეიდიანი დარჩებოდაო.

— წინანდელ დროში, — უთხრა შევიკმა, — სამიკიტნოებში ძალიან კარგი წარწერები იყო ხოლმე კედლებზე გამოკრული, სპეციალურად მრჩეველების შესახებ. მახსოვს ერთი ასეთი წარწერა: „არამკითხე მოამბეო — მიტყუებ და მიაგდო“.

სამხედრო მატარებელი სადგურს უახლოვდებოდა, სადაც ინსპექციას უნდა ჩამოველო ვაგონები. მატარებელი გაჩერდა.

— ასედაც ვიცი, — წარმოთქვა შეუბრალებელმა ნებითგანწესებულმა და მრავალმნიშვნელოვნად შეავლო თვალი კაპრალს, — ინსპექცია უკვე კარებზეა...

ვაგონში ინსპექცია შემოვიდა.

შტაბის დანიშვნით სამხედრო მატარებლის უფროსი იყო თადარიგის ოფიცერი — მათემატიკურ მეცნიერებათა დოქტორი მრახი.

ასეთ სულელურ საქმეებზე ყოველთვის თადარიგის ოფიცერებს ნიშნავდნენ. მრახს ამ თანამდებობამ მთლად აურია კეჟუ-გონება. მას ყოველთვის აკლდა ხოლმე სათვალავში ერთი ვაგონი, თუმცა: ომამდე მათემატიკას ასწავლიდა რეალურ სასწავლებელში. გარდა ამისა, ბუდეიოვიცეს სადგურზე მატარებელში ჩასმულ ჯარისკაცთა საერთო რაოდენობა არ ეთანაბრებოდა უკანასკნელ სადგურზე ვაგონების მიხედვით შემოწმებულ რაოდენობას. როცა ინვენტარის სიას გადაათვალიერებდა, აღმოჩნდებოდა, რომ ორი საველე სამზარეულო ზედმეტია და არაინ იცის, საიდან გაჩნდა ისინი აქ. ტანში ყრუანტელი დაუვლიდა ხოლმე, როცა დარწმუნდებოდა, რომ ცხენები, კაცმა არ იცის როგორ და საიდან, გამრავლებულიყვნენ. ოფიცერთა შემადგენლობის სიაში მას უმცროსი ოფიცერი აკლდა. წინ მიბმულ ვაგონში, სადაც პოლკის კანცელარია იყო მოთავსებული, გაფაციცებით ეძებდნენ მაგრამ ვერსად ეპოვნათ საბეჭდი მანქანა. მთელი ამ ქაოსის გამო მრახს თავი ასტკივდა, მან უკვე მიიღო სამი ფხვნილი ასპირინი, და მატარებელს რევიზიას უწევდა ტკივილებისგან სახედალმეპილი.

როცა თავისი მსლებლებით პატიმართა კუბეში შევიდა და ქაღალდები გადასინჯა, მან პატაკი მიიღო საწყალ კაპრალისგან, მყავს ორი პატიმარი და მცველთა რაზმი ამდენი და ამდენი ჯარისკაცის შემადგენლობით. მატარებლის უფროსმა შეადარა პატაკის სისწორე დოკუმენტების მონაცემებს და კუბე დაათვალიერა.

— ეს ვინდაა, აქ რომ სძინავს? — მკაცრად ჰკითხა მან კაპრალს და ობერ-ფელდკურატზე ანიშნა, რომელიც თავდალმა იწვა და უკანა ნაწილი გამომწვევად მიეშვირა ინსპექტორებისკენ.

— მაქვს პატივი მოგახსენოთ, პანე ლეიტენანტ, — ენის ბორძიკით დაიწყო კაპრალმა. — ეს ის, ეს ის...

— რა „ეს ის?“ — უკმაყოფილოდ წამოიძახა მრახმა. — გასაგებად ილაპარაკეთ.

— მაქვს პატივი მოგახსენოთ, პანე ლეიტენანტ, — კაპრალს ნაცვლად უპასუხა შევიკმა, — ეს კაცი, რომელსაც თავდაღმა ძინავს, ვილაც მთვრალი ბატონი ობერ-ფელდკურატია. იგი მოგვეტმასნა და ვაგონში შემოძერა, ჩვენ არ შეგვიძლია მაგის გაგდება, ვინაიდან, რაც არ უნდა იყოს, უფროსია, და ეს ჩამოგვეერთმეოდა დისციპლინის დარღვევად. მას, ალბათ, მხარი ეცვალა და შტაბის ვაგონის ნაცვლად პატიმართა ვაგონში მოხვდა.

მრანმა ამოიხვნეშა და თავის ქალაღლებში ჩაიხედა. ქალაღლებში სრულებით არაფერი იყო ნათქვამი ობერ-ფელდკურატის შესახებ, რომელსაც, თითქოს უნდა ემგზავრა ამ მატარებლით ბრუკის მიმართულებით. მას თვალი აუთამაშდა. წინა გაჩერებაზე იყო და, უეცრად ცხენები მოემატა, ახლა კიდევ — ინებეთ! — პატიმართა კუპეში, კაცმა არ იცის საიდან, ობერ-ფელდკურატი გაჩნდა.

მატარებლის უფროსს უკეთესი სხვა არაფერი მოაფიქრდა, გარდა იმისა, რომ კაპრალს უბრძანა — თავდაღმა მძინარე ობერ-ფელდკურატი პირაღმა გადმოებრუნებინა, ვინაიდან ახლანდელ მდგომარეობაში შეუძლებელი იყო მისი პიროვნების დადგენა.

კაპრალმა დიდი ხნის წვალების შემდეგ პირაღმა გადმოაბრუნა ობერ-ფელდკურატი. მან უმაღ გაიღვიძა და როგორც კი ოფიცერი დაინახა, თქვა:

Eh, servus, Fredy, was gibf's neues? Abendessen schon fertig?<sup>1</sup>

მერე დახუჭა თვალები და კედლისკენ გადაბრუნდა.

მრანმა იმწამსვე იცნო გუშინდელი გაუმაძღარი ხუცესი, ოფიცერთა საზოგადოებაში მსუნაგი ქოფაკივით რომ ტრიალებდა, ყველასათვის ცნობილი, ხშირი სტუმარი ოფიცერთა ბანკეტებისა, და ჩუმად ამოიხვნეშა:

— ამისათვის წახვალთ პატაკზე, — უთხრა მან კაპრალს და გასასვლელისკენ გაემართა.

შევიკმა შეაჩერა იგი:

— მაქვს პატივი მოგახსენოთ, პანე პორუჩიკ, მე წესითა და რიგით აქ არ უნდა ვიყო. პატიმრობაში უნდა ვყოფილიყავი დღეის თერთმეტ საათამდე, დღეს გამითავდა ვადა. დაპატიმრებული ვიყავი სამი დღით და ახლა სხვებთან ერთად პირუტყვთა ვაგონში უნდა ვიმყოფებოდე. ვინაიდან თერთმეტი საათი უკვე დიდი ხანია გავიდა, უმოჩილიესად გთხოვთ, პანე ლეიტენანტ, ჩამოშვით ამ ვაგონიდან,

1. აჰ, ფრედი, გამარჯობა. ახალ რა იცი? ვახშამი მზადაა? (გერმ.)

ან პირუტყვეთა ვაგონში გადამიყვანეთ, სადაც წესით უნდა ვიყო, ან კიდევ გამგზავნეთ ბატონ ობერ-ლეიტენანტ ლუკაშის განკარგულებაში.

— თქვენი გვარი? — ჰკითხა მრახმა და ქაღალდებში ჩაიხედა.

— იოზეფ შვეიკ, პანე ლეიტენანტ.

— ჰმ... თქვენ, მაშასადამე, არცთუ ისეთი უცნობი შვეიკი ხართ, — წარმოთქვა მრახმა. — მართლაც, თქვენ უნდა გაათავისუფლებულიყავით პატარობიდან თერთმეტ საათზე, მაგრამ პორუჩოკმა ლუკაშმა მთხოვა, არ გაგმვიათ, ვიდრე ბრუკში არ ჩაეღო, თქვენგან მოსალოდნელი ყოველგვარი ოინბაზოზის თავიდან ასაცილებლად.

ინსპექციის წასვლის შემდეგ კაპრალმა თავი ველარ შეიკავა და მწარედ უთხრა შეიქას:

— მაშ, რაო, შვეიკ, გიშველათ უმაღლეს ინსტანციას რომ მიმართეთ. ნებედაც არა ღირს! ოლონდ მოვინდომო და ორთავეს ცეცხლს შეგვინთებთ.

— პანე კაპრალ, — უთხრა ნებითგანწესებულმა. — ჩონჩორიკის აქეთ-იქით მიფანტ-მოფანტვა — მეტად თუ ნაკლებად — დამაჯერებელი არგუმენტაციაა, მაგრამ ინტელიგენტმა ადამიანმა არც აღელვებულ მდგომარეობაში და არც კამათში არ უნდა იკადროს ასეთი გამოთქმები. რაც შეეხება თქვენს სასაცილო მუქარას, თითქოს ორთავეს ცეცხლს შეგვინთებთ, საკვირველია, რატომ აქამდე არ გააკეთეთ ეს, როცა ამის სრული შესაძლებლობა გქონდათ? უთუოდ, აქ თავი იჩინა თქვენმა სულიერმა მონაწიფელობამ და არაჩვეულებრივმა თავაზიანობამ.

— გეყოფათ! — წამოხტა კაპრალი. — მე შემიძლია ორთავეს ციხეში გივრათ თავი.

— რისთვის, ძვირფასო! — უმანკო სახით ჰკითხა ნებითგანწესებულმა.

— ეს უკვე ჩემი საქმეა, თუ რისთვის და რატომ, — ყოყოობდა კაპრალი.

— თქვენი საქმეა? — გაიმეორა ღიმილით ნებითგანწესებულმა. — ისეთნაირადვე როგორც ჩვენი, ეს როგორც ბანქოს თამაშშია: „ფული თქვენი იქნება ჩვენი“. უფრო სწორი იქნება, თუ ვიტყვი: თქვენზე იმოქმედა იმის გატყუებამ, რომ პატაკზე წადგომა მოგიხდებოდა, თქვენ კი ჩვენ გვიღრენთ და გვიყვირით, საიდანაც აშ-

კარად ჩანს, რომ ბოროტად იყენებთ სამსახურებრივ მდგომარეობას.

— ნეპრეები ხართ, აი ვინა ხართ თქვენ, — დაიყვირა კაპრალმა და სახე საშინლად დაემანჭა.

— იცით, რა გითხრათ, პანე კაპრალ, — თქვა შვეიკმა — მე ძველი ჯარისკაცი ვარ, ვმსახურობდი ომამდევ და არ მახსოვს არც ერთი შემთხვევა, რომ ლანძღვა-გინებას კარგი შედეგი გამოეღოს. რამდენიმე წლის წინათ, მახსოვს, ასეულში გვყავდა ოცეულის უფროსი, გვარად შრეიტერი. ზევადიანი იყო, მას დიდი ხანია შეეძლო შინ წასულიყო კაპრალის ხარისხით, მაგრამ, ჩანს, ჰკუთხედ თხლად იყო, — როგორც იტყვიან ხოლმე. გვაცივდებოდა, შარს გვდებდა, აღარ გვეშვებოდა; ეს ასე არაა, ამას წესდებით არ ასრულებთო, — ერთი სიტყვით, გადაგვეიდა, გასაქანს არ გვაძლევდა და სულ გვლანძღავდა და გვთათხავდა: „თქვენ სალდათები კი არა, ღამის დარაჯები ხართო“. ერთ მშვენიერ დღეს გული ყელში მომებჯინა, ვეღარ მოვითმინე და ასეულის უფროსს ვეახლე პატაკით. „რას მოსულხარ?“ — მკითხა კაპიტანმა, „მაქვს პატივი მოგახსენოთ, პანე კაპიტან, მოვედი საჩივრით ჩვენს ფელდფებელ შრეიტერზე. ჩვენ ასე თუ ისე მისი უდიდებულესობის ჯარისკაცები ვართ და არა ვილაც ღამის დარაჯები. ჩვენ რწმენითა და სიმართლით ვემსახურებით ხელმწიფე-იმპერატორს, ფელდფებელს კი ჰგონია უსაქმურები ვართ და, რომ იტყვიან, მთელი დღე კოდალას ვუსტვენთ“. „მე შენ გაჩვენებ კოდალას, შე ბაღლინჯო, — მიპასუხა კაპიტანმა. — აქედან გაეთრიე! თვალით აღარ დაგინახო!“ მე კი ვეუბნები: „უმორჩილესად გთხოვთ გამაგზავნოთ ბატალიონის პატაკზე“. როცა ბატალიონის პატაკზე ობერ-ლეიტენანტს აუუხსენი, რომ ჩვენ დარაჯები კი არა, მისი იმპერატორობის უდიდებულესობის ჯარისკაცები ვართ, მან ორი დღით ჩასმა მომინდომა, მაგრამ ვთხოვე, გამაგზავნეთ პოლკის პატაკზე-მეთქი. პოლკის პატაკზე ბატონმა პოლკოვნიკმა ჩემი ახსნა-განმარტების შემდეგ ერთი მაგრად დამიღრიალა, ვილაც ილიოტი ხარო, დამეკარგე აქედან, ჯანდაბას შენი თავი და ტანიო. მე ჩემსას არ ვეშვები: „პანე პოლკოვნიკ, — ვეუბნები, — გთხოვთ გამაგზავნოთ პატაკზე ბრიგადაში“. ამისი პოლკოვნიკს ძალიან შეეშინდა და უმაღ ბრძანა, კანცელარიაში ფელდფებელ შრეიტერს გამოუძახებოთ, და ამ შრეიტერმა ყველა ოფიცრის თანდასწრებით მთხოვა — მაპატიეთ „ღამის დარაჯები“ რომ გიწოდეთო. მერე ეზოში დამეწია და მითხრა, დღეიდან ლანძღვა-გინებას ჩემგან ვეღარ გაიგონებ, მაგრამ ისე გაგიხდი საქმეს რომ, საგარნიზონო ნაობახტში ამოჰყო თავიო. ერთხელ საგუშაგოზე ვიდექი ცეიხჰაუზთან. კედელ-

ზე, როგორც ეს შემოდებულა ჩვეულებრივ, თვითელი გუშაგი რაღაცას სამახსოვროს სტოვებს ხოლმე: დახატავს, ვთქვათ ქალის სხეულის ნაწილებს ან რაიმე პატარა ლექსს დასწერს. მე კი ვერაფერი მოვიგონე და მოწყენილობის გასაქარებლად ერთ ნაწერს მივაწერე: „ფელდფებელი შრეიტერი — არამზადა“. იმ მართლა არამზადა ფელდფებელმა იმწამსვე დამასმინა, რადგან პოლიციის ქოფაკით სულ ფეხდაფეხ დამსდევდა, მითვალთვალებდა. საუბედუროდ ამ წარწერის ზემოთ მეორე აღმოჩნდა: „ომში ჩვენ არ წავალთ, მიგვიფურთხებია“. ეს კი მოხდა ათას ცხრაას თორმეტ წელში, როცა ჩვენ სერბიის წინააღმდეგ გაგზავნას გვიპირებდნენ კონსულ პროხაჩკას გამო. მე იმწამსვე თერეზინში გადამგზავნეს სამხედრო სასამართლოში. სამხედრო სასამართლოს მესვეურებმა თხუთმეტჯერ მაინც გადაიღეს ცეიხპაუზის კედლის ფოტოსურათი მთელი მითი წარწერებით და მათ რიცხვში ჩემი წარწერაც. ჩემი ხელი რომ შემოწმებინათ, ათჯერ მაინც დამაწერინეს: „ომში ჩვენ არ წავალთ, მიგვიფურთხებია“, თხუთმეტჯერ მომიხდა მათი თანდასწრებით დაწერა: „ფელდფებელი შრეიტერი — არამზადა“. ბოლოს, მოვიღა ექსპერტი-გრაფოლოგი და მიბრძანა დამეწერა: „ათას რვაას ოთხმოცდაჩვიდმეტი წლის ოცდაცხრა იენისს კრალოვ დეურს თავს დაატყდა მდინარე ლაბის სტიქიური წყალდიდობა“. „ეს არ კმარა, — თქვა სასამართლოს გამომძიებელმა. — ჩვენ სხვა გვინდა. უკარნახეთ მას ისეთი რამე, სადაც ბლომად იქნება „ს“ და „რ“. ექსპერტმა მიკარნახა: „სერბიელი, სროლა, სტვირი, სტრიქონი, რბევა, რეგვენი, როსკიბი“, სასამართლოს ექსპერტმა, ჩანს, გადაამლაშა და წამდაუწუმ უკან იყურებოდა შაშხანიანი ჯარისკაცისკენ. ბოლოს თქვა, რომ საჭიროა სამჯერ ზედიზედ დავწერო: „მზე უკვე მაგრად აცხუნებს: დადგა პაპანაქება“ — ეს ვენაში წავაო. მერე მთელი მასალა ვენაში გადაგზავნეს და, ბოლოს, გამოირკვა, რომ წარწერები ჩემი ხელით არ იყო დაწერილი, ხელის მოწერა კი ნამდვილად ჩემი იყო, მაგრამ ამას ხომ მეც არ უარყოფდი. მომისაჯეს ექვსი კვირა იმისთვის, რომ საგუშაგოზე ყოფნისას გავაკეთე ეს წარწერა: იმ მომენტში, როცა კედელზე სწერდი, ჩაბარებულ საგუშაგოს როგორღა ყარაულობდი!

— ხომ ხედავთ, თქვენ მაინც დაგსაჯეს, — კმაყოფილებით წარმოთქვა კაპრალმა, — და გამოდის, რომ თქვენ ნამდვილი სისხლის სამართლის დამნაშავე ხართ. სამხედრო სასამართლოს ადგილზე ჰე რომ ვყოფილიყავი, ექვს კვირას კი არა, ექვს წელიწადს აგვიდებდით.

— ნუ ინებებთ ასეთ რისხვას, — სიტყვა აიღო ნებითგანწესებულ-

მა. — უკეთესი იქნება თქვენს აღსასრულზე იფიქროთ. ეს-ესაა ინსპექციამ ვითხრათ, რომ ხვალ პატაკზე უნდა წარსდგეთ. ურიგო არ იქნებოდა მომზადებულიყავით ამ სერიოზული წუთებისთვის და კარგად აგეწონათ თქვენი კაპრალური არსებობის წარმავლობა. კაცმა რომ თქვას, რას წარმოადგენთ თქვენ მთელ სამყაროსთან შედარებით, თუ მხედველობაში მივიღებთ, რომ ყველაზე ახლობელი უძრავი ვარსკვლავი მდებარეობს ამ სამხედრო მატარებლიდან ორას სამოცდა ხუთმეტი ათასჯერ ძეტ მანძილზე, ვიდრე მზე, და ამ ვარსკვლავის პარალაქსი ერთ რკალისებრ სეკუნდს შეადგენს. თქვენ რომ უძრავი ვარსკვლავის სახით წარმოგიდგინოთ სამყაროში, ისეთი მცირე, უმნიშვნელო რამ აღმოჩნდებით, რომ თქვენი დანახვა თვით უძლიერეს ტელესკოპშიც არ მოხერხდებოდა. სამყაროში თქვენი სიმცირის გამოხატავად არავითარი ცნობა არ მოიპოვება. ნახევარ წელიწადში ცის თაღზე თქვენ ისეთი უმნიშვნელო სიდიდის რკალს მოხაზავთ და ერთ წელიწადში ისეთი მცირე ზომის ელიფსს, რომ მათი გამოხატვა ციფრებით არ მოხერხდებოდა, იმდენად უმნიშვნელო იქნებოდნენ ისინი. თქვენი პარალაქსი უსასრულოდ მცირე სიდიდე იქნებოდა.

— თუ ასეა, — შენიშნა შვეიკმა, — ბატონ კაპრალს შეუძლია იამაყოს, რომ მას ვერაფერს გაზომავს. პატაკის დროს რაც არ უნდა შეემთხვეს ბატონ კაპრალს, მშვიდად უნდა ექიროს თავი, არ უნდა გაცხარდეს, რადგან ყოველგვარი აღლევა საზიანოა ჯანმრთელობისთვის, ომიანობის დროს კი ყველანი თავს უნდა გაუფრთხილდნენ. ჭირ-ვარამი, დაკავშირებული ომთან, მოითხოვს, რომ თვითთული ცალკე აღებული პიროვნება მძორი კი არ იყოს, არამედ ცოტა უკეთესი რამ. თუ თქვენ, პანე კაპრალ, ჩაგსვამენ, — განაგრძო შვეიკმა სასიამოვნო ღიმილით, — ვინიცობაა ამგვარ უსამართლობას ჩაიდენენ თქვენს მიმართ, თქვენ სულის სიმხნევემ არ უნდა გილაღატოთ და დაე, ისინი დარჩენ თავის აზრზე, თქვენ კი თქვენსაზე იღუქით. მე ერთ მენახშირეს ვიცნობდი, ფრანტიშეკ შკვორს. ომის დასაწყისში ჩვენ ერთად ვისხედით პრალის პოლიციაში სახელმწიფო ღალატისთვის. მერე იგი სიკვდილით დასაჯეს რაღაც პრავმატული სანქციისთვის.\* როცა ჩვენების ჩამორთმევის დროს მას ჰკითხეს, ოქმის საწინააღმდეგო ხომ არაფერი გაქვსო, მან თქვა:

ღე იყოს ასე, რაც იყო,  
 რაღაც ხომ მოხდა და იყო!  
 აროდეს ის არ ყოფილა,  
 რაც არაოდეს არ იყო.

ამისთვის იგი ბნელ განმარტოებულ საკანში ჩაძვებს და ორი დღე არც სასამელი მიუტიათ და არც საქმელი, მერე ისევ დაკითხვაზე წაიყვანეს. მაგრამ იგი თავისაზე იღდა: „ღე იყოს ასე, რაც იყო, რაღაც ხომ მოხდა და იყო! აროდეს ის არ ყოფილა, რაც არაოდეს არ იყო“. იგი საშხედრო სასამართლოში გადაგზავნეს, და ადვილი დასაშვებია, რომ სახრჩობელაზეც ამ სიტყვებით აღიოდა.

— ახლა, ამბობენ, ძალიან ბევრს ახრჩობენ და ზერეტავენ, — თქვა ერთმა მცველმა ჯარისკაცმა. — ამას წინათ სასწავლო მოედანზე ბრძანება წაგვიკითხეს, რომ მოტოლის მოედანზე ერთი თადარიგის ჯარისკაცი — კულრნი-დახვრიტეს იმის გამო, იგი ბნეშოვეში ცოლთან გამოთხოვების დროს გაცხარდა, როცა კაპიტანმა ხმალი დაჰკრა მის ბიჭუნას, რომელიც დედას ხელში ეჭირა. საერთოდ ყველა პოლიტიკურს აპატიმრებენ. ერთი მორავიელი რედაქტორი დახვრიტეს. ასეულის უფროსმა გვითხრა, სხვებსაც ეს მოელოსო.

— ყველაფერს საზღვარი აქვს, — ორჭოფულად წარმოთქვა ნებითგანწყესებულმა.

— თქვენ მართალი ხართ, — გამოეხმაურა კაპრალი. — ასე მოუხდებათ იმ რედაქტორებს. ტყუილად ხალხს აქეზებენ. შარშანწინ, როცა მე ჯერ კიდევ ეფრეიტორი ვიყავი, ჩემს ათეულში ერთი რედაქტორი იყო. მე იგი ქეციან-ცხვარს მიწოდებდა, მთელ არმიას აქეციანებო. და როცა მას თავისუფალი ვარჯიშით სიქას ვართმევდი, ყოველთვის მეტყოდა ზოლმე: „გთხოვ ჩემში პატივი სცე ადამიანსო“. ჰოდა, მაშინ ვაჩვენე, რა არის „ადამიანი“. ერთხელ, როცა ეზოში გუბეები იღდა, მივიყვანე იგი ერთ ასეო გუბესთან და ვუბრძანე: „Nieder!“ რა გზა ჰქონდა, ჩაემხო ვაჟბატონი წუმბეში, ისე რომ ირგვლივ წყალმა შეფეხები ისროლა, როგორც აბაზანაში. სადილის შემდეგ კი მისი ტანისამოსი ქათქათა სუფთა უნდა ყოფილიყო, მუნდირს მინასავით უნდა ებრჭყვიალა. შეუდგა გასუფთავებას. ასუფთავებს და ოხრავს, მაგრამ მაინც ასუფთავებს; თან სხვადასხვა შენიშვნებს არ ივიწყებს. მეორე დღესაც ტალახში ვაგორავე, ღარივით ამოვგანგლე, მე კი თავზე დავყურებ და ვეუბნები: „მაშ, ბატონო რედაქტორო, ვინ უფრო მალლა დგას: ქეციანი ცხვარი, თუ თქვენი „ადამიანი?“ ნამდვილი ინტელიგენტი იყო.

კაპრალმა გამარჯვებულის სახით შეხედა ნებითგანწყესებულს და განაგრძო:

— მას ნებითგანწყესებულის ნიშნები აავლიჯეს სწორედ იმიტომ, რომ განათლებული იყო, იმიტომ, რომ გაზეთებში წერდა ჯარისკაცების აზუჩად ავღებაზე. მაგრამ როგორ არ დასცინო და



აბუჩად არ აიგდო, როცა ასეთი ნასწავლია, შაშხანის საკეტის დაშლას კი ვერ ახერხებს, თუნდაც ათჯერ უჩვენე. ან როცა უბრძანებ სწორება მარცხნივ<sup>1</sup>, იგი თავის გოგრას, თითქოს განგებო, მარჯვნივ ატრიალებს და ყვავევით თვალვბდაკუსული მოგჩერებია. შაშხანის ილეთები არ იცის, ვერ გავაგებინე, პირველად რას უნდა მოკიდოს ხელი: შაშხანის თასმას თუ საეაზნეს. როცა უჩვენებ, რომ ხელი თაშმაზე ქვემოთ უნდა ჩაცურდეს, თხასავით მოგაშტერდება. ისიც კი არ იცოდა, შაშხანა რომელ მხარეზე უნდა გაედო; სამხედრო სალაშს მოგცემდა მაიმუნით. ახლა არ იკითხავთ მარშირების დროს მის მიბრუნება-მობრუნებას? ღმერთო ჩემო ბრძანებაზე: „ზურგსკენ იარ!“ მისთვის სულ ერთი იყო რომელ ფეხზე შეტრიალდებოდა: ფართიფურთით მიაბიჯებდა — ბრძანების შემდეგ ექვს ნაბიჯს კიდევ გადადგამდა წინ — ტოპ, ტოპ, ტოპ... და მხოლოდ შემდეგ შემოტრიალდებოდა შამფურზე შესაწვავად წამოცმული გოკით, ნაბიჯებს ისე ადგამდა, თითქოს ნიკრისით იყო დაავადებული, ან ისეთი ილეთები გამოყავდა, გეგონებოდათ შინაბერა ხატობაზე ცეკვით ერთობაო.

კაპრალმა გადააფურთხა.

— განგებ მივეცი ძალზე დაჯანგული შაშხანა, რომ გაწმენდა ესწავლა. იგი ხეხავდა თოფს, მაგრამ კიდევ ორი კილო ძენძი რომ ეყიდა, სულ ერთია ვერაფერს გააწყობდა. რაც უფრო მეტად ასუფთავებდა, მით უარესი ემართებოდა თოფს, უფრო მეტად იჯანგებოდა, მერე პატაკზე შაშხანა ხელიდან ხელში გადადიოდა, და ყველა გაჭვირვებული იყო რანაირად შეიძლება თოფი ამ მდგომარეობამდე მიიყვანოს აღამიანშაო — მთლად ეანგად იყო ქვეული. ჩვენი კაპიტანი სულ იმას ეუბნებოდა, შენგან სალდათი არ გაშოვა, უკეთესი იქნება თავი ჩამოიხრჩეო, რომ მუქთად სალდათის პური არ ქამოო, იგი კი სათვალიდან იყურებოდა და თვალვებს აფახულებდა. იმ დღეს, როცა იგი ან კარცერში არ იჯდა ან განწესში არ მოხედებოდა, მისთვის დიდი დღესასწაული იყო. ასეთ დღეებში იგი ჩვეულებრივ თავის სტატიებს წერდა გაზეთებისთვის იმის შესახებ, თუ როგორ აწამებენ ჯაროსკაცებს და წერდა სანამ სკივრი არ გაუჩხრიკეს. იცით რამდენი წიგნი უპოვეს სუყველაში განიარაღებასა და ხალხთა შორის მშვიდობაზე იყო ლაპარაკი. ამისთვის იგი საგარნიზონო ნაობახტში გადაგზავნეს და ამის შემდეგ მისგან ვავთავისუფლდით, სანამ ისევ ჩვენთან არ გაჩნდა, მაგრამ იგი უკვე კანცელარიაში დასვენს ულუფების გამოწერად, — იქ იმიტომ მიუჩინეს ადგილი, რომ ჯარისკაცებთან არ ჰქონოდა ურთიერთობა. ასეთი იყო ამ ინტელიგენ-

ტის სავალალო დასასრული. შეიძლებოდა კი დიდი ადამიანი გამხდარიყო, თავისი სისულელით ნებიოვანწესებულის უფლებები რომ არ დაეკარგა. შეეძლო გამხდარიყო ლეიტენანტი.

კაპრალმა ამოიხვნეშა.

— აბა რა მოეთხოვება ასეთ ადამიანს: ფარაჯაზე ნაკეცები ვერ გაესწორებინა. მან მხოლოდ ის იცოდა, რომ პრალიდან სხვადასხვა სითხეებსა და საცხებს იწერდა ღილების საწმენდად. და მაინც მისი ღილები ეღალი ფერისა იყო, ვით ბიბლიური მწითური ისავი. \* მაგრამ იმისთანა ლაშფანდურა ვინმე იყო, რომ, კანცელარი-აში მუშაობის დაწყებისთანავე, დროს იხელთებდა თუ არა, ფილოსოფოსობას წამოიწყებდა. მას წინათაც სული ელეოდა ამ ფილოსოფობაზე. როგორც ზემოთ მოგახსენეთ ერთი სიტყვა — „ადამიანი“. მარტო ეს რად უღირდა, ერთხელ იგი მსჯელობას შეუდგა, როცა გუბესთან იდგა, რომელშიც უნდა ჩამხობილიყო ბრძანებაზე „nieder“. ამ დროს ვეუბნები: „როცა ლათაიებს მოჰყვებიან ადამიანისა და ტალახის შესახებ, მე მაგონდება, რომ ადამიანი შექმნილია ტალახისგან, — და მისი ადგილიც იქაა“.

წარმოთქვა რა ყოველივე ეს, კაპრალი თავისი თავის დიდად კმყოფილი დარჩა და დაელოდა, ამაზე რას იტყვის ნებიოვანწესებუ-ლიო. მაგრამ გამოეხმაურა შვეიცია:

— ასეთი ოინებისთვის, კბილის დასობისთვის ამ რამდენიმე წლის წინათ ოცდამეთექვსმეტე პოლკში ვინმე კონიჩეკმა დანით მოჰკლა კაპრალი. „კურიერში“\* იყო ეს გამოქვეყნებული. კაპრალს დანით ტანზე ოცდაათამდე ჰრილობა ჰქონდა მიყენებული, რომელთა შორის ერთ ღუქინზე მეტი სასიკვდილო იყო. ჯარისკაცი ამის შემდეგ დააჯდა მოკლულ კაპრალს და თავიც მოიკლა იმავე დანით. მეორე შემთხვევა მოხდა რამდენიმე წლის წინათ დალმაციაში. იქ ღორივით დაჰკლეს კაპრალი და აქამდე არ იციან, ვინ ჩაიღინა ეს. საიდუმლოების ბურუსით არის მოცული ეს ამბავი. გამორკვეული იქნა მხოლოდ ის, რომ მოკლული კაპრალის გვარი იყო ფიალი, და იგი ტრუნოვასთან მდებარე დრაბოვნიდან იყო. მე კიდევ ვიცი სამოცდამეთხუთმეტე პოლკის კაპრალ რეიმანენკის ერთი შემთხვევა...

სიამოვნებით აღსაუეს თხრობა შეწყვეტილ იქნა ხმამაღალი ხენე-შით, რომელიც სკამლოგინიდან მოისმოდა, სადაც ობერ-ფელდჟურატ ლაცინას ეძინა.

პატერი თანდათან იღვიძებდა მთელი თავისი მშვენიებითა და ღირსებით. მის გაღვიძებას თან ახლდა ისეთივე მოვლენები, როგორიც ახალგაზრდა გოლიათის გარგანტიუას დილით გაღვიძებას, რაც ესოდენ წარმტაცად აგვიწერა მხიარულმა ზოხუცმა რაბლემ.

ობერ-ფელდკურატი ქარებს უშვებდა, აბოყინებდა და ისე ამოქნარებდა, ყბები კინალამ ააგჯა. ბოლოს წამოჯდა და გაკვირებით იკითხა:

— ეს რა ღვთის წყრომაა, სად ეშმაკში ვარ?

კაპრალმა მლიქვნელურად უპასუხა უფროსს, რომელიც ძლივს ართმევდა თავს ძილს:

— მაქვს პატივი მოგახსენოთ, პანე ობერ-ფელდკურატ, თქვენ ბრძანდებით პატიმართა ვაგონში.

პატერის სახეზე გაოცებამ გადაირბინა. ერთ წუთს მღუშარედ იჯდა და დაძაბული ფიქრობდა, მაგრამ ამაოდ. წუხანდელი ღამისა და გისოსებით მოკვდილ ფანჯრიან ვაგონში გაღვიძებას შორის განვლილი დრო-ჟამი ბურუსით იყო მოცული. ბოლოს ჰკითხა მის წინაშე კვლავ მლიქვნელურ პოზაში მდგარ კაპრალს.

— კი, მაგრამ ვისი ბრძანებით მე, ვით ვილაც...

— მაქვს პატივი მოგახსენოთ, ყოველგვარი ბრძანების გარეშე, პანე ობერ-ფელდკურატ...

პატერი ადგა და სიარული დაიწყო სკამლოგინებს შორის, თან ბურღლუნებდა, ვერაფერი გამიგიაო. მერე ისევ დაჯდა და იკითხა.

— კი, მაგრამ, ერთი ეს მითხარით, სად მივდივართ?

— მაქვს პატივი მოგახსენოთ, ბრუკში.

— კი, მაგრამ, იქ რა გვინდა?

— მაქვს პატივი მოგახსენოთ, იქ გადაყვანილია მთელი ჩვენი ოთხმოცდამეთერთმეტე პოლკი.

პატერი ისევ მძიმედ ჩაფიქრდა, ვერ მიხვედრილიყო, რა მოხდა, საიდან მოხვდა ამ ვაგონში და რად მიდის, კაცმა რომ თქვას, სწორედ ოთხმოცდამეთერთმეტე პოლკთან ერთად და ისიც ბაღრაგას ხლებით. ბოლოს იმდენად გამოთხიზლდა, რომ დაინახა ნებითგანწყესებული, რომელიც იქ იჯდა. აიღო და, ახლა იმას მიმართა:

— ინტელიგენტი ადამიანი ბრძანდებით: იქნებ თქვენ მაინც დაუფარავად ამიხსნათ, რანაირად მოვხვდი თქვენთან?

— სიამოვნებით, — ძმა-ბიჭურად უთხრა ნებითგანწყესებულმა. — უბრალოდ მოგვეტმასნეთ დილით მატარებელში ჩაჯდომის დროს, რადგან ზარხოშად იყავით.

კაპრალმა მწყურალად შეხედა ნებითგანწყესებულს:

— თქვენ ამოძვერით ჩვენს ვაგონში, — განაგრძობდა ნებოთგანწყესებული, — ეს მომხდარი ფაქტია. თქვენ დაწვეით სკამლოგინზე, შეეიკმა თავქვეშ ამოგიდოთ თავისი ფარაჯა. წინა სადგურზე მატარებლის შემოწმებისას თქვენ იმ ოფიცერთა სიაში შეგიტანეს, რომლებიც მატარებელში იმყოფებიან ამჟამად. თქვენ, ასე ვთქვათ,

ოფიციალურად აღმოგაჩინეს, და ამის გულისთვის კაპრალი პატაკზე უნდა გამოცხადდეს.

— ასე და ასე, — ამოიხვნეშა პატერმა. — მაშასადამე, უახლოეს სადგურზე მე უნდა გადავჯდე საშტაბო ვაგონში. ერთი ეს მითხარი, სადლილი უკვე ჩამოატარეს?

— სადლილი მხოლოდ ვენაში იქნება, პანე ობერ-ფელდკურატ, — ჩაურთო კაპრალმა.

— მაშ, ეს თქვენ ამომიღევით თავქვეშ ფარაჯა? — მიუბრუნდა პატერი შვეიკს. — დიდი მადლობელი ვარ.

— სამადლობელი არაფერია, — უპასუხა შვეიკმა, — მე ისე მოვიქეცი, როგორც უნდა მოიქცეს ყოველი ჯარისკაცი, როცა ხედავს, რომ უფროსს თავქვეშ არაფერი აქვს და რომ იგი ცოტა არ იყოს... წაიმასქნებულისა. თვითთელი ჯარისკაცი ვალდებულაა პატივი სცეს თავის უფროსს, თუნდაც იგი არ იყოს — წაიმასქნებულისა. მე ფელდკურატებთან დიდი გამოცდილება მაქვს მიღებული, რამდენადაც დენშჩიკად ვიყავი ფელდკურატ ოტო კატცთან. მხიარული და გულთადი ადამიანები არიან ფელდკურატები.

ნაბახურევეზე დემოკრატიულად განწყობილმა ობერ-ფელდკურატმა სიგარეტი ამოიღო და შვეიკს გაუწოდა:

— მოსწიე!.. შენ, — მიუბრუნდა იგი კაპრალს, — ჩემი გულისთვის პატაკზე უნდა წარსდგე? არა უშავს, ძმაო, ნუ გეშინია, მე შენ გიხსნი, არაფერი მოგივა. შენ კი, — უთხრა მან შვეიკს, — შენ ჩემთან წაგიყვან; ისე იცხოვრებ, ვით მყულრო სავანეში.

იგი ახალმა დიდსულოვნობამ მოიცვა და ყველას ყოველი სიკეთე აღუთქვა: ნებითგანწყნებულს შოკოლადს დაჰპირდა, მცველ ჯარისკაცებს რომს, კაპრალს უთხრა, მე-7 ცხენოსანთა დივიზიის შტაბთან არსებულ ფოტოგრაფიულ განყოფილებაში გადაგიყვანო, ირწმუნებოდა, რომ ყველას გაგანთავისუფლებთ და ყოველთვის მემახსოვრებითო. და იქვე შეუდგა სიგარეტების ჩამორიგებას თავისი პორტიგარიდან — უთავაზა შვეიკს, სხვებიც არ დაივიწყა, თან განაცხადა — ყველა პატიმარს ნებას ვაძლევ მოსწიონ და დაპირდა, ვიზრუნებ იმაზე, რომ სასჯელის ვადა ყველას შეგიმცირონ, რათა ნორმალურ სამხედრო ცხოვრებას დაუბრუნდეთო.

— არ მინდა, ავად მომიგონოთ, — თქვა მან. — ნაცნობობა ბევრი მყავს, და ჩემს ხელში თქვენ არ დაიღუპებით. საერთოდ თქვენ ყველანი წესიერი, ღვთისთვის სასურველი ადამიანების შთაბეჭდილებას სტოვებთ. თუ შესცოდეთ რამე, სამაგიერო მიგვზლოთ კიდევ და როგორც ვხედავ, მზადყოფნითა და უღრტვინველად იტანთ გან-

საცდელს, ზეგარდმოვლენილს ღვთისაგან. რის საფუძველზე ხართ დასჯილი? — მიუბრუნდა იგი შვეიკს.

— ღმერთმა დამსაჯა, პანე ობერ-ფელდკურატ, — ღვთისმოშიშობით უპასუხა შვეიკმა, ამოირჩია რა იარაღად პოლკის პატაკი, — ჩემზე დამოუკიდებელი მიზეზისა გამო პოლკში დავგვიანებით ოსვლისთვის.

— ღმერთი უსაზღვროდ მოწყალეა და სამართლიანი, — ზეიმურად წარმოთქვა ობერ-ფელდკურატმა. — მან იცის, ვისაც სჯის, ვინაიდან ამით მოგვივლენს თავის განგებასა და ყოვლისშემძლეობას. თქვენ რაღაზე ზიხართ, ნებითგანწყსებულნი?

— ყოვლადმოწყალე შემოქმედმა ისურვა გარდმოველინა ჩემზე რევემატიზმი, და მე გაავმპარტავნდი, — უპასუხა ნებითგანწყსებულმა. — სასჯელის მოხდის შემდეგ მიმაგრებული ვარ საველე სამხარეულოზე.

— რასაც ღმერთი აკეთებს, უკეთესობისკენაა, — პათოსით განაცხადა პატერმა, როგორც კი სამხარეულო ახსენეს. — წესიერი ადამიანი სამხარეულოშიც გაიკეთებს კარიერას. ინტელიგენტი ადამიანი სწორედ სამხარეულოში უნდა დაინიშნოს საკმელების მეტი მრავალსახეობათა მისაღებად, ვინაიდან საქმე ის კი არაა როგორ მოხარშო საკმელი, არამედ სიყვარული და გემოვნება გამოიჩინოს საკმაზითა და სანელებლით შემზადებისას. აიღეთ, მაგალითად, საწებელი. ინტელიგენტი ადამიანი, მოამზადებს რა ხახვიან საწებელს, უწინარეს ყოვლისა აიღებს ყოველგვარ ბოსტნეულს ცოტ-ცოტას, დაბუღავს კარაქში, მერე დაუმატებს სხვადასხვა ძირძურებს, პილპილს, ბაჰარის, ან წიწაკას, ცოტა მუსკატს, ყვითელ კოქს. საშუალო უბრალო მხარეული კი მოხარშავს ხახვს, მერე შიგ ჩაადებს საქონლის ქონზე მოხრაკულ ფქვილს, — და ინებეთ, მზადაა. ჩემთვის სასურველია თქვენ ოფიცერთა სამხარეულოში გიხილოთ უკულტურო ადამიანი მოსათმენია ყოფა-ცხოვრებაში ან რომელიმე ჩვეულებრივ საქმიანობაში, მაგრამ კულინარიაში მისი უკულტურობა ერთბაშად გამომკლავნდება. წუხელი ბუდეოვიცეში, ოფიცერთა შეკრებულობაში, სხვათა შორის, მოგვიტანეს თირკმელები მადერაში. ის, ვისაც ამის ასე შემზადება შეეძლო (უფალმა შეიწყნაროს ამისთვის ყველა მისი შეცოდებანი), უთუოდ ინტელიგენტი იყო, ამ სიტყვის სრული მნიშვნელობით. სიტყვამ მოიტანა და, იმათ ოფიცერთა სამხარეულოში მართლაც რომელიღაც სკუტჩელი მასწავლებელი მუშაობს. მადერაში ჩადებული თირკმელები ერთხელ საპოცდამეოთხე სათადარიგო პოლკის ოფიცერთა სასადილოში გვახვლით. ჩაეკარათ შიგ აუარებელი ქიმიანი, — ერთი სიტყვით, ისე ულ-

მერთოდ, როგორც პილპილიანი თირკმელების მომზადების დროს იციან ხოლმე უბრალო ტრაქტირში. მერედა, ვის მოემზადებინა, არ იკითხავეთ? რას წარმოადგენდა მათი მზარეული ომამდე, თქვენ როგორ გგონიათ? მესაქონლედ იყო ერთ მამულში!

ფელდკურატმა ცოტა შეისვენა, შემდეგ გადავიდა ახალ და ძველ აღთქმაში საკულინარიო პრობლემების გარჩევაზე. მან განაცხადა, რომ იმ დროს საგანგებო ყურადღება ექცეოდა გემრიელ საჭმელთა მომზადებას წირვისა და საეკლესიო დღესასწაულების შემდეგ. მერე შესთავაზა იქ მყოფთ, რამე ვიმღეროთ. შევიკმა სიამოვნებით, მაგრამ როგორც ყოველთვის, უადგილო ადგილას წამოიწყო:

მობრძანდება მარინა  
აგერ გოდონინიდან,  
მოსდევს ბოთე ხუცესი,  
გალეშილი ღვინითა.

მაგრამ ობერ-ფელდკურატი სრულებითაც არ გაჯავრებულა.

— ახლა რომ გვერდეს სულ ცოტა მაინც რომი, ღვინო სრულებით არ იქნებოდა საჭირო, თქვა მან და მეგობრულად გაუღიმა შევიკს, — რაც შეეხება მარინას, უიმისოდაც არაფერი გვიშავს. მათ გადამკიდეს ცოდვა არ ასუდება.

კაპრალმა ხელი ჩაიყო ფარაჯის ჯიბეში და ფრთხილად ამოათრია ბრტყელი მათარა რომით.

— ნება მიბოძეთ მოგართვათ, პანე ობერ-ფელდკურატ, — ხმაზე ეტყობოდა, რარიგ უმძიმდა ამ მსხვერპლის გაღება, — საწყენად არ მიიღოთ...

— საწყენად არ მივიღებ. ძვირფასო, — უპასუხა ობერ-ფელდკურატმა, და მისი ხმა მხიარულად აჟღერდა. — ვსვამ ჩვენი მგზავრობის კეთილად დაბოლოების სადღეგრძელოს.

— დედაო ღვთისა! — აღმოხდა კაპრალს, როცა დაინახა, ობერ-ფელდკურატმა ერთი ყლუბით როგორ გაანახევრა მათარა.

— ახ, თქვე ასეთო და ისეთო, — დაემუქრა მას ობერ-ფელდკურატი, თან ღიმილით და მრავალმნიშვნელოვნად თვალი ჩაუკრა ნებითგანწყნებულს. — თქვენ აუგადაც კი ახსენებთ ღმერთს! ამისთვის იგი დაგსჯით. — პატერმა ისევ მიიყულდა მათარა, მერე შევიკს გადასცა, და უბრძანა: — მოათავე!

— ბრძანება ბრძანებაა, — გულკეთილად უთხრა შევიკმა კაპრალს და ცარიელი მათარა დაუბრუნა. კაპრალის თვალებში გაჩნდა ის განსაკუთრებული ბზინვარება, რომელიც შეგიძლიათ შეამჩნიოთ მხოლოდ სულით ავადმყოფებს.



— ახლა კი ცოტას წავიძინებ ვენაში ჩასვლამდე, — თქვა ობერ-ფელდკურატმა. — გამალვიძეთ, როგორც კი ვენაში მივალთ. თქვენ კი, — მიუბრუნდა იგი შვეიკს, — ოფიცერთა სასადილოს სამზარეულოში წადით, აიღეთ ჭურჭელი და სადილი მომიტანეთ. უთხარით, ბატონ ობერ-ფელდკურატ ლაციინასთვის მინდა-თქო. შეეცადეთ ორმაგი ულუფა მიიღოთ. თუ კნედლიკები იქნეს, ყუის მხრიდან არ აიღოთ, — ხელსაყრელი არაა. მერე ერთი ბოთლი ღვინო მომიტანეთ და არ დაგავიწყდეთ თან კარდალა წაიღოთ: რომი ჩაასხმევინეთ.

პატერ ლაციინამ ხელების ფათური დაიწყო თავის ჯიბეებში.

— გესმით, — მიუბრუნდა კაპრალს, — წვრილი ფული არა მაქვს, მასესხეთ ერთი ოქრო... ჰოდა, ასე. რა გვარი ხართ?

— შვეიკი.

— აი თქვენ, შვეიკ, საყიდლებისთვის. კაპრალ, მასესხეთ კიდევ ერთი ოქრო. შვეიკ, ამ მეორე ოქროს ხომ ხედავთ, მას მიიღებთ პირადად თქვენ, თუ ყველაფერს წესიერად მოაგვარებთ. აგრეთვე მიშოვნეთ სიგარეტები და სიგარები. თუ შოკოლადი გასცენ, ორმაგი ულუფა ააწაპნეთ, თუ კონსერვები იქნეს, არ მოეშვათ, სანამ დაშაშხულ ენას ან ბატის ღვიძლს არ მიიღებთ. თუ შვეიცარიული ყველი იქნეს, იცოდეთ — კიდევ არ აიღოთ, თუ უნგრული ძეხვი დაარბიგონ, ბოლოდან ჩამოჭრილი არ გამოართვათ, უკეთესია შუაგული, უფრო ყუათიანია.

ობერ-ფელდკურატი სკამლოგინზე გაიშლართა და ერთი წუთის შემდეგ ძილში წავიდა.

— ვიმედოვნებ, სავსებით კმაყოფილი ხართ ჩვენი ნაპოვნი ყმა-წვილით, — უთხრა ნებითგანწესებულმა უნტერს პატერის ხერინგა-ში. — კარგი ბიჭუნაა!

— ძუძუს მოწყვეტილია, როგორც იტყვიან, — ჩაურთო შვეიკმა, — უკვე ბოთლიდან სწოვს, პანე კაპრალი...

კაპრალი ერთი წუთით ებრძოდა თავს, მერე ერთბაშად უკუაგდო ყოველგვარი პირმოთნეობა და ცივად წარმოთქვა:

— თეთრი კბილი, შავი გულიო...

— წვრილი ფული არა მაქვსო, — წარმოთქვა შვეიკმა. — ეს ერთ დღეიციელ კალატოზს მაგონებს, გვარად მლიჩკოს. მას არასოდეს არ ჰქონდა ხოლმე წვრილი ფული, სანამ ერთ ამბავში არ გაება და სატუსაღოში არ ამოყო თავი თაღლითობისთვის. მსხვილი ფული ლოთობაში შემოეხარჯა, წვრილი კი არ ჰქონდა.

— სამოცდამეტხუთმეტე პოლკში, — ჩაერია ლაპარაკში ერთ-ერთი მცველი ჯარისკაცი, — კაპიტანმა ომამდე მთელი პოლკის ხაზინა გაქურდა, რისთვისაც სამხედრო სამსახურიდან გააძევეს. ამჟამად ისევე კაპიტანია. ერთმა ფელდფებელმა სახაზინო ყაითნის დანაქერებისთვის გამიზნული მაუდი მოიპარა, ოც ცალზე მეტი, ახლა იგი პოდპორუჩიკია. ერთი უბრალო ჯარისკაცი კი ამას წინათ სერბიაში დახვრიტეს იმისთვის, რომ მან ერთბაშად შეჭამა მთელი ქილა კონსერვი, რომელიც სამ დღეს უნდა ჰყოფნოდა.

— მაგი საქმეს არ ეხება, — განაცხადა კაპრალმა. — მაგრამ რაც მართალია, მართალია: აიღოდა, საწყალ კაპრალს გამოართვა ორი ოქრო, რომ ვილაც ჯარისკაცს ფეხის ქირად აჩუქო, ეს უკვე...

— ჰა, თქვენი ოქრო, — უთხრა შვეიკმა. — არ მსურს თქვენს საცოდაობაში ფეხი ჩავდგა. როცა ობერ-ფელდკურატი მეორე ოქროსაც მომცემს, იმასაც დაგიბრუნებთ, ოღონდაც არ იტიროთ. თქვენ თავი უნდა მოგქონდეთ იმით, რომ უფროსი ფულს გესესხათ ხარჯებისთვის. დიდი ეგოისტი ვინმე ყოფილხართ. საქმე რაღაც საცოდავ ორ ოქროს ეხება. ერთი დამანახვა, როგორ ამღერდებოდით, სიცოცხლის გაწირვა რომ მოგიხდეთ თქვენი უფროსისთვის. ვთქვათ, იგი მტრის ხაზზე დაჭრილი წევს, თქვენ იგი უნდა გადაარჩინოთ, ხელით გამოიყვანოთ ცეცხლიდან, ირგვლივ შრაპნელსა და ათას სხვა უბედურებას გრიალი და ზათქი გაუდით...

— შიშით ნამდვილად შარვალში ჩაისვრიდით, — თავს იცავდა კაპრალი. — საცოდავო დრუნჩავ!

— ბრძოლის დროს, ბარე ერთსა და ორს დაემართებოდა ასე, —



შენიშნა ერთ-ერთმა მცველმა ჯარისკაცმა. — ამ ცოტა ხნის წინათ ბუდეოვიცეში ერთი დაჭრილი გვიამბობდა, რომ თვითონ მან შეტევის დროს ზედიზედ სამჯერ ჩაისვარა შარვალში. პირველად, როცა საფარიდან ამოძვრნენ და მავთულხლართებს მიაღდგნენ; მეორედ, როცა მავთულხლართებს დაუწყეს გარღვევა და მესამედ, როცა ხიშტებმოღერებულმა რუსებმა შემოუტიეს და „ვაშა“ დასჭყვიღეს. მაშინ კი იკადრეს უკან შემოტრიალება და თავის საფარს მიაშურეს; მთელ ასეულში კაცი არ მოიძებნებოდა, ჩასვრილი რომ არ ყოფილიყო. ერთი მოკლული მიწაყრილზე დარჩა, ფეხებით ქვემოთ; შეტევის დროს მას ნახევარი თავის ქალა წააგლიჯა, თითქოს დანით ჩამოთალესო და ეს ნახევარი თავის ქალა თხრილში ჩავորდა. იმ ბედშემმა უკანასკნელ წუთში ისე მაგრად ჩაისვარა, რომ მთელი სიბინძურე შარვლიდან ფეხსაცმელზე ესხმებოდა და სისხლთან ერთად სანგარში იქცეოდა, მისივე ტვინდანთხეულ თავის ქალას ნახევარზე. ასეთ დროს, ჩემო ძმაო, კაცმა არ იცის, ვის რა მოუვა.

— ზოგჯერ კიდევ, — თქვა შვეიკმა, — ბრძოლაში კაცს ისე აეჩრევა გული, რომ აღარ იცის რა პქნას. პრადაში, პოდგორელცეში, ტრაქტირ „პანორამაში“ პერემიშლთან დაჭრილმა ერთ-ერთმა ჯარისკაცმა, რომელიც უკვე მოკეთებულიყო კიდევ, გვიამბო, თუ როგორ გადავიდნენ სადღაც და რომელიღაც ცინესიმაგრესთან ხელჩართულ შეტევაზე. საიდანღაც ანაზღად მის წინ რუსი ჯარისკაცი აღიმართა. მთასავით ვეება, ხიშტმოღერებულო, ცვირიდან კი წვინტლი სდიოდა; ერთი კი შეავლო თვალი იმ წვინტლს ჩვენმა მეომარმა და ისეთი მაგარი გულისრევა აუტყდა, რომ საველე ლაზარეთისკენ მოჰკურცხლა. ლაზარეთში იგი ხოლერით დაავადებულად სცნეს და ბუდეოვიცეში ხოლერიანთა ბარაკში გადაგზავნეს, იქ კი უკვე ნამდვილად შეეყარა ხოლერა.

— ვინ იყო იგი: რიგითი ჯარისკაცი თუ კაპრალი? — დაინტერესდა ნებითგანწესებული.

— კაპრალი იყო, — მშვიდად უპასუხა შვეიკმა.

— იგივე შეიძლებაოდა თავს გადახლომოდა ყოველ ნებითგანწესებულსაც, — ბრყველად შენიშნა კაპრალმა და გამარჯვებულის სახით შეხედა ნებითგანწესებულს, თითქოს ეუბნებოდა: „შენი ყველაყისამ, მელა არ დაიჭიროო ხომ გაჭამე, ესეც გეყოფაო!“

მაგრამ ნებითგანწესებულმა არაფერი უპასუხა და სკამლოგინზე წამოწვა.

მატარებელი ვენას უახლოვდებოდა. ვისაც არ ეძინა, ფანჯრიდან უყურებდა ვენის ირგვლივ გამართულ მავთულხლართებსა და გამაგრებულ ადგილებს. ეს ყველაზე მძიმე შთაბეჭდილებას ახდენდა.

დაუსრულებელი ღრიანცელიც კი, რომელიც იმ ვაგონებიდან ის-  
მოდა, სადაც კაშპერის მთების მეცხვარეები ისხდნენ, „Wann ich  
kumm, wann ich kumm, wan ich wieda, wieda kumm!“<sup>1</sup> შეწყდა  
იმ შემაზრზენი შთაბეჭდილების გამო, რომელსაც ახდენდა მავთულ-  
ხლართებით შემოვლებული ვენა.

— ყველაფერი წესრიგშია, — შენიშნა შევიკმა, რომელიც სანგ-  
რებს უყურებდა, — ყველაფერი სრულ წესრიგშია. მხოლოდ ერთი  
რამ ჰქმნის უხერხულობას: ვენელებს შარვალს შემოახვეს ეს ეკ-  
ლიანი მავთულხლართები, როცა ქალაქგარეთ დააპირებენ გასეირ-  
ნებას. აქ დიდი სიფრთხილეა საჭირო.

— საერთოდ ვენა — ფრიად მნიშვნელოვანი ქალაქია, — განაგრ-  
ძო მან. — მარტო ველური ნადირი რამდენია შენბრუნის სამხეცეში.  
როცა ამ რამდენიმე წლის წინათ ვენაში ვიყავი, ყველაზე მეტად მი-  
ყვარდა იქ მაიმუნების ცქერა, მაგრამ, როცა იმპერატორის სა-  
სახლიდან რომელიმე წარჩინებული პირი შემოვივლის ხოლმე. მაშინ  
იქეთკენ არავის უშვებენ — მესაზღვრეები ჩაკეტავენ გზას. ერთხელ  
ჩემთან ერთად იყო მკერავი მეათე რაიონიდან, ჰოდა, იგი დააპატიმ-  
რეს იმისათვის, რომ დაიჩემა, რაც არ უნდა დამიჯდეს ის მაიმუნე-  
ბი უნდა ვნახო.

— სასახლეში თუ ყოფილხარ? — ჰკითხა კაპრალმა.

— იქ ყველაფერი საუცხოოა, — უპასუხა შევიკმა. — მე იქ არ  
ყოფილვარ, მაგრამ ერთმა იქ ნამყოფმა კაცმა მიაგზო. ყველაზე  
კარგი იქ — სასახლის ბაღრაგაა. თვითეული ყარაული, ამბობენ,  
ორი მეტრი სიმაღლისა უნდა იყოს, სამსახურიდან როცა წავა, ტრა-  
ფიკას\* აძლევენ. პრინცესები სასახლეში, თურმე, თავზე საყრელა-  
დაა.

მატარებელმა გვერდი ჩაუარა რომელიღაც სადგურს. იქიდან  
მოისმა ავსტრიული ჰიმნი, რომელიც თანდათან ნელდებოდა. ორკეს-  
ტრი როგორც ჩანდა შეცდომით იყო გამოგზავნილი ამ სადგურზე  
ეშელონის შესახვედრად, ვინაიდან მატარებელი, საკმაოდ ხანგრძლი-  
ვი დროის სვლის შემდეგ, მეორე სადგურზე გაჩერდა, სადაც ეშე-  
ლონს სადილი ელოდებოდა და დიდის ამბითაც შეეგებნენ.

თუმცა უნდა ითქვას, რომ ეს საზეიმო შეხვედრები უკვე იმ ხა-  
სიათისა აღარ იყო, როგორც ომის დასაწყისში, როცა ფრონტზე  
მიმავალი ჯარისკაცები ყოველ სადგურზე ჰამად იყვნენ გადაქცეუ-  
ლი და როცა მათ ყველგან ეგებებოდა იდიოტურ თეთრ ტანსაცმელ-

<sup>1</sup> როდის დავბრუნდები, როდის, კვლავ როდისღა დავბრუნდები (გერმ. და-  
ლექტო.)

ში გამოწყობილი იდიოტური თაიგულებით ხელში გამოთაყვანებულ გომბიოების მთელი წყება. მაგრამ ყველაზე სულელური იყო, რა თქმა უნდა, იმ ქალების მისასალმებელი სიტყვები, რომელთა ქმრებს ახლა თავი მოჰქონდათ ურა-პატრიოტებად და რესპუბლიკელებად.

სახეიმო დელეგაციაში შედიოდა: სამი ქალი — ავსტრიის წითელი ჯვრის საზოგადოების წევრები, ორი ქალი — ვენელ ქალთა და ქალიშვილთა რომელიღაც სამხედრო წრის წევრები, ვენის მაგისტრატის ერთი ოფიციალური წარმომადგენელი და ერთი სამხედრო პირი. მათ სახეებზე აღბეჭდილი იყო დაღლილობა. სამხედრო ეშელონები ღღისითაც და ღამითაც მოძრაობდნენ, დაქრილებით საცხე სანიტარული მატარებლები ყოველ საათში მოდიოდნენ, სადგურებზე ერთი ლიანდაგიდან მეორეზე გამუდმებით გადაყავდათ მატარებლები, რომლებშიც იყვნენ ტყვეები. და ყველაფერ ამას უნდა დასწრებოდნენ სხვადასხვა საზოგადოებებისა და კორპორაციების წევრები. ყოველდღე ერთი და იგივე მეორდებოდა, პირვანდელი ენთუზიაზმი მთქნარებით შეიცვალა. ერთ დელეგაციას ცვლიდა მეორე და ვენის ყოველ სადგურზე ყველა წევრს ისეთივე დაღლილი სახე ჰქონდა, როგორც ახლა ბუდეიოვიცეს პოლკის დამხედურებს.

პირუტყვის ვაგონებიდან ჯარისკაცები იქიჩიებოდნენ, მათ სახეებზე აღბეჭდილი იყო სახრჩობელაზე მიმავალი ადამიანის სრული უიმედობა.


ვაგონებთან მიდიოდნენ ქალები და ჯარისკაცებს ურიგებდნენ თაფლის პურებს მოშაქრული წარწერებით: „Sieg und Rache“; „Gott, strafe England“; „Der österreicher hat ein Vaterland. Er liebt's und hat auch Ursach für's vaterland zu kämpfeu“<sup>1</sup>.

შეგველოთ დაგენახათ, კაშპერელი მთიელები როგორ ლოლნიდნენ თაფლის პურებს იმავე უიმედო გამომეტყველებით.

მერე ასეულებში ბრძანება გასცეს, სადილი მიიღეთ სადგურის უკან განლაგებულ საველე სამზარეულოებშიო, იქ იყო ოფიცერთა სამზარეულოც, საითაც გაემართა შეეიკი ობერ-ფელდკურატის ბრძანების სისრულეში მოსაყვანად. ნებითგანწყესებული დარჩა მატარებელში და ელოდა, როდის ასადილებდნენ: ორი მებადრაგე წავიდა პატიმართა მთელი ვაგონისთვის სადილის მოსატანად.

შეეიკმა ზუსტად შეასრულა ბრძანება და როცა ბრუნდებოდა

<sup>1</sup> „გამარჯვება და შურისძიება“. „ღმერთო, დასაჯე ინგლისი.“ „ავსტრიანგრეთის შეილს აქვს სამშენობლო. მას უყვარს ის, და მან იცის რად უნდა აბრძოლოს სამშობლოსთვის“ (გერმ.)



ლიანდაგებზე გადასვლისას პორუჩიკი ლუკაში დაინახა, რომელიც ბოლთასა სცემდა იმის მოლოდინში, რომ ოფიცერთა სამზარეულოდან მასაც მოუწევდა რამე. პორუჩიკი ლუკაში მეტად არასასიამოვნო სიტუაციაში იყო მომწყვდელი, რადგან, დროებით მას და პორუჩიკ კირშნერს ერთი საერთო დენშჩიკი ჰყავდათ. ეს დენშჩიკი ზრუნავდა მხოლოდ თავის პატრონზე და სრულ საბოტაჟზე გადადიოდა, როცა საქმე პორუჩიკ ლუკაშის მომსახურებას ეხებოდა.

— ვისთვის მიგაქვთ ყველაფერი ეს, შვეიკ? — ჰკითხა საცოდავმა პორუჩიკმა, როცა შვეიკმა მიწაზე დადო ფარაჯაში გახვეული ნივთების მთელი გროვა, — ოფიცერთა სამზარეულოში ბრძოლით მოპოვებული ნადავლი.

შვეიკი ცოტა შეყოყმანდა, მაგრამ სწრაფად აუღო ალღო ვითარებას და გულღია და ნათელი სახით მშვიდად უპასუხა:

— მაქვს პატივი მოგახსენოთ, ეს თქვენთვის მომაქვს, პანე ობერ-ლეიტენანტ. ოღონდ ვერ მიბოვნია თქვენი კუპე და, გარდა ამისა, არ ვიცი, მატარებლის კომენდანტი წინააღმდეგი ხომ არ იქნება ჩემი თქვენთან ყოფნის, — იგი ისეთი ღორი ვინმეა!

პორუჩიკმა ლუკაშმა ისეთი თვალებით შეხედა შვეიკს, თითქო რაღაცას ეკითხებოდა. შვეიკი კი ინტიმურად და გულკეთილად განაგრძობდა:

— ნამდვილი ღორია, პანე ობერ-ლეიტენანტ. როცა მატარებელს

ჩამოუარა, დაუყოვნებლივ მოვახსენე, უკვე თერთმეტი საათია, ჩემი პატიმრობის ვადა გათავდა და ახლა ან პირუტყვის ვაგონში უნდა გადამიყვანოთ, ან პან პორუჩიკთან-მეთქი. მან უკმეხად შემაწყვეტი-  
ნა სიტყვა: ეგდე შენთვის, სადაც ხარ. თან დასძინა: ყოველ შემთხვე-  
ვაში თავს აღარ მოჰკრიო გზაში პორუჩიკს. პანე ობერ-ლეიტენანტი! —  
შევიკმა წამებულებით დამანჭა ტუჩები. — განა'ოღესმე შემირცხე-  
ნისხართ, პანე ობერ-ლეიტენანტი!

პორუჩიკმა ლუკაშმა ამოიხვნეშა.

— არც ერთხელ არ ყოფილა შემთხვევა, რომ მე თქვენ შემერ-  
ცხინოთ, — განაგრძო შევიკმა. — თუ რაიმე ამდაგვარს ჰქონდა ად-  
გილი, ესეც სრულიად შემთხვევით მოხდა. „ღვთის განგებით“, რო-  
გორც ეს პელირეიმოველმა მოხუცმა ვანიჩეკმა თქვა, როცა იგი  
ოცდამეექვსმეტეჯერ ჩასვეს საპურობილეში. არასდროს არაფერი  
არ მომიმოქმედნია განგებ, პანე ობერ-ლეიტენანტი. მუდამეამ ვცდი-  
ლობდი ყველაფერი რაც შეიძლება მოხდენილად და საუკეთესოდ  
გამეკეთებინა. განა დამნაშავე ვარ, რომ ჩვენ ორთავეს სიყეთის ნაცვ-  
ლად უბედურება გვატყდებოდა თავს, ტანჯვა-წამების მეტი არაფე-  
რი ვიცოდით?

— ოღონდ ნუ ტირით, შვეიკ, — დაყვავებით უთხრა პორუჩიკმა  
ლუკაშმა, როცა საშტაბო ვაგონს უახლოვდებოდნენ. — საქმეს ისე  
მოვაგვარებ, რომ თქვენ ისევე ჩემთან იყოთ.

— მაქვს პატივი მოგახსენოთ, პანე ობერ-ლეიტენანტი, მე არ  
ვტირი. ოღონდ ძალიან ნაწყენი კი ვარ: მე და თქვენ ორთავე ყვე-  
ლაზე უბედური აღამიანები ვართ ამ ომში და მთელ ქვეყნიერებაზე,  
და ამავე დროს ორთავე არაფერ შუაში ვართ. რა უღმობელია ბე-  
დისწერა, როცა გავიფიქრებ, რომ მე ყოველთვის, მთელ ჩემს სი-  
ცოცხლეში ასეთი გულმოდგინე და მონდომებულნი...

— დამშვიდდით, შვეიკ.

— მაქვს პატივი მოგახსენოთ, პანე ობერ-ლეიტენანტი: სუბორ-  
დინაცია რომ არა, მე ვიტყვოდი, ვერასგზით ვერ დავმშვიდდები,  
მაგრამ, თანახმად თქვენი ბრძანებისა, უკვე მთლად დავმშვიდდი.

— მაშ, აძვერით ვაგონში.

— არის, ვძვერები, პანე ობერ-ლეიტენანტი.

მოსტში განლაგებულ სამხედრო ბანაკში ღამის სიჩუმე მეფობ-  
და. ჯარისკაცები ბარაკებში სიცივისგან კანკალებდნენ, ოფიცერ-  
თა ბარაკებში კი ისეთი აუტანელი, შემხუთავი სიცხე იყო, რომ  
ფანჯრები დაელოთ.

ცალკეულ ობიექტებთან გუშაგთა გამოზომილი ნაბიჯების ხმა გაისმოდა, რომლებიც სიარულით იფრთხობდნენ ძილს.

ქვემოთ, მდინარეს გადაჰყურებდა ხორციის კონსერვების გაჩირადლებული ქარბანა, რომელიც მის უდიდებულესობას ეკუთვნოდა. იქ დღისითაც და ღამითაც მიმდინარეობდა მუშაობა: კონსერვებად მუშავდებოდა ყოველგვარი ნაყარ-ნუყარი. ბანაკში ქარის ქროლვას მოჰქონდა დამპალი მყესების, ჩლიქებისა და ძვლების სიმყარაღე, რისგანაც კონსერვის წვეს ხარშავდნენ.

ფოტოგრაფის თავმინებებულ პავილიონიდან, სადაც მშვიდობიან დროს ჯარისკაცები სურათებს იღებდნენ და აქ, სასროლო მოედანზე თავის ახალგაზრდობის წლებს ატარებდნენ, ხელისგულივით მოჩანდა ლიტავას ხეობა; საროსკიპო „უ კუკურაჩისპო კლასუში“, რომლის შესასვლელთან ელექტრონის წითელი ფარანი ციმციმებდა, და რომელსაც 1918 წელს შობრანთან დიდი მანევრების დროს პატივი დასდო თავისი სტუმრობით ერცპერცოგმა სტეფანმა, და სადაც ყოველდღე იკრიბებოდა ოფიცერთა საზოგადოება.

ეს იყო ყველაზე ფეშენებელური საროსკიპო, სადაც არ შეესვლებოდათ რიგით ჯარისკაცებსა და ნებითგანწესებულთ, რომლებიც „უ რუჟივეპო დომუში“ დადიოდნენ. ამ საროსკიპოს მწვანე ფარნებიც მოჩანდა ფოტოგრაფის მიტოვებულ პავილიონიდან. ასეთივე გამიჯვნა სამხედრო ხარისხების მიხედვით დაცული იყო ფრონტზეც, როცა მონარქია უკვე უძლური შეიქნა სხვა რამეთი ეშველა თავისი ჯარისთვის, გარდა ბრიგადების შტაბებთან გახსნილ სალაშქრო საროსკიპოებისა, რომელთაც „პუფებს“ უწოდებდნენ. ამრიგად, არსებობდნენ K. K. Offizierspuff, K.K.Unteroffizierspuff და K. K. Mannschaftspuff — საიმპერატორო-სამეფო ოფიცერთა პუფები, საიმპერატორო-სამეფო უნტერ-ოფიცერთა პუფები და საიმპერატორო-სამეფო პუფები რიგითი ჯარისკაცებისთვის.

მოსტ ნა ლიტავე ნათურებით კაშკაშებდა. ლიტავის მეორე მხარედან კაშკაშებდნენ კირალიპიდე, ცისლაიტანია\* და ტრანსლაიტანია. ორივე ქალაქში, უნგრელთა და ავსტრიელთა ქალაქებში, ბოშათა კაპელები სიმღერებს მართავდნენ, მღეროდნენ და სვამდნენ. კაფეები და რესტორნები სინათლის მორევში იყვნენ ჩაფლულნი. ადგილობრივ ბურჟუაზიასა და მოხლეებს აქ დაჰყავდათ თავისი ცოლები და გასათხოვარი ქალიშვილები და მთელი მოსტ ნა ლიტავე, Bruck an der Leite<sup>1</sup> ისევე, როგორც კირალიპიდე წარმოადგენდნენ ერთ მთლიან ვეებერთელა საროსკიპოს.

ღამით ოფიცერთა ერთ ბარაკში შვეიცი ელოდებოდა პორუჩიკ

<sup>1</sup> ბრუკი ლიტავეზე (გერმ.)



ლუკაშს, რომელიც საღამოთი ქალაქის თეატრში წავიდა და აქამდე არ დაბრუნებულა. შევიკი იჯდა პორუჩიკის დაგებულ ლოგინზე, მის პირდაპირ კი მაგიდაზე ჩამომჯდარიყო მაიორ ვენცელის დენ-შიკი.

მაიორი ვენცელი დაბრუნდა ფრონტიდან პოლკში იმის შემდეგ, რაც სერბიაში, დრინაზე \* ბრწყინვალედ დაამტკიცა თავისი უნიკობა. დადიოდა ხმები, რომ მან გასცა ბრძანება დაერღვიათ და მოესპოთ ნაეტიკის გაბმული ხიდი იმ დროს, როცა ბატალიონის ნახევარიც კი არ იყო გადასული მდინარის მეორე ნაპირზე. ამჟამად იგი დანიშნული იყო კირალიპიდეში სამხედრო სასროლი მოედნის უფროსად და გარდა ამისა რაღაც ფუნქციებს ასრულებდა სამხედრო ბანაკის სამეურნეო ნაწილში. ოფიცრები ლაპარაკობდნენ, რომ მაიორი ვენცელი ახლა თავის საქმეებს გამოასწორებსო. ლუკაშისა და ვენცელის ოთახები მეზობლად იყვნენ.

მაიორ ვენცელის დენშიკი, შეუხედავი, ნაყვავილარი მიკულაშეკი ფეხებს იქნევდა და ილანძლებოდა:

— აბა, რასა გავს ეს ამბავი — ბებერი ალქაჯი არ მოდის და არა? ერთი ნეტავი მაცოდინა მთელი დამეები სად დაეთრევა ეს ბებრუხანა? ოთახის კლიტე მაინც დაეტოვებინა. ოპ, რას ვიგორავებდი მის ლოგინში და ისეთ დროს გავატარებდი, შენი მოწონებული! რამდენი ღვინო გვაქვს!

— იგი, ამბობენ, იპარავსო, — ჩაილაპარაკა შევიკმა, თან თავისი პორუჩიკის სიგარეტს ქაჩავდა თამამად, რადგან ოთახში ჩიბუხის მოწევა აკრძალული ჰქონდა ლუკაშისგან. — შენ, უთუოდ, კარგად იცი, საიდან გაქვთ ამდენი ღვინო.

— სადაც მიბრძანებს, იქ მივდივარ, — წერილი ხმით თქვა მიკულაშეკმა. — დაწერს ლაზარეთისთვის საჭირო ღვინის მოთხოვნას. მივიღებ და შინ მოვუტან.

— პოლკის სალაროს გაქურდვა რომ გიბრძანოს, იმასაც შეასრულებდი? — ჰკითხა შევიკმა. — აქ ერთ ამბავში ხარ, თავისუფლად ქაქანებ, მის წინაშე კი ვერხვის ფოთოლივით ცახცახებ.

მიკულაშეკმა თავისი პატარა თვალები აახამხამა.

— ამაზე საჭიროა ცოტათი დაფიქრება.

— აქ დასაფიქრებელი არაფერია, შე ლაწირაკო, შენა! — შეუყვირა მას შევიკმა, მაგრამ მყისვე ხმა ჩაუწყდა.

გაიღო კარი და შემოვიდა პორუჩიკი ლუკაში. პორუჩიკი შესანიშნავ გუნებაზე იყო, რაც იმაზე ეტყობოდა, რომ ქუდი უკულმა ეხურა.

მიკულაშეკს ისე შეეშინდა, რომ მაგიდიდან ჩამოხტომა ველარ



მოისაზრა და დამჯდარმა ხელი აუღო, ის კი აღარ ახსოვდა, რომ უქუდოდ იყო.

— მაქვს პატივი მოგახსენოთ, ყველაფერი წესრიგშია, — უპატაკა შეეიკმა, მხედრულად გამოეჭიმა, ყველა წესისდა მიხედვით, მაგრამ სიგარეტა პირში დარჩა გაჩხირული.

პორუჩიკმა ლუკაშმა შეეიკს არავითარი ყურადღება არ მიაქცია და პირდაპირ მიკულაშეკისკენ გაემართა, რომელიც თვალმბგადმოკაკლული უყურებდა თვითუღ მის მოძრაობას, კვლავ მაგიდაზე იჯდა და სამხედრო სალამისთვის აღებული ხელი ისევ შუბლთან ეჭირა.

— პორუჩიკი ლუკაში, — გააცნო თავისი თავი პორუჩიკმა და ბანცალით მივიდა მიკულაშეკთან. — თქვენ რა გვარი ბრძანდებით? მიკულაშეკი დუმდა. ლუკაშმა მიიჩოჩა სკამი, დაჯდა მიკულაშეკის პირისპირ, ახედა ქვემოდან ზემოთ და თქვა:

— შეეიკ, ჩემი ჩემოდნიდან ამოიღეთ სამსახურებრივი რევოლვერი და მომიტანეთ.

მთელი იმ ხნის განმავლობაში, სანამ შეეიკი ჩემოდანში ხელებს აფათურებდა, მიკულაშეკი დუმდა და შიშატანილი უყურებდა პორუჩიკს. მას კიდევ რაიმეს მოსაზრების უნარი რომ შერჩენოდა და მიხედვრილიყო, რომ იგი მაგიდაზე ზის, ალბათ ელეთ-მელეთი დემართებოდა, რადგან ფეხებით მის წინ მჯდომარე პორუჩიკის მუხლებს ეხებოდა.

— თქვენი გვარი-მეთქი, არ გესმით?! — დაუყვირა პორუჩიკმა, რომელიც ქვემოდან უყურებდა მიკულაშეკს.

მაგრამ იგი განაგრძობდა დუმდის. როგორც შემდეგში მიკულაშეკმა განმარტა, ლუკაშის მოულოდნელ დანახვაზე იგი ერთბაშად გახევდა. უნდოდა მაგიდიდან ჩამომხტარიყო, მაგრამ ვერ მოახერხა, უნდოდა ეპასუხნა, მაგრამ არ შეეძლო, უნდოდა ხელი ჩამოეშვა, მაგრამ ესეც ვერ შეძლო.

— მაქვს პატივი მოგახსენოთ, პანე ობერ-ლეიტენანტ, — გაისმა შეეიკის ხმა. — რევოლვერი არაა გატენილი.

— შერე რას უყურებთ, ჩაღვეით ტყვია.

— მაქვს პატივი მოგახსენოთ, პანე ობერ-ლეიტენანტ, ვაზნები არაა, და მაგის გადმოღება მაგიდიდან არც ისე ადვილი საქმე იქნება. თქვენი ნებართვით, პანე ობერ-ლეიტენანტ, მოგახსენებთ, ეს ყმაწვილი მიკულაშეკია — მაიორ ვენცელის დენშიკი. მას ყოველთვის, როგორც ბატონ ოფიცრებს დაინახავს, ენა წაერთმევა ხოლმე. საერთოდაც არ ემარჯვება ლაპარაკი. მთლად დაშინებული ბავშვივითაა. ერთი სიტყვით — ცინგლიანი ვინმეა. ბატონი მაიორი ვენცელა

მას დერეფანში სტოვებს, როცა თვითონ ქალაქში მოდის. და აი, ეს საცოდავი დაყიადობს და ხან ერთ დენშჩიკს მიაკითხავს, ხან მეორეს. რაც მთავარია — შესაშინებელი რამე მაინც ჰქონდეს, რა აშინებს, ვერ გამიგია, ისეთი რომ არაფერი ჩაუდენია.

შვეიკმა გადააფურთხა; მის ლაპარაკში გამოსჭვივოდა უსაზღვრო ზიზლი მიკულაშეკის სიმბდალისადმი, იგი ვერ შერიგებოდა იმას, რომ ამ ჰიამკვდარას უნარი არ შესწევდა მხედრულად დაეჭირა თავი.

— თქვენი ნებართვით, — განაგრძო შვეიკმა, — მე ამ ყმაწვილს დავყნოსავ.

შვეიკმა გადმოათრია მაგიდიდან მიკულაშეკი, რომელიც ისევ თვალბდაქვეტილი სულელურად მისჩერებოდა პორუჩიკს, დააყენა იგი იატაკზე და დაუყნოსა შარვალი.

— ჯერჯერობით არაფერია, — მოახსენა მან პორუჩიკს, — მაგრამ უკვე იწყებს. თუ მიბრძანებთ, აქედან ვისვრი!

— კინწისკვრით გააგდეთ, შვეიკ, თვალთ არ დავინახო!

შვეიკმა გაიყვანა აკანკალებული მიკულაშეკი დერეფანში, გაიხურა კარები და ასე უთხრა:

— აი, ხომ ხედავ, შე ბეყეირათო, სიკვდილს გადაგარჩინე. როცა ბატონი მაიორი ვენცელი დაბრუნდება, შენ ამისთვის ჩუმად ერთი ბოთლი ღვინო უნდა მომიტანო. არ გეგონოს, გეხუმრებოდე! სიცოცხლე შეგინარჩუნე, განა ეს ხუმრობაა. ჩემი პორუჩიკი როცა გადაკრულშია, მისგან ყოველ წუთში უბედურებას უნდა მოელოდე. ასეთ შემთხვევაში მარტო მე შემიძლია მასთან საერთო ენა გამოვძებნო, სხვა ახლო ვერაფერს ვაქვარება.

— მე... — ის-იყო დაიწყო მიკულაშეკმა.

— შენ ხარ მყარალა, — ათვალწუნებით შეაწყვეტინა შვეიკმა. — ჩამოაჯექი ზღურბლზე და ელოდე, სანამ შენი მაიორი ვენცელი არ მოვა.

— როგორც იქნა მოხვედით, — შეეგება პორუჩიკი ლუკაში შვეიკს. — თქვენთან მოსალაპარაკებელი საქმე მაქვს. ნუ იჯიჯიმებით, გეთაყვა, ასე სულელურად. შვეიკ, დაჯექით თავისუფლად და თავი გაანებეთ თქვენს „მაქვს პატივი მოგახსენოთ“. იყუჩეთ და მომისმინეთ ყურადღებით. თუ იცით, სად არის კირალიჰიდეში შოპრონის ქუჩა? მე თქვენ გთხოვეთ, თავი დაანებეთ-მეთქი თქვენს „მაქვს პატივი მოგახსენოთ“, „არ ვიცი, პანე პორუჩიკ“ და სხვა ასეთებს. არ იცით, არა? თქვით, „არ ვიცი“, მორჩა და გათავდა! დაიწერეთ ქალღალღზე: შოპრონის ქუჩა, ნომერი თექვსმეტი. იმ სახლში ქვემო სართულზე რკინეულობის სავაჭროა. იცით, რა არის რკინეულობის სავაჭრო?... დალახვროს ეშმაკმა, ნუ ამბობთ, „მაქვს პატივი მოგახ-



სენოთ“, თქვით უბრალოდ „ვიცი“, ან „არ ვიცი“. მაშ ასე, იცით რა არის რკინეულობის სავაქრო? იცით, არა? — ძალიან კარგი. ის მალაზია ეკუთვნის ერთ მადიარს, გვარად კაკონს. იცით, არა? — ძალიან კარგი. მალაზიის თავზე ბინაა, ეს კაკონი იმ ბინაში ცხოვრობს, ესეც იცით? არ იცით? დალაზვროს ეშმაკმა, იმიტომაც გეუბნებით, რომ იქ ცხოვრობს-მეთქი. გაიგეთ? რაკი გაიგეთ, მაგას რა სჯობია. რომ ვერ გაგეგოთ, ნაობახტში ჩაგსვამდით. ჩაიწერეთ თუ არა, რომ ამ სუბიექტის გვარი არის კაკონ? ძალიან კარგი. მაშასადამე, ხეალ დილით, ასე, ათი საათი რომ მოატანს, თქვენ წახვალთ ქალაქში, მოძებნით ამ სახლს, ახვალთ მეორე სართულზე და გადასცემთ ქალბატონ კაკონს აი ამ ბარათს.

პორუჩიკმა ლუკაშმა გახსნა საფულე და მთქნარებით გაუწოდა შვეიკს კონვერტში ჩადებული წერილი. კონვერტზე არავითარი მისამართი არ ეწერა.

— დიდმნიშვნელოვანი საქმეა, — არიგებდა იგი შვეიკს. — სიფრთხილე არასოდეს ზედმეტი არაა, ამიტომ, როგორც ხედავთ, კონვერტზე მისამართი არ სწერია. მთლიანად გენდობით თქვენ და დარწმუნებული ვარ, ბარათს ჩააბარებთ სრულ წესრიგში. პო, მართლა, ჩაიწერეთ კიდევ, რომ იმ ქალბატონს ჰქვია ეტელკა. ჩაიწერეთ: ქალბატონი ეტელკა კაკონ. იცოდეთ, ეს წერილი თქვენ მას საიდუმლოდ

უნდა ჩააბაროთ და რაც არ უნდა დაგიჯდეთ, პასუხს უნდა დაელოდოთ. მანდ, ბარათში წერია, რომ თქვენ დაელოდებით პასუხს. რა გინდოდათ გეთქვათ?

— პასუხი რომ არ მომცენ, პანე ობერ-ლეიტენანტ, როგორ მოვიქცე?

— უთხარი, რომ პასუხი უნდა მიიღოთ ყოველ მიზეზს გარეშე, — თქვა პორუჩიკმა და ისე მაგრად დაამთქნარა, რომ ყბა კინაღამ გვერდზე მოექცა. — მე ახლა დავიძინებ, დღეს საშინლად დავიღალე. ღმერთო ჩემო, რამდენი დავლიეთ ასეთი საღამოსა და ასეთი ღამის შემდეგ, ვფიქრობ, ყველა დაიქანცება.

თავდაპირველად პორუჩიკ ლუკაშს არ ჰქონდა განზრახვა სადმე დარჩენილიყო. საღამო ეამს იგი ბანაკიდან წავიდა ქალაქში იმ ვარაუდით, რომ კირალიპიდეში უნგრული თეატრის წარმოდგენას დაესწრებოდა, სადაც რომელიღაც უნგრულ ოპერეტას უჩვენებდნენ. წამყვან როლებს იქ ჩასუქებული ებრაელი მსახიობი ქალები თამაშობდნენ, რომლებიც იმ დიდი ღირსებით სარგებლობდნენ, რომ ცეკვის დროს ფეხებს თავზემოთ სწევდნენ და არც ტრიკო, არც ნიფხავი არ ეცვათ, ბატონ ოფიცრების მოსატყუებლად თათრის ქალეზივით სამართებლით იპარსავდნენ ბალანს. ქანდარა, რა თქმა უნდა, ამის ცქერის სიამოვნებას მოკლებული იყო, მაგრამ სამაგიეროდ პარტერში მსხდომი არტილერიის ოფიცრები უდიდეს სიამოვნებას განიცდიდნენ. ერთი პატარა დეტალიც რომ არ გამორჩენოდათ, თეატრში მათ საარტილერიო პრიზმატიული ბინოკლები მოჰქონდათ.

პორუჩიკ ლუკაშს ეს საინტერესო ღორიბა ვერ ხიბლავდა, ვინაიდან თეატრში ნაჭირავეები ბინოკლი აქრომატიული არ იყო, და ქალის თეძოების ნაცვლად იგი რაღაც მოძრავ ლილისფერ ლაქებს ხედავდა.

პირველი მოქმედების შემდეგ ანტრაქტში მისი ყურადღება მიიქცია ერთმა ქალმა, რომელსაც შუა ხნის მამაკაცი ახლდა. ქალი გარდერობისკენ მიიჩქაროდა და გაცხარებით მოითხოვდა მამაკაცისგან — ახლავე შინ წავიდეთო, რადგან ასეთი უმსგავსობის ცქერა არა მსურსო. იგი ლაპარაკობდა საკმაოდ ხმამაღლა გერმანულად, მისი თანამგზავრი კი უნგრულად პასუხობდა.

— მართალი ხარ, ჩემო ანგელოზო, წავიდეთ, წავიდეთ. ეს მართლაც უგემური სანახაობაა.

— Es ist ekelhaft! — მაინც არ ცხრებოდა ქალი, როცა მამაკაცი მანტოს აცმევდა.

<sup>1</sup> ეს საძავლობაა! (გერმ.)

მის თვალებში, ფართო, მუქ თვალებში, რომლებიც ასე პარმონიულად იყო შერწყმული კოპწია ფიგურასთან, ასეთ უსიარცხვილო-ბას აღშფოთების ცეცხლი დაენტო. მან თვალი შეავლო პორუჩიკ ლუკაშს და კიდევ ერთხელ გადაქრით წარმოთქვა:

— Ekelhaft, wirklich ekelhaft!<sup>1</sup>

ამ წუთიდან გაინასკვა მოკლე რომანი. მეგარდერობე ქალისგან პორუჩიკმა ლუკაშმა გაიგო, რომ ესენი იყვნენ ცოლ-ქმარი კაკონები და რომ კაკონს შობრონის ქუჩაზე № 16 სახლში რკინეულობის მაღაზია ჰქონდა.

— პანი ეტელკასთან ერთად თვითონ მეორე სართულზე ცხოვრობს, — აცნობა მეგარდერობე ქალმა და ისე დაწვრილებით აუწერა, როგორც ჩვევით ძველ მაჰანკლებს, — ქალი გერმანელია ქალაქ შობრონიდან, კაცი — მაღიარია. აქ ყველანი აირივნენ ერთმანეთში.

პორუჩიკმა ლუკაშმა აიღო თავისი ფარაჯა გარდერობიდან და ქალაქში წავიდა. იქ რესტორან „ერცჰერცოგ ალბრეხტში“ იგი შეხვდა ოთხმოცდამეთერთმეტე პოლკის ოფიცრებს. ლუკაში ლაპარაკობდა ცოტას, სამაგიეროდ სვამდა უზომოდ და სულ იმას ფიქრობდა, რა მიეწერო ისეთი იმ მკაცრ, მაღალი ზნეობის ლამაზ ქალსო, რომლისკენაც უფრო მეტად მოუწევდა გული, ვიდრე სცენის ამ მაიმუნებისკენ, როგორც ოფიცრები უწოდებდნენ ოპერეტის მსახიობ ქალებს.

მეტად აღტკინებულ გუნებაზე იგი წავიდა პატარა კაფეში „უკრეიე სე. შტეპანა“, დაიკავა განმარტოებული კაბინეტი, გამოაგდო იქიდან ვილაც რუმინელი ქალი, რომელმაც შესთავაზა, გინდა სულ გავიხდი ყველაფერს, დედიშობილად ვიქნები და რასაც მოისურვებ, იმას შეგისრულებო, კაფეს მსახურს მოატანინა მელანი, კალამი, ფოსტის ქაღალდი და ერთი ბოთლი კონიაკი, მერე ზედმიწევნით მოიფიქრა ყველაფერი და დასწერა შემდეგი წერილი, რომელიც, მისთვის რომ გეკითხათ, ისეთი კარგი იყო, რომ მსგავსი თავის სიცოცხლეში არ დაეწერა.

„მოწყალეო ქალბატონო! მე გუშინ ვიყავი ქალაქის თეატრში წარმოდგენაზე, რომელმაც თქვენში უაღრესი აღშფოთება გამოიწვია. მთელი პირველი მოქმედების განმავლობაში თვალს არ გამოვრებდით თქვენ და თქვენს მეუღლეს. როგორც მე შევამჩნიე...“

„რა უფლებით ყავს ამ სუბიექტს ასეთი თვალწარბეცა ცო-

<sup>1</sup> საძაგლობა, სწორედ რომ საძაგლობა! (გერმ.)

ლი? — თქვა თავის გულში პორუჩიკმა ლუკაშმა. — ის მამაკაცი ხომ ნამდვილად გაპარსულ პაიანს გავს...“

„თქვენი მეუღლე სიამოვნებით და სრული კეთილგანწყობით უცქეროდა მთელ იმ საზიზღრობას, რომლითაც აღსაყვს იყო პიესა, რამაც თქვენში, მოწყალეო ქალბატონო, სამართლიანი აღშფოთება და ზიზღი გამოიწვია, ვინაიდან ეს ხელოვნება კი არა, ადამიანის იღუმალზე იღუმალი გრძნობების საძაგელი ხელყოფა იყო...“

„რა შესანიშნავი გულმკერდი აქვს იმ დალოცვილს, — გაიფიქრა პორუჩიკმა ლუკაშმა. — ეჰ, რაც იქნება, იქნება!“

„მაპატიეთ, მოწყალეო ქალბატონო, რომ მიუხედავად იმისა, თქვენ მე არ მიცნობთ, მაინც გულლიად გელაპარაკებით. ჩემს სოცოცხლეში ბევრი ქალი მინახავს, მაგრამ არც ერთს ჩემზე ისეთი შთაბეჭდილება არ მოუხდენია, როგორც თქვენ, რადგან თქვენი მსოფლმხედველობა და თქვენი მსჯელობა სავსებით ემთხვევა ჩემსას. ღრმად ვარ დარწმუნებული, რომ თქვენი მეუღლე — წმინდა წყლის ეგოისტია, რომელიც დაგათრევთ ყველგან...“

— „არ ვარგა“, — თქვა თავის გულში პორუჩიკმა ლუკაშმა, წაშალა „schleppt mit“<sup>1</sup> და დასწერა:

„რომელსაც პირადი ინტერესების მიხედვით დაყავხართ თქვენ, ქალბატონო, ისეთ თეატრალურ წარმოდგენებზე, მხოლოდ და მხოლოდ მის გემოვნებას რომ აკმაყოფილებს. მე პირდაპირობა და გულახდილობა მიყვარს, სრულებითაც არ ვერევი თქვენს პირად ცხოვრებაში და მინდა მხოლოდ ინტიმურად გელაპარაკოთ წმინდა ხელოვნებაზე...“

„აქ სასტუმროებში უხერხულია. მომიხდება ვენაში წაყვანა, — გაიფიქრა პორუჩიკმა. — მივლინებას ავიღებ“.

„ამიტომ ვბედავ, ქალბატონო, და გთხოვთ მიმითითოთ, სად და როდის შეიძლება ჩვენი შეხვედრა, რომ საშუალება მომეცეს ახლო გაგიცნოთ. თქვენ უარს არ ეტყვიით ისეთ ადამიანს, რომელსაც ახლო მომავალში მოუხდება მძიმე სამხედრო ლაშქრობაში მიიღოს მონაწილეობა და რომელსაც, თქვენა გულკეთილობით აღსაყვს თანხმობის შემთხვევაში, ბრძოლის ქარ ეცხლშიც კი ხატად ექნება თვალწინ თქვენი სახე. თქვენი გადაწყვეტილება ჩემთვის ბრძანება იქნება. თქვენი პასუხი — გადაწყვეტი მომენტი გახდება ჩემს ცხოვრებაში“.

მოაწერა ხელი, მოათავა კონიაკი, კიდევ ერთი ბოთლი მოითხოვა, დაკვირვებით, ღინჯად წაიკითხა წერილი, თან კონიაკს შეექცეო-

<sup>1</sup> დაგათრევთ ყველგან (გერმ.)

და ყლუპყლუპობით, და გულწრფელი ცრემლიც კი მოერია თვალებზე, უკანასკნელ სტრიქონებს რომ კითხულობდა.

უკვე დილის ცხრა საათი იყო როცა შვეიკმა პორუჩიკი ლუკაში გააღვიძა:

— მაქვს პატივი მოგახსენოთ, პანე ობერ-ლეიტენანტ, სამსახურში დაგაგვიანდათ, მე კი დროა წავიდე თქვენი წერილით კირალიჰიდეში. შეიდ საათზე გაღვიძეთ, მერე რვის ნახევარზე, მერე რვაზე, როცა უკვე ყველანი წავიდნენ მეცადინეობაზე, თქვენ კი მეორე გვერდზე გადაბრუნდით. პანე ობერ-ლეიტენანტ, გესპით, პანე ობერ-ლეიტენანტ!

პორუჩიკმა ლუკაშმა რაღაც ჩაიბუბუნა და ისევ დააპირა მეორე გვერდზე გადატრიალება, მაგრამ არ გამოუვიდა. შვეიკი შეუბრალებლად ანჯღრევდა მას და ყურში ჩაჰყვიროდა:

— პანე ობერ-ლეიტენანტ, მაშ მე წავალ, ამ წერილს წავიღებ კირალიჰიდეში!

პორუჩიკმა დაამთქნარა:

— წერილი?... ჰო, მართლა! მაგრამ ეს საიდუმლოებაა, გასაგებიან? საიდუმლოება, რომელიც ვიციტ მხოლოდ მე და თქვენ. წადით...

პორუჩიკმა გადაიფარა საბანი, რომელიც შვეიკმა გადახადა, და ისევ დაიძინა. შვეიკი კირალიჰიდესკენ გაუდგა გზას.

შოპრონის ქუჩისა და № 16 სახლის მოძებნა არც ისე გაუძნელდებოდა შვეიკს, რომ მას გზაში არ შეხვედროდა მესანგრე ვოდიჩკა, რომელიც მდინარის პირას განლაგებულ მეტყვიამფრქვევეებზე იყო მიმაგრებული. რამდენიმე წლის წინათ ვოდიჩკა პრალაში ცხოვრობდა, ბოიშჩეზე, და ასეთი შეხვედრის აღსანიშნავად აბა როგორ შეიძლებოდა რომ არ შესულიყვნენ ბრუკეში სამიკიტრო „უ ჩერნეჰო ბერანკაში“, სადაც მუშაობდა ნაცნობი ჩეხი კელნერი ქალი რუჟენკა, რომლის ფული ემართა ყველა ჩეხ ნებითგანწესებულს, თუკი ოდესმე რომელიმე მათგანი ბანაკს გაჰკარებია.

მესანგრე ვოდიჩკა, ძველი ყალთაბანდი, ამ უკანასკნელ ხანებში, რუჟენკას კავალერი იყო და მას აღრიცხვაზე ჰყავდა აყვანილი ყველა სამარშო ასეული, რომლებსაც ფრონტზე წასვლა უწევდა. იგი დროულად ჩამოუვლიდა ხოლმე ყველა ჩეხ ნებითგანწესებულს და მოაგონებდა, ფრონტზე წასვლის გაწამაწიაში არ გაიპაროთ და გალი არ შეირჩინოთ.

— შენ, კაცმა რომ თქვას, მაინც საითკენ გაქვს აღებული



გეზი? — ჰკითხა ვოლიჩკამ, როცა ერთი ჭიქა მაგარი ღვინო გადაჰკრა.

— ეს საიდუმლოებაა, — უპასუხა შვეიკმა, — მაგრამ შენ, როგორც ძველ მეგობარს, შემიძლია გითხრა... — და მან ყველაფერი დაწვრილებით უამბო. ვოლიჩკამ ყურადღებით მოუსმინა და განაცხადა, მე, როგორც ძველ მესანგრეს არამც და არამც არ შემიძლია შუა გზაზე შენი მიტოვება, და შენთან ერთად წამოვალ ბარათის ჩასაბარებლად.

ისინი გაერთვნენ ძველი ამბების მოგონებით და როცა „ჩერნე ჰობერანკადან“ გამოვიდნენ (უკვე ნაშუადღევის პირველი საათი იყო), ყველაფერი მეტად უბრალო და ადვილად თავგასართმევ საქმედ მოეჩვენათ. შობრონის ქუჩის № 16 სახლისკენ გზაზე ვოლიჩკა მალიარებისადმი უკიდურეს სიძულვილს ამჟღავნებდა და დაუღალავად ლაქლაქებდა იმის შესახებ, თუ როგორ, სად და როდის უჩხუბნია მათთან, ან რამ, როდის და სად შეუშალა ხელი მათთან ჩხუბს.

— აი ერთხელ წავუჭირე ხელი ყელში ერთ ასეთ დრუნჩიან მადიარს და ვგუდავ. ეს მოხდა პაუსდორფში, სადაც ჩვენ, მესანგრეები მივედით დასალევათ. სიბნელით მინდოდა მესარგებლა და ერთი მაგრად გადამეწნა სახეზე ღვედი, — ჩვენ ხომ, როგორც კი ალიაქოთი ატყდა, ბოთლი ვთხლიშეთ ლამპას. ჰოდა, იმას ვამბობდი, წა-



ვუკირე ხელი ყელში და უცბად მესმის: „ტონდა, ხელი მიშვი, ეს მე ვარ, პურკრაბეკი, მეთექვსმეტე სათადარიგოდან“. კინალამ შეცდომა მოხდა. სამაგიეროდ ნეზიდერის ტბასთან იმან და მე ამ მადიარელ ჯამბაზებს ანგარიში გაუესწორეთ, როგორც მათ ეკადრებოდათ. იქ ჩვენ ამ სამი კვირის წინათ მოვხვდით. მეზობელ სოფელში დაბინავებულია რომელიღაც ჰონველთა პოლკის მეტყვიამტრქვევეთა რაზმი. ჩვენ შემთხვევით შევიხვდეთ სამიკიტროში, სადაც ისინი აღქაგებივით გახურებული ცეკვავდნენ თავის ჩარდაშს და ყურთასმენის წამლებად ღრიალებდნენ თავის: „Uram, uram, birb uram,“ ანდა: „Lauók, lauók, lauók, a faluba.“<sup>1</sup> დაესხედით მათ პირდაპირ, დავიდევით წინ მაგიდაზე მხოლოდ ჩვენი სალდათური ქამარი და ერთმანეთში ვლაპარაკობთ: „დაგვაცათ, თქვე ძალღიშვილებო, განვენებთ თქვენს „ლანიოკს“. ერთმა ჩვენგანმა, მეისტრშიკმა, რომელსაც ისეთი ზორბა მუშტები აქვს, მთა „ბელა ჰორა“ \* გეგონება, თავი გამოიღო, ახლავე ჩავერევი ცეკვაში და ცხვირწინ ჩამოვართმევე გოგოს ერთ რომელიმე ამ მაწანწალასო. გოგოები კი ისეთი იყვნენ, თვალს ვერ მოაშორებდი — გათქვირებული, ზორბა საჯდომიანი, ხორცსაესენი, ფართო ფოფინა თვალებიანი. იმის მიხედვით, ეს მადიარელი გაიძვერები როგორ უზელდნენ ძუძუებს, შეატყობდით, რომ ამ გოგოებს ბურთებივით საესე გულმკერდი ჰქონდათ, და ეს ძალიან სიამოვნებდათ: კარგად ერკვეოდნენ ის ძალღიშვილები, რაშიც იყო გემო. ჰოდა, ჩვენი მეისტრშიკი, მამასადამე, ჩახტა წრეში, თვალი დაადგა ჰონველთან მოცეკვავე ერთ ყველაზე კარგ გოგოს და მოინდომა მისი წართმევა. კავალერმა რადაცის ბურტყუნი დაიწყო, მეისტრშიკმა ბევრი აღარ დააცალა და ერთი ისე მაგრად ჩააფარა სახეში, რომ იქვე გადააყირავა. ჩვენც უმალ ხელი დავავლეთ ჩვენს ქამრებს, დავიხვიეთ ხელზე, რომ ხიშტები არ დავგკარგოდა და მადიარებს დავერიეთ. ბიჭებს გავძახე: „ბრალიანსა და უბრალოს — განუკითხავად და განურჩევლად ყველას დასცხეთ-დაარტყით!“ ყველაფერი ერთმანეთში აირია. მადიარებმა თანჯრებს მიაშურეს, და რომელი რომელს ასწრებდა. ჩვენ ხელს ვავლებდით ფეხებში, უკან დარბაზში ვათრევდით; და აბა გიყვარდეს, ვუთაქეთ და ვუთაქეთ. საქმეში ის-იყო ჩაერივნენ მამასახლისი და ქანდარბი, მაგრამ, მათაც ვაგემეთ ჩვენი მუშტები. მიკიტანსაც მოხვდა, რადგან გინება დაგვიწყო გერმანულად, მთელი სალამოს წვეულება ჩავვიფუშეთო. მერე გამოვუდღეკით გაქცეულებს სოფელში დასაქერად. ერთი მათი უნტერი სოფლის ბოლოში მემამულის სახლის სხვენზე

<sup>1</sup> „ბატონო, ბატონო, ბატონო მოსამართლე!“ ან „გოგონებო, გოგონებო სოფლის გოგონებო“ (უნგრ.)

ვიპოვეთ თივაში თავშერგული. გასცა იგი მისმა გოგომ, სამიკიტნო-ში სხვა გოგოსთან იცეკვა და ასე მოუხდებოდა. ამ ჯოგოს ჩვენი მე-ისტრშიკი თვალში მოუვიდა და ერთად წავიდნენ კირალიპიდესკენ. გზაში თივის ზვინები დგას. ერთ ასეთ ზვინზე აათრია ჩვენი მეისტრშიკი, მერე ხუთი კრონი მოთხოვა, მან კი ერთი მაგარი სილა უთავაზა ყურის ძირში. მეისტრშიკი ზედ ბანაკთან წააოგვეწია და გვითხრა, წინათ მადიარი გოგოები ვნებიანები მეგონა, ეს კი მორი-ვით იწვა და მხოლოდ რაღაცას შეუსვენებლივ ბურტყუნებდაო.

— ერთი სიტყვით, მადიარები ნაყარ-ნუყარი ხალხია, — დაასრულა თავისი თხრობა ძველმა მესანგრემ ვოდიჩკამ.

შვეიკმა შენიშნა:

— ზოგიერთი მადიარის რა ბრალია, რომ იგი მადიარია.

— როგორ თუ რა ბრალია? — გაცხარდა ვოდიჩკა, — თვითეული მათგანია ამაში დამნაშავე, — შენც თქვი რაღა! ერთი სინჯე ისეთ ხათბალაში გაება, როგორშიც მე გავები პირველ დღეს, კურსებზე რომ მივედი. იმ დღესვე, ნასადილევს ერთად ჯოგოვით სკოლაში შეგვრეკეს. იქ რომელიღაც ბოთემ დაგვიწყო დაფაზე ბლინდაყის ხაზვა და ახსნა, რას წარმოადგენს ბლინდაყი, როგორ კეთდება ფუძე და რანაირად ხდება გაზომვა. „ხვალ დილით კი, გვეუბნება, ვისაც ყველაფერი ეს დახაზული არ ექნება, როგორც მე აგისხენით, ბრძანებას გავცემ გათოკონ და ჩასვანო“. — უშმაკმა დალაზეროს, გავიფიქრე ჩემთვის, კაცმა რომ თქვას რისთვის ჩავეწერე ამ კურსებზე: იმისთვის, რომ ფრონტიდან გავიპარო თუ სალამოობით მოსწავლესავეთ ფანქრით ვხაზო რვეულში“. ისეთი ჯავრი მომივიდა, ჩემო ძმაო, რომ აღარ ვიცოდი, რა მექნა. იმ ჩვენი ყეყეჩი მასწავლებლის ცოტა რიდი რომ არ მქონოდა, სიბრაზისგან ყველაფერს ნაკუწ-ნაკუწად ვაქცევდი. სალამოს ყავას არც დაველოდე და საჩქაროდ კირილიპიდეში წავედი, ბრაზმორეული მარტო იმაზე ვფიქრობდი, ქალაქში სადმე მიმეგნო წყნარი სამიკიტნოსთვის, ამეტება იქ აყალმაყალი, ვინმესთვის ერთი მაგრად მეთხლიშა სიფათში და გულმორხებული შინ დავბრუნებულიყავი. მაგრამ კაცი ბჭობდა, ღმერთი იცინოდაო, ნათქვამია. მივაგენი, როგორც იქნა მდინარის პირას ბაღებით გარშემორტყმულ შესაფერის სამიკიტნოს: სიწყნარეა ისეთი, როგორც სამლოცველოში, ყველაფერი თითქოს წინასწარ მომზადებული იყო სკანდალისთვის. იქ მხოლოდ ორნი ისხდნენ, ერთმანეთს მადიარულად ელაპარაკებოდნენ. ამან უარესად გამაღიზიანა და ჩემი ჩხუბი ისე სწრაფად და საფუძვლიანად ჩატარდა, რომ არც კი მოველოდი. მაგრამ ნამთვრალემა ვერ შევნიშნე, რომ გვერდით კიდევ ერთი ასეთი სამიკიტნო იყო, სადაც, სანამ მე ჩხუბისთვის ძალ-ღონეს ვიკ-

რებდი, თავი მოეყარათ რვა ჰუსარს. და როგორც კი იმ ორს, ჩემს სამიკიტნოში რომ ისხდნენ, ყბების ლაწალუწი ავუტეხე, ეს ჰუსარები თავს წამომადგნენ. იმ გაიძვევებმა, ჩემო ძმაო, ისე დამიზილეს გვერდები და იმდენი მარბენინეს ბალებში, რომ დილამდე ვერ მივაღწიე ყაზარმამდე. როგორც კი ძლივძლივობით მივლასლასდი ჩემ საწოლამდე, უმაღლეს ლაზარეთში ვადამგზავნეს. ტყუილი ვუთხარი, აგურის ორმოში ჩაყარდი-მეთქი, და მთელი კვირა სველ ზეწარში მხევედნენ, სანამ წელის ტკივილმა არ გამიარა. არ გისურვებდი, ჩემო ძმობილო, ასეთი უკეთურების ხელში ჩაყარდნას. განა ისინი ადამიანები არიან? პირუტყვები არიან, და მეტი არაფერი!

— რასაც გაასესხებ, იმასვე ჩაისესხებ, — უთხრა შვეიკმა. — რა გასაკვირია, რომ ისინი გაბრაზდნენ, რაკი დასჭირდათ თავი მიენებებინათ ქეიფისთვის — პური და ღვინო მიატოვეს სუფრაზე, შენ გამოგიდგნენ და სიბნელეში გსდიეს ბალებში. მათ იქვე, სამიკიტნოში ერთი მაგრად უნდა დაეყევეთ და სკრე გარეთ გამოეგდეთ. ზედ იმ სუფრასთან რომ გაესწორებინათ შენთან ანგაროში, მათთვისაც უკეთესი იქნებოდა და შენთვისაც. მე ერთ ლიბნელ მიკიტანს პაროუბეკს ვიცნობდი. ერთხელ მის სამიკიტნოში ღვინის არაყით გაიღემა ერთი მოხეტიალე მეთუნე — სლოვაკი და ლანძღვა-გინებას მოჰყვა, შენი არაყი ძალიან სუსტია, უთუოდ წყალს ურევო. „მე რომ ასი წელიწადი, — მავთულით სათაგურები მეკეთებინა და მთელი ჩემი შემოსავლით შენი ღვინის არაყი მეყიდნა, მერე ერთბაშად დამეღია, ამის შემდეგაც გაჭიმულ თოკზე გავივლიდი, თან შენ, პაროუბეკ, ხელში ატაცებულს გაგატარებდი — თქვა მან. ამას ისიც დაუმატა, რომ პაროუბეკი აღიდაში გამოყვანილი, იშვილბაზი ვინმეაო. ეს კი ველარ მოითმინა პაროუბეკმა, ხელი დაავლო მეთუნეებს, სათაგურები და მავთულები თავში ჩასცხო, მერე ქუჩაში გაიგდო, იქ ხელკეტი უბაგუნა, არ მოეშვა და სდია ინვალიდთა მოედნამდე, მაგრამ აქაც აღარ დაანება თავი, უარესად გამხეცდა, გადაარბენინა მოედანი კარლინიდან ჟიჟკოვამდე, იქიდან ჟიდოვსკი პეჩიზე\* გადაძუნტულა და მალეშიცეში ამოაყოფინა თავი, სადაც, ბოლოს ზურგზე გადაამტვრია ხელკეტი და მხოლოდ ამის შემდეგ დაბრუნდა შინ ლიბნეში. ძალიან კარგი. მაგრამ ამ გაცხარებულ გულზე სულ გადაავიწყდა, რომ სამიკიტნოში მოქეიფე ხალხი დატოვა და, ვინ იცის, უპატრონო სამიკიტნოში ახლა როგორ პარპაშობენო. ამაში თავისი თვალით დარწმუნდა, როცა, როგორც იქნა, მიაღწია თავის სამიკიტნოს. რკინის თახჩაფუჩი ნახევრად ჩამოშვებული იყო სამიკიტნოში, იქვე იდგა ორი პოლიციელი, რომლებიც თვითონაც მაგრად გამომთვრალიყვნენ, როცა სამიკიტნოში წესრიგს ამყარებდნენ. ნახევარი

სამიკიტნო უკვე გაჩანაგებული იყო, ქუჩაში გამოწრეტილი რომის კასრი ეგდო, დახლის ქვეშ პაროუბეკმა ღვინით გახეთქილი ორი კაცი აღმოაჩინა, რომლებიც პოლიციელებმა ვერ შენიშნეს. პაროუბეკმა ისინი გამოათრია, მათ განაცხადეს — ორ-ორ კრეციერს გადავიხდითო, რადგან მეტი არაყი არ დაგვიღვეიაო... აი ასე ისჯება სიფიცხე. ეს ისეთნაირადვე ხდება, როგორც ომშია ხოლმე: მტერს ჯერ ჩვენ გამოვუდგებით და მივსდევთ და მივსდევთ, მერე კი თვითონ ველარ ვასწრებთ უკან გამოქცევას...

— მე იმ გაიძვერების სახე კარგად დავიმახსოვრე, — ჩაილაპარაკა ვოდიჩკამ. — ერთი სადმე ვიწრობში წავაწყდებოდე რომელიმე იმ ჰუსარს, და ღედის ღმერთს ვუტირებ. თუ ჩვენ, მესანგრეებს, თავში რამე ჩაგვიჯდა, იცი, რა ვართ, — პირდაპირ მხეცები. ჩვენ, ჩემო ძმაო, ვილაც სათადარიგო მოლაშქრეები არ გეგონოთ. ფრონტზე პერემიშლთან ჩვენ ერთი კაპიტანი ეტცპახერი გვყავდა, დიდი წუწურაქი ვინმე, რომლის ბადალს, სანთლით რომ ეძებო, ვერსად იპოვი. და იგი, ჩემო ძმაო, ისე მასხრად გვიგდებდა, რომ ერთი მესანგრე ჩვენი ასეულიდან, ბიტერლიხი, — გერმანელი, მაგრამ საუცხოო ყმაწვილი, — თვითმკვლელობამდე მიიყვანა. და აი, გადავწყვიტეთ, როგორც კი რუსები სროლას აგვიტეხავენ, ჩვენს კაპიტანს ეტცპახერს ბოლო მოვუღოთ. და მართლაც როგორც კი რუსებმა სროლა დაიწყეს, ჩვენ ხუთიოდე ტყვია მივარქვეთ ზურგში. კატასავით გამძლე იყო ის საზიზღარი, — კიდეც ორი ტყვიის დახლა მოგვიბნდა, რომ სამუდამოდ დადუმებულიყო და მერე არაფერი მოჰყოლოდა ყოველივე ამას. მხოლოდ რაღაცის წაბუტბუტება მოასწრო — პირდაპირ სიცილით მოკვდებოდა კაცი. — ვოდიჩკამ გაიცინა. — ფრონტზე ასეთი ამბები ყოველდღე ხდება. ერთმა ჩემმა ამხანაგმა (ახლა იგიც ჩვენთანაა მესანგრედ) მიაბზო, როცა ბელგრადში ვიყავი ქვეითა ჯარში, ჩვენმა ასეულმა შეტევის დროს საკუთარი ობერ-ლეიტენანტი საიქოს გაისტუმრაო, — იგიც, თურმე, დიდი წუნკალი ვინმე იყო: ლაშქრობის დროს საკუთარი ხელით ორი ჯარისკაცი მოუკლავს, რომლებიც ღონემიხდილნი გზაში დავარდნილან და ნაბიჯს ველარ დგამდნენ. ჰოდა, როცა ამ ობერ-ლეიტენანტმა დაინახა, რომ მისი აღსასრული დადგა, უცბად უკან დახევის სიგნალი მისცა. ჯარისკაცებს ამაზე თურმე სიცილი აუტყდათ.

ასეთი თავშესაქცევი და ჰკუთისასწავლი მასლაათით შევიკი და ვოდიჩკა ბოლოს შაპრონის ქუჩაზე გავიდნენ და № 16 სახლს მიაღწენენ, სადაც პან კაკონის რკინეულობის მაღაზია იპოვეს.

— უკეთესი იქნება შენ აქ, სადარბაზო კარებთან დამელოდო, — უთხრა შევიკმა ვოდიჩკას. — მე სწრაფად ავირბენ მეორე სართულ-

ზე, გადავცემ წერილს, მივიღებ პასუხს და უმაღლესი უკანვე ჩამოვირბენ.

— რას ამბობ? შენ მარტოა გაიშვა?—გაიკვირვა ვოდიჩკამ. — ცუდად იცნობ, ძმობილო, მაღიარებს, რამდენჯერ მითქვამს შენთვის: მათთან ფრთხილად უნდა იყო. ერთს რომ ვლენწავ ყურის ძირში...

— გამიგონე, ვოდიჩკა, — სერიოზულად უთხრა შვეიკმა, — საქმე მაღიარს კი არ ეხება, არამედ მის ცოლს. მე და შენ ჩემ კელნერშასთან რომ ვისხედით, ხომ აგისხენი, რომ წერილი მიმაქვს ჩემი ობერ-ლეიტენანტისაგან და რომ ეს დიდი საიდუმლოებაა. ჩემმა ობერ-ლეიტენანტმა მამის სული დააფიცა, ამის შესახებ სიტყვა არავისთან დაგცდესო. შენი კელნერშაც ხომ დაგვეთანხმა, რომ ეს დიდი საიდუმლოებაა. კაციშვილმა არ უნდა იცოდეს, რომ პან ობერ-ლეიტენანტს მიწერ-მოწერა აქვს კმრიან ქალთან. შენც ხომ შეთანხმებოდი ამაში და კვერს მიკრავდი. მე ყველაფერი დაწვრილებით ჩაგაკაღეთ, როგორ და რა; ისიც გითხარით, რომ ზუსტად უნდა შეკასრულო ჩემი ობერ-ლეიტენანტის ბრძანება-მეთქი, შენ კი ახლა დაგიყინია, გინდა არ გინდა, შენთან ერთად ზემოთ უნდა წამოვიდეთ.

— კარგად ვერ მიცნობ, შვეიკ, — ასევე სერიოზულად უპასუხა ძველმა მესანგრემ ვოდიჩკამ, — რაკი ერთხელ გითხარი გაგაცილებ-მეთქი, მაშასადამე, გაგაცილებ, ჩემი სიტყვა — სიტყვაა. ორი კაცის ერთად სიარული უფრო საიმედოა.

— არა, მე შენ გეუბნები, ვოდიჩკა, რომ ეს მაგრე არაა, როგორც შენ ამბობ. ამაში ახლავე დაგარწმუნებ. ნეკლანოვის ქუჩა ხომ იცი, ვიშეპრადში? ზეინკალ ვობორნიკს იქ სახელოსნო ჰქონდა. იგი იშვიათი გულკეთილი ადამიანი იყო, და აი, ერთ მშვენიერ დღეს, ნაჭედიფარი რომ დაბრუნდა შინ, თან ერთი ვინმე ბედოვლათი მოქეიფე მოიყვანა. ამის შემდეგ იგი დიდხანს იწვა თავგატეხილი, ცოლი ყოველდღე ჭრილობას უხვევდა და სულ ერთსა და იმავეს უმეორებდა: „აი, ხომ ზედავ, ტონიჩეკ, შენ მარტო რომ მოსულიყავი, პატარას წავიკინკლავებდით და ისე აღარ გამწვავდებოდა საქმე, რომ შენთვის თავში სასწორი მეთხლიშაო“. მერე, როცა დრო გავიდა და მეტყველება დაუბრუნდა იმ ვობორნიკს, ცოლს უთხრა: მართალი ხარ გენაცვალე, აწი, როცა ნასვამი დაებრუნდები, სხვა ვინმეს უკვე აღარ ავიკიდებო“.

— ესლა გვაკლია, — გაჯავრდა ვოდიჩკა, — მაღიარმა გეთხლიშოს კიდევ რამე თავში. ვეცემი ყრონტში და მეორე სართულიდან გადმოვუშვებ გორავ-გორაობით. მაღიარებთან, ამ ნაყარ-ნუყარ

ხალხთან გადამწყვეტი ზომების მიღებაა საჭირო. მათთან ლოლი-  
ვი დროს დაკარგვია.

— ვოლიჩკა, შენ ხომ ნასევში ხარ. მე კიდევ ნახევარი ბოთლით  
მეტი დაველიე. გაიგე, ადამიანო, რომ ჩვენ ყოველგვარ სკანდალს უნ-  
და მოვერიდოთ. ამაზე მე მომთხოვენ პასუხს. საქმე ხომ ქალს ეხე-  
ბა.

— იმ ქალსაც ვტკიცავ ერთი სახეში, ჩემთვის ყველაფერი სულ  
ერთია. კარგად ვერ იცნობ ძველ ვოლიჩკას, ჩემო ძმაო. ერთხელ  
ზაბეკლიცეში, „რუჟოვი ოსტროვში“ ერთმა მაიმახმა დედაკაცმა  
არ მოისურვა ჩემთან ცეკვა, — სიფათი გაქვს გასივებულო. მარ-  
თლაც სახე მაგრად მქონდა შეშუბებული, რადგან აქ პირდაპირ ჰოს-  
ტივარჩიდან მოვედი, სადაც მთელი ღამე ცეკვაში გაეატარე, მაგრამ  
შენ თვითონ გასინჯე, განა შემეძლო ასეთი შეურაცხყოფის ატანა  
ამ კახისგან? „ინებეთ თქვენც, ვეუბნები, ღრმად პატივცემულო ქა-  
ლიშვილო, რომ გული არ დაგწყდეთ-მეთქი“. და ერთი ისეთი სილა  
ვაჭამე, რომ ბალში მაგიდა გადაატრიალა, რომელსაც უსხდნენ მისი  
მამიკო, დედიკო და ორი პატარა ძამიკო, — ყველაფერი ყირამალა  
დავაყენე. მე ფეხებზე მეკიდა მთელი ეს „რუჟოვი ოსტროვი“. იქ  
იყვნენ ვრშოვიცელი ნაცნობი ბიჭები, ისინი დამეხმარენ. მივბეგვ-  
მოვბეგვეთ ხუთიოდე ოჯახი თავისი წვრილ ბავშვებთანად. მათი წი-  
ვილ-კვილი, ალბათ, მიხლეშიც ისმოდა. მერე გაზეთებშიც დაბეჭ-  
დეს: „ამა და ამ ბალში, ქალაქგარეთ სეირნობის დროს, რომელიც  
ამა და ამ საქველმოქმედო წრე მოაწყო, ამა და ამ ქალაქის ესა  
და ეს მკვიდრნი...“ ჰოდა გეუბნები, როგორც მე მიშველეს, მეც  
ასევე ყოველთვის მზად ვარ ვუშველო ჩემს ამხანაგს, რაკი საქმე  
აქამდე მიდის. ერთი ნაბიჯითაც არ მოგცილდები, რაც არ უნდა  
მოხდეს. ცუდად იცნობ შენ, ჩემო ძმაო, მაღიარებს. არ მოველოდი,  
რომ შენ მოინდომებდი თავიდან ჩემს მოცილებას. რამდენი წელი-  
წაღია ერთმანეთი არ გვინახავს, ახლა შევხვდით, და ისიც რა ვითა-  
რებაში...

— კეთილი, წავიდეთ ერთად, — ხმადაბლა უთხრა შვეიკმა, —  
ოღონდ ფრთხილად ვიმოქმედოთ, რომ რაიმე ხათაბალაში არ გავე-  
ბათ.

— ნუ გეშინია, ამხანაგო, — ჩუმად ჩაულაპარაკა ვოლიჩკამ, რო-  
ცა კიბეს უახლოვდებოდნენ. — ერთს რომ ვლენწავ ყურის ძირ-  
ში... — და კიდევ უფრო ხმადაბლა დაუმატა: — აი, ნახავ, იმ დრუნ-  
ჩიან მაღიარს, რა სწრაფად გავუსწორდები.

სადარბაზო კარებში ვინმე რომ ყოფილიყო ჩეხურის მცოდნე,  
ჯერ კიდევ კიბეზე გაიგონებდა ვოლიჩკას მიერ საკმაოდ ხმამაღლა

წარმოთქმულ დევიზს: „ცუდად იცნობ, ჩემო ძმაო, მადიარებს!“ — დევიზს, რომელიც იშვია მდინარე ლიტავაზე გადამდგარ ერთ წყნარ სამიკიტნოში; ეს სამიკიტნო ჩაფლული იყო ბორცვებით შემოსაღ-ტულ განთქმულ კირალიპიდეს ბაღებში. ჯარისკაცები ყოველთვის წყევლითა და კრულვით მოიხსენიებენ კირალიპიდეს, სადაც მათ მსოფლიო ომის დაწყებამდე და ომის დროსაც მთელ დღეებს თეო-რიულად ამზადებდნენ პრაქტიკული ხოცვა-ყლეტისთვის.

შვეიცი და ვოლიჩკა ბატონ კაკონის ბინის კარებთან იდგნენ; სა-ნამ ზარს დარეკდა, შვეიკმა შენიშნა:

— თუ გაგიგონია როდისმე, ვოლიჩკა, ასეთი ანდაზა — სიფრ-თხილეს თავი არ სტკივთა?

— მაგი მე არ მეხება, — უბასუხა ვოლიჩკამ. — იცოდე, საშუა-ლება არ მისცე, პირი დააბჩინოს და ლაქლაქს მოჰყვეს...

— მეც მაინცადამინც ბევრი არაფერი მაქვს სალაპარაკო ვის-მესთან, ჩემო ვოლიჩკა.

შვეიკმა დარეკა და ვოლიჩკამ ხმამალა წარმოთქვა:

— აინ, ცვაი, და კისრისტეხით დაგორდება კიბეზე.

გაიღო კარი, გამოჩნდა მსახური გოგო და უნგრულად იკითხა:

— რა გნებათ?

— Nem tudom<sup>1</sup>, — ათვალისწუნებით თქვა ვოლიჩკამ. — ისწავ-ლე, გოგო, ჩეხურად ლაპარაკი.

— Uerstehen sie deutsch?<sup>2</sup> — ჰკითხა შვეიკმა.

— A pischen<sup>3</sup>.

— Also, sagen sie der Frau, ich will die Frau sprechen, sagen sie, dass ein Brief ist von einem Herr, draussen in koug<sup>4</sup>.

— მე შენი საქციელი მაკვირვებს, — უთხრა ვოლიჩკამ შვეიკს, როცა წინოთახში შედიოდნენ. — როგორ უყადრებ თავს და ვილაც ტუტუცს ემუსაიფები?

დახურეს კარები და წინოთახში გაჩერდნენ. შვეიკმა შენიშნა:

— ბინა კარგადაა მოწყობილი. საკიდთან ორი ქოლგაც კი არის, აი იმ იესო ქრისტეს ხატსაც არა უშავს რა.

იმ ოთახიდან, საიდანაც კოვზებისა და მათლაფების ხმაური ისმოდა, ისევ გამოვიდა მსახური გოგო და შვეიკს უთხრა:

<sup>1</sup> არ მესმის (უნგრ.)

<sup>2</sup> გერმანული იცით (გერმ.)

<sup>3</sup> ცოტათი (გერმ.)

<sup>4</sup> უთხარით ქალბატონს, რომ მასთან ლაპარაკი მინდა. უთხარით რომ მის-თვის დერეფანში არის წერილი ერთი ბატონისგან (გერმ. შეცდომებით)

— Frau ist gesagt, dass sie hat kan Zeit, wenn was ist, dass mir geben und sagen<sup>1</sup>.

— Also, — დიდის ამბით წარმოთქვა შეეიკმა, — der Frau ein Brief, aber halten Kutschen<sup>2</sup>.

შეეიკმა ამოიღო პორუჩიკ ლუკაშის წერილი.

— Ich, — თქვა მან და თითი მიიღო მკერდზე, — Antwort warten hier in die Vorzimmer<sup>3</sup>.

— რად არ დაჯდები, რას უყურებ, — უთხრა შეეიკს ვოდნიკამ, რომელიც უკვე კედელთან დამჯდარიყო. — აი, სკამი. ისე დგახარ. თითქოს მათხოვარი იყო. თავს ნუ იმცირებ ამ მაღიარის წინაშე. მასთან დავიდარაბა მოგვიხდება, აი ნახავ, მაგრამ ერთს რომ ვლენ-წავ ყურის ძირში...

— ერთი ეს მითხარი, — ისევე მიმართა მან შეეიკს ცოტა ხნის ღუმელის შემდეგ, — სად გისწავლია ეგ გერმანული?

— თვითნასწავლი ვარ, — უპასუხა შეეიკმა.

ისევე ღუმელი ჩამოვარდა. უეცრად იმ ოთახიდან, სადაც მსახურმა წერილი შეიტანა, საშინელი ყვირილი და ხმაური მოისმა. რაღაც მძიმე მთელი ძალ-ღონით დაანარცხეს იატაკზე, მერე ამას მოჰყვა ხმაური — ამსხვრევდნენ და ამტკრევდნენ მათლაფებს, ჰიქებს, შიგა და შიგ გაისმოდა ღრიალი: „Baszom az atyat, baszom a világot!“<sup>4</sup>

უცბად გაიღო კარები და წინკარში გამოვარდა შუა ხნის მამაკაცი, — კისერზე ხელსახოცი ჰქონდა შეკრული და ხელში წერილს ატრიალებდა.

ძველი მესანგრე უფრო ახლო იჯდა, და განრისხებული მამაკაცი პირველად მას მივარდა:

— Was soll das heissen, wo ist der verfluchter kerl, welcher dieses Brief gebracht hat?<sup>5</sup>

— აბა, აბა, ცოტა დაუკელი, — თქვა ვოდნიკამ და სკამიდან წამოდგა. — ნამეტანი თავს ნუ გაგივა, თორემ აქედან გისვრი. თუ გინ-

---

<sup>1</sup> ქალბატონმა თქვა, დრო არა მაქვსო; თუ რამე საქმე გაქვთ, მითხარით და გადაეცემ (გერმ. შეცდომებით)

<sup>2</sup> წერილია ქალბატონის სახელზე, მაგრამ ენას კბილი დააქირეთ (გერმ., შეცდომებით)

<sup>3</sup> მე დაველოდები პასუხს აქ. წინკარში (გერმ.).

<sup>4</sup> უნგრული ქუჩური გინება.

<sup>5</sup> რას ნიშნავს ყოველივე ეს? სად არის ის წვეული გაიძვერა, რომელმაც წერილი მოიტანა? (გერმ.)





და იცოდნენ, წერილი ვინ მოიტანა, აგერ ამხანაგს ჰკითხე. ოღონდ წესიერად ელაპარაკე, თორემ გაჩვენებ სიერს.

ახლა შვეიციის ჯერი დადგა დარწმუნებულიყო გაცოფებული, კისერზე ხელსახოც შემოკრული მამაკაცის მკვერმეტყველებაში, რომელიც სიბრაზისგან სიტყვებს ერთმანეთში ურევდა და გაჰყვიროდა, ჩვენ ახლახან დავსხედით სადილადო.

— ჩვენ გავიგონეთ, რომ თქვენ სადილობდით, — კვერი დაუკრა დამტვრეულ გერმანულ ენაზე შვეიკმა და ჩეხურად დასძინა: — ჩვენც გავიფიქრეთ, რომ ტყუილუბრალოდ გაწყვეტინებთ სადილობას.

— თავს ნუ იმდაბლებ, — უთხრა ვოდიჩკამ.

გაათრებელი მამაკაცი, რომელიც ისე მაგრად იჩნევდა ხელებს, რომ ხელსახოცი ერთი წვერითლა იყო ჩამოკიდებული მის საყულოზე, განაგრძობდა: მე ჯერ მეგონა, რომ წერილში ლაპარაკი იყო ჩემი მეუღლის კუთვნილ ამ სახლში სამხედრო ნაწილებისთვის ბინის გამოყოფის შესახებ.

— აქ მართლაც ჯარის საქმოდ დიდი რაოდენობა მოთავსდებოდა, — თქვა შვეიკმა. — მაგრამ წერილში ამაზე არაა ლაპარაკი, რაშიდაც, ალბათ, უკვე დარწმუნდით.

მამაკაცმა თავში იტაცა ხელი და ჩივილსა და საყვედურებს მოჰ-

ყვა. მეც ვიყავი სათადარიგო ლეიტენანტი და ახლაც სიამოვნებით ვიმსახურებდი, თიკემელები რომ არ მტკიოდესო. ჩემს დროს ოფიცრობა არ იყო ასე აშვეებული და ვერაფერს გაბედავდა სხვისი ოჯახის აწიოკებასო. ამ წერილს პოლკის შტაბში გავგზავნი, სამხედრო სამინისტროში, გაზეთებში გამოვაქვეყნებო...

— ბატონო ჩემო,—ღირსებით წარმოთქვა შვეიკმა, — ეგ წერილი მე დაეწერე. Ich geschrieben, kein oberleutnant<sup>1</sup>. ხელმოწერა მიყენებულია. Unterschrift, Name falsch<sup>2</sup>. მე თქვენი ცოლი ძალიან მომწონს. Ich liebe Ihre Frau.<sup>3</sup> მე თქვენი ცოლი გაგიყვებით მიყვარს; როგორც ამბობდა ვრხლიცკი\* kapitales Frau<sup>4</sup>.

ის-იყო გააფთრებული მამაკაცი უნდა სცემოდა მშვიდად და არ ხეინად მდგარ შვეიკს, მაგრამ ძველმა მესანგრემ ვოდიჩკამ, რომელიც თვალყურს ადევნებდა კაკონის თვითეულ მოძრაობას, ფეხი დაუდო მას, ხელიდან გამოვლიჯა წერილი, რომელსაც კაკონი განუწყვეტლივ აფრიალებდა, ჩაიდო ჯიბეში, და ლამაზი ცოლის ბედშავმა შეუღლემ გონს მოსვლაც ვერ მოასწრო, ვოდიჩკამ იგი ამოიღლია, მიათრია კარებთან, თავისუფალი ცალი ხელით გამოაღო კარი, და... რაღაცა გრიალ-გრიალით დაგორდა კიბეზე.

ყველაფერი ეს სწრაფად მოხდა, როგორც ზღაპარში ხდება ხოლმე, როცა ეშმაკი მოაკითხავს ადამიანს. გაცოფებული მამაკაცისგან მარტო ხელსახოციდა დარჩა. შვეიკმა აიღო ის და ზრდილობიანად ოთახის კარებზე მიაკაკუნა, საიდანაც ხუთი წუთის წინ ბატონი კაკონი გამოვარდა და საიდანაც ახლა ქალის ქვეთინი ისმოდა.

— მოგიტანეთ ხელსახოცი,—თავაზიანად უთხრა შვეიკმა დივანზე დამხობილ მტირალ ქალს. — კინალამ ფეხი დაადგეს... კარგად ბრძანდებოდეთ!

ქუსლი ქუსლს შემოჰკრა, სამხედრო სალამი მისცა და გავიდა კიბეზე რაიმე ბრძოლის ნიშანი არ ჩანდა. ალბათ, ყველაფერმა ისე ჩაიარა, როგორც ვოდიჩკა ფიქრობდა, — სუფთად და შეუმჩნეველად. მხოლოდ, როცა ჭიშკართან მივიდა, შვეიკმა დაინახა დაგლეჯილი გახამებული საყელო. ეტყობოდა, სასომიხილი კაკონი ჭიშკარს ჩაებლაუჭა, რომ ქუჩაში არ გაეთრია მოძალადეს, და აქ გათამაშდა ამ ტრაგედიის უკანასკნელი აქტი.

<sup>1</sup> მე დაეწერე და არა ობერ-ლეიტენანტმა. (გერმ.)

<sup>2</sup> ხელმოწერა, გვარი ყალბია (გერმ.)

<sup>3</sup> მე მიყვარს თქვენი ცოლი (გერმ.)

<sup>4</sup> კაპიტალური ქალია (გერმ.)

სამაგიეროდ, ქუჩაში დიდი აურზაური იდგა. კაკონი მეზობელი სახლის ეზოში შეეთრიათ და იქ წყლით აბრუნებდნენ, შუა ქუჩაში კი ძველი მესანგრე ვოდიჩკა ლომივით ებრძოდა რამდენიმე ქვეითა და ცხენოსან ჰონვედს, რომლებიც თავის თანამემამულეს გამოქომაგებოდნენ. იგი მარჯვედ იგერიებდა მტერს ქამარზე დამაგრებული ხიშტით. ვოდიჩკა მარტო არ იყო. მის მხარდამხარ იბრძოდა სხვადასხვა პოლკების რამდენიმე ჩეხი ჯარისკაცი, რომლებიც ამ დროს გზად მიდიოდნენ.

შვეიკს, როგორც თვითონ მერმის მოგვითხრობდა, არ ახსოვს, როგორ მოხვდა შუაგულ ბრძოლაში და მის ხელში როგორ აღმოჩნდა ერთ-ერთი დოყლაპია მაყურებლის ჯოხი (რაიმე იარაღი შვეიკს არ ჰქონდა).

ჩხუბი საკმაოდ დიდხანს გაგრძელდა, მაგრამ ყოველივე მშვენიერს დასასრული აქვს. მოვიდა პოლიციელთა პატრული და ყველა წაიყვანა.

ვოდიჩკას გვერდით მიაბიჯებდა შვეიკი, თან ჯოხი მიჰქონდა.

პატრულის უფროსმა ეს ჯოხი *corpus delicti*<sup>1</sup> მიიჩნია.

შვეიკს თოფივით გაედო მხარზე ჯოხი და კმაყოფილი სახით ღიაბიჯებდა.

ძველი მესანგრე ვოდიჩკა ბოდმამორეული მთელი გზა ხმას არ იღებდა. მხოლოდ, როცა შვეიკთან ერთად ნაობახტში შედიოდა, ჩაფიქრებულად უთხრა:

— ხომ გეუბნებოდი, მაღიარებს ცუდად იცნობ-მეთქი!

---

<sup>1</sup> დანაშაულის ნივთიერი საბუთი.





#### თ ა ზ ი IV

### ახალი ტანჯვა-წამებანი

პოლკოვნიკი შრედერი სიამოვნებით ათვალისწინებდა პორუჩიკ ლუკაშის გაფითრებულ სახესა და ჩალურჯებულ თვალებს. პორუჩიკი შეცბუნებული იყო, და პოლკოვნიკს კი არ უყურებდა, მალულად ათვალისწინებდა ჯარების ბანაკში განლაგების გეგმას, თითქოს მას ვულმოდგინედ ეცნობოდა. ეს გეგმა ერთადერთი სამკაული იყო პოლკოვნიკის კაბინეტში. მაგიდაზე პოლკოვნიკის წინაშე რამდენიმე გაზეთი იდო. მათში ლურჯი ფანქრით შემოხაზული იყო სტატიები, რომლებსაც მან ერთხელ კიდევ გადაავლო თვალი, მერე პორუჩიკ ლუკაშს მიუბრუნდა და წარმოთქვა:

— მაშასადამე, თქვენთვის უკვე ცნობილია, რომ თქვენი დენწიკი შვეიცი დაპატიმრებულია და მისი საქმე, უნდა ვიფიქროთ, დივიზიის სასამართლოს გადაეცემა?

— დიახ, პანე პოლკოვნიკ.

— მაგრამ ამით, რა თქმა უნდა, საკითხი არ ამოიწურება, — მრავალმნიშვნელოვნად თქვა პოლკოვნიკმა და კიდევ უფრო სიამოვნ-

ნებით დააქვერდა პორუჩიკ ლუკაშის ფერდაკარგულ სახეს. — აქაურის საზოგადოებრიობა აფორიაქებულია თქვენს დენშჩიკ შევიკთან დაკავშირებული ინციდენტით, და მთელი ეს ამბავი თქვენს სახელსაც უკავშირდება, პანე პორუჩიკ. დივიზიის შტაბიდან ჩვენთან მასალა შემოვიდა ამ საქმეზე. აი გაზეთები, რომლებიც სწერენ ამ ინციდენტზე. წამიკითხეთ ხმაშალა.

პოლკოვნიკმა ლურჯი ფანქრით მონიშნული გაზეთები მიაწოდა ლუკაშს, და პორუჩიკი შეუდგა მონოტონურად კითხვას, თითქოს საბავშვო წიგნიდან კითხულობდა ფრაზას: „თაფლი გაცილებით უფრო ყუთიანი და ადვილი მოსანელებელია, ვიდრე შაქარი“.

— „რაშია ჩვენი მომავლის გარანტია?“

— ამას „პესტერ-ლოიდი“\* ათავსებს, არა? — ჰკითხა პოლკოვნიკმა.

— დიახ, პანე პოლკოვნიკ, — უპასუხა პორუჩიკმა ლუკაშმა და განაგრძო კითხვა:

„ომის წარმოება მოითხოვს ავსტრია-უნგრეთის მონარქიის მოსახლეობის ყველა ფენის ერთობლივ ძალთა დაძაბვას. თუ ჩვენ გვსურს ჩვენი სახელმწიფოს უშიშროების უზრუნველყოფა, საჭიროა ყველა ეროვნებამ ერთმანეთს შეუწყოს ხელი. ჩვენი მომავლის გარანტია მდგომარეობს ერთი ხალხის მეორე ხალხისადმი ნებაყოფლობით პატივისცემაში. ჩვენი სახელოვანი ჯარების თავგანწირული ბრძოლები ფრონტებზე, სადაც ისინი დაუღალავად წინ მიიწევენ, შეუძლებელი იქნებოდა, რომ ზურგი — ჩვენი სახელმოხვეპილი ჯარების ეს სამეურნეო და პოლიტიკური ძარღვი — მჭიდროდ შედღუღაბებული არ იყოს, ჩვენი ჯარების ზურგში საშუალება რომ მიეცეთ თავი წამოპყონ ცალკეულმა ელემენტებმა, რომლებიც სახელმწიფოს მთლიანობას არღვევენ, თავისი ბოროტგანზრახული აგიტაციით ძირს უთხრიან სახელმწიფოს ავტორიტეტს და ჩვენი მონარქიის ხალხთა სოლიდარობაში არევე-დარევა შეაქვთ. ამ ისტორიულ წუთებში ჩვენ არ შეგვიძლია მღუმარედ ვუცქიროთ ერთ მუჭა ადამიანებს, რომლებიც ადგილობრივი ნაციონალიზმის მოსაზრებებიდან გამომდინარე ცდილობენ ხელი შეუშალონ ჩვენი იმპერიის ყველა ხალხთა ხელიხელჩაკიდებულ მუშაობასა და მხარამხარ ბრძოლას, რათა სამაგიერო უზღონ იმ სინდისგარეცხილ ადამიანებს, რომლებიც სრულიად უმიზეზოდ თავს დაესხნენ ჩვენს საშობლოს მის კულტურულ ფასეულობათა და ცივილიზაციის მიღწევათა გასაჩანაგებლად. ჩვენ არ შეგვიძლია დუმილით გვერდი ავუაროთ არაჯანსაღი ფსიქოლოგიის ადამიანთა საზიზღარ ქმედებას, რომელთა ერთადერთი მიზანია მოსპონ ჩვენი ხალხების ერთსულოვნება. ჩვენ

არაერთხელ მიგვიქცევია ჩვენი მკითხველის ყურადღება იმ გარემოებაზე, რომ სამხედრო ხელისუფლება ხშირად იძულებული ხდება უმკაცრეს ზომებს მიმართოს ჩეხური პოლკების ცალკეულ პირთა ასალაგმავად, რომლებიც უგულვებელყოფენ რა პოლკის სახელოვან ტრადიციებს, თავისი უგნური და უწესო ქცევით ჩვენს მაღიაროთა ქალაქებში ღვარძლს სთესენ და გაბოროტებას იწვევენ მთელი ჩეხი ხალხის მიმართ, რომელიც თავის მთლიანობაში, რა თქმა უნდა, არაფერში დამნაშევე არ არის და რომელიც ყოველთვის მტკიცედ იდგა ჩვენი იმპერიის ინტერესების სადარაჯოზე, რასაც ადასტურებს ის ფაქტი, რომ ჩეხებმა ჩვენ მოგვცეს მთელი რიგი გამოჩენილი სარდლები. გავიხსენოთ თუნდაც სახელოვანი ფელდ-მარშალი რადეცკი და ავსტრია-უნგრეთის სახელმწიფოს სხვა დამცველები ამ ნათელი პიროვნებების პირისპირ დგას ერთი მუჟა გაიძვერებისა, ჩეხი ხალხის ნაძირალები, რომლებმაც ისარგებლეს მსოფლიო ომით და ჯარში მოხალისეებად გაძვრნენ ერთადერთი მიზნით — მონარქიის ხალხებში ჩამოაგდონ განხეთქილება და ამით დაიკმაყოფილონ თავისი ქვენა ინსტინქტები. ჩვენ უკვე მივაქციეთ მკითხველთა ყურადღება დებრეცინეში განლაგებულ N პოლკის მიერ ატეხილ აყალ-მაყალს. ამ პოლკის უწესო ქცევა განხილულ და განკიცხულ იქნა ბუდაპეშტის პარლამენტში, პოლკის, რომლის დროშა შემდეგში ფრონტზე... (გამოტოვებულია ცენზურის მიერ). ჯის სინდისზეა ეს სამარცხვინო ამბები?... (გამოტოვებულია ცენზურის მიერ). ვინ ჩაითრია ამ წუბმეში ჩეხი სალდათები?... (გამოტოვებულია ცენზურის მიერ). თუ სადამდე მიდის უცხო ელემენტის თავხედობა ჩვენს მშობლიურ უნგრეთის მიწაზე, ამაზე თვალნათლივ დალადებს ქალაქ კირალიპიდეში, უნგრეთის ლიტაევას „კუნძულზე“ მომხდარი ინციდენტი. რომელ ეროვნებას ეკუთვნოდნენ მოსტ ნა ლიტაევს სამხედრო ბანაკის სალდათები, რომლებიც თავს დაესხნენ იქაურ ვაჭარს ბატონ გიულ კაკონის და უღმერთოდ სცემეს? ხელისუფლება ვალდებულია კვლევა-ძიება აწარმოოს ამ საქმეზე და გაირკვეს დივიზიის სარდლობაში, რომელმაც უთუოდ უკვე მოჰკიდა ხელი ამ საქმეს, რა როლს თამაშობდა უნგრეთის სამეფოს ქვეშევრდომთა ამ გაუგონარ დევნაში პორუჩიკი ლუკაში, რომლის სახელი ქალაქში დაკავშირებულია უკანასკნელი დღეების ამბებთან, როგორც ეს ჩვენმა ადგილობრივმა კორესპონდენტმა გვაცნობა. კორესპონდენტმა ამ საქმეზე დიდძალ მასალას მოუყარა თავი და ამ მასალის საფუძველზე დაგვიხატა მთელი ამბის პირდაპირ აღმამფოთებელი სურათი. „პესტერ-ლოიდის“ მკითხველები უთუოდ ინტერესით აღვენებენ თვალყურს. გამოძიების მსვლელობას, და ჩვენც

არ დაეყოვნებთ უფრო ახლო გავაცნოთ მათ ეს განსაკუთრებული მნიშვნელობის ამბები. ამასთანავე ჩვენ ველოდებით ოფიციალურ ცნობებს კირალიპიდეში უნგრეთის მოსახლეობის მიმართ ჩადენილი ბოროტმოქმედების შესახებ. იმედი გვაქვს, ამ საქმეს თვითონ ბუდაპეშტის პარლამენტი მოკიდებს ხელს, რათა, ბოლოს და ბოლოს, ყველასთვის ცხადი გახდეს ის გარემოება, რომ უნგრეთის სამეფოზე გავლით ფრონტზე მიმავალ ჩეხი სალდათებისთვის არავის უფლება არ მიუცია წმიდა სტეფანეს\* გვირგვინის სამფლობელოს უყურონ, როგორც იჯარით აღებულ მიწას. უკეთუ ამ ეროვნების ზოგიერთი პიროვნებანი, რომლებმაც ასე თვალსაჩინოდ მოახდინეს კირალიპიდეში ავსტრია-უნგრეთის მონარქიის ყველა ხალხთა „სოლიდარობის“ დემონსტრაცია, ახლაც კი ანგარიშს არ გაუწევენ სიტუაციას, ჩვენ ვურჩევდით ასეთებს გონს მოვიდნენ და ხელი აიღონ უსაქციელობაზე, ვინაიდან სამხედრო ვითარებაში ტყვია, სახრჩობელა, სასამართლო და ხიშტი სულ ერთია აიძულებენ მათ დაემორჩილონ ჩვენი საერთო სამშობლოს უმაღლეს ინტერესებს“.

— ხელს ვინ აწერს სტატიას, პანე პორუჩიკ?

— რედაქტორი, დეპუტატი ბელა ბარაბაში, პანე პოლკოვნიკ.

— გაიძვერა! მაგრამ სანამ ეს სტატია „პესტერ-ლოიდში“ მოხვდება, პეშტი-პირლაპში\* დაიბეჭდა. ახლა წამიკითხეთ შობრონის გაზეთ „შობრონი-ნაპლოში“\* მოთავსებული უნგრული სტატიის ოფიციალური თარგმანი.

პორუჩიკი ლუკაში შეუდგა სტატიის კითხვას, რომელიც ავტორს დიდი გულმოდგინებით შეუფერადებია შემდეგნაირი ფრაზებით: „სახელმწიფოებრივი სიბრძნის ბრძანება“, „სახელმწიფოებრივი წესრიგი“, „ადამიანთა გარყენილება“, „ფეხქვეშ გათელილი ადამიანის ღირსება და გრძნობები“, „კაცობრივების ღრეობა“, „საზოგადოების საუკეთესო წარმომადგენლების ფიზიკური შეურაცხყოფა“, „მამელუკების ხროვა“, „კულისების მახინაცობები“, შემდეგ ყველაფერი ისე იყო წარმოდგენილი, თითქოს მადიარებს შობლიურ მიწაზე აღარ ასვენებენ და განუკითხავად დევნიან. თითქოს საქმე ასე იყო: მოვიდნენ ჩეხი ჯარისკაცები, წააქციეს რედაქტორი, მაგრად სცემეს, თავისი სალდათური ჩექმებით მუცელში ნალველი ჩაუქციეს, იგი საცოდავი, ტკივილებისგან გამწარებული ბლაოდა, ვიდაცამ კი ყველაფერი ეს სტენოგრაფიულად ჩაიწერა.

„მთელ რიგ ფრიად სერიოზულ ფაქტებზე, — წუწუნებდა შობრონის გაზეთი „შობრონი ნაპლო“, — ჩვენთან კეთილგონიერად ხმას არ იღებენ და არაფერს წერენ. ყველამ იცის, რა არის ჩეხი სალდათი უნგრეთში და როგორია იგი ფრონტზე. ყველასათვის ცნობი-



ლია, რას სჩადიან ჩეხები, რა განწყობილებათა ჩეხებში და ვისი ხელი ურევია ამ საქმეში. მართალია, ხელისუფალთა სიფხიზლე სხვა, პირველხარისხოვანი მნიშვნელობის საქმეებზეა გამახვილებული, მაგრამ ამასთანავე გემართებს ეს სიფხიზლე სათანადოდ შეეახამოთ და დაეუკავშიროთ საერთო მეთვალყურეობას, რომ არ განმეორდეს ის, რისი მოწმენიც ვიყავით ამას წინათ კირალიპიდეში. ჩვენს გუშინდელ სტატიაში თხუთმეტი ადგილი ამოშლილი იყო ცენზურის მიერ. სხვა აღარაფერი დაგვრჩენია, განვაცხადოთ მხოლოდ, რომ დღესაც ტექნიკური მიზეზების გამო ჩვენ საშუალება არ გვეძლევა ფართოდ გავაშუქოთ კირალიპიდეში მომხდარი ამბები. ჩვენს მიერ მივლინებული კორესპონდენტი ადგილზე დარწმუნდა, რომ ხელისუფლებამ ენერგიულად მოკიდა ხელი ამ საქმეს და ჩქარი ტემპით აწარმოებენ ძიებას. გვაოცებს მხოლოდ ერთი გარემოება, სახელდობრ: ამ წამების ზოგიერთი მონაწილე აქამდე თავისუფალია. ეს მეტადრე იმ ვაებატონს ეხება, რომელიც, როგორც ამბობენ, დაუსჯელად იმყოფება ბანაკში და აქამდე ატარებს თავისი „თუთი-ყუშის პოლიცია“\* საკილოვებებს. მისი გვარი დასახელებული იყო ამ სამი დღის წინათ „პესტერ-ლოიდში“ და „პეშტი-ნაპლოში“. ეს ვაებატონი ჩეხი შოვინისტი ლუკაში გახლავთ, რომლის უწესო საქციელზე ინტერპელაცია იქნება შეტანილი კირალიპიდეს ოლქის დეპუტატის პეზა შავანის მიერ“.

— ასეთივე თავაზიანი კილოთი წერს თქვენზე, პანე პორუჩიკი, — უთხრა პოლკოვნიკმა შრედერმა, — „ყოველკვირეული“, რომელიც კირალიპიდეში გამოდის, მერე წერენ პრესბურგის\* გაზეთებიც. მაგრამ, მე მგონია, ესენი თქვენ აღარ გაინტერესებთ, რადგან ყველანი ერთნაირად წერენ. პოლიტიკურად ეს ადვილი ასახსნელია, ვინაიდან ჩვენ, ავსტრიელები, გერმანელები თუ ჩეხები, ყველანი ცუდად ვართ განწყობილი უნგრელების მიმართ... თქვენთვის გასაგებია, პანე პორუჩიკი, რასაც ვამბობ? ამაში მოჩანს გარკვეული ტენდენცია. თქვენთვის უფრო საინტერესოა „კომარნენის საღამოს გაზეთში“ გამოქვეყნებული სტატია, რომელიც ირწმუნება, რომ თქვენ მოინდომეთ ქალბატონ კაკონის გაუპატიურება პირდაპირ სასაღილო ოთახში სადილობის დროს მისი ქმრის თვალწინ. თქვენ მის ქმარს, თურმე, ხმლით დაემუქრეთ და აიძულეთ ცოლისთვის ხელსახოცით პირი აეკრა, რომ ქალს არ ეყვირა. ასეთი გახლავთ სულ უკანასკნელი ცნობა თქვენს შესახებ, პანე პორუჩიკი.

პოლკოვნიკმა ჩაიციხა და განაგრძო:

— ხელისუფლებამ არ შეასრულა თავისი მოვალეობა. აქაური გაზეთების წინასწარი ცენზურაც უნგრელების ხელშია. ისინი

ისე გვექცევიან, როგორც მათ სულსა და გულს ესიამოვნება. ჩვენი ოფიცერს არავინ ექომაგება უნგრელ ხებრე ჟურნალისტის შეუ-რაცხყოფისგან დასაცავად. მხოლოდ ჩვენი მკაცრი დემარშის, ჩვენი დივიზიის სასამართლოს ტელეგრამის შემდეგ, ბუდაპეშტის სახელ-მწიფო პროკურატურამ გადადგა ნაბიჯები ცალკეულ პირთა დასაპა-ტიმრებლად ხსენებულ რედაქციებში, ყველაზე მაგრად მოხვდა „კო-მარნენის\* სალამოს გაზეთის“ რედაქტორს, მას კუბოს ფიცრამდე ემახსოვრება თავისი „სალამოს“ გაზეთი. დივიზიის სასამართლომ დამავალა მე, როგორც თქვენს უფროსს, დაგკითხოთ და ერთდრო-ულად მიგზავნის გამოძიების მასალებს. ყველაფერი იოლად ჩაივ-ლიდა, თქვენი ბედუკუღმართი შეეიკი რომ არა. მასთან ერთად არის ვილაც მესანგრე ვოდიჩკა. როცა შეეიკი ნაობახტში მოიყვანეს ჩხუბის შემდეგ, მას აღმოაჩნდა თქვენი წერილი ქალბატონ კაკონის სახელზე. ეს თქვენი შეეიკი დაკითხვის დროს ამტკიცებდა, რომ წე-რილი თქვენი არაა, — ის მე დავწერეო; როცა უბრძანეს, აბა ერთი გადაწერეთ წერილი ხელნაწერი შევადაროთო, მან თქვენი წერილი დალეჭა და გადაყლაპა. მაშინ პოლკის კანცელარიიდან დივიზიის სა-სამართლოში გადაგზავნილ იქნა თქვენი პატაკები შეეიკის ხელთან შესადარებლად, — და აი, ინებეთ, რა შედეგები მივიღეთ.

პოლკოვნიკმა გადაფურცლა ქაღალდები და პორუჩიკ ლუკაშს უჩვენა შემდეგი ადგილი:

„მსჯავრდადებულმა შეეიკმა უარი განაცხადა კარნახით ფრაზე-ბის დაწერაზე. ირწმუნებოდა, ამ ერთი ღამის განმავლობაში წერას გადავეჩვიეო“.

— მე, პანე პორუჩიკ, საერთოდ არავითარ მნიშვნელობას არ ვაძ-ლევ იმას, რასაც თქვენი შეეიკი, ან ის მესანგრე დივიზიის სასამარ-თლოში ლაპარაკობდნენ. შეეიკიცა და მესანგრეც ირწმუნებიან, რომ ყველაფერი სულ უბრალო ხუმრობის ნიადაგზე მოხდა, ხუმ-რობა სერიოზულ ამბავად მიიჩნიეს, რის გამოც თვით სამოქალაქო-ები დავესხნენ თავს, ჩვენ კი იმათ ვიგერიებდით მუნდირის ღირსე-ბის დასაცავად. გამოძიებით გამოირკვა, რომ თქვენი შეეიკი კაი არამზადა ვინმეა. ასე, მაგალითად, კითხვაზე, რატომ არ გამოტყდე-ბითო, მან, როგორც ეს ოქმშია შეტანილი, უპასუხა: „მე ახლა ისე-თივე მდგომარეობაში ვარ, რა მდგომარეობაშიც ჩავარდა ერთხელ ქალწულ მარიამის ხატების გამო მხატვარ პანუშკას მსახური. მა-საც, როცა საქმე ხატებს შეეხო, რომელთა მითვისებას აპირებდა, არაფერი დარჩა სათქმელად, გარდა შემდეგისა: „მეტი რაღა გინდათ ჩემგან, სისხლი ხომ არ უნდა ვანთხო?“ რა თქმა უნდა, მე, რო-გორც პოლკის მეთაურმა, ვიზრუნე იმაზე, რომ ყველა გაზეთში,

რომლებმაც ხსენებული სტატიები დაბეჭდეს, დივიზიის სასამართლოს სახელით გაგზავნილი ყოფილიყო ამ უსირცხვილო სტატიების უარყოფა. დღესვე იქნება დაგზავნილი ეს უარყოფა და, ვფიქრობ, ჩემის მხრივ, მე ყველაფერი გააკეთე, რომ ჩამეხშო აურზაური, რომელიც სამოქალაქო გაიძვერებმა, სინდისგარეცხილმა მაღიარმა მეგაზეთებმა ასტეხეს. მგონი, არც ისე ცუდად მაქვს შედგენილი; აბა მისმინეთ:

„ამით N დივიზიის სასამართლო და N პოლკის შტაბი აცხადებენ, რომ ადგილობრივ გაზეთებში დაბეჭდილი სტატიები N პოლკის სალდათების მიერ ვითომდა ჩადენილ უწესობაზე, ოდნავადაც არ შეეფერება სინამდვილეს და თავიდან ბოლომდე მოგონილია. ძიება, აღძრული ზემოაღნიშნულ გაზეთების რედაქციების მიმართ, დამნაშავეებს სასტიკ პასუხს აგებინებს“.

— დივიზიის სასამართლო ჩვენი პოლკის შტაბის სახელზე გამოგზავნილ თავის მიმართვაში, — განაგრძო პოლკოვნიკმა, — იმ დასკვნამდე მიდის, რომ საქმე ეხება ცისლაიტანიდან და ტრანსლაიტანიდან მომავალ ჯარის ნაწილების სისტემატურ დევნას. ამასთანავე აბა ერთი შეადარეთ — რამდენი ჯარია გაგზავნილი ფრონტზე ჩვენის მხრივ და რამდენი იმათ მხრივ. გულახდილად გეტყვით: მე ჩეხი სალდათი უფრო მომწონს, ვიდრე უნგრელთა ეს ხროვა. საკმარისია გავიხსენოთ, ბელგრადთან რა დღეში ჩაგვაგდეს უნგრელებმა. აიღესდა, სროლა აუტეხეს ჩვენს სამარშო ბატალიონს. ბატალიონმა არ იცოდა, რომ მათ უნგრელები ესროდნენ, და ცეცხლი მარჯვენა ფრთაზე განლაგებულ დოიჩმაისტერებს\* მიმართეს, ამ უკანასკნელთაც აერიათ გზაკვალი და მათ გვერდით მდგომ ბოსნიის პოლკს გაუჩაღეს ცეცხლი, ისეთი მდგომარეობა შეიქნა, რომ, როგორც იტყვიან, ძალი პატრონს ვერ ცნობდა! მე სწორედ ამ დროს ბრიგადის შტაბში ვიყავი სადილად. წინაღობით შაშხსა და კონსერვების სუპზე გადაგვატარეს, ამ დღეს კი მოგვიმზადეს ქათმის კარგი ბულიონი, ფილე ბრინჯით და კნედლიკები. სწორედ წინაღობით საღამოთი დაბაში სერბიელი მიკიტანი ჩამოვახრჩეთ, და ჩვენმა მზარეულებმა მის სარდაფში ძველი, ოცდაათწლიანი ღვინო იპოვეს. შეგიძლიათ წარმოიდგინოთ, როგორ ველოდით ყველანი ამ სადილს, შევხვრიბეთ სუპი და ის-იყო ქათმის ჭამას შევუდექით, ანაზღად სროლა ატყდა, ჩვენმა არტილერიამ, რომელსაც წარმოდგენა არ ჰქონდა, რომ ჩვენი ნაწილები თავისიანებს ესვრიან, ქვემეხები აამოქმედა მთელ ხაზზე, და ერთი ყუმბარა ზედ ბრიგადის შტაბთან დაეცა. სერბიელებმა, ალბათ, იფიქრეს, რომ ჩვენთან აჯანყებამ იფეთქა, იხელთეს დრო და ყოველი მხრიდან დაგვიშინეს ტყვია, მერე მდინა-

რეც გადმოლახეს. ბრიგადის გენერალს ტელეფონთან გამოუძახეს, და საშინლად გაანჩხლებულმა დივიზიის უფროსმა დაიწყო ყვირილი — ეს რა უმსგავსობა ხდება ბრიგადის საბრძოლო უბანზეო. მე ახლახან არმიის შტაბიდან ბრძანება მივიღე შეტევა დავიწყო სერბიელების პოზიციებზე, მარცხენა ფრთაზე, ღამის ორ საათსა და ოცდათხუთმეტ წუთზე. თქვენ კი რეზერვი ხართ და ამიტომ ახლავე ცეცხლი შეწყვიტეთო. მაგრამ განა შესაძლებელი იყო ასეთ სიტუაციაში „Feuer einstellen!“<sup>1</sup> ბრიგადის სატელეფონო სადგური იტყობინება, ვერავისთან კავშირი ვერ გავაბი, გარდა სამოცდამეტხუთმეტე პოლკის შტაბისაო, რომელმაც გვაცნობა, უახლოესი დივიზიიდან ნაბრძანები მაქვს: „ausharren!“<sup>2</sup>, ჩვენს დივიზიასთან დაკავშირება ვერ გავახერხებთ, სერბიელებმა დაიკავეს სიმაღლეები 212, 226, და 327 საჭიროა ერთი ბატალიონის გადასროლა კავშირის გასაბმელად და აუცილებელია მოწესრიგდეს ტელეფონით კავშირი ჩვენს დივიზიასთანო. შევეცადეთ დაგკავშირებოდით დივიზიას, მაგრამ ამაოდ, რადგან სერბიელებმა ორივე ფრთიდან შემოგვიარეს და ზურგში მოგვექცნენ, ჩვენი ცენტრი სამკუთხედში მოამწყვდიეს, რომელშიც აღმოჩნდა ქვეითი ჯარისკ, არტილერიაკ, ალალიც მთელი ავტოკოლონით, სასურსათო მალაზია და საველე ლაზარეთი, ორი დღე გამუდმებით ცხენზე ვიჯექი, დივიზიის უფროსი ტყვედ ჩაეარდა, ჩვენი ბრიგადის გენერალიც ზედ მიაყოლეს. ყველაფერში დამნაშავე კი მადიარები იყვნენ, რომლებმაც სროლა აუტეხეს ჩვენს მეორე სამარშო ბატალიონს. რაღა ლაპარაკი უნდა, რომ მთელი დანაშაული ჩვენს პოლკს დაატეხეს თავზე.

პოლკოვნიკმა გადააფურთხა.

— ახლა თქვენ თვითონ დარწმუნდით, პანე პორუჩიკ, როგორ მარჯვედ გამოიყენეს მადიარებმა თქვენი თავგადასავალი კირალიპილდეში.

შეცბუნებულმა პორუჩიკმა ლუკაშმა ჩაახველა.

— პანე პორუჩიკ, — ინტიმურად მიმართა მას პოლკოვნიკმა, — გულზე ხელი დაიდევით და მითხარით, რამდენჯერ გაატარეთ ღამე მადამ კაკონის ლოგინში?

პოლკოვნიკი შრედერი დღეს შესანიშნავ გუნებაზე იყო.

— ტუილუბრალოდ ნუ ილაპარაკებთ, რომ თქვენ თითქოს მხოლოდ მიწერ-მოწერა გქონდათ მასთან. თქვენს ასაკში მე, როცა სამკვირიან ტოპოგრაფიულ კურსებზე ვიმყოფებოდი ეგერში \*, მთელი ის სამი კვირა უნგრელ ქალებთან დროსტარებაში გავიყვანე. ერთ

<sup>1</sup> შეწყვიტეთ ცეცხლი (გერმ.)

<sup>2</sup> გაუმკლავდით ბოლომდე! (გერმ.)

დღეს ერთთან რომ მეძინა, მეორე დღეს — მეორესთან და ასე ყოველდღე: ახალგაზრდებთან, გაუთხოვრებთან, დარბაისელ გათხოვილ ქალებთან, ქვრივებთან — სულ ერთი იყო, რომელსაც წავაწყდებოდი. ისე დაუზარებლად და კეთილსინდისიერად ვატარებდი მათთან დროს, რომ, როცა პოლკში დავბრუნდი, ფეხებს ძლივს დავათრევიდი. ყველაზე მეტად გამტანჯა ერთი ვეჟილის ცოლმა. ამ ქალმა მაჩვენა. რისი უნარიც შესწევთ უნგრელ ქალებს. — ცხვირზე მიკბინა და მთელი დამე არ მომასვენა, თვალი არ მომახუჭვინა... თქვენ იტყვიot „მიწერ-მოწერას შევეუდექიო“, — ინტიმურად მოუთათუნა პოლკოვნიკმა ხელი ბეჭებზე პორუჩიკ ლუკაშს. — ვიციოთ ჩვენ ეს მიწერ-მოწერა არაფერი თქვაოთ, მე ჩემი მოსაზრებანი მაქვს ამ შემთხვევაზე. თავდავიწყებამდე მიხვედით ერთავენი, აღარაფერს ერიდებოდით. ქმარმა გაიგო, ამას კიდევ თქვენი შტერი შევიკიც დაემატა... იციოთ, პანე პორუჩიკ, ეს შევიკი მაინც ერთგული აღამიანი ჩანს. ძალიან მოჩერებულად კი გააქრო თქვენი წერილი! ასეთი აღამიანი, მართალი გითხრათ, მეცოდება. აი ამას ჰქვია აღზრდა! მომწონს, ნამდვილად მომწონს შევიკის საქციელი. ამიტომ ძიება დაუყოვნებლივ უნდა შეწყდეს. თქვენ, პანე პორუჩიკ, სახელი გაგიტეხათ პრეს:მ. თქვენს აქ დარჩენას აზრი არა აქვს. ამ კვირაში რუსების ფრონტზე გაგზავნილი იქნება სამარშო ასეული. თქვენ ყველაზე უფროსი ოფიცერი ხართ მეთერთმეტე ასეულში. ეს ასეული გაემგზავრება თქვენი მეთაურობით. ბრიგადაში უკვე ყველაფერი მომზადებულია. უთხარით უფროს გადამწერს, სხვა დენშიკი მოგიძებნოს შევიკის ნაცვლად. პორუჩიკმა ლუკაშმა მადლობით შეხედა პოლკოვნიკს. მაგრამ პოლკოვნიკმა დასძინა:

— შევიკს კი თქვენთან ასეულის ორდინარეცად მოეავლინებ.

პოლკოვნიკი წამოდგა, ხელი გაუწოდა პორუჩიკს, რომელსაც ერთბაშად ფერი დაეარგვოდა, და თქვა:

— ამრიგად, მთელი საქმე ლიკვიდირებულია. გისურვებთ ბედნიერებას! გისურვებთ თავი გამოგეჩინოთ აღმოსავლეთ ფრონტზე. თუ კიდევ ოდესმე ერთად მოვხვდით, გვინახულეთ, თავს ნუ მოგვარიდებთ, როგორც ბუდეიოვიცეში სჩადიოდით...

გზაში, შინ რომ მიდიოდა, პორუჩიკი ლუკაში სულ ერთსა და იგივეს იმეორებდა თავის გულში: „ასეულის მეთაური, ასეულის ორდინარეცი“.

და მის თვალწინ დგებოდა შევიკის სახე.

როცა პორუჩიკმა ლუკაშმა უფროს გადამწერ ვანეკს უბრძანა, შევიკის ნაცვლად ახალი დენშიკი მომიძებნეო, მან უთხრა:

— მე კი მეგონა, პანე ობერ-ლეიტენანტ, რომ თქვენ კმაყოფილი იყავით შვეიცით.

მაგრამ პორუჩიკმა უპასუხა, — პოლკოვნიკმა შვეიცი მეთერთმეტე ასეულის ორდინარეცად დანიშნაო. ამის გაგონებაზე ვანეკჟა უნებლიეთ წამოიძახა:

— ღმერთო, შეგვიწყალე!

ღივიზიის სასამართლოს პატიმართა ბანაკში ფანჯრებს რკინის გრისოები ჰქონდა. დგებოდნენ იქ, თანახმად შემოღებული წესისა, დილის შვიდ საათზე და დოშაქების ალაგებას იწყებდნენ, რომლებიც პირდაპირ ბინძურ იატაკზე ეყარა: საწოლები არ იყო. გრძელი ღერეფნის გადატიხრულ ერთ კუთხეში, როგორც ეს დადგენილი იყო, აწყობდნენ ბზით გატენილ დოშაქებს და მათზე საბნებს აფარებდნენ; ვინც დალაგებას მორჩენილიყო, კედლის გასწვრივ სკამებზე ისხდნენ და ან ტილებს იხილავდნენ (ესენი ფრონტიდან მოსულები იყვნენ), ან დროს ჰკლავდნენ სხვადასხვა თავგადასავალთა მოგონებებით.

შვეიცი, უფროსი მესანგრე ვოდიჩკა და სხვადასხვა პოლიცია და სხვადასხვა შეიარაღების რამდენიმე ჯარისკაცი კარებთან ისხდნენ სკამებზე.

— ერთი შეხედეთ, ბიჭებო, — თქვა ვოდიჩკამ, — აი იმ უნგრელ ვაჟბატონს ფანჯარასთან, როგორ ლოცულობს ის ძაღლის შვილი. ღმერთს ევედრება, რომ მისთვის ყველაფერი კეთილად დაბოლოვდეს. ხელისგულები არ გეჭავენათ, ბიჭებო, ერთი ჩავაფაროთ მას თავში?

— რას ერჩი? კარგი აღამიანია, — უთხრა შვეიკმა. — აქ იმიტომ მოხვდა, რომ გაწვევაზე არ გამოცხადდა. ომის წინააღმდეგი არის. სექტანტია, ვიღაც ჩასვეს კი იმიტომ, რომ არავის მოკვლა არ სურს და მტკიცედ იცავს ღვთის მცნებას — „არა კაც-ჰკლა.“ ჰოდა, ამ ღვთის მცნებისთვის აჩვენებენ მას თვალის სეირს. ომის წინ მორავიაში ცხოვრობდა ერთი ვინმე ნემრავა. როცა იგი ჯარში წაიყვანეს, თოფის მხარზე გადებაზეც კი უარი განაცხადა: თოფის ტარება ჩემს სარწმუნოებას ეწინააღმდეგებაო. ამისთვის, ვინ მოთვლის, რამდენი აწამეს ციხეებში, კინალამ სიცოცხლეს გამოასალმეს, მერე ისევ ფიცის დასადებად წაიყვანეს. არავითარ შემთხვევაში ფიცს არ დავდებ, ჩემს სარწმუნოებას არ ეგუებო! — კვლავ განაცხადა, და თავისი გაიტანა.

— აი სულელი, — თქვა ძველმა მესანგრემ ვოდიჩკამ, — ფიცო

უნდა დაედო, მერე ყველაფერი ფეხებზე დაეკიდა, ფიციცა და სხვა...  
— მე სამჯერ დავდევი ფიცი, — გამოეხმაურა ერთი ქვეითელი, — და მესამედ ვზივარ დეზერტირობისთვის. ექიმის მოწმობა რომ არ მქონდეს, თითქოს თხუთმეტი წლის წინათ სიგიჟემ წამომიარა და ამ ნიადაგზე ჩემი ბიცილა საიქიოს გავისტუმრე, უკვე სამჯერ დამხვრეტდნენ ფრონტზე. ამიერიდან აწ განსვენებული ბიცილა ყოველთვის მიხსნის გასაჭირისგან და, ბოლოს და ბოლოს, მგონი დავუძვრე ამ ომს ისე, რომ ფრჩხილი არ წამომტკივდეს და კანიც არ გავიკაწრო.

— კი, მაგრამ, რისთვის დაგჭირდათ, ამხანაგო, თქვენი ბიცილის საიქიოს გასტუმრება? — ჰკითხა შვეიკმა.

— თუ რისთვის ჰკლავენ ადამიანს, — უპასუხა მან, — ყველასთვის ნათელია: ფულისთვის. იმ ბებრუხანას ხუთი შემნახველი სალაროს წიგნაკი ჰქონდა, და სწორედ იმ დროს, როცა მასთან სტუმრად მივედი — ჩამოძენილი და გასაწყლებული — პროცენტები მოუტანეს. ამქვეყნად მის მეტი ახლობელი არავინ გამაჩნდა. ჰოდა, მივაკითხე მას, დამეხმარე-მეთქი, იმ უნამუსომ მომახალა: „წადი და იმუშავე, შენ ხომ ახალგაზრდა ხარ, ჯან-ლონით საესეო“. ამაზე მე ვუპასუხე, იმან თავისი თქვა, შეეყევით ერთმანეთს, ველარ მოვიტყინე, რკინის საკეცე დეფარტყი თავში, ერთი თუ ორი, მერე მივდექი, ისე დაეუსახიჩრე სახე, რომ მეც ველარ ვიცანი: ნუთუ ეს ჩემი ბიცილაა-მეთქი? ჩავცუტქდი მის გვერდით იატაკზე და ვიმეორებ: ნუთუ ეს ჩემი ბიცილაა? ასეთ მდგომარეობაში მნახეს მეორე დღეს მეზობლებმა. მერე სლუპაზე საგიჟეთში ამოვყავი თავი, და როცა ომის წინ ბოჰნიცეში\* გაგვიძახეს კომისიაზე, განკურნებულად ჩამთვალეს, ძალაუნებურად სამხედრო სამსახურში უნდა წავსულიყავი და ვაცდენილი წლები ამენაზლაურებინა.

ამ საუბარში რომ იყვნენ, მათ გვერდით ჩაუარა გატანჯული სახის აწოწილმა ჯარისკაცმა ცოცხით ხელში.

— ეს მასწავლებელია ჩვენი სამარშო ასეულიდან, — უთხრა ეგერმა მის გვერდით მჯდომ შვეიკს. — დასაგველად მიდის, დიდად წესიერი ადამიანია. ერთი ლექსი შეთხზა და ამიტომ ჩასვეს.

— ჰეი, მასწავლებელი! ერთი აქ მოდი, — დაუძახა ეგერმა ცოცხიან ჯარისკაცს.

იგი სერიოზული სახით მივიდა სკამთან.

— ერთი გვიამბეთ ტილების შესახებ.

ცოცხიანმა ჯარისკაცმა ჩაახველა და დაიწყო:

მთელ ფრონტს ტილი დახვევია  
და უწყალოდ ყველა იფხანს:  
რიგითი და მეთაურიც; —  
აქეპება მწვანედ დიდხანს.  
გენერალიც, როგორც ლომი,  
ომს ტილებთან მელგრად იხდის.  
ყოველ წუთს და ყოველ საათს,  
წამდაუწუმ მუნდირს იხდის.  
ტილებს ჯარში მუქთი ბინა  
აქვთ და, ვნებით გათანგული,  
პრუსიულ ტილს ტახტზე აწვენს  
ის „ვეშივაკი“ ავსტრიული.

გატანჯული მასწავლებელი ჯარისკაცი სკამზე ჩამოჯდა და ამოიოხრა:

— ესაა სულ. ამის გულისთვის უკვე ოთხჯერ ვიყავი დაკოთხვაზე, ბატონ აუდიტორთან.

— კაცმა რომ თქვას, თქვენი საქმე ჩალის ფასად არა ღირს, — დამაჯერებლად შენიშნა შვეიკმა. — მთელი საქმე ისაა, იქ, სასამართლოში ვის ჩათვლიან ძველ ავსტრიულ „ვეშივაკად“. კარგია, რომ თქვენ დაგიმატებიათ ტახტის შესახებ. ამით ისე აუბნევთ გონებას, რომ მთლად გამოყეყეჩდებიან. თქვენ ოღონდ აუცილებლად უნდა განუმარტოთ და დააჯეროთ, რომ ავსტრიული „ვეშივაკი“ — მამალი ტილია და რომ მხოლოდ „ვეშივაკს“ შეუძლია ზურგზე აცოცდეს დედალ ტილს, თორემ სხვანაირად თავს ვერ დაიდგენთ. რა თქმა უნდა, ეს თქვენ ვინმეს გასანაწყენებლად კი არ დაგიწერიათ. ბატონ აუდიტორს მოახსენეთ, რომ ამას საკუთარი თავის გასართობად წერდით, და ისე, როგორც მამალ ღორს ქოსმენს უწოდებენ, მამალ ტილი — ვშივაკია.

მასწავლებელმა მძიმედ ამოიხვნეშა.

— რა ვქნა, თუ იმ ბატონ აუდიტორს ხეირიანად არ ესმის ჩეხური ენა. დაახლოებით მეც ასე აუხსენი, მაგრამ მან შემომიტია. „მამალ ტილს ჩეხურად ეწოდება ვეშაკ და არა „ვეშივაკი“ — განაცხადა ბატონმა აუდიტორმა. *Femininum, sie gebildeter kerl, ist ten „fes,“ also masculinum ist „ta fesak?“ Wir kennen uns're Papperheiner!*<sup>1</sup>.

— მოკლედ რომ ვთქვათ, — უთხრა შვეიკმა, — თქვენი საქმე

<sup>1</sup> დედრობითი სქესი — ეპ; თქვენც იტყვი, განათლებული ადამიანი ვარო — იქნება „ის არის ფეშ“, მაშრობითი კი იქნება „ის არის ფეშაკ“. ჩვენ ვიცნობთ ჩვენს ჯარისკაცებს, რა შვილებიცა არიან.



წამხდარია, მაგრამ იმედი არ უნდა დაკარგოთ, როგორც იტყობა ხოლმე ბოშა იანიჩეკი პლზენში, როცა ათას რვაას სამოცდაცხრამეტ წელს მას ჩამოხრჩობა მიუსაჯეს ორი კაცის მოკვლისთვის გადაარცვის მიზნით — ყველაფერი შეიძლება კეთილად შემობრუნდესო! და მისი ნათქვამი გამართლდა: უკანასკნელ წუთებში იგი სახრჩობელიდან ჩამოიყვანეს, რადგან იმ დღეს ხელმწიფე-იმპერატორის დაბადების დღე იყო და ჩამოხრჩობა არ შეიძლებოდა. დაბადებისა და ჩამოხრჩობის დღეები შემთხვევით ერთმანეთს დაემთხვა. იგი მეორე დღეს ჩამოახრჩვეს, როცა იმპერატორის დაბადების დღემ გაიარა. ამ ბოშას კიდევ უფრო მეტი ბედნიერება ეწია: მესამე დღეს იგი შეწყალებულ იქნა, და საპირო შეიქნა სასამართლო პროცესის განახლება, რადგან მასალებიდან ირკვეოდა, სულ სხვა იანიჩეკი იყო, თურმე, დამნაშავე. ამოთხარეს იგი პატიმართა საფლავიდან, გაამართლეს და პლზენის კათოლიკურ სასაფლაოზე დამარხეს. მერე გამოირკვა, რომ იგი ევანგელისტი იყო და არა კათოლიკე, აიღეს და, ევანგელისტების სასაფლაოზე გადაასვენეს, მერე...

— მერე გაგიშლი და მაგ სიფათში ჩაგაფარებ, — გამოეხმაურა ძველი მესანგრე ვოდიჩკა. — რას არ გამოიგონებს ეს ადამიანი! დღეს თუ ხვალ დივიზიის სასამართლო გველოდება, ეს ოხერტიალი კი, ჯერ კიდევ გუშინ, როცა დაკითხვაზე მივდიოდით, თვალს მიხვევდა რომელიღაც იერიქონის ვარდის ამბით.

— მერედა, ეს ამბავი ჩემი მოგონილი ხომ არაა. ის მხატვარ პანუშკას მსახურმა მათეიმ უამბო ერთ ბებერ დედაკაცს, როცა მან ჰკითხა, იერიქონის ვარდი როგორ გამოიყურებაო. მათეიმ უთხრა: „აიღეთ გამხმარი ფუნა, დადევით ჯამზე, წყალი დაასხით, იგი თქვენ თვალწინ ამწვანდება, — აი ეს იქნება იერიქონის ვარდიო!“ მე ეს სისულელე არ გამომიგონია, — თავს იცავდა შვეიკი, — მაგრამ რამეზე ხომ უნდა გველაპარაკა, რაკი ერთად მივდიოდით დაკითხვაზე. მე მხოლოდ შენი გართობა მინდოდა, ვოდიჩკა...

— შენ რომ გაართობ ადამიანს! ათვალწუნებით გადააფურთხა ვოდიჩკამ. — ჩემი ფიქრი და აზრი იქითკენაა მიმართული, მთელი ამ დავიდარახიდან როგორ გამოვძვრე და ანგარიში გავუსწორო იმ გაიძვერა მადიარებს, ეს კი რაღაც ფუნით მამშვიდებს. მაგრამ რა ანგარიში უნდა გავუსწორო ამ ცხვირმოუხოცელ მადიარებს, როცა აგერ კარგამოკეტილ ოთახში ვზივარ? ყოველივე ამასთან თავი ისე უნდა გეკვიროს, თითქოს არავითარ ზიზლს არ გრძნობ მადიარების მიმართ. ეჰ, ეს ძალღური ცხოვრებაა, აბა, რა არის. კიდევ ჩამივარდება ხელში რომელიმე მადიარის წიწილასავით გავბდღენი!

მე მას ვაჩვენებ „istem ald meg a magyart“<sup>1</sup>, ნაღველს ჩავუქცევ მუტელში; იმდენს ვცემ, თავის დღეში აღარ დავაფიწყდები!

— ჩვენ სადარდებელი არაფერი გვაქვს, — უთხრა შვეიკმა, — ყველაფერი მოგვარდება. მთავარია, არასდროს სასამართლოში სიმართლე არ თქვა. ვინც გაბრიყვდება და გამოტყდება — მისი საქმე გათავებულა. დანაშაულის აღიარებისგან არასოდეს არაფერი კარგი არ გამოსულა. როცა მე მორავას ოსტროვაში ვმუშაობდი, იქ ასეთი ამბავი მოხდა. ერთმა მეშახტემ, პირისპირ, ისე რომ ამის მოწმე არავინ იყო, ინჟინერი გალახა. ვექილი, რომელიც მეშახტეს იცავდა, სულ იმას უჩიჩინებდა, უარზე დადებოდა, ამისთვის ვერაფერს გიზამენო, სასამართლოს თავმჯდომარე კი მამაშვილურად შთააგონებდა, დანაშაულის აღიარება სასჯელს ამსუბუქებსო. მეშახტემ თავისი გაიტანა: არაფერში გამოტყდა, და ამით გათავდა იგი გაათავისუფლეს, რადგან თავისი ალიბიც დაამტკიცა: ამ დღეს ბრნოში ვიყავიო...

— დედაო ღვთისა! — იყვირა გაცოფებულმა ვოდიჩკამ, — მეტი აღარ შემიძლია რა ეშმაკად მინდა, რალაც სისულელებს რომ მიამბობ! გუშინ ჩვენთან დაკითხვაზე ზუსტად ასევე ლაპარაკობდა ერთი პარტიმარი. აუდიტორმა ჰკითხა, რას აკეთებდი სამხედრო სამსახურამდეო, მან უპასუხა: „ქვემოდან ეუბერავდი ჯვართანო“ — და ასე გაგრძელდა ნახევარი საათი, სანამ არ გაირკვა, რომ იგი ქურის ქვეშემბერავად მუშაობდა თურმე მჭედელთან, რომლის გვარი იყო „ჯვარი“ და როცა მას ჰკითხეს: „შენ იმასთან ხელობას სწავლობდიო?“ — უპასუხა: „დიახ, სწორედ ასეა... მხოლოდ ვწვალობდიო“.

დერეფანში გაისმა ფეხის ხმა და ყარაულის წამოიძახილი: „Zuwachs“<sup>2</sup>.

— ჩვენებს ემატებოდეს, — მხიარულად წამოიძახა შვეიკმა, — იქნებ სიგარეტის ნამწვი ჰქონდეს შემონახული.

გაიღო კარები და ბარაკში მუჯლუგუნით შემოაგდეს ნებითგანწესებული, სწორედ ის, შვეიკთან ერთად რომ იჯდა ბუდეიოვიციუს სატუსალოში, მერე კი მიმაგრებულ იქნა ერთ-ერთი სამარშო ასკულის სამზარეულოზე.

— დიდება მამაო ჩვენო, — წარმოთქვა მან, როგორც კი შემოვიდა, რაზედაც ყველას ნაცვლად შვეიკმა უპასუხა:

— უკუნითი უკუნისამდე. ამინ!

ნებითგანწესებულმა კმაყოფილებით შეხედა შვეიკს, დადო იატაკზე საბანი, რომელიც თან მოეტანა, და მერხზე ჩამოჯდა ჩეხების

<sup>1</sup> აკურთხე, უფალო, მადიარები (უნგრელების ნაციონალური ჰიმნის დასაწყისი.)

<sup>2</sup> ახალი (გერმ.)



გვერდით. მერე შემოიხსნა წვივსახვევი, ამოიღო მოხერხებულად დამალული სიგარეტები და ჩამოარიგა. შემდეგ ფესსაცმლის ყელიდან ფოსფორით დაფარული ასანთის კოლოფის ნატეხი ამოაძვრინა და ვერტიკალურად ზუსტად შუაზე ჩაჭრილი რამდენიმე ასანთი გაჰკრა, ფრთხილად მოუკიდა სიგარეტს, ყველას მიაწოდა ცეცხლი და გულგრილად განაცხადა:

— მე ბრალი მედება აჯანყების წამოწყებაში.

— ეგ არაფერია, — დაამშვიდა შეეიკმა, — უბრალო ამბავია.

— რა თქმა უნდა, — უპასუხა ნებითგანწესებულმა, — თუ ასეთი საშუალებით, სხვადასხვა სასამართლო პროცესების დახმარებით ვფიქრობთ ომის მოგებას. თუ მაინცადამაინც ძალიან სურთ ჩემი გასამართლება, დაე გამასამართლონ. საბოლოო ანგარიშში ზედმეტი პროცესი არაფერს ცვლის საერთო სიტუაციაში.

— კი, მაგრამ, ერთი ეს გვითხარი, როგორ წამოიწყე აჯანყება? — შეეკითხა მესანგრე ვოდიჩკა, რომელიც სიმპათიით მისჩერებოდა ნებითგანწესებულს.

— უარი განვაცხადე ნაობახტის ფენისადგილის გასუფთავებაზე, — უპასუხა ნებითგანწესებულმა. — მიმგვარეს პოლკოვნიკს. იგა კი, იცით, რა ღორი ვინმეა! დამიწყო ღრიალი, დაპატიმრებული ხარ პოლკის პატაკის საფუძველზე, ამიტომ უბრალო პატიმარს წარმო-

ადგენო; და საერთოდ, ძალიან მიკვირს, ჩვენი დედამიწა შენისთანა  
 ადამიანს როგორ ითმენს თავის ზურგზე და სირცხვილისგან თავის  
 ბრუნვას არ სწყვეტს, მიკვირს, რომ ჯარის რიგებში მოხვდა ადამი-  
 ანი, რომელიც ნებითგანწყესებულის ნიშნებს ატარებს, ოფიცრის  
 უფლებებით სარგებლობს, თავისი ქცევით კი მხოლოდ ზიზღს იწ-  
 ვევს უფროსებშიო. მე ვუპასუხე, რომ დედამიწის ბრუნვა არ შეიძ-  
 ლება დარღვეულ იქნას მასზე ისეთი ნებითგანწყესებულის გამოჩე-  
 ნით, როგორც მე ვარ და რომ ბუნების კანონები გაცილებით  
 ძლიერია, ვიდრე ნებითგანწყესებულის მხრებზე დაკერებული ნიშ-  
 ნები-თქო. ერთი მინდა ვიცოდე, ვეუბნები, ვინ მაიძულებს ფეხის-  
 ადგილის გასუფთავებას, რომელიც მე არ გამიზინძურებია, თუმცა  
 სრული უფლება მაქვს გავაზინძურო, თუ მხედველობაში მივიღებთ  
 იმ გარემოებას, რომ ჩვენი პოლიკის სამზარეულო დამპალი კომბოს-  
 ტოთი და აშმორებული ხორციტ გვიმასპინძლდება, ეს კი, რამდენა-  
 დაც ვერკვევი, ღორის საკმელია და არა ადამიანის. რაც შეეხება,  
 ვეუბნები, იმ საკითხს, ჩემისთანა ადამიანს დედამიწა თუ როგორ ით-  
 მენს თავის ზურგზე, მე, ცოტა არ იყოს უცნაურად მეჩვენება—ჩემს  
 გამო, აბა, მიწისძვრები ხომ არ მოხდება-მეთქი. პოლკოვნიკი, როცა  
 ჩემს სიტყვას ვამბობდი, კბილებს აღჭრიალებდა, ვით ფაშატი, როცა  
 მას ენაზე დამზრალი ქარხალი მოხვდება. მერე, დამიღრიალა: „მე  
 თქვენ გეკითხებით, გაასუფთავებთ თუ არა ფეხისადგილს?“ „არავი-  
 თარ შემთხვევაში, ფეხისადგილს მე არ გავასუფთავებ,—ვუპასუხე.—  
 „მე კი გეუბნებით, რომ გაასუფთავებთ, ბედისწერას ნუ აუტანი-  
 ხართ!“—„არა, არ გავასუფთავებ!“—„ეშმაკმა წაგილოს, გაასუფთა-  
 ვებთ-მეთქი, და ერთს კი არა, ას ფეხისადგილს გაასუფთავებთ!“ —  
 „არა-მეთქი. არ გავასუფთავებ არც ასს და არც თუნდაც ერთს!“  
 პოლა, შევყვეით ასე ერთმანეთს. „გაასუფთავებთ?“—„არ გავასუფ-  
 თავებ!“ ასე გადავძახოდით ერთმანეთს ამ სიტყვა „ფეხისადგილს“  
 თითქოს ის საბავშვო სახუმარო სიტყვა იყო, აღებული მცირე ასა-  
 კის ბავშვებისთვის განკუთვნილ პავლა მოუღრიალას\* წიგნიდან. პოლ-  
 კოვნიკი დამდულრულივით დარბოდა კანცელარიაში, ბოლოს დაჯ-  
 და და მითხრა: „კარგად დაფიქრდით, თორემ დივიზიის სასამართ-  
 ლოს გადაცემთ აჯანყებისთვის. არ გეგონოთ, რომ თქვენისთანა  
 ნებითგანწყესებულები არ დაგვეხვრიტოს ამ ომში. სერბიაში ჩვენ  
 ჰეათე ასეულის ორი ნებითგანწყესებული ჩამოვახრჩეთ, მეცხრე  
 ასეულიდან კი ერთს კრავივით გავაფრთხოვინეთ სული ტყვიით. და  
 იცით, რისთვის? გაჯიუტებისთვის! ის ორი იმისთვის ჩამოვკიდეთ,  
 რომ უარი თქვეს ერთი სერბიელი პარტიზანის ცოლისა და ბავშვის  
 მოკვლაზე, მეცხრე ასეულის ნებითგანწყესებული კი დაეხვრიტეთ იმი-

ტომ, რომ იერიშზე წასვლაზე უარი განაცხადა, ფეხები მაქვს დასიებული და ბრტყელტერფიანობა მაწუხებსო. „მაშ ასე, გაასუფთავებთ თუ არა ფეხისადგილს?“ — „არა, არ გავასუფთაოებ!“ პოლკოვნიკმა შემომხედა და მკითხა: „ერთი ეს მითხარით, თქვენ სლავიანოფილი ხომ არა ხართ?“ „არა!“ — ვუპასუხე. ყოველივე ამის შემდეგ გამიყვანეს და გამომიციხადეს, ბრალი გედებათ აჯანყებაშიო.

— ყველაზე უკეთესია, — თქვა შევიკმა, — თუ შენს თავს ილიოტად გამოაცხადებ. როცა მე საგარნიზონო ნაობანტში ვიჯექი, ჩვენთან იყო ერთი ძალიან ქვიანი, განათლებული ადამიანი, კომერციული სკოლის მასწავლებელი. იგი ბრძოლის ველიდან გამოიპარა, ასე რომ დიდი პროცესის წამოწყებაც კი დააპირეს და სხვების შესაშინებლად მისი ჩამოხრჩობა გადაწყვიტეს. ყოველივე ამას კი სულ იოლად დაუძვრა: თითქოს მძიმე სნეულება შემკვიდრებოდა თაობიდან-თაობაში გადმოდის მის გვარში, და შემოწმების დროს შტაბის ექიმს განუცხადა, ლეზერტირობას ტყუილად მიყენებთ ბრალად, მე აზრადაც არ მომსვლია ბრძოლის ველიდან გაქცევა. უბრალოდ ბავშვობიდანვე ხეტიალი მიყვარს და რაღაც იღუმალი ძალა ყოველთვის მიხმობს შორს, შორს, უცხო ქვეყნებისკენო; ერთხელ ჰამბურგში გამეღვიძა, მეორედ — ლონდონში, და ვერასგზით ვერ გავიგე, რანაირად აღმოვჩნდი ამ ქალაქებში. მამაჩემი ალკოჰოლიკი იყო, და თავისი სიცოცხლე თვითმკვლელობით დაასრულა ორიოდე თვით ადრე, ვიდრე მე დავიბადებოდი; დედა — როსკიბი იყო, უმცროსმა დამ წყალში დაიხრჩო თავი; უფროსი — მატარებელს შეუვარდა ბორბლებში, ძმა ვიშეპარდის სარკინიგზო ხიდიდან გადმოვარდა. ბაბუაჩემმა თავისი ცოლი მოჰკლა, მერე თვითონ ნავთი გადაისხა და ცოცხლად დაიწვა; მეორე ბებია ბოშებთან დაეხეტებოდა და ციხეში თავი მოიწამლა ასანთით; ბიძაშვილი რამდენჯერმე სამართალში იყო მიცემული ცეცხლის წაკიდებისთვის და კარტოუზებში \* არტერია გადაიჭრა მინის ნატეხით; მამიდაშვილი ვენაში შეექვსე სართულიდან გადმოვარდა. ჩემს აღზრდაზე არავინ ზრუნავდა, და ათ წლამდე მეტყველება მქონდა წართმეული, რადგან ერთხელ, როცა ექვსი თვისა ვიყავი და მაგიდაზე ჩერებში მახვევდნენ, რატომღაც ყველანი გავიდნენ ოთახიდან, ამ დროს კატა შემოვიდა და ასე უპატრონოდ რომ დამინახა, მაგიდიდან გადმომათრია, გადმოვარდნისას თავი დაგვარი იატაკს. პერიოდულად ამის გამო საშინელი თავის ტკივილი მაწუხებს და მაშინ აზრზე არა ვარ, რას ჩავდივარ. აი, სწორედ ასეთ მდგომარეობაში ვიყავი, როცა ფრონტიდან პრალაში წავედი, და მხოლოდ მოგვიანებით მოვედი გონს, როცა „უ ფლე კთან\*“ სამხედრო პოლიციამ დამაპატიმრაო. უნდა გენახათ, რა სწრაფად გაათავისუფლეს იგი სამხედრო სამსა-

ხურიდან; ხუთმა ჯარისკაცმა, რომლებიც მასთან ერთ საკანში ისხდნენ, ყოველი შემთხვევისთვის დაიწერეს ქალაღზე:

მამა — ალკოპოლიკი, დედა — როსკიპი.

1. და (თავი დაიხრჩო წყალში).
2. და (მატარებელს ჩაუვარდა ბორბლებში).
3. ძმა (ხიდიდან)
4. ბაბუა, ცოლი, ნავით, დაიწვა.
5. ბებია (ბოშები, ასანთი) და ა. შ.

მაგრამ, როცა ერთმა მათგანმა ყოველივე ამის შესახებ დაუწყო ლაქლაქი შტაბის ექიმს მას ჯერ ბიძაშვილის ამბები არ ჰქონდა მოთავებული, შტაბის ექიმმა (ეს უკვე მესამე შემთხვევა იყო!) შეაწყვიტინა: „შენი მამიდაშვილი კი ვენაში მეექვსე საართულიდან გადმოვარდა, შენს აღზრდაზე — შე თაღლითო შენა! — არავინ ზრუნავდა, მაგრამ შენს ხელახლა აღზრდაზე ახლა იზრუნებენ პატიმართა ასეულში“. წაიყვანეს ციხეში, შტენგლი დაადგეს — ერთბაშად გაუქრა ცუდი აღზრდის შედეგებიც, ალკოპოლიკი მამის მემკვიდრეობაც, როსკიპი დედის საძრახისი ქცევაც, და ამჯობინა თავისი ფეხით წასულიყო ფრონტზე.

— ამჟამად, — თქვა ნებითგანწყნებულმა, — სამხედრო სამსახურში არავის სჯერავს მძიმე მემკვიდრეობის შედეგები, თორემ გენერალური შტაბების ოფიცრები ყველანი საგიჟეთში იქნებოდნენ დასამწყვდევი.

რკინით მოქედილ კარებში გასაღები გაჩხარუნდა და პროფოსი შემოვიდა.

— ქვეითი ჯარისკაცი შვეიკი და მესანგრე ვოდიჩკა — ბარონ აუდიტორთან!

ორთავე წამოდგა, ვოდიჩკამ მიმართა შვეიკს:

— აი, არამზადები, ყოველ ცისმარე დღეს დაკითხვა, შედეგი კი არავითარი! დალაზეროს ეშმაკმა, ბარემ აიღონდა, მოგვისაჯონ რამე და მოგვეშვან, წარამარა ნულარ გვაწუხებენ. მთელი დღეება უსაქმოდ ვაგდივართ, ეს მაღიარი ავარები კი ჩვენ თვალწინ დაწანწალებენ...

გზაში, დივიზიის სასამართლოს კანცელარიაში რომ მიდიოდნენ, რომელიც ბარაკის მეორე ბოლოში იმყოფებოდა, მესანგრე ვოდიჩკა და შვეიკი მსჯელობდნენ და ვარაუდობდნენ, ბოლოს და ბოლოს როდის წარსდგებოდნენ ნამდვილი სასამართლოს წინაშე.

— მხოლოდ დაკითხვა და დაკითხვა დაუსრულებლად, — დელავდა ვოდიჩკა, — გამოდიოდეს მაინც რამე ამ დაკითხვებიდან, ხარჯვენ აუარებელ ქალაღს, დაგალობენ ციხეში, ნამდვილ სასამართ-

ლოს კი თვალითაც ვერ იხილავ. აბა, მითხარი ერთი, მათი შექამანდის ჭამა შეიძლება? განა საკმელი ჰქვია მათ კომბოსტოსა და დამზარალ კარტოფილს? ეშმაკმა დალაზეროს, ასეთი ილიოტური მსოფლიო ომი ჩემს სიცოცხლეში არ მინახავს! ყველაფერი ეს სულ სხვანაირად მქონდა წარმოდგენილი.

— მე კი კმაყოფილი ვარ, — უთხრა შეეიკმა. — ჯერ კიდევ ამ რამდენიმე წლის წინათ, როცა ნამდვილ სამხედრო სამსახურში ვიყავი, ჩვენი ფელდფებელი სოლპერა გვეტყოდა ხოლმე: „სამხედრო სამსახურში ყველამ თავისი მოვალეობა უნდა იცოდესო!“ და ამ დროის ისე გვლუწავდა სახეში, რომ გაჩენის დღეს გვაწყველინებდა! ანდა აწ განსვენებული ობერ-ლეიტენანტი კვაიზერი შაშხანების დასათვალისწინებლად როცა მოვიდოდა, ყოველთვის ლექციებს გაგვიმართავდა იმის შესახებ, რომ სალდათს უფლება არა აქვს თავის გრძნობებს აპყვესო: სალდათი მხოლოდ პირუტყვია, სახელმწიფო მას აკმევს და ასმევს, აძლევს ყავას, თამბაქოს, ყალიონს, — ის კი ვალდებულია ხარივით ეწეოდეს უღელსო.

მესანგრე ვოდიჩკა ჩაფიქრდა და ერთი წუთის შემდეგ თქვა:

— შეეიკ, როცა აუდიტორთან მიხვალ, იცოდე ტყუილებში არ შეტოპო, გაიმეორე ის, რაც ამას წინათ დაკითხვაზე თქვი, თორემ ხათაბალაში გავებმები. რაც მთავარია, შენ ხომ თვითონაც ნახე, თავს როგორ დამესხნენ მადიარები. კაცმა რომ თქვას — მე და შენ ამ საქმეში ორივეს ერთნაირად გვირეგია ხელი.

— ნუ გეშინია, ვოდიჩკა, — ამშვიდებდა შეეიკი. — მთავარია — მშვიდად იყო, არ აღელდე. უნდა წარსდგე რომელიღაც დივიზიის სასამართლოს წინაშე, — მერე რა მოხდა, რა არის აქ ისეთი შენ უნდა გენახა, წინათ როგორ მოქმედებდა სამხედრო სასამართლო. იყო ჩვენთან ნამდვილ სამხედრო სამსახურში ერთი მასწავლებელი ჰერალი. ჰოდა, როცა მთელს ჩვენს ოცეულს სასჯელად ქალაქში გასვლა აეკრძალა, იწვა ეს ჰერალი საწოლზე და გვიამბობდა, რომ პრალის მუზეუმში არის მარია ტერეზას დროინდელი სამხედრო სასამართლოს ჩანაწერთა წიგნი, — თვითეულ პოლკში, თურმე. თავისი ჯალათი ჰყავდათ, რომელიც სიკვდილით სჯიდა ჯარისკაცებს — თითო ჯარისკაცში თითო ტალერს ღებულობდა. ამ ჩანაწერებით გამოდიოდა, რომ ასეთი ჯალათი ზოგჯერ დღეში ხუთ ტალერს გამოიმუშავებდა. თავისთავად ცხადია, — დინჯად დასძინა შეეიკმა, — მაშინ პოლკებში უფრო მეტი ხალხი იყო და მათ განუწყვეტლივ ავსებდნენ სოფლებიდან მორეკილი ხალხით.

— როცა მე სერბიაში ვიყავი, — თქვა ვოდიჩკამ, — ჩვენს ბრიგადაში ყველას, ვინც სურვილს განაცხადებდა „უცხოების“ ჩამოხრ-

ჩობაზე, სიგარეტებით უხდიდნენ გასამრჯელოს: თუ სალდათი მამაკაცს ჩამოხარჩობდა, ათ ცალ სიგარეტ „სპორტს“ მიიღებდა, ქალის ან ბავშვის ჩამოხარჩობაში — ხუთ ცალს აძლევდნენ. მერე საინტენდანტო ხელმომჭირნეობის გზას დაადგნენ და გროვად დახვერტას მიჰყვეს ხელი. ჩვენთან ერთი ბოშა მსახურობდა. არავინ იცოდა, რომ იგი ამ ხელობას მისდევდა. ოღონდ გვიკვირდა, რომ მას ყოველდღე კანცელარიაში ეძახდნენ. ჩვენ მაშინ ღრინაზე ვიდექით და აი, ერთხელ ღამით, როცა იგი წასული იყო, ვიღაცას თავში მოუვიდა — მოდი ერთი მის ნიეთებს გადაექექაო, და რა აღმოჩნდა—ნიეთჩანთაში ამ ღვთისაგან შეჩვენებულს სიგარეტებით სავსე სამი დიდი კოლოფი ჰქონდა — თითოში არანაკლებ ასი ცალი იქნებოდა. დილით იგი დაბრუნდა, და ჩვენ უცებ ავუგეთ მას წესი. წავაქციეთ და ბალოუნმა ქამრით გაგუდა იგი. კატასავით გამძლე იყო, ის ოჯახდაქცეული. — ძველმა მესანგრემ ვოდიჩკამ გადაათურთხა. — ვერასგზით ვერ დავახრჩვეთ. ჩაისვარა, თვალები გადმოუცვივდა და მაინც ცოცხალი იყო ნახევრად დაკლული მამალივით. მაშინ ავიღეთ და, ნაწილ-ნაწილ გლეჯა დაეუწყეთ, მთლად ისე, როგორც კატას დაგლეჯენ ხოლმე: ორმა თავში წაწვლო ხელი, ორმა ფეხებში, და კისერი გადაუგრიხეთ. მერე თავისივე სიგარეტებიანი ნიეთჩანთა შემოვაკარით წელზე და ღრინაში გადაუძახეთ, ღრმა ადგილას. აბა, ახლო ვინ წაეკარებოდა და ვინ მოსწევდა მის წაბილწულ სიგარეტებს! დილით დაუწყეს ძებნა...

— თქვენ უნდა გეპატაკნათ, რომ იგი გაიქცა-თქო, — ავტორიტეტულად დაურთო შევიკმა, — ამისთვის იგი დიდი ხანია ემზადებოდა, ყოველდღე გაპარვაზე ლაპარაკობდა-თქო.

— მაგი სრულებით არ გვიანტერესებდა, — უპასუხა ვოდიჩკამ. — ჩვენი საქმე გვაკეთეთ, დანარჩენი არ გვეხებოდა. იქ ეს ძალიან უბრალო ამბავი იყო: ყოველდღე ვიღაცა უსათუოდ იკარგებოდა, დამხრჩვალების ღრინიდან ამოყვანით თავს არავინ იწუხებდა. არხეიანად მიცურავდნენ მდინარე ღრინაზე — დუნაისკენ წყლით გასივებული „უცხო“ და მის გვერდით ჩვენც ხელით დასახიჩრებული ბოშა. ვინც პირველად ასეთ სურათს დაინახავდა, ჟრუანტელი დაუვლიდა ტანში, კანკალი აუვარდებოდა ციებ-ცხელებიანივით.

— ასეთებს ქინაქინი არგებდათ, — თქვა შევიკმა.

ამ საუბრით შედგეს მათ ფეხი ბარაკში, სადაც დივიზიის სასამართლო იმყოფებოდა, და მეზადრაგეებმა ისინი № 8 კანცელარიაში შეიყვანეს, სადაც ქალაღლებით სავსე მაგიდას აუდიტორი რუღერი უჯდა.

მის წინ კანონთა კრებული იდო, რომელზეც ნაკლული ჩაის ჰქია





იდგა. მაგიდაზე აღმართული იყო ჯვარცმა, ყალბი სპილოს ძელისგან ნახელავი, დამტვერილი ქრისტეთი, რომელიც იმედდაკარგული ვად-მოყურებდა ფერფლითა და ნამწვევით დაფარულ .თავისი ჯვრის საყრდენს. აუდიტორი რულერი ამ დროს ერთი ხელით ფერფლს აშორებდა სიგარეტს, რისთვისაც ჯვარცმის საყრდენს მუნდშტუკს უკაკუნებდა და ამით კიდევ უფრო აღრმავებდა ჯვარცმული ღმერთის მწუხარებას, მეორეთი კი კანონთა კრებულის გარეკანზე მიწებებულ ჩაის ჰიქის აძრობას ცდილობდა. როგორც იქნა ააძრო ჰიქა და განაგრძო ოფიცერთა საკრებულოდან წამოღებული წიგნის ფურცვლა. ეს იყო ფრ. ს. კრაუზეს წიგნი მრავალმეტყველი სათაურით: „Forschungen zur Eutwi<sup>1</sup>cklungsgeschichte der geschlechtlich-eu Moral.“

აუდიტორი გართული იყო მამაკაცისა და დედაკაცის სასქესო ორგანოების გულუბრყვილო სურათების რეპროდუქციების თვალღერებით, რომელთაც დართული ჰქონდა სწავლულ ფრ. ს. კრაუზეს მიერ ბერლინის დასავლეთი სადგურის საპირფარეშოებში აღმოჩენილი შესაფერისი ლექსები, და შემოსულები ვერ შეამჩნია.

ვოლდიჩამ ჩაახველა, და აუდიტორი მხოლოდ მაშინ გამოეხმაურა შემოსულებს.

<sup>1</sup> ხუცესის მორალის ევოლუციის ისტორიული გამოკვლევა (გერმ.)

— Was geht las !? — იკითხა მან და შეუნელებელი ინტერესით განაგრძო წიგნის ფურცვლა.

— მაქვს პატივი მოგახსენოთ, პანე აუდიტორ, — უპასუხა შვეიკმა, — კოლეგა ვოდიჩკა გაცივებულია და ახველებს.

აუდიტორმა მხოლოდ ახლა შეხედა შვეიკსა და ვოდიჩკას. იგი შეეცადა თავისი სახისთვის მკაცრი გამომეტყველება მიეცა.

— როგორც იქნა მოაწიეთ? — თქვა აუდიტორმა და მაგიდაზე დაყრილ საქმეებს დაუწყო ქექვა. — მე ათი საათისთვის გამოგიძახებთ, ახლა კი თითქმის თერთმეტი სრულდება. როგორ დგახარ, ვირო? — უყვირა მან ვოდიჩკას, რომელიც „თავისუფლად“ იდგა. — როცა გიბრძანებთ „თავისუფლად“, მაშინ შეგიძლიათ ისე გაფარხნოთ ეგ თქვენი მობრეცილი ფეხები, როგორც გსურთ. 3

— მაქვს პატივი მოგახსენოთ, პანე აუდიტორ, — უთხრა შვეიკმა, — ამას რევემატიზმი აწუხებს.

— ენა ჩაიგდე მუცელში, — შეუტია აუდიტორმა რულერმა. — მიპასუხებ, როცა შეგეკითხები. შენ უკვე სამჯერ იყავი ჩემთან დაკითხვაზე და ყოველთვის ზედმეტს ლაყბობ... ვიპოვი თუ ვერ ვიპოვი, ბოლოს და ბოლოს ამ თქვენ საქმეს? გამიჩინეთ რაღა სახათაბალო საქმე, თქვე არამზადებო, თქვენა! თქვენ ეს ასე იოლად არ ჩაგივლით, ტყუილებრალოდ სასამართლოს გადატვირთვა თქვენი იშკილბაზობით! ყური მიგდეთ, თქვე უქნარებო, თქვენა, — დაუროთო მან და ქალაღების გროვიდან ამოათრია დიდტანიანი საქმე, სათაურით: „Schwejk und Woditschka“<sup>2</sup>. არ გეგონოთ, რომ რომელიღაც თქვენი სულელური კინკლაობისთვის მხართეძოზე წამოწვებით დივიზიის სატუსალოში და ღროებით ფრონტს ასცდებით. თქვე რეგვენებო, თქვენი გულისთვის არმიის შტაბის სასამართლოში დამპკირდა დარეკვა.

აუდიტორმა ამოიხენეშა.

— რა აბრაამის ბატკანივით გამოიყურები, შვეიკ? — განაგრძო მან. — ფრონტზე დაკარგავთ ჰონვედებთან ბრძოლის ყოველგვარ სურვილს. თქვენი საქმე წარმოებით წყდება, და თქვენ-თქვენს ნაწილში წახვალთ, სადაც სასჯელს დისციპლინარული წესით მოიხდით, მერე თქვენს სამარშო ასეულთან ერთად ფრონტს ესტუმრებით. გირჩევთ, ამიერიდან ხელში აღარ ჩამივარდეთ, თქვე უქნარებო, თორემ ისეთ დღეს დაგაყენებთ, რომ ჭამის მადა დაგეკარგებათ!

1 რაშია საქმე? (გერმ.)

2 შვეიკი და ვოდიჩკა (გერმ.).

ეს თქვენი გათავისუფლების ორდერია, მოკიდეთ ხელი, და წესიერად მოიქეცით. ახლა მიბრძანდით მეორე ნომერში. გაიყვანეთ!

— მაქვს პატივი მოგახსენოთ, პანე აუდიტორ, — მიმართა შვეიკმა, — თქვენს სიტყვებს გულში აღვიბეჭდავთ და დიდ მადლობას გწირავთ გულკეთილობისთვის. სამხედრო სამსახური რომ არა, ჩემს თავს ნებას მივცემდი მეთქვა — თქვენ ოქრო ადამიანი ხართ. ამავე დროს ჩვენ ორთავე კიდევ და კიდევ ბოდიშს ვიხდით, ასე რომ გაწვალდით ჩვენი კულში სდევით. ჩვენ, მართალი გითხრათ, ამის ღირსი არა ვართ.

— მომშორდით თავიდან, თვალთ აღარ დაგინახოთ! — უყვირა აუდიტორმა შვეიკს. — პოლკოვნიკი შრედერი რომ არ გამოგსარჩლებოდათ, მაშინ ნახავდით, რა დღეში ჩავარდებოდით.

ვოდიჩკამ ძველ ვოდიჩკად მხოლოდ მაშინ იგრძნო თავი, როცა დერეფანში გავიდა და შვეიკთან ერთად ბაღრაგას თანხლებით კანცელარია № 2-სკენ გაემართა.

საღდათს სადილზე აგვიანდებოდა.

— აბა, ყმაწვილებო, ცოტა ფეხს აუჩქარეთ. ტილებივით მოლოდავენართ.

ამის საპასუხოდ ვოდიჩკამ უთხრა, თავს ნუ გაგიდის, ღმერთს უმადლე, რომ ჩეხი ხარ, თორემ მაღიარი რომ ყოფილიყავი, წესს ავიგებდიო.

რადგან სამხედრო გადამწერები კანცელარიიდან უკვე წასულიყვნენ სადილად, ჯარისკაცს მოუხდა შვეიკისა და ვოდიჩკას უკან, დივიზიის სასამართლოს საპატიმროში წაყვანა, თან სამხედრო გადამწერების საზიზღარ მოდგმას სწყევლიდა.

— ამხანაგები ისევ მთელ ქონს მოაცილიან ჩემს სუპს, — წუწუნებდა იგი გულგამწერილებლად, — ხორცის ნაცულად მარტო ძარღვებს დამიტოვებენ. გუშინაც ორს ვახლდი ბაღრაგად. ვილაცას ჩემი ულუფა აულია და ნახევარი შეუსანსლავს.

— თქვენ აქ, დივიზიის სასამართლოში, ჭამის მეტი არაფერი გახსოვთ, — უთხრა ვოდიჩკამ, რომელიც საბოლოოდ გამოცოცხლდა და გული მოეცა.

როცა შვეიკმა და ვოდიჩკამ ნებითგანწესებულს უამბეს, თურით გათავდა მათი საქმე, მან წამოიძახა:

— მაშ, სამარშო ასეულში, არა; მეგობრებო! გზა მშვიდობისა, — როგორც ჩებ ტურისტების ჟურნალში წერენ ხოლმე. მზადება ექსკურსიისთვის უკვე დამთავრდა. ჩვენმა სახელოვანმა წინდახედულმა უფროსებმა ყველაფერზე იზრუნეს. თქვენ, რომლებიც ჩაწერილი ხართ, როგორც პალიციის ექსკურსიის მონაწილენი, გაუ-

დექით გზას მხიარული გზით. განიმსჭვალეთ სიყვარულით იმ მხარისადმი, სადაც სანგრებს გაგაცნობენ. შესანიშნავი და მეტად საინტერესო ადგილებია. შორეულ უცხოეთში თავს ისე იგრძნობთ, როგორც საკუთარ სახლში, მშობლიურ მხარეში, ასე გეგონებათ, საკუთარ კერას ერთი წუთითაც არ მოშორებიხართ. ამადლებული გრძნობებით გასწით იმ მხარეში, რომლის შესახებ ჯერ კიდევ მოხუცი ჰუმბოლდტი \* ამბობდა: „მთელ ქვეყნიერებაზე ამ ტუტუტუტ ჰალიციანზე უფრო წარმტაცი რამ არაფერი მინახავსო“. მდიდარი და ძვირფასი გამოცდალება, რომელსაც ჩვენი ძლევა მოსილი ჯარი ჰალიციიდან უკან დახევის დროს ეზიარა, ლაშქრობის პირველ დღეებში, უეჭველად გზის მაჩვენებელ ვარსკვლავად იქცევა მეორე ლაშქრობის პროგრამის შესადგენად. მხოლოდ წინ და წინ, პირდაპირ რუსეთში, და სიხარულის აღსანიშნავად მთელი ვაზნები ჰაერში გაისროლეთ!

ნასადილევს, შვეიკისა და ვოდიჩკას კანცელარიაში წასვლის დრომ რომ მოატანა, მათთან მივიდა ავბედითი მასწავლებელი, რომელმაც ლექსი შეთხზა ტილებზე, გაიყვანა ორთავე გვერდზე და იღუმალად უთხრა:

— არ დაგავიწყდეთ, რუსების მხარეს როცა მოხვდებით, იმწამსვე უთხარით რუსებს: „Здравствуйте, русские братья, мы братья чехи, мы нет австрийцы“.

როცა ბარაკიდან გამოდიოდნენ, ვოდიჩკამ მოისურვა დემონსტრაციულად გამოეხატა თავისი ზიზლი მადიარების მიძართ და თან ეჩვენებინა, რომ პატიმრობამაც კი ვერ შეარყია და ვერ გასტეხა მისი რწმენა, შიშველ ფეხზე ფეხი დააბიჯა იმ საცოდავ მადიარს, რომელიც პრინციპულად სამხედრო სამსახურს უარყოფდა, და დაულრიკა:

— ფეხთ ჩაიცივი, ძალიწვილო!

— ძალიან ვწუხვარ, რომ არაფერი მიპასუხა, — უთხრა ვოდიჩკამ შვეიკს. — ერთი წაოცდენოდა რამე იმწამსვე შუაზე გავხლენდი. ის დოყლაბია კი ხმას არ იღებს, გინდ ფეხზე დაადგი ფეხი, გინდ თავში ჩაარტყი. ეშმაკმა დალახვროს, შვეიკ, სიბრაზისგან პირდაპირ ვიხრჩობი, რომ არაფერი მომისაჯეს! გამოდის, რომ დაგვცინიან და აბუჩად გვიგდებენ, მადიარებთან მთელი ეს აყალმაყალი გროშ-კაიკად არ ღირებულა. მერედა, თავი არ გამოგვეჩინა მაინც, ლომებივით ვიბრძოდით. შენ ხარ, შვეიკ, დამნაშავე, რომ არაფერი მოგვისაჯეს და ისეთი ცნობა მოგვცეს, თითქოს ჩხუბიცი კი არ შეგ-

\* გამარჯობათ, ძმებო რუსებო, ჩვენ ჩეხი ძმები ვართ, ჩვენ არა ავსტრიელები“. (რუს. შეცდომებით).



ვიძლია ხეირიანად. ვინ ვგონივართ ჩვენ მათ? რაც გინდა ისა თქვი, და საკმაოდ მაგარი ჩხუბი კი გადავიტანეთ.

— ჩემო კარგო, — გულკეთილად უთხრა შვეიკმა, — მე რაღაც არ მესმის, რად არ გახარებს ის, რომ დივიზიის სასამართლომ აბსოლუტურად წესიერ ადამიანებად გვცნო და ჩვენს წინააღმდეგ არაფერი ცუდი უდევს გულში. „მართალია, დაკითხვის დროს მე ყოველნაირად თავს ვიძვრენდი, მაგრამ ეს ხომ ასეა მიღებული“, — ეუბნება ხოლმე ადვოკატი ბასი თავის კლიენტებს. როცა აუდიტორმა მკითხა, რად შევიჭვრით ბატონ კაკონის ბინაში, ამაზე უბრალოდ ეუბასუხე: „მეგონა, უფრო ახლო გავიცნობდით ბატონ კაკონის, თუ მასთან სტუმრად ვივლიდით-მეთქი“. ამის შემდეგ აღარაფერი უკითხავს აუდიტორს, ეს სავესებით საკმარისი იყო მისთვის. ერთხელ დასამუდამოდ დაიმახსოვრე, — განაგრძო შვეიკმა თავისი მსჯელობა, — სამხედრო მსაჯულებს არაფერში უნდა გამოუტყდე. როცა გარნიზონის ნაობახტში ვიჯექი, მეზობელი საკანის ერთი სალდათი გამოტყდა; როგორც კი დანარჩენმა ტუსაღებმა ეს გაიგეს, ერთი მაგრად მიბეგვეს ის ჯარისკაცი და აიძულეს უარეყო თავისი დანაშაულის აღიარება.

— მე რომ რამე უსაქციელობა ჩავიდინო, არასგზით არ გამოეტყდები, — თქვა მესანგრე ვოლიჩკამ. — მაგრამ როცა იმ ვაჟბატონ-

მა აუდიტორმა პირდაპირ დამისვა კითხვა: „ჩხუბით?“ — მეც ვუპასუხე: „ღიახ, ვიჩხუბე“. — „გალახეთ ვინმე ამ ჩხუბში?“ — „ღიახ, პანე აუდიტორ“. — „დასჭერით ვინმე ჩხუბის დროს?“ — „რა თქმა უნდა, პანე აუდიტორ“. დაე, იცოდეს, ვის ელაპარაკება ეს რა თავლაფი დაგვესხა, რომ გაგვათავისუფლეს! ისე გამოდის, აუდიტორს თითქო არა სჯერა, რომ ამ მაღიარ ოინბაზებს ზურგი ავეუქრელე ჩემი ქაშირით, რაც სიგრძე ჰქონდათ, ის სიბრტყე მივეცი, ჩავეული-ლავე თვალები, შუბლზე კოპები დავასვი. შენ ხომ იქ იყავი და შენი თვალით ნახე, სამი აყლაყუდა მაღიარი როგორ მეძგერა, მაგრამ ერთ წუთსაც არ გაუვლია, სამივე მიწაზე ეყარა და ფეხებით ვთელავდი. ყოველივე ამის შემდეგ ვილაც წვინტილიანი აუდიტორი სწყვეტს ძიებას. ეს ისე გამოდის, მას რომ ჩემთვის ეთქვა: „ვილაც ცინგ-ლიანი ჩხუბში ებმებაო“. აი, დამთავრდება აგერ საცაა ომი, ისევ სამოქალაქო გავხდები, მე იმ დოყლაპიას მოვნახავ და ვაჩვენებ, რანაირი ჩხუბი ვიცი. მერე აქ, კირალიპიდეში ჩამოვალ და ისეთ ცემა-ტყეპას გავმართავ, კაცს სიზმარშიც არ ენახოს: ხალხი სარდაფებში დაიმალება, როგორც კი გაიგებენ, რომ ჩამოვედი ამ კირალიპიდელ მაწანწალების, ამ გაიძვერების, ამ ტაკი-მასხარების სანახავად!

\* \* \*

კანცელარიაში სწრაფად მოგვარდა საქმე. ფელდფებელმა, რომელიც ახალი ნასადილევი იყო და ტუჩები ჯერ ისევ გაქონილი ჰქონდა, შვეიკსა და ვოდიჩკას გათავისუფლების ქალაღები გადასცა და არ დააყოვნა სიტყვით მიემართა, რომლითაც წესიერებისკენ მოუწოდებდა. მისი სიტყვა (იგი სიღეზიელი პოლონელი იყო) შემკობილი იყო სიღეზიის დიალექტის მარგალიტებით, მაგალითად: „marekvium“, „glupi rolmopsie“, „krajcovž seodmíua“, „svína porypaùà a ðum vàm banè na mjesjuuckovy vasi gzichy.“<sup>1</sup>

შვეიკსა და ვოდიჩკას თავ-თავის ნაწილებში აგზავნიდნენ. როცა შვეიკი ვოდიჩკას ეთხოვებოდა, ასე უთხრა:

— როგორც კი ომი დაძთავრდება, უთუოდ მომინახულე. საღამოს ექვსი საათიდან ყოველთვის ვიქნები სამიკიტრო „უ კალიხაში“, ბოიშტეზე.

— რა თქმა უნდა, მოვალ, — უპასუხა ვოდიჩკამ. — სასკანდალო ამბები თუ ხდება ხოლმე იმ თქვენს სამიკიტროში?

<sup>1</sup> მსუნავებო, ბრიყვებო, ჯვრის შვიდიანებო, ბინძურო ღორებო, ერთი ჩაგაფარებო მაგ უშნო სიფათში (პოლონ.).



— იქ ყოველდღე აყალმაყალია, — უთხრა შვეიკმა, — მაგრამ ვინიცობაა სიჩუმე ჩაშოვარდა დიდი ხნით, ჩვენ თვითონ შეგვიძლია ავტებოთ ჩხუბი.

ასე დასცილდნენ ერთმანეთს მეგობრები, მაგრამ კარგა მანძილი რომ გაიარა თვითეულმა, ძველმა მესანგრემ ვოდიჩკამ გამოსძახა შვეიკს:

— იცოდე, იზრუნე იმაზე, რომ რაიმე გართობა იყოს, როცა შე მოვალ.

საპასუხოდ შვეიკმა გასძახა:

— უთუოდ მოდი, ომი რომ დამთავრდება!

განაგრძეს გზა, უფრო მეტად დასცილდნენ ერთმანეთს, და უეცრად მეორე რიგის ბარაკების კუთხიდან მოისმა ვოდიჩკას ხმა:

— შვეიკ, შვეიკ! რა ლუდია „უ კალიხაში“?

შვეიკი ეხოსავით გამოეხმაურა:

— ველკობოპოვიცის!

— შე მეგონა, სმიხოვის იქნებოდა! — გაჰყვიროდა შორიდან მესანგრე ვოდიჩკა.

— იქ გოგოებიცაა! — მთელი ძალ-ღონით გასძახა შვეიკმა.

— მაშ ასე, საღამოს ექვს საათზე, ომის შემდეგ! — ღრიალებდა ვოდიჩკა.

— უკეთესი იქნება, შვილის ნახევარზე თუ მოხვალ, ვინ იცის, იქნებ შემაგვიანდეს! — უპასუხა შვეიკმა.

და კიდევ ერთხელ გაისმა შორიდან ვოდიჩკას ხმა:

— ექვსზე ვერ მოხვალ?

— კარგი, მაგრამ იყოს, ექვსზე მოვალ! — მოესმა ვოდიჩკას მიმავალი ამხანაგის ხმა.

Wenn die Leute auseinander gehen,  
da sagen sie auf Wiederschen!<sup>1</sup>



---

<sup>1</sup> განსორების დროს მეგობრები იმედით ხურჩულებენ „ნახვამდის“ (გერმ.)





თ ა ზ ი ო

## გოსტ ნა ლიტავედან სოკალში

პორუჩიკი ლუკაში ცოფიანივით მიდიმოდიოდა მეტერთმეტე სამარშო ასეულის კანცელარიაში. ეს იყო ბნელი კუნჭული ასეულის ფარდულში, დერეფნისგან მხოლოდ ფიცრულით გამოყოფილი. კანცელარიაში იდგა მაგიდა, ორი სკამი, ნავთიანი ბოთლი და საწოლი. ლუკაშის წინაშე გამოჭიმულიყო უფროსი გადამწერი ვანეკი, რომელიც ამ სადგომში აღგენდა ჯარისკაცთა ჯამაგიერების უწყისებს, აწარმოებდა ჯარისკაცთა სამზარეულოს ანგარიშიანობას, — ერთი სიტყვით მთელი ასეულის ფინანსთა მინისტრი იყო, მთელ თავის დღეს აქ ატარებდა და აქვე იძინებდა. კარებთან იდგა კრკონოშვიით\* წვერ-ულვაშ გაბურძგნილი მსხელი, ზორბა ქვეითი ჯარისკაცი. ეს იყო ბალოუნი, პორუჩიკის ახალი დენშიკი, სამხედრო სამსახურში გამწვევებამდე ჩესკე კრუმლოვეს მეწისქვილე.

— კარგი მოუვიდა თქვენს თავს, კარგი დენშიკი მე თქვენ მიშოვეთ, — ეუბნებოდა პორუჩიკი ლუკაში უფროს გადამწერს. — დიდი მადლობელი ვარ ასეთი სიურპრიზისთვის! პირველ დღეს მას

ოფიცერთა სამზარეულოში ვაგზავნი სადილის მოსატანად, და გზაში ნახევარი უკვე შეუთქვლიყავს.

— ბოლიშს ვიხდი, გზაში დამეკცა, — თქვა ჩასუქებულმა გოლიათმა.

— დავეშვათ მაგრე მოხდა. მაგრამ შეიძლება დაიღვაროს სუპი ან სოუსი და არა შემწვარ-მოხრაკული. შენ ხომ ამ მოხრაკულისგან მხოლოდ ერთი ციციქნაღა მოიტანე. სადღა გაქრა ვაშლის რულეტი?

— მე...

— ტყუილს ნუ ამბობ. შენ ისიც შეთქვლიყვე! — უკანასკნელი სიტყვა პორუჩიკმა ისე მკაცრად და ისეთი ენერგიული ჟესტით წარმოთქვა, რომ ბალოუნმა უნებლიეთ ორი ნაბიჯით უკან დაიხია.

— მე გამოვიკითხე სამზარეულოში, დღეს რა გვექონდა სადილად. ყოფილა სუპი ღვიძლის ფრიკადელეკებით. რა იქნა ეს ფრიკადელეკები? თითო თითოს აძრობდი გზაში და ყლაპავდი? ცხადია ასე იყო. ყოფილა კიდევ მოხარული ძროხის ხორცი კიტრით. სადაა ეს ხორცი? ისიც შესანსლე, რა თქმა უნდა. ორი ნაჭერი ფრანკფურტული მოხრაკული, შენ კი მომიტანე მხოლოდ ნახევარი ნაჭერა. მერე? ყოფილა კიდევ ორი ნაჭერი ვაშლის რულეტი. სადაა ისინი? ყველაფერი შეთქვლიყვე, შე ქეციანო, ბინძურო ღორსო მიპასუხე, სადაა ვაშლის რულეტი? იქნებ ტალახში ჩაგვივარდა? მაჩვენე ერთი, შე გაიძვერა, შენა, სად აგდია ის, რა ტალახშია ამოსვრილი. ჰო, მართლა, იქ აკი ძაღლმა მიირბინა, თითქოს განგებ დაუძახესო, იპოვა რულეტი, პირი დაავლო და გააქანა! დამერთო ჩემო, ეს ვინა ყოფილა ისე დაგიღეწავ მაგ ცხვირ-პირს, რომ მშობელმა დედამ ველარ გიცნოს! ამას არ უყურებთ, ამ ბინძურ ღორს, თავის მართლებასაც რომ ლამობს იცი, ვინ დაგინახა? უფროსმა გადამწერმა ვანეკმა. მოვიდა ჩემთან და მითხრა: „მაქვს პატივი მოგახსენოთ, პანე პორუჩიკ, თქვენნი ბალოუნი, ის ძაღლიშვილი, თქვენს სადილს ჭამს. გავიხედე ფანჯარაში და რას ვხედავ, გამაღებით იტენის პირში ყველაფერს, თითქოს მთელი კვირა არაფერი ეჭამოსო“. ერთი ეს მითხარით, უფროსო გადამწერო ვანეკ, ნუთუ ამ პირუტყვზე უკეთესი ვერაფერს მიშოვეთ?


— მაქვს პატივი მოგახსენოთ, პანე ობერ-ლეიტენანტ, მთელს ჩვენს სამარშო ასეულში ბალოუნი ყველაზე უფრო წესიერ სალდათად მომეჩვენა. ეგ ისეთი ლენჩი ვინმეა, რომ შაშხანის ვერც ერთი იღეთი ვერასგზით ვერ დაიმახსოვრა, და მაგისტვის თოფი რომ მიეცათ ხელში, ვინ იცის, რა უბედურებას დაატრიალებდა. უკანასკნელ სასწავლო სროლის დროს ფუქმუხტიანი ვაზნებით კინაღამ

თვალეზი დაუბრმავა გვერდში მდგომ სალდათს. და აი, გავიფიქრე, იქნებ დენშიკობა; მაინც შესძლოს-მეთქი წესიერად.

— და ყოველდღე თავისი ოფიცრის სადილი თქვლიფოს! — თქვა ლუკაშმა. — თითქოს თავისი ულუფა არ ყოფნიდეს. ახლა როგორაა, მგონი, მაძლარი ხარ, არა?

— მაქვს პატივი მოგახსენოთ, პანე ობერ-ლეიტენანტ, მე ყოველთვის მშია. თუ ვინმეს პურის ნატეხი გადარჩება, იმწამსვე სიგარეტებში ვუცვლი, მაინც არ მყოფნის, ასეთი დავიბადე, და რა. ექნა. ერთი წუთით მგონია, — აი ახლა უკვე გავძეხი-მეთქი, — მაგრამ არა! ცოტა ხანიც და, მუცელში რაღაც აბუყბუყდება, თითქოს სრულებით არაფერი მეჭამოს, დახე, ის ოხერტიალი ჩემი მუცელი ისევე საკმელს მოითხოვს. ზოგჯერ ვფიქრობ, ახლა კი მართლაც მეყოფა-მეთქი, მეტი აღარაფერი ჩამეტევა მუცელში, მაგრამ თქვენც არ მომიკვდეთ როგორც დავინახავ, რომ ვინმე ჭამს ან მხოლოდ სუნი მეცემა საკმელის, იმწამსვე მუცელი, თითქოს ის ცოცხით გამორეცხესო — ისევე თავისას მოითხოვს. ამ დროს მზადა ვარ, თუნდაც, ლურსმნები ვყლაპო! მაქვს პატივი მოგახსენოთ, პანე ობერ-ლეიტენანტ, მე ერთხელ უკვე ვითხოვე: ხომ არ შეიძლებოდა ჩემთვის ორმაგი ულუფა მოეცათ. ამ მიზეზით ბუდეოვიცეში მე პოლკის ექიმთან ვიყავი, მან კი, ნაცვლად ორი ულუფისა, ორი დღით დამტოვა ლაზარეთში და მთელი დღის განმავლობაში ერთი ფინჯანი სუფთა ბულიონი გამომიწერა. „მე შენ გაჩვენებ, შე მამაძაღლო, რა არის შიმშილიო. ერთი კიდევე მოხვდი ჩემს ხელში, და ნაფორთხით წახეალ აქედანო“. მე მართო გემრიელ საკმელებზე კი არ მრჩება თვალი, პანე ობერ-ლეიტენანტ, უბრალო საკმელის დანახვაც კი ისე აღიზიანებს ჩემს მადას, რომ იმწამსვე ნერწყვი მომადგება. უმორჩილესად ვთხოვთ, პანე ობერ-ლეიტენანტ, გაციით განკარგულდება, ორმაგი ულუფა დამინიშნონ. თუ ხორცი არ იქნება, გარნირი მაინც მომცენ: კარტოფილი, კნედლიკი, ცოტა სოუსი, ასეთები ხომ ყოველთვის რჩება ხოლმე.

— ველარ ამიტანია შენი ასეთი თავის გდება! — უპასუხა პორუჩიკმა ლუკაშმა. — ოდესმე თუ გინახავთ, უფროსო გადამწერო, ამ შტერზე უფრო თავხედი და უსაქციელო სალდათი: შეთქვლიფა ჩემი სადილი და ახლა ორი ულუფაც სურს მიიღოს, ამ სადილს მე შენ დაგამახსოვრებ. უფროსო გადამწერო, — მიუბრუნდა იგი ვანექს, — წაიყვანეთ ეს სალდათი კაპრალ ვეიდენჰოფერთან, და უთხარი, მაგრად მიაკრას იგი თოკით ბოძზე ეზოში სამზარეულოს მახლობლად ორი საათით. რაც შეიძლება მაღლა მიათოკოს, რომ მართო ცერებზე იდგეს და უცქიროს, ქვაბში როგორ იხარშება გულაში. ისე მოაწყეთ, რომ ეს გაიძვერა გათოკილი იყოს მაშინ, როცა გულაშის გაცემის



დრო მოვა, რომ საძებნესთან ატუზულ, დამძეულ ძუქნა ძალღივით ნერწყვი მოადგეს. მზარეულს უთხარით, ამის ულუფა სხვებს დაურიგოს.

— მესმის, პანე ობერ-ლეიტენანტ, წამოდით ბალოუნ.

როცა წასვლა დააპირეს, პორუჩიკმა შეაჩერა ისინი კარებში, პირდაპირ შეხედა სახეში შეშინებულ ბალოუნს და გამარჯვებულის კილოთი უთხრა:

— მიიღე საკადრისი, შვილოსა? შეგარგოსი და თუ კიდევ ერთხელ ჩაიდენ ასეთ რამეს, ბევრ ლათაიებს აღარ დაგიწყებ, პირდაპირ სამხედრო-საველე სასამართლოს გადაცემი!

როცა ვანეკი დაბრუნდა და მოახსენა, ბალოუნი უკვე მიკრულიაო ბოძზე, პორუჩიკმა ლუკაშმა უთხრა:

— თქვენ, ვანეკ, მე კარგად მიცნობთ, არ მიყვარს ასეთი სისასტიკე, მაგრამ სხვანაირად არ შემეძლო. ჯერ ერთი იმიტომ, რომ, ხომ იცით, ძაღლს ძვალს რომ წაართმევთ, დაგიღრენთ. მე არ მსურს ჩემს გვერდით ასეთი უნამუსო ცხოვრობდეს. მეორე, — ბალოუნი რომ მიკრულია ბოძზე, — ეს დიდი მორალური და ფსიქოლოგიური მნიშვნელობის მოვლენაა მთელი ასეულისთვის. უკანასკნელ ხანებში სალდათები, როგორც კი მოხვდებიან სამარშო ბატალიონში და უკვე იციან, რომ დღეს თუ ხვალ მათ პოზიციებისკენ გაისტუმრებენ, ყველაფერს აგდებულად უყურებენ. — პორუჩიკმა გატანჯული სახით

განაგრძო: — გუშინწინ ღამის მანევრებზე ჩვენ უნდა გვემოქმედნა ნებითგანწესებულთა სასწავლო რაზმის წინააღმდეგ შაქრის ქარხნის მახლობლად. პირველი ოცეული, ავანგარდი, ასე თუ ისე იცავდა სიწყნარეს გზატკეცილზე, რადგან მას მე თვითონ ვმეთაურობდი, მაგრამ მეორე ოცეული, რომელიც მარცხნივ უნდა წასულიყო და შაქრის ქარხანასთან მზვერავეები დაეყენებინა, ისე იქცეოდა, თითქოს ქალაქგარეთ დრო გაეტარებინოს და შინ მხიარულ გუნებაზე ბრუნდებოდა. მღეროდნენ და ფეხებს აბაკუნებდნენ ისე, რომ ალბათ ბანაკშიც კი ისმოდა. გარდა ამისა, მარჯვენა ფრთაზე აღვილმდებარეობის დასაზვერავად ტყის მახლობლად მოდიოდა მესამე ოცეული. ჩვენგან საკმაოდ შორს იყვნენ, მაგრამ მაინც კარგად მოჩანდა, პაპროსს როგორ აბოლებდნენ ის გაიძვერები. ყველგან ცეცხლის წერტილები ციმციმებდა. მეოთხე ოცეული კი, რომელიც არიერგარდში ითვლებოდა, ეშმაკმა უწყის საიდან სადაო, უეცრად ჩვენი ავანგარდის წინ აღმოჩნდა, ასე რომ ის მტრის დაჯგუფება ეგონათ, და იძულებული გაეხდი უკან დამეხია ჩემივე არიერგარდის წინაშე, რომელმაც თერში მოიტანა ჩემზე. აი როგორი ასეული მხვდა წილად? რანაირად გავართვა თავი ასეთ ასეულს? როგორ მოიქცევიან ამ ასეულის ჯარისკაცები ნამდვილი ბრძოლის დროს? — ამ სიტყვებზე ლუკაშმა თითქოსდა სალოცავად დაიჭლო ხელები და წამებულის სახე მიიღო, ცხვირი კი წაუგრძელდა.

— თქვენ ამას ყურადღებას ნუ მიაქცევთ, პანე პორუჩიკ, — ცდილობდა უფროსი გადამწერი ვანეკი დაემშვიდებინა ლუკაში, — გულთან ახლო ნუ მიიტანთ. მე უკვე სამ სამარშო ასეულში ვარ ნამყოფი, და თვითვე მათგანს სამარშო ბატალიონთან ერთად მუსრი გაავლეს, ვინც გადარჩა, სხვა ნაწილებში გაამწესეს. ყველა ეს სამარშო ასეული ერთმანეთს გაედა და არც ერთი მათგანი ოდნავადაც უკეთესი არ იყო თქვენსაზე, პანე ობერ-ლეიტენანტ. ყველაზე უარესი იყო მეცხრე. იმან ყველა თავისი უნტერი და ასეულის მეთაურიც ხელში ჩაუგდო მტერს. მე მხოლოდ იმით გადავრჩი, რომ ამ დროს რომსა და ღვინოზე ვიყავი წასული პოლკის ალაღში და მთელი ეს ამბავი უჩემოდ მოხდა... იცით, პანე ობერ-ლეიტენანტ, უკანასკნელი ღამის მანევრების დროს რაზედაც თქვენ ახლახან ინებეთ ჩემთვის გეამბნათ, რა მოუვიდა ნებითგანწესებულთა სასწავლო რაზმს? ამ რაზმს, კარგად მოგეხსენებათ, ჩვენი ასეულისთვის ზურგიდან უნდა შემოეველო, მაგრამ გზაკვალი აებნა და ნეიზიდლერის ტბას\* მიადგა. იქ გათენებამდე აღმა-დაღმა იხეტიალა. მზვერავ პატრულებზე კი ნულარ მკითხავეთ — იმათმა თურმე პირდაპირ ტბაში შესტოპეს. ამ ასეულს თვით კაპიტანი საგნერი მეთაურობდა. ისინი ამ უგზო-უკვლო ხეტიალში ალბათ შოპრონს მიადგებოდნენ, მაგრამ ინათლა

და მიხვდნენ თავის შეცდომას! — კონფიდენციალურად განაგრძობდა უფროსი გადამწერი, რომელიც ასეთი ამბებისთვის სულსა ლევდა, ყველაფერი, რაც მოხდებოდა, მან უთუოდ იცოდა და, როცა მათ შესახებ ვინმეს მოუთხრობდა, ისეთ სიამოვნებას განიცდიდა, თითქოს კარგ ღვინოს ჭამნიკს უსინჯავდა. — იცით თუ არა თქვენ, პანე ობერ-ლეიტენანტ, — უთხრა მან ლუკაშს და ინტიმურად თვალი ჩაუკრა, — რომ ბატონი კაპიტანი საგნერი ჩვენი სამარშო ბატალიონის მეთაურად იქნება დანიშნული? შტაბის ფელდფებლის ჰეგნერის თქმით, თავდაპირველად განზრახული იყო თქვენი დანიშვნა მეთაურად, როგორც ყველაზე უფროსისა ჩვენს ოფიცრებს შორის, მაგრამ მერე თითქოს დივიზიიდან ბრიგადაში მოვიდა ბრძანება კაპიტან საგნერის დანიშვნის შესახებ...

პორუჩიკმა ლუკაშმა ქვედა ტუჩი ჩაიკბინა და სიგარეტი გააბოლა.

ყველაფერი ეს მან უკვე იცოდა და დარწმუნებული იყო, რომ მას უმართებულოდ ეპყრობიან. კაპიტანმა საგნერმა უკვე ორჯერ წამოიტოვა იგი უკან დაწინაურებაში. მაგრამ ლუკაშმა მხოლოდ თქვა:

— აქ კაპიტან საგნერში როდია საქმე...

— მაინცდამაინც არ მომეწონა მე ეს ამბები, — ინტიმურად შენიშნა უფროსმა გადამწერმა. — ფელდფებელმა ჰეგნერმა მიაგმო, რომ ომის დასაწყისში ბატონმა კაპიტანმა საგნერმა მოინდომა თავის გამოჩენა სადღაც ჩერნოგორიის მიდამოებში და ერთიმეორეზე ერეკებოდა თავისი ბატალიონის ასეულებს სერბიელების პოზიციებზე ტყვიამფრქვევთა ცეცხლში, მიუხედავად იმისა, რომ ეს პირდაპირ დამლუბველი იყო და ქვეითი ჯარი იქ საერთოდ ვერაფერს გააწყობდა, ვინაიდან სერბიელებს იმ სალი კლდეებიდან აღგვიდა მხოლოდ არტილერიის ცეცხლი. მთელი ბატალიონიდან მხოლოდ ოთხმოცი კაციღა შერჩა; თვითონ კაპიტანი საგნერი დაიჭრა ხელში, მერე საავადმყოფოში დიზენტერიაც დაემართა და მხოლოდ ამის შემდეგ გამოჩნდა ჩვენთან პოლკში ბუდეიოვიცეში. გუშინ კი თითქოს დიდის ამბით ლაპარაკობდა ოფიცერთა შეკრებულობაში, რომ ფრონტზე ოცნებობს, შზად არის გაულიტოს იქ მთელი სამარშო ბატალიონი, სამაგიეროდ აჩვენებს თავის ვაჟკაცობას და Signum laudis-ს<sup>1</sup> მიიღებს. სერბიელთა ფრონტზე თავისი მოღვაწეობისთვის ბრანწი უჩვენებს, მაგრამ ახლა ამ გამწარებულ გულზე ან თავს დადებს მთელი თავისი სამარშო ბატალიონით, ანდა პოდპოლკოვნიკი გახდება, ეს

<sup>1</sup> წარჩინების ნიშანს (ლათ.)

კი სამარშო ბატალიონს პირდაპირ დალუპავს. ჩემის აზრით, პანე ობერ-ლეიტენანტ, ეს რისკი ჩვენც გვეხება. ამას წინათ ფელდფე-ბელი ჰეგნერი მეუბნებოდა, რომ თქვენ და კაპიტანი საგნერი ვერ ხართ კარგ განწყობილებაში ერთიმეორესთან და რომ პირველ რიგში ბრძოლაში ჩვენს მეთერთმეტე ასეულს გაგზავნის ყველაზე საშიშ ადგილებში.

უფროსმა გადამწერმა ამოიხვნეშა.

— მე თუ მკითხავთ, ასეთ ომში, როგორც ახლაა, როცა ამდენი ჯარი მონაწილეობს და ასე გაჭიმულია ფრონტის ხაზი, შეიძლება მიაღწიო წარმატებას უფრო მეტად კარგი მანევრირებით, ვიდრე თავგანწირული იერიშებით. მე ამას დავაკვირდი ღუკლასთან \* ბრძოლის დროს, როცა იქ მეთათე სამარშო ასეულში ვიყავი. ერთხანს ყველაფერი კარგად მიდიოდა. მოვიდა ბრძანება „nicht schiessen!“<sup>1</sup> და ჩვენც არ ვისროდით, ველოდებოდით, სანამ რუსები მოგვიახლოვდებოდნენ, და ტყვედ ჩავიგდებდით ხელში ისე, რომ ერთხელაც არ გავისროდით, მაგრამ მაშინ ჩვენს მარცხენა ფრთაზე იდიოტი მოლაშქრეები იდგნენ, მათ ისე შეეშინდათ რუსების, რომ ერობაშად მოუსვენეს და თოვლით დაფარულ მთიდან ისე დაეშენნენ ქვემოთ, თითქოს ყინულზე მისრიალებდნენ. ჩვენ მივიღეთ ბრძანება, სადაც ნათქვამი იყო, რუსებმა გაარღვიეს მარცხენა ფრთა და თქვენ ბრიგადის შტაბისკენ უნდა დაიხიოთო. მე მაშინ სწორედ ბრიგადის შტაბში ვიყავი, სადაც ხელმოსაწერად მივიტანე ასეულის სასურსათო წიგნი, ვინაიდან ჩვენი პოლკის ალაღს ვერსად მივაგენი. ამ დროს ბრიგადის შტაბში თითო-თითოდ მორბოდნენ მეთათე სამარშო ასეულის ჯარისკაცები. სალამოსთვის თავი მოიყარა ას ოცმა კაცმა, დანარჩენებს, როგორც ამბობდნენ, გზა აებნათ უკან დახვევის დროს და თოვლიანი მთიდან პირდაპირ რუსების ბანაკში ჩაცურდნენ, თითქოს მარხილებში ისხდნენო. მაშინ კი ვჰამეთ შიში, პანე ობერ-ლეიტენანტ. რუსებს კარპატებში პოზიციები ჰქონდათ ქვემოთაც და ზემოთაც, მერე, პანე ობერ-ლეიტენანტ, კაპიტანი სეგნერი...

— თავი დამანებეთ მაგ თქვენი კაპიტანი სეგნერით! — უთხრა პორუჩიკმა ლუკაშმა. — მე ყველაფერი ეს ძალიან კარგად ვიცი. ოღონდ არ იფიქროთ, რომ, როცა ბრძოლა დაიწყება, თქვენ ისევ შემთხვევით სადმე ალაღში აღმოჩნდებით და რომისა და ღვინის მიღებასთან დაკავშირებული საქმიანობით იქნებით გართული. მე მითხრეს, რომ თქვენ არაყს ყლურწავთ ხოლმე, საკმარისია შეხედოს კაცმა თქვენს გაწითლებულ ცხვირს, და ერთბაშად მიხვდება, ვისთანაც აქვს საქმე.

<sup>1</sup> არ ისროლოთ! (გერმ.).





— კარპატებში რომ ვიყავით, ეს იმდროინდელია, პანე ობერ-ლეიტენანტ, იქ ძალაუნებურად უნდა დაგვლია არაყი: მთებში სადღი ცივი ამოჰქონდათ, სანგრებში თოვლი იდო, ცეცხლის დანთება აკრძალული იყო და მხოლოდ რომით გვედგა სული. რომ მე არა, ჩვენებს იგივე მოუვიდოდა, რაც სხვა სამარშო ასეულებს მოუვიდათ, სადაც არ ჰქონდათ რომი, და ხალხი იყინებოდა. სამაგიეროდ ჩვენთან ცხვირი ყველას წითელი გაუხდა რომისგან, ამას თავისი ცუდი მხარეც ჰქონდა, — ბატალიონიდან მოვიდა ბრძანება, დაზვერვაზე პირველ რიგში გაიგზავნოს ხოლმე წითელცხვირა სალდათებიო.

— ახლა ხომ ზამთარი აღარაა, — მრავალმნიშვნელოვნად ჩაილაპარაკა პორუჩიკმა.

— რომი ისე, როგორც ღვინო, პანე ობერ-ლეიტენანტ, ფრონტზე აუცილებელია ყოველთვის, წლის ყოველ დროში. ეს სასმელები, ასე ვთქვათ, ამხნევებენ ადამიანს. ნახევარი კარდალა ღვინოსა და შეოთხელი ლიტრი რომისთვის ჯარისკაცი ვისაც გნებავთ, იმას შეებრძოლება... ვინ ეშმაკია, კარებზე რომ აკაკუნებს, ნუთუ ვერ ხელავს კარებზე წარწერას: „Nicht klopfen!“<sup>1</sup>

Herein!<sup>2</sup>

პორუჩიკი ლუკაში შემოტრიალდა სკამზე და დაინახა, რომ კარები ნელა და უხმაუროდ იღებოდა. ასევე უხმაუროდ შემოაბიჯა მეთერთმეტე სამარშო ასეულის კანცელარიაში ყოჩაღმა ჯარისკაცმა შევიკმა და კარებშივე სამხედრო სალაში მისცა პორუჩიკ ლუკას. ადვილი შესაძლებელია სამხედრო სალამით გამოჰქიმული იდგა იგი, როცა კარებზე აკაკუნებდა და წარწერას: Nicht klopfen! გულმოდგინედ ათვალეირებდა.

შევიკს ხელი ქულზე ჰქონდა მიდებული, და ეს ძალიან უხდებოდა მის სრულიად მშვიდ, უდარდელ ფიზიონომიას. გვეგონებოდათ, ძველებერძენთა ქურდობის ღმერთი უბრალო ავსტრიელი ჯარისკაცის ფორმაში გამოწყობილა და ისე გამოცხადებულაო.

პორუჩიკმა ლუკაშმა ერთი წამით მოჰუტა თვალები, როცა ყოჩაღი ჯარისკაცი შევიკის ალერსიანი და მოსიყვარულე სახე დაინახა. უთუოდ ასეთივე სიყვარულით შესცქეროდა გზასამცდარი, დაკარგული და კვლავ ნაპოვნი ვაჟი თავის მამას, რომელიც შეილის შინ დაბრუნებით გახარებული შამფურზე ცხვრის ცვრიან მწვადებს ამიშხინებდა.

— მაქვს პატივი მოგახსენოთ, პანე ობერ-ლეიტენანტ, მე ისევ

<sup>1</sup> არ დააკუნოთ! (გერმ.)

<sup>2</sup> შემოდით! (გერმ.)

აქა ვარ, — ალაპარაკდა შვეიკი ისეთი გულწრფელი ძალდაუტანებლობით, რომ პორუჩიკი ლუკაში ერთბაშად გონს მოვიდა.

იმ წუთიდან მოყოლებული, როცა პოლკოვნიკმა შრედერმა განუცხადა ლუკაშს, რომ მას აპყიდებს შვეიკს, პორუჩიკი ყოველდღე სულ იმას ლოცულობდა, რომ თავის დენშჩიკთან შეხვედრის დღე რაც შეიძლება შორს გადაწეულიყო.

ყოველ დილით პორუჩიკი გაიფიქრებდა ხოლმე: „დღეს იგი არ გამოცხადდება, უთუოდ, კიდევ რაიმეს ჩაიდენდა, და ჯერ არ გამოუშვებენო“.

მაგრამ მთელი ეს ანგარიში და სურვილები შვეიკმა დაამსხვრია თავისი ტკბილი და უბრალო გამოცხადებით.

შვეიკმა ჯერ თვალი შეავლო უფროს გადამწერ ვანეკს, მიუბრუნდა მას სასიამოვნო ღიმილით და ქალაქლები გადასცა, რომლებიც ფარაჯის ჯიბიდან ამოიღო.

— მაქვს პატივი მოგახსენოთ, ბატონო უფროსო გადამწერო, ეს ქალაქები, რომლებიც პოლკის კანცელარიაში მომცეს, უნდა გადმოგცეთ თქვენ. ეს გახლავთ ჩემი ჯამაგირისა და კმაყოფაზე ჩემი ჩარიცხვის შესახებ.

შვეიკს მეთერთმეტე სამარშო ასეულის კანცელარიაში ისე თავისუფლად და უბოდიშოდ ეჭირა თავი, თითქოს ვანეკთან იგი დიდი ხანია მეგობრობდა. ამაზე უფროსმა გადამწერმა ვანეკმა უპასუხა მხოლოდ: „დადევით მაგიდაზე“.

— კეთილ ინებეთ, უფროსო გადამწერო, დაგვტოვეთ მარტოკა მე და შვეიკი, — ამოხვრით წარმოთქვა პორუჩიკმა ლუკაშმა.

ვანეკი გავიდა და კარებს უკან გაჩერდა ყურის დასაგდებლად, რას ილაპარაკებენო.

პირველად არაფერი ესმოდა. შვეიკი და პორუჩიკი დუმდნენ და დიდხანს შესცქეროდნენ ერთმანეთს. ლუკაში უყურებდა შვეიკს ისე, თითქოს უნდოდა ჰიპნოზის ქვეშ მისი მოქცევა, როგორც მამალი უყურებს ხოლმე დედალს და მის ზურგზე შესახტომად ემზადება.

შვეიკი, როგორც ყოველთვის, მისჩერებოდა პორუჩიკს თბილად და ნაზად, თითქოს უნდოდა ეთქვა: „ისევ ერთად ვართ, ჩემო ძვირფასო ობერ-ლეიტენანტ. ამიერიდან ჩვენ ვედარაფერი დაგვაშორებს, ჩემო სიცოცხლე“. ვინაიდან პორუჩიკი დიდხანს არ არღვევდა დუმილს, შვეიკის თვალები ემუდარებოდნენ ნაღვლიანი სინაზით: „ერთი სიტყვა მაინც მითხარი, შენ შემოგვევლოს ჩემი თავი, გახსენი ბაგენი შენი“.

ბოლოს პორუჩიკმა დაარღვია ეს გამტანჯველი დუმილი სიტყვე-

ბით, რომლებშიც შეეცადა ჩაეჭსოვა რაც შეიძლება მაგარი ირო-  
ნია:

— კეთილი იყოს თქვენი მობრძანება, შეეიქა დიდი მადლობელი  
ვარ, რომ მეწვიეთ. როგორც იქნა ველირსე თქვენს მობრძანებას,  
დიდი ხნის ნანატრო სტუმარო.

მაგრამ თავი ვერ შეიკავა და მთელი თავისი ბრაზი, რომელიც  
უკანასკნელ დღეებში დაუგროვდა, მაგიდაზე მაგრად მუშტის დარ-  
ტყმით გამოხატა. სამელნე შეხტა და მელნით გათხუპნა ჯამაგირის  
უწყისი. სამელნესთან ერთდროულად პორუჩიკი ლუკაშიც წამოხტა,  
შვეიკთან მიიჭრა და დაულრიალა:

— პირუტყვო!

იგი გიჟივით აქეთ-იქით აწყდებოდა ვიწრო კანცელარიაში და,  
როგორც კი შვეიკთან აღმოჩნდებოდა, გააფურთხებდა.

— მაქვს პატივი მოგახსენოთ, პანე ობერ-ლეიტენანტ, — უთხრა  
შვეიკმა პორუჩიკ ლუკაშს, რომელიც განაგრძობდა შფოთვის, დარ-  
ბოდა კანცელარიაში, წამდაუწუმ მაგიდიდან ქალაღის ფურცლებს  
იღებდა, გაშმაგებით კმუჭნიდა და ოთახის კუთხეში ისროდა სიბრა-  
ზით. — წერილი სრულ წესრიგში ჩავაბარე. იღბლად, შინ დამხვდა  
თვით პანი კაკონი, უნდა გითხრათ რომ ძალიან ლამაზი ქალია, თუმ-  
ცა იგი მხოლოდ ატირებული ენახე.

პორუჩიკი ლუკაში უფროსი გადამწერის საწოლზე ჩამოჯდა და  
ხრინწიანი ხმით უყვირა შვეიკს:

— როდის მოელემა ყოველივე ამას ბოლო?

შვეიკმა, ვითომ ვერ გაიგონა, ისევ განაგრძო:

— მერე იქ ერთი პატარა უსიამოვნება შემემთხვა, მაგრამ ყვე-  
ლაფერი ჩემს თავზე ავიღე. თუმცა არ დამიჯერეს, რომ წერილებს  
მე ეწერდი ამ პანის, მაგრამ მაინც, გზა-კვალი რომ ამებნია, დაკითხვის  
დროს წერილი გადავეცაპე. მერე რაღაც შემთხვევის გამო, — სხვა-  
ნაირად ყოვლად შეუძლებელია ამის ახსნა! — პატარა ცემა-ტყეპა-  
ში ჩავერიე, მაგრამ ამას ადვილად გადავრჩი. უდანაშაულოდ მცვენეს,  
გამაგზავნეს პოლკის პატაკზე, და დივიზიის სასამართლოში ძიება  
შეწყვიტეს. პოლკის კანცელარიაში სულ რამდენიმე წუთი დამაყოფ-  
ნეს, სანამ პოლკოვნიკი მოვიდოდა. მან ცოტათი გამომლანძღა და  
მითხრა, დაუყოვნებლივ წახვალ პან ობერ-ლეიტენანტთან, — ესე  
იგი თქვენთან, პანე ობერ-ლეიტენანტ, — და უპატაკებ, რომ დანიშ-  
ნული ხარ მასთან ორდინარეცადო. გარდა ამისა, ბატონმა პოლკოვ-  
ნიკმა მიბრძანა გადმომეცა თქვენთვის, რომ სასწრაფოდ უნდა გა-  
მოცხადდეთ მასთან სამარშო ასეულის საქმეებზე. ამის შემდეგ უკვე  
ნახევარ საათზე მეტი გავიდა. მაგრამ ბატონმა პოლკოვნიკმა ხომ არ



იცოდა, რომ მე კვლავ პოლკის კანცელარიაში წამიყვანდნენ და იქ თხუთმეტ წუთს, თუ მეტს არა, მაყურყუტებდნენ, — იქ იმისთვის ვიყავი, რომ ამ ხნის განმავლობაში ჯამაგირი დამიკავეს, რომელიც ასეულში კი არა, თურმე, პოლკში უნდა მიმეღო, რადგან პოლკის პატიმრად ვითვლებოდი. იქ ყველაფერი ისე აერიათ და აეწეწათ, რომ კაცი ჭკუას დაჰკარგავდი.

როგორც კი პორუჩიკმა ლუკაშმა გაიგონა, რომ ჯერ კიდევ ნახევარი საათის წინ პოლკოვნიკ შრედერთან უნდა ყოფილიყო, სწრაფად დაიწყო ჩაცმა.

— კიდევ ერთხელ ჩამაგდეთ ხომ ხათაბალაში, შვეიკი! — თქვა მან ისეთი უიმედობით აღსავსე ხმით, რომ შვეიკი შეეცადა მეგობრული სიტყვით მის დამშვიდებას და მიაძახა:

— არა უშავს, ბატონი პოლკოვნიკი დაგელოდებათ, მას სულ ერთია საქმე არაფერი აქვს.

პორუჩიკი ლუკაშში ყუმბარანავით მიჰქროდა პოლკოვნიკთან.

პორუჩიკის წასვლის შემდეგ ერთ წუთსაც არ გაუვლია, კანცელარიაში უფროსი გადაძწერი ვანეკი შემოვიდა.

შვეიკი სკამზე იჯდა და პატარა თუნუქის ღუმელში ნახშირს უკეთებდა. ღუმელი ხრჩოლავდა და ცუდ სუნს აყენებდა, შვეიკი უმატებდა და უმატებდა ნახშირს, ამით თავს ირთობდა და არავითარ ყურადღებას არ აქცევდა ვანეკს, რომელიც გაჩერებულიყო და რამ-

დენიმე წუთს უყურებდა მას, მაგრამ ბოლოს ველარ მოითმინა, ფეხი ჰკრა ლუმელის კარებს და მიხურა, შვეიკს კი უყვირა, გაეთრიე აქედანო.

— ბატონო უფროსო გადამწერო, — ღირსეულად წარმოთქვა შვეიკმა, — ნება მიბოძეთ მოგახსენოთ, რომ თქვენი ბრძანება — გაეთრიე აქედან, და საერთოდ ბანაკიდანო, მიუხედავად ჩემი დიდი სურვილისა, არასგზით არ შემიძლია შევასრულო, რადგან ვემორჩილები უმაღლესი ინსტანციის ბრძანებას. მე აქ ორდინარეცად ვარ გამოგზავნილი, — ამაყად დაუმატა შვეიკმა. — ბატონმა პოლკოვნიკმა შრედერმა მომავლინა მეთერთმეტე სამარშო ასეულში ბატონ ობერ-ლეიტენანტთან, რომელთანაც წინათ დენშიკად ვიყავი, მაგრამ ჩემი თანდაყოლილი ინტელიგენტობის წყალობით დამაწინაურეს და ორდინარეცი გავხდი. მე და ბატონი ობერ-ლეიტენანტი ძველი ნაცნობები ვართ. თქვენ რა საქმიანობას ეწეოდით, ბატონო უფროსო გადამწერო, მშვიდობიან დროს?

უფროსი გადამწერი ვანეკი ისე გაბიაბრუებული იყო შვეიკის ფამილარული, ძმაბიჭური მოპყრობით, რომ გადაავიწყდა თავისი სამხედრო ხარისხი, რითაც თავი მოჰქონდა ასეულის ჯარისკაცების წინაშე, და ისე უპასუხა, თითქოს შვეიკის ხელქვეითი ყოფილიყოს.

— აფთიაქის მაღაზია მაქვს კრალუპაში. ჩემი გვარია ვანეკი.

— მეც ვსწავლობდი სააფთიაქო საქმეს, — უპასუხა შვეიკმა, — პრალაში, პეტრშინელ პან კოკოშკასთან. იგი უცნაური ვინმე იყო და, როცა მე შეცდომით ბენზინიან კასრს ცეცხლი წავუკიდე და მთელი სახლი გადავუწვი, მან გამაგდო. საამქროში არასგზით აღარ შემიშვა სამუშაოდ, ასე რომ ამ სულელური ბენზინიანი კასრის გამო სწავლა ველარ დავასრულე. თქვენ ოდესმე გაგიშვადებიათ სამკურნალო ბალახი ძროხებისთვის?

ვანეკმა უარის ნიშნად თავი გააქნია.

— ჩვენ კი ვამზადებდით ძროხებისთვის სამკურნალო ბალახს და ნაკურთხ პატარა ხატებს. ჩვენი პატრონი კოკოშკა დიდად ღვთისმოსავი ადამიანი გახლდათ; მან ერთხელ სადღაც ამოიკითხა, რომ წმიდა პილიგრიმი პირუტყვის მკურნალობდა მუცლის ბერვისაგან. აილოდა, სმიხოვეში შეუკვეთა წმიდა პილიგრიმის ხატების დაბეჭდვა. ეს ხატები შემდეგ ემაუზის მონასტერში წაიღო, სადაც ისინი უკურთხეს ორ ოქროდ, მერე ჩვენ მათ ვაწყობდით ძროხების სამკურნალო ბალახთან ერთად კონვერტში სამკურნალო ბალახს თბილ წყალში ალბობდნენ, ნაწურს ვარცლში ასხამდნენ და დასალევედ აძლევდნენ ძროხებს. ამ დროს პირუტყვს ლოცვას უკითხავდნენ, რომელიც



შეადგინა ნოქარმა ტაუხენმა. საქმე ასე იყო. როცა წმიდა პილიგრიმის ხატები უკვე მზად იყო, მათ უკანა მხარეზე რამე ლოცვა უნდა დაბეჭდილიყო. ჰოდა, ჩვენმა მოხუცმა კოკოშკამ საღამოთი დაუძახა ნოქარ ტაუხენს და უბრძანა, ხვალ დილისთვის ჩვენი ხატებისთვისა და სამკურნალო ბალახისთვის ლოცვა შეადგინეო. ათ საათზე დუქანში რომ მოვალ, ყველაფერი მზად იყოს სტამბაში გასაგზავნად: ძროხები დიდი ხანია ამ ლოცვას ელოდებიანო. ორში ერთი: თუ კარგ ლოცვას შეადგენ — ერთ ჰულდენს მიიღებ უმალ, თუ არადა, ორ კვირაში სამუშაოს გამოეთხოვეო. პან ტაუხენმა თეთრად გაათენა, დალით წავიდა დუქნის გასაღებად, დაწერილი კი ჯერ არაფერი ჰქონდა. კიდევ მეტი: სამკურნალო ბალახების წმიდანის სახელიც გადავიწყებოდა. მდგომარეობიდან გამოიყვანა იგი მსახურმა ფერდინანდმა. ამ კაცს ყველაფერი ემარჯვებოდა. როცა ჩვენ სხვენზე გვირილას ვაშრობდით ჩაისთვის, იგი გაიხდიდა ხოლმე ფეხსაცმელს და შიშველი ფეხებით შესტოპავდა ამ გვირილაში, — ფეხების გაოფლიანების საწინააღმდეგოდ უებარი წამალიაო. იგი მოხერხებულად იჭერდა სხვის მტრედებს სხვენზე; შეეძლო ფულებიანი ყუთის გახსნა და ფულის შოვნის სხვა საშუალებებსაც გვასწავლიდა. მე, ჯერ კიდევ პატარა ბიჭმა, ისეთი კარგი აფთიაქი გავმართე შინ, რომ იმისთანა „უ მილოსერდნიხშიც“ \* არ იყო. — სულ მაღაზიიდან მქონდა

ამოღებული წამლები. პოდა, აი სწორედ ამ ფერდინანდმა იხსნა აჭირვებისგან ნოქარი ტაუხენი. „მიბოძეთ, ერთი დაჯხედო ხატსაო“. ან ტაუხენმა ლუდზე მაფრინა. მოტანაც ვერ მოვასწარი, ფერდიანდს საქმე სანახევროდ უკვე გაკეთებული ჰქონდა, და მან წაგვიოთხა:

ზეციდან ხმები დაირხა,  
ეს ხმა ყველას ესმის:  
კოკოშკასთან იყიდება  
ჯადოსნური ფესვი  
ფესვი ესე უმალ ჰქურნავს  
ძროხასა და ხბოსა,  
იაფია. არ დაჰკარგავთ  
ქვიმისთვის დროსაც.

მერე, როცა ფერდინანდმა ლუდი შესვა და გული იჯერა სპირტ-ე დაყენებული კუქის წვეთებით, საქმე სწრაფად გაიჩარხა და ერთი ხელის მოსმით შესანიშნავად დაასრულა:

თვითონ წმიდა პილიგრიმმა ეს ფესვები მოიგონა,  
უბარი წამალია, გულდენი ღირს თითო კონა.  
ამიტომაც ის შეეპოთ, ზოტბა ვუძღვნათ სულით, გულით:  
„გლეხებისთვის შენ ხარ შეება, ძროხებისთვის — სიხარული,  
შენ ხარ ხალხთა გადამრჩენი,  
დაიცავი. გოგი ჩვენი“.

როცა პან კოკოშკა მოვიდა, პან ტაუხენი შევიდა მასთან კანტონში, იქიდან გამოსვლისას კი ორი ოქრო გვაჩვენა, და არა ერთი, ოგორც დაპირებული ჰქონდა პატრონისგან. ტაუხენმა მოინდომა ქულის შუაზე გაყოფა — ერთ ოქროს თვითონ იტოვებდა, ერთს ფერდინანდს აძლევდა, მაგრამ მსახურმა ფერდინანდმა ორი ოქრო რომ დაინახა, ერთბაშად ფულის სიხარბის ეშმაკი შეუჯდა: „ან ორივე ოქროს მომცემ, ან სულ არაფერი მინდაო“ პან ტაუხენმა აიოდა, თავისთვის დაიტოვა ორივე ოქრო, ფერდინანდი კი მშრალზე ატოვა. მერე მე დამიძახა მალაზიაში, ერთი მაგრად წამითაქა კინრიხოში და მითხრა, ცემით გაგაბრტყელებ, თუ ოდესმე წამოგცდა, რომ ლოცვა ჩემი შეთხზული არაა. და ვინიცობაა ფერდინანდმა ჯამბეზლოს პატრონთან, შენ უნდა თქვა, რომ მსახური ფერდინანდის სტრუობს. იძულებული გაეხდი ფიცი დამედო ესტრაგონიანი მრის ბოთლის წინაშე, რომ ისე მოვიქცეოდი, როგორც ნაბრძანები ჰქონდა. ჩვენი მსახური კი შეუდგა ძროხების სამკურნალო ბალახებზე ჯავრის ამოყრას. ჩვენ ამ ბალახებს სხვეწზე დადგმულ დიდ-დიდ



ყუთებში ვაგროვებდით. ფერდინანდი კი გულმოდგინედ ეძებდა თაგვის ცურცლს, აგროვებდა მას და სამკურნალო ბალახებში ჰყრიდა: აქუნებდა აგრეთვე ცხენის სორსალს, აშრობდა შინ, ავანდასტაში ნაყავდა და იმასაც ძროხის სამკურნალო ბალახებს ურევდა. მაგრა ამითაც არ დაკმაყოფილდა. იგი შარდავდა წმიდა პილიგრიმის ხატე ბიან სამკურნალო ბალახებში, თავის განავალს ჰყრიდა შიგ, და მერე ყველაფერ ამას — ბალახებს, ხატებს, განავალსა და შარდს — ერთმანეთში აურდაურევდა. გამოდიოდა რალაც ქატოს ფაფის მაგვარი..

. გაისმა ტელეფონის ზარი. უფროსმა გადამწერმა მიიღბინა ღზიზღით დააგლო ყურმილი.

— პოლკის კანცელარიაში უნდა წავიდე. ასე უეცრად... ეს რა ღაც არ მომწონს.

შვეიკი კვლავ მარტოკა დარჩა.

ერთი წუთის შემდეგ ისევ დარეკა ტელეფონმა.

შვეიკმა აიღო ყურმილი და გაიმართა ტელეფონით საუბარი.

— ვანეკიო? იგი პოლკის კანცელარიაში წავიდა. ვინ არის ტელეფონთანო?.. მეთერთმეტე სამარშო ასეულის ორდინარეცი. ვიშელაპარაკება ტელეფონით? მეთორმეტე სამარშო ასეულის ორდინარეცი? მიიღეთ ჩემი სალამი, კოლეგა. ჩემი გვარიო?.. შვეიკი გახლავართ. თქვენი? ბრაუნი? ის შენი ნათესავე ხომ არაა, სანაპიროზე



რომ ბრაუნია, კარლინში, მექუდე? არა? ასეთს არ იცნობ?.. მეც არ ვიცნობ. ერთხელ ტრამვით ჩავიარე ამ ქუჩაზე, და მის აბრას მოვკარი თვალი. ახალი რა არისო?.. მე არაფერი ვიცი. როდის მივდივართო? მე ჯერ არავისთან მქონია გამგზავრებაზე ლაპარაკი. კი, მაგრამ, სად უნდა წავიდეთ?

— აი დოჟლაპია! ასეულთან ერთად ფრონტზე, შე შტერო.

— ამის შესახებ ჯერ არაფერი გამიგონია.

— კაი მოუვიდა შენს ცხვირს — კაი ორდინარეცი შენა ხარ! ვინაა შენი ლეიტენანტი?

— ლეიტენანტი კი არა, ობერ-ლეიტენანტი.

— ეგ სულ ერთია. შენი ობერ-ლეიტენანტი პოლკოვნიკთანაა თათბირზე?

— პოლკოვნიკმა გამოუძახა მას.

— აი, ხომ ხედავ, ჩვენიც იქ წავიდა, მეცამეტე ასეულის მეთაურიც წასულია. მე ეს-ესაა იმათ ორდინარეცს ველაპარაკე ტელეფონით. რალაც არ მომწონს ეს აჩქარება! ხომ არ იცი, ორკესტრის ჯარისკაცები ალაგებენ თუ არა საკრავებს?

— მე არაფერი ვიცი.

— თავს ნუ იგდებ! ამბობენ, თქვენმა უფროსმა გადამწერმა უკვე მიიღო ვაგონების მოთხოვნა. ხომ ასეა? რამდენი ჯარისკაცია თქვენთან?

— არ ვიცი.

— ეპ, შე ჩერჩეტო, შენა, რა მოგდის, განა შეგჭამ. (ისმის, ტელეფონში მოლაპარაკე როგორ მიუბრუნდა ვილაცას — იქვე მყოფს... „ფრანტა, აიღე მეორე ყურმილა და შენი ყურით გაიგონებ, რა ბეყე-ირათი ვინმეა მეთერთმეტე სამარშო ასეულის ორდინარეცი“)... ჰალო! დაგეძინა, თუ რა მოგივიდა, ხმას რომ აღარ იღებ? მაშ მიპასუხე, როცა კოლეგა გეკითხები. არაფერი იცი, არა? არ დამიმალე, იცოდე. განა უფროსმა გადამწერმა არ გითხრა, რომ კონსერვებს დაგირიგებენ? შენ ამისთანეებზე მას არ ელაპარაკები? აი ბოთე! ეს შენ არ გეხება? (ისმის სიცილი). რაო... აგური ხომ არ დაგცემია მაგ თავში! ჰოდა ასე, თუ რამე გაიგო, იმწამსვე დამირეკე, შე ლენჩო, შენა, დამირეკე მეთორმეტე სამარშო ასეულში! სადაური ხარ?

— პრალელი.

— ცოტა მეტი ჰკუა გმართებს. ჰო, აი კიდევ რა, როდის წავიდა კანცელარიიდან თქვენი უფროსი გადამწერი?

— ეს-ესაა ახლა დაუძახეს.

— ჰო-ო? მერედა, აქამდე ვერ მითხარი! ჩვენიც ეს-ესაა ახლა წავიდა. იქ რალაც ამბები ხლება. აღალს არ ელაპარაკე?

— არა.

— ღმერთო ჩემო, ეს ვინა ყოფილა! პრალელი მაინც არ იყო, შე საცოდავო. კი, მაგრამ, მთელი დღეობით სად დაყიალებ?

— ერთი საათი იქნება, რაც დივიზიის სასამართლოდან მოვედი.

— ეს სულ სხვა ამბავია, ამხანაგო. მაგრე გეტქვა, შე კაი კაცო! დღესვე შემოვირბენ შენს სანახავად! ჩამოკიდე ყურმილი.

შვეიკმა ჩამოკიდა ყურმილი და ის იყო ჩიბუხი უნდა გაებოლენ-ბინა, ისევ გაისმა ტელეფონის ზარი. „დაგწყველოთ გამჩენმა, თქვენთან ლაქლაქის თავი სადა მაქვს“, — გაიფიქრა შვეიკმა.

მაგრამ ტელეფონი დაჟინებით რეკავდა. ბოლოს შვეიკს მოთმინება დაეკარგა, აიღო ყურმილი და ჩაჰყვირა:

— პალო ვინ არის ტელეფონთანო? მეთერთმეტე სამარშო ასე-ულის ორდინარეცი შვეიკი გახლავართ.

შვეიკმა იცნო პორუჩიკ ლუკაშის ხმა.

— ყველანი დაყრუვდით? სადაა ვანეკი? დაუყოვნებლივ ტელეფონთან მოვიდეს.

— მაქვს პატივი მოგახსენოთ, პანე ობერ-ლეიტენანტ, ტელეფონმა ეს წუთია ახლა დარეკა.

— შვეიკ, მე არ მცალია თქვენთან სალაყბოდ! ტელეფონით ლაპარაკი სამხედრო სამსახურში — ტელეფონით ლაყბობას არ ნიშნავს, თითქოს სადილად მეპატიებოდეთ. ტელეფონით უნდა ილაპარაკოთ გარკვევით და მოკლედ. ტელეფონით არ ლაპარაკობენ: „მაქვს პატივი მოგახსენოთ“, „პანე ობერ-ლეიტენანტ“. მაშ ასე, მე თქვენ გეკითხებით, შვეიკ, მანდაა ვანეკი? დაუყოვნებლივ მოვიდეს ტელეფონთან.

— მაქვს პატივი მოგახსენოთ, პანე ობერ-ლეიტენანტ, ამჟამად იგი ისე ახლო არ არის, რომ ხელში მოგყვეს ადამიანს. ეს-ესაა, ან უფრო სწორედ რომ ვთქვათ, თხუთმეტი წუთი იქნება, ჩვენი კანცელარიიდან პოლკის კანცელარიაში გამოუძახებს.

— დამაცა, მოვალ და, მე შენ გაჩვენებ „ობერ-ლეიტენანტს“. აო შეგიძლიათ, ადამიანო, მოკლედ ილაპარაკოთ? დამიგდეთ ყური, და მერე არა თქვათ, ტელეფონში ცუდად ისმოდა, რალაც ხრიალებდა და ვერაფერი გავიგონეო! დაუყოვნებლივ, როგორც კი ყურმილს დაკიდებთ...

პაუზა.

ისევ ზარი.

შვეიკმა კვლავ აიღო ტელეფონის მილი. იგი ლანძღვა-გინებით აიკლეს.

— პირუტყვო, ხულიგანო, გაიძვერავე რას სჩადიხარ? რად შეწყვიტეთ ლაპარაკი?

— თქვენ აკი მითხარით, ყურმილს დაკიდებო...

— ერთ საათში მოვალ და გაჩენის დღეს გაწყვეტონებ, შე ოხერტილო, შენა! დაუყოვნებლივ გასწით ბარაკში, მოძებნეთ იქ რომელიმე ოცეულის უფროსი, თუნდაც ფუქსი, და უთხარით, რომ ახლავე წაიყვანოს ათიოდე ჯარისკაცი და წავიდეს საწყობში კონსერვების მისაღებად. გაიმეორეთ, რა უნდა გააკეთოს ფუქსმა?

— ათი ჯარისკაცით წავიდეს საწყობში კონსერვების მისაღებად.

— მადლობა. დმერთს, ცოტათი ჰკუთხე მოხვედით! მე ახლა პოლკის კანცელარიაში დაუბრუნებ ვანეკს, რომ ისიც წავიდეს საწყობში კონსერვების მისაღებად. თუ მანამდე ბარაკში დაბრუნდეს, ყველაფერს მიაწვდის თავი და საწყობში გაიქცეს. ახლა დაკიდეთ ყურმილი.

შვეიცი საკმაოდ დიდხანს და გულმოდგინედ ეძებდა ოცეულის უფროს ფუქსს და სხვა უნტერებს. ყველა ისინი ატუზულიყვინენ სანჯარეულოსთან, ძვლებს ღრღნიდნენ და ხორცის ნამცეცებს აცლიდნენ, თან ერთობოდნენ ბოძზე მიბაწრული ბალოუნით, რომელიც მთელი ფეხის გულით იდგა მიწაზე — იგი შეეცოდათ და ცერებზე არ დააყენეს. საინტერესო სანახაობა იყო. ერთ-ერთმა მზარეულმა ბალოუნს ძროხის ნეკნი მოუტანა და პირდაპირ პირში ჩასჩარა. ბოძზე მიკრული დიდწვერა გოლიათი ბალოუნი, რომელსაც საშუალება არ ჰქონდა ხელები მოეხმარა, კბილებისა და ღრძილების დახმარებით ფრთხილად ატრიალებდა პირში ძვალს. იგი ტყის კაცივით ღეჭავდა ხორცს.

— რომელი ხართ აქ ოცეულის მეთაური ფუქსი? — იკითხა შვეიკმა, რომელმაც როგორც იქნა ბოლოს იპოვა უნტერები.

ოცეულის მეთაურმა ფუქსმა არ ჩათვალა საჭიროდ გამომხმარებოდა შვეიკის შეკითხვას, რადგან დაინახა, რომ მას ვიღაც უბრალო ქვეითი ჯარისკაცი კითხულობდა.

— მე მგონია გასაგებად გეკითხებით, — აუწია ხმას შვეიკმა, — კიდევ რამდენჯერ უნდა შეგეკითხოთ? რომელია აქ ოცეულის მეთაური ფუქსი?

ოცეულის მეთაური ფუქსი წამოდგა წინ და საკუთარი ღირსების შეგნებით შეუდგა შვეიკის ჰკუის სწავლებას: მე ოცეულის მეთაური კი არა, ბატონი ოცეულის მეთაური ვარ, გარდა ამისა რა გაღრი-ალებს: „რომელია აქ ოცეულის მეთაური?“ წესიერად უნდა იკითხოთ: „მაქვს პატივი მოგახსენოთ, აქ არის თუ არა ბატონი ოცეუ-

ლის მეთაური?" ჩემს ოცეულში ვისაც დაავიწყდება თქვას: „Ich melde gehorsam“<sup>1</sup>, ერთ მაგარ მუშტს მიიღებს ცხვირში.

— ცოტა ფრთხილად მოსახვევში, თვითონ არ წაამტერიო ცხვირი — დინჯად უპასუხა შვეიკმა. — ახლავე წადით ბარაკში, წაიყვანეთ ათი კაცი და სირბილით გასწით საწყობში კონსერვების მისაღებად.

ოცეულის მეთაურს გაოცებისგან ენა ჩაუვარდა და მხოლოდ ერთი სიტყვის წარმოთქმა მოახერხა.

— რაო?...

— ყოველგვარი „რაოს?“ გარეშე, — უპასუხა შვეიკმა. — მე მეთერთმეტე სამარშო ასეულის ორდინარეცი ვარ და ეს-ესაა საუბარი მქონდა ბატონ ობერ-ლეიტენანტ ლუკაშთან ტელეფონით, მან მითხრა: „ფუქსს გადაეცი ჩემი ბრძანება, სირბილით წავიდეს ათი ჯარისკაცის თანხლებით საწყობში“. თუ თქვენ, ბატონო ოცეულის მეთაურო ფუქს, არ ინებებთ წასვლას, მე ახლავე დავბრუნდები ტელეფონთან. ბატონი ობერ-ლეიტენანტი მოითხოვს ყოველ მიზეზს გარეშე თქვენ წახვიდეთ. ლაპარაკი ზედმეტია! „ტელეფონით ლაპარაკი, — ამბობს პორუჩიკი ლუკაში, — მკაფიო და მოკლე უნდა იყოს. რაკი ნაბრძანებია ოცეულის მეთაური ფუქსი წავიდესო, მაშასადამე უნდა წავიდეს ოცეულის მეთაური ფუქსი! ასეთია ბრძანება — თქვენ ეს ლაყბობა ხომ არა გგონიათ, სადილად დაპატიუებისას რომ გაიმართება ხოლმე. სამხედრო სამსახურში, მეტადრე ომის დროს, ყოველი დაგვიანება — დანაშაულია. „თუ ის ოცეულის მეთაური ფუქსი ვინიცობაა იმწამსვე არ წავიდა, როგორც კი ჩემს ბრძანებას გადასცემთ, უმალ დამირეკეთ და მის სეირს გაჩვენებთ, გაჩენის დღეს ვაწყევლინებო!“ თქვენ, ჩემო ძვირფასო, ჩანს, კარგად არ იცნობთ ბატონ ობერ-ლეიტენანტს!

შვეიკმა გამარჯვებულის სახით გადახედა უნტერ ოფიცრებს, რომლებიც მისი გამოსვლით გაოცებული და მიწასთან გასწორებული იყვნენ.

ოცეულის მეთაურმა ფუქსმა რაღაცა უაზროდ ჩაიბუზღუნა და ჩქარი ნაბიჯით წავიდა. შვეიკმა მიაძახა:

— მაშ, შემიძლია დავურეკო ბატონ ობერ-ლეიტენანტს, რომ ყველაფერი მოგვარებულია?

— დაუყოვნებლივ წავალ საწყობში ათი ჯარისკაცის თანხლებით, — გამოსძახა ოცეულის მეთაურმა ფუქსმა, რომელიც უკვე ბარაკს მიაღდა.

<sup>1</sup> მაქვს პატივი მოგახსენოთ (გერმ.).



შვეიკს აღარაფერი უთქვამს, გაბრუნდა და წავიდა, უნტერ-ოფიცრები კი, არანაკლებ იხტიბარგატეხილნი, ვიდრე ფუქსი, გამოლენჩებული უყურებდნენ მიმავალ ორდინარეცს.

— იწყება! — სთქვა დაბალდაბალმა კაპრალმა ბლაჟეკმა. უნდა მოვემზადოთ.

შვეიკი დაბრუნდა მეთერთმეტე სამარშო ასეულის კანცელარიაში. ჩიბუხის გაბოლება ვერ მოასწრო, რომ ტელეფონის ზარი გაისმა. შვეიკს ისევ პორუჩიკი ლუკაში დაელაპარაკა.

— სად დაეთრევიტ, შვეიკ? მესამედ ვრეკავ უკვე, და კაციშვილი არ მპასუხობს.

— ვეძებდი, პანე ობერ-ლეიტენანტ.


— მერე, იპოვე?

— რასაკვირველია. წავიდნენ, მაგრამ არ ვიცი მივიდნენ თუ არა ხომ არ გავიქცე შესამოწმებლად?

— იპოვეთ ოცეულის მეთაური ფუქსი?

— ვიპოვე, პანე ობერ-ლეიტენანტ. ჯერ მითხრა „რაო?“ და მხოლოდ შემდეგ, როცა ავუხსენი, რომ ტელეფონით ლაპარაკი მკაფიო და მოკლე უნდა იყოს-მეთქი...

— ნუ ლაზღანდარობთ, შვეიკ!.. ვანეკი ჯერ არ დაბრუნებულა?



— არ დაბრუნებულა, პანე ობერ-ლეიტენანტ.

— რა გაღრიალებთ, შვეიკ? ყრუ კი არა ვარ. არ იცით, სად იქნება ის წყეული ვანეკი.

— არ ვიცი, პანე ობერ-ლეიტენანტ, სად იქნება ის წყეული ვანეკი.

— პოლკის კანცელარიაში ყოფილა, მაგრამ მერე სადღაც წასულა. იქნებ კანტინაშია? \* წადით იქ, შვეიკ, და უთხარით, რომ დაუყოვნებლივ საწყობში გაჩნდეს. აი კიდევ რა: სასწრაფოდ იპოვეთ კაპრალი ბლაჟეკი და უთხარით, ახლავე გაათავისუფლოს ბალოუნი და ჩემთან გამოუშვას. დაკიდეთ ყურმილი.

შვეიკი ფიცხლად შეუდგა განკარგულების შესრულებას, იპოვა ბლაჟეკი და გადასცა პორუჩიკის ბრძანება ბალოუნის გათავისუფლების შესახებ. კაპრალმა ბლაჟეკმა ბუზლუნი დაიწყო:

— როცა გაუჭირდებათ, შიშის ქარი აიტანთ ხოლმე!

შვეიკი გაპყვა ბლაჟეკს იმის სანახავად, თუ როგორ მოხსნიან თოკებს გაკოჭილ ბალოუნს; მერე დიდწვერა გოლიათი გააცილა, რადგან კანტინამდე ერთი გზა ჰქონდათ, სადაც შვეიკს უფროსი გადამწერი ვანეკი უნდა ეპოვნა.

ბალოუნი შვეიკს თავის მხსნელად თვლიდა და აღუთქვა, ამერიდან, როგორც კი რამეს მივიღებ შინიდან, შენც გარგუნებო.

— ჩვენთან ახლა შინ მალე ღორს დაკლავენ, — მელანქოლიურად თქვა ბალოუნმა. — შენ ღორის რომელი ძეხვი გიყვარს: სისხლიანი თუ უსისხლო? მითხარი, ნუ მომერიდები, მე დღეს საღამოს წერილს მივწერ შინ. ჩემი ღორი დაახლოებით ას ორმოცდაათი კილოგრამი იქნება. ბულდოგვით თავი აქვს, ასეთი ღორები კი — საუკეთესო ღორებად ითვლებიან. დიდ მოგებას იძლევიან. ასეთი ჯიში, ჩემო ძმავ, არასოდეს ზარალში არ ჩაგვადგებს, რვა თითის დადება ქონი აქვს. შინ მე თვითონ ვაკეთებდი გულ-ღვიძლის ძეხვებს. ისე მადიანად შევექცეოდი ხოლმე დაკეპილ ხორცს, რომ მუცელი გასკდომაზე მქონდა. შარშანდელი ღორი ას სამოცი კილოგრამი იყო. აი ღორი — მესმის! — აღტაცებით წამოიძახა ბალოუნმა და გამოსამშვიდობებლად მაგრად ჩამოართვა ხელი შვეიკს. — სულ კარტოფილით ვკვებავდი და მე თვითონ მიკვირდა, რა სწრაფად სუქდებოდა ის. ერთი ნაჭერი შემწვარი შაშხი ხოხოზიკებით, კარტოფილის კნედლიკითა და კომბოსტოთი.. აბა, მათ ჭამას რა სჯობია, თითებს ჩაატან! ლუდსაც ხომ გემო ემატება და სიამოვნებით დააყოლებ ასეთ საჭმელს... ცხოვრება კი არა, სამოთხეა! მეტი რა უნდა ადამიანს? და ყველაფერი ეს ომმა გამოგვაცალა ხელიდან.

დიდწვერა ბალოუნმა მძიმედ ამოიოხრა და პოლკის კანცელარი-აში წავიდა, შვეიკი კი ძველი ცაცხვის ხეივანით გაუდგა გზას კანტინისკენ.

უფროსი გადამწერი ვანეკი ნეტარი სახით იჯდა კანტინში და ნაცნობ შტაბის გადამწერს უხსნიდა, რამდენი ფულის მოგება შეიძლებოდა ომის წინ მინანქრის და დულაბის საღებავებზე. შტაბის გადამწერი გაღეშილი იყო. დღისით პარდუბიცედან ერთი მდიდარი მემამულე ჩამოსულიყო, რომლის ვაჟი ბანაკში იყო; ამ მემამულეს კარგი ქრთამი მიუცია გადამწერისთვის და დიდიდან მოკიდებული სადილობამდე აქეიფა კიდეც, თურმე, ქალაქში.

ახლა შტაბის გადამწერი სასოწარკვეთილებაში იყო ჩავარდნილი — მადა დამეკარგაო, არაფერი ესმოდა, რაზე იყო ლაპარაკი, მინანქრის საღებავების ტრაქტატს ყურადღებასაც არ აქცევდა.

იგი თავის ფიქრებში იყო ჭართული და ცხვირში ბუბუნებდა, რომ რკინიგზის შტო ტრშებონიდან პილიგრიმში უნდა მიდიოდეს, შემდეგ კი უკან მოდიოდესო.

როცა შვეიკი შევიდა, ვანეკი კიდეც ერთხელ შეეცადა ციფრებით განემარტა შტაბის გადამწერისთვის, თუ რამდენ ფულს შოულობდნენ სამშენებლო საღებავის ერთ კილოგრამზე, რაზედაც შტაბის გადამწერმა სრულებით უადგილოდ უპასუხა:

— უკან როცა ბრუნდებოდა, იგი მოკვდა, დარჩა მხოლოდ წერილები.

შვეიცი რომ დაინახა, უთუოდ, მასში ისეთი ადამიანი შეიქნო, რომელიც არ უყვარდა, და ჩააცივდა, აი შე მუცელმოგვო, შენაო.

შვეიცი ვანექთან მივიდა, რომელიც აგრეთვე ნასვამი იყო, მაგრამ ტბილად და ალერსიანად იღიმებოდა.

— ბატონო უფროსო გადამწერო, — უპატაკა შვეიკმა, — დაუყოვნებლივ საწყობში წადით, იქ თქვენ უკვე გელოდებთ ოცეულის მეთაური ფუქსი ათი ქვეითი ჯარისკაცით, და მიიღეთ კონსერვები. აბა ფიცხლად, სირბილით იარს! ბატონმა ობერ-ლეიტენანტმა უკვე ორჯერ დარეკა.

ვანექმა გაიციინა!

— ჩემო ბიჭუნა, მე იდიოტი ხომ არ გგონივარ? ასე რომ მოვიქცე, ჩემო ანგელოზო, საკუთარი თავი გამიხდება გასალანძლავი დრო ყველაფერზე გვეყოფა. ხომ არ გვაწვიმს და არ გვათოვს, რა გვეჩქარება, ჩემო კარგო! ჯერ ჩემდენი სამარშო ასეული გაისტუმროს ფრონტზე ობერ-ლეიტენანტმა ლუკაშმა და მერე მელაპარაკოს, მაშინ, ფიქრობ, აღარავის შეუჩნდება თავისი „სირბილით იარს!“ პოლკის კანცელარიაში მე უკვე მივიღე ბრძანება, რომ ხვალ მივდივართ, მოემზადეთ და დაუყოვნებლივ წადით სამგზავრო სურსათ-სანოვავის მისაღებად. და შენ როგორ გგონია, ეს ბრძანება შევასრულე? მე სრულიად დამშვიდებულად შემოვიარე აქ ორიოდე ჭიქა ღვინის გადასაკრავად. მე აქ საესებით წყნარად ვგრძნობ თავს, და დაე, ყველაფერმა თავისი გზით იაროს. კონსერვები კონსერვებად დარჩება, მათი გაცემა კიდევ — გაცემად. საწყობს მე უკეთ ვიცნობ, ვიღრე ბატონი ობერ-ლეიტენანტი, და საკმაოდ კარგად ვერკვევი იმაში, რასაც ბატონ პოლკოვნიკის მიერ გამართულ ბატონ ოფიცერთა შეკრებულობის თათბირებზე ლაპარაკობენ. ბატონ პოლკოვნიკს მხოლოდ ელანდება, თითქოს საწყობში კონსერვები მოიპოვება. ჩვენი პოლკის საწყობს არასოდეს კონსერვების მარაგი არ ჰქონია; კონსერვებს ჩვენ მხოლოდ შემთხვევით თუ ვიშოვიდით ხოლმე ბრიგადაში, ან მეზობელ პოლკებიდან თუ ვისესხებდით. მართო ერთი ბენეშევის პოლკისა სამასზე მეტი ქილა კონსერვი გემართებს. ჰე, ჰე! დაე, თავის თათბირებზე ილაპარაკონ, რაც ენაზე მოადგებათ. რა გვეჩქარება? სულ ერთია, როცა საწყობში მივალთ, კაპტენარმუსი გვეტყვის, ხომ არ გაგიყებულხართო. არც ერთ სამარშო ასეულს სამგზავროდ არც ერთი ქილა კონსერვი არ მიუღია. ხომ ასეა, შე ძველო, შენა? — მიუბრუნდა იგი შტაბის გადამწერს.



იგი ამ დროს ალბათ, თელემდა, ანდა ცოტაოდნავ ხურვებამ აიტანა, და ასე უპასუხა:

— ქალი მიდიოდა გაშლილი ქოლგით.

— ყველაზე უკეთესია, — განაგრძო უფროსმა გადამწერმა ვანეკმა, — ყველაფერ ამაზე ხელი ჩაეიქნით. თუ დღეს პოლკის კანცელარიაში თქვეს, რომ ხვალ დავიძვრებითო. ამას პატარა ბავშვიც კი არ დაიჯერებს. განა შეგვიძლია სადმე წავიდეთ, როცა ვაგონები არსად ჩანს? მე იქ ვიყავი, როცა სადგურს ურეკავდნენ. არც ერთი თავისუფალი ვაგონი არ არის. ყველაფერი ზუსტად ისე გამოდის, როგორც ეს იყო უკანასკნელად სამარშო ასეულის გამგზავრების დროს. მაშინ ჩვენ მთელი ორი დღეღამე ვისხედით სადგურზე და ველოდით, იქნებ ვინმემ მოწყალების თვალით გადმოგვხედოს და მატარებელი გამოგვიგზავნოს-თქო. კიდევ უარესი, არც კი ვიცოდით, სად უნდა წავსულიყავით. პოლკოვნიკმაც არაფერი იცოდა. მთელი უნგრეთი გავიარეთ, და მაინც არავინ იცოდა — სერბიაში წავიდოდით თუ რუსეთში. ყოველ სადგურზე პირდაპირი მავთულით უკავშირდებოდნენ დივიზიის შტაბს. ჩვენ უბრალოდ დაკონკილი ტანსაცმლის საკერებელს წარმოვადგენდით, ბოლოს, როგორც იქნა სადღაც დიუკლისთან რომელიღაც ჯარის ნაწილს მიგვაკერეს. იქ მუსრი გაგვაელეს, და უკან გამოვბრუნდით ნაწილის ხელახლა ჩამოსაყალიბებლად. მთავარია, არ ვიჩქაროთ! დროთა განმავლობაში ყველაფერი გაიკრევევა, მანამდე კი ნუ ვიჩქარებთ. „Iewohl noch amoll!“ ღვიწო აქ შესანიშნავი აქეთ, — განაგრძობდა ვანეკი და ყურს არ უგდებდა, რას ბუტბუტებდა თავისთვის შტაბის გადამწერი.

— *Glauben Sie mir, ich habe bisher wenig von meinem Leben gehabt! Ich wundere mich über diese Frage.*<sup>3</sup>

— ტყუილუბრალოდ რად გვალეღვებს ის გარემოება, რომ სამარშო ბატალიონი გასამგზავრებლად უკვე ემზადება. სამარშო ასეული, რომელშიც მე ვიყავი, გამგზავრებამდე მხოლოდ ორი საათით ადრე შეუდგა მზადებას, და მაინც ყველაფერი მოვასწარით. მაშინდელი ჩვენი სამარშო ბატალიონის სხვა ასეულები მზადებას მთელი ორი დღით ადრე შეუდგნენ, ჩვენმა ასეულის მეთაურმა პრშენოსალმა კი (დიდი ფრანტი ვინმე იყო) პირდაპირ გვეთხრა: „ბიჭებო, ნუ იჩქარებთ!“ — და საქმე ბრწყინვალედ მიდიოდა. მატარებლის

1 ასეა ეს, და არა სხვანაირად (გერმ.).

2 მერწმუნეთ, ცხოვრებაში ჯერ კარგი არაფერი მინახავს! ძალიან შაკვირვებს ეს საკითხი (გერმ.).

გასვლას მხოლოდ ორი საათი აკლდა, მზადებას რომ შეეუღლებით. უკეთესი იქნება — დაჯექი და დამეწვიე...

— არ შემიძლია, — გმირული თავგანწირვით უბასუხა ყოჩაღმა ჯარისკაცმა შვეიკმა. — კანცელარიაში უნდა წავიდე. ერთსაც ვნახოთ, ვინმემ დარეკოს?

— თუ მაგრეა, წადით, ჩემო მარგალიტო. ოღონდ ერთხელ და სამუდამოდ გახსოვდეთ, რომ თქვენ სრულებით არ შეგღერით ამდენი ფუსფუსი — ნამდვილი ორდინარეცი არასოდეს იქ არ უნდა იყვეს, სადაც იგი საჭიროა. ნურასოდეს ასე ნუ გამოიდებთ თავს დაკისრებულ მოვალეობათა შესრულებაში. მერწმუნეთ, საყვარელო, მოფუსფუსე ორდინარეცზე ცუდი არაფერია ამქვეყნად, რომელიც ყველასათვის და ყველას მაგიერ ყველაფერს აკეთებს და ცოდვილობს.

მაგრამ შვეიკი უკვე კარებში იყო გასული და თავისი სამარშო ასეულის კანცელარიისკენ მიეშურებოდა.

ვანეკი მარტოკა დარჩა — არ შეიძლებოდა გვეთქვა, რომ შტაბის გადამწერი ამფსონობას გაუწევდა. ამ უკანასკნელს ამქვეყნისა აღარაფერი გაეგებოდა, ღვინიან ბოთლს მიშტერებოდა და თავისთვის საოცარ რაღაცეებს ბუტბუტებდა უთავბოლოდ — ხან ჩეხურად, ხან გერმანულად.

— რამდენჯერ გამივლია ამ სოფელზე, მაგრამ წარმოდგენა არ მქონდა, თუ ის ქვეყნად არსებობდა. *Ja einem halben Jahre habe ich meine Staatsprüfung hinter mir und meinem Doktor gemacht*<sup>1</sup>. უკვე დავბერდი და ხეიბარი გავხდი. მადლობას მოგახსენებთ, ლიუსი. *Erscheinen sie in schön ausgestatteten Bänden*,<sup>2</sup> — იქნებ თქვენს შორის არის ვინმე, ვისაც ეს ახსოვს?

უფროსი გადამწერი ვანეკი მოწყენილობისგან თითებს არაკუნებდა მაგიდაზე და რაღაც მარში გამოჰყავდა, მაგრამ იგი დიდხანს არ დარჩენილა ამ მდგომარეობაში: გაიღო კარი, შემოვიდა ოფიცერთა სამზარეულოს მზარქული იურაიდა და სკამზე მოადინა ზღართანი.

— დღეს გვიბრძანეს, — აღუღლულდა იგი, — სამგზავროდ კონიაკი მიიღეთო. მაგრამ ჩვენს ბოცაში დარჩენილი იყო კიდევ რომა, და იძულებული გავხდით გამოგვეცალა ის. ძალიან კი ვაგვიპირდა.

<sup>1</sup> ნახეარ წელიწადში სახელმწიფო გამოცდებს ჩავაბარებ და დოქტორის ხარისხს მივიღებ (გერმ.).

<sup>2</sup> თუ კარგ ყდებში იქნება ჩასმული (გერმ.).

სამზარეულოს მთელი მომსახურე პერსონალი უგრძობლად დათვრა. მე სადილის ულუფების რაოდენობა ამერია და რამდენიმე დამაკლდა. პოლკოვნიკს დაავიანდა და სადილად აღარაფერი ერგო, ამიტომ მას ახლა ვრბოკვერცხს უმზადებენ. აი, კომედია თუ გნებავთ, ეს არის!

— თავშესაქცევი ავანტიურაა, — შენიშნა ვანემა, რომელსაც ძალიან უყვარდა ლამაზი სიტყვების ჩართვა საუბარში, როდესაც ღვინოს შეექცეოდა.

მზარეული იურაიდა ფილოსოფოსობას მოჰყვა, რაც მის ყოფილ პროფესიას შეესაბამებოდა. ომის წინ იგი რელიგიურ ჟურნალს და წიგნების მთელ სერიას უშვებდა სახელწოდებით: „სიცოცხლისა და სიკვდილის საიდუმლოებანი“. როცა სამხედრო სამსახურში გაიწვიეს, იმდენი მოახერხა, რომ პოლკის ოფიცერთა სამზარეულოში ამოჰყო თავი, და ზოგჯერ, როცა ძველინდური სუტრების — პრაგნა პარამიტას („სიბრძნის გამოცხადებანის“) კითხვა გაიტაცებდა, ხორცი დაეხრაკებოდა ხოლმე. პოლკოვნიკი შრედერი აფასებდა მას, როგორც პოლკის ღირსშესანიშნაობას. მართლაცდა, აბა, რომელ ოფიცერთა სამზარეულოს შეეძლო თავი მოეწონებინა მისტიკოს მზარეულით, რომელსაც უნარი ჰქონდა განეჭვრიტა სიკვდილ-სიცოცხლის საიდუმლოებანი და ამავე ღროს ისეთ სუკის მწვადებს ან ბულამას დაამზადებდა ხოლმე, რომ გაოცებაში მოყავდა ყველანი; კომაროვასთან ს-სიკვდილოდ დაჭრილი ლეიტენანტი დუფეკი იურაიდას მეტს არც ერთ მზარეულს არ იკარებდა.

— დიახ, — წარმოთქვა სრულიად უმიზეზოდ იურაიდამ, რომელიც ძლივს იკავებდა თავს სკამზე: ათ ნაბიჯზე მისგან რომის სუნი სცემდა, — როცა დღეს ბატონ პოლკოვნიკის წილად აღარაფერი დარჩა, და როცა დაინახა, რომ მარტო მოხრაკულ კარტოფილზე უნდა გადაეარა, „გაკში“ ჩავარდა. იცით, რა არის „გაკი“? ეს მშვიერი სულების მდგომარეობა გახლავთ. და აი მაშინ ვუთხარი: „შეგწევთ თუ არა ძალა, ბატონო პოლკოვნიკო, გაუშკლავდეთ ბედისწერას, სახელდობრ, იმ მდგომარეობას, რომ სადილად წილად არა გხვდათ ხბოს თირკმელები? კარმაში \* წინასწარ განსაზღვრულია, რომ თქვენ, ბატონო პოლკოვნიკო, დღეს ვახშმად სამაგიეროდ მიიღებთ ღვთიურ ტაფამწვარს დაკეპილი ჩაბუღული ხბოს თირკმელებით“.

— ძვირფასო მეგობარო, — მიმართა მან ხმადაბლა ცოტა ხნის შემდეგ უფროს გადამწერს და უნებურად აქნეული ხელით მაგიდიდან ძირს გადმოყარა ტიქები, — არსებობს ყველა მოვლენათა, ფორმათა და საგანთა არარსობა, — პირქუშად წარმოთქვა მისტიკოსმა მზარეულმა, როცა ტიქებს ასე შეუბრალებლად გაუსწორდა. — ფორმა

არის არარსობა, არარსობა კი არის ფორმა. არარსობა განუყოფელია ფორმისგან, ფორმა განუყოფელია არარსობისგან. ის, რაც არარსობას წარმოადგენს, არის ფორმა, ის, რაც არის ფორმა, არის არარსობა. — მისტიკოსი მზარეული დადუმდა, ხელზე თავით დაეყრდნო და ცქერა დაუწყო სველ, სასმელეებით მოლუმპულ მაგიდას.

შტაბის გადამწერი ისევ რალაცას ბუბუნებდა, რასაც არც თავი უჩანდა და არც ბოლო:

— პური გაჰქრა მინდვრებიდან, გაჰქრა — in dieser Stimmung erhielt er Einladung und ging zu ihr<sup>1</sup>; სამების დღესასწაული გაზაფხულზეა.

უფროსი გადამწერი ვანეკი ისევ თითებს არაკუნებდა მაგიდაზე, სვამდა და დრო და დრო ახსენდებოდა, რომ სასურსათო საწყობთან მას ოცეულის მეთაური და ათი ჯარისკაცი ელოდებოდა. ამ გახსენებაზე იგი გაიღიმებდა და ხელს ჩაიქნევდა ხოლმე.

მეთერთმეტე სამარშო ასეულის კანცელარიაში ვანეკი გვიან დაბრუნდა. შვეიკი ტელეფონთან იჯდა.

— ფორმა არის არარსობა, არარსობა კი არის ფორმა, — ძლივძლივობით წაილულლულა მან, ტანგაუხდელად საწოლზე გაიშხლართა და ერთბაშად ძილს მიეცა.

შვეიკი ტელეფონთან იჯდა და ერთი წუთითაც არ მოშორებია, რადგან ორი საათის წინ პორუჩიკმა ლუკაშმა ტელეფონით უთხრა, მე ისევ ბატონ პოლკოვნიკთან ვარ თათბირზეო, მაგრამ დაავიწყდა აქვე ეთქვა, რომ შვეიკს შეუძლია ტელეფონთან არ იჯდეს გამუდმებით.

მერე შვეიკს ტელეფონით ელაპარაკა ოცეულის მეთაური ფუქსი, ჩემი ათი ჯარისკაცით ველოდე, ველოდე უფროს გადამწერს, ბოლოს იმედი გადამიწყდა და მხოლოდ მაშინ შევეამჩნიე, რომ საწყობი დაკეტილი იყო.

ბოლოს, ფუქსი სადღაც წავიდა, და ათი ჯარისკაციც ერთიმეორის შემდეგ ბარაკში დაბრუნდნენ.

დროგამოშვებით შვეიკი იმით ირთობდა თავს, რომ ჩამოიღებდა ყურშილს და ლაპარაკს უსმენდა. ტელეფონი უახლესი სისტემის იყო, ამ ცოტა ხნის წინათ შემოიღეს ჯარში, და ის უპირატესობა ჰქონდა, რომ ამ აპარატით შეგეძლოთ სრულიად გარკვევით მოგესმინათ სხვების ლაპარაკი მთელ ხაზზე.

ალალი და არტილერისტების ყაზარმა ერთმანეთს ლანძღავდნენ

<sup>1</sup> ასეთ გუნებაზე რომ იყო, მან მოწვევა მიიღო და ამ ქალთან წავიდა.

და აგინებდნენ, მესანგრეები სამხედრო ფოსტას ემუქრებოდნენ, პოლიგონი აგინებდა მეტყვიამფრქვევეთა რაზმს.

შეიქი კი იჯდა და იჯდა ტელეფონთან ფეხმოუცვლელად. თათბირი პოლკოვნიკთან გრძელდებოდა.

პოლკოვნიკი შრედერი ანვითარებდა საველე სამსახურის უახლეს თეორიას და განსაკუთრებით ხაზგასმით აღნიშნავდა ხელყუმბარების მტყორცნელთა მნიშვნელობას.

იგი ღობე-ყორეს ედებოდა, ლაპარაკობდა ფრონტის განლაგების შესახებ, ამ ორი თვის წინათ სამხრეთით და აღმოსავლეთით რომ ჰქონდათ, ლაქლაქებდა ცალკეულ ნაწილებს შორის მკიდრო კავშირის მნიშვნელობის შესახებ, ბევრი ილაპარაკა მახრჩობელა აირისა და მტრის თვითმფრინავების წინააღმდეგ ბრძოლის შესახებ, იმის შესახებ, თუ ფრონტზე ჯარისკაცები როგორ უნდა იყვნენ მომარაგებულნი და შემდეგ გადავიდა შინაგან ურთიერთობაზე ჯარის ნაწილებში.

ლაპარაკი გააბა ოფიცრების დამოკიდებულებაზე ჯარისკაცებთან, ჯარისკაცების ურთიერთობაზე უნტერ-ოფიცრებთან, მტრის ბანაკში გადასულთა შესახებ, პოლიტიკურ ამბებზე და ბოლოს მეტად ვრცლად ილაპარაკა იმის შესახებ, რომ ჩეხ ჯარისკაცთა ორმოცდაათი პროცენტი politisch verdächtig<sup>1</sup>.

— Jawohl, meine Herren, der Kramarsch, Scheiner und Klofatsch<sup>2</sup>...\*

ოფიცერთა უმრავლესობა ამ დროს გულში ფიქრობდა, ბოლოს, და ბოლოს როდის გაათავებს ეს ბებერი ყბედი ამ თავის აბდაუბდასო, მაგრამ პოლკოვნიკი შრედერი განაგრძობდა რომშვას ახალი სამარშო ბატალიონების ახალი ამოცანების შესახებ, ბრძოლაში დაღუპულ პოლკის ოფიცერთა შესახებ, ცეპელინებზე, მავთულხლართებზე, ფიცის დაღებაზე...

ამ დროს პორუჩიკ ლუკაშს გაახსენდა, რომ, როცა მთელი სამარშო ბატალიონი ფიცსა სდებდა, ყოჩად ჯარისკაცს შევიკს ფიცი არ დაუდევს, რადგან იმ ხანებში დივიზიის სასამართლოში ირჩეოდა მისი საქმე.

გაახსენდა ეს და, ანაზღად გაეცინა.

მისი სიცილი ისტერიკულ სიცილსა გავდა, სიცილი მის გვერდით მსხდომ რამდენიმე ოფიცერსაც გადაედო,—მათაც გაეცინათ. ოფიც-

<sup>1</sup> პოლიტიკურად არაკეთილსამელონი არიან (გერმ.).

<sup>2</sup> ღიახ, ბატონებო, რაც ვინდათ ისა თქვით, კრამარჩი, შეინერო და კლოფაჩი... (გერმ.).

რების სიცილმა პოლკოვნიკ შრედერის ყურადღება მიიქცია, პოლკოვნიკი ამ დროს ლაპარაკობდა იმ გამოცდილების შესახებ, რომელიც გერმანიის ჯარებმა შეიძინეს არდენებში უკან დახევის დროს. მან ყველაფერი ერთმანეთში აურიო და ასე დაამთავრა:

— ბატონებო, აქ სასაცილო არაფერია.

მერე ყველანი ოფიცერთა საკრებულოში წავიდნენ, რადგან პოლკოვნიკ შრედერს ტელეფონთან გამოუძახა ბრიგადის შტაბმა.

შვეიკი ტელეფონთან თვლემდა, როცა იგი უეცრად ზარმა გამოაფხიზლა.

— ჰალო — გაისმა ტელეფონში. — ტელეფონთან არის Regimentskan lei.

— ჰალო — უპასუხა შვეიკმა, — აქ მეთერთმეტე სამარშო ასეულის კანცელარიაა.

— ნუ გვაყოვნებ, — გაისმა ხმა, — აიღე ფანქარი და დასწერე. მიიღე ტელეფონოგრამა:

— მეთერთმეტე სამარშო ასეულს...

მერე გაისმა ერთიმეორის მიყოლებით რაღაც უცნაური ფრაზები, რადგან ერთდროულად ლაპარაკობდნენ მეთორმეტე და მეცამეტე სამარშო ასეულები, და ტელეფონოგრამა მთლად ჩაიძირა ბგერათა ამ ქაოსში. შვეიკმა ვერც ერთი სიტყვა ვერ გააჩნია. ბოლოს, ყველაფერი დაწყნარდა და შვეიკმა გაიგონა:

— ჰალო ჰალო გაიმეორე, ნუ აყოვნებ!

— რა გავიმეორე?

— არ იცი, რა უნდა გაიმეორო, შე ლენჩო? ტელეფონოგრამა!

— რომელი ტელეფონოგრამა?

— წყეული იყოს შენი თავი და ტანის ყრუ ხომ არა ხარ? გაიმეორე ტელეფონოგრამა, რომელიც გიკარნახე, შე ყეყეჩო!

— შე ვერაფერი გავარჩიე. აქ კიდევ ვიღაც ლაპარაკობდა.

— შე რეგვენო, შენა რას ფიქრობ, შენთან სალაზღანდაროდ მცალია? ბოლოს და ბოლოს მიიღებ ტელეფონოგრამას თუ არა? ფანქარი და ქაღალდი გაქვს? რაო? არა გაქვს? პირუტყვო მე შენ გელოდო, სანამ ქაღალდსა და ფანქარს იპოვიდე? აი, ამას ჰქვია ჯარისკაცების მამ... როგორაა საქმე? იქნებ ჯერ კიდევ არა ხარ მზად? მადლობა ღმერთს, როგორც იქნა გონს მოხვედლი მამ მისმინე:

— 11. Marschkumpanie<sup>1</sup>. გაიმეორე!

— 11. Marschkumpanie.

<sup>1</sup> მეთერთმეტე სამარშო ასეულს (გერმ.).

- Kumpaniekommandant...<sup>1</sup> არის?.. გაიმეორე!
- Kumpaniekommandant.
- Zur Besprechung morgen...<sup>2</sup> მზადაა? გაიმეორე!
- Zur Besprechung morgen.
- Um neun Uhr. Unterschrift<sup>3</sup>. გესმის... რას მიშნავს Unterschrift, შე მაიმუნო? ეს — ხელის მოწერაა გაიმეორე!
- Um neun Uhr. Unterschrift<sup>3</sup>. გესმის... რას ნიშნავს Unterschrift, შე მაიმუნო, ეს — ხელის მოწერაა.
- გამოთავყვანებულო ხელის მოწერაა: Oberst Schröder<sup>4</sup>, პირუტყვო! არის? გაიმეორე!
- Oberst Schröder, პირუტყვო...
- როგორც იქნა, ლენჩო ვინ მიიღო ტელეფონოგრამა?
- მე.
- Himmelherrgott! ვინ „მე“?
- შვეიკმა, კიდევ რა?
- მადლობა ღმერთს, მეტი არაფერი, შენი გვარი „ვირუკა“ უნდა იყოს. ახალი რა არის თქვენთან?
- არაფერი. ყველაფერი ძველებურადაა.
- შენ, ალბათ, ეს ძალიან მოგწონს! დღეს თქვენთან, ამბობენ, ვიღაც თოკით მიაკრეს ბოძზე!
- ბატონ ობერ-ლეიტენანტის დენშჩიკი მიაკრეს: სადილი შეუჭამა. ხომ არ იცი, როდის მივდივართ!
- დიახ, ჩემო ძმაო, ეს დიდი საკითხია!.. თვითონ იმ მოხუცმა არ იცის, როდის დავიძვრებით. ღამე ნებისა რწყილები თუ გყავთ ბლომად?
- შვეიკმა ჩამოკიდა ყურმილი და უფროს გადამწერ ვანეკს მიადგა გასაღვიძებლად. ვანეკი გაშმაგებით იგინებოდა, და როცა შვეიკმა ნჯღრევა დაუწყო, ცხვირში მუშტი ჩაართყა. მერე პირდაღმა დაწვა და ტლინკები დააყარა.
- შვეიკმა მაინც მოახერხა მისი გაღვიძება. ვანეკმა თვალეზი ამოიფშვინტა, მიაბრუნა სახე შვეიკისკენ და შიშით ჰკითხა:
- რა მოხდა?

<sup>1</sup> ასეულის მეთაურს (გერმ.).

<sup>2</sup> ხვალ დილით თათბირზე... (გერმ.).

<sup>3</sup> ცხრა საათზე, ხელის მოწერა (გერმ.).

<sup>4</sup> პოლკოვნიკი შრედერი (გერმ.).

— განსაკუთრებული არაფერი, — უპასუხა შვეიკმა, — მინდოდა თქვენთვის რჩევა მეკითხა. ეს-ესაა ტელეფონოგრაფა მივიღეთ, რომ ბატონი ობერ-ლეიტენანტი ლუკაში ხვალ დილით ცხრა საათზე პოლკოვნიკთან უნდა გამოცხადდეს თათბირზე. არ ვიცი, როგორ მოვიქცე. წავიდე ახლავე და გადავცე ეს ცნობა დაუყოვნებლივ, თუ ხვალ დილაძღე თავი შევიკაეო. მე დიდხანს ვიფიქრე: გამელვძიებინეთ თუ არა თქვენ, — ისე გემრიელად ხვრინავდით... მერე გადავწყვიტე: რაც არ უნდა იყოს, ორი ჰკუა უკეთესია, ვიდრე ერთი-მეთქი...

— ღვთის გულისათვის, გემუდარებით, ძილს ნუ მიფრთხობთ, — დაიკენესა ვანეკმა და თან ერთი მაგრად დაამთქნარა, — მიაკითხეთ ბატონ პორუჩიკს დილით, მე კი მომასვენეთ!

შვეიკი ისევ ტელეფონთან დაჯდა, მაგიდაზე ჩაქინდრა თავი და ჩათვლიდა. იგი ტელეფონის ზარმა გააღვიძა.

— ჰალო! მეთერთმეტე სამარშო ასეულია? — გაისმა ტელეფონში.

— დიახ, მეთერთმეტე სამარშო ასეულია. ვინ მელაპარაკება?

— მეცამეტე სამარშო ასეული. ჰალო რომელი საათია? ვერას-გზით ვერ დავუჟავშირდი სატელეფონო სადგურს. ჩემი შემცვლელი რატომღაც იგვიანებს.

— ჩენი საათი არ მუშაობს.

— ჩენიც არ მუშაობს. ხომ არ იცი, როდის დავიძვრებით? პოლკის კანცელარიას არ ელაპარაკე?


— ასავალ-დასავალი იქაც აბნეული აქვთ... ცოტა ზრდილობიანად ელაპარაკეთ, ქალიშვილო.. თქვენ უკვე მიიღეთ კონსერვები? ჩვენები იყვნენ საწყობში და არაფერი წამოუღიათ. დაკეტილი აღმოჩნდა.

— ჩვენებიც ხელცარიელი დაბრუნდნენ. ტყუილუბრალოდ პანიკას ასტეხენ ხოლმე. შენის აზრით, საითკენ გვიკარავენ თავს?

— რუსეთში.

— მე კი ვფიქრობ, სერბიაში. ამას ჩვენ გავიგებთ, როცა ბუდაპეშტში ჩავალთ. თუ მარჯვნივ წავიყვანეს — მაშასადამე, სერბიაში გვაგზავნიან, თუ მარცხნივ — რუსეთში. უკვე გაქვთ ზურგჩანთები? ამბობენ, ხელფასს მოგვიმატებენო. კარტს თუ თამაშობ? — თამაშობ, მაშინ შემოირბინე ჩვენთან ხვალ. ყოველ საღამოს გახურებული თამაში გვაქვს. რამდენი კაცი მორიგეობთ ტელეფონთან? ერთი? მიაფურთხე ყველაფერს და წადი, დაიძინე. უცნაური წესები გქონიათ თქვენ მანდა შენ, ალბათ, ქათამივით პირდაპირ საწებელში მოხვდი... როგორც იქნა, ჩემი ცვლაც მოვიდა. ძილი ნებისა!





შვეიკმა მართლაც ტყბილად დაიძინა სკამზე. — მას ყურმილის ჩამოკიდება დაავიწყდა, ასე რომ მის ძილს ველარაფერი შეაშფოთებდა. პოლკის კანცელარიის ტელეფონისტი კი მთელი ღამე ივინებოდა: მოვეკვდი ამდენი რეკვიით და ვერასგზით ვერ დავეუკავშირდი მეთერთმეტე სამარშო ასეულს, ახალი ტელეფონოგრაფა რომ გადამეცაო — ხვალ ღღის თორმეტ საათამდე წარმოდგენილი უნდა იქნას პოლკის კანცელარიაში იმ ჯარისკაცთა სია, რომელთაც ტიფის საწინააღმდეგო არა აქვთ აცრილი.

პორუჩიკი ლუკაში ჯერ ისევ ოფიცერთა საკრებულოში იჯდა სამხედრო ექიმ შანცლერთან ერთად, რომელიც სკამზე უკუღმა გადამჯდარიყო, ბილიარდის ჭოკით გამოზომილად უქაყუნებდა იატაკზე და ამბობდა:

— „სარაციონის სულთანმა სალახ-ედინმა პირველმა აღიარა სანიტარული პერსონალის ნეიტრალიტეტი.

დახმარება უნდა გაეწიოს დაჭრილებს დამოუკიდებლად იმისა, რა ბანაკს ეკუთვნიან ისინი.

ყოველი მხარე ვალდებულია აანაზღაუროს მეორე მხარის ხარჯები, გაწეული წამალსა და მკურნალობაზე.

ნებადართული უნდა იყოს ექიმების და ფერწლების გენერლების

მოწმობებით გაგზავნა მტრის დაჭრილთათვის დახმარების აღმოსაჩინად.

ზუსტად ასევე ტყვედ ჩავარდნილი დაჭრილები გენერლების მფარველობითა და თავდების ქვეშ უნდა გადაიგზავნონ უკან ანდა გადაცვილი იქნან. მერე შეუძლიათ განაგრძონ სამსახური მწყობრში.

დაუშვებელია ავადმყოფების ტყვედ წაყვანა ან მოკვლა, ისინი გადაგზავნილ უნდა იქნან ჰოსპიტლებში, უშიშარ ადგილებში.

ნებადართულია, მათთან იმყოფებოდეს ყარაული, — ავადმყოფი და ყარაულიც უნდა დაბრუნდნენ გენერლის მოწმობებით. ყველაფერი ეს ვრცელდება ფრონტის მღვდელმსახურებზე, ექიმებზე, ქირურგებზე, ფერშლებზე, სანიტრებზე და სხვა პირებზეც, რომლებიც სამსახურს უწევენ ავადმყოფებს. თვითეთლი მათგანი ხელუხლებელია, მათი ტყვედ წაყვანა აკრძალულია, და იმავე წესით უნდა გადაიგზავნონ უკან“.

ექიმმა შანცლერმა უკვე ორი ჰოკი დაამტვრია და ჯერ კიდევ ვერ დამთავრა თავისი უცნაური ლექცია დაჭრილთა დაცვის შესახებ ომში, — ამ თავის ლექციას წამდაუწუმ ურთავდა რალაც გაუგებარ გენერლის მოწმობებს.

პორუჩიკმა ლუკაშმა ბოლომდე შესვა თავისი შავი ყავა და შინ წავიდა. სადაც მას წვერიანი გოლიათი ბალოუნი დახვდა, რომელიც მის სპირტქურაზე პატარა ქვაბში ძეხვს წვავდა.

— მე გავკადნიერდი, — ენის ბორძიკით წამოიწყო ბალოუნმა, — ნება მივეცი ჩემს თავს, მაქვს პატივი მოგახსენოთ...

ლუკაშმა ცნობისმოყვარეობით შეხედა თავის დენშიკს. ამ დროს ბალოუნი მას დიდ ბავშვად მოეჩვენა, გულუბრყვილო ქმნილებად და გულში ინანა, რომ ბოძზე მიბაწვრით დასაჯა იგი მისი უსაზღვრო გაუმადრობისთვის.

— შეწვი, შეწვი შენი ძეხვი, ბალოუნ, — უთხრა მან და ხმალი შემოიხსნა, — ხვალიდან განკარგულებას გავცემ პურის ზედმეტი ულუფა გამოგიწერონ.

პორუჩიკი მაგიდას მიუჯდა. უცბად გული აუჩუყდა და გადაწყვიტა ბიცოლაჩემს წერილს მივწერ ფრონტზე წასვლის წინ, ვინ იცის, ცოცხალი იქნებ აღარც დავბრუნდეთ.

„ჩემო ძვირფასო ბიცოლა!

ეს-ესაა ბრძანება მივიღე მოვემზადო ჩემი მეთერთმეტე სამარშო ასეულით ფრონტზე გასამგზავრებლად. შეიძლება, ეს წერილი უკანასკნელი იყოს ჩემგან შენდამი მოწერილი. ყველგან სასტიკი ბრძოლები მიმდინარეობს, და ჩვენებს დიდი ზარალი აქვთ. მე ძალი-

ან მიჰირს ამ წერილის დამთავრება სიტყვით „ნახვამდის“ უფრო სწორი იქნება დავწერო „მშვიდობით!“

„ხეალ დილით დავამთავრებ“, — გაიფიქრა პორუჩიკმა ლუკაშმა, ადგა, ტანთ გაიხადა და დაიძინა.

ბალოუნმა, დაინახა თუ არა, რომ პორუჩიკ ლუკაშს მაგრად ჩაეძინა, ისევე დაიწყო ბინაში სუნსული და ძებნა, როგორც ოთახის ჭია დასუნსულებს ხოლმე ღამით, გახსნა პორუჩიკის ხელის ჩემოდანი და შოკოლადი მოკვნიტა. პორუჩიკი ძილში გაინძრა და ბალოუნე შეშის ქარმა აიტანა, სწრაფად ჩაღო ჩემოდანში მოკვნიტილი შოკოლადი და გაისულრა.

მერე ფეხაკრეფით მიუახლოვდა მაგიდას და გვერდულად ჩაიხედა წერილში, პორუჩიკმა, ნეტავი, რა დასწერაო.

წაიკითხა და გული აუჩვილდა, განსაკუთრებით იმოქმედა სიტყვა: „მშვიდობით“.

იგი დაწვა თავის ჩალის ლეიბზე კარებთან, მოაგონდა მშობლიური სახლი და ის დღეები, როცა ღორებს ყელს ლაღრავდა და ძეხვებს საკუთარი ხელით აკეთებდა.

ბალოუნს სულ თვალწინ ედგა, თუ როგორ ჩხვლეტს იგი ძეხვს, რომ იქიდან ჰაერი გამოდენოს და მოხარშვის დროს არ გასკდეს.

იგი მოუსვენრად გრძნობდა თავს ძილში. როცა მოაგონდა, ერთხელ მეზობლებს როგორ გაუსკდათ და ჩაეხარშათ მთელი ძეხვი, დაესიზმრა, რომ მან უცოდინარი მეძეხვე მოიხზო, რომელსაც სრულეებით არ ემარჯვებოდა გულ-ღვიძლის ძეხვის დატენვა, და ხელში უსკდებოდა. მერე, თითქოს ყასაბს დააეიწყა სისხლოვანი ძეხვის დამზადება, დაიკარგა მუქუქი და გულ-ღვიძლის ძეხვებისთვის ბიკონი დააკლდა. მერე საველე სასამართლო დაესიზმრა, თითქოს მას ქურდობაზე წაასწრეს, როცა სალაშქრო სამზარეულოდან ხორცის ნაჭერს იპარავდა. ბოლოს, თავისი თავი დაინახა, თითქოს ლეიტენს ბრუკას სამხედრო ბანაჟის ხეივანში ცაცხვზე იყო ჩამომხრჩვალი.

შვეიკმა სისხამ დილით გაიღვიძა, მზესთან ერთად ადგა, რომელმაც თავისი ცხოველმყოფელი სხივები სტუორცნა არემარეს. ყავის საამო სურნელება უხვად იფრქვეოდა ასეულების ყველა სამზარეულოდან. მაშინაღუარად ჩამოკიდა ყურმილი, თითქოს ეს-ესაა ახლა დამთავრა ტელეფონით ლაპარაკიო, და კანცელარიაში დილის მოციონი გააკეთა. თან მღეროდა. დაიწყო პირდაპირ შუა სიმღერიდან იმის შესახებ, ჯარისკაცმა როგორ გადაიცვა გოგოს კაბა და წავიდა თავის სატრფოსთან წისქვილში, მეწისქვილე კი თავის ქალიშვილთან აწვევს ღამის გასათევად, მაგრამ დაწოლამდე უმასპინძლებდა უცხო გოგოს და თავის ცოლს გასძახებს:

დედაბერო, ჩქარა ფაფა,  
უმასპინძლე სტუმარს სწრაფად!

მეწისქვილის ცოლი თავხედ ყმაწვილს გულუხვად უმასპინძლდება, მერე კი იწყება ოჯახის ტრაგედია.

მეწისქვილე ადგა დილით,  
ნახა კარზე წაწერილი:  
„წუხელს აქეთ თქვენს ასულსო  
ნულარ უწოდებთ ქალწულსო.“

შვეიკმა ისეთი მაღალი ხმით იმღერა უკანასკნელი კუბლეტი, რომ მთელი კანცელარია ფეხზე დააყენა: უფროსმა გადამწერმა ვანეკმა გაიღვიძა და იკითხა:

— რომელი საათია?

— ეს-ესაა-დილის ბუკი იყო.

— ყავის შემდეგ ავდგები, — გადაწყვიტა ვანეკმა, სიჩქარით იგი არასოდეს თავს არ იტკივებდა ხოლმე, ისევე არ მომეშვებიან და ტყუილებრალოდ აღმა-დაღმა მარბენინებენ, როგორც ამ კონსერვებზე იყო.

ვანეკმა დაამთქნარა და იკითხა:

— ზედმეტი ხომ არათფერი წამომცდენია, როცა აქ დავბრუნდი?

— რაღაც-რაღაცეები შეუფერებელი კი თქვით, — უპასუხა შვეიკმა. — თქვენთვის სულ რაღაც ფორმებზე მსჯელობდით: ფორმაო, — ამბობდით, — არ არის ფორმა, ის კი, რაც ფორმა არ არის, არის ფორმა, და ის ფორმა ისევე არ არის ფორმაო. მაგრამ ასეთმა მსჯელობამ მალე დაგქანცათ და მალე ხვრინვა ამოუშვით, თითქოს ხეში უზარმაზარი ხერხი გადიგამოდიოდა.

შვეიკი გაჩუმდა, მივიდა კარებამდე, მერე ისევ შემოტრიალდა უფროსი გადამწერის საწოლისკენ, გაჩერდა და დაიწყო:

— რაც შემეხება პირადად მე, ბატონო უფროსო გადამწერო, მაქვს პატივი მოგახსენოთ, რომ როცა თქვენი მსჯელობა გავიგონე ფორმებზე, მომაგონდა მეფარნე ზატკე. იგი ლეტნას გაზის სადგურზე მუშაობდა, და მის მოვალეობას შეადგენდა ფარნების ანთება და ჩაქრობა. იგი განათლებული ადამიანი იყო, დადიოდა ლეტნას სხვადასხვა ღამის სამიკიტნოებში: ფარნების ანთებიდან მათ ჩაქრობამდე ხომ აუარებელი დრო ჰქონდა. მერე, დილით, გაზის სადგურზე იგი ზუსტად ისეთივე საუბარს გააბამდა ხოლმე, როგორიც თქვენ გამართეთ გუშინ, ოღონდ იგი ასე ლაპარაკობდა: „ეს კამათლებია, რადგან მათზე თრამებია“. მე ეს საკუთარი ყურით მოვისმინე, როცა ერთმა მთვრალმა პოლიციელმა ქუჩაში სისუფთავის დარღვევის გამო ნაცვლად საპოლიციო კომისარიატისა შეცდომით გაზის სადგურ-

ზე წამათრია. მერე, — ჩუმად წარმოთქვა შევიკმა, — ამ ზატკას ცუდად წაუვიდა საქმე. იგი ჩაეწერა წმიდა მარიაშის კონგრეგაციაში, ციურ თხებთან \* ერთად დადიოდა პატერ ემელკას ქადაგებაზე წმიდა იგნატის ეკლესიაში კარლოვის მოედანზე, და როცა ამ წმიდა იგნატის ეკლესიაში მისიონერები ჩამოვიდნენ, დაავიწყდა თავის რაიონში ფარნების ჩაქრობა, ასე რომ იქ განუწყვეტლივ სამი დღე და სამი ღამე ერთო გაზი ქუჩებში. მთელი უბედურებაა, — განაგრძო შევიკმა, — როცა ადამიანი უეტრად ფილოსოფოსობას დაიწყებს, — ამას ყოველთვის მოჰყვება მოუთქიკრებელი საქციელი. რამდენიმე წლის წინათ ჩვენთან გადმოიყვანეს სამოცდამეთერთმეტე პოლკიდან მაიორი ბლიუგერი. იგი ყოველთვის თვეში ერთხელ შეგვეკრებოდა, კარეში ჩაგვაყენებდა და დაგვიწყებდა ფილოსოფოსობას: „რას წარმოადგენს ოფიცრის წოდება?“ ბლიუგერი, სხვათა შორის, გარდა სლივოვიცისი, არაფერს სვამდა. „საღდათებო, — ამბობდა იგი, — თვით თეული ოფიცერი, თავისთავად ყველაზე სრულქმნილი არსებაა, რომელიც ასჯერ უფრო ჰქვიანია, ვიდრე თქვენ ყველანი ერთად აღებულნი. ოფიცერზე უფრო სრულქმნილ არსებას, საღდათებო, თქვენ ვერც წარმოიდგენთ, მთელი თქვენი სიცოცხლე რომ იფიქროთ ამაზე. ყოველი ოფიცერი აუცილებლობას წარმოადგენს, თქვენ კი, საღდათებო, მხოლოდ შემთხვევითი ელემენტი ხართ. თქვენი არსებობა დასაშვებია, მაგრამ სავალდებულო სრულებითაც არაა. საქმე ომამდე რომ მივიდეს და ყველანი თქვენ ჩვენი ხელმწიფე-იმპერატორისთვის სიცოცხლეს გამოესალმოთ, შესანიშნავი რამ იქნება. მაგრამ ამით განა ბევრი რამ შეიცვლება? თქვენზე ადრე რომ ოფიცერი დაიღუპოს, მაშინ კი მიხედებით, რამდენად ხართ მასზე დამოკიდებული და რა დიდი დანაკლისია თქვენთვის მისი დაღუპვა. ოფიცერი უნდა არსებობდეს, თქვენი არსებობა კი დამოკიდებულია ბატონ ოფიცერზე, მას უნდა უმადლოდეთ, რომ თქვენ არსებობთ, თქვენ მისით გიდგაათ სული, ოფიცრის გარეშე ხელს ვერ გაანძრევთ, თქვენი უფროსის გარეშე გასაქანი არა გაქვთ, მუცლის ქარსაც კი ვერ გაუშვებთ უიმისოდ. ოფიცერი თქვენთვის, საღდათებო, ზნეობის კანონია — სულ ერთია, გესმით თუ არ გესმით ეს თქვენ, — და ვინაიდან ყოველ კანონს თავისი კანონმდებელი უნდა ყავდეს, ამიტომ თქვენთვის, საღდათებო, ასეთი არის მხოლოდ ოფიცერი, რომელსაც თქვენ უმადლით და უნდა უმადლოდეთ კიდევ — ყველაფერს, და ყოველ მის ბრძანებას უკლებლივ უნდა ასრულებდეთ, მიუხედავად იმისა, მოგწონთ თუ არ მოგწონთ თქვენ ეს ბრძანება“. ერთხელ კი როცა მაიორმა ბლიუგერმა დაასრულა თავისი სიტყვა, კარეს ჩამოუარა და ჯარისკაცებს სათითაოდ შეეკითხა:

— რას გრძნობ მაშინ, როცა ზედმეტს გადაყლურწავ?

ჯარისკაცები რალაცნაირად არეულად პასუხობდნენ: ერთმა უპასუხა, — აქამდე არასოდეს არ მივსულვარო, მეორემ თქვა, — როცა ზედმეტი მომივა, გული ამერევაო, მესამემ, — იმწამსვე მივხვდები, რომ შევებულება ხელიდან გამომეცალაო და ა. შ. ყველა ისინი მაიორ ბლიუგერის ბრძანებით გვერდზე გაიყვანეს — ნასადილევს ერთი კარგად გაავარჯიშეთ თავისუფალ გიმნასტიკაში, რადგან არ შეუძლიათ ენით გამოთქვან თავისი გრძნობებიო. როცა პასუხის გასაცემად ჩემმა ჯერმა მოაწია, უეცრად მომიგონდა, თუ რაზე გვესაუბრებოდა მაიორი უკანასკნელად და, როცა მომიახლოვდა, მე სრულიად მშვიდად ვუპასუხე: „მაქვს პატივი მოგახსენოთ, პანე მაიორ, როცა ზედმეტს გადავკრავ, ყოველთვის რალაც მოუსვენრობას ვგრძნობ გულ-მუცელში, თან შიშსაც და სინდისის ქენჯნას. როცა კი დაუგვიანებლად ვბრუნდები ყაზარმაში შევებულებიდან, ნეტარებას განვიციდი და შინაგან კმაყოფილებას ვგრძნობ“. ირგვლივ ყველამ გადაიხარხარა, მაიორმა ბლიუგერმა კი დამიღრიალა: „შენ მხოლოდ იმას გრძნობ, ბალნინჯოები როგორ დალოდავენ შენს ტანზე, როცა გძინავს, შე ყეყეჩო, შენა, და ნეტარებას მაშინ განიციდი, როცა ისინი სისხლს გწუწნიან, შე ძალღიშვილო. არ უყურებთ ამ მამაძალს, მასხრობაც რომ წამომიწყო აქ!“ და ისეთი შპანგლე მომარტო — თქვენი მოწონებული.

— სამხედრო სამსახურში სხვანაირად არ შეიძლება, — თქვა უფროსმა გამამწერმა ვანეკმა, და ზანტად გააზმორა საწოლზე, — ეს ძველთაგანვე ასე მოდის: როგორც არ უნდა უპასუხო, რაც არ უნდა გააკეთო — შენს თავზე სულ მუდამ შავი ღრუბლებია გადმოწოლილი და ყოველ წუთს უნდა მოელოდე ჰეჰა-ჰეხილს. უამისოდ დისციპლინა არ არსებობს.

— სწორადაა ნათქვამი, — განაცხადა შვეიკმა. — არასოდეს არ დამაფიქვდებია, როგორ ჩასვეს ახალწვეული პეხი. ჩვენი ასეულის მეთაური იყო ლეიტენანტი მოცი. აი, მოუყარა მან თავი ახალწვეულებს და დაუწყო გამოკითხვა: ვინ — საიდანა ხართო? „უპირველეს ყოვლისა, თქვე წვინტლიანებო, — მიმართა მათ, — თქვენ უნდა შეეჩვიოთ მოკლედ და მკაფიოდ პასუხის გაცემას, თითქოს სახრემ გაიტყლაშუნაო. მაშ ასე, დავიწყოთ. საიდან ხართ თქვენ, პეხ“. პეხი ინტელიგენტი ახალგაზრდა გახლდათ და ასე უპასუხა: „ნიჟნი ბოუსოვი, Unter Bauzen, ორას სამოცდა შვიდი კომლი, ათას ცხრაას ოცდათექვსმეტი ჩეხი მცხოვრები, იჩინის ოკრუგი, სობოტკას თემი, კოსტის ყოფილი მამული, წმიდა ეკატერინეს სამრევლო ეკლესია, აგებული მეთოთხმეტე საუკუნეში და რესტავრირებული



გრაფ ვაცლავ ვრატისლავ ნეტოლიცკის მიერ, სკოლა, ფოსტა, ტელე-  
გრაფი, ჩინური საბარგო ხაზის სადგური, შაქრის ქარხანა, წისქვი-  
ლი, სახერხი ქარხანა, ხუტორი ვალხა, ექვსი ბაზრობა წელიწადში...

ლეიტენანტი მოცი მიიქრა პეხთან და სახეში ჩააფარა; თან ეუბ-  
ნებოდა: აი შენ პირველი ბაზრობა, აი შენ მეორე, მესამე, მეოთხე,  
მეხუთე და ესეც მეექვსე...“ პეხმა კი, თუმცა უბრალო ახალწვეული  
იყო, მოითხოვა ბატალიონის პატაკზე დამიშვითო. კანცელარიაში  
მაშინ თავზებელადებული ბიჭები ისხდნენ. აიღეს და, დაუწერეს  
პეხს, რომ იგი იგზავნება ბატალიონის პატაკზე იმ ბაზრობათა გამო,  
რომლებიც ყოველწლიურად ნიჟნი ბოუსოვაში იმართება. ბატალი-  
ონის მეთაური მაშინ მაიორი როგელი იყო. „რაშია საქმე?“ — შეე-  
კითხა იგი პეხს, მან კი, არც აცივა, არც აცხელა, მიახალა: „მაქვს პა-  
ტივი მოგახსენოთ, ბატონო მაიორო, ნიჟნი ბოუსოვაში წელიწადში  
ექვსი ბაზრობა იმართება“. მაიორი როგელი წამოხტა, უყვირა პეხს,  
ფეხები დაუბრაახუნა და ბრძანა, დაუყოვნებლივ სამხედრო ჰოსპი-  
ტალში გაგზავნეთ გიყების განყოფილებაშიო. ამ დღიდან მოყოლე-  
ბული პეხი ისე დაასაწყულეს და გამოალაყეს, რომ იმ ბედშავს ადა-  
მიანის სახე მთლად დაეკარგა.

— დიახ, სალდათის აღზრდა იოლი საქმე არ გახლავთ, — თქვა  
უფროსმა გადამწერმა ვანეკმა მთქნარებით. — სალდათი, რომელიც  
სამხედრო სამსახურის დროს, არც ერთხელ არ ყოფილა დასჯილი,  
სალდათი არაა. შეიძლება მშვიდობიანობის დროს ასე იყო, რომ  
სალდათი, რომელმაც მთელი სამხედრო სამსახური დაუსჯელად მო-  
იხადა, კარგ და სასურველ სასიძოდ ითვლებოდა. ახლა კი ყველაფე-  
რი პირიქითაა: ყველაზე უვარგისმა სალდათებმა, რომლებიც მშვი-  
დობიანობის დროს სასჯელს სასჯელზე იხდიდნენ, ომიანობის დროს  
საუკეთესო მეომრებად გამოიჩინეს თავი. მახსოვს ერთი რიგითი სალ-  
დათი მერვე სამარშო ასეულიდან — სალვანუსი. დღე არ გავიდოდა,  
რომ იგი ღრ დაესაჯათ რაიმე დანაშაულისთვის! ყველაფერს კად-  
რულობდა: ამხანაგს უკანასკნელ კრეიცერს მოპარავდა, და სინდი-  
სი არ შეაწუხებდა. მაგრამ როცა ბრძოლაში მოხვდა, პირველმა გა-  
დაპრა მავთულხლართი, სამი კაცი ტყვედ წამოიყვანა და ერთს გზა-  
შივე მოუსწრაფა სიცოცხლე ტყვიით — საიმედო არ იყოო. მან დიდი  
ვერცხლის მედალი მიიღო ჯილდოდ, ორი ვარსკვლავი დააკერეს  
სამხრეთულებზე და, შემდეგში რომ არ ჩამოეხრჩოთ დუქელის უღელ-  
ტეხილთან, ახლა უკვე ოცეულის მეთაური იქნებოდა. მისი ჩამოხრ-  
ჩობა კი აუცილებელი იყო. ერთხელ, იმ ბრძოლის შემდეგ, მან თავი  
გამოიღო, დასაზვერად გამიშვითო. გაუშვეს, მაგრამ მეორე პოლ-  
კის პატრულმა მას წაასწრო, როცა იგი ჯიბეებში ხელებს უფათუ-



რებდა ბრძოლის ველზე დახოცილ მებრძოლებს. უპოვეს რვა ცალი საათი და აუარებელი ბეჭედი. ჩამოახრჩვეს ბრიგადის შტაბთან.

— აქედან ჩანს, — შენიშნა შვეიკმა, — ღრმავაზროვნად, რომ თვითეულმა ჯარისკაცმა თვითონ უნდა გამოჰქედოს თავისი ბედი.

გაისმა ტელეფონის ზარი. ვანეკი მივიდა ტელეფონთან. შეიძლებოდა პორუჩიკ ლუკაშის ხმის გარჩევა, რომელიც ეკითხებოდა, კონსერვების რა ჰქენითო. მერე მოესმა გაცეცხლებული პორუჩიკი როგორ ლანძღავდა ვანეკს.

— არ არის, პანე ობერ-ლეიტენანტ, ერთი ქილაც არ არის, და მე რა ვქნა, — ჩასძახოდა ტელეფონში ვანეკი. — აბა, საიდან უნდა იყოს, ეს მხოლოდ საინტენდანტოს ფანტაზიაა. სულ ტყუილ-უბრალოდ გაიგზავნა იქ ხალხი. მინდოდა თქვენთვის დამერეკა. მე კანტინაში ვიყავი? ვინ გითხრათ? ოფიცერთა სამზარეულოს მისტიკოსმა მზარეულმა? მართალია, მე ნება მივეცი ჩემს თავს იქ შევსულიყავი. იცით, პანე ობერ-ლეიტენანტ, რა უწოდა მისტიკოსმა მზარეულმა კონსერვების ირგვლივ შექმნილ მთელ ამ პანიკას? „არშობილის შიშის ზარი“. არა, პანე ობერ-ლეიტენანტ, გეფიცებით ყველაფერს, საცხებით ფხიზელი ვარ. შვეიკი რას აკეთებსო? იგი აქაა. მიბრძანებთ, მოგგვართო ტელეფონთან? შვეიკი, ტელეფონთან — დაუყვირა ვანეკმა შვეიკს, მერე ჩურჩულით დააყოლა: — „თუ გკითხოს, რანაირ ყოფაში დავბრუნდი, უთხარით — სრულ წესრიგში იყო-თქო“.

შვეიკი ტელეფონთან მივიდა:

— მაქვს პატივი მოგახსენოთ, პანე ობერ-ლეიტენანტ, ტელეფონთან შვეიკი გისმენთ.

— გამიგონეთ, შვეიკ, როგორაა კონსერვების საქმე? ყველაფერი რიგზეა?

— კონსერვები არ არის, პანე ობერ-ლეიტენანტ. მათი ხსენებაც არაა.

— მე მინდა, შვეიკ, სანამ ჩვენ ბანაკში ვართ, დილდილობით ჩემთან გამოცხადდეთ და მიპატაკოთ. როცა აქედან წავალთ, სულ ჩემთან იქნებით. რას აკეთებდით ღამით?

— მთელი ღამე ტელეფონთან ვიჯექი.

— ახალი თუ იყო რამე?

— იყო, პანე ობერ-ლეიტენანტ.

— შვეიკ, ნუ ოინბაზობთ. გადმოსცეს რამე მნიშვნელოვანი, სასწრაფო?

— დიან, პანე ობერ-ლეიტენანტ, ოღონდ ცხრა საათისთვის.

— მერედა, იმწამსვე რად არ მომახსენეთ?

— არ მინდოდა თქვენი შეწუხება, პანე ობერ-ლეიტენანტ, ამის გულში გავლუბაც კი ვერ გავებდე.

— მაშ, მითხარით ბარემ, — დაგწყევლოთ ეშმაკმა! — რა უნდა მოხდეს ცხრა საათზე?!

— ტელეფონოგრაფა, პანე ობერ-ლეიტენანტ.

— არ მესმის, რას ამბობთ.

— მე ყველაფერი ჩაწერილი მაქვს, პანე ობერ-ლეიტენანტ. აი, ასეა: მიიღეთ ტელეფონოგრაფა. ვინ არის ტელეფონთან?.. არის? წაიკითხე... და ამდაგვარი სხვა რაღაცეები.

— ეშმაკმა წაიღოს თქვენი თავი და ტანი, შეეიკ!.. გადმომცით ტელეფონოგრაფის შინაარსი, თორემ ისე გაგასილაქებთ, რომ... აბა, სწრაფად!

ისევ რაღაც თათბირია პოლკოვნიკთან, პანე ობერ-ლეიტენანტ, დღეს დილის ცხრა საათზე. დავაპირე თქვენი გაღვიძება, მაგრამ მერე გადავიფიქრე.

— აბა ერთი გაგებდათ ჩემი გაღვიძება ამ სისულელისთვის და მაშინ გაჩვენებდით სეირს. ამისთვის დილითაც საკმაოდ და დრო. *Wieder eine besprechung der Teufel soll das alles buserieren!*<sup>1</sup> ოხმეთ ტელეფონთან ვანეკი...

— უფროსი გადაწვერი ვანეკი გისმენთ ტელეფონთან. *Rechnungsfeldwebl Vanek, Herr ober leutnant.*<sup>2</sup>

— ვანეკ, დაუყოვნებლივ მომიძებნეთ სხვა დენშჩიკი, იმ გაიძვე-რა ბალოუნმა ღამით მთელი შოკოლადი შემიჭამა. ბოძზე მივაკრათო? არა, სანიტრად გადავიყვანოთ. მხარბეჭიანია ეგ ოჯახქორი, — დაე, ათრიოს დაქრილები ბრძოლის ველიდან. მას ახლავე გამოგიგზავნით. მოაწესრიგეთ მთელი ეს საქმე პოლკის კანცელარიაში გადაუდებლად და უმალ დაბრუნდით ასეულში. თქვენის აზრით, მალე დავიძვრებით?

— რა გვაჩქარებს, პანე ობერ-ლეიტენანტ. როცა მეცხრე სამარ-შო ასეულთან ერთად მივდიოდით, მთელი ოთხი დღე გვაწვალეს. მერვე სამარშო ასეულსაც ასე დაემართა. მხოლოდ მეათეს საქმე წარიმართა ცოტა უკეთ. ჩვენ სრულ საბრძოლო მზადყოფნაში ვიყავით, თორმეტ საათზე ბრძანება მივიღეთ, საღამოთი კი უკვე გზას ვადე-ქით, სამაგიეროდ შემდეგ მთელ უნგრეთში გვაწანწალეს და არ იცო-დნენ, სად ჩავეჩხირეთ, რომელ ფრონტზე ეკრათ ჩვენთვის თავი.

მას შემდეგ, რაც პორუჩიკი ლუკაში მეთერთმეტე სამარშო ასეულ-

<sup>1</sup> ისევ თათბირი, დალახეროს ეშმაკმა (გერმ.).

<sup>2</sup> უფროსი გადაწვერი ფელდფეხელი ვანეკი, ბატონო ობერ-ლეიტენანტ (გერმ.).

ლის მეთაური გახდა, იგი იმ მდგომარეობაში ჩაეარდა, რომელსაც სინკრეტისმი ეწოდება — იმ ფილოსოფიური სისტემის სახელის მიხედვით, რომელიც ცდილობდა მოპირდაპირე ცნებათა შერიგებას კომპრომისის გზით, რაც ერთიმეორის საწინააღმდეგო შეხედულებათა აღრევამდე მიდიოდა.

ამიტომ უპასუხა:

— ჰო, შეიძლება, ეს ასედაცაა. თქვენი აზრით, ჩვენ დღეს არ დავიძვრებით? ცხრა საათზე თათბირია პოლკოვნიკთან. ჰო, მართლა, თქვენ ხომ იცით, რომ მორიგე ხართ? მე ამას ისე გეუბნებით. შემოდგინეთ ერთი... მოიციათ, გაეხსენო, რა უნდა შემოდგინოთ! ჰო, შემოდგინეთ უნტერ-ოფიცრების სია იმის ჩვენებით, თვითეული მათგანი რა დროიდან მსახურობს... მერე, სურსათ-სანოვაგის ნუსხა ასეულისთვის. ეროვნებაო? დიახ, დიახ, ეროვნებაც... და რაც მთავარია, ახალი დენშჩიკი გამომიგზავნეთ. პრაპორშჩიკმა პლეშნერმა დღეს თავის რაზმთან რა უნდა აკეთოსო? მოემზადოს სამგზავროდ. ანგარიშებიო?.. მოვალ ნასადილევს და მოვაწერ ხელს. ქალაქში არავინ გაუშვათ. კანტინაში და ბანაკშიო? ნასადილევს ერთი საათით შეიძლება... დამიძახეთ შვეიკს... შვეიკ, თქვენ ჯერჯერობით დარჩებით ტელეფონთან.

— მაქვს პატივი მოგახსენოთ, პანე ობერ-ლეიტენანტ, მე ჯერ არ დამიღვია ყავა.

— მერედა, რაღას უყურებთ, მოიტანეთ ყავა და დარჩით კანცელარიაში ტელეფონთან, სანამ არ დაგიძახებთ. იცით, რას წარმოადგენს ორდინარეცი?

— ორდინარეცი არის ის, ვისაც ათასწირ საქმეზე არბენინებენ, პანე ობერ-ლეიტენანტ.

— მაშ, ადგილზე იყავით, როცა დაგირეკავთ. მოაგონეთ კიდევ ერთხელ ვანეკს, რომ დენშჩიკი გამომიძებნოს. შვეიკ! ჰალო! სადა ხართ?

— აქა ვარ, პანე ობერ-ლეიტენანტ, ეს-ესაა ყავა შემომიტანეს.

— შვეიკ! ჰალო!

— გისმენთ, პანე ობერ-ლეიტენანტ. ყავა მთლად ცივია.

— შვეიკ, თქვენ კარგად იცით, რა არის დენშჩიკი, გამოელაპარაკეთ მას და მერე მითხარით, რას წარმოადგენს იგი, გამოდგება თუ არა დენშჩიკად. დაკიდეთ ყურმილი.

ვანეკმა შავ ყავაში ჩაისხა რომი ბოთლიდან, რომელსაც ჰქონდა წარწერა „Tinte“<sup>1</sup>. (ეს წარწერა სიფრთხილის გამო იყო გაკეთებული), მოხვრიბა ერთი-ორჯერ, შეხედა შვეიკს და უთხრა:

<sup>1</sup> შელანი (გერმ.).



— ჩვენი ობერ-ლეიტენანტი ისე ყვირის ტელეფონში, რომ თვითული მისი სიტყვა მესმოდა. თქვენ, შვეიც, ჩანს, ძალიან ახლო ხართ ბატონ ობერ-ლეიტენანტთან.

— მე მისი მარჯვენა ხელი ვარ. ხელი ხელს ბანს. რა მახეში არ გაგმბულვართ, რა შარს არ გადაკვიდებივართ და რამდენჯერ მოინდომეს ჩვენი დაშორება, ჩვენ კი ისევ ვპოულობდით ერთმანეთს. იგი მე ყველაფერში მენდობა. ასეთი ნდობა მეც ძალიან მაკვირვებს. აი, ხომ თქვენი ყურით გესმოდათ, ამ წუთში რა მითხრა, — კიდევ ერთხელ მოაგონეთ უფროს გადაწყვერ ვანეკს ახალი დენშჩიკი მომინახოსო, მე კი ეს დენშჩიკი უნდა შევამოწმო და ჩემი შეხედულება მოვახსენო. ბატონ ობერ-ლეიტენანტს ყველა დენშჩიკი როდი გამოადგება.

პოლკოვნიკმა შრედერმა თათბირზე სამარშო ბატალიონის ყველა ოფიცერს გამოუძახა. იგი მოუთმენლად ელოდა ამ თათბირს, რომ კიდევ ერთხელ მისცემოდა საშუალება გული ეჯერებინა ლაპარაკით. გარდა ამისა, საჭირო იყო რაიმე გადაწყვეტილების მიღება ნებით-განწესებულ მარეკის საქმეზე, რომელმაც უარი განაცხადა საპირფა-

რეშოების გასუფთავებაზე და როგორც მეამბოხე გადაგზავნილ იქნა პოლკოვნიკ შრედერის მიერ დივიზიის სასამართლოში.

დივიზიის სასამართლოს პატიმართა განყოფილებიდან იგი მხოლოდ გუშინ იყო გადაყვანილი ნაობახტში. ერთდროულად პოლკის კანცელარიაში გადმოგზავნილ იქნა დივიზიის სასამართლოს აბდაუბდა მოწერილობა, რომელშიც ნათქვამი იყო, რომ ამ შემთხვევაში საქმე ამბოხებას არ ეხება, რადგან ნებითგანწყესებულნი ვალდებულნი არ არიან საპირფარეშოები ასუფთაონ, მაგრამ მიუხედავად ამისა, ამაში მაინც მკლავნდება დისციპლინის დარღვევა, და ეს დასავგომბი საქციელი შეიძლება გამოსყიდულ იქნას სამაგალითო სამსახურით ფრონტზე. ამის გამო ბრალდებული ნებითგანწყესებული მარეკი იგზავნება კვლავ თავის პოლკში, გამოძიება კი დისციპლინის დარღვევის შესახებ ომის დამთავრებამდე შეჩერდება და კვლავ აღიძვრება მხოლოდ იმ შემთხვევაში, თუ ნებითგანწყესებული მარეკი ისევ რამეს ჩაიდენს.

კიდევ ერთი საქმე იყო განსახილველი. ერთდროულად ნებითგანწყესებულ მარეკთან ერთად დივიზიის სასამართლოს საპატიმრო განყოფილებიდან ნაობახტში გადაყვანილ იქნა ცრუმოსახელე ოცეულის მეთაური ტეველესი, რომელიც ამ ცოტა ხნის წინათ გაჩნდა პოლკში, სადაც გადმოგზავნილ იქნა ზაჰრების საავადმყოფოდან. მას დიდი ვერცხლის მედალი ჰქონდა, ნებითგანწყესებულის ნიშანი და სამი ვარსკვლავი. იგი მოუთხოვდა მსმენელებს მეექვსე სამარშო ასეულის გმირობაზე სერბიაში და დასძენდა, რომ ასეულისგან მარტო მე გადავრჩიო. გამოძიებით დადგენილი იყო, რომ მეექვსე სამარშო ასეულთან ერთად ომის დასაწყისში ნამდვილად გაემგზავრა ვილაც ტეველესი, რომელსაც არავითარი ნებითგანწყესებულის უფლებები არ ჰქონდა. გამოთხოვილ იქნა ცნობა ბრიგადიდან, რომელზეც მიმაგრებული იყო მეექვსე სამარშო ასეული 1914 წლის 2 დეკემბერს ბელგრადიდან გამოქცევის დროს, და დადგინდა, რომ ვერცხლის მედლით დაჯილდოებულთა და ჯილდოზე წარდგენილთა სიაში არავითარი ტეველესი არ იყო. მაგრამ ბელგრადზე ლაშქრობის დროს ჯარისკაცი ტეველესი ოცეულის მეთაურად მაინც თუ იყო დაწინაურებული — ესეც გაურკვეველი დარჩა, რადგან ბელგრადში წმიდა სავას ეკლესიასთან ბრძოლის შემდეგ მთელი მეექვსე სამარშო ასეული ყველა თავისი ოფიცრით უგზო-უკვლოდ დაიკარგა. დივიზიის სასამართლოში ტეველესი თავს იმართლებდა: ნამდვილად დაპირებული იყვნენ დიდ ვერცხლის მედალს და ამიტომ ეს მედალი ერთი ბოსნიელისგან ვიყიდეო. რაც შეეხება ნებითგანწყესებულის ნიშნებს, სიმთვრალეში დავიკერეო და მუდამ თუ ვატარებდი, ეს იმიტომ, რომ

მუდამ მთვრალი ვიყავიო, ვთვრებოდი კი იმითომ, რომ ჩემი ორგანიზმი დიზენტერიისგან იყო დასუსტებულიო.

შრედერმა გახსნა კრება, მაგრამ, სანამ ამ ორი საკითხის განხილვას შეუდგებოდა, ხაზგასმით აღნიშნა, რომ ფრონტზე გამგზავრების წინ, რომელიც უკვე კარზეა მომდგარი, საჭიროა ხშირ-ხშირად შეეხვედეთ ერთმანეთსო. ბრიგადიდან მაცნობეს, ბრძანებას ველოდებით დღეიწიდანო. სალდათები მუდამ მზად უნდა იყვნენ, და ასეულის მეთაურები ვალდებულნი არიან ფხიზლად ადევნონ თვალ-ყური იმას, რომ ყველანი ადგილზე იყვნენ. მერე კიდევ ერთხელ გაიმეორა ყველაფერი ის, რაც გუშინ ილაპარაკა. მიმოხილვა გაუკეთა სამხედრო ამბებს და მოაგონა დამსწრეთ, რომ ვერაფერმა ვერ უნდა გასტეხოს არმიის საბრძოლო სულისკვეთება და სიმამაცეო.

მაგიდაზე მის წინ გაშლილ სამხედრო მოქმედებათა რუკაზე ჩამწკრივებული უნდა ყოფილიყო ქინძისთავებზე წამოგებული პატარ-პატარა ბაირალები, მაგრამ ეს ბაირალები ახლა წაქცეული იყო და ფრონტებმა ადგილმდებარეობა გადაინაცვლეს. ამოძრობილი ქინძისთავიანი ბაირალები მაგიდის ქვეშაც იყარა.

სამხედრო მოქმედებათა მთელ ფრონტებზე ღამით დიდი არეგდარევა შეეტანა ხვად კატას, რომელიც პოლკის გადამწერებს ყავდათ კანცელარიაში. კატას მოესაქმა ავსტრია-უნგრეთის ფრონტზე და მერე უნდოდა, ალბათ, თავის განავალზე მიწის წაყრა, მაგრამ ფხვიერი მიწის ნაცვლად თათებში ბაირალები მოჰყვა; მიფანტ-მოფანტა ისინი რუკაზე, განავალით მისვარ-მოსვარა ყველა პოზიცია, მარდით მორწყა ფრონტები და ხიდწინა სიმაგრეები და გააბინძურა არმიის კორპუსები.

პოლკოვნიკი შრედერი ძალზე ბეცი იყო.

სამარშო ბატალიონის ოფიცრები ინტერესით თვალს ადევნებდნენ, პოლკოვნიკ შრედერის თითი როგორ უახლოვდებოდა კატის განავლის გროვებს.

— გზა ბუგზე, ბატონებო, სოკალზე გაელით მდებარეობს, — წარმოთქვა პოლკოვნიკმა, ვით წინასწარმეტყველმა და სალოკი თითი მახსოვრობით კარპატებისკენ გააცოცა, მაგრამ ამ დროს თითით შეიჭრა ერთ-ერთ გროვაში, რომელთა საშუალებით კატა ცდილობდა სამხედრო მოქმედებათა რუკა რელიეფური გაეხადა.

— Was ist das meine Herren?<sup>1</sup> — გაკვირვებით წამოიძახა მან, როცა იგრძნო, რომ რალაც მიეწება თითზე.

<sup>1</sup> ის რა არის ბატონებო? (გერმ.).



— Wahrscheinlich, Katzendreck, Herr oberst,<sup>1</sup> ყველას მაგივრად უპასუხა მეტად თავაზიანად კაპიტანმა საგნერმა.

პოლკოვნიკი გველნაკბენივით გავარდა მეზობელ კანცელარიაში. საიდანაც გაისმა საშინელი წყველა-კრულვა და მრისხანე მუქარა. — მთელს კანცელარიას ენით ავალოკვინებ კატის სიბინძურესო.

დაკითხვა მოკლე იყო. გამოირკვა, რომ კატა ორი კვირის წინათ კანცელარიაში მოათრია უმცროსმა გადამწერმა ცვიბელფიშმა. საქმის გარკვევის შემდეგ ცვიბელფიშმა აიკაიფა თავისი გულა-ნაბადი და უფროსმა გადამწერმა წაიყვანა იგი ნაობახტში ბატონ პოლკოვნიკის შემდგომ განკარგულებამდე.

ამით, ასე ვთქვათ, დამთავრდა თათბირი.

პოლკოვნიკი შრედერი დაბრუნდა ოფიცრებთან სიბრაზისგან მთლად გაწითლებული. მას უკვე აღარ ახსოვდა, რომ თათბირის დღის წესრიგში კიდევ იყო ნებითგანწესებულ მარეკისა და ცრუმოსახელეს ოცეულის მეთაურის ტეველესის ბედის გადაწყვეტა.

— ვთხოვ ბატონ ოფიცრებს მზად იყვნენ და ელოდნენ ჩემს შემდგომ ბრძანებებსა და ინსტრუქციებს, — მოკლედ წარმოთქვა მან.

ასე დარჩნენ ნაობახტში ნებითგანწესებული მარეკი და ცრუ-

<sup>1</sup> როგორც ჩანს. კატის განავალია, ბატონო პოლკოვნიკო (გერმ.).

მოსახლე ტვეელსი და, როცა მათ შემდეგ ცვიბელფიშიც მიემატა, უკვე შეეძლოთ „მარიაში“ შეედგინათ და გართობილიყვნენ, მარიაშის შემდეგ კი თავის ყარაულებს აუხირდებოდნენ ხოლმე, გინდათ თუ არა ჩვენი დოშაკები რწყილებისგან გაასუფთავეთო.

მოგვიანებით მათთან შეაგდეს მეცამეტე სამარშო ასეულის ეფრეიტორი პეროუტკა. როცა ბანაკში ხმა დაირხა, პოზიციებზე მივდივართო, იმავე საღამოს პეროუტკა საღლაც გაჰქრა და დილით პატრულმა იგი ბრუკაში — „უ ბილე რუჟეში“ იპოვა. იგი თავს იმართლებდა იმით, რომ ფრონტზე წასვლის წინ მინდოდა ბრუკაში დამეთვალიერებინა გრაფ ჰარახას სახელგანთქმული მინის ქარხანაო. უკან რომ ვბრუნდებოდი, გზა ვერ გავიგნე და მხოლოდ დილით, მთლად ილაჯგაწყვეტილმა, მივალწიე „ბილე რუჟეშიო“! (ნამდელილად კი რუჟენკასთან ეძინა „ბილე რუჟეში“).

სიტუაცია კვლავ გაურკვეველი დარჩა. დაიძვრებოდნენ ფრონტისკენ თუ არა? შევიკმა მეთერთმეტე სამარშო ასეულის კანცელარიაში ტელეფონით სულ სხვადასხვა მოსაზრებანი მოისმინა. პესიმისტური და ოპტიმისტური. მეთორმეტე სამარშო ასეული ტელეფონით ლაპარაკობდა, თითქოს ვილაკამ კანცელარიაში გაიგონა, რომ ჯერ წინასწარ მოძრავ სანიშნეზე სროლაში ვარჯიშს ჩავატარებთ და მხოლოდ ამის შემდეგ წავალთო. ამ ოპტიმისტურ შეხედულებას არ იზიარებდა მეცამეტე სამარშო ასეული, რომელიც ტელეფონით გადმოსცემდა, — ეს-ესაა ახლა ქალაქიდან დაბრუნდა კაპრალი ჰავლიკი, რომელმაც ერთი რკინიგზელისგან გაიგო, თითქოს სადგურზე ვაგონები უკვე ჩამოყენებულაო.

ვანეკმა ბრაზიანად გამოგლიჯა ხელიდან შვეიკს ყურმილი და დაიყვირა, — რკინიგზელებს ინჩი-ბინჩი არ ესმით, მე თვითონ ახლა კანცელარიიდან დავბრუნდიო.

შვეიკი სიამოვნებით მორიგეობდა თავის პოსტზე ტელეფონთან და კითხვებზე „ახალი რა არის?“ უპასუხებდა, — გარკვეულად ჯერ არაფერია ცნობილიო.

ასევე უპასუხა პორუჩიკ ლუკაშის კითხვაზეც:

— ახალი რა არის?

— გარკვეულად ჯერ არაფერია ცნობილი, პანე ობერ-ლეიტენანტ, — სტერეოტიპულად უპასუხა შვეიკმა.

— ვირო! დაკიდე ყურმილიო.

მერე გადმოსცეს რამდენიმე ტელეფონოგრამა, რომლებიც მთელ რიგ გაუგებრობათა გადალახვის შემდეგ მიიღო შვეიკმა.

პირველ რიგში გადმოსცეს ის ტელეფონოგრამა, რომელიც და-



მით ვერ უკარნახეს, რადგან ყურმილი გადაკიდებული ჰქონდა შვეიკს და მთელი დამე არხეინად ეძინა.

ეს ტელეფონოგრაფა ეხებოდა იმათ სიას, ვისაც ტიფის საწინააღმდეგო ჰქონდა აცრილი და ვისაც არ ჰქონდა აცრილი.

მერე შვეიკმა მიიღო დაგვიანებული ტელეფონოგრაფა კონსერვების შესახებ. ეს საკითხი უკვე გუშინ იყო გამორკვეული.

შემდეგ მოვიდა ტელეფონოგრაფა პოლკის ყველა ბატალიონის ასეულისა და დანაყოფისადმი.

„ბრიგადის ტელეფონოგრაფის № 75692 ასლი. ბრძანება ბრიგადისადმი № 172.

საველე სამზარეულოთა მეურნეობის ანგარიშგების დროს გამოთხოვილი სურსათ-სანოვავის დასახელებისას დაცულ იქნას შემდეგი თანამიმდევრობა: 1 — ხორცი, 2 — კონსერვები, 3 — ახალი ბოსტნეული, 4 — გამზმარი ბოსტნეული, 5 — ბრინჯი, 6 — შაკარონი, 7 — ბურღული, 8 — კარტოფილი, — ნაცვლად წინანდელი თანამიმდევრობისა: 4 — გამზმარი ბოსტნეული, 5 — ახალი ბოსტნეული“.

როცა შვეიკმა ეს უფროს გადამწერს წაუკითხა, ვანეკმა ზეიძურად განაცხადა, — ასეთ ტელეფონოგრაფებს საპირფარეოში ჰყრიან.

— ეს, უთუოდ, რომელიმე ყეყენმა გამოიგონა, არმიის შტაბებში რომ სხედან, მერე ასეთ სისულელეებს ყველა დივიზიას, ბრიგადას, პოლკს უგზავნიან.

ბოლოს შვეიკმა კიდევ ერთი ტელეფონოგრაფა მიიღო, რომელიც ძალზე სწრაფად უკარნახეს და მან მხოლოდ რაღაც შიფრის მაგვარი! ჩაწერა მოასწრო ბლოკნოტში: „In der Folge genau erlaubt gewesen oder das selbst einem hingegen immerhin eingeholet werden“<sup>1</sup>.

— ყველაფერი ეს ზედმეტია, — თქვა ვანეკმა, როცა შვეიკმა თავისი ჩანაწერი ხმაშემალი საშუალო წაიკითხა და თვითონვე გაოცდა, — ეს რა აბღა-უბღა დამიწერიაო. — თავიდან ბოლომდე სისულელეა, თუმცა ეშმაკი არ ხუმრობს! — ვინ იცის, იქნებ დაშიფრული ტელეფონოგრაფაა. მაგრამ ასეულში ჩვენ საშიფრო განყოფილება არა გვაქვს. ამიტომ შეგვიძლია ესეც გადავადგოთ.

— მეც ასე ვფიქრობ, — თქვა შვეიკმა. — მე რომ ბატონ ობერლეიტენანტს მოვახსენო, in der Folge genauer erlaubt gewesen oder das selbst einem hingegen immerhin eingeholet werden, ვფიქრობ, ძალიან გამიჯავრდებოდა.

<sup>1</sup> იმისა გამო უფრო ზედმიწევნით ნებადართულია ანდა დამოუკიდებლად პირიქით ყველა შემთხვევაში ანაზღაურებულ უნდა იქნას. (გერმ.)

— ზოგიერთი ადამიანი, მე თქვენ გეტყვით, დიდი უქმური და უკარებაა, — განაგრძო შევიკმა, რომელსაც რაღაც მოაგონდა თავისი თავგადასავლიდან, — ერთხელ ტრამვაით მივდიოდი ვისოჩანიდან პრალაში; ლიბნეში ვაგონში ამოვიდა ვინმე პან ნოვოტნი და მძლოლის ბაქანზე გაჩერდა. როგორც კი იგი შევიცანი, მივედი მასთან და გავუბი საუბარი, — ჩვენ თანასოფლელები ვართ, ორივე დრაჟოველი-მეთქი, მან კი ღრიალი დამიწყო, თავი გამანებეთ, მე თქვენ არ გიცნობთო. რა არ მოვაგონე, იქნებ გავახსენდე-მეთქი, — პატარა ბიჭი რომ ვიყავი, თქვენთან დავდიოდი, დედათქვენს ანტონია ერქვა, მამათქვენს — პროკოფი; მამა ყარაულად მსახურობდა მამულში-მეთქი. მაგრამ იგი ამის შემდეგაც თავისაზე იღვა, — არ გიცნობთ, და არაო. მაშინ კიდევ უფრო დაწვრილებითი ცნობები მოვეუყვანე დასამტკიცებლად: მოვახსენე, რომ დრაჟოვეში ორი ნოვოტნი იყო — ტონდა და იოზეფი, და აი თქვენ სწორედ ის იოზეფი ბრძანდებით-მეთქი; მე დრაჟოვედან მომწერეს თქვენზე, რომ ცოლი მოგიკლავთ, რადგან გამუდმებით სიმთვრალეს გაყვედრიდათ თურმე. ეს ვუთხარი თუ არა, ხელი შემომიქნია, ერთი მაგრად უნდა ელენწა ჩემთვის სახეში, მაგრამ ავიციდინე, ხელი მოხვდა ვაგონის მძლოლის წინ დიდ მინას და ჩაღეწა. რა თქმა უნდა, ჩამოგვსვეს და კომისარიატში წაგვიყვანეს; გამოირკვა, რომ ის კაცი, თურმე, იოზეფ ნოვოტნი კი არ იყო, მონტჰომერელი ეღუარდ დაუბრავე გახლდათ ამერიკიდან და აქ ნათესავების მოსანახულებლად ჩამოსულიყო. ამიტომ იყო, ასე ძალიან რომ ითაკილა ყოველივე.

ტელეფონმა შეაწყვეტინა შევიკს ლაპარაკი, და ვილაცის ხრინწიანმა ხმამ მეტყვეიამფრქვევეთა რაზმიდან იკითხა — მივდივართ თუ არაო? ამის შესახებ დილიდანვე თათბირი მიმდინარეობს პოლკოვნიკთანო.

კარებში გამოჩნდა მკვლარივით ფერდაკარგული კადეტი ბიგლერი, — მთელ ასეულში იმისთანა ბოთე სხვა არავინ იყო; ნებითგანწესებულთა სასწავლო რაზმში ეს ბეყეირათი ცდილობდა თავი გამოეჩინა თავისი ცოდნით, რისთვისაც სასაცილოდ ჰყავდათ აგდებული. ბიგლერმა თავით ანიშნა ვანეკს, დერეფანში გამოდიო. იქ დიდხანს საუბრობდნენ.

ვანეკი დაბრუნდა და ზიზლით გაიღიმა.

— აი შტერი თუ გნებავთ, ეგაა! — უთხრა მან შევიკს. — კარგი მოუვიდა მაგის ცხვირს, კარგი ვინმე კი გვყავს სამარშო ასეულში! თათბირზე ყოფილა და როცა იშლებოდნენ, ბატონ ობერ-ლეიტენანტს განკარგულება გაუცია, ოცეულის მეთაურებმა შაშხანები შეამოწმონ მთელი სიმკაცრითო. ჰოდა, ბიგლერმა ჩემთან მოირბინა შესაკითხა-



ვად, ხომ არ გავსცე განკარგულება, შეკოქონ სალდათი ქლაბეკი იმის გამო, რომ შაშხანა ნავთით გაწმინდაო. — ვანეკი აღელდა. — ასეთ სისულელეზე მეკითხება რჩევას, თუმცა კარგად იცის, რომ პოზიციებზე მივდივართ! ბატონი ობერ-ლეიტენანტი გუშინ სწორად მოიქცა, თავისი დენშჩიკი ბალოუნი რომ გაათავისუფლა. მე იმ ძაღლის ლეკვს, ბიგლერს კიდევ ვუთხარი, მოერიდეთ სალდათების გახელე-ბას-მეთქი.

— რაკი თქვენ დენშჩიკი ახსენეთ, — თქვა შვეიკმა, — ხომ ვერ მეტყობდით, მოუძებნეთ თუ არა ბატონ ობერ-ლეიტენანტს ახალი დენშჩიკი?

— მეტი ჭკუა გამოიჩინეთ, — უპასუხა ვანეკმა, — დრო გვეყოფა. სხვათა შორის, მე ვფიქრობ, რომ ბატონი ობერ-ლეიტენანტი ბალოუნს შეეჩვევა; დრო და დრო, რა თქმა უნდა, ბალოუნი რალაც-რალაცეებს შეუსანსლავს, მერე ამის მადაც დაეკარგება, ფრონტზე რომ მოხვდება. იქ ხშირად არც ერთსა და არც მეორეს ლუკმა პურიც არ ექნებათ. როცა მოვახსენებ, რომ ბალოუნი მასთან დარჩა, ველარაფერს გააწყობს. ეს ჩემი საზრუნავია, ბატონ ობერ-ლეიტენანტს ეს არ ეხება. მთავარია: არ ვიჩქაროთ! სიჩქარით ქვეყანა არ აშენებულა.

ვანეკი ისევ დაწვა საწოლზე და თქვა:

— შევიკ, მიაგმეთ რომელიმე ანეკდოტი სამხედრო ცხოვრებიდან.

— შეიძლება, — უპასუხა შევიკმა, — მაგრამ კიდეც ვინმე დაგვირეკავს და არ დაგვაცლიან.

— თქვენც აიღეთ და, გამოთიშეთ ტელეფონი: მოუშვით მავთული, ან გადადევით ყურმილი.

— კეთილი, — თქვა შევიკმა და გადაკიდა ყურმილი. — გიამბობთ ერთ შემთხვევას, რომელიც ძალიან გაეს ჩვენს მდგომარეობას. ოღონდ მაშინ ნამდვილი ომის ნაცვლად მანევრები იყო, პანიკა კი ზუსტად ისეთივე იყო, როგორიც დღეს მოხდა აქ: იმათმაც არ იცოდნენ, როდის გავიდოდნენ ყაზარმებიდან. ჩემთან ერთად მსახურობდა პორუჩიჩელი შიცი, კარგი ყმაწვილი, ოღონდ მეტისმეტად ღვთისმოშიში და გაუბედავი. ასე წარმოედგინა, რომ მანევრები რალაც საშინელებაა, წყურვილისგან ადამიანები გზაში ვარდებიან, სანიტრები კი მათ ჩამოცვივებული ხილის ნაყოფივით აგროვებენო. ამიტომ წყალს ზედმეტად სვამდა — მოვიძარაგოო, და როცა ყაზარმებიდან გავედით და მნიშეკს მივალწიეთ, თქვა: „მე ამას, ბიჭებო, ვერ ავიტან, მხოლოდ ღმერთი თუ მიშველის, თორემ დავიღუპე და ესააო!“ მერე პორუჩიჩეში მივედით, იქ ორი დღე დაგვასვენეს, ვინაიდან რალაც შეცდომა მოხდა, ჩვენ ისე სწრაფად მივდიოდით წინ, რომ მარჯვენა და მარცხენა ფრთიდან მომავალ პოლკებთან თითქმის ერთდროულად კინალამ ხელში ჩავიგდეთ „მტრის“ შტაბი. მერედა, რარიგ შევრცხვებოდით, რადგან ჩვენს კორპუსს წინასწარი ვარაუდით მარცხი უნდა განეცადა, „მტერს“ კი უნდა გაემარჯვნა, — მასთან ამ დროს რომელიღაც ჯოჯოხეთის მამხალასავით უშნო ერცჰერცოგი იყო. შიცმა ასეთი ოინი მოაწყო. როცა დავბანაკდით, ადგა და წავიდა პორუჩიჩეს გადაღმა მდებარე ერთ სოფელში რალაცრაალაცეები რომ ეყიდნა თავისთვის; სადილობამ რომ მოატანა, ივი უკან ბანაკში გამობრუნდა. ცხელოდა, თან გვარიანად გადაკრულშიც იყო. გზაში ბოძი დაინახა, ბოძზე მინაჩასმული ყუთი, ყუთში მინის ქვეშ წმიდა იან ნეპომუცკის პაწაწიკინტელა ქანდაკება. ილოცა წმიდა იანის წინაშე მუხლმოდრეკილმა და შემდეგ ასე მიმართა: „ფვიქრობ, იან, გცხელა, ურიგო არ იქნებოდა რამე დაგელია. ზედ მზის გულზე ხარ. თუ სულ მუდამ ოფლში ხარ გაწურული?“ შეანჯღღრია სალაშქრო მათარა, გადაჰკრა და ეუბნება: „შენც დაგიტოვე ერთი ყლუპი, წმიდაო იან ნეპომუცკი“. მერე ისევ მიიყუდა მათარა და უკანასკნელი წვეთიც კი ამოწუწუნა, ასე რომ წმიდა იან ნეპომუცკის აღარაფერი დარჩა. „ღედაო ღვთისა — წამოიძახა შიცმა. — ეს უნდა მაპატიო, წმიდაო იან ნეპომუცკი, ამისთვის სიკეთით გადაგიხდი.

ჩემთან ერთად ბანაკში ჩაგიყვან და ისე გამოგათრობ, რომ ფეხზე ველარ დგებოდე.“ და კეთილმა შიციმა, რომელსაც შეეცოდა წმიდან იან ნეპომუცკი, გაამტვრია მინა, გამოიღო წმიდანის ქანდაკება, ჩაიღო გიმნასტურის გულჯიბზეში და ბანაკში წაიღო. მერე წმიდა იან ნეპომუცკის მასთან ერთად ჩალაზე ეძინა. შიცი მას თან ატარებდა ზურგჩანთით ლაშქრობის დროს, და ყოველთვის ბედი წყალობდა ბანქოს თამაშში. სადაც კი დასასვენებლად განვლავდებოდით, იგი ყოველთვის გვიგებდა კარტში, სანამ პრაახენსკოში ჩავიდოდით. დაეზინავდით დრაგენიცებში, და რაც აქამდე მოიგო შიციმა, სულ ერთბაშად გაუშვა ხელიდან. როცა დილით გზას გაუღდექით, მსხლის ხის ტოტზე მარყუჟში თავგაყრილი წმიდა იან ნეპომუცკი კონწილობდა. აი, ესეც თქვენ ანეკდოტი. ახლა ჩამოვეიდებ ყურმილს.

და ტელეფონში კვლავ შეიქრა ბანაკის ნერვიული ცხოვრების მაჯისცემა. სიმშვიდის ჰარმონია დარღვეული იყო.

სწორედ ამ დროს პორუჩიკი ლუკაში სწავლობდა თავის ოთახში პოლკის შტაბიდან ახლახან გადმოცემულ არმიის შიფრს, რომელსაც დართული ჰქონდა გაშიფრვის სახელმძღვანელო, ამავე დროს არჩევდა საიდუმლო დაშიფრულ ბრძანებას იმის შესახებ, რა გზით უნდა წასულიყო სამარშო ბატალიონი. ჰალიციის საზღვრისკენ (პირველი ეტაპი).

7217 — 1238 — 475 — 2121 — 35 — მოშონი \*

8922 — 375 — 7282 — რაბი \*

4432 — 1238 — 7217 — 375 — 8922 — 35 — კომარო.

7282 — 9299 — 310 — 375 — 7881 — 298 — 475 — 7979 —

ბუდაპეშტი.

ეს ციფრები რომ გაშიფრა, პორუჩიკმა ლუკაშმა მძიმედ ამოიხეწეშა:

Der Teufel soll das buserieren. <sup>1</sup>

<sup>1</sup> უხეში გერმანული ვინება.

## წმინდმწიგნი

### ნაწილი პირველი

გვ. 5. ქალღმერთის ტაძარი — ქალღმერთ არტემიდას ტაძარი მცირე აზიის ნავსადგურში — ეთესში.

გვ. 5. ჰეროსტრატე — ბერძენი, რომელმაც 356 წ. ახალ წელთაღრიცხვამდე დასწვა არტემიდას ტაძარი ეთესში, რათა ამით გაეთქვა და უკვდავეყო თავისი სახელი ისტორიაში; აქედან ყოველ პატივმოყვარე ადამიანს, რომელიც სახელის მოსახვეჭად არაერთარ საშუალებას, თუნდაც დანაშაულებრივი იყოს ის, არ ერიდება, უწოდებენ ჰეროსტრატს, — ეს სახელი საზოგადო სახელად იქცა.

გვ. 9. ოპოდელდოკი — ქაფურისა და სპანის ხსნარი წმინდა სპირტში.

გვ. 10. ერცჰერცოგი ფერდინანდი (1863—1914) — ფრანც ფერდინანდ ფონ ესტე, ავსტრია-უნგრეთის იმპერატორ ფრანც იოსებ I-ის ბიძაშვილი; მოკლულ იქნა სარაევოში 1914 წლის 28 ივნისს.

იქვე. კონოპიშჩე — ერცჰერცოგ ფრანც ფერდინანდის ციხე-სიმაგრე ჩეხეთში.

იქვე. რას ვემართლებოდი, ბოსნია და ჰერცეგოვინა რომ წაეკრათ. — 1908 წელს ავსტრია-უნგრეთმა შემოიერთა ბოსნია-ჰერცეგოვინა.

გვ. 11. ხომ გახსოვთ, პანლუკენი, რომელმაც ქლიბი ჩასცა და ჩვენს დედოფალ ელისაბედს და მოჰკლა. — ლუიჯი ლუკენა 1898 წელს 10 სექტემბერს მოკლა ავსტრიის დედოფალი ელისაბედი (1837—1898), ფრანც იოსებ I-ის მეუღლე.

იქვე. ...რაკი მისი ბიძისგან უკვე დაიწყეს. — შეეიკი სცდება: ფრანც ფერდინანდი ბიძაშვილი იყო და არა ბიძა ფრანც იოსებ I-ის.

იქვე. ...ის კაცი გამოსაფხიზლებლად ხელურებით წაიყვანეს. — ავსტრიის მონარქიის ბატონობის დროს პრადის ქუჩებიდან მთვრლები გამოსაფხიზლებლად ხელურიკა-კალათით მიჰყავდათ.

გვ. 12. იქნებ გახსოვთ კიდევ, პორტუგალიაში როგორ მოკლეს საკუთარი მეფე. — ლისაბონში 1908 წლის 1 თებერვალს მოკლულ იქნა პორტუგალიის მეფე კარლოს I, რომელიც, თურმე, ძალზე მსუქანი იყო.

იქვე. აბა, ერთი წაიკითხეთ ვიქტორ ჰიუგოს ნაწარმოებში, ინგლისელებს რა უპასუხა ნაპოლეონის ძველმა გვარდიამ ვატერლოოს ბრძოლაში — ნაპოლეონის გვარდიამ წინადადებაზე იარაღი დაჰყარეთო, უპასუხა: Merdel (ნებეო!) გვარდია კედება, ცოცხალი კი არ ნებდება.

გვ. 13. პ ა ნ კ რ ა ც ი — პოლიტიკურ პარტიზანთა საპეროზილე, რომელიც პრალაში, იმავე სახელწოდების რაიონში იყო.

გვ. 15. შ ე კ ო ქ ი ლ თ ხ ა ს ა ე თ ვ ე გ დ ე. — ეს სასჯელი ავსტრია-უნგრეთის არმიის იყო შემოღებული და შემდეგში მდგომარეობდა: დამნაშავე ჯარისკაცს ხელუბსა და ფეხებს ერთმანეთზე მიუკრავდნენ და ამ მდგომარეობაში ერთი დღე ან მეტხანსაც სტოვებდნენ.

იქვე. ა ხ ა ლ ჩ ე ხ ი — ჩეხური ბურჟუაზიული პარტიის წევრი.

გვ. 17. ... რ ო ც ა კ ო ნ ო პ ი შ ჩ ე შ ი დ ე დ ა ბ რ ე ბ ს ა წ ი ო კ ე ბ დ ა რ ო მ ლ ე ბ ი ც მ ი ს მ ა მ უ ლ შ ი ფ ი ჩ ხ ს ა და ს ო კ ო ს ა გ რ ო ე ბ დ ე ნ ე.

— ერკერტოვი ფრანც ფერდინანდი ცნობილი იყო თავისი სიხარბით. იგი სასტიკად ეპყრობოდა მისი ციხე-სიმაგრის მახლობლობაში მცხოვრებ ლატაკ გლეხელებს.

გვ. 19. ვ ა ე ი შ ე ი ლ ი რ უ დ ო ლ ფ ი ს რ უ ლ ი ა დ ი ხ ა ლ გ ა ზ რ დ ა მ ო უ ე კ დ ა. — ფრანც იოსების ერთადერთი ვაჟი — რუდოლფი გარდაიცვალა 1889 წელს. მიზეზი გაურკვეველი დარჩა.

იქვე. შ ე მ დ ე გ მ ი ი ც ვ ა ლ ა მ ი ს ი ძ მ ა ი ა ნ ო რ თ ი. — ერკერტოვმა იანმა 1889 წელს უარი თქვა თავის ტიტულზე და მიიღო გვარი ორთი. 1890 წელს უგზო-უკვლოდ დაიკარგა.

იქვე. მ ე ო რ ე ძ მ ა კ ი — მ ე ქ ს ი კ ი ს ი მ შ ე რ ა ტ ო რ ი, რ ო მ ე ლ ა ი ღ ა ც ც ი ხ ე ს ი მ ა გ რ ი ს კ ე დ ე ლ თ ა ნ მ ი ა ხ ვ რ ი ტ ე ს.

— ერკერტოვი მაქსიმილიან ჰაბსბურგი, მექსიკის იმპერატორი 1863 წლიდან 1867 წლამდე, აყვანილ იქნა ტახტზე ფრანგი ინტერვენტების მიერ. შემდეგ დაატყვევეს იგი მექსიკელმა რესპუბლიკელებმა და დახვრიტეს ციხე-სიმაგრის კვერეტაროს კედელთან.

იქვე. ... ა რ წ ი ვ ი უ ჩ ვ ე ნ ა... — ავსტრია-უნგრეთის საიდუმლო პოლიციის აგენტებს ნიშანზე გამოსახული ჰქონდათ გერბი ავსტრიის ორთაჟა არწივისა.

გვ. 24. „ პ ე ი, ს ლ ო ვ ი ა ნ ე“, — სიმღერა „პეი სლოვიანე, ჩვენი სლოვიანური სიტყვა ისევ ცოცხლობს“ შეთხზული იყო პრალაში 1834 წელს სლოვაკ სამოტრომშიკის მიერ. გამოქვეყნდა სლოვაკიაში 1834 წელს, მღეროდნენ მახურკის მოტივზე. ფართოდ გავრცელდა სლავ ხალხებს შორის და მათ პიშნად ითვლებოდა.

გვ. 28. ჩ ე ზ ა რ ე ლ ო მ ბ რ ო ზ ო (1835 — 1909) იტალიელი ფსიქიატრიის პროფესორი, რომელიც აწარმოებდა დამნაშავეთა ტიპების შესწავლას. მაგრამ მის წიგნებს შორის არც ერთი არ ატარებს სახელწოდებას: „ბოროტმოქმედი ტიპება“.

გვ. 29. „ ა ო ც ო ნ ა ლ უ რ ი ბ ო ლ ი ტ ი კ ა“, „ ჩ უ ბ ი ჩ ა“ — ჩეხური ბურჟუაზიული გაზეთი, რომელიც ხალხში ცნობილი იყო „ძუენას“ („ჩუბიჩას“) ირონიული სახელწოდებით.

გვ. 30. ი ა ნ ე პ ო მ უ ე კ ი — ჩეხი კათოლიკების წმინდანი.

იქვე. ე ლ ი შ ი ა ნ ი ს ხ ი დ ი დ ა ნ წ ყ ა ლ შ ი ა რ გ ა დ ა უ ძ ა ხ ე ს... — შვეიცია სტდება: ელიშინის ხიდი აგებულ იქნა 1865 — 1867 წლებში, იან ნემომუცი კო, გადმოცემით, XIV საუკუნეში ცხოვრობდა.

გვ. 32. „ მ წ ვ ა ნ ე ა ნ ტ ო ნ ი“ — ტუსაღების გადასაყვან-გადმოსაყვანად პირველად ცხენურები იყო ხმარებაში. ეს ცხენურები მწვანედ იყო შეღებილი და მის პირველ მეეტლეს ანტონინ დოუშა ერქვა — აქედან დაკვივრდა ამ საბოლოო საზიღარის სახელი „მწვანე ანტონი“.

გვ. 33. ტ ე ს ი გ ი — პრალის რესტორანი.

გვ. 36. პ ე ე რ ო ხ ი (1869 — 1928) — ფსიქიატრიის ცნობილი ჩეხი პროფესორი.

გვ. 37. ბოტინი — დედა პრალაში.

იქვე. „ბანეტ“ — რესტორანი პრალაში.

გვ. 39. კალერსონი და ვეიკინგი სამედიცინო ლიტერატურაში არ გვხვდება. უთუოდ პაშეკმა გამოიგონა ეს გვარები.

იქვე. ვიშეპკრადის კლდეისთან ვლტავაზე — ყველაზე ღრმა ადგილი ვლტავაზე.

გვ. 41. წმიდა ვაქლავი. (906 — 929) — ჩეხი მთავარი, ითვლებოდა ჩეხეთის პატრონად.

გვ. 42. კაკონოზე — ჩრდილოეთ-აღმოსავლეთის მთები.

გვ. 46. „სადარის ჩემი სამშობლო“ — ჩეხური პატრიოტული სიმღერა. პირველი მსოფლიო ომის შემდეგ ეს სიმღერა იქცა დამოუკიდებელი ჩეხეთის სახელმწიფო ჰიმნად.

იქვე. გენერალი ვინდოშგრეცი — ავსტრიის ჯარების სარდალი, რომელმაც უღმობლად ჩააბნო 1848 წელს რევოლუცია პრალასა და ვენაში.

იქვე. „ღმერთო, ფარვიდე მეფეს“ — ძველი ავსტრიის სახელმწიფო ჰიმნი.

იქვე. „მივდივით იარომერში“ — ჩეხური სალდათური სიმღერა.

გვ. 49. ეშმაკსაც წაუღიხართ, თქვე მამლებო! — ავსტრია-უნგრეთის მონარქიის ბატონობის დროს ჩეხ პოლიციელებს ქუღში გარკობილი ჰქონდათ მამლოს ფრთა.

გვ. 53. ბენდლოვკა — პრალის ღამის ყაფი.

გვ. 58. ...ერთ-ერთმა ამ შავ-ყვითელმა შტაცებელმა... — ავსტრიის სახელმწიფო ფერებად ითვლებოდა შავი და ყვითელი.

გვ. 59. ჰრადჩანი — პრალის კრემლის — პრადას რაიონი.

გვ. 61. ...ერთმა კრონშა თქვენი ჰირი წაიღო... — ზმობა: ჩეხური სიტყვა „კრონი“ ნიშნავს ფულსაც და მეფის გვირგვინსაც: 1. მიზანში ვისროდი, სანამ ერთ კრონს ბოლოს მოვუღებდი; 2. მიზანში ვისროდი, სანამ მეფის გვირგვინს გვირგვინს ბოლოს მოვუღებდი.

გვ. 68. შავ-ყვითელი არწივი — ავსტრია-უნგრეთის მონარქიის გერბი.

იქვე. კალოუსი — ცნობილი ავსტრიელი საიდუმლო აგენტი პირველი მსოფლიო ომის დროს.

გვ. 71. პიეშოტი — იტალიის მთიანეთის მხარე; აქ ამ სიტყვით აღინიშნება იტალიის ჯარი, რომელიც 1859 წელს ინგლისს ებრძოდა.

გვ. 72. ბრძოლა სოლფერინოსთან — სოლფერინოსთან ბრძოლაში 1859 წელს ავსტრია დამარცხდა.

გვ. 74. მუციუს სცევოლა — ძველი რომაული თქმულების ლეგენდარული ჰაბუკი გმირი, რომელიც შეეცადა მოეკლა ეტრუსების მეფე პორსენა და მისი ჯარებით ალყა შემორტყმული რომი (508 წ. ახალწელთაღრიცხვამდე) ესხნა განსაცდელისგან. მაგრამ მუციუსი მტრის ბანაკში შეიპყრეს და პორსენამ მას ცოცხლად დაწვა მიუსაჯა. მუციუსმა სიკვდილისადმი თავისი უშიშროების გამოსახატავად იქვე, სამსხვერპლოზე მოგიზგიზე ცეცხლის აღში შეპყო მარჯვენა ხელი. ამან ისე განაცვიფრა, თურმე, პორსენა, რომ ბრძანა ტყვე გაეთავისუფლებინათ და ალყაც მოხსნა რომს. ამ დროიდან მუციუსს შეარქვეს სცევოლა, ე. ი. ცაცი, რადგან თავისი გმირობის შემდეგ მან მარჯვენა სამუდამოდ დაჰკარგა და მხოლოდ მარცხენა ხელია შერჩა.



გვ. 74. „ბ რ ი გ ე რ ტ ა გ ე ბ ლ ა ტ“ — ბურჟუაზიული გაზეთი. გამოდიოდა პრალაში გერმანულ ენაზე.

იქვე. „ბ ო ჰ ე შ ი ა“ — გერმანული ნაციონალისტური ბურჟუაზიული გაზეთი. გამოდიოდა პრალაში.

გვ. 76. ფ ე ლ დ შ ა რ შ ა ლ ი რ ა დ ე ე კ ი (1766 — 1858) — ავსტრიის სარდალი, წარმოშობით ჩეხი.

გვ. 82. შ შ ა ნ გ ლ ე — სასჯელი, რომელიც შემოღებულ იყო ავსტრიის არმიის დისციპლინის ხელშეწყობის მიზნით, რომ ფეხის თითის წვერებით და ეხებოდა იატაკს. ამ მდგომარეობაში სტოეზდენენ ერთ საათსა და მეტ ხანსაც.

გვ. 89. ბ ა ბ ი ნ ს კ ი — ჩეხი მხარვედი; ცხოვრობდა XIX საუკუნეში.

გვ. 96. პ რ ი ნ ც ი ე ვ გ ე ნ ი ს ა ე ო ი ე ლ ი (1663 — 1736) — ავსტრიელი სარდალი, რომელიც იბრძოდა თურქეთის, საფრანგეთის, ბავარიისა და პოლანდიის წინააღმდეგ.

გვ. 99. ი ა რ ო ს ლ ა ე კ ლ ი შ ა და კ ა რ ე ლ ს ლ ა ე ი ჩ ე კ ი — გერმანიის, მერე ჩეხოსლოვაკიის პოლიციის აგენტები.

გვ. 102. ფ ე ლ დ ე უ რ ა ტ ი — პოლიციის ხუცესი ავსტრიის არმიის; ოფიცრის ხარისხითა და უფლებებით სარგებლობდა.

გვ. 103. შ ი ნ ი ს ტ რ ა ნ ტ ი — ხუცესის მსახური კათოლიკური წირვის შესრულების დროს.

იქვე. შ ა ხ ა რ ი ი. ს. (1864 — 1944) — ცნობილი ჩეხი პოეტი, თავისი მოღვაწეობის დასაწყისში პროგრესულად განწყობილი, თავგამოდებით ებრძოდა კათოლიციზმს, შავრამ, ერთ-ერთ სტატიაში მან დაიცვა ოლომოუცის არქივის სახელის კომინა.

გვ. 105. „ბ ო რ ც ო ბ ა ნ ა“ — ყაზარმული თამაში. ამ თამაშის მონაწილენი რიგრიგობით მთელი ძალითა და ღონით სცემენ ერთმანეთს უკან რბილ ადგილებზე.

გვ. 108. ს ა ლ ე ს ე ლ ი ფ რ ა ნ ც ი ს კ ი (ფრანსუა სალსკი (1567—1662) — ენეველი ეპისკოპოსი. ფრანსუა სალსკის საღმრთო თხზულებებმა გარკვეული როლი შეასრულეს საფრანგეთის ლიტერატურის მხატვრული ფორმის განვითარებაში.

გვ. 109. დ ო რ ი უ ლ ი გ ა მ ა — გამა ძველებერძენთა მუსიკაში.

გვ. 116. ე ი ნ ო პ რ ა დ ი და ლ ი ბ ე ნ ი — რაიონები, განლაგებული პრალის მონივრულად გარეუბნებში.

იქვე. გ ვ ი რ გ ე ი ნ ო ს ა ნ ი ვ ი რ ი — გავრცელებული ჩეხური ლანძღვა.

გვ. 123. ნ ა ც ი ო ნ ა ლ ს ო ც ი ა ლ ი ს ტ ი — ჩეხური წვრილბურჟუაზიული რეაქციული პარტიის წევრი.

გვ. 124. შ ე ვ ა რ დ ე ნ ი — ცნობილი ჩეხური ბურჟუაზიული გიმნაზთა ორგანიზაციის „შევიარდენის“ წევრი.

იქვე. „რეპრეზენტაცია“ — ასე ეწოდებოდა პრალის დემოკრატიულ წრეებში ფეშენებელურ რესტორანს „რეპრეზენტატულ სახლს“.

გვ. 126. შ ლ ა პ ა კ — ჩეხური ხალხური ცეკვა.

გვ. 134. „შ უ ჯ ი“ — რესტორანი პრალაში.

გვ. 135. „პ ა ნ ი, მ ო მ ე ც ი თ პ ი რ ვ ე ლ ი კ ლ ა ს ი“, — ფელდკურატს ჰგონია, რომ იგი მიმართავს საზოგადოებრივ ფისიან საპირფარეოს დამლაგებელს.

გვ. 139. ...თ ა გ ე წ ა ა ც ა ლ ე თ, ტ ო მ ა რ ა შ ი ჩ ა ა გ დ ე თ და ვ ლ ტ ა ვ ა შ ი გ ი დ ა უ ძ ა ხ ე თ... — ფელდკურატს სურდა ჩემ კათოლიკე წმიდანს იან

ნებომუციის დამსგავსებოდა, რომელიც სიკვდილით დასაჯეს, მოკვეთილი თავი ტომარაში გამოკრეს და ვლტავაში გადააგდეს.

გვ. 139. თავის ირგვლივ მეძალიან მომიხდებოდა შარავანდედად შემოვლებული ვარსკვლავები. — ფელდკურატს მხედველობაში აქვს ვარსკვლავებით შემკული შარავანი, რომელსაც კათოლიკური წმიდანების ხატებს უკეთებდნენ.

გვ. 140. გორგონზოლა — იტალიური ყველი.

გვ. 144. დოქტორი ალექსანდრ ბატეკი — აბსტინენციის (თავდაკერლობის, ზომიერების) პროპაგანდისტი.

გვ. 145. ერშოვიცი და პრადჩანი — რაიონები, განლაგებული პრადის მოპირდაპირე უბნებში.

გვ. 147. ზბრასლავე — აგარაკი პრადის მახლობლად.

გვ. 158. ფარარი — სამრეწველო ხუცესი ჩეხეთსა და სლოვაკიაში; ფარა — სამრეწველო ხუცესის სახლი.

გვ. 170. ლუ რ დ ი — ქალაქი საფრანგეთში; აქ კათოლიკეები სალოცავად დადიოდნენ სასწაულმოქმედი წყლის წყაროზე.

გვ. 175. ბოეენა ნემსოვა (1820 — 1862) — დიდი ჩეხი რეალისტურ მწერალი ქალი. გარდა მოთხრობებისა, გამოაქვეყნა ჩეხური და სლოვაკური ზღაპრების კრებული.

გვ. 176. კოპაის ბალზამი (მალამო) — მალამო, რომელიც სამკურნალო ზეთებს შეიცავს.

გვ. 178. უფლის სხეულის დღესასწაული — კათოლიკური დღესასწაული, რომელიც აღინიშნება ზაფხულის მიწურულში.

გვ. 202. დუბნო — ქალაქი უკრაინაში, სადაც 1914 — 1915 წლებში სერიოზული ბრძოლები წარმოებდა.

გვ. 203. სოკალი — ქალაქი ჰაინციაში (ახლა ლეოვის ოლქია); ნიში — სერბიის ქალაქი; პიავა — მდინარე იტალიაში.

გვ. 225. ვშენორი — აგარაკი პრადის მახლობლად.

გვ. 226. პალი-ბეი, ალი-ბეი, ენეერ-ფაშა, ჯევად-ფაშა — თურქეთის პოლიტიკოსები და გენერლები, რომლებიც მნიშვნელოვან როლს თამაშობდნენ 1914 — 1918 წლებში.

იქვე. ლიშან ფონ ზანდერსი (ეიკე-ადმირალი), უსედონ-ფაშა და პოლტ-ფაშა (გერმანელი გენერლები) მსახურობდნენ პირველი მსოფლიო ომის დროს თურქეთის არმიაში.

გვ. 228. მაასი და მოზელი — მდინარეები დასავლეთ საფრანგეთში, სადაც 1914 — 1915 წლების ზამთარში გააფთრებული ბრძოლები მიმდინარეობდა.

იქვე. კომბრა-ევერუ შარშა — ქალაქი ბელგიის ცენტრში.

იქვე. პარტმანსვეილერის ლუდსახდელი ქარხანა — იყო ფეხსა და სამხრეთ ელზასში.

იქვე. ნადერსბახ უმილპუზ — დაბა ელზასში.

გვ. 229. კლოსტერჰეკ — დაბა ფლანდრიაში.

გვ. 244. ზალცბურგი — პროვინცია და ამავე სახელის ქალაქი ავსტრიაში.

გვ. 246. „მანლიჰეროვეკა“ — მანლიჰერის სისტემის შაშხანა; გავრცელებული იყო ავსტრიის არმიაში.

გვ. 247. პოეტო ფირორდტი — ავადსახსენებელი გერმანელი უხვირო მოლექსე. პირველი მსოფლიო ომის დროს ხობტას ასხამდა გერმანულ იმპერიალიზმს, წერდა მილიტარისტული ხასიათის ლექსებს.

გვ. 247. მარიამის ხატო (მარიამისკი ობრაზი) — პრაღის ძველ სასტუმროს სახელწოდება.

იქვე. ...მთლად წმიდა პაშტალის ეკლესიის მათხოვარი-ვითაა. — ერთხელ, პირველ მსოფლიო ომამდე, პოლიციამ დააპატიმრა მათხოვარი, რომელიც მუდამ წმიდა პაშტალის ეკლესიასთან იდგა და მოწყალებას თხოვლობდა. იგი სხვა მათხოვრებს ახლო არ აუკანებდა, — ეს თქვენი რაიონი არაა, წადით და თქვენს რაიონში იმათხოვრეთო.

გვ. 248. პრეზიკოპი და პანის — ქუჩები პრაღის ცენტრში.

გვ. 252. ნახოლ. — ჩრდილოეთ ჩეხეთის ქალაქი.

გვ. 256. ...იო ჩინელ სტანეკს გამორტყული პქონდა გამოზნექილი სარკე. — სტანეკი საჩაიეს პარტიონი იყო. ვიტრინაში რეკლამისათვის დიდხანს გამოდგმული პქონდა გამოზნექილი სარკე.

იქვე. გრენევილი პრაშნა ბრანანსთან შიისწრაფის სიციცინოლ...

— ჩეხური სალდათური სიმღერაა, გრენადერების მარში.

იქვე. პრაშნა ბრანა — თოფის წამლის კოშკი პრაღის ცენტრში.

გვ. 257. ნეკაზანკა — შესახვევი პრაღის ცენტრში. აქ იყო რამდენიმე ღამის გასართობი სამიციტრო.

გვ. 259. ცერემონიშეისტერი დოქტორი გუთი — ირვი სტანისლავ გუტიარკოვსკი, საშუალო სკოლის მისწავლებელი და თავად შუშმურგ — ლიპეს ოჯახში აღზრდული; იგი წერდა წიგნებს მოგზაურობათა შესახებ, აგრეთვე მაღალი საზოგადოების მანერებზე.

გვ. 260. ლაუდოვა — პორტოკოვა (1868 — 1931) — ცნობილი ჩეხი მსახიობი ქალი, რომელიც აგრარული პარტიის „ვენკოვის“ გაზეთში წერდა მაღალი წრის საზოგადოების მანერებზე.

იქვე. ოლდაფსტროვა (დაიბ. 1876) ბექდავდი ბურეუაზიულ გაზეთში „ხალხური პოლიტიკა“ სტატიებს მაღალი საზოგადოების აღზრდის შესახებ.

## ნაწილი მორა

გვ. 266. „Neue Freie Presse“ — უენური ნაციონალისტური გაზეთი.

გვ. 271. შტირია — ავსტრიის პროვინცია.

იქვე. ლეობენ — ავსტრიის ქალაქი.

იქვე. შარიბორი — ქალაქი, პირველი მსოფლიო ომის დამთავრებამდე შედიოდა ავსტრია-უნგრეთში; ახლა იუგოსლავიას ეკუთვნის.

გვ. 289. ანაბაზისი (ბერძ.). — ლაშქრობა რომელიმე ქვეყანაში. „ანაბაზისი“, გარდა ამისა, — ძველბერძენთა ორი წიგნის სახელწოდებაა: 1. ბერძენ სარდლისა და მწერლის ქსენოფონტეს წიგნის კიროს უმცროსის ლაშქრობის შესახებ და 2. არიანეს წიგნის — ალექსანდრე მაკედონელის ლაშქრობის შესახებ. აქ პაშეკი ირონიულად გადაკვირთ ლაპარაკობს ჩეხოსლოვაკელთა ლეგიონების რეაქციულ ლაშქრობაზე ციმბირში. ამ ლაშქრობას ჩეხმა ნაციონალისტმა მწერლებმა „ციმბირის ანაბაზისი“ უწოდეს.

გვ. 289. ...ფლორიანის უკან... — ესე იგი წმიდა ფლორიანის ქანდაკების უკან; წმიდა ფლორიანი ხანძრისგან დამცველად ითვლებოდა. მრავალ ჩეხურ სოფელში იდგა მისი ქანდაკება, — წმიდანი წყლით აჭრებდა ხანძარს.

გვ. 298. ...ფუ, შე მულრეგო, შენა, დაგვიპირდი დავეგვირ-

გვიწოდებო, შეასრულე, რაღა, შენი სიტყვა. — ფრანკ იოსებმა ზეიმურად აღუთქვა ჩემ ხალხს, რომ ჩეხეთის მეფედ ეურთხებოდა, რასაც აესტრია უნგრეთის ყველა იმპერატორი უკლებლივ ასრულებდა. ფრანკ იოსებმა ეს დაჰირება არ შეასრულა.

გვ. 299. ლანი — ჩეხეთის ტუიანი მიდამო.

გვ. 300. ლიპნიცი — ჩეხეთის სამხრეთ-აღმოსავლეთით მდებარე ამ პატარა ქალაქში თავისი სიოცხლის უკანასკნელი წლები გაატარა იაროსლავ ჰაშეკმა; ლოვინად ჩაეარინილი მწერალი კარნახობდა აქ თავისი რომანის „ყოჩაღ ჯარისკაც შეიკის თავგადასავლის“ უკანასკნელ თავებს, და აქვეა იგი დაკრძალული.

გვ. 311. სტარეიპროხაჟკა — ჩეხებმა იმპერატორ ფრანკ იოსებს „პროხაჟკა“ შეარქვეს, რაც „მოყიადეს“ ნიშნავს.

გვ. 319. კონტუშოვკა — ბოლონური მთავარი ტიპილი არაყი.

გვ. 321. ნიკოლაინიკოლაევიჩი — დიდი მთავარი, პირველი იმპერიალისტური ომის დასაწყისში რუსეთის ჯარების მთავარსარდალი იყო.

იქვე. პრუვერბე — ქალაქი მორავიაში.

გვ. 322. შონბრუნ — სასახლე ვენაში, ავსტრიის იმპერატორთა რეზიდენცია.

გვ. 323. მარიასკოჩიცი — ლეთისმშობლის ხატი, რომელსაც თავყანს სცემდნენ კათოლიკეები.

გვ. 327. ფრანტიშეკპალიცი — (1798 — 1876) — XIX საუკ. უდიდესი ჩეხი ისტორიკოსი; პრადაში ძველი აქვს აგებული.

გვ. 332. ჩერტ — ძალზე მთავარი ნაყენი.

გვ. 335. პაპისპრელიტი — უზუნაესი კათოლიკური სასულიერო წარმომადგენელი პიროვნების წოდება; პაპის კურიის დროს კარისკაცის თანამდებობა იქცა.

გვ. 341. პროფოსი — ციხის ზედამხედველი.

გვ. 342. მალიშე — მდინარე, რომელიც ერთვის მდინარე ვლტავას ქალაქ ჩესკე ბუდეიოვიცესთან.

გვ. 344. „მეშხანსკა ბესედა“ — ძველებური ჩეხური რესტორანი.

გვ. 345. *Morituri te salutant Caesar* (ლათ.) „სასიკედილოდ განწირულნი გესალმებთან შენ, კეისარ!“ — ასეთი შეიძახილთ მიმართავდნენ გლადიატორები ცირკში რომის იმპერატორს.

გვ. 346. შუმავა — მთავრები ჩეხეთის სამხრეთ-დასავლეთით.

გვ. 348. *Signum laudis* (ლათ.) — შექების ნიშანი, წარჩინების პირველი საფეხური, რომელიც მიეკუთვნებოდა ავსტრიის არმიის ოფიცრებს.

იქვე. წმიდა აგნესა — გადმოცემით, წმიდა აგნესა ეხმარებოდა ღატაკებს.

გვ. 349. „პუშკინის ბიძის დღეშია.“ — ნებითგანწყვებული შეცდოშით აწერს ონგინის აზრს თავისი ბიძის შესახებ თვით პუშკინს.

გვ. 350. კოჩი — პირველი მსოფლიო ომის დროს ჩეხი გამოცემული.

გვ. 352. პეტრბურგის იუნკერთა სასწავლებელი — სამხედრო სკოლა ავსტრიაში, რომელიც უშვებდა მესანჯრეთა ნაწილების ოფიცრებს.

გვ. 353. ფელდმარშალი — კონრად ფონ ჰეტცენდორფი. — ავსტრია-უნგრეთის მონარქის გენერალური შტაბის უფროსი პირველი მსოფლიო ომის დროს.

იქვე. შტანგლი — ხუნდები. პატიმრის მარჯვენა ხელს მოკლე ჯაპეით მის მარცხენა ფეხს მიაკრავდნენ. ასე შეკოჰილ ჯარისკაცს დიდი ხნით სტოვებდნენ საყინში.

იქვე. ჩვენ ი უმადლესი მთავარსარდალი. — ავსტრია-უნგრეთის ჯარების უმადლეს მთავარსარდალად ითვლებოდა იმპერატორი ფრანც იოსებ I.

გვ. 355. ...ს წო რ ე დ ა მ დ რ ო ს პ ა რ ლ ა მ ე ნ ტ შ ი უ ნ დ ა დ ა მ ტ კ ი ც ე ბ უ ლ ი ყ ო კ ა ნ ო ნ პ რ ო ე ქ ტ ი ს ა მ ხ ე დ რ ო ვ ა ლ დ ე ბ უ ლ ე ბ ი ს შ ე ს ა ხ ე ბ. — ავსტრიის პარლამენტში წარმოდგენილ იყო საკმაოდ ძლიერი ჩეხური ოპოზიცია, და ჩეხების წინააღმდეგ შოვინისტური გამოხდომები შეიძლება იმით დამთავრებულიყო, რომ ოპოზიციას მხარი არ დაეჭირა ამ კანონპროექტისათვის და ჩაეფუშა ის.

გვ. 360. „ჩ ე ს კ ა ბ ე ს ე დ ა“ — ჩეხური პატრიოტული საზოგადოება, ჩამოყალიბებული XIX საუკუნეში.

იქვე. რ უ ღ ო ლ ფ ი ნ უ მ — სახლი, რომელიც აშენებული იყო პრალაში 1800 წელს პრინც რუდოლფის პატრისაყმაღ. პირველი მსოფლიო ომის დროს აქ ეწყო-ბოდა ლექციები, გამოფენები და კონცერტები. პირველი რესპუბლიკის წლებში ამ სახლში პარლამენტი იყო. 1945 წლიდან აქ არის „ხელოვნების შოლვაწეთი სახლი“.

გვ. 364. ...შ ა ბ ა ც ი ს დ ღ ე ე ბ ი ს ა. — 1914 წელს ავსტრიის ჯარებმა სამჯერ მიადწიეს სერბიის ქალაქ შაბაცს, რომელიც მდ. სავაზე მდებარეობს. მაგრამ ყოველთვის არა მართო უკუაქცევდნენ ავსტრიელებს ამ ქალაქიდან, არამედ სერბიიდანაც ვერეკებოდნენ.

გვ. 370. მ ო ს ტ ნ ა ლ ი ტ ა ვ ე — ქალაქი ჩეხეთში. 1914 წელს საზღვარი ავსტრიისა და უნგრეთს შორის გადიოდა მდინარე ლეიტეზე და ქალაქის მარჯვენა ნაწილი ატარებდა უნგრულ სახელწოდებას კირალიპიდეს. გერმანულად ეწოდებოდა: ბრუკ ნალ ლეიტე.

გვ. 371. შ ტ ე ა ნ ი ც ა — კუნძული მდინარე ვლტავაზე პრალაში. აქ ჩვეულებრივ იმართებოდა ბაზრობის დროს გართობანი.

იქვე. „ლ ო დ ა“ — წვრილბურჯუაზუელი ქურნალი.

იქვე. კ ა ტ ე რ ე ე ნ კ ა — პრალაში ცნობილი ფსიქიატრიული საავადმყოფო

გვ. 384. ე უ რ ნ ა ლ ი „ც ხ ო ვ ე ლ თ ა ს ა მ ყ ა რ ო“ — ჯერ კოლონაში გამოდიოდა, მერე — პრალაში; მასი გამომცემელი იყო ფუქსი. ცოტა ხანს ამ ქურნალის რედაქტორი პაშეკიც იყო. რასაც ნებითაგანწესებულ მარეკი გვიამბობს. თითქმის ყველაფერი ნამდვილ ამბავია, რაც პაშეკს შეემთხვა.

გვ. 388. „ე რ ე შ ი ა“ — „სახალხო“ პარტიის ანუ „რეალისტების“ პარტიის გაზეთი.

იქვე. „ჩ ე ხ“ — ჩეხეთის კათოლიკური პარტიის მარჯვენა ფრთის რეაქციული გაზეთი.

იქვე. პ ო დ კ რ კ ო ნ ო შ ე — მთავრებილ კრკონოშეს მთის ძირი.

იქვე. ...მ უ ხ ა ზ ე შ ე მ ო მ ჯ დ ა რ ფ რ ი ნ ე ე ლ ს. — ქურნალ „ცხოველთა სამყაროში“ გამოქვეყნებული იყო პაშეკის სტატია, რომელშიც იგი აღწერდა ფრინველს სახელწოდებით „კოანა“ — სიტყვასიტყვითი თარგმანი გერმანულს

„Eichelhöher“. კალაჩაიკი მართალი იყო, როცა ამტკიცებდა, რომ ფრინველი Eichelhöher ჩხუხრად არც „კაკლიანაა“, არც „რკოანა“, არამედ „ჩხიკეია“.

გვ. 397. „პ ა ტ ა რ ა მ კ ი თ ნ ე ე ლ ი“ — ჩხუხური ეურნალი მოსწავლეთათვის. იქვე. ი ა ნ შ ტ უ რ ზ ა (1880 — 1925) — XX საუკუნის ერთ-ერთი უდიდესი ჩეხი მოქანდაკე.

გვ. 403. მ ე რ ე ი გ ი ს ი კ ე დ ი ლ ი თ დ ა ს ა ჯ ე ს რ ა დ ა ც პ რ ა გ მ ა ტ უ ლ ი ს ა ნ კ ე ი ს ა თ ვ ი ს. — იმპერატორმა კარლ VI-მ, რომელსაც არ ყავდა ვაჟიშვილი — მემკვიდრე თავისი ტახტისა, 1713 წელს გამოსცა სიგელი; ამ სიგელის თანახმად პაბსბურგების მიწები მემკვიდრეობით გადადიოდა პაბსბურგების დინასტიის მამრობითი სქესის პირველ პიროვნებაზე, რომელიც კი მომავალში დაიბადებოდა. თუ მამრობითი სქესის მემკვიდრე არ გაჩნდებოდა, მემკვიდრეობა გადადიოდა პაბსბურგების გვარეულობის მდედრობით სქესზე. კარლ VI-ის გარდაცვალების შემდეგ (1740 წ.) ამ პრაგმატული სანქციის თანახმად დედოფლად ტახტზე ავიდა კარლოს ქალიშვილი მარია ტერეზა. პრაგმატული სანქციის მტრები — კარლ ალბერტ ბავარიელი, ესპანეთის მეფე ფილიპე V და პრუსიის მეფე ფრიდრიხი — მრავალი წლის განმავლობაში ეწეოდნენ იმს მარია ტერეზას წინააღმდეგ. მოუყვანილ შემთხვევაში ავსტრიელმა მოსამართლეებმა კარლ VI-ის პრაგმატული სანქცია აურიეს ფილოსოფიურ პრაგმატიზმში: სწორედ ფილოსოფიური პრაგმატიზმის მომხრე იყო მენახშირე ფრანტიშეკ ჯეკოროი, რამდენადაც ეს შეგვიძლია დავასკვნათ მისი სიტყვებიდან: „დე იყოს ასე რაც იყო“...

გვ. 406. ი ს ა ე ი — ისაიის შვილი, რომელმაც თავისი პირველშობილობა ოსპის შექამადში გაუცვალა იაკობს. ისაიი, გადმოცემით, მწითური და ბანჯგულიანი იყო, თითქოს ღაზლის შალში იყო გახვეული.

იქვე. „კ უ რ ი ე რ“ — რეაქციული მიმართულების პრადის ილუსტრირებულ ეურნალი, სადაც იბეჭდებოდა სურათები ჩხუხზე, მკვლელობაზე და ა. შ. სათანადო ახსნა-განმარტებებით.

გვ. 414. ტ რ ა ფ ი კ ა — პატარა დუქანი, სადაც იყიდება საფოსტო და საღერბო მარკები, პაპირისი და თამბაქო. ავსტრია-უნგრეთში სახელმწიფო მონოპოლია არსებობდა თამბაქოსა და სხვ. ტრაფიკზე კონცესია, ამ თავისებურ პენსიაზე ეძლეოდა ხეიბრებს, ჯარისკაცების ცოლებს, ქვრივებსა და ა. შ.

გვ. 418. ც ი ს ლ ა ი ტ ა ნ ი ა — მდინარე ლიტვის, ანუ ლეიტის ამიერ (ცის—ლათ. — ამიერ). მხარეს მდებარე ტერიტორია, ესე იგი ავსტრია. ტრანსლიტანია — მდინარე ლიტვის იმიერ (ტრანს — ლათ. — იმიერ) მხარეს მდებარე ტერიტორია, ესე იგი უნგრეთი.

გვ. 420. დ რ ი ნ ა — მდინარე სავას შენაკადი; გამოჰყოფს ბოსნიას სერბიისგან. დრინა და სავა ავსტრიელებმა 1914 და 1915 წლებში .ოთხჯერ გადალახეს და სერბიაში შეიჭრნენ.

ბ ე ლ ა პ ო რ ა. — აქ 1620 წელს მოხდა ისტორიული ბრძოლა ჩეხებისა და ჯვაროსნების. ბელა პორაზე ჩეხები დამარცხდნენ, რის შემდეგ მთელ ჩეხეთში

პაბსბურგების სასტიკმა რეაქციამ გაიძვრა ფესვები. პაბსბურგების ბატონობა სამასწელიწადს გრძელდებოდა.

„**ფილოსოფიკი პეჩი**“ — ტიალი ადგილი პრალის გარეუბანში.

**გრელიცი** (1853 — 1912) — გამოჩენილი ჩეხი პოეტი.

გვ. 442. **„პესტერლი“** — ბურჟუაზიული გაზეთი, გამოდიოდა ბუდაპეშტში.

გვ. 444. **წმიდა სტეფანეს გვირგვინის სამფლობელო** — იგულისხმება უნგრეთი.

იქვე. **„პეშტი პირლაპ“** — უნგრეთის ნაციონალისტური ბურჟუაზიის გაზეთი, გამოდიოდა უნგრეთში.

იქვე. **„შოპრონი — ნაპლო“** — უნგრეთის ბურჟუაზიული გაზეთი, გამოდიოდა ქალაქ შოპრონში.

გვ. 445. **თუთიყუშის პოლკი** — ოთხმოცდამეთერთმეტე პოლკის შერქმეული სახელი; ეს სახელი შეერქვა, რადგან ამ პოლკის ფორმის დამახასიათებელი იყო მწვანე ყაითნის დანაკერები.

იქვე. **პრესბურგი** — სლოვაკიის აბლანდელი დედაქალაქის ბრატისლავას გერმანული სახელწოდება.

გვ. 446. **კომარნო** — ქალაქი უნგრეთში; პირველი მსოფლიო ომის შემდეგ შევიდა ჩეხოსლოვაკიის შემადგენლობაში.

გვ. 447. **დომხაისტერი** — პრივილეგირებული მეოთხე ქვეითი პოლკის ჯარისკაცები და ოფიცრები.

გვ. 448. **ეგერ** — ჩრდილოეთ უნგრეთის ქალაქი.

გვ. 451. **ბონციე** — პრალის რაიონი, სადაც სულით ავადმყოფთა საოლქო საავადმყოფოა მოთავსებული.

გვ. 452. **„Wir kennen uns're pappenheimer!“** — სხარტული სიტყვა, რომელიც გავრცელებულია გერმანელებში. აღებულია ფ. შილერის ტრილოგიიდან **„ვალენშტეინი“**. პაპენჰეიმერელები — გენერალ პაპენჰეიმერის კავალერია იყო. სიტყვასიტყვითი აზრი ამ ფრაზისა შემდეგია: **„ჩვენ ვიცნობთ ჩვენს ჯარისკაცებს!“** გაღატანით: **„ვიცნობთ რა შვილიცა ბრძანდებით!“**

გვ. 456. **პაულა მოუდრაია** (1861 — 1936) — ჩეხი მწერალი ქალი.

გვ. 457. **კარტოუზი** — დიდი საყრობილე ჩეხეთის ქალაქ იენჩინის მახლობლად.

იქვე. **„ფლეკუ“** — ძველებური, დიდად პოპულარული სალუდე პრალში.

გვ. 464. **ალექსანდრე ქუმბოლდტი** (1769 — 1859) — ცნობილი გერმანელი ბუნებისმეტყველი.

გვ. 469. **კრკონოშ** — მითური არსება, მთის სული, რომელიც ბინადრობს კრკონოშის (ბუშბერაზულ) მთებში.

გვ. 473. **ნეიხიდლერი სტა** — უნგრეთშია.

გვ. 475. **დუკლა** — დუკელის უღელტეხილი კარპატებში, სადაც პირველ

მსოფლიო ომში დიდი ბრძოლები მიმდინარეობდა; აქ მთელი ოცდამეგრე ჩეხეთის ქვეითი პოლკი ტყვედ ჩაბარდა რუსებს.

გვ. 482. „უ შ ი ლ ო ს ე რ დ ნ ი ხ ი“ — ერთ-ერთი ყველაზე დიდი და ყველაზე უკეთესი საავადმყოფო პარაღში; აქ მომსახურებას უწევდნენ ავადმყოფებს ორდენ „მოწყალების ძმების“ კათოლიკე ბერები.

გვ. 490. კ ა ნ ტ ი ნ ა — სამხედრო ნაწილის, ფაბრიკის და ა. შ. საჩაიე.

გვ. 495. კ ა რ მ ა — ბედისწერით ნაწინასწარმეტყველვეი მომავალი ამბები.

გვ. 497. კ რ ა მ ა რ ე, შ ე ი ნ ე რ და კ ლ ო ფ ა ჩ — ბურეჟუაზიული პარტიების ჩეხი პოლიტიკური მოღვაწეები; კრამარეი და შეინერი—ნაციონალ-დემოკრატიების ლიდერები იყვნენ, კლოფაჩი — ჩეხ ნაციონალ-სოციალისტების ლიდერი.

გვ. 505. ც ი უ რ ი თ ხ ე ბ ი — ღვთის მლოცველი მანუია ქალების შერქმეული სახელი.

გვ. 521. მ ო შ ო ნ ი — ქალაქი დასავლეთ უნგრეთში.

იქვე. რ ა ბ ი — რკინიგზის სადგური ბუდაპეშტიდან აღმოსავლეთით.



## შ ი ნ ა ა რ ს ი

### წ ი ნ ა ს ი ტ ყ ვ ა ო ბ ა

5

#### ნაწილი პირველი

##### ზურგში

თ ა ვ ი I. როგორ შედგა ფეხი ყოჩაღმა ჯარისკაცმა შეეიკმა მსოფლიო ომში	9
თ ა ვ ი II. ყოჩაღი ჯარისკაცი შეეიკი საპოლიციო სამმართველოში	22
თ ა ვ ი III. შეეიკი სასამართლოს ექიმების წინაშე .	33
თ ა ვ ი IV. როგორ გამოაძევეს შეეიკი საგუყუთიდან . . .	41
თ ა ვ ი V. შეეიკი პოლიციის კომისარიატში სალმოვეს ქუჩაზე . . .	48
თ ა ვ ი VI. შეეიკმა გაარღვია მოჯადოებული წრი და ისევ შინ აღმოჩნდა	57
თ ა ვ ი VII. შეეიკი ომში მიდის	70
თ ა ვ ი VIII. შეეიკი — სიმულანტი	78
თ ა ვ ი IX. შეეიკი საგარნიზონო ციხეში	98
თ ა ვ ი X. შეეიკი — ფელდკურატის დენშჩიკი .	121
თ ა ვ ი XI. შეეიკი და ფელდკურატი საველე წირვა-ლოცვის გადასახდელად მიდიან	152
თ ა ვ ი XII. რელიგიური პაექრობა	164
თ ა ვ ი XIII. შეეიკი ზეთის კურთხევაზე მიდის	173
თ ა ვ ი XIV. შეეიკი — პორუჩიკ ლუკაშის დენშჩიკი	191
თ ა ვ ი XV. დიდი მარცხი . . . . .	244

#### ბოლოსიტყვაობა პირველი ნაწილისა

##### „ზურგში“

259

#### ნაწილი მეორე

##### ფ რ ო ნ ტ ზ ე

თ ა ვ ი I. შეეიკის ფათერაჟი მატარებელში	265
თ ა ვ ი II. შეეიკის ბუდეიოვიცეს ანაბაზისი	290
თ ა ვ ი III. შეეიკის თავგადასავალი კირილიპიდეში .	370
თ ა ვ ი IV. ახალ ტანჯვა-წამებანი .	441
თ ა ვ ი V. მოსტ ნა ლიტავადან სოკალში . . .	469
შენიშვნები პირველი ორი ნაწილისა	522

რედაქტორი ნ. შველიძე  
გამომც. რედაქტორი ც. ზუაჩიძე  
ილუსტრაციები შესრულებულია  
ჩები მხატვრის ე. ლადას მიერ  
გაფორმება — მხატვარ ზ. გორდეღაძისა  
მხატვრული რედაქტორი ჯ. ყავლაშვილი  
ტექნიკური რედაქტორი ზ. ხუნდაძე  
კორექტორები: { ა. არბელიძე  
                          ბ. ლეღევეა

ხელმოწერილა დასაბეჭდად 1/IV-60 წ. ქალა-  
ლის ზომა 60×92<sup>1</sup>/<sub>16</sub>. სააღრ-საგამომც. თაბა-  
ბახი 28,76. სააქტორო თაბახი 28,29. ნაბეჭდი  
თაბახი 33,5.

ტირაჟი 10.000. შეკვ. № 480.

ფასი 18 მან.

ფასი 1961 წ. 1-ლი იანვრიდან 1 მ. 60 კ.

საქართველოს სსრ კულტურის სამინისტროს  
მთავარბოლიგრაფგამომცემლობის ბეჭდვითი სიტყვი-  
კომბინატი. თბილისი, მარჯანიშვილის ქ. 5.

Комбинат печати Главполиграфиздата  
Министерства культуры Грузинской ССР  
Тбилиси, ул. Марджанишвили, 5.

**Ярослав Гашек**  
**Похождения бравого солдата Швейка**

(На грузинском языке)

Государственное издательство

«Сабчота Самартвело»

Тбилиси

1980